







10.

OFFICIA SANCTORUM

IN ECCLESIA METROPOLITANA
CIVITATE AC DIOECESI FLORENTINA

RECITANDA

ILLUSTRISS. AC REVERENDISS. DOMINO

JOACHIM LIMBERTI


ARCHIEPISCOPO FLORENTINO

SS. D. N. PII IX. PRAEL. DOMEST.

ET S. R. J. PRINCIPI

DICATA

ADITIO QUARTA



FLORENTIÆ

FRIDERICUS BENCINI TYPOGRAPHUS

NOVITER IMPRESSIT PROPRIIS EXPENSIS

1858.



Illustriss. ac Reverendiss. Praesul

Cum suasu atque auxilio aliquorum Ecclesiae nostrae Metropolitanae sacerdotum, Officia Propria Sanctorum hujus Florentinae Dioecesis, meis typis recudenda mihi proposuerim, non tantum ut necessitati ecclesiasticorum occurrerem, qui frustra libellum flagitant jam tribus anteactis editionibus exhaustum, verum etiam ut novum hunc omnibus officii recentioribus, singulis suo loco dispositis ditarem, et quantum patitur labor difficillimus, a mendis veterum impressionum expurgatum facerem; nullo sane feliciori auspicio arbitratus sum eundem posse in lucem edere, quam si Paternitati Tuae, qui Florentinam Ecclesiam tuo adhuc recenti auspiciatissimo adventu tanta laetitia afficis, in mei tanquam filii obsequii et venerationis argumentum obtulissem; nam mihi visum est hoc et pietati tuae fore acceptissimum et clero universo, qui Te omnium quot sunt bonorum laude probatum; Antistitem suum jucundissime nuper excepit, et nunc, tuam sollicitudinem, comitatem, benignitatemque expertus, quasi parentem optimum reveretur et diligit.

Si indulgenter faventibusque oculis parvum (quoad mea interest) munus aspexeris, me gratia vel maxima cumulatum satisfactumque abunde credam laboris quem operi explendo majori qua potui diligentia contuli.

Ad Tuos interim provolutus pedes, Pastoralem Benedictionem exposco, meque reverenter subscribo

Paternitatis Tuae Illustriss. ac Reverendiss.

Humill. obed. servum
Friedricum Beneini

S A N C T O R U M

DIE XXVII NOVEMBRIS.

*In Festo B. LEONARDI a
PORTU MAURITIO Confess.*

Duplex

*Omnia de Communi Confess.
non Pontif. praeter ea quae se-
quuntur. Méruit supremos.*

ORATIO

Deus, qui Beátum Leo-
nárdum Confessórem tuum
Evangélicae praedicationis, et
singuláris poeniténtiae grátia
decorásti: concéde propítius,
ut ejus inhaeréntes mónitis, et
exémpla sectántes, praemia
consequámur aetérna. Per Dó-
minum nostrum.

*In I. Noct. Lectiones de
Script. occurr.**In II. Nocturno.*

Lectio IV.

Beátus Leonárdus a Portu
Maurítio in ora Ligústica Itá-
liae piis paréntibus natus,
étiam a prima puerítia mirífi-
ca quadam propensióne ad pie-
tátem porténdit indícia futú-
rae sanctitátis. Quae multo

clarióra deínde ejus in ado-
lescéntia eluxérunt, cum Ro-
mam proféctus in Collégio
Románo stúdiis litterárum, ac
Philosophíae óperam dedit.
Ita enim in illa Scholárum ce-
lebritáte est versátus, ut dum
ingénii exercitatióne némini
concéderet, innocéntia morum,
austeritáte vitae, contéptu
sui, stúdio rerum divinárum
omnes antecéderet, ádeo ut eo
adolescénate alter Aloysius Gon-
zága Collégio illi rédditus vide-
rétur. His pósitois pietátis fun-
daméntis, ad consummándum
sanctitátis opus, quod aedifi-
cáre coeperat inter sodáles
Caravitános adléctus, dum de
more illius sodalitii totus es-
set in navánda ópera Apo-
stólicis Urbis concionatóribus,
captus Apostolátus sanctitáte,
nihil magis in votis habére
coepit, quam se totum proxi-
mórum salúti dedicáre. Ad
quod vitae genus quo facilius
formarétur, terrénis ómnibus
abdicátis in familiam Fratrum
Minórum Reformatórum in-
stitúti rigidióris ingrèssus est.

Hic quám diu vixit numquam a summa sanctitáte est visus abesse. Admiránda in domésticis légibus servándis vigilántia, singuláre oratiónis stúdi-um exímium in Jesum atque in Deíparam amor, assidua in afflic-tándo corpore acérbitas, ardens in próximos charitas, summa in omni virtútum lau-de, ánimi demíssio eum abso-lútum sanctitátis exémp-lar constituébant.

R. Honéstum etc.

Lectio V.

Ex hac virtútis schola, su-scépto Sacerdótio, atque Theo-lógicis stúdiis ad praedicatió-nem formátus, urgénte in próximos charitáte, tamquam e cárcere ad cursum ad lu-crándas ánimas egréssus, tanta contentióne Apostolátum su-scépit, ut conátibus impar e-jéctu ságuinis Apostólicis la-bóribus in ipso praedicatió-nis exórsu abstinére ei fúerit necesse. Hoc ex morbo quinto post anno Deíparae ope re-levátus ad prístinam conten-tiónem ita se renovávit, ut modígii loco haberétur, in corpúsculo ádeo graviter af-fécto, inédia, vigíliis, mace-ratió nibus semper extenuáto tantam inesse firmitátem. Hoc in vitae génere nunquam nec periculis detérritus, nec labó-ribus defatigátus annos quá-tuor supra quadraginta per-severávit. Quanta cum animá-

rum utilitáte declárant Itáliae regiónés admirábili ejus di-céndi vi, qua vel obstinatíssi-mos quosque pervincébat, ad Religiónis stúdi-um revocátae, ac Urbs Roma praecipue, quae conciónibusejus, ad quas étiam Benedictus decimusquartus in-tér fuit, ádeo ad virtútem e-xársit, ut fructus adhuc pe-rénnet admirándi illius Apo-stolátus. Nec vero dum exte-rórum salúti consulébat, suos obliviscebátur. Nam beneficio Cosmae tértii in solitúdine Etrúriae comparáta ea domo, in quam ipse sese a praedica-tióne recípere ad S. Ignátii exercítia solébat, auctor fuit iis, qui árcetius Deo adhaerére vellent, ut eo secéderent, ibí-que juxta leges ab ipso cón-ditas, et a Cleménte undécimo probátas, secréti a pópulo as-perióri vitae génere uteréntur.

R. Amávit eum.

Lectio VI.

Idem plura sodalítia Urbis excóluit, atque illud praecipue Sanctíssimi Cordis Jesu, quod est in Sancti Theodóri templo, in iisque multa iústuit, qui-bus in Christum atque in Deí-param honor mirífice est auc-tus. Horum dulcíssima nòmi-na in ore habébat semper, et tamquam praesídia certa salú-tis pro fóribus domórum pa-lam proponénda curábat. Pas-siónis Domínicae meditándae stúdi-um propagávit sacéllis in

Amphiteatro Flávio aedificá-
tis, ad quae cruciátus Christi
Crucem ad Calvário bajulá-
ntis recoleréntur. Ab eo é-
tiam perpétua Sacraménti Eu-
charístici adorátio praecipuis
in Itáliae Urbibus est consti-
túta. His ígitur aliisque admi-
rándis virtútum méritis ma-
túrus coelo, postquam et pro-
phetiae dono, et miraculorum
virtute Deus sanctitatem Servi
sui confirmáset, cum tempus
appropinquáret retributiónis,
ut Benedícto decimoquárto
fidem praestáret, cui núspiam
nisi Romae se moritúrum pro-
miserat, ex praedicatióne Bo-
noniénsi, ad quam ab eódem
fúerat missus, in Urbem re-
vérsus, labóribus fractus mor-
bo tentári coepit, quo cum
deficeret, Ecclesiæ Sacris, et
benedictiône ipsíus Pontíficis
rite expiátus, qui ad eum de-
cumbéntem statim deférri vó-
luit postquam postréma salutis
mónita frátribus suis dedisset,
anno aetátis suae quinto et
septuagésimo, sanctissime ob-
dormívit in Dómino, die vi-
gésima quinta Novémbris in
Coenóbio S. Bonaventúrae,
ubi nunc ejus corpus cólitur;
eíque Pius sextus qui vivén-
tem magno honóre habúerat,
absolúto prius rite de virtú-
tibus ac miráculis Servi Dei
judicio, anno ab ejus óbitu
quadragésimo quinto Beáto-

rum honóres officium et mis-
sam decrevit.

Rj. Iste homo.

*In III. Noct. Lectiones de
Communi Conf. non Pont. 1. loc.*

DIE IV. DECEMBRIS.

*In Festo S. BERNARDI Conf.
Flor. et Ep. Parm. Duplex.*

ORATIO.

Deus mundi Creátor, et re-
ctor, qui hodiérna die Beátum
Bernárdum Pontíficem ad cae-
léstis regni glóriam transtulí-
sti: da nobis, quaesumus, sámu-
lis tuis; ut qui ejus celebrámus
festivitátem, salutem conse-
quámur et pacem. Per Dómi-
num nostrum etc.

*In I. Noct. Lect. de Script.
occurr.*

In II. Noct. Lect. IV.

Bernárdus Floréntiae claris
natálibus ortus, cum patris
defúnti opulentíssimam hae-
reditátem ingræssus esset, ado-
lescens mundi delicias fastidí-
re coeperat, solidiôres áni-
mi voluptates exquirens: Unde
dum se sopóri dat, per vi-
sum offertur illi vestis mo-
nástica a venerabili viro;
quam cum a principio Ber-
nárdus accíperere renúisset, mox
pro Christi amóre se receptú-
rum pollicitus est. Cujus spon-
siónis memória sollicitior ef-
féctus, beatíssimam Vírginem
rogáre coepit, ut quod sibi

hac in re faciendum esset, inspiráret. Célebris eo témpore erat fama sanctitátis Monachórum Vallisumbrósae, quos beátus Ioánnes Gualbértus sub sanctíssimae Vírginis patrocinio páulo ante institúerat, ad quorum Abbátem declinans Bernárdus, Religiónis ingréssum humíliter expostulávit.

R. Invéni etc.

Lectio V.

Plantátus itaque in vinea Dómini exténdit pálmities bonórum óperum, ádeo ut, defúcto illius loci Abbáte, Abbas ipse sufféctus sit: indeque ad universále Vallisumbrosánae Religiónis régimen fui: promótus. Quem póstea, mórtuo venerábili Petro Cardináli ex Vallisumbrósae Ordine (quem sancta Ecclésia ob tránsitum per ignem Igneum appellavit) Urbánus secúndus ob egrégias ánimi virtútes et exploratíssimam sanctitátem, invítum licet et eníxe reluctántem, ad Cardinalátum assúmpsit, ejúsque ópera contra Henrícum Imperátorem schismáticum ipse et Paschális succéssor saepíssime usi sunt. Bernárdum máxime cóluit Mathíldis Comitíssa óptima foemina, cujus cura públicum donatiónis instruméntum ipsa venerábilis Comitíssa bonórum, tam quae in Itália, quam quae ultra Alpes possi-

débat, Sedi Apostólicae instaurávit. Ea hortánte, et Parménsi pópulo efflagitánte, Parmae, quo ad compéndos Schismaticórum motus se contúlerat, Epíscopus consecrátur, perpéssis ante in ea civitáte quamplúrimis aerúmnis. Nam die Assumptiónis Sanctae Dei Genitrícis, dum cantáto Evangelio conciónem ad pópulum habéret, et haerétici Imperatóris mores aliquántulum perstrinxisset, commóta plebs schismática sanctum virum Missam celebrántem rápuit ad cárcerem: quibus statim Bernárdus ignóvit, illisque véniam et a Mathílde, quae propter éorum scelus exercitum coégerat, et a Pontífice impetrávit.

R. Pósuí etc.

Lectio VI.

Pacem Itáliae, cujus Legátus erat, restítuit, hóstibus Ecclésiae perdómitis. Dimicántes Parmensium ácies, armis et número hóstibus inferióres, fuis ad Deum précibus, ad victóriam praemunívit. Horribilem Padi alluviónem, cuncta in agro Parménsi devastántem advéntu suo, solo Crucis signo compréssit. Moribúndo Mónacho vitae tempus protráxit, quóusque negótiis, quae prae mánibus versabántur, expeditis, Pontificalem illi benedictiónem enlargirétur. Demum actívae vi-

tae actibus, non minus pro Ecclesiae Dei dignitate tuenda suique gregis salute, et Valisumbrosae Religionis exaltatione, quam contemplativae, sacraenim Scripturae studio et orationibus, ad beatam Virginem praesertim, quam Sancti Patris Joannis Gualberti exemplo Patronam adsciverat, conspicuus, in coelum evolavit anno millesimo centesimo trigésimo tertio, pridie nonas Decembris. Ejus corpus Parmae in Ecclesia Cathedrali asservatur.

R. Iste est etc.

In III. Noct. Homil. in Ev. Homo peregre, de Commun. Conf. Pont. 1. loco.

DIE V. DECEMBRIS

Ass. heri

*In festo S. PETRI CHRYSOLOGI
Ep. C. et D. Duplex.*

*Omnia de Comuni Conf.
Pont. praeter ea, quae hic habentur propria.*

AD VESPERAS

In Hymn. dicitur Méruit supremos etc.

Ad Magnif. Ant. O Doctor optime, Ecclesiae sanctae lumen, beate Petre Chrysologe, divinae legis amator, deprecare pro nobis Filium Dei.

ORATIO.

Deus qui beatum Petrum Chrysologum, Doctorem egregium, divinitus praemonstratum, ad regendam et instruendam Ecclesiam tuam eligi voluisti: praesta quaesumus, ut quem Doctorem vitae habuimus in terris, intercessorem habere mereamur in coelis. Per Dominum etc.

Deinde fit com. S. Bernardi, Fer. et S. Sabbae Ab. y. Lex Dei.

In 1. Noct. Lect. de Commun. Conf. Pont. 1. loc. Fidelis Sermo.

P*In II. Noct. Lectio IV.*
etrus, qui ob auream ejus eloquentiam Chrysologi cognomen adeptus est, Foro Cornélii in Aemilia honestis parentibus natus, a prima aetate animum ad Religionem adjiciens, Cornélio Romano, tunc ejusdem urbis Cornéliensis Episcopo, operam dedit; a quo etiam (scientia, et vitae sanctitate cum brevi profecisset) Diaconus creatus est. Postmodum contigit, ut Ravennates ob mortem Archipraesulis sui aliam (ut moris erat) ab eis electum Romam ad sanctum Xystum Papam tertium pro confirmatione miserint, una cum Legatis suis, et cum praedicto Cornélio, qui eundem Levitam secum perdúxit. Interim

sanctus Petrus Apóstolus, et Martyr Apollináris Summo Pontífici in somnis apparuerunt, mediúmque habéntes hunc júvenem, jussérunt ut illum, et non álium, in Archiepiscopum Ravénnae creáret. Hinc Póntifex, mox ut vidit Petrum, cognóvit eum a Dómino Deo praeeléctum, propterea, rejécto illo, quem ipsi offerébant, hunc solum anno Christi quadringentésimo trigésimo tértio illi Metropolitánae praefécit Ecclesiæ. Quod cum Legáti Ravennaténses aegre ferrent, audíta visióne, divínae voluntáti libénter acquiescéntes, novum Archiepiscopum máxima cum reveréntia suscéperunt.

n). Invéni David etc.

Lectio V.

Petrus igitur, licet invítus, in Archipraesulem consecrátus Ravénnam dedúctur: ubi a Valentiniáno Imperátore, et a Galla Placídia ejus matre, ac ab univérso pópulo máxima laetítia excéptus est. Et ille ab eis id unum pétere dixit, ut, quando tantum óneris pro ipsórum salúte subíre non recusávit, studérent ipsi mónitis suis obtemperáre, divinísque praecéptis non obsistere. Duórum Sanctórum tunc ibi defunctorum córpora óptimis unguéntis condíta sepelívit, Barbatiani vidélicet

Presbyteri, et Germáni Antiodorénsis Episcopi, cujus étiam cucúllam, et cilícium sibi vindicávit in haereditátem. Projéctum, et Marcellinum in Episcopos ordinávit. In Classe fontem extrúxit magnítudinis vere admirábilis, et templa quaedam magnífica aedificávit tum beáto Andréæ Apóstolo, tum áliis Sanctis. Ludos ab homínibus personátis cum váriis saltationibus Kaléndis Januárii fieri sólitos concióne cobíbuit acérrima; ubi inter ália illud praecláre dixit: Qui jocári volúerit cum diábolo, non póterit gaudére cum Christo. Jussu Sancti Leónis Papae primi scripsit póstea ad Chalcodonénse Concílium advérsus haeresim Eutychétis. Respóndit praeterea ad Eútychen ipsum et alia epístola quae eidem Concílio in novis editiónibus praefixa, et in Annáles Ecclesiásticos reláta fuit.

n). Pósui adjutórium etc.

Lectio VI.

Dum públice sermónes habéret ad pópulum ádeo véhemens erat in dicéndo, ut prae nímio ardóre vox illi intérdum defécit, sicut cón-tigit in concióne mulieris haemorrhóissae. Unde Ravennátes commóti tot lácrymis, clamóribus, et orationibus locum repleverunt, ut póstea

ipse grátias ágeret Deo, quod in lucrum amóris vériterit damnum ejúsdem sermónis. Cum tandem annos círciter decem et octo eam Ecclésiám sanctíssime rexisset, labórum suórum finem adesse divínitus praenóscens, in pátriam se cóntulit, ubi Sancti Cassiáni templum ingressus, magnum diadéma áureum gemmis distinctum pretiosíssimis ófferens, super altáre majus posuit, nec non áureum cratérem, et paténam argéteam, quam tum rábidi canis morsus, tum febres sanáre saepius expértum est, aqua inde demíssa. Ex tunc Ravennátes qui eúmdem secúti fúerant, dimísit, admonens, ut in eligéndo óptimo Pastóre invigilárent atténte. Mox Deum humíliter precátus, et Sanctum Cassiánum Patrónum, ut benígne ánimam ejus ex-

cíperet, tértio nonas Decémbris plácide ex hac vita mígravit, anno Dómini círciter quadringentésimo quinquagésimo. Sacrum illius corpus, commúni totíus civitátis fletu, ac pietáte, prope corpus ejúsdem Sancti Cassiáni honorífice cónditum, nostris étiam tempóribus religiósse cólitur; cujus tamen bráchium, áuro et gemmis ornátum, Ravénnam delátum in Ursiána Æde veneratur.

n. Iste est etc.

In III. Noct. legitur Homil. in Evang. Vos estis sal terrae, de Commun. Doctor. 8. n. In médio Ecclésiæ apéruit etc.

In Laud. fit comm. Fer. Advent. et S. Sabbæ ꝑ. Amavit In ij. Vesp. a capit. fit de seq. com. praeced. Ant. O Doctor et ser.





DIE VIII. DECEMBRIS

IN FESTO

IMMACULATÆ CONCEPTIONIS

BEATAE MARIAE VIRGINIS

DUPLEX SECONDAE CLASS. CUM OCTAVA



Ad Vesp. Ant. Sicut liliū,
cum reliq. de Laud.

Psal. ut in Officio parvo.

Capitulum.

Prov. 8.

Dóminus possédit me in iní-
tio viárum suárum, ántequam
quidquam fáceret a princípio.
Ab aetérno ordináta sum, et
ex antíquis ántequam terra
fieret. Nondum erant abyssi,
et ego jam concépta eram.

Hymn. Ave. Maris Stella.
ut in Brev.

ŷ. Immaculáta Concéptio
est hódie Sanctae Maríae Vír-
ginis.

ñ. Cujus vita ínclýta cun-
ctas illústrat Ecclésias.

Ad Magnificat.

Ant. Beáta Dei génitrix
María Virgo perpétua, tem-

plum Dómini, Sacrárium Spi-
ritus Sancti, sola sine exém-
plo placuisti Dómino nostro
Jesu Christo. Allelúja.

Oratio.

Deus qui per immaculátam
Víriginis Conceptionem di-
gnum Fílio tuo habitáculum
praeparásti; ejus nobis inter-
cessióne concéde, ut cor et
corpus nostrum immaculátum
Tibi, qui eam ab omni labe
praeservásti, fidéliter custo-
diámus. Per eúmdem Dómi-
num nostrum etc.

AD MATUTINUM

Invitatorium.

I Immaculátam Conceptionem
Víriginis Maríae celebrémus:

* Christum ejus Filium adorémus Dóminum.

Psal. Veníte exultémus.

Hymn. Quem terra, pontus, sidera, ut in *Brev.*

IN I. NOCTURNO

Ant. Multae filiae congregavérunt divítias, tu supergréssa es univérsas.

Psal. ut in Offic. parvo.

Ant. Manus Dómini confortávit te, et ídeo eris benedícta in aetérnum.

Ant. Noli metúere, non moriérís: non enim pro te, sed pro ómnibus haec lex constitúta est.

†. Deus praecínxit me virtúte.

℟. Et pósuit immaculátam viam meam.

Lectio I.

De Libro Ecclesiástici.

Cap. 24.

Ego ex ore Altíssimi prodívi primogénita ante omnem creatúram. Ego feci in coelis ut orirétur lumen indeficiens, et sicut nébula texi omnem terram. Ego in altíssimis habitávi, et thronus meus in columna nubis. Gyrum coeli circuívi sola, et profúndum abyssi penetrávi: in flúctibus maris ambulávi, et in omni terra steti,

et in omni pópulo, et in omni gente primátum hábui: et ómnium excelléntium, et humílium corda virtúte calcávi: et in his ómnibus réquiem quaesívi, et in haereditáte Dómini morábor. Tunc praecépit, et dixit mihi Creátor ómnium: et qui creávit me requiévit in tabernáculo meo, et dixit mihi: In Jacob inhábita, et in Israel haereditáro et in eléctis meis mitte radices.

℟. Quae est ista quae ascendit sicut auróra consurgens, * Pulchra ut luna, elécta ut sol?

†. Quasi arcus refúlgens inter nébulas, et quasi flos rosárum in diébus vernis. Pulchra ut luna.

Lectio II.

Ab initio et ante saecula creáta sum, et usque ad futurum saeculum non désinam, et in habitatióne sancta coram ipso ministrávi. Et sic in Sion firmáta sum, et in civitáte sanctificáta simíliter requiévi, et in Jerúsalem potestas mea. Et radicávi in pópulo honorificáto, et in parte Dei mei haeréditas illius, et in plenitúdine sanctórum détentio mea. Quasi cedrus exaltáta sum in Líbano, et quasi cypréssus in monte Sion. Quasi palma exaltáta sum in

Cades, et quasi plantatio rosae in Jéricho. Quasi oliva speciosa in campis, et quasi platanus exaltata sum juxta aquam in plateis. Sicut cinnamomum et balsamum aromatizans odorem dedi: quasi myrrha electa dedi suavitatem odoris: et quasi storax, et galbanus, et ungula, et gutta, et quasi Libanus non incensus vaporavi habitationem meam, et quasi balsamum non mistum odor meus.

℟. Vidi speciosam sicut columbam ascendentem desuper rivos aquarum, * Cujus inestimabilis odor erat nimis in vestimentis ejus.

℣. Quae est ista quae ascendit de deserto deliciis affluens, innixa super dilectum suum? Cujus.

Lectio III.

Ego quasi terebinthus extendi ramos meos, et rami mei honoris et gratiae. Ego quasi vitis fructificavi suavitatem odoris: et flores mei fructus honoris et honestatis. Ego mater pulchrae dilectionis, et timoris, et agnitionis, et sanctae spei. In me gratia omnis viae, et veritatis: in me omnis spes vitae et virtutis. Transite ad me omnes qui concupiscitis me, et a generationibus meis implerini. Spiritus enim meus super mel

dulcis, et haereditas mea super mel et favum. Memoria mea in generationes saeculorum. Qui edunt me, adhuc esurient: et qui bibunt me, adhuc sitient. Qui audit me non confundetur: et qui operantur in me, non peccabunt. Qui elucidant me, vitam aeternam habebunt.

℟. Congratulamini mihi omnes qui diligitis Dominum * Quia cum essem parvula placui Altissimo.

℣. Fecit mihi magna qui potens est, et sanctum nomen ejus. Quia.

Glória Patri. Quia.

IN II. NOCTURNO

Ant. Eripuit me de inimicis meis fortissimis, et factus est Dominus protector meus.

Ant. Sanctificavit tabernaculum suum Altissimus.

Ant. Fundatur mons Sion exultatione universae terrae, latera aquilonis, civitas Regis magni.

℣. In hoc cognovi quoniam voluisti me.

℟. Quoniam non gaudébit inimicus meus super me.

Lectio IV.

Ex libro S. Ambrósii Episc.
de Virginitas.

Lib. 2. sub init.
Sit vobis tamquam in imagine descripta virginitas vi-

taque beatae Mariae: de qua velut in speculo refulget species castitatis, et forma virtutis. Hinc sumatis licet exempla vivendi: ubi tamquam in exemplari magisteria expressa probitatis, quid corrigere, quid effugere, quid tenere debeatis, ostendunt. Primus discendi ardor, nobilitas est magistri. Quid nobilius Dei matre? Quid splendidius ea, quam splendor elegit? Quid castius ea, quae corpus sine corporis contagione generavit?

¶. Fundamenta ejus in montibus sanctis: * Diligit Dominus portas Sion super omnia tabernacula Jacob.

¶. Gloriosa dicta sunt de te civitas Dei. Diligit.

Lectio V.

Nam de ceteris ejus virtutibus quid loquar? Virgo erat non solum corpore, sed etiam mente, quae nullo doli ambitu sincerum adulteraret affectum. Corde humilis, verbis gravis, animi prudens, loquendi parcior, legendi studiosior, non in incerto divitiarum, sed in prece pauperis spem reponens, intenta operi, verecunda sermone, arbitrum mentis solita non hominem, sed Deum quaerere: nullum laedere, bene velle omnibus, assurgere majoribus natus,

aequalibus non invidere, fuggere jactantiam, rationem sequi, amare virtutem.

¶. Nihil inquinatum in eam incurrit: * Candor est lucis aeternae, speculum sine macula.

¶. Hortus conclusus soror mea sponsa, hortus conclusus, fons signatus. Candor.

Lectio VI.

Quando ista vel vultu laesit parentes? quando dissensit a propinquis? quando fastidivit humilem? quando derisit debilem? quando vitavit inopem? Eos solos solita coetus virorum invisere, quos misericordia non erubesceret, neque praeteriret verecundia. Nihil torvum in oculis, nihil in verbis procax, nihil in actu inverecundum. Non gestus fractior, non incensus solutior, non vox petulantior: ut ipsa corporis species simulacrum fuerit mentis, figura probitatis.

¶. Beata me dicent omnes generationes: * Quia ancillam humilem respexit Deus.

¶. Ornata monilibus filiam Jerusalem Dominus concupivit. Quia.

Glória Patri. Quia.

IN III. NOCTURNO

Ant. Ave grátia plena: Dominus tecum.

Ant. Veníte et vidéte, et narrábo quanta fecit Deus ánimae meae.

Ant. A dextris est mihi Dóminus ne commóvear: propter hoc dilatátum est cor meum.

ŷ. Elégit eam Deus et prae-elégit eam.

ñ. In tabernáculo suo habitáre facit eam.

Lectio VII.

Léctio sancti Evangélíi
secúndum Matthaeum.

Cap. 1.

Liber generatiónis Jesu Christi filii David, filii Abraham. Abraham genuit Isaac. Isaac autem genuit Jacob. Et reliqua.

Homilía sancti Augustíni
Epíscopi.

Matthaeus Evangelísta sic orsus est: Liber generatiónis Jesu Christi filii David, filii Abraham. Quo exórdio suo satis osténdit generatiónem Christi secúndum carnem se suscepisse narrándam. Secúndum hanc enim Christus filius hóminis est: quod étiam se ipse saepíssime appellat, comméndans nobis quid misericórditer dignátus sit esse pro nobis. Nam illa superna

et aetérna generátio, secúndum quam Fílius Dei unigénitus est ante omnem creatúram, quia ómnia per ipsum facta sunt, ita ineffábilis est, ut de illa dictum a Prophéta intelligátur: Generatiónem ejus quis enarrábit?

ñ. Signum magnum appáruit in caelo, Múlier amícta sole, et luna sub pédibus ejus, * Et in cápíte ejus córona stellárum duódecim.

ŷ. Fília Sion tota formósa et suávis est. Et in cápíte.

Lectio VIII.

Exéquitur ergo humanam generatiónem Christi Matthaeus, ab Abraham generátóres commémorans, quos perdúcit ad Joseph virum Mariáe, de qua natus est Jesus. Neque enim fas erat, ut ob hoc eum a conjúgio Mariáe separándum putáret, quod non ex ejus concúbitu, sed virgo péperit Christum. Hoc enim exémplo magnífice insinuátur fídelibus conjugátis, étiam serváta pari consénsu continéntia, posse permanére vocári-que conjúgium, non permíxto córporis sexu, sed custodíto mentis afféctu: praesértim quia nasci eis étiam fílius pótuit sine ullo compléxu carnáli, qui propter solos gignéndos fílios adhibéndus est.

ñ. Benedíxit te Dóminus in

virtúte sua, * Quia per te ad nihilum redégit inimicos nostros.

Ÿ. Hódie nomen tuum ita magnificávit Dóminus, ut non recédât laus tua de ore hóminum. Quia.

Glória Patri. Quia.

Lectio IX.

Cap. 2.

Cum autem evidénter dicat Apóstolus Paulus, ex sémine David secúndum carnem Christum: ipsam quoque Mariám de stirpe David áliquam consanguinitátem duxisse, dubitáre útique non debémus. Cujus féminae, quóniam nec sacerdotále genus tacétur, insinuánte Luca, quod cognáta ejus esset Elisabéth, quam dicit de filiábus Aaron: firmíssime tenéndum est, carnem Christi ex utróque génere propagátam, et regum scilicet, et sacerdotum, in quibus persónis apud illum pópulum Hebraeorum étiam mystica únctio figurabátur, idest chrisma unde Christi nomen elúcet, tanto ante étiam ista evidéntíssima significatióne prænuntiátum.

AD LAUDES

ET PER HORAS.

Ant. Sicut lílium inter spi-

nas, sic amíca mea inter filias.

Ant. Diléctus meus mihi, et ego illi, qui páscitur inter lília.

Ant. Tota pulchra es, amíca mea, et mácula non est in te.

Ant. Benedícta es tu, filia, a Dómino Deo excelso prae ómnibus muliéribus super terram.

Ant. Tu glória Jerúsalem, tu laetítia Israel, tu honorificéntia pópuli nostri.

Capitulum

Prov. 8.

Dóminus possédit me in iní-
tio viárum suárum, ántequam
quidquam fáceret a principio.
Ab aetérno ordináta sum, et
ex antíquis ántequam terra
fieret. Nondum erant abyssi,
et ego jam concépta eram.

Hymn. O gloriósa Virgi-
num.

Ÿ. Immaculáta Concéptio
est hódie Sanctae Mariæ Vir-
ginis.

ñ. Cujus vita inclyta cun-
ctas illústrat Ecclésias.

Ad Benedictus

Ant. Ait Dóminus Deus
ad serpéntem: Inimicítias po-
nam inter te et mulierem, et
semen tuum et semen illius:

ipsa cónteret caput tuum. Al-
lelúia.

Oratio. Deus qui per im-
maculátam. *ut supra.*

Ad Primam.

In r̃. br. dicatur: Qui na-
tus es de Maria Virgine.

Ad Tertiam.

Ant. Diléctus meus.

Capitulum ut in Laud.

r̃. br. Deus * praecínxit me
virtúte. Deus.

ŷ. Et pósuit immaculátam
viam meam. Praecínxit Gló-
ria Patri. Deus.

ŷ. In hoc cognóvi quóniam
voluísti me.

r̃. Quóniam non gaudébit
inimicus meus super me.

Ad Sextam.

Ant. Tota pulchra es.

Capitulum.

Porta haec cláusa erit, non
aperiétur, et vir non intrábit
per eam, quóniam Dóminus
Deus Israel ingressus est per
eam: erítque cláusa Principi.
Princeps ipse sedébit in ea.

r̃. br. In hoc cognóvi. *
Quóniam voluísti me. In
hoc.

ŷ. Quóniam non gaudébit
inimicus meus super me.
Quóniam. Glória Patri. In
hoc.

ŷ. Elégit eam Deus et prac-
elégit eam.

r̃. In tabernáculo suo ha-
bitáre facit eam.

Ad Nonam.

Ant. Tu glória.

Capitulum.

Beátus homo qui áudit me,
et qui vígilat ad fores meas
quotídie, et obsérvat ad po-
stes óstii mei. Qui me invé-
nerit, invéniet vitam, et háu-
riet salutem a Dómino.

r̃. br. Elégit eam Deus *
et praeelégit eam. Elégit.

ŷ. In tabernáculo suo ha-
bitáre facit eam. Et praeelé-
git. Glória Patri. Elégit.

ŷ. Diffúsa est grátia in lá-
biis tuis.

r̃. Proptérea benedíxit te
Deus in aetérnum.

IN II. VESPERIS.

Omnia ut in primis, praeter
Ant. ad Magnif.

Ant. Concéptio tua Dei gé-
nitrix Virgo, gáudium annun-
tiávit univérso mundo: ex te
enim ortus est sol justítiae

Christus Deus noster, qui solvens maledictionem dedit benedictionem; et confundens mortem, donavit nobis vitam sempiternam. Allelúja.

DIE IX. DECEMBRIS

Secunda die infra Oct. semid.
Omnia ut in Festo.

In I. Noct. LL. de Script.

IN II. NOCTURNO.

Lectio IV.

Sermo S. Epiphánii Episc.

Quod *Or. de laud. S. M. Deip.*
Quid dicam? et quid prólo-
quar? Quo pacto beátam
praedicábo glóriæ radicem?
Solo enim Deo excépto, cun-
ctis supérior existit; natúra
formósior est ipsis Chéru-
bim, Séraphim, et omni e-
xércitu angélico: cui praedi-
candæ caeléstis ac terréna
lingua mínime súfficit, imo
vero nec Angelórum. Ét-
enim ipsi quidem hymnum,
láudem, honórem protulé-
runt. Laetabántur vero An-
geli, tamquam ipsi dumtáxat
Deum habérent; quibus san-
ctíssima Virgo supérior fa-
cta, Deum habitántem in
caelis concépit in terra, ut
hac ratióne exércitus Ange-

lórum tráheret in terram, et
versarétur cum homínibus.
Ipsa enim est caeli et terræ
mediátrix, quæ uniónem na-
turáliter perégit.

Lectio V.

O Beáta Virgo, cólúmba
para et sponsa caeléstis Ma-
ría, caelum, templum et
thronus Divinitátis, quæ co-
ruscántem in caelo et in ter-
ra solem habes Christum:
nubes lúcida, quæ fulgur de
caelo lucidíssimum ad illumi-
nándum mundum deduxísti
Christum. Nubes caelésti,
quæ tonítroum Spíritus San-
cti in se ipsa recónditum de-
dúxit in mundum, et imbrem
Spíritus Sancti in univérsam
terram, ad producéndum fi-
dei fructum, cum ímpetu de-
mísit, Ave grátia plena, porta
caelórum, de qua Prophéta
vaticinátus est his verbis:
Ecce porta cláusa, et nullus
ingrediétur per eam, nec e-
grediétur, praetérquam Dó-
minus Deus solus: et erit
porta cláusa duci, quia dux
ipse vocábitur, et in ipsum
sperábunt omnes gentes. De
hac porta étiam in Cánticis
Prophéta in decúrsu oratiónis
plane et apérte prolóquitur
inclámans: Hortus conclúsus
soror, mea sponsa, hortus
conclúsus, fons signátus.

Lectio VI.

Angeli accusábant Evam, nunc vero Mariám glória prosequúntur, quae mulierum infirmitátem vere gloriósam réddidit; quae lapsam Evam eréxit, et Adámum e paradiso dejectum in caelos misit; quae paradisum cláusum apérui, et per latrónem rursum Adámum complantávit. Per te enim, o Virgo, médius obstructiónis páries inimicitias dissólvit; per te pax caeléstis donáta est mundo; per te hómines facti sunt Angeli; per te hómines appelláti sunt amíci, servi, et filii Dei; per te hómines meruérunt esse consérvi Angelórum, et cum eis familiáriter conversári; per te notítia caeléstis a terra trasmíttitur in caelos; per te hómines fidúciam habent in caelo erga Altíssimum; per te Crux respléndit per univérsam terram, in qua quidem cruce pepéndit filius tuus Christus Deus noster; per te mors conculcátur, et spoliátur inférnus.

IN III. NOCTURNO

Lectio VII.

Lectio sancti Evangelii
secúndum Matthaeum.

Cap. 1.

Liber generatiónis Jesu Christi filii David, filii Abraham.

Abraham genuit Isaac, Isaac autem genuit Jacob. Et reliqua.

Homilia sancti Hierónymi
Presbyteri.

I Lib. 1. com. in Mat. in init. In Isaia légimus: Generatió- nem ejus quis enarrábit? Non ergo putémus evangelístam prophétae esse contrárium; ut quod ille impossibile dixit effátu, hic narráre incípiat: quia ibi de generatióne divinitátis, hic de incarnatióne est dictum. A carnálibus áutem coepit, ut per hóminem Deum discere incipiámus. Fílii David, Fílii Abraham. Ordo praepósterus, sed necessarió commutátus. Si enim primum posuisset Abraham, et póstea David, rursus ei repeténdus fúerat Abraham, ut generatiónis séries texerétur.

Lectio VIII.

Ideó áutem céteris praetermíssis, horum filium nuncupávit, quia ad hos tantum facta est de Christo repromissio. Ad Abraham: In sèmine, inquit, tuo benedicéntur omnes gentes: quod est Christus. Ad David: De fructu ventris tui ponam super sedem tuam. Judas autem genuit Phares et Zaram de Thamar. Notándum, in genealogía Salvatoris nullam sanctárum assúmi mulierum, sed

eas, quas Scriptúra reprehéndit: ut qui propter peccátóres vénerat, de peccátóribus nascens, ómnium peccáta deléret. Unde et in consequéntibus Ruth Moabítis pónitur, et Bethsabée uxor Uriae.

J Lectio IX.
Jacob áutem genuit Joseph. Hunc locum obiécit nobis Juliánus Augústus de dissonántia Evangelistárum, cur Evangelista Matthaeus Joseph dixerit filium Jacob, et Lucas eum filium appellárit Heli: non intélligens consuetúdinem Scripturárum, quod alter secúndum natúram, alter secúndum legem ei pater sit. Scimus enim hoc per Móysen, Deo jubénte, praecéptum, ut si frater aut propínquus absque liberis mórtuus fúerit, álius accípiat uxórem ad suscitándum semen fratris, vel propínqui sui. Joseph virum Mariæ. Cum virum audieris, suspicio tibi non súbeat nuptiárum: sed recordáre consuetúdinis Scripturárum, quod sponsi viri, et sponsae vocéntur uxores.

Te Deum laudámus.

DIE X DECEMBRIS
In Festo TRANSLATIONIS ALMAE DOMUS B. MARIAE VIRGINIS LAURETANAE. Duplex majus.
Ad Vesperas Ant. Domum

tuam, cum reliq. de Laud. ut infra Psal. Dixit Dóminus cum reliquis, ut in Officio parvo Beatae Mariae Virginis.

I Capitul. Eccl. 24.
In ómnibus réquiem quae-sivi, et in haereditáte Dómini morábor. Tunc praecépít et dixit mihi Creátor ómnium, et qui creávit me, requiévit in tabernáculo meo.

Hymnus.

Ave Maris Stella; etc.
y. Haec est domus Dómini firmiter aedificáta.

aj. Bene fundáta est supra firmam petram.

Ad Magnif. Ant. Sanctificávit Dóminus tabernáculum suum: quia haec est domus Dei, in qua invocábitur nomen ejus, de quo scriptum est: Et erit nomen meum ibi, dicit Dóminus.

ORATIO.

Deus, qui Beatae Mariae Virginis Domum, per incarnáti Verbi mystérium misericórditer consecrásti, eámque in sinu Ecclesiae tuae mirábiliter collocásti; concede, ut segregáti a tabernáculis peccátórum, digni efficiámur habitátóres Domus sanctae tuae. Per eúmdem Dóminum etc.

Deinde fit comm. Fer. et S

Melchiadis. Nihil de Oct. Concept.

*Ad Matut. Invit. Salvatorem mundi in domo Virginis de Spiritu Sancto conceptum * Venite adoramus.*

Ps. Venite exultemus etc.

Hymnus.

Coeléstis Urbs Jerúsalem etc. prout in Festo Dedic. Ecclesiae.

In I. Noct. Ant. Elevata est magnificentia tua super coelos.

Psal. Domine Dominus noster cum reliquis, prout in Officio parvo B. M. V.

Ant. In sole posuit tabernaculum suum, et ipse tamquam sponsus procedens de thalamo suo.

Ant. Quis ascendet in montem Domini, aut quis stabit in loco sancto ejus? Innocens manibus, et mundo corde.

Y. Domum tuam, Domine decet sanctitudo.

R. In longitudinem dierum.

De libro tertio Regum.

Lectio I.

Cap. 8.

Stetit autem Salomon ante altare Domini, in conspectu Ecclesiae Israel, et expandit manus suas in coelum, et ait: Ergone putandum est, quod vere Deus habitet su-

per terram? Si enim coelum, et coeli coelorum te capere non possunt, quanto magis domus haec, quam aedificavi? Sed respice ad orationem servi tui: et ad preces ejus, Domine Deus meus; audi hymnum et orationem, quam servus tuus orat coram te hodie, ut sint oculi tui aperti super domum. hanc nocte ac die, super domum, de qua dixisti: erit nomen meum ibi ut exaudias deprecationem servi tui, et populi tui Israel quodcumque oraverint in loco isto; et exaudies in loco habitaculi tui in coelo, et cum exaudieris, propitius eris.

R. Vidi speciosam sicut columbam ascendentem desuper rivos aquarum: cujus inaestimabilis odor erat nimis in vestimentis ejus: * Et sicut dies verni circumdabant eam flores rosarum, et lilia convallium.

Y. Quae est ista, quae ascendit per desertum sicut virgula fumi, ex aromatibus myrrhae et thuris? Et sicut.

Lectio II.

Si fugerit populus tuus Israel inimicos suos (quia peccaturus est tibi), et agentes poenitentiam, et confitentes nomini tuo venerint, et oraverint et deprecati te fuerint in domo hac, exaudi in coelo, et dimitte peccatum populi tui Israel, et reduces eos in

terram, quam dedísti pátribus eórum. Si clausum fúerit coelum, et non plúerit propter peccáta eórum, et orántes in loco isto, poeniténtiam égerint nómini tuo, et a peccátis suis convérsi fúerint propter afflictiónem suam, exáudi eos in coelo, et dímittle peccáta servórum tuórum, et pópuli tui Israel, et osténde eis viam bonam per quam ámbulent, et da plúviam super terram tuam, quam dedísti pópulo tuo in possessiónem.

ñ. Quae est ista, quae ascéndit sicut auróra consúr-gens, pulchra ut luna, elécta ut sol: * Terríbilis ut castrórum ácies ordináta?

ŷ. Fília Sion tota formósa, et suávis es, pulchra ut luna, elécta ut sol. Terríbilis.

Lectio III.

Si quis cognóverit plagam cordis sui, et expánderit manus suas in domo hac, tu exáudies in coelo in loco habitatiónis tuae, et repropitiáberis, et fácies ut des unicuique secúndum omnes vias suas, sicut víderis cor ejus (quia tu nosti solus cor ómnium filiórum hóminum), ut tímeant te cunctis diébus, quibus vivunt super fáciem terrae, quam dedísti pátribus nostris. Insuper et alienígena, qui non est de pópulo tuo Israel, cum

vénerit de terra longínqua propter nomen tuum (audiétur enim nomen tuum magnum, et manus tua fortis, et bráchium tuum exténtum ubique) cum vénerit ergo, et oráverit in hoc loco, tu exáudies in coelo in firmaménto habitáculi tui, et fácies ómnia, pro quibus invocáverit te alienígena, ut discant univérsi pópuli terrárum nomen tuum Israel, et probent, quia nomen tuum invocátum est super domum hanc.

ñ. Quae est ista, quae processit sicut sol et formósa tamquam Jerúsalem? * Vidérunt eam filiae Sion, et beátam dixerunt, et Regínae laudavérunt eam.

ŷ. Et sicut dies verni circúmdabant eam flores rosárum, et lília convállium. Vidérunt. Glória etc. Vidérunt.

In II. Noct. Ant. Diffúsa est grátia in lábiis tuis, proptérea benedixit te Deus in actérnum, et in saeculum saeculi.

Psál. Eructávit etc. cum reliquis ut in Officio parvo.

Ant. Santificávit tabernáculum suum Altíssimus.

Ant. Homo natus est in ea, et ipse fundávit eam Altíssimus.

ŷ. Dómine diléxi decórem domus tuae.

ñ. Et locum habitatiónis glóriæ tuae.

Sermo Sancti Bernárdi Ab-
bátis.

Sermo 52. de div.

Lectio IV.

Sapiéntia, quae Dei erat,
et Deus erat; de sinu Patris
ad nos véniens, aedificávit
sibi domum, ipsam scilicet
Matrem suam Virginem Ma-
riam, in qua septem colúm-
nas excídit. Quid est in ea
septem colúmnas excidere,
nisi ipsam dignum sibi habi-
táculum fide, et opéribus prae-
paráre? Nímírum ternárius
númerus ad fidem propter San-
ctam Trinitátem, quaterná-
rius pértinet ad mores propter
quátuor principáles virtútes.
Quod autem in Beáta Maria
Sancta Trinitas fúerit, dico,
per praeséntiam majestátis,
ubi solus Fílius erat per su-
sceptionem humanitátis, tes-
tátur Núntius coeléstis, qui
ei arcána mystéria réserans,
ait; Ave grátia plena, Dómi-
nus tecum; et post pauca:
Spiritus Sanctus supervéniet
in te, et virtus Altíssimi o-
bumbrábit tibi. Ecce habes
Dóminum, habes virtútem
Altíssimi, habes Spíritum San-
ctum, habes Patrem, Fílium,
et Spíritum Sanctum.

¶. O quam metuéndus est
locus iste! * Vere non est hic
áliud, nisi domus Dei, et por-
ta Coeli.

‡. Haec est domus Dómini

firmiter aedificáta, bene fun-
dáta est supra firmam pe-
tram. Vere.

Lectio V.

Utrum autem et quátuor
principáles virtútes, tamquam
quátuor colúmnas, posséderit
inquisitione dignum vidétur.
Primum ergo videámus, an
fortitudinem habúerit: quae
nimirum virtus quómodo illi
abesse pótuit, quae abjéctis
saeculáribus pompis, spretis-
que voluptátibus carnis soli
Deo in virginitáte vívere pro-
pósuit? Ni fallor, haec virgo
est, quae apud Salomónem
légitur: Mulierem fortem quis
invéniet? Procul et de últi-
mis sinibus prétium ejus. Por-
ro, quod téperans, et justa
fúerit, ex Angeli collocutióne,
et sui ipsíus responsiόne, luce
clárius comprobámus. Salu-
táta quippe tam venerábíliter
ab Angelo: Ave grátia plena,
Dóminus tecum; non se éxtulit,
quasi quae ex singulári grá-
tiae privilégio benedicerétur:
sed síluit, et qualis esset in-
sólita haec salutátio secum
eogitávit. Qua in re, quid, nisi
téperans fuit? At vero cum
de coeléstibus mystériis ab
eódem Angelo docerétur, di-
ligénter quaesívit quómodo
concíperet, et páreret, quae
virum útique non cognósce-
ret, et in hoc sine dúbio
prudens éxitit.

ñ. Fundáta est domus Dómini supra vérticem món-tium, et exaltáta est super omnes colles: * Et vénient ad eam omnes Gentes, et dicent: Glória tibi Dómine.

ŷ. Veniéntes autem vénient cum exultatióne, portántes manípulos suos. Et vénient.

Lectio VI.

Justítiae autem praeséfert insigne, ubi se ancillam Dómini confitétur; nam quod justórum sit conféssio, testá-tur qui ait: Verúmtamen ju-sti confitebúntur nómini tuo. Fuit igitur beáta Virgo Ma-ria fortis in propósito, témp-erans in siléntio, prudens in interrogatióne, justa in confessióne. His itaque quá-tuor morum columinis, et tribus fidei praedictis extrú-xit in ea sibi domum Sapién-tia coeléstis, quae ádeo men-tem ejus replévit, ut de plenitúdine mentis, foecundarétur et caro. Ipsíus autem Vírginis natális domus, di-vínis mystériis consecráta, Angelórum ministério ab in-fidélium potestáte in Dalmá-tiam prius, deínde in agrum Lauretánum Picénæ Provínciae transláta fuit, sedente Sancto Caelestíno quinto; e-amdémque ipsam esse, in qua Verbum caro factum est,

et habitávit in nobis, tum Pontificiis diplomátibus, et celebérrima totíus Orbis ve-neratióne, tum continúa mi-raculórum virtúte, et coe-léstium beneficiórum grátia comprobátur. Quibus permótus Innocéntius duodécimus, quo fervéntius erga Matris aman-tíssimae cultum Fidélium me-mória excitarétur, ejúsdem sanctae domus Translatiõem anniversária solemnitate in tota Picéni Província venerá-tam, Missa étiam, et Officio próprio celebrári praecépít.

ñ. Domus mea domus ora-tiόνis vocábitur, dicit Dómi-nus: in ea omnis qui petit, áccipit, et qui quaerit inve-nit *, Et pulsánti aperiétur.

ŷ. Pétite, et accipiétis, quae-rite, et inveniétis. Et pulsánti. Glória Patri. Et pulsánti.

In III. Noct. Ant. Tóllite hóstias, et introíte in átria ejus, adoráte Dóminum in aula sancta ejus.

Psal. Cantáte Dómino etc. cum reliquis ut in Officio parvo.

Ant. Vidérunt omnes pó-puli glóriam ejus.

Ant. Cantáte Dómino cán-ticum novum, quia miráb-ilia fecit Dóminus, allelúja.

ŷ. Domum tuam, Dómine, decet sanctitúdo.

ñ. In longitudínem diérum.

Léctio S. Evangélíi secún-dum Lucam.

Lectio VII.

Cap. 1. 26.

In illo témpore: Missus est Angelus Gábriel a Deo in civitátem Galileae, cui nomen Názareth, ad Vírginem desponsátam viro, cui nomen erat Joseph, de domo David et nomen Vírginis María. Et réliqua.

Homília Sancti Bernárdi
Abbátis.

Ex Homil. 1. Missus est.

Quae est haec Virgo tam venerábilis, ut salutétur ab Angelo, tam húmilis, ut desponsáta sit fabro? Pulchra permixtio virginitátis, et humilitátis. Nec medióriter placeat Deo illa ánima, in qua et humilitas comméndat virginitátem, et virginitas exórnat humilitátem. Sed quanta, putas veneratióne digna est, in qua humilitátem exáltat foecúnditas, et partus cónsecrat virginitátem? Audis vírginem, audis húmilem. Laudábilis virtus virginitas, sed magis necessária humilitas: illa consúlitur, ista praecípitur.

¶ Diffúsa est grátia in lábiis tuis: * Proptérea benedíxit te Deus iu aetérnum.

¶ Myrrha, et gutta, et cásia a vestiméntis tuis, a dómibus ebúrneis, ex quibus

te delectaverunt filiae Regum in honóre tuo. Proptérea.

Ex Hom. 2. super eod. loco.

Lectio VIII.

Missus est, inquit, Angelus ad Vírginem, Vírginem carne, Vírginem mente, Vírginem professiõe, Vírginem dénique, qualem describit Apóstolus, mente et corpore sanctam, nec nóviter, nec fortúito invéntam, sed a saeculo eléctam, ab Altíssimo prae-cógnitam, et sibi praeparátam, ab Angelis servátam, a Pátribus praefigurátam, a Prophétis promíssam; et, ut pauca loquar de plúribus, quam sibi áliam praedixísse Deus vidétur, quando ad serpéntem ait: Inimicitias ponam inter te, et mulierem? Etsi adhuc dúbitas, an de María díxerit, audi quod séquitur: Ipsa cónteret caput tuum. Cui haec serváta victória est, nisi Maríae?

¶ Beáta es, Virgo María, Dei Génitrix, quae credidísti Dómino, perfécta sunt in te, quae dicta sunt tibi: ecce exaltáta es super choros Angelórum: * Intercéde pro nobis ad Dóminum Deum nostrum.

¶ Ave María, grátia plena, Dóminus tecum. Inter-

cède. Glória Patri. Inter-
cède.

Ex Hom. 3. super eod. loco.

Lectio IX.

Et ingressus Angelus ad eam dixit: Ave grátia plena, Dóminus tecum. Quo ingressus ad eam? Puto in Sacrárium pudici cubiculi, ubi illa fortássis clauso super se óstio, orábat Patrem in abscondito. Solent Angeli adstáre orántibus, et delectári in his, quos vident leváre puras manus in oratióne, holocáustum sanctae devotiónis gáudent se offerre Deo in odórem suavitátis. Mariæ áutem oratiónes quantum placúerint in conspéctu Altíssimi, Angelus indicávit, qui ingressus ad eam tam reveréter salutávit.

Te Deum.

Ad Laudes, et per Horas.

Antiph.

Domum tuam, Dómine, decet sanctitúdo in longitúdinem diérum.

Psal. Dóminus regnávit. *cum reliq.*

Psal. Domus mea, domus oratiónis vocábitur: in ea omnis qui petit, áccipit; et qui quaerit, invenit; et pulsánti aperiétur.

Ant. Propter domum Dó-

mini Dei nostri quaesívi bona tibi.

Ant. Dómine Deus, exaltásti super terram habitatió-nem meam.

Ant. Domum majestátis meae, et locum pedum meórum glorificábo.

Cap.

Eccl. 24.

In ómnibus, réquiem quae-sívi, et in haereditáte Dómini morábor. Tunc praecépít; et dixit mihi Créátor ómnium, et qui creávit me, requiévit in tabernáculo meo.

Hymnus.

Alto ex Olympi vértice
Summi Paréntis Fílius,
Ceum monte deséctus lapis,
Terras in imas decídens,
Domus supérnae, et ínfimae,
Utrúmque junxit ángulum.

Sed illa sedes Coelítum
Semper resúltat laudibus,
Deúmque Trinum et Unicum
Jugí canóre praedicat;
Illi canéntes júngimur
Almae Siónis aemuli.

Haec templa, rex coeléstium
Imple benigno lúmine:
Huc o rogátus ádveni,
Plebisque vota súscipe.
Et nostra corda júgiter
Perfúnde coeli grátia.

Hic ímpetrent Fidélium
Voces precésque súpplicum
Domus beátae múnera,

Partisque donis gaudeant :
 Donec solúti corpore.
 Sedes beátas ímpleant.

Decus Parénti débitum
 Sit usquequáque Altíssimo,
 Natóque Patris único,
 Et ínclyto Paráclito,
 Cui laus, potéstas, glória,
 Aetérna sit per saecula.

Amen.

ŷ. Introibimus in taberná-
 culum ejus.

℞. Adorábimus in loco,
 ubi steterunt pedes ejus.

Ad Benedictus, Ant. Ecce
 tabernáculum Dei cum ho-
 minibus, et habitábit cum
 eis, et ipsi pópulus ejuserunt,
 et ipse Deus cum eis erit eó-
 rum Deus.

ORATIO

Deus, qui Beátae Maríae,
 Virgínis Domum, per Incar-
 náti Verbi mystérium mise-
 ricórditer consecrásti, eám-
 que in sinu Ecclesíae tuae
 mirabíliter collocásti; con-
 cède, ut segregáti a taber-
 náculis peccatórum, digni ef-
 ficiámur habitátóres Domus
 sanctae tuae. Per eúndem
 Dóminum etc.

AD PRIMAM

In ℞. br. dicitur ŷ. Qui na-
 tus es de María Virgine.

AD TERTIAM

Ant. Domus mea. *Cap.* In
 ómnibus réquiem, *ut supra.*

℞ *br.* Hic domus Dei est, *
 Et porta coeli. Hic domus.

ŷ. Et vocábitur Aula Dei.
 Et porta. Glória Patri. Hic
 domus.

ŷ. Dómine diléxi decórem
 domus tuae.

℞. Et locum habitatiónis
 glóriæ tuae.

AD SEXTAM

Ant. Propter domum.

Capit.

Et sic in Sion firmáta sum
Eccl. 24. b
 et in civitaté santificáta si-
 militer requiévi, et in Jerú-
 salem potéstas mea. Et radi-
 cávi in pópulo honorificáto;
 et in parte Dei mei haeré-
 ditas illíus, et in plenitúdine
 Sanctorum deténtio mea.

℞ *br.* Dómine, * Diléxi de-
 córem domus tuae. Dómine.

ŷ. Et locum habitatiónis
 glóriæ tuae. Diléxi. Glória.
 Dómine.

ŷ. Domum tuam, Dómi-
 ne, decet sanctitúdo.

℞. In longitudínem dié-
 rum.

AD NONAM

Ant. Domum majestátis.

In Capit. Eccl. 24. b.
In platéis sicut cinnamó-
mum, et bálsamum aroma-
tizans odórem dedi: quasi
myrrha elécta dedi suavitá-
tem odóris.

R). br. Domum tuam, Dó-
mine, * Decet Sanctitúdo.

Domum tuam.

Ÿ. In longitudínem diérum.

Decet sanctitúdo.

Glória Patri.

Domum tuam.

Ÿ. Hic domus Dei est, et
porta Coeli.

R). Et vocábitur áula Dei.

In secundis Vesperis omnia
ut in primis.

Ad Magnif. Ant. O quam
metuéndus est locus iste! Ve-
re non est hic áliud, nisi do-
mus Dei, et porta Coeli.

Commemor. S. Damasi, et
Feriae.

DIE XI. DECEMBRIS. In Festo
S. Damasi Pp. C. Duplex. Omn.
ut in Brev.

DIE XII. DECEMBRIS D. AS.

In Festo B. JOANNIS DOMI-
NICI Conf. Flor. Ordinis
Praedicatorum Card. Arch.
Ragusini. Duplex.

Omnia de Communí Conf.
Pont. praeter sequentia. Mé-
ruit suprémos.

ORATIO.

Deus largitor Caritátis, qui
Beátum Joánnem Confessó-
rem, atque Pontíficem, in
conservánda Ecclésiae unitá-
te, instaurandáque regulári
disciplína virtúte roborásti,
per ipsíus intercessiónem trí-
bue nobis idípsum sentíre et
facere in Christo Jesu, Dó-
mino nostro. Qui tecum.

Lect. I. Noct. de Script. occur.

In II. Nocturno.

Lectio IV.

Joánnes paupéribus, piisque
Paréntibus Floréntiae natus,
a primis annis patris vestígiis
insístens cibos manu, et arte
quaerébat. Adoléscens, ex-
pléto diúrno ópere, Ecclésias
invisébat pia sua vota Dómino
solutúrus. Décimo octávo ae-
tátis anno coeléstia inquírens,
Praedicatorum Ordinem in-
gréssus Tyrónibus exémplo
praebat demissíssima prae-
sértim obediéntia. Solémnia
vota nuncupátus, erat in victu
módicus, jejúnio addictus, in
oratióne assíduus, rudióribus
véstibus usus, saccum pro
lecto hábuit. Optima imbútus
morum disciplína ejúsmodi
exercítiis litterárum stúdia
conjúnxit, et licet ingenuárum
ártium sciéntia, et nómine
apud omnes polléret, humi-

litatem tamen mirum in modum excóluit. Proximórum salutí omni stúdio insístens, praedicatióni etiám Verbi Dei addictus singulári fuit grátia donátus, ádeo ut desllectere voluntátem, commovére ánimos, reformáre mores, adunáre plebes, continére pópulos facillime posset.

n). Invéni.

Lectio V.

Curas omnes etiám sédulo praestitit, ut tam institúti sui, quam aliórum Ordinum reguláris observántia revocáretur, primúsque in Itália fuit, qui spíritus sui fervóre ita ánimos accéndit, ut in primaevam formam religiósae famíliae redigeréntur. His permótus Gregórius Duodécimus eum Ragusínae Ecclesiæ Praesulem, et Sanctae Románae Ecclesiæ Cardinálelem Títuli Sancti Xysti, licet invítum, creávit. Joánnes vero hac dignitáte áuctus, quum Ecclesiá infándo laniarétur schismate, Gregório persuásit, ut pro bono Ecclesiæ Pontificátum céderet; votique compos factus Constántiam ad generále Concílium convolávit, perlectáque coram ómnibus Pontíficis renunciatióne, dignitátem suam páriter ultro abdicávit. Concílii Patres huic voluntáti restitérunt, absolu-

tóque Concílio, Sigismúndus Imperátor a Martíno Quinto ibídem electo impetrávit, ut Joánnes in Boémiam, Polóniam, et Hungáriam ad extirpándas haereses legátus mitterétur, ac Budam advéniens fervéntius coepit divínis rebus incúmbere, vigíliis, et oratiónibus semper inténtus.

n). Pósui.

Lectio VI.

Ardénti febre intérea corréptus vitae sibi finem adésse praenóvit, et Ecclesiæ Sacraméntis rite munitus véniam ab ómnibus adprecátus est. Próprio functus officio, quum pública, et priváta ómnia accuráte prosecútus esset, súbito véluti somno abréptus, angélicis, uti fertur comitátus obséquiis obdormívit in Dómino. Fuit Joánnes potens in ópere, et sermóne coram Deo, et omni pópulo, qui sciéntiae, et sapiéntiae sermóne effúlsit in Ecclesiá Dei. Ad ejus funus commóta est univérsa Cívitas, atque ex históricis monuméntis habétur multas ad Sepúlchrum extáre Imágines prodigiórum testimónia referentes, quae Fidèles a Deo hujus Beáti Viri méritis sunt assequúti. Quaprópterecclesiásticum immemorábilem Beáti Joánnis cultum, quem illic, aliisque in

locis promérui, constantér-
que usque ad nos devénit Gre-
górius Décimus sextus Pón-
tifex Máximus rite probávit
ejusque Festum in Univérso
Praedicatórum Ordine cum
Officio, et Missa celebrári in-
dúlsit.

n. Iste est.

*In III. Noct. Homil. in
Evang. Homo pègre. de
Com. 1. loc.*

DIE XIV. DECEMBRIS ASS.
EX IV. EJUSD.

*In Festo S. BARBARAE VIRG.
ET MART. Dupl.*

ORATIO

Intercéssio, quaesumus Dó-
mine, Beátae Bárbarae Vír-
ginis, et Mártiris tuae ab
omni nos adversitaté próte-
gat; ut per ejus intervéntum glo-
riosíssimum Sacrosánc-
ti Córporis et Sanguinis Dómini
nostri Jesu Christi Sacramén-
tum ante diem éxitus nostri
per veram poeniténtiam, et
puram confessiónem percípere
mereámur. Qui tecum vivit
etc.

In I. Nocturno.

*Lectiones de Script. occurr.
nisi venerit in Fer. IV. Quat.
Temp. tunc enim leguntur de
Comm. 2. loc. Confitébor etc.*

In II. Nocturno.

Lectio IV.

Bárbara Virgo Nicomedién-
sis, Dióscori nóbilis sed su-
perstitiósí hómínis filia, per
ea, quae visibília facta sunt,
ad invisibília, divína opitu-
lánto grátia fácte pervénit.
Quaprópter soli Deo rebús-
que divínis vacáre coepit.
Eam pater, útpote forma ve-
nustióri niténtem, a quocúm-
que virórum occúrsu tutári
cúpiens turri inclúsit, ubi pia
Virgo meditatióibus et pré-
cibus addícta soli Deo, quem
sibi in sponsum delégerat, pla-
cére studébat. Obláta a pátre
plúries nobílium connúbia fór-
titer sprexit. Pater vero per
sui abséntiam filiae ánimam
posse fácius emollíri confi-
dens, jussit primo bálneum
étrui, ne quid ei deéset ad
commoditatém, deínde pègre
in éxteras regiões pró-
féctus est.

n. Propter veritátem.

Lectio V.

Absénte patre jussit Bárba-
ra duábus fenéstis, quae in
turri erant, tértiam addi in
honórem Divínae Trinitátis,
labiúmque bálnei sacrosán-
ctae Crucis signo muníri:
quod ubi rédiens Dióscorus
inspéxit, audíta novitátis cáu-
sa, ádeo in filiam excánduit,

ut stricto ense eam appetens, parum abfuerit, quin eam dire confoderet: sed praesto adfuit Deus; nam fugienti Bárbarae saxum ingens se patefaciens viam aperuit, per quam montis fastigium petere, et sic in speculatore, potuit: sed paulo post, cum a nequissimo genitore reperta fuisset, ejus latera pedibus, dorsumque pugnis immániter percussit, et crinibus per loca áspera difficilisque vias raptatam Marciano Praesidi puniendam tradidit. Itaque ab ipso omnibus modis, sed incassum tentata, nudam nervis caedi, et inflata vulnera testulis confricari, deinde in carcerem trahi praecipit: ubi immensa luce circumdatus ei Christus apprensus, mirifice confortatam in passionum tolerantia confirmavit: quod animadvertens Juliána Matróna ad Fidem conversa ejusdem palmae particeps effecta est.

n). Dilexisti justitiam.

Lectio VI.

Bárbarae demum ferreis ungibus membra laniantur, sacris latera incenduntur, et malleolis caput contunditur: quibus in cruciatibus consortem solabatur, et hortabatur, ut ad finem usque constanter

certaret. Praecisis tandem utrique ubéribus, nudae per loca pública tractae capite plectuntur; filiaeque cervicem ipse scelestissimus pater humanitatis expers propriis manibus amputavit; cujus fera crudelitas non diu inulta remansit: nam statim eo ipso in loco fulmine percussus interiiit. Corpus hujus beatissimae Virginis Justinus Imperator, Nicomedia auferens, Constantinopolim primum transportavit. Illud idem, cum in progressu temporis ab Imperatoribus Constantino et Basilio impetrassent Veneti, Constantinopoli deductum in sancti Marci Basilica fuit deinde solémniter collocatum. Postremo et último supplicanti-bus Torcellano Episcopo ejusque sorore Abbatissa, ad Ecclesiam Monialium sancti Joannis Evangelistae Torcellanae Dioecesis anno salutis millésimo nono defertur: ubi et honorifice conditum, perpetuo cultu ad praesens usque tempus summopere veneratur.

n). Afferentur Regi.

In III. Nocturno.

Homil. S. Gregorii Papae in Evang. Símile erit regnum Coelorum. de Comm. 1. loc.

DIE XV. DECEMBRIS

Octava Immaculatae
Concept. B. M. V. Duplex.

Omnia ut in Festo.

*Lect. I. Noct. de Scriptura;
verum occurrente Feria IV.
Quatuor Temporum Ego Sa-
pientiz ut in Festo Dedic. S.
Mariæ ad Nives, die V. Au-
gusti.*

IN II. NOCTURNO

Lectio IV.

Sermo Sancti Bernárdi
Abbátis.

L Hom. 2. sup. Missus est.
Laetare, pater Adam, sed
magis tu, o Eva mater e-
xulta, qui sicut ómnium pa-
réntes, ita ómnium fuistis
peremptóres; et quod infeli-
cius est, prius peremptóres,
quam paréntes. Ambo, in-
quam, consolámini super fi-
lia, et tali filia; sed illa ám-
plius, de qua malum ortum
est prius, cujus oppróbrium
in omnes pertransivit mulie-
res. Instat namque tempus,
quo jam tollátur oppróbrium
nec habeat vir quid causétur
advérsus féminam; qui úti-
que dum se imprudénter ex-
cusáre conarétur, crudéliter
illam accusáre non cunctátus

est, dicens: Múlier, quam de-
disti mihi, dedit mihi de li-
gno, et comédi. Proptérea cur-
re, Eva, ad Mariam; curre
mater ad filiam; filia pro ma-
tre respóndeat: ipsa matris
oppróbrium áuferat; ipsa pa-
tri pro matre satisfáciat: quia
ecce si vir cécidit per fémi-
nam, jam non erígitur nisi
per féminam.

Lectio V.

Quid dicébas, o Adam? Mú-
lier, quam dedísti mihi, de-
dit mihi de ligno, et comédi.
Verba malítiae sunt haec,
quibus magis áugeas quam
déleas culpam. Verúmtamen
sapiéntia vicit malítiam, cum
occasione véniae, quam a
te Deus interrogádo elice-
re tentávit, sed non pótuít,
in thesauro indeficiéntis suae
pietátis invénit. Rédditur nem-
pe fémina pro fémina, pru-
dens pro sátua, húmilis pro
supérba; quae pro ligno mor-
tis gustum tibi pórrigat vitae,
et pro venenóso cibo illo a-
maritúdinis, dulcédinem pá-
riat fructus aetérni. Muta
ergo iníquae excusatiónis ver-
bum in vocem gratiárum
actiόνis, et dic: Dómine, mú-
lier, quam dedísti mihi, de-
dit mihi de ligno vitae, et
comédi; et dulce factum est
super mel ori meo, quia in
ipso vivificásti me. Ecce enim

ad hoc missus est Angelus ad Virginem. O feminam singulariter venerandam, super omnes feminas admirabilem, parentum reparatricem, posterorum vivificatricem.

Lectio VI.

Quam tibi aliam praedixisse Deus videtur, quando ad serpentem ait: Inimicitias ponam inter te et mulierem? Et si adhuc dubitas, quod de Maria dixerit, audi quod sequitur; ipsa conteret caput tuum. Cui haec servata victoria est, nisi Mariae? Ipsa proculdubio caput contrivit venenatum, quae omnimodam suggestionem tam de carnis illécebra, quam de mentis superbia deduxit ad nihilum. Quam vero aliam Salomon requirébat, cum dicebat: Mulierem fortem quis invéniet? Nóverat quippe vir sapiens hujus sexus infirmitatem, fragile corpus, lubricam mentem. Quia tamen et Deum légerat promississe, et ita vidébat congruere, ut qui vicerat per feminam, vinceretur per ipsam, vehementer admirans ajébat: Mulierem fortem quis invéniet? Quod est dicere: si ita de manu feminae pendet et nostra omnium salus, et innocentiae restitutio, et de hoste victoria: fortis omnino necesse

est ut provideatur, quae ad tantum opus possit esset idonea.

IN III. NOCTURNO

Lectio VII.

Lectio sancti Evangelii secundum Matthaeum.

Cap. 1.

Liber generationis Jesu Christi filii David, filii Abraham. Abraham genuit Isaac. Isaac autem genuit Jacob. Et reliqua.

De Homilia sancti Joannis Chrysostomi.

Unde supra paulo post.

Duo sunt, quae pariunt questionem. Unum, quae causa sit, ut in generationum catalogo Virgo sileatur; alterum vero, qua ratione Joseph memoretur, cui certe nihil cum Christi generatione est commune. Videtur enim et unum abundare, et alterum deesse. Quid ergo dicemus? quod utique primum illud necesse fuerit memorari, quemadmodum ex David Virgo descenderit. Unde hoc itaque discemus? Audi ad Gabriel loquentem Dominum: vade ad Virginem desponsatam viro, cui nomen Joseph, ex domo

et familia David. Quid vis audire manifestius, cum ex domo et familia David illam Virginem esse cognoscas?

Lectio VIII.

Non erat mos apud Hebraeos generationum catalogum per feminas texere. Ut ergo et morem custodiret, neve in ipso statim principio videretur antiqua destrueri; et nobis Virginem certius indicaret; parentes ejus reticens, atque majores, de Joseph generatione non tacuit. Sive enim haec fecisset in Virgine, novitatis non effugisset invidiam; sive Joseph reticisset, non agnosceremus ex qua tribu Virgo subsisteret. Ut ergo et nos discerneremus, quae esset Maria, vel unde, ut consuetudo legis permaneret immobilis, generationum catalogum usque ad sponsum ejus perduxit, ac de domo illum David esse monstravit.

Lectio IX.

Hoc enim declarato, illud quoque pariter ostendit, quod scilicet inde esset et Virgo; quia utique nequaquam justus iste pateretur uxorem sibi aliunde quam unde lex praeceperat, eligere. Possumus vero aliam quoque et alio-

rem quidem proferre rationem, ob quam parentes Virginis praetermissi sunt. Sed quae ea est? Nolumus Evangelista recenti adhuc tempore novi illius, admirandique partus Judaeis esse manifestum, quod Christus natus fuisset ex Virgine. Neque proprius noster hic sermo est, sed nobis de Patrum, atque insignium virorum traditione susceptus.

Te Deum laudamus.

DIE XVI. DECEMBRIS

In Festo S. EUSEBII Episcopi et mart. Semiduplex.

Omnia de Comm. unius Mart. praeter sequentia.

ORATIO.

Deus, qui nos beati Eusebii Martyris tui, atque Pontificis annua solemnitate laetificas: concede propitius, ut ejus natalitia colimus, de ejusdem etiam protectione gaudeamus. Per Dominum etc.

Deinde fit commemor. Feriae Advent.

In I. Noct. Lectiones de Scriptura occurrente, sed si fuerit in Quatuor Temp. erunt A. Mileto de Com. 1. m.

In II. Noct.

Lectio IV.

Eusebius natione Sardus

Romanae Urbis Lector, post Vercellensis Episcopus, ad hanc regendam Ecclesiam merito est creditus divino electus iudicio; nam quem nunquam ante constituti Electores cognoverant, posthabitis civibus, simul ut viderunt, et probaverunt, tantumque interfuit ut probaretur, quantum ut videretur. Primus in Occidentis partibus in eadem Ecclesia eisdem Monachos instituit esse, quos Clericos, ut esset in ipsis viris, et contemptus rerum, et accuratio Levitarum. Arianis impietatibus ea tempestate per Occidentem longe, lateque traductis, adversus eas viriliter sic dimicavit, ut ejus invicta fides Liberium Summum Pontificem ad vitae solatium erigeret. Quare hic sciens, in ipso fervere Spiritum Dei, cum ei significasset, ut penes Imperatorem una cum suis Legatis patrocinium Fidei susciperet, mox cum illis profectus est ad Constantium: apud quem enixius agens, quidquid legatione petebatur, obtinuit, ut Episcoporum nempe coetus celebraretur.

¶. Honestum fecit etc.

Lectio V.

Collectum est Mediolani anno sequenti Concilium, ad

quod a Constantio invitatum Eusebium, concupitumque, ac vocatum a Liberii Legatis, tantum abest, ut malignantium Synagoga Arianorum contra Sanctum Athanasium furantium in suas partes adduceret, ut potius diserte statim ipse declarans, e praesentibus quosdam sibi compertos haeretica labe pollutos, Nicaenam imo Fidem proposuerit iis subscribendam antequam caetera tractarentur. Quod Arianis acerbè iratis negantibus, nedum in Athanasium recusavit ipse subscribere, quin Sancti Dionysii Martyris, qui decепtus ab ipsis subscripserat, captivam simplicitatem ingeniosissime liberavit. Quamobrem illi graviter indignantes, post multas illatas injurias, exilio illum mulctarunt; sed Sanctus vir, excusso pulvere, nec Caesaris minas veritus, nec enses obstrictos, exilium veluti sui ministerii officium accepit, missusque Scythopolim, famem, sitim, verbera, diversaque supplicia perpessus, pro fide strenue vitam contempsit, mortem non metuit, corpus carnificibus tradidit.

¶. Desiderium animae etc.

Lectio VI.

Quanta in eum tunc Aria-

nórum crudélitas fúerit, ac effrons inverecúndia, osténdunt graves litterae plenae róhoris, pietátis, ac religiónis, quas e Scythópoli scripsit ad Vercellénsem Clerum, et pópulum, aliósque finítimos: e quibus étiam est explorátum, ipsórum nec minis, inhumanáque saevítia potuisse umquam eum deterréri, nec serpentina blanda subtilitáte ad eórum societátem perdúci. Hinc in Cappadóriam, postremóque ad superióres Aegypti Thebáidas pro constantia sua deportátus, exílii rigóres tulit ad mortem usque Constantíi: post quam ad gregem suum revérti permissus, non prius redire vóluit, quam reparándis fidei jactúris ad Alexandrinam Synodum sese conférret: postque, médici praestántis instar, péragrans Oriéntis provincias, in fide infirmos ad íntegram valetúdinem restitúeret, eos instituens in Ecclésiæ doctrína. Inde salubritáte pari digressó Illyricum, tandémque in Italiám deláto, ad ejus réditum lúgubres vestes Itália mutávit: ubi, postquam Psalmórum ómnium expurgátos a se commentários Orígenis édedit, Eusebíque Caesareénsis quos vérterat de Graeco in Latínium; demum tot egrégie factis illústris, ad immarcescibilem glóriæ corónam, tantis

aerúmnis proméritam sub Valentiniáno et Valénte Vercéllis migrávit.

R. Stola jucunditátis induit. etc.

In III. Noct. Homilia S. Gregor. Papae in Evang. Si quis vult post me veníre ut in Communi unius Mart. secundo loco.

n. 8. Dómine praevenísti.

In Laud et Vesp. fit comm. Fer. Advent.

DIE XVIII. DECEMBRIS

In Festo EXPECTATIONIS PARTUS B. M. V. Duplex majus.

Ad Vesp. Ant. Missus est Gábriel Angelus, cum reliquis de Laudibus.

Psal. Dixit Dóminus Laudáte púeri. Laetátus sum. Nisi Dóminus. Lauda Jerúsalem, ut in Officio parvo B. M. V.

Capitul.

Isaiae 11.
Egrediétur virga de radice Jesse; et flos de radice ejus ascéndet. Et requiescet super eum Spíritus Dómini.

Hymnus.

Creátor almo síderum,
Aéterna lux credéntium;

Jesu Redemptor ómnium,
Inténde votis supplicum.

Qui daemonis ne fraudibus
Períret orbis, impetu
Amóris actus, lánguidi
Mundi medéla factus es.

Commúne qui mundi nefas
Ut expiáres, ad Crucem
E Vírginis Sacrário,
Intácta prodís victima.

Cuius potéstas glóriæ,
Noménque cum primùm so-
nat,

Et Coelites, et inferi
Treménte curvántur genu.

Te deprecámur últimæ
Magnum diéi Júdicem;
Armis supernæ grátiae
Defénde nos ab hóstibus,

Virtus, honor, laus, glória
Deo Patri, cum Filio,
Sancto simul Paráclito,
In saeculórum saecula.

Amen.

ŷ. Ave María grátia plena.
r/. Dóminus tecum.

Ad Magnif. Ant. Spíritus
Sanctus in te descéndet Ma-
ría: ne tíneas habébis in ú-
tero Fílium Dei, allel.

ORATIO

Deus, qui de Beátae Ma-
ríaie Vírginis útero Verbum
tuum, Angelo nuntiánte, car-
nem suscipere voluísti: prae-
sta supplicibus tuis; ut qui
vere eam Genitricem Dei cré-
dimus ejus apud te interces-

siónibus adjuvémur. Per eúm-
dem Dóminum etc.

Et fít comm. *Adventus.*
Ant. O.

Hymni Complet. et aliar.
Horar. concludunt cum ŷ. Vir-
tus honor, laus glória etc.

Ad Matutinum. Inéitut. Ave
María grátia plena: Dóminus
tecum.

Psal. Veníte exultémus.

Hymnus.

Verbum supérnum pródiens
E Patris aetérni sinu.

Qui natus orbi súbvenis,
Labénte cursu témporis.

Illúmina nunc pectora,
Tuoque amóre cóncrema;
Ut cor cadúca désereñs
Coeli volúptas ímpleat.

Ut cum tribúnal júdicis
Damnábit igni noxios,
Et vox amíca débitum
Vocábit ad coelum pios.

Non esca flammárum nigros
Volvámur inter túrbines:
Vultu Dei sed cómpotes
Coeli fruámur gáudijs.

Patri, simúlque Fílio,
Tibíque sancte Spíritus,
Sicut fuit, sit júgiter
Saeclum per omne glória.

Amen.

-*Ia I. Noct. Ant.* Ecce Dó-
minus noster cum virtúte
veníet, et illuminábit óculos
servó um suórum, allelúja.

Psal. Dómine Dóminus
noster.

Ant. Roráte coeli désuper, et nubes pluant justum; aperíatur terra, et gérmínet Salvatórem.

Psal. Coeli enarrant glóriam Dei.

Ant. Ecce nomen Dómini de longínquo; et cláritas ejus replet orbem terrárum.

Psal. Dómini est terra.

†. Ex Sion spécies decóris ejus.

ñ. Deus noster manifeste véniet.

De Isaíá Prophéta.

Lectio I.

Et adjécit Dóminus loqui ad Achaz dicens; Pete tibi signum a Dómino Deo tuo in profúndum inférni, sive in excélsu supra. Et dixit Achaz: Non petam, et non tentábo Dóminu. Et dixit: Audíte ergo domus David. Numquid parum vobis est, moléstos esse homínibus, quia molésti estis et Deo meo? Propter hoc dabit Dóminus ipse vobis signum. Ecce Virgo concípiet, et páriet filium, et vocábitur nomen ejus Emmánuel. Butyrum, et mel cómedet, ut sciat reproháre malum, et eligere bonum.

ñ. Non auferétur sceptrum de Juda, et dux de fémore ejus, donec véniat qui mit-

téndus est: * Et ipse erit expectátio géntium.

†. Pulchríores sunt óculi ejus vino, et dentes ejus lacte candidíores. Et ipse.

Lectio II.

Cap. 11.

Et egrediétur virga de radíce Jesse, et flos de radíce ejus ascéndet. Et requiescet super eum Spíritus Dómini: Spíritus sapiéntiae, et intellectus, Spíritus consílii et fortitúdinis, Spíritus sciéntiae et pietátis; et replébit eum Spíritus timóris Dómini. Non secúndum visiónem oculórum judicabit neque secúndum audítu áurium arguet; sed judicábit in justítia páuperes, et argnet in aequitáte pro mansuétis terrae, et percútiét terram virga oris sui, et spírítu labiórum suórum interficiét ímpium; et erit justítia cíngulum lumbórum ejus, et fides cíntórium renu ejus.

ñ. Oriétur stella ex Jacob, et consúrget homo de Israel, et cónfríngent omnes duces alienigenárum: * Et erit omnis terra posséssio ejus.

†. De Jacob erit qui domínabitur, et perdet reliquias civitátis. Et.

Lectio III.

Cap. 35.

Laetábitur déserta et ínvia,

et exultabit solitudo, et flo-
rébit quasi lílium. Gérminans
germinabit, et exultabit lae-
tabunda, et laudans: glória
Libani data est ei, decor Car-
meli, et Saron: ipsi vidébunt
glóriam Dómini, et decorem
Dei nostri. Confortáte manus
dissolutas, et gēua debília
roboráte. Dícite pusillánimis:
Confortámini, et nolíte timé-
re: ecce Deus vester ultiónem
addúcet retributiónis: Deus
ipse véniet et salvábit vos.
Tunc aperiéntur óculi caecó-
rum, et áures surdórum pa-
tébunt. Tunc sáliet sicut cer-
vus cláudus, et apérta erit
lingua mutórum; quia scissae
sunt in desérto aquae, et tor-
réntes in solitúdine. Et quae
erat árida, erit in stagnum,
et sítiens in fontes aquárum.

¶. Descéndet Dòminus si-
cut plúvia in vellus: oriétur
in diébus ejus justítia, * Et
abundántia pacis.

¶. Et adorábunt eum om-
nes reges terrae, omnes gen-
tes sèrvient ei. Et. Glória
Patri. Et.

In II. Noct. Ant. De Sion
exíbit lex, et verbum Dómi-
ni de Jerúsalem.

Psalm. Eructávit.

Ant. Ecce Deus noster, ex-
pectávimus eum, et salvábit
nos, allelúja.

Psalm. Deus noster.

Ant. Dòminus véniet: oc-
cúrrite illi dicétes: magnum

príncípium, et regni ejus non
erit finis, Deus, Fortis, Domi-
nátor, Princeps pacis allelúja.

Psalm. Magnus Dòminus,
Ut in comm. vv.

¶. Egrediétur virga de ra-
díce Jesse.

¶. Et flos de radíce ejus
ascéndet.

Sermo Sancti Ildefónsi Ar-
chiepiscopi Toletáni.

Ex Lib. de Virginitate B. M.

Lectio IV.

Dómina mea atque domi-
natrix meá, dómians mihi,
mater Dómini mei, ancilla
Fílii tui, gēnitrix factóris mun-
di, te rogo, te oro, te quae-
so, ut hábeam spíritum Dómi-
ni tui, spíritumque Fílii tui,
nec non et spíritum Redem-
ptóris mei, ut de te vera, et
digna sapiam, vera, et digna
loquar, vera et digna quae-
cúmque sunt, díligam. Tuenim
es elécta a Deo, assúpta a
Deo, advocáta a Deo, prò-
xíma Deo, adhaerens Deo,
conjúncta Deo; visitáta ab
Angelo, salutáta ab Angelo,
benedicta ab Angelo, beatifi-
cáta ab Angelo, turbáta in
sermóne, attónita in cogita-
tióne, stupefacta in salutatió-
ne, admiráta in dictórum an-
nuntiatióne.

¶. Ecce Virgo concípiet, et
páriet Fílium, dicit Dòminus,
* Et vocábitur nomen ejus
Admirábilis, Deus, Fortis.

Ÿ Super solum David, et super regnum ejus sedébit in aeternum. Et.

Lectio V.

Invenisse te apud Deum gratiam audis, et ne timeas jubéris. Unde et tu fiducia roboráris, cognitióne miraculorum instrúeris, ad novitatem inauditae glóriae provéheris. De prole ab Angelo nuntiáta es, et post foetum integra, et pudica manes. Certa virginitas nobis propónitur, et nascitúrum ex te sanctum Dei Fílium, tibi ab Angelo evangelizáture et quae sit nascéntis Regis poténtia, mirabíliter intimáture. Quómodo fiat, quaeris, de origine intérogas, de ratióne perscrutáris, de experiéntia requiris, de ordine sciscitáris. Audi inauditum oráculum, considera inusitátum opus, animadvérte incógnitum arcánnum, atténde invísium factum: Spíritus Sanctus supervéniet in te, et virtus Altíssimi obumbrábit tibi.

℟. Roráte coeli désuper, et nubes pluant Justum; * Aperíatur terra, et gérminet Salvatórem.

Ÿ. Emítte Agnum, Dómine, Dominatórem terrae, de petra desérti ad montem filiae Sion. Aperíatur.

Lectio VI.

Tota invisíbiliter Trinitas conceptiõem operábilur in te, sola Persóna Fílii Dei in corpore tuo nascitúra carnem assúmet de te. Ideoque quod concipiétur ex te, quod nascétur ex te, quod pródiet ex te, quod germinábitur ex te, quod parturiétur ex te Sanctum, vocábitur Fílius Dei. Erit enim hic magnus, hic Deus virtutum, hic Rex ómnium saeculorum, hic factor ómnium rerum. Ecce beáta tu inter mulieres, integra inter puérperas, Dómina inter ancíllas, Regína inter soróres. Ecce ex hoc beátam te dicent omnes generatióes, beátam te novérunt omnes coeléstes Virtútes, beátam te praedicant omnes vates, beátam te célebrant omnes Nationes. Beáta tu fidei nostrae, beáta tu ánimae nostrae, beáta dilectióri nostrae, beáta praecóniis et praedicatióibus meis.

℟. Docébit nos Dóminus vias suas, et ambulábinus in sémitis ejus: * Quia de Sion exíbit lex, et verbum Dómini de Jerúsalem.

Ÿ. Veníte, ascendámus ad montem Dómini, et ad do-

mum Dei Jacob. Quia. Gló-
ria Patri. Quia.

In III. Noct. Ant. Dóminus
dabit benignitátem; et terra
nostra dabit fructum suum.

Psal. Benedixísti. Ps. 84.

Ant. Ecce véniet Deus, et
homo de domo David sedére
in throno, allelúja.

Psal. Fundaménta. Ps. 86.

Ant. Annuntiá e pópulis et
dicite: Ecce Deus Salvator
noster véniet.

Psal. Cantáte Dómino ... can-
táte Dómino omnis etc. Ps. 95

ŷ. Egrediétur Dóminus de
loco sancto suo.

ñ. Véniet ut salvet póp-
ulum suum.

*Si hoc festum venerit in Fe-
ria 4. Quat. Temp. Adventus,
loco sequentis Hom. leguntur
tres Lect. Hom. ejusd. Ferie
4. cum Responsoriis, quae hic
assignantur.*

Lectio Sancti Evangélíi
secúndum Lucam.

Lectio VII.

Cap. 1. c.

In illo témpore: Missus est
Angelus Gábriel a Deo in ci-
vitátem Galileae, cui nomen
Názareth, ad Vírginem de-
sponátam viro, cui nomen
erat Joseph de domo David,
et nomen Vírginis María. Et
réliqua.

Homília Venerábilis Bedae
Presbyteri.

In Evang. Lucae c. 1.

Ad Mariám Vírginem Gáb-
riel mittitur, qui Dei forti-
túdo nominátur; illum quip-
pe nuntiáre veniébat, qui ad
bellándas aéreas potestátes
húmilis apparére dignátus est.
De quo per Psalmístam dicitur;
Dóminus fortis et po-
tens Dóminus potens in prae-
lio. Et rursum, Dóminus
virtútum ipse est Rex glóri-
ae. Per Dei ergo fortitudinem
nuntiándus erat, qui virtútum
Dóminus, et potens in prae-
lio contra potestátes aéreas
ad bella veniébat. Et ingrés-
sus Angelus ad eam, dixit:
Ave grátia plena, Dóminus
tecum, Benedícta tu in mu-
liéribus. Bene grátia plena
vocátur, quae nímírum grá-
tiam, quam nulla ália me-
rúerat, asséquitur ut ipsum
vidélicet grátiae concípiat, et
géneret auctórem.

ñ. Ave María grátia plena;
Dóminus tecum; Spíritus
Sanctus supervéniet in te, et
virtus Altíssimi obumbrábit
tibi: quod enim ex te nascé-
tur sanctum, vocábitur Fílius
Dei.

ŷ. Quómodo fiet istud, quó-
niam virum non cognósco?

Et respondens Angelus dixit ei. Spiritus Sanctus.

Bened. Cujus festum colimus, ipsa Virgo Virginum.

Lectio VIII.

Ecce concipies in útero, et paries filium, et vocabis nomen ejus Jesum. Jesus Salvator, sive Salutaris interpretatur, cujus Sacramentum nominis alloquens Joseph Angelus exposuit: Ipse enim, inquit, salvum faciet populum suum a peccatis eorum. Non ait populum Israel, sed populum suum, hoc est, in unitatem fidei ex praepotio et circumcissione vocatum, quibus ex diversa parte vocatis, fieret unus pastor, et unum ovile. Hic erit magnus, et Filius Altissimi vocabitur, et dabit illi Dominus Deus sedem David patris ejus. Idem ergo Filius Altissimi, qui in útero virgináli conceptus, et natus est. Idem homo in tempore creatus ex matre, qui Deus est ante tempora natus ex Patre. Si autem idem homo, qui Deus est, omittat Nestorius hominem tantum dicere ex Virgine natum.

ñ. Súscipe verbum, Virgo María, quod tibi a Domino per Angelum transmissum est, concipies, et paries Deum pariter, et hominem. * Ut be-

nedicta dicaris inter omnes mulieres.

ÿ. Paries quidem filium, et virginitatis non patieris detrimentum: efficieris grávida, et eris mater semper intácta. Ut benedicta. Glória Patri. Ut benedicta.

Lectio IX.

Idcóque et quod nascetur ex te sanctum, vocabitur Filius Dei. Ad distinctionem nostrae sanctitatis, Jesus sanctus singulariter nasciturus assératur. Nos quippe, etsi sancti effici-mur, quia ipsa naturae corruptionis conditione constringimur, ut mérito cum Prophéta geméntes singuli dicamus: Ecce enim in iniquitatibus conceptus sum, et in delictis péperit me mater mea. Ille autem solus veraciter sanctus est, qui, ut ipsam conditionem naturae corruptibilis vinceret, ex commixtione carnális copulae conceptus non est. Sanctum, inquit, vocabitur Filius Dei. Quid hic dicis, Nestoriáne, qui beatam Mariám Dei negans esse genitricem aperte niteris impugnare veritatem? Ecce Deum dixit superventurum Dei Filium nasciturum. Quómodo ergo aut Dei filius Deus non est? aut quae Deum édedit, quómodo Theólocos, id est Dei genitrix non esse potest?

Te Deum laudámus.

Ad Laudes, et p. r. Horas

Ant.

Missus est Gábriel Angelus
ad Mariám Vírginem despon-
sátam Joseph.

*Psul. Dóminus regnávit,
cum reliquis de Dominica.*

*Ant. Ave María, grátia ple-
na: Dóminus tecum: Bene-
dicta tu in muliéribus, alle-
lúja.*

*Ant. Ne tíneas, Maria: in-
venisti grátiam apud Dómi-
num: ecce concípies, et pa-
ries Fílium, allelúja.*

*Ant. Dabit ei Dóminus se-
dem David patris ejus: et re-
gnábit in aetérnum.*

*Ant. Ecce ancílla Dómini:
fiat mihi secúndum verbum
tuum.*

Capitul.

Isaiae 11.

Egrediétur virga de radice
Jesse, et flos de radice ejus
ascéndet, et requiétet super
eum Spíritus Dómini.

Hymnus.

En clara vox redárguit
Obscúra quaeque, pórsonans:
Procul fugéntur sómnia:
Ab alto Jesus prómicat.

Mens jam resúrgat tórpida,
Non ámplius jacens humi:
Sidus refúlget jam novum,
Ut tollat omne nóxium.

En Agnus ad nos míttitur
Laxáre gratis debitum:

Omnes simul cum lácrymis
Precémur indulgéntiam

Ut cum secúndo fúlserit,
Metúque mundum cínxerit,
Non pro reátu púníat,
Sed nos pius tunc prólegat.

Virtus, honor, laus, glória
Deo Patri cum Filio,
Sancto simul Paráclito,
In saeculórum saecula.

Amen.

ŷ. Spíritus Sanctus super-
véniet in te.

ñ. Et virtus Altíssimi o-
bumbrábit tibi.

*Ad Benedictus, Ant. Super
sólum David, et super re-
gnum ejus sedébit in aetér-
num.*

ORATIO

Deus, qui de beátas Mariæ
Vírginis útero Verbum tuum,
Angelo nuntiánte, carnem su-
scípere voluísti; praesta sup-
plicibus tuis; ut qui vere eam
Genitricem Dei crédimus, ejus
apud te intercessiónibus adju-
vémur. Per eúmdem Dómi-
num etc.

Deinde fit commem. Feriae.

AD TERTIAM.

Ant. Ave María.

Cap. Egrediétur.

R. br. Tu exúrgens, Dómine, * Miseréberis Sion.

Tu exúrgens.

ŷ. Quia tempus miseréndi ejus, quia venit tempus. Miseréberis. Glória Patri. Tu exúrgens.

ŷ. Roráte coeli désuper, et nubes pluant Justum.

ŷ. Aperiátur terra, et germinet Salvatórem.

AD SEXTAM.

Ant. Ne tímeas María.

Capitul.

Ecce Virgo concípiet, et páriet filium; et vocábitur nomen ejus Emmánuel; butyrum, et mel cómedet, ut sciat reprobare malum, et eligere bonum.

R. br. Roráte coeli désuper, * Et nubes pluant Justum. Roráte.

ŷ. Aperiátur terra, et germinet Salvatórem. Et nubes. Glória Patri. Roráte.

ŷ. Emítte Agnum, Domine, dominatórem terrae.

ŷ. De petra déserti ad montem filiae Sion.

AD NONAM.

Ant. Ecce Ancílla Dómini.

Capitul.

Roráte coeli désuper, et nubes pluant Justum; aperiátur terra, et germinet Salvatórem, et justítia oriátur simul: ego Dóminus creávi eum.

R. br. Emítte Agnum, Dómine, * Dominatórem terrae. Emítte.

ŷ. De petra déserti ad montem filiae Sion. Dominatórem. Glória Patri. Emítte.

ŷ. Spíritus Sanctus supervéniet in te.

R. Et virtus Altíssimi obumbrábit tibi.

In secundis Vesperis omnia dicuntur ut in primis, praeter 5. Antiphonam, cujus loco dicitur sequens.

De fructu ventris tui ponam super sedem tuam.

Psal. Meménto, Dómine. Ps. 131-

Ad Magnif. Ant. O Virgo Vírginum, quómodo fiet istud? Quia nec primam símitem visa es, nec habere sequéntem. Fíliae Jerúsalem quid me admiramini? Divinum est mystérium hoc, quod cérnitis.

ORATIO

Deus, qui de Beátae Maríae

Virginis útero Verbum tuum,
Angelo nuntiánte, carnem sus-
cipere voluisti: praesta sup-
plicibus tuis; ut qui vere eam
Genitricém Dei crédimus, e-
jus apud te intercessiónibus
adjuvémur. Per eúndem Dó-
minum etc.

Pro commem. Adventus,
Ant. O.

FESTA JANUARI.

DOMINICA II. POST EPIPH.
In Festo SS NOMINIS JESU.
Duplex 2. Classis.

*Occurrente Dominica Sep-
tuagesimae reponitur hoc fe-
stum (quoad Officium) in diem
28 Januarii tamquam in se-
dem propriam; (translato quo-
cumque alio Festo, si alicubi
occurrat, nisi sit altioris ri-
tus) et tunc legitur Lectio jx.
de S. Agnete secundo et fit de
ea commem. in Laudibus tan-
tum. Ita decrevit Sac. Rit.
Congr.*

*Sed advertendum, quod, in
fine ꝑ. n. et Antiphonarum o-
mittitur Alleluja, similiter et
in n. brevibus Horarum, quia
erit post Septuagesimam.*

AD VESPERAS

*Ant. Omnis, qui invocáverit
nomen Dómini salvus erit.*

*Psal. Dixit Dóminus, cum
reliquis de Dominica; et loco
ultimi, Psalm. Crédidi.*

*Ant. Sanctum et terríbile
nomen ejus; inítium sapién-
tiae timor Dómini.*

*Ant. Ego autem in Dómino
gaudébo, et exultábo in Deo
Jesu meo.*

*Ant. A solis ortu usque ad
occásum laudábile nomen Dó-
mini.*

*Ant. Sacrificábo hóstiam
láu-tis, et nomen Dómini in-
vocábo.*

Capitul.

Philip. 2.
Fratres, Christus humiliávit
semetípsum, factus obédiens
usque ad mortem, mortem
áutem Crucis: propter quod
et Dens, exaltávit illum, et
donávit illi nomen quod est
super omne nomen, ut in nó-
mine Jesu: omne genuflectátur.

Hymnus.

Jesu dulcis memória,
Dans vera cordis gáudia,
Sed super mel, et ómnia,
Ejus dulcis praeséntia,

Nil cánitur suávius,
Nil audítur jucúndius,
Nil cogiátur dúlcius,
Quam Jesus Dei Fílius.

Jesu, spes poeniténtibus,
Quam pius es peténtibus!

Quam bonus te quaeréntibus!
Sed quid inveniéntibus?

Nec lingua valet dicere,
Nec líttéra exprimere;
Expértus potest crédere,
Quid sit Jesum dilígere.

Sis, Jesu, nostrum gáudium
Qui es futúrus praemium:
Sit nostra in te glória
Per cuncta semper saecula.

Amen.

ŷ. Sit nomen Dómini bene-
dictum, allelúja.

Ŕ. Ex hoc nunc, et usque
in saeculum allelúja.

Ad Magn. Ant. Fecit mihi
magna qui potens est, et san-
ctum nomen ejus, allelúja.

ORATIO.

Deus, qui unigénitum Fílium
tuum constituísti humáni gé-
neris Salvátorem, et Jesum
vocari jussísti: concéde propí-
tius, ut cujus sanctum no-
men venerámur in terris, e-
jus quoque aspéctu perfruá-
mur in coelis. Per eúndem
Dóminum etc.

Fít commemor. Dominicae.

*Ad Completor. et per Horas
in fine Hymnorum dicitur,* Je-
su, tibi sit glória, qui natus es
de Vírgine.

Ad Matut. Invitat. Admi-
rábile nomen Jesu, quod est
super omne nomen, * Veníte
adorémus.

Psalm. Veníte.

Hymnus.

Jesu, Rex admirábilis,
Et triumphátor nóbilis,
Dulcédo ineffábilis.
Totus desiderábilis.

Quando cor nostrum vísitas,
Tunc lucet ei véritas,
Múndi viléscit vánitas:
Et intus fervet cháritas.

Jesu, dulcédo córdium.
Fons vivus, lumen méntium,
Excédens omne gáudium,
Et omne desidérium.

Jesum omnes agnóscite,
Amórem ejus póscite;
Jesum ardénter quaerite,
Quaeréndo inardéscite.

Te nostra, Jesu, vox sonet,
Nostri te mores éxprimant,
Te corda nostra diligant,
Et nunc, et in perpétuum.

Amen.

In I. Noct. Ant. Dómine
Dóminus noster, quam admi-
rábile est nomen tuum in u-
nivérſa terra!

Psalm. Dómine Dóminus
noster, cum reliquis ut in *Offi-
cio parvo B. M. Psalmus vero
iste incipitur a secundo versu.*

Quóniam eleváta est.

Ant. In nómine Jesu omne
genu flectátur, coeléstium, ter-
réstrium, et infernórum.

Psalm. Coeli enarrant.

Ant. Confitémini Dómino,
et invocáte nomen ejus; me-
mentóte, quóniam excélsu-
m est nomen ejus.

Psalm. Dómini est terra.

Ÿ. Propter nomen tuum, Dómine, propitiaberis peccáto meo.

℞. Multum est enim.

De Actibus Apostolorum.

Lectio. I.

Cap. 3.

Petrus áutem, et Joánnēs ascendébant in templum ad horam oratiónis nonam. Et quidam vir, qui erat cláudus ex útero matris suae, bajulabátur, quem ponébant quotidie ad portam templi, quae dicitur Speciósá, ut péteret eleemósynam ab introeúntibus in templum. Is cum vidisset Petrum et Joánnem incipientes introíre in templum, rogábat, ut eleemósynam acciperet. Intuens áutem in eum Petrus cum Joáne, dixit: Réspice in nos. At ille intendébat in eos, sperans se áliquid acceptúrum ab eis. Petrus áutem dixit: Argéntum, et áurum non est mihi: quod áutem hábeo, hoc tibi do: In nómine Jesu Christi Nazaréni surge, et ambula. Et apprehénsa manu ejus dextera, allevávit eum. Et prótinus consolidatae sunt bases ejus, et plantae. Et exíliens stetit, et ambulábat: et intrávit cum illis in templum, ambulans, et exíliens, et láudans Deum.

℞. Ecce concípies, et páries

filium; et vocábis nomen ejus Jesum: Ipse enim salvum fáciét pópulum suum a peccá-tis eórum.

Ÿ. Vocátum est nomen ejus Jesus, quod vocátum est ab Angelo, priúsqvam in útero conciperétur. Ipse enim.

Lectio II.

Et vidit omnis pópulus eum ambulántem, et laudántem Deum. Cognoscébant áutem illum, quod ipse erat, qui ad eleemósynam sedébat ad Speciósam portam Templi: et impléti sunt stupóre, et éxtasi in eo, quod contígerat illi. Cum tenéret áutem Petrum, et Joánnem, cucúrrit omnis pópulus ad eos ad pórticum, quae appellatur Salomónis, stupéntes. Videns autem Petrus, respóndit ad pópulum: Viri Israelítæ, quid mirámini in hoc, aut nos quid intuémini, quasi nostra virtúte aut potestáte fecérimus hunc ambuláre? Deus Abraham et Deus Isaac, et Deus Iacob, Deus patrum nostrórum glorificávit Fílium suum Jesum, quem vos quidem tradidistis, et negástis ante faciém Piláti, judicánte illo dimítti. Vos autem sanctum et justum negástis, et petístis virum homicídám donári vobis: Auctórem vero vi-tae interfecístis, quem Deus suscitávit a mórtuis, cujus nos

testes sumus. Et in fide nóminis ejus hunc, quem vos vidístis et nostis, confirmávit nomen ejus: et fides, quae per eum est, dedit íntegram san'tátem istam in conspéctu ómnium vestrum.

¶. Benedíctum est nomen tuum, Deus patrum nostrorum, qui, cum irátus fúeris misericórdiae recordáberis: * Et in témpore tribulatióis peccáta dimíttis.

†. Et benedíctum nomen majestátis tuae in aeternum, qui facis mirabilia solus. Et.

Lectio III.

Cap. 4.

Factum est áutem in crástinum, ut congregaréntur príncipes eórum, et senióres, et scribae in Jerúsalem, et Annas princeps sacerdotum, et Cáiphas, et Joánnes, et Alexander, et quotquot erant de genere sacerdotáli, et statuéntes eos in médio, interrogábant: In qua virtúte, aut in quo nómine fecístis hoc vos? Tunc replétus Spíritu Sancto Petrus dixit ad eos: Príncipes pópuli, et Senióres, audíte: Si nos hódie dijú licámur in benefácto hóminis infirmi, in quo iste salvus factus est, notum sit ómnibus vobis, et omni plebi Israel, quia in nómine Dómini nostri Jesu Christi Nazaréni, quem

Deus suscitávit a mórtuis, in hoc iste astat coram vobis sanus. Hic est lapis, qui reprobátus est a vobis aedificántibus, qui factus est in caput ánguli; et non est in álio áliquo salus. Nec enim áliud nomen est sub coelo datum homínibus, in quo opórteat nos salvos fieri.

¶. Laudábo nomen tuum assidue: * Et collaudábo illud in confessióne.

†. Laetábor et exultábo in te: psallam nómini tuo, Altíssime. Et collaudábo. Glória. Et collaudábo.

In II. Nocturno. Ant. Mémoires erunt nóminis tui, Dómine, in omni generatióne et generatióne.

Psalm. Eructávit.

Ant. Magnificáte Dóminum mecum, et exallemus nomen ejus in idipsum.

Psalm. Deus noster refúgium.

Ant. Omnes Gentes quas-cúmque fecísti, vénient et adorábunt coram te Dómine, et glorificábunt nomen tuum.

Psalm. Fundaménta.

†. Propter glóriam nóminis tui, Dómine, libera nos.

¶. Et propítius esto peccátis nostris propter nomen tuum.

Sermo Sancti Bernárdi Abbatís.

Serm. 15. super Cantic. circa medium.

Lectio IV.

Non otiose Spiritus Sanctus nomen sponsi oleo comparat cum ita doceat, sponsam ad sponsum clamare: Oleum effusum nomen tuum. Oleum enim lucet, pascit, et ungit: foveit ignem, nutrit carnem, lenit dolorem: lux, cibus, medicina. Vide idem nunc, et de sponsi nomine. Lucet praedicatum, pascit recogitatum, invocatum lenit, et ungit. Et percurramus singula. Unde putas in toto orbe tanta et tam subita fidei lux, nisi de praedicatione nomine Jesu? Nonne in hujus nominis luce Deus nos vocavit in admirabile lumen suum, quibus illuminatis, et in lumine isto videntibus lumen dicat merito Paulus: Fuistis aliquando tenebrae, nunc autem lux in Domino.

¶. Sperent in te qui novērunt nomen tuum: Quoniam non dereliquisti quaerentes te, Domine.

¶. Exurge, Domine, adjuva nos, et libera nos propter nomen tuum. Quoniam.

Lectio V.

Hoc denique Nomen coram regibus, et gentibus, et filiis Israel portare jussus est idem Apostolus, et portabat nomen

tamquam lumen, et illuminabat patriam, et clamabat ubique: Nox praecessit, dies autem appropinquavit; abjiciamus ergo opera tenebrarum, et induamur arma lucis, sicut in die honeste ambulemus. Et monstrabat omnibus lucernam super candelabrum annuntians in omni loco Jesum, et hunc crucifixum. Quomodo lux ista resplenduit, ac perstrinxit cunctorum intuitum oculos, quando de ore Petri, tamquam fulgur egradiens, claudi unius corporales plantas solidavit et bases, multosque spiritualliter caecos illuminavit? Numquid non ignem sparsit, cum ait: In Nomine Jesu Christi Nazareni surge, et ambula?

¶. Confiteamur nomini tuo magno: Quoniam terribile, et sanctum est.

¶. Hi in curribus, et hi in equis; nos autem in nomine Domini Dei nostri invocabimus. Quoniam.

Lectio VI.

Nec tantum lux est nomen Jesu, sed est et cibus. An non toties confortaris, quoties recordaris? Quid aequae mentem cogitantis impinguat? Quid ita exercitatos reparat sensus, virtutes roborat, vegetat mores bonos atque honestos, castas foveat affectio-

nes? Aridus est omnis animae cibus si non oleo isto infunditur, insipidus est, si non hoc sale conditur. Si scribas, non sapit mihi, nisi légero ibi Jesum. Si disputes, aut cónferas, non sapit mihi, nisi sonúerit ibi Jesus. Jesus mel in ore, in áure melos, in corde júbilus. Sed est et medicina. Tristátur áliquis nostrum? Véniat in cor ejus Jesus, et inde sáliat in os: et ecce ad exórtum nóminis lumen, núbilum omne díffugit, redit sérénium. Lábitur quis in crimen? Currit însuper ad láqueum mortis desperándo? Nonne, si invocet nomen vitae, conféstim respirábit ad vitam?

ñ. Laeténtur omnes, qui sperant in te, Dómine, in aetérnum exultábunt et habitábis in eis, et gloriabúntur in te omnes, * Qui díligunt nomen tuum.

ŷ. Dòmine in lúmine vultus tui ambulábunt, et in nómine tuo exultábunt tota die. Qui. Glória Patri. Qui.

In III. Noct. Ant. Cantáte Dómino, et benedicite nómini ejus; annuntiáte de die in diem salutáre ejus.

Psalm. Cantáte Dómino.

Antiph. Secúndum nomen tuum Deus, sic et laus tua in fines terrae; justítia plena est dextera tua.

Psalm. Dóminus regnávit, exúltet.

Ant. Cantáte Deo, psalmum dicite nómini ejus, iter fácite ei, qui ascéndit super occásus: Dóminus nomen illi.

Psalm. Cantáte.

ŷ. Afférte Dómino glóriam, et honòrem.

ñ. Afférte Dómino glóriam nómini ejus.

Lectio Sancti Evangélii
secúndum Lucam.

Lectio VII.

Cap. 2. b.

In illo témpore: Postquam consummáti sunt dies octo, ut circumciderétur Puer, vocátum est nomen ejus Jesus. Et reliqua.

Homilia sancti Bernárdi
Abbátis.

Serm. 1. de Circumcis.

Magnum et mirábile Sacraméntum. Circumcíditur Puer, et vocátur Jesus. Quid sibi vult ista connéxio? Circumcisio nempe magis salvándi, quam Salvatóris, esse vidétur: et Salvátorem circumcídere pótius decet, quam circumcídí. Sed agnósce mediatórem Dei et hóminum, qui ab ipso nativitátis suae exórdio, divi-

nis humana sociat, ima summis. Nascitur ex muliere; sed cui foecunditatis fructus sic accedat, ut non decidat flos virginitatis. Pannis involvitur: sed panni ipsi Angelicis laudibus honorantur. Absconditur in praesepio: sed prouidetur radiante stella de Coelo. Sic et circumcisio veritatem susceptae probat humanitatis; et nomen, quod est super omne nomen, gloriam indicat maiestatis. Circumciditur tamquam verus Abrahae filius; Jesus vocatur tamquam verus Filius Dei.

α. Tribulationem, et dolorem inveni: * Et nomen Domini invocavi.

γ. Turris fortissima nomen Domini, in ipso speravi, et adiutus sum. Et nomen.

Bened. Divinum auxilium.

Lectio VIII.

Neque enim ad instar priorum meus iste Jesus nomen vacuum aut inane portat. Non est in eo magni nominis umbra, sed veritas. Coelitus siquidem inditum nomen Evangelista testatur, quod vocatum est ab Angelo, priusquam in utero conciperetur. Et attende verbi profunditatem; postquam natus est Jesus. Jesus vocatur ab hominibus, qui vocatus est ab Angelo,

priusquam in utero conciperetur. Idem quippe et Angeli Salvator, et hominis, sed hominis ab incarnatione, Angeli ab initio creaturae. Vocatum est, ait, nomen ejus Jesus quod vocatum est ab Angelo. In ore ergo duorum, vel trium testium stat omne verbum: et ipsum, quod in Propheta abbreviatum manifestius in Evangelio legitur, caro factum.

α. Expectabo nomen tuum Domine; * Quoniam bonum est in conspectu sanctorum tuorum.

γ. Ut confiteamur nomini sancto tuo, et gloriemur in laude tua. Quoniam. Gloria Patri. Quoniam.

Nona Lectio Homiliae Dom. 2. post Epiph. Si contingat transferri 9. lectio erit quae sequitur, nisi occurrat simplex.

Lectio IX.

Merito sane, dum circumciditur puer, qui natus est nobis, Salvator vocatur: quod videlicet ex hoc jam coeperit operari salutem nostram, immaculatum illum pro nobis sanguinem fundens. Neque enim jam quaerere est Christianis, cur voluerit Dominus Christus circumcidi. Propter hoc siquidem circumcisus est, propter quod natus, propter

quod passus. Nihil horum propter se, sed ómnia propter eléctos. Nec in peccáto gé-nítus, nec a peccáto circum-císus, nec mórtuus est pro peccáto suo; magis áutem propter delicta nostra. Quod vocátum est, inquit, ab Angelo, priúsqvam in útero conciperétur. Vocátum plane, non impósitum. Nempe hoc ei nomen est ab aetérno. A natúra própria habet, ut sit Salvátor: innátum est ei nomen hoc, non índitum ab humána, vel angélica creatúra.

Te Deum laudámus.

Ad Laud. et per Hor. Ant.

Oleum effúsum nomen tuum, ídeo adolescéntulae dilexérunt te.

Psalm. Dóminus regnávit, cum reliquis de Dominica, ut in Psalterio.

Ant. Scitóte, quia Dóminus ipse est Deus, cujus nomen in aetérnum.

Ant. Sitívit ánima mea ad nomen sanctum tuum, Dómine.

Ant. Benedictum nomen glóriæ tuæ sanctum, et laudábile, et superexallátum in saecula.

Ant. Júvenes et vírgines, senes cum junióribus laudáte nomen Dómini, quia exallátum est nomen ejus solius.

Capitul.

Fratres, Christus humiliávit semetípsum, factus obédiens usque ad mortem, mortem áutem Crucis: propter quod et Deus, exaltávit illum, et donávit, illi nomen, quod est super omne nomen: ut in nómine Jesu omne genu flectátur.

Hymnus.

Jesu, decus Angélicum,
In áure dulce cánticum,
In ore mel miríficum,
In corde nectar coelicum.

Qui te gustant, esúriunt;
Qui bibunt, adhuc sítiunt;
Desideráre nésciunt,
Nisi Jesum, quem díligunt.

O Jesu mi dulcíssime,
Spes suspirántis ánimaë!
Te quaerunt piaë lácrymaë,
Te clamor mentis íntimaë.

Mane nobíscum, Dómine,
Et nos illústra lúmine;
Pulsa mentis calígine,
Mundum reple dulcédine.

Jesu, flos Matris vírginis,
Amor nostræ dulcédinis,
Tibi laus, honor Nóminis,
Regnum beatitúdinis. Amen.

Ÿ. Adjutórium nostrum in nómine Dómini.

ñ. Qui fecit coelum, et terram.

Ad Benedictus, Ant. Dedit se, ut liberáret pópulum, et acquireret sibi nomen aetérnum, allelúja.

ORATIO.

Deus, qui Unigénitum Fílium tuum constituísti húmáni géneris Salvátorem, et Jesum vocári jussísti: concéde propítius; ut ejus sanctum nomen venerámur in terris, ejus quoque aspéctu perfruámur in coelis. Per eúmdem Dóminum etc.

Deinde fit com. Dom.

AD PRIMAM

R. br. Christe Fili etc.

Y. Qui natus es de María Virgine.

AD TERTIAM

Ant. Scitóte.

Capitul.

Fratres, Christus ut supra.

R. brev. Sit nomen Dómini benedictum. Allelúja, allelúja. Sit nomen.

Y. Ex hoc nunc, et usque in saeculum, Allelúja, allelúja.

Glória Patri. Sit nomen.

Y. Afférte Dómino glóriam et honórem, allelúja.

R. Afférte Dómino glóriam nómini ejus, allelúja.

AD SEXTAM

Ant. Sitívit.

Capit.

Philip. 2.

In nómine Jesu omne genu flectátur coeléstium, terréstrium, et infernórum; et omnis lingua confiteátur, quia Dóminus Jesus Christus in glória est Dei Patris.

R. br. Afférte Dómino glóriam et honórem, * Allelúja, allelúja. Afférte.

Y. Afférte Dómino glóriam nómini ejus. Allelúja, allelúja. Glória Patri. Afférte.

Y. Magnificáte Dóminum mecum, allelúja.

R. Et exaltémus nomen ejus in idípsum, allelúja.

AD NONAM

Ant. Júvenes et vírgines.

Cap.

Col. 3.

Omne quodcúmque fácitis in verbo, aut in ópere, ómnia in nómine Dómini Jesu Christi fácite, grátias ágéntes Deo, et Patri per ipsum.

n. br. Magnificáte Dóminum
mecum, * Allelúja, allelúja.
Magnificáte.

ŷ. Et exaltémus nomen ejus
in idípsum. Allelúja, allelúja.
Glória Patri. Magnificáte.

ŷ. Adjutórium nostrum in
nómine Dómini, allelúja.

n. Qui fecit coelum et ter-
ram, allelúja.

*In secundis Vesperis omnia
dicuntur sicut in primis.*

Ad Magnif. Ant. Vocábis
nomen ejus Jesum: Ipse enim
salvum faciet pópulum suum
á peccátis eórum, allelúja.

ORATIO

Deus, qui Unigénitum. ut
supra.

*Fít commemoratio Domi-
nicae.*

DIE XIV. JANUARI

*In Festo S. HILARII EP.
C. et D. DUPLEX.*

In utrisque Vesp. Ant. O doctor
óptime, Ecclesiae sanctae lu-
men, beáte Hilari, divínae le-
gis amátor, deprecáre pro
nobis Fílium Dei.

Oratio

Deus, qui pópulo tuo aetér-
nae salútis beátum Hilárium
ministrum tribuísti: praesta

quaesumus, ut quem Doctó-
rem vitae habúimus in ter-
ris, intercessórem habére me-
reámur in coelis. Per Dómi-
num.

*Et fít com. S. Felicis Pre-
sbyt. et Matyr. Ant.* Iste san-
ctus *ŷ.* Glória et honóre.

Oratio.

Concéde quaesumus om-
nípotens Deus: ut ad meliór-
em vitam Sanctórum tuórum
exémpla nos próvocent; quá-
tenus quorum solémnia ági-
mus, étiam actus imitémur.
Per Dóminum.

Ad Mat. in hymno Iste
Confessor, dicatur. Méruit su-
prémus.

*In primo Nocturno Lectio-
nes de Script. occurr.*

IN II. NOCTURNO.

Lectio IV.

Hilárius in Aquitánia no-
bili génere natus, doctrína et
eloquéntia excélluit. Qui pri-
mum in matrimónio quasi
mónachi vitam egít: deínde
propter singuláres virtútes
Pictavórum Episcopus creá-
tur: quod munus Episcopále
sic gessit, ut a fidélibus sum-
mam laudem consequerétur.
Quo témpore, cum terróribus,
bonórum spoliatióne, exílio,

et omni crudelitâte Constântius Imperâtor Cathólicos vexâret, nisi ad Ariânas partes transîrent, Hilârius tamquam firmissimum murum se Ariânis oppônens, illórum furórem in se concitâvit. Itaque multis petitis insidiis, tandem dolo Saturnîni Arelaténsis Episcopi, de Synodo Biterrénsi in Phrygiam relegâtus est: ubi et mórtuum suscitâvit, et libros duódecim scripsit de Trinitâte contra' Ariânos.

n. Invéní David.

Lectio V.

Quadriénio post coâcto Concílio ad Seleuciam Isáuriae urbem, Hilârius adesse compúlsus est: ac deinde Constantinópolis profectus, ubi extrémum Fidei periculum animadvértit, tribus libellis públice datis, audiéntiam Imperâtoris popóscit, ut de Fide cum adversâriis coram disputâret. Verum cum Ursâcius et Valens Ariâni Episcopi, quos Hilârius scriptis confutârat, praeséntis eruditiónem pertiméscerent; Constântio persuasérunt, ut specie honóris eum in suum Episcopátum restitúeret. Tunc Hilârium e praelio haeticórum reverténtem, ut inquit sanctus Hierónymus, Galliárum Ecclésia compléxa est: quem ad Episcopátum secúsus est Martí-

nus, qui póstea Turonénsi praefuit Ecclésiae: tantúmque illo doctóre profécit, quantum ejus póstea sâcctitas declarávit.

n. Pósui adjutórium.

Lectio VI.

Magna deinceps tranquillitâte Pictavórum Ecclésiam administrávit: Galliámque univérsam addúxit, ut Ariânorum impietâtem cõdemnáret. Multos libros scripsit mira eruditiónē: quos omnes sanctus Hierónymus ad Laetam, sine ulla erróris suspicióne legi posse testâtur illis verbis: Hilârii libros inoffenso decúrrat pede. Migrávit in coelum Idibus Januarii, Valentiniáno et Valénte Imperatóribus, anno post Christum natum trecentésimo sexagésimo nono. Eum a multis Pátribus et Concíliis insíguem Ecclésiae Doctórem nuncupátum, atque uti talem, in áliquot dioecésibus cultum, tandem instânte Synodo Burdigalénsi Pius nonus Póntifex Máximus ex Sacrórum Rítuum Congregatiónis consúlto, univérsae Ecclésiae Doctórem declarávit et confirmávit, ac ipsíus festo die Missam et Offícium de Doctóribus ab ómnibus recitári jussit.

n. Iste est qui ante Deum.

In tertio Nocturno Hom. S. Hilarii Ep. in Ev. Vos estis sal terrae et ix lect. cum com. S. Felicis Presb. m. ut in festo ejusd. S. Hilarii die xiv. Januarii in Brev.

DIE XXIII. JANUARI

In Festo DESPONSATIONIS B. M. V. cum S. JOSEPH. Duplex majus.

Ad Vesperas. Ant. Desponsatio gloriósae, cum reliq. de Laudib. Ps. Dixit Dóminus, cum reliq. de B. Maria, ut in ejus Officio parvo.

Capitulum

Ab initio, et ante saecula créata sum, et usque ad futurum saeculum non désinam, et in habitatióne sancta coram ipso ministrávi.

Hymnus.

Ave Maris Stella. etc.

†. Desponsatio est hódie Sanctae Mariae Vírginis.

¶. Cujus vita ínclýta cunctas illústrat Ecclésiás.

Ad Magnif. Ant. Gloriósae Vírginis Mariae Desponsationem digníssimam recolámus quae et Genitrícis dignitátem obtínuit, et virginálem pudicitiam non amísit.

ORATIO.

Fámulis tuis, quaesumus Dómine, coeléstis grátiae munus impetráre: ut quibus Beatae Vírginis partus éxitit salutis exórdium, Desponsatiónis ejus votíva solémnitas, pacis tribuat incrementum. Per Dóminum.

Deinde fit commemor. S. Joseph, ante alias quascumq. commem. etiam Festi duplicis aut Dominicae.

Ant. Exúrgens Joseph a somno, fecit sicut praecépit ei Angelus Dómini, et accépit cónjugem suam.

†. Constituit eum Dóminum domus suae.

¶. Et príncipem omnis possessionis suae.

ORATIO

Sanctíssimae Genitrícis tuae Sponsi quaesumus, Dómine, méritis adjuvémur: ut, quod possibilitas nostra non obtinet, ejus nobis intercessióne donétur.

Postea fit comm. SS. MM. Vincentii, et Anastasii, nec non S. Emerentianae V. et M. ut in Brev.

Ad Matut. Invitator. Desponsationem Vírginis Mariae celebrémus, Christum ejus Fílium adorémus Dóminum.

Psalm. Veníte.

Hymn. Quem terra.

Antiphonae, Psalmi, et ẏy.

Noct. ut in Officio parvo B. Mariae.

In I. Nocturno.

Incipiunt Cantica canticórum.

Lectio I.

Cap. 1.

Osculétur me ósculo oris sui: quia melióra sunt úbera tua vino, fragrántia unguén-tis óptimis. Oleum effúsum nomen tuum: ideo adolescén-tulae dilexérunt te: Trahe me: post te currémus in o-dórem unguentórum tuórum. Introduxit me Rex in cellá-ria sua: exultábimus et lae-tábimur in te, mémores ú-berum tuórum super vinum: recti díligunt te. Nigra sum, sed formósa, filiae Jerúsalem, sicut tabernácula Cedar, sicut pelles Salomónis.

ñl. Hodie desponsáta est Beá-ta Virgo María ex progénie David: * Per quam salus mun-di credéntibus appáruit: cujus vita gloriósa lucem dedit sae-culo.

ẏ. Desponsatióem Beátae Mariae Vírginis cum gáudio celebrémus. Per quam.

Lectio II.

Nolíte me consideráre quod

fusca sim, quia decolorávit me sol: filij matris meae pugnávérunt contra me, posuérunt me custódem in vineis, vineam meam non custodívi. Indica mihi, quem díligit ánima mea, ubi pascas, ubi cubes in me-ridie, ne vagári incípíam post greges sodálium tuórum. Si ignóras te o pulchérrima inter mulieres, egrédere, et abi post vestigia gregum, et pasce hoe-dos tuos juxta tabernácula pastórum. Equitátui meo in cúrribus Pharaónis assimilávi te, amíca mea. Pulchrae sunt genae tuae sicut túrturis: collum tuum sicut monília.

ñl. Beatíssimae Vírginis Ma-riae Desponsatióem devotís-sime celebrémus: * Ut ipsa pro nobis intercédát ad Dóminum Jesum Christum.

ẏ. Cum jucunditáte Despon-satióem Beátae Mariae Vírgi-nis devotíssime celebrémus. Ut.

Lectio III.

Murénulas áureas faciémus tibi, vermiculátas argénto. Dum esset Rex in accúbitu suo, nardus mea dedit odórem suum. Fascículus myrrhae diléctus meus mihi, inter úbera mea commorábitur. Botrus Cypri diléctus meus mihi, in vineis Engáddi. Ecce tu pulchra es amíca mea, ecce tu pulchra es: óculi tui columbárum. Ecce tu pulcher es dilécte mi, et

decórus. Léctulus noster flóridus: tigna domórum nostrárum cédrina, laqueária nostra cypréssina.

ñ. Gloriósae Vírginis Maríae Desponsatiómem digníssimam recolámus: * Cujus Dóminus humilitátem respéxit, quae Angelo nuntiánte, concépit Salvatórem mundi.

ŷ. Beatíssimae Vírginis Maríae Desponsatiómem devotíssime celebrémus. Cujus. Glória Patri. Cujus.

In II. Nocturno.

Sermo Sancti Bernárdi Abbatís.

Ex Hom. 2. sup. Missus est.

Lectio IV.

Oportébat a príncipe mundi aliquándiu celári divíni consílii Sacraméntum: non quod Deus si palam opus suum fácere vellet, impedíri posse ab illo metúeret, sed quia ipse, qui non solum poténter, sed étiam sapiénter quaecúmque vóluit, fecit, sicut in ómnibus opéribus suis quasdam rerum, vel témporum congruéntias propter órdinis pulchritúdinem serváre consuévít: ita in hoc quoque tam magnífico ópere suo, nostrae vidélicet reparatiónis, non tantum poténtiam suam, sed et prudéntiam osténdere vóluit.

ñ. Desponsátio gloriósae Vírginis Maríae ex sémine Abrahæ, ortae de tribu Juda, clara ex stirpe David: * Cujus vita ínclýta cunctas illústrat Ecclésiás.

ŷ. Hódie desponsáta est Beáta Virgo María ex progénie David. Cujus.

Lectio V.

Convéniens ergo erat, ut suáriter quoque ómnia, caeléstia scilicet, et térrena dispóneret, quátenus et illinc dejiciens iniquétum, réliquos in pace firmáret: et hic debelláturus ínvidum, nobis prius suae humilitátis, et mansuetúdinis valde necessárium exéplum relínqueret; sicque mirábili fieret moderámíne sapiéntiae, ut et suis suávis, et hóstibus fortis apparéret.

ñ. Cum jucunditáte Desponsatiómem Beátae Maríae celebrémus; * Ut ipsa pro nobis intercédat ad Dóminum Jesum Christum.

ŷ. Corde et ánimo Christo canámus glóriam in hac sacra solemnitáte praecélsae Genitrícis Dei Maríae. Ut ipsa.

Lectio VI.

Quid enim prodésset diábolum a Deo vinci, nobis ma-

néntibus supérbis? Necessário igitur desponsáta est María Joseph, quando per hoc et cánibus sanctum absconditur, et a Sponso virginitas comprobátur, et Vírginis tam verecúndiae párcitur, quam famae providétur. Quid sapiéntius? Quid dignius divína providéntia? Uno tali consílio secrétis coeléstibus, et admíttitur testis, et exclúditur hostis, et íntegra servátur fama Vírginis Matris.

ñ. Desponsátio tua, Dei Génitrix Virgo, gáudium annuntiávit univérso mundo: * Ex te enim ortus est Sol justítiae Christus Deus noster: * Qui solvens maledictiónem, dedit benedictiónem, et confúndens mortem, donávit nobis vitam sempitérnam.

ŷ. Benedícta tu in muliéribus, et benedictus fructus ventris tui. Ex te. Glória Patri. Qui.

IN III. NOCTURNO

Léctio S. Evangélíi secundum Matthaeum.

Lectio VII.

Cap. 1.

Cum esset desponsáta mater Jesu María Joseph, ántequam convenírent, invénta est in útero habens de Spíritu Sancto. Et réliqua.

Homília Sancti Hierónymi Presbyteri.

Lib. 1. Comment. in cap. 1. Matth.

Quare non de simplici Vírgine, sed de desponsáta concípitur? Primum, ut per generatióem Joseph, orígo Maríae monstrarétur: secúndo, ne lapidarétur a Judaeis ut adultera: tértio, ut in Ægyptum fúgiens habéret solátium. Martyr Ignátius étiam quartam áddidit causam, cur a desponsáta concéptus sit: Ut partus, ínquiens, ejus celaretur diábolo, dum eum putat non de Vírgine, sed de uxóre generátum.

ñ. Beátam me dicent omnes generatióes: * Quia fecit mihi Dóminus magna, qui potens est, et sanctum nomen ejus.

ŷ. Et misericórdia ejus a progénie in progénies tíméntibus eum. Quia.

Benedictio. Cujus festum cólimus, ipsa Virgo Vírginum etc.

Lectio VIII.

Antequam convenírent, invénta est in útero habens de Spíritu Sancto. Non ab álío invénta est, nisi a Joseph, qui

pene licéntia maritali futú-
rae uxóris ómnia nóverat.
Quod autem dicitur, ántequam
convenirent, non séquitur, ut
póstea convenerint, sed Scri-
ptúra, quod factum non sit,
osténdit.

ñ. Felix namque es sacra
Virgo María, et omni laude
digníssima: * Quia ex te or-
tus est sol justítiae: * Chri-
stus Deus noster.

ÿ. Ora pro pópulo, intér-
veni pro Clero, intercède pro
devóto foemineo sexu; séntiant
omnes tuum juvámén, qui-
cúmque célebrant tuam san-
ctam Desponsatiónem. Quia,
Glória. Christus.

Lectio IX.

Emerentiána virgo Romána,
collactánea beátae Agnétiis,
adhuc catechúmena, fide, et
charitáte flagrans, furéntes
in Christiános, idolórum cul-
tóres cum veheméntius accu-
sáret, a concitáta multítudine
lapídibus óbruta est. Quae in
cruciátibus orans ad sepúl-
chrum sanctae Agnétiis, pró-
prio ságuine, quem pro Chri-
sto constánter effúdit, bapti-
záta, ánimam Deo réddidit.

*Nona Lectio S. Emerentia-
nae Virg. et Mart. ut supra,
nisi fuerit Dominica. Si hoc
festum contingat transferri 9.
lectio séquens.*

Lectio IX.

Joseph autem vir ejus cum
esset justus, et nollet eam tra-
dúcere, vóluit occúlte dimítte-
re eam. Si quis fornicáriae con-
júngitur, unum corpus effi-
citur, et in lege praecéptum
est, non solum reos, sed et
cóncios críminum obnoxios
esse peccáti; quómodo Joseph
cum crimen celáret uxoris,
justus scríbitur? Sed hoc te-
stimónium Mariae est, quod
Joseph sciens illíus castitátem,
et admirans quod evénerat,
celat siléntio, cujus mystérium
nesciébat.

Ad Laudes, et per Horas.

Ant.

Desponsátio gloriósae Vír-
ginis Mariae ex sèmine A-
brahae, ortae de tribu Juda,
clara ex stirpe David.

*Psal. Dóminus regnávit.
cum reliq. de Dominica.*

Ant. Desponsátio est hódie
sanctae Mariae Vírginis, cu-
jus vita ínclýta cunctas illú-
strat Ecclésias.

Ant. Regáli ex progénie
María exórta refúlget, cujus
précibus nos adjuvári mente,
et spírítu devotíssime pósci-
mus.

Ant. Corde et ánimo Chri-
sto canámus glóriam, in hac
sacra solemnitáte praecélsae
Genitrícis Dei Mariae.

Ant. Cum jucunditáte Desponsatióem Beátae Mariæ celebrémus, ut ipsa pro nobis intercédât ad Dóminum Jesum Christum.

Capitulum.

Eccl. 24. b.

Ab initio, et ante saecula creáta sum, et usque ad futurum saeculum non désinam, et in habitatióne sancta coram ipso ministrávi.

Hymnus.

O gloriósa Vírginum.

†. Desponsátio est hódie Sanctae Mariae Vírginis.

℟. Cujus vita ínclýta, cunctas illústrat Ecclésiás.

Ad Benedictus, Ant. Desponsatióem hodiérnam perpétuae Vírginis Genitrícis Dei Mariæ solémniter celebrémus, qua celsitúdo throni procéssit, allelúja.

ORATIO.

Fámulis tuis, quaesumus Dómine, coeléstis grátiae munus impertíre; ut quibus Beátae Vírginis partus éxitit salutis exórdium, Desponsatiónis ejus votíva solémnitas pacis tríbuat increméntum. Per Dóminum.

Deinde fit comm. S. Joseph.

Ant. Ipse Jesus erat incipiens, quasi annórum triginta, ut putabátur filius Joseph.

†. Os justí meditábitur sapiéntiam.

℟. Et lingua ejus loquétur judícium.

ORATIO.

Sanctíssimae Genitrícis tuae Sponsi quaesumus, Dómine, méritis adjuvémur: ut quod possibilitas nostra non óbtinet ejus nobis intercessióne donétur.

Postea fit commemor. S. Emerent. Virg. et Mart.

Ant. Símile est.

℟. Diffúsa etc.

Oratio ut in 1. Vesp.

Ad Horas, Ant. sumuntur ex Laudib. ut supra. *Capit. et ℟. br. prout in Officio Sanctae Mariae in Sabbato.*

In secundis Vesperis, Ant. Psalmi., Cap., Hymnus, et †. ut in primis Vesp.

Ad Magn. Ant. Desponsátio tua Dei Génitrix Virgo gáudium annuntiávit univérso mundo; ex te enim ortusest Sol justitiae Christus, Deus noster, qui solvens maledictiódinem, dedit benedictiódinem, et confúndens mortem, donávit nobis vitam sempitérnam.

Oratio. Fámulis tuis, ut sup.

Deinde fit comm. S. Joseph.

Ant. Ecce fídelis servus, et prudens, quem constituit Dóminus super familiam suam.

Ÿ. Glória, et divítiae in domo ejus.

ñ. Et justítia ejus manet in saeculum saeculi.

Oratio. Sanctíssimae Genitrícis tuae, ut supra.

Postea fit commem. S. Timothei Episc. et Mart.

Ant. Iste Sanctus.

Ÿ. Glória, et honóre.

Oratio. Infirmitátem, ut in *Breviario*.

DIE XXVI. JANUARI.

In Festo Translationis S. ZENOBII Ep. Flor. et Conf. Duplex.

Omnia de Comm. C. Pont. praeter ea quae sequuntur.

ORATIO.

Deus, qui in sacra Beáti Zenóbii Confessóris tui atque Pontíficis Translatióne nova miracula suscitásti; concéde quaesumus, ut ejus intercedéntibus méritis in coeléstem glóriam transférri mereámur. Per Dóminum etc.

Ad Matutinum.

Hymnus.

O Flos colénde Praesulum,

Fidélium cor récrea,
Reple tuam coeléstibus
Odóribus Floréntiam.

Praeclára postquam díxerat
Te Cívitas Antístitem,
Spernis, fugísque pátrias
Desiderátus ínfulas.

Sed sacra Pastor múnera
Obíre jussus, incolis
Virtúte praestas ómnibus,
Gratus Deo, et mortálibus.

Divína praebes pábula,
Potu, cibóque témpérons:
Fidémque conciónibus,
Miraculisque próvehis.

Posséssa dudum crímíne
Tu voce corda líberas,
Et vita, quos relíquerat
Vocas in áuras lúminis.

Deo Patri sit glória,
Ejúsque soli Fílio,
Cum spíritu Paráclito,
Nunc, et per omne saeculum.
Amen.

In I. Noct. Lect. de Scr. occurr.

IN II. NOCTURNO

Lectio IV.

Succésserat sancto Zenóbio in Episcopátu Florentino Andréas ejúsdem pátriae civis, sanctitáte ítidem clarus, qui cum vidéret sepúlchrum sancti Antístitis Zenóbii, in Ambrosiána Beáti Lauréntii Ecclesia situm, novis quotidie miraculis a Deo illustrári, ut

pòpuli concùrsus in Cathedráli Ecclesiá augerétur, sanctique viri corpus honorificentius colerétur, státuit illud eo transférre, et communicató consílio cum Clero, et majòribus Civitátis, convocatisque finitimárum úrbium Episcopis, ad séptimum Kaléndas Februárii hanc celebrítatem indixit.

R]. Inveni etc.

Lectio V.

Ad statútam igitur diem, praecedente univérso clero, comitántibus magistrátu Civitátis et pópulo, cum hymnis, et cánticis, capsam cum corpore sancti Viri super quodam léctulo ornatissime compositam, suppositis húmeris Episcopi deferébant: qui cum ad platéam Baptistérii pervenissent, accidit ut prae nímia pópuli frequentia, et devotíone opprimeréntur, sacrumque pignus ad ulmum áridam, vetustámque perferretur, quae contactu illo véluti géstiens, repénite in frondes, ac flores erúpit. Arbore deinde pópuli devotíone discérpta, marmórea columna, impósita cruce, eódem loco in miráculi testimónium erecta est.

R]. Pó sui.

Lectio VI.

Interim cum ad fores Ecclesiae pervenissent, conarenturque Episcopi, qui vebébant sacrum onus, Ecclesiae inferre, divína quadam vi repúlsi, ne ultra prógredi possent, clamarentque cives ad Ambrosíanam sancti Lauréntii reportándum: Andréas Episcopus spei plenus, flexis génibus, ne contristarétur pópulus, eníxe Deum rogávit, ut piis votis adésset, spondens se pro tanto beneficio duódecim cléricos in ea Ecclesia constitúrum, qui in sancti Zenóbii honórem divínis obséquiis perpétuo vacarent. Voto nuncupáto, surgens, manum, humerosque óneri suppónens, sócios Episcopos hortátus, subláto impediménto, in Ecclesiam Cathedrálém Sancti Salvatòris sacrum pignus invéxit: ubi qui áderant, benedicéntes Deum, sancti Antístitis corpus honorificentissime condidérunt. Cum áutem ex novi templi constructióne, et dispositióne, minus nóbili loco jacéret, anno Dómini millésimo quadrigentésimo nono, praesente Eugénio quarto Pontífice Máximo cum Cardinálibus, et Pátribus, Floréntiae tunc témporis ad Concílium

generále congregátis, iterum translátum est, et in sacélló ipsíus honóri dicáto honoríficéntius depósitum.

R. Iste est etc.

In III. Noct. Homil. S. Hilarii Episc. in Evangel. Vigilate, quia nescitis etc. de Commun. Conf. Pontif. 2. loco.

DIE XXVIII. JANUARIi.

ASS. EX IV. EJUSD.

In Festo S. TITI Ep. et Conf. Duplex. Ex Decreto Urbis et Orbis 18. Maii 1854.

Omnia de Communi Confessorum Pontificum praeter sequentia.

In Hymno dicitur: Méruit suprémos.

ORATIO.

Deus, qui beátum Titum Confessórem tuum atque Pontíficem apostólicis virtútibus decórasti; ejus méritis et intercessióne concéde, ut juste et pie vivéntes in hoc saeculo, ad coeléstem pátriam pervenire mereámur. Per Dóminum.

Deinde fit com. S. Joann. Chrisost. et S. Agnetis V. M. secundo Ant. Stans a dextris †. Spécie tua. or. Deus, qui nos ánnua etc. ut in Brev.

IN I. NOCTURNO

Lectiones de Script. occurr. Si transferatur in Quadragesimam. « Fidélis Sermo » de eodem Communi.

IN II. NOCTURNO

Lectio. IV.

Titum Creténsium Episcopum, vix Pauli Apóstoli verbo christiánae fidei, sacraméntis, mysteriisque excúltum, ea sanctitátis luce Ecclesiæ tunc vagiénti effulsisse compértum est, ut inter ejúsdem Doctóris géntium discipulos merúerit cooptári. Adscítus in partem óneris prædicatiónis, ádeo evangelizandi ardóre, et fidelitáte Paulo exístitit charus ut ipse cum venísset Tróadem propter Evangelíum Christi testátus sit, non habuisse réquiem spirítui suo, eo quod Titum fratrem suum ibi non invénierit. Et paulo post Macedóniam petens rursus suam in eum charitátem ita éxprimit: Sed qui consolátur húmiles, consolátus est nos Deus in advéntu Titi.

R. Invéni David servum meum, óleo sancto meo unxi eum: * Manus enim mea auxiliábitur ei.

†. Nihil proficiet inimicus in eo, et filius iniquitatis non nocēbit ei. Manus.

Lectio V.

Quamóbrem Corínthum ab Apóstolo missus, ea sapiéntia et lenitáte legatiónis hujus múnere functus est, quae praesértim de Fidélium pietáte elemósynas colligéndas ad sublevándam Ecclesiæ Hebraeorum inópiam spectábat, ut Corínthios non solum in Christi fide continúerit, sed étiam desidérium, fletum, aemulatiónem inter eos pro Paulo, qui illos primus instituit, excitáverit. Ad effundéndum interim inter gentes, linguis locisque distinctas, divini verbi semen plúribus terra marique itinéribus reléctis, magnáque ánimi firmitáte pro Crucis trophaeo curis laboribúisque exantlátis, una cum duce Paulo Cretae ínsulam áppulit. Cum porro huic Ecclesiæ Episcopus ab ipso Apóstolo deléctus esset, dubitándum non est, quin in eo múnere ita versátus sit, ut juxta ipsíus Pauli praeceptóris mónita, se ipsum prae-búerit exémplum bonórum óperum in doctrína, in integritáte, in gravitáte.

¶. Pó sui adjutórium super poténtem, et exaltávi eléctum

de plebe mea: * Manus enim mea auxiliábitur ei.

†. Invéni David servum meum, óleo sancto meo unxi eum. Manus.

Lectio VI.

Itaque tamquam lucérna inter eos, qui in idololatriæ et mendaciórum ténebris, véluti in umbra mortis, sedébant, religiónis jubar diffúdit. Tráditur eum inter Dálmatas, ut Crucis vexillum explicáret, strénue consudásse. Tandem meritórum, et diérum plenus, quarto supra nonagésimum anno, pridie nonas Januárii pretiósá justórum morte obdormívit in Dómino, et sepúltus est in Ecclesiá, ubi ab Apóstolo mínister fúerat constitútus. Hujus nomen a sancto Joánnē Chrysóstomo et a sancto Hyerónimo praeípue commendátum, Martyrológio Románo eádem die inscriptum légitur; verum pro ejus die festo cum Officio et Missa in cathólico orbe recoléndo ab utróque clero, primam inse-quéntem diem liberam summus Póntifex Pius Nonus assignávit.

¶. Iste est, qui ante Deum magnas virtútes operátus est, et omnis terra doctrína ejus repléta est: * Ipse intercédāt pro peccátis ómnium populórum.

ÿ. Iste est, qui contempsit vitam mundi, et pervenit ad coeléstia regna. Ipse Glória Patri. Ipse.

IN III. NOCTURNO

Lectio sancti Evangélíi
secúndum Lucam.

Lectio VII.

In illo témpore: Designávit Dóminus et álios septuagínta duos: et misit illos binos ante faciém suam in omnem civitátem et locum, quo erat ipse ventúrus. Et réliqua.

Homília S. Gregórii Papae.

Hom. 17. in Evang.

Dóminus et Salvátor noster, fratres charíssimi, aliquándo nos sermónibus, aliquándo vero opéribus ádmonet. Ipsa étenim facta ejus praecépta sunt: quia dum áliiquid tácitus facit, quid ágere debeámus innotéscit. Ecce enim binos in praedicatiónem discipulos mittit: quia duo sunt praecépta charitátis, Dei vidélicet amor, et próximi: et minus quam inter duos cháritas habéri non potest. Nemo enim próprie ad semetípsum habére charitátem dicitur: sed diléctio in álterum tendit ut cháritas esse possit.

n. Amávit eum Dóminus, et ornávit eum, stolam glóriæ induit eum: * Et ad portas paradísi coronávit eum.

ÿ. Induiteum Dóminus lorícam fidei, et ornávit eum. Et ad portas.

Lectio VIII.

Ecce enim binos ad praedicándum discipulos Dóminus mittit: quátenus hoc nobis tácitus innuat, quia qui charitátem erga álterum non habet, praedicatiónis officium suscipere nullátenus debet. Bene áutem dicitur, quia misit eos ante faciém suam in omnem civitátem, et locum, quo erat ípse ventúrus. Praedicatóres enim suos Dóminus séquitur: quia praedicatio praevenit, et tunc ad mentis nostrae habitáculum Dóminus venit, quando verba exhortatiónis praecúrrunt: atque per hoc véritas in mente suscipitur.

n. Sint lumbi vestri praecínti, et lucérnae ardéntes in mánibus vestris: * Et vos símiles homínibus expectántibus dómínium suum, quando revertátur a nuptiis.

ÿ. Vigiláte ergo, quia nescítis, qua hora Dóminus vester ventúrus sit. Et vos. Glória Patri. Et vos.

Si transferatur in Quadragésimam IX. Lectio dicitur de Hom. fer. currentis.

Lectio IX.

Beata Agnes, paréntibus ad ejus sepúlchrum assidue vigilántibus, quadam nocte choro virginum comitata cum apparuisset, sic ad eos locuta dicitur: ne me, paréntes, mórtuam lugeátis: nam una cum his virginibus vivo apud illum in coelis, quem in terris tota mente diléxi. Cum aliquot post annos Constantia, Constantíni imperatóris filia, insanábili úlceri medicinam quaerens, nondum christiana ad idem sepúlchrum accessisset obdormiscens sibi audire visa est vocem hanc Agnétis: Constantér age, Constantia; Crede in Jesum Christum Filium Dei, qui te sanam faciet. Quae sanata, páulo post una cum multis ex familia imperatóris baptismum suscipiens, ibi ecclesiám nómine beatae Agnétis aedificávit.

Te Deum laudámus.

In Laudib. fit com. S. Agnetis V. M. secundo.

Ant. Ecce quod concupívi, jam vídeo; quod sperávi, jam téneo: ipsi sum juncta in coelis, quem, in terris pósita, tota devotíone diléxi.

†. Diffusa etc.

ORATIO

Deus, qui nos ánnua bea-

tae Agnétis virginis et mártiris tuae solemnitate lactificas, da quaesumus, ut quam venerámur officio, étiam pie conversatiónis sequámur exémplo. Per Dóminum.

FESTA FEBRUARII.

DIE I. FEBRUARII

In Festo S. VERDIANAE Virg. Fl. reclusae, dupl. Omnia de comm. Virg praeter ea, quae sequuntur. Orat. Exaudi nos etc. de Comm.

In I. Noct. Lect. de Script. occur.

In II. Nocturno.

Lectio IV.

Verdiána in Castro Florentino ex illústri Attavantórum familia nata, a prima aetate orationis, et abstinentiae studiis dedita, dúrius quoddam vitae genus duodénnis aggréssa est, multisque a Deo miraculis honoráta. Haec cum diligénter considerásset quidam illius consanguineus vir opuléntus, eam in domum suam accépít custódem, et adjutricem cónjugis suae: sed cum in annónae caritate páuperum misérta, legúmina Dómini sui in eósdem erogáret, ita in illa iracúndia exársit

ut ad clamórem vicíni accurrerent. Verdiána vero cum a Deo opem imploráset, arcam legumínibus plenam dómíno osténdit, qui eo miraculo motus, eámdem deinceps summa veneratióne prosecútus est. Ad Cómpostéllam póstea cum quibúsdam piis muliéribus, atque inde Romam ad veneránda sanctórum Apostolórú límína peregrinatióne aggréssa, cum domum revertísset anno millésimo centésimo nonagésimo secúndo, Régulae Benedictínae sub strictióri Vallisumbrosánae Congregatiónis observántia se addíxit, in qua inclusárum rigórem amplexa, ipsum juventútis florem Dómíno consecrávit, multisque jejúniis, et afflictiónibus carnem suam castigávit. Nam vino perpétuo abstínuit, paviméntum pro lecto hábuit, férreo cingulo, et cilício corpus cinxit, in crástinum nihil resérvans, in páuperes ómnia, quae frugalíssimae mensae detráhere póterat, erogávit. Passiόnem Domínicam quotidie cum lácrýmis recolébat, et a collóquiis hóminum ita abhórruit, ut nec quidem vocáta responderet.

N. Propter etc.

Lectio V.

Cum váriis aerúmnis exer-

céri ad magni Antónii imitatióne expéteret, bini serpétes, qui summo horróri tenérrimae Vírgini erant, per fenéstram cèllulae ingrési, ab ea deinceps, máxime dum mensae accúberet, non recessérunt: quin et cáudis gráviser flagellábant, nisi, et illis cibum porrígeret, aut eódem ex vase pasci síneret. Hos dum Epíscopus Florentínus, qui ad eam inviséndam vénerat expéllere vellet, ipsa, ne tali patiéntiae exercítio privaréture exorávit. Quae abscissas cáudas illis restituit crucis Domínicae signo supra serpétes formáto, qui tamen illi magis infésti post accéptum beneficium extitérunt, donec uno ab incolis interémpto, alter deinceps non compáruit: ex quo Verdiána diem supré mum sibi instáre intelléxit.

N. Dilexisti etc.

Lectio VI.

Cláruit exímia, miraculórú virtúte, nam aquam prodigióse in vinum vertit; fractum púeri genu, et bráchium curávit, caecam puéllam, palma impósita, vidéntem reddidit, áliaque plura miraculóse patrávit. Demum trigésimo reclusiónis anno dum Psalmos Poenitentiáles recitáret, puríssimum spíritum Deo réddidit Kaléndis Fe-

bruarii anno millésimo ducentésimo vigesimo secúndo, ejus mortem campánae sponte sonántes publicáru[n]t. Concúrsu proinde Cleri, populí-
que facto ad cèllulam, et muro diruto, sacrum ejus corpus repértum est in gènuâ erèctum, sublátis in coelum má-
nibus, et miram efflans coeléstis odóris fragrántiam, quod pro consluéntium solátio dies
sédécim inhumátum, insígnibus intérea miráculis illustrátum fuit: quibus diligéti in-
quisitione perspéctis, Clemens séptimus Póntifex Máximus Officio ecclesiástico coli man-
dávít.

n. Afferéntur etc.

In III. Noct. Hom. in Ev. Simile erit etc. de eod Comm.

DIE II. FEBRUARII

Festum PURIFICATIONIS B. M. V. in Metropolit. dup. 1. cl.; extra vero dup. 2. cl. et ubique celebrat. cum oct. Omn. dicunt. ut in Brev.

DIE III. FEBRUARII

Secunda die infra oct. Purificationis B. M. V.

In Festo S. Blasii Ep. et M. semidupl.

In I. Noct. Lect. de Script. occur.

In II. Noct. Lect. IV. Blásius Sebáste etc. ut in Brev. Lect. V. et VI. De exposition. S. Ambros. Ep. Principes persecúti, ut in Comm. 1. Mart. 2. loco.

In III. Noct. Homil. S. Gregoríi Pp. in Ev. Si quis vult post me veníre etc. de eod. Commun. 2. loc., et fit comm. octav.

DIE VI. FEBRUARII

Quinta die infra oct. Purific. B. M. V. semid. Omnia ut in die Fest. praeter ea quae sequuntur.

In I. Noct. Lect. de Script. occur.

IN II. NOCTURNO

Ex libro S. Epiphánii Episcopi advérsus haereses.

Lib. 3. haeresi 78. post med.

Lectio IV.

Beáta Mater Dei María per Hevám significátur quae, per aeuígmá accépit, ut mater vivéntium vocétur. Illa étenim mater vivéntium vocáta est, étiam postquam audívit, terra es, et in terram rever-
térís, post transgressiónem. Et

mirum est, quod post transgressionem hoc magnum cognomen habuit. Et quod quidem pertinet ad rem sensibilem, ab illa Heva omnis hominum generatio deducta est in terra: hic autem vere a María haec vita mundo genita est, ut viventem gigneret, et fieret María mater viventium: per aenigma igitur María Mater viventium appellata est.

ñ. Símeon justus etc.

Lectio V.

Hevae datum est operire corpus sensibile propter nuditatem sensibilem: María vero datum est a Deo, ut pareret nobis Agnum, et ovem et ex gloria ipsius Agni, et ovis fieret nobis velut a vélere in sapientia per virtutem ipsius indumentum incorruptibilitatis. Heva etiam mortis causa facta est hominibus: per ipsam enim mors ingressa est in mundum: María vero causa vitae, per quam genita est nobis vita, et per hanc Filius Dei advénit in mundum: et ubi abundavit peccatum, ibi superabundavit et gratia: et unde illata est mors, illinc processit et vita, ut vita pro morte fieret: et qui per mulierem nobis vita factus est, mortem ex muliere

inductam excluderet. Et quoniam illic Heva, cum adhuc esset virgo, per inobedientiam transgressa est: e contrario per Virginem obedientia gratiae facta est, annuntiatio adventu in carne de coelo, et vita aeterna.

ñ. Responsum accepit etc.

Lectio VI.

De María accipitur (liceat mihi hoc dicere) quod scriptum est de Ecclesia: Relinquet homo patrem suum, et matrem suam, et adhaerebit uxori suae: et erunt duo in carne una. Sanctus autem Apóstolus dicit: Mystérium hoc magnum est, ego autem dico in Christo et Ecclesia. Et vide Scripturarum accurratam dicendi proprietatem, quod de Adam quidem dixit, formavit: de Heva vero non formatam esse, sed aedificatam. Accipit enim, inquit, unam de costis ejus, et aedificavit ipsi in uxorem. Quo ostendat, Dóminum quidem de María efformasse sibi ipsi corpus, ab ipsa vero consta aedificatam esse Ecclesiam, in eo quod punctum et apertum est ipsius latus, et mystéria sanguinis, et aquae pretia redemptionis facta sunt.

ñ. Cum inducerent etc.

IN III. NOCTURNO

Lectio sancti Evangelii
secundum Lucam.

Lectio VII.

Cap. 2. c.

In illo tempore: postquam implēti sunt dies purgationis Mariæ secundum legem Moysi, tulērunt Jesum in Jerúsalem, ut sisterent eum Dómino, sicut scriptum est in lege Dómini. Et reliqua.

Homilia Venerabilis
Bedae presbyteri.

Tom. 7. Hyem. post init.

Praecēpit Dóminus in Lege ut qui posset, agnum pro filio, vel filia simul et turturē, sive colūmbam offerret: qui vero non sufficeret ad offerendum agnum, duos jam turtures, vel duos colūmbae pullos offerret. Ergo Dóminus nostrae per ómnia memor salūtis, non solum hómo fieri, cum Deus esset, sed étiam cum dives esset, páuper fieri dignátus est pro nobis, ut nos sua paupertáte simul et humanitáte, divitiárum et divinitátis suae donáret esse participes.

ñ. Suscípíens etc.

Lectio VIII.

Sed libet paulisper intuéri, cur hae máxime volúcris in hóstiam Dómino jubéntur offerri: nam et Abraham Patriárcha, tanto ante legem, has in holocáustum Dómino légitur obtulísse, et in plerisque legis caeremóniis, qui mundándus esset, per has jubebátur mundári. Colúmba ergo simplicitátem, turtur indicat castitátem; quia et colúmba simplicitátis, et castitátis amátor est turtur, ita ut si cónjugem casu perdíderit, non áliam ultra quaerere curet. Mérito ergo turtur, et colúmba Dómino offerúntur in hóstiam, quia nimirum simplex, et pudíca fidélium conversátio gratum est illi sacrificium justítiae.

ñ. Senex etc.

Lectio IX.

De S. Dorothea.

Doróthea virgo, ex Caesaréa Cappadóciae, propter Christi confessiónem ab Aprício Praeside comprehénsa, Chrystae, et Callistae soróribus, quae a fide defecerant, trádita est, ut eam a propósito removérēt. Sed contra factum est: nam

cas Doróthea ad cultum Christiánae religiónis redúxit, propter quam étiam martyrium suscepérunt. Quare virgo equúleo diu torta, et palmis caesa, ad extrémum cápitis damnáta, duplicátam virginitátis et martyrii palmam accépit. Te Deum.

In Laudib. fit com. S. Dorothae V. M. Ant. Símile y. Spécie tua. Or. Indulgentiam.

DIE VIII. FEBRUARII

Septima die infra oct. Purific. B. M. V.

In Festo S. PETRI IGNEI Flor.

Card. Ep. Alb. et Conf. dupl. Omnia de Comm. Conf. Pont. praeter ea, quae sequuntur.

Oratio. Da quaesumus, omnípotens Deus, ut Beáti Petri Ignei etc.

In I. Noct. Lect. de Script. occur. in Quadrag. vero Fidé- lis sermo de Comm.

IN II. NOCTURNO.

Lectio VI.

Petrus ex nobilíssima Aldo- brandescórum gente Floréntiae natus est, cum Desidé- rius Soanénsium Comes ejus pater pro Imperatóre Henríco sancto illi Urbi praesidéret. Puer septénnis sancto Joànni Gualbéto Vallisumbrósae Ab-

báti a Patre ejus consobrino commendátus, ac Mónachi hábitu indútus, tanto se dignum magistro insígni sanctitáte probávit. Ea síquidem humilitáte, et obediéntia ení- tuit, ut licet in deliciis educátus, pécora páscere, et asel- lórum curam ágere jussus, non erubésceret, sed ómnibus mundi honóribus extrémam illam abjectionem praeférret. Inde ad altióra provéctus, cum sancto Patri insígne mona- stérium Passinianénse resi- guátum fuisset, ad reformán- dum Petrus eidem praeféctus, mónachos ac presbyteros ibí- dem degéntes ad perfectam monástici Ordinis disciplinam redúxit. Orta áutem cum es- set dissénsio in pópulo Flo- rentíno propter Simoníacos, quos máxime aversabátur sanctíssimus Abbas Joáñnes, Petrus cum beáto Rodúlpho Romam missus, ibíque male ve- xátus, cum sóciis imperfecto ópere Floréntiam rédiit.

n. Inveni David etc,

Lectio V.

Postulántibus vero Medio- lanénsibus, cum eódem Rodúlpho, aliisque mónachis in Insúbriam permeáre coáctus, una cum Ariáldo Diácono Mediolanénsi, (qui Petro in- stánte cucýllum induit Val-

lumbrosánum, et qui ab haereticis trucidátus, Martyr effectus est) et cum Herembáldo Duce, máxime contra Nicolaítas, et Simoníacos profécit, ut pene tota Gállia Cisalpína ab haeresi liberarétur. Revocátus in pátriam, et fervénte adhuc ódio inter Clerum, et Mónachos, cum venerábilis Abbas Joánnes incássum sua verba procédere comperíret: quóniam, inquit, verba non prosunt, veniámus ad signa. Mox rogos duodecim pedum extrúitur, intra quem parva sémita, qua uníus tantum hóminis persóna transíre posset, relínquitur, quae ex accénsis lignis, ne áliquis ibi locus a flamma vacáret, constérnitur. Tum Petro discipulo suo (qui ex hoc facto Igneus appellátus est) praecepít, ut per accénsi rogi flammam indubitánter intráret. Qui jússui Patris obtémperans, postquam Deo sacrificium óbtulit, cásula se expólians ad ignem venit, et magna voce Deum orávit, ac sanctae Crucis se signáculo múnies, per médias flammam constánter ingrédus est.

†. Pósuí etc.

Lectio VI.

Cum igitur úndique esset flammis circúmdatus, et cum

omnes jam consúptum putárent, súbito ex ália parte, Christi grátia comitánte, egrédiens prosilívit; cumque jam pene ex igne debéret égredi, vidit se máppulam in mánibus non gestáre et in ignem sibi eam recidísse consíderans, per médias íterum flammam revértitur, et secum máppulam éxtrahens reportávit, ut non modo vestiménta, sed ne capíllus quidem laesus viderétur ab igne: quo viso miráculo, qui áderant imménas Deo egérunt grátias, atque in unum, abjécta haeresi, conjúcti sunt. Exínde Petrus Abbas Ficiclénsis eléctus est, et assúpto ad Pontificátum beáto Gregório séptimo, Cardínalis Episcopus Albanénsis creátus, plúrimum in tolléndis gravíssimi schísmatis semínibus laborávit, eodémque pro negótio legatíone in Germánia perfúctus, felicióri póstea succésu in Gálliam legátus, multa praeclára pro reparándá Ecclesiástica disciplína gessit. Sénio tandem conféctus, et méritis plenus, anno salutis millésimo nonagésimo quarto, sanctíssima vita functus est, et in suo Valisumbrosae monastério apud sacram turrim sepúltus, ubi et caeteri Sancti, ac Beáti illius Ordinis quiescunt.

n. Iste est etc.

In III. Noct. Homil. In Ev.

Homo peregere, ut in eod.
Comm. 1. loco.

DIE IX. FEBRUARII.

Octava Purificat. B. M. V.
dup.

In I. Noct. II. de Script. occur.

In II. Nocturno.

De Expositione S. Gregorii
Papae in libros Regum.

Lectio IV.

In 1. Regum. 1.

Euit vir unus de Ramáthaim Sophim, de monte Ephraim. Potest hujus montis nómine beatíssima semper virgo María Dei génitrix designári. Mons quippe fuit, quae omnem eléctae creatúrae altitudinem, electionis suae dignitate transcendit. An non mons sublimis María, quae ut ad conceptionem aetérni Verbi pertingeret, meritórum vérticem supra omnes Angelórum choros, usque ad sólium Deitátis erexit? Hujus enim montis praecellentíssimam dignitatem Isaías vaticinans, ait: Erit in novíssimis diébus praeparátus mons domus Dómini in vértice móntium. Mons quippe in vértice móntium fuit, quia altitúdo Maríaes supra omnes Sanctos refúlsit.

ñ. Símeon justus etc.

Ex Epístola sancti Leónis Papae ad Pulchériam Augústam.

Lectio V.

Epist. 13. ante med.

Sacraméntum reconciliatiónis nostrae ante témpora aetérna dispósitum, nullae implébant figúrae: quia nondum supervénérat Spíritus sanctus in Vírginem, nec virtus Altíssimi obumbráverat ei, ut et intra intemeráta viscera, aedificánte sibi sapiéntia domum, Verbum caro fieret: et forma Dei, ac forma servi in unam conveniéntem persónam, Créátor témporum nascerétur in témpore et per quem facta sunt ómnia, ipse inter ómnia gignerétur. Nisi enim novus homo, factus in similitúdinem carnis peccáti, nostram susciperet vetustátem, et consubstantiális Patri consubstantiális esse dignarétur et Matri, naturámque sibi nostram solus a peccáto liber uníret; sub iugo diaboli generaliter tenerétur humana captívitás.

ñ. Respónsum accépit etc.

De Expositione S. Basilii
Episc. in Isaíam Prophétam.

Lectio VI.

In cap. 8. post. init.

Accéssi, inquit, ad prophetíssam, et in útero accépit,

et péperit Fílium. Quod María Prophetíssa fúerit, ad quam próxime accessit Isaías per praenotiónem spíritus, nemo contradíxerit, qui sit memor verbórum Maríae, quae prophético afflata spíritu eloquíata est. Quid enim ait? Magníficat ánima mea Dóminum, et exultávit spíritus meus in Deo salutari meo: quia respéxit humilitátem ancíllae suae; ecce enim ex hoc beátam me dicent omnes generatiónes. Quod si ánimus accommodáveris univérſis ejus verbis, non útique contentiósè negáveris eam fuisse Prophetíssam, quod Dómini spíritus in eam supervénerit, et virtus Altíssimi obumbráverit ei.

¶. Cum indúcerent etc.

IN III. NOCTURNO.

Léctio Sancti Evangélíi
secúndum Lucam.

Lectio VII.

In illo témpore: Postquam impléti sunt dies purgatiónis Maríae secúndum legem Móysi, tulérunt Jesum in Jerúsalem, ut sisterent eum Dómino, sicut scriptum est in lege Dómini. Et reliqua.

Homília S. Joánnis Chrysóstomi.

Lumen ad revelatiónem géntium. Cur lumen? Quia gentes in ténebris versabántur, et quia rursum obscuráta, tetrísque peccatórum ténebris obducta, per illud illustránda, et expiánda erant. Et glóriam plebs tuae Israel. Hic glória illic revelatio. Hic Doctrínae iníitium, illic disciplinae persecútio. Ast objecerit hic forte quispiam: dic quaeso, ubi nam sunt Israelitae? Ecce habes Petrum, habes Páulum, habes Joánnem, habes tria millia, habes quinque millia, habes Ecclesiám Jerosolymítanam, habes eos praelérea Judaeos, qui inter gentes dispérſi fidem suscepérunt.

¶. Suscípiens Jesum etc.

Lectio VIII.

Itaque asservabátur in pópulo illo fidei semen, neque simul univérſus pessum ivit. Absit neque simul omnes Judaei in intéritum ruérunt, sed plúrimi. Neque id mirum: nam et nunc quoque infelíci hac rerum constitutióne, beatáque vocatióne, multi quidem sunt vocáti páuci vero elécti. Non totus itaque pópulus ille simul intériit, non totus depravátus est, non totus in infidelitáte permánsit, non totus persecútus est Apóstolos. Cre-

didérunt enim per Apóstolos simul tria millia extra mulieres, et párvulos, et facta est Jerosólymis Ecclésia ádmó- dum númeroſa.

¶. Senex etc.

Lectio IX. de S. Apollonia

Apollónia, virgo Alexandrina, sub Décio Imperátore cum ingravescénte jam aetáte ad idóla sisterétur, ut eis venerationem adhiberet: illis contéptis, Jesum Christum verum Deum coléndum esse praedicábat. Quamóbrem omnes ei contúsi sunt, et evúlſi dentes: ac nisi Christum detestáta deos cóleret, accénso rogo combustúros vivam mináti sunt ímpii carnífices. Quibus illa, se quamvis mortem pro Jesu Christi fide subitúram respóndit. Itaque comprehénsa ut comburerétur cum paulisper, quasi delíberans quid agéndum esset, stélisset, ex illórum mánibus elápsa, álacris in ignem sibi parátum majóri Spíritus sancti flamma intus accénsa, se injécit. Unde brevi consúpto corpore, puríssimus spíritus in coelum ad sempitérnam martyrii corónam evolávit.

Te Deum.

DIE X. FEBRUARII.

In Festo S. SCHOLASTICAE Virginis. Duplex.

Omnia de Communi Virg. praeter ea quae sequuntur.

ORATIO.

Deus, qui ánimam beátae virginis tuae Scholásticae, ad ostendéndam innocentiae viam, in colúmbae spécie coelum penetráre fecísti; da nobis ejus méritis, et précibus ita innocénte vivere, ut ad aetérna mereámur gáudia pervenire. Per Dóminum.

Deinde fit commemor. Fer. si celebretur in Quadrag.

In I. Noct. Lectiones de Scriptura occurr.

Si vero celebretur in Quadrag. Lect. de Epist. prima Beati Pauli Apost. De Virgí- nibus ut in Comm. Virginum.

In II. Nocturno.

Ex libro secúndo Dialogó- rum S. Gregórii Papae.

Lectio IV.

Scholástica venerábilis Patris Benedicti soror, omnipo- Cap. 33.

ténti Dómino ab ipso infántiae témpore dedicáta, ad eum semel per annum veníre consuérat, ad quam vir Dei non longe extra jánuam in possessione Monastérii descendebat. Quadam vero die venit ex more, atque ad eam cum discipulis venerábilis ejus descendit frater: qui totam diem in Dei láudibus, sacrisque collóquiis ducéntes, incumbéntibus jam noctis ténebris, simul accepérunt cibum. Cumque adhuc mensam sedérent, et inter sacra collóquia tardior se hora protráheret, eadem sanctimoniális foemina soror ejus eum rogávit, dicens: Quaeso te, ut ista nocte me non déseras, ut usque mane de coeléstis vitae gáudiis loquámur. Cui ille respóndit: Quid est quod lóqueris soror? manére extra cellam nullátenuus possum. Tanta vero erat coeli serenitas, ut ulla in aere nubes apparéret. Sanctimoniális áutem foemina, cum verba fratris negántis audivisset, insértas dígitis manus super mensam pósuit, et caput in mánibus omnipoténtem Dóminum rogátúra declinávit. Cumque leváret de mensa caput, tanta coruscationis, et tonítrui virtus, tántaque inundatio plúviae erúpit, ut neque venerábilis Benedíctus, neque fratres, qui cum eo áderant, extra loci limen, quo consé-

derant, pedem movére potuerint.

¶. Propter veritatem etc.

Lectio V.

Sanctimonialis quippe foemina, caput in mánibus declínans, lacrymárum flúvium in mensam fúderat, per quas serenitatem áeris ad plúviam traxit. Nec páulo tárdius post orationem inundatio illa secúta est; sed tanta fuit convenientia orationis, et inundationis, ut de mensa caput jam cum tonítruo leváret, quátenuus unum idémque esset moméntum, et leváre caput, et plúviam depónere. Tunc vir Dei inter corúscos, et tonítruos, atque ingéntis plúviae inundatiónem videns se ad Monastérium non posse remeáre, coepit cónqueri contristátus, dicens: parcat tibi omnipotens Deus, soror: quid est quod fecisti? Cui illa respóndit: Ecce rogávi te, et audíre me noluísti: rogávi Deum meum, et audívit me; modo ergo, si potes, egrédere, et, me dimissa, ad Monastérium recéde. Ipse áutem exíre extra tectum non valens qui remanére sponte nóluit in loco, mansit invítus. Sicque factum est, ut totam noctem pervígilem dúcerent, atque per sacra spiritális vitae collóquia,

sese vicária relatióne satiarent.

R. Dilexisti justitiam etc.

Lectio VI.

Cumque die áltero éadem venerábilis foemina ad cellam própriam recessisset, vir Dei ad Monastérium rédiit. Cum, ecce post trídium in cella consistens, elevátis in áera óculis, vidit ejúsdem soróris suae ánimam de córpore egréssam, in columbae spécie coeli secréta penetráre. Qui tantae ejus glóriæ congáudens, omnipoténti Deo in hymnis, et láudibus grátias reddidit, ejúsque óbitum frátribus denuntiávit. Quos étiam prótinus misit, ut ejus corpus ad Monastérium deférrent, atque in sepúlchro, quod sibi ipsi paráverat, pónerent. Quo facto cóntigit, ut quorum mens una semper in Deo fúerat, eórum quoque córpora nec sepultúra separáret.

R. Afferéntur Regi etc.

In III. Noct. Homilia in Evang. Simile erit regnum Coelórum decem Virgínibus, de Comm. Virg.

DIE XI. FEBRUARII

In Festo BB. SEPTEM FUNDATORUM Ord. Serv. B. M. V. dup. 2. cl.

AD VESPERAS

Antiph. Sapiéntia aedificávit, cum reliquis de *Laudibus: Psalm.* Dixit Dóminus cum reliquis de *Dominica, et loco ultimi Psalm.* Laudáte Dóminum omnes gentes.

Capitul.

Ad Heb. 13. 7.
Fratres, mementóte Praepositorum vestrórum, qui vobis locúti sunt verbum Dei, quorum intuéntes éxitum conversatiónis imitámini fidem.

Hymnus.

Festívis résonent cántica pláusibus.
Et quam Virgo Parens próvida déstinat.
Illústrem sóbolem, lúmine ut ímpleat.

Orbem, láudibus efferrant.

Hi sunt qui pátriae sedis honóribus

Calcátis, súperant árdua móntium:

Ut myrrhae lácrymas atque ánimo ferant

Moestam thuris imáginem.

Hos atris décorat véstibus ínclýta.

Virgo, ut, quam súbiit,
perniciem fleanť.
Cum Nati ingémuit trístia
fúnera.

Crucis próxima stípití.
Servórum título signat ab
aethere
Coeléstis Génitrix, et nova
gérmina
In partem sóciat luctus, et
ímpérat.

Coetum hinc súrgere
pérpetem
Regis qui súperum vólvere
júgiter
Curet supplicium, saeva-
que praedicet,
Quae in Templo Símeon
mente prophética.

Matris vúlnera nóverat.
Acclíni Dóminum Te prece
póscimus
Sanctórum résera cómpita
gréssibus
Signáta, et páribus nos quo-
que praebeas

Ad Te pérgeré víribus.
Amen.

Ÿ. Oráte pro nobis septem
Beáti Patres.

ŋ. Ut digni efficiámur pro-
missiónibus Christi.

*In utrisque Vesperis ad Ma-
gnific.* Antiph. Isti sunt viri
misericórdiae, quorum pietá-
tes non defuérent. Semen eó-
rum, et glória eórum non de-
relinquéťur, allelúja.

ORATIO.

Deus, qui ad recoléndam

memóriam dolórum Sanctis-
simae tuae Genitrícis per se-
ptem Beátos Patres nova Ser-
vórum ejus Família Ecclesiám
tuam foecundásti, concéde pro-
pítius, ita nos eórum conso-
ciári flétibus, ut perfruámur
et gáudiis. Qui vivis, et re-
gnas etc.

AD MATUTINUM

Invitatorium. Mirábilem Dó-
minum in Servis Deíparae: *
Veníte, adorémus.

Psalmus. Veníte.

Hymnus.

Praeclára septem lúmina
Tusci micántis Aetheris,
Vos Virgo Mater éxcitat,
Ut luce Mundus spléndeat.

Vos labra lacte périlita
Servos Mariæ nóminant:
Tum Virgo vos Senários
Adíre colles ímpérat.

Vos ipsa Mater ínclýta
Funéb're pállio índuit
Ut desleátis vúlnera,
Quae pertulit saevíssima.

Hoc ipsa caeli e cúlmine
Petro revélat Mártýri,
Jubétque coetum pérpetem
Hinc pósteris constítui,

Qui famuléntur júgiter,
Ipsámque semper díligant,
Colant, propágent, praedicent
Ejus dolóres flébiles.

Quaeso Duces fortíssimi,

Ah vos sequámur strénue;
Ardor, dolórque férvidus
In Virginem nos occupent.

Et tu supérna Trínitas
Perfúnde sancto róbore,
Vitámque fac non ímparem
Nostris Beátis dúcere.

Amen.

IN I. NOCTURNO

Antiph. In vértice móntium
plantávit Regína Mártýrum
víneam justórum qui dolóres
ejus meditabántur die, ac
nocte.

Psalm. Beátus vir, qui non
ábiit, cum reliquis ut in *Com-*
muni Confes. non Pontificis.

Antiph. Dómina dixit ad
eos: Fílii mei estis vos: E-
xultáte, quia ego vos génui,
Allelúja.

Antiph. Voce sua ad Dómi-
nam clamavérunt, et exaudí-
vit eos de monte sancto suo.

ŷ. Laetámini in Dómino,
et exultáte justí.

ŕ. Et gloriámini omnes re-
cti corde.

De Libro Ecclesiástici.

Lectio I.

Laudémus viros glorióſos,
et paréntes nostros in gene-
ratione sua. Multam glóriam
fecit Dóminus magnificéntia
sua a saeculo. Dominántes in

Cap. 44.

potestátibus suis, hómines ma-
gni virtúte, et prudéntia sua
praediti, nuntiántes in Pro-
phétis dignitátem Prophetá-
rum, et imperántes in prae-
sénti pópulo, et virtúte pru-
déntiae pópulis sanctíssima
verba. In perítia sua requi-
réntes modos músicos, et nar-
rántes cármina scripturárum.

ŕ. Laetábitur déserta, et ín-
via, et exultábit solitúdo:
* Et florébit quasi lílium.

ŷ. Gérminans germinábit,
et exultábit laetabúnda, et
láudans. Et florébit.

Lectio II.

Hómines dívites in virtú-
te, pulchritúdinis stúdiu hab-
ébentes, pacificántes in dómi-
bus suis. Omnes isti in ge-
nerationibus gentis suae gló-
riam adépti sunt, et in diébus
suis habéntur in láudibus.
Qui de illis nati sunt reli-
quérunt nomen narrándi!áu-
des eórum: et sunt, quorum
non est memória; perierunt
quasi qui non fúerint: et nati
sunt, quasi non nati, et filii
ipsórum cum ipsis.

ŕ. Sáliet sicut cervus cláu-
sus, et apérta erit lingua
mutórum: * Quia scissae sunt
in déserto aquae, et torréntes
in solitúdine.

ŷ. In cubílibus, in quibus
prius dracónes habitábant, o-

riétur viror cáлами, et junci.
Quia.

Lectio III.

Sed illi viri misericórdiae sunt, quorum pietátes non defuérent: cum sémine eórum pórmanent bona, hae-réditas sancta nepótes eórum, et in testaméntis stetit semen eórum: et filii eórum propter illos usque in aetérnum manent: semen eórum, et glória eórum non derelinquétur. Córpora ipsórum in pace sepulta sunt, et nomen eórum vivit in generatióne, et generatióne: sapiéntiam ipsórum narrent pópuli, et láudem eórum nuntiét Ecclésia.

ñ. Haec est vera fraternitas, quae regnum mundi, et omnem ornátum saeculi contémpsit, * Propter amórem Dómini Jesu Christi.

ŷ. Ecce quam bonum, et quam jucúndum habitáre fratres in unum. Propter. Glória Patri. Propter.

IN II. NOCTURNO

Ant. Non diligéntes vanitátem, nec requiréntes mendácium ómnia saeculi bona abdicavérunt, et a Dómino mirificáti sunt.

Ant. In multitudíne misericórdiae Dóminae suae spe-

rantes, introjérunt in domum ejus, et adoravérunt ad templum sanctum ejus.

Ant. Ex ore infántium, et lacténtium servos tuos illos dicéntium perfecísti, Dómina, láudem eórum. Quam admirábile est nomen tuum!

ŷ. Exúltent justí in conspéctu Dei.

ñ. Et delecténtur in laetitia.

Lectio IV.

Décimo tértio Christiáni nóminis saeculo inter álios Florentínos patrícios septem erant avórum sáanguine, opibúsque illústres; at virtútibus spectátis suis longe illustrióres, nuncupáti (ut Religióni nomen dedére) Bonfilius Monáldius, Bonajúcta Manétti, Manéttus Antellénsis, Amidéus de Amidéis, Ugúccio Ugucciónius, Sosténeus de Sosténeis, demum Aléxius de Falconériis. Cum hi trigésimo tértio supra millésimum, ac bis centésimum annum auspícatíssimo Assúptae Vírginis festo, in sodalítio quodam, cui títulus Laudénsium erat, Augustíssimae Dei Genitríci, prout par erat, láudes exsólverent, ab eádem dulcíssime iis apparénte, inopíne monéri se sentiunt ad sublimiórís vitae genus, posthábito

mundo, amplectendum; absolutisque idcirco quibus dabant operam, laudibus, confestim perciti in unum, collatisque mutuo consiliis, supernis Dei vocantisque Deiparae oraculis parere mox decreverunt. Quod et sedulo factum est ab iisdem; nam consulto statim matüre Urbis Episcopo, post fortunae abdicatis bonis, erogatisque ample in egenos, ciliiciis carni obstrictis, villioribus detritisque vestibus cinerei coloris induti, in ruralem parvam aediculam secesserunt natalitio die amantissimae ipsorum Parentis; ut vitae sanctioris primordia optime inirent, qua die mortalibus orta sacratissimam vitam ipsa inchoaverat.

¶. Omnes isti congregati sunt venerunt Domina, tibi: * Et omnibus his velut ornamento vestiëris.

¶. Et circumdabis tibi eos quasi sponsa. Et omnibus.

Lectio V.

Sic septem Beati Viri charitatis foedere devincti eadem in domo semet unierant; cum ecce per Urbem visos, statim (Domino si disponente, moventeque infantiles voces Deipara) ex infantium ore, ac lactentium, inter quos tum

puer erat sanctus Philippus Benitius vix quintum mensem ingressus, se Mariae clamari servos insperato est auditum. Quanta tunc, et exinde amoris flamma in Dominam suam, cujus (ignaris ipsis) declarati servi erant, excitatis studiis exarserint, non facile est explicatu. Illud solum scitur, quod sic ei se dederunt, ut veluti Matrem suam venerari, maximoque honore habere, morem ei gerere in omnibus, et obtemperare propter eam cunctis summopere studuerint. Hinc etiam ideo jucundi gratique ei fuere, ut, cum vitaturi populi plausum in Senarium Montem ab ipsa iis praeostensum habitaturi tetenderint, ibique Crucifixum Jesum, moestissimamque Matrem dolentes assidue recolerent, apparuit illa eis, habitumque lugubri assignato in memoriam Dolorum suorum, ut compaterentur istis, eos consecravit.

¶. Vocabo servos meos, et induam illos tunica mea, et cingulo meo confortabo eos:

* Et potestatem meam dabo in manibus eorum.

¶. Et erunt quasi Patres habitantibus Jerusalem. Et potestatem.

Lectio VI.

Ita cinericiis vestibus, indul-

gente etiam Episcopo, in nigras mutatis, post nonnullos annos, fortunatis quidem auspiciis, clarissimum illud Praedicatorum Ordinis decus sanctus Petrus martyr Floréntiam accessit, et audita inspectaque simul non fucata sanctimonia ipsorum, ita Dei amici se coeperunt mutuo diligere, ut familiarissime versarentur invicem secum, seseque alterne fovèrent. Inter caetera porro illud accidit, quod sperante inclyto martyre honorem Deo non modicum magnum terris commodum pròditum iri, si propitia Virgine longe, latèque propagarentur, una cum ipsis impense eam exorante, ut argumento aliquo voluntatem suam patefaceret, invocata Virgo amans in visione ei revelavit, se viros illos septem, et qui venturi erant post eos, inter mundi homines omnes ad singulare servitium suum selegisse, et commiserandis poenis jam latis suis amarissimis construendum Ordinem esse ad sui honorem, et gloriam. Hoc prodigioso Virgineo decreto animati humillimi Patres, non quia suae mentis fuisset successores posteros gignere, sed ut iussa reserata facerent supremae eorum Reginae, quae nomine suo duraturam sibi familiam fundari

voluerat, instituere deinceps sacrum Servorum Ordinem decreverunt, non tam ut primi ejus Fundatores, quam ut coelestis suae Fundatricis ministri obsequentes; quos proinde Dominus ut servos bonos, et fideles suos, ac Matris, in vita multis virtutibus, in morte multis prodigiis, post transitum multis miraculis adornavit. Novissime vero Benedictus Decimus Tertius, ejus instituti professor, cujus sanctus Petrus erat, ejus quoque in eos haeres amoris, Pontifex renunciatus eorum miram institutionem, ut clarésceret orbi, lectionibus his recenseri peramanter consuluit, ac mandavit.

¶ Vidi conjunctos viros habentes lugubres vestes, et Angelus Domini locutus est ad me dicens: * Isti sunt viri sancti facti amici Dei.

¶ Vidi Angelum Dei fortem volantem per medium coelum, voce magna clamantem et dicentem. Isti sunt. Gloria Patri. Isti sunt.

IN III. NOCTURNO

Ant. Ingrediétes sine mácula, et operántes justítiam habitavérunt in tabernáculo tuo, et requievérunt in monte sancto tuo.

Ant. Glóriam, et magnum

decòrem imposuisti super eos
Regína Mártyrum, cum in
memóriam dolórum tuórum
lúgubrem vestem eos induisti.

Ant. Haec fuit generatio
quaeréntium Dóminam, quae-
réntium Stellam ex Jacob.
Te laudámus Rex glóriæ.

Ÿ. Justi autem in perpé-
tuum vivent.

ñ. Et apud Dóminum est
merces eórum.

Lectio VII.

Lectio sancti Evangélii
secúndum Lucam.

Cap. 12.

In illo témpore, dixit Jesus
discípulis suis: Nolite timére
pusíllus grex, quia complá-
cuit Patri vestro dare vobis
regnum. Et réliqua.

Homília Venerábilis Bedæ
Presbyteri.

Lib. 4. cap. 54. in Luc. 12.

Pusíllum gregem electórum,
vel ob comparatióem majó-
ris númeri reprobórum, vel
pótius ob humilitátis devotió-
nem nóminat: quia videlicet
Ecclésiám suam quantálibet
numerositáte jam dilatátam,
tamen usque ad finem mundi
humilitáte vult créscere, et ad
promissum regnum humili-
táte perveníre. Ideóque ejus
labóres blande consolátus,

quam regnum Dei [tantum
quaerere præcipit, eidem re-
gnum a Patre dandum com-
plácita benignitáte promittit.

ñ. Dábitur lugéntibus Sion
coróna pro cinere, óleum gáu-
dii pro luctu, pállium láudis
pro spíritu moeróris: * Et vo-
cabúntur fortes justítiae, plan-
tatio Dómini ad glorificán-
dum.

Ÿ. Sacerdótes Dómini voca-
búntur, ministri Dei nostri. Et
vocabúntur.

Bened. Quorum Festum.

Lectio VIII.

Véndite quæ possidétiis, et
date eleemósynam. Nólite, in-
quit, timére, ne propter re-
gnum Dei militántibus, hujus
vitæ necessária desint, quin
étiam posséssa, propter elee-
mósynam véndite. Quod tunc
digne fit, quando quis semel
pro Dómino suis ómnibus
spretis, nihilóminus post hæc
labóre mánuum, unde et vi-
ctum transígere, et eleemósy-
nam dare queat, operátur. Un-
de gloriátur Apóstolus dicens:
Argentum, et áurum, aut ve-
stem nullius concupívi; ipsi
scitis quóniam ad ea, quæ
mihi opus erant, et his qui
mecum sunt, ministravérunt
manus istæ. Omnia osténdi
vobis, quóniam sic labóran-
tes opórtet suscépere infirmos.
ñ. Ego quasi vitis fructifi-

cávi suavitátem odóris: * Et flores mei fructus honóris et honestátis.

ŷ. Ego Mater pulchrae dilectiónis, et timóris et agnitiónis, et sanctae spei. Et flores mei. Glória Patri. Et flores mei.

Lectio IX.

Fácite vobis sácculos, qui non veteráscunt: eleemósynas videlicet operádo, quarum merces in aetérnum máneat. Ubi non hoc praecéptum esse putándum est, ut nil pecúniae reservétur a sanctis, vel suis scilicet, vel páuperum úsibus suggeréndae: cum et ipse Dóminus, cui ministrábant Angeli, tamen ad informándam Ecclesiám suam lóculos habuisse legátur, et a fidélibus oblata consérvans, et suórum necessitatibus, aliisque indigéntibus tribuens: sed ne Deo propter ista serviátur, et ob inópiae timórem justítia deserátur.

Te Deum.

AD LAUDES

ET PER HORAS.

Antiph.

Sapiéntia aedificávit sibi do-

num, excídit colúmnas septem, allelúja.

Psalm. Dóminus regnávít, cum reliquis de Laudibus Dóminicae.

Ant. Isti sunt Viri septem boni testimónii, pleni Spíritu Sancto, et sapiéntia.

Ant. Appáruit eis Dómina Angelórum, et diléxit eos in visióne, et in agnitióne magnálium suórum.

Ant. Beáti viri tui, Regína ómnium; beáti servi tui, qui stant coram te semper, allelúja.

Ant. Láudem dícite Deo nostro omnes servi ejus, et qui timétis eum pusílli, et magni.

Capitul.

Ad Hebr. 13. 7.

Fratres, mementóte Praepositorum vestrórum, qui vobis locúti sunt verbum Dei, quorum intuéntes éxitum conversatiónis, imitámini fidem.

Hymnus.

Matris sub Almae Númine
Septéna Proles nascitur.
Ipsa vocánte ad ásperrum
Senárii tendit vérticem.

Quos terra fructus próferet,
Dum sacra Proles gérmínat,
Uvis repénite túrgidis
Onusta vitis édocet.

Virtúte claros nóbili,

Mors sancta coelo cónsecrat.
Tenéntque olympi límina
Servi fidéles Vírgini.

Gens o beáta réspice
Regno potíta Núminis,
Quos hinc recédens tårtari
A fráude cinctos déservis.

Ergo per Almae vúlnera
Matris rogámus súpplices
Mentis tenébras ámove,
Córdisque fluctus cómpri-me,
Et tu supérna Trínitas
Perfúnde sancto róbre,
Vitámque fac non ímparem
Nostris Beátis dúcere.

Amen.

†. Exultábunt Sancti in
glória.

℟. Laetabúntur in cubíli-
bus suis.

Ad Benedictus Antiph. Fe-
cit misericórdiam Dóminus
cum Pátribus nostris; eréxit
nobis cornu salútis in domo
suae Genitrícis: serviámus
illi.

ORATIO.

Deus, qui ad recoléndam
memóriam dolórum Sanctís-
simae tuae Genitrícis per se-
ptem Beátos Patres nova ser-
vórum ejus Família Ecclésiám
tuam foecundásti, concéde
propítius, ita nos eórum con-
sociári flétibus, ut perfruámur
et gáudiis. Qui vivis et re-
gnas etc.

AD TERTIAM

Ant. Isti sunt.

Capitulum. Fratres, memen-
tóte, ut supra.

℟. br. Laetámini in Dómi-
no: * Et exultáte justí. Lae-
támini.

†. Et gloriámini omnes
recti corde. Et exultáte. Gló-
ria Patri. Laetámini.

†. Exúltent justí conspéctu
Dei.

℟. Et delecténtur in lae-
títia.

AD SEXTAM.

Antiph. Appáruit eis.

Capitulum.

Eccl. 44.
Omnes isti in generatióni-
bus gentis suae glóriam adé-
pti sunt, et in diébus suis
habénter in láudibus.

℟. br. Exúltent justí: * in
conspéctu Dei. Exúltent.

†. Et delecténtur in laetí-
tia. In conspéctu. Glória Pa-
tri. Exúltent.

†. Justí áutem in perpé-
tuum vivent.

℟. Et apud Dóminum est
merces eórum.

AD NONAM.

Antiph. Láudem dícite.

Capitul.

Eccl. 44.

Filii eorum propter illos usque in aeternum manent. Semen eorum, et gloria eorum non derelinquetur.

R. *br.* Justi autem: * in perpetuum vivent. Justi autem.

ŷ. Et apud Dominum est merces eorum. In perpetuum. Gloria Patri. Just.

ŷ. Exultabunt sancti in gloria.

R. Laetabuntur in cubilibus suis.

In secundis Vesperis omnia ut in primis.

DIE XII. FEBRUARII.

In Festo S. JOANNIS DE MATHA C. Duplex.

Dies ass. ex 8. huj. om. ut in Brev.

DIE XIII. FEBRUARII.

In Festo S. CATHARINAE DE RICCIIS Virg. Ord. Praed. dup. Omn. de Comm. unius Virginis non martyris praeter hic posita.

ORATIO.

Domine Jesu Christe, qui Beata Catharinam Virgi-

nem, tui amore succensam, Passionis contemplatione clarescere voluisti, ejus intercessionem concede, ut Passionis mysteria devote recolentes, ejus fructum percipere mereamur. Qui vivis etc.

In I. Noct. Lect. de Script. occur.

IN II. NOCTURNO.

Lectio IV.

Catharina nobili Familia de Ricciis Florentiae nata, vel ab ineunte aetate piam indolem praematuro ostendit. In suburbano monasterio sancti Petri de Monticellis, ubi morum disciplina imbueretur, collocata, quotidie ad Christi Crucifixi imaginem orans, non sine lacrymis, horis etiam animi relaxationi addictis, ejus Passionem meditabatur. Ad monasterium postea sancti Vincentii Ordinis sancti Domini in Civitate Prati translata, paternos lares ad tempus repetere, nisi certa spe redditus habita, constanter recusavit. Tandem anno decimo tertio, saeculi deliciis contemptis, ibidem religiosum institutum professa est.

R. Propter veritatem etc.

Lectio V.

Charitate in Deum fervens,

oratióni fere assidue vacábat, quidquid témporis necessariis occupatióibus et módicae quiéti supérerat in ea insúmēns; utque corpus in servitútem redigeret, férrea caténa, et flagéllis illud macerábat. Cibi parcíssima, octo supra quadragínta annos cáribus abstínuit, legumínibus plerúnique, et herbis vescens, intérdum vere solo pane, et aqua conténta. Proximórum aetérnam salútem exóptans, ardentíssimas ad Deum pro peccatórum conversiÓne preces fundébat. Tanto étiam commiseratiÓnis sensu erga purgántem ánimam commóta est, ut acerbíssimos dolóres sibi divínitus inflicto in poenárum illi debitárum expiatiÓnem pertulísse visa sit. Exímia prudéntia, et reguláris observántiae zelo moniales diu rexit, eas non minus exémplo, quam adhortatiÓnibus ad omnem sanctimóniam infórmas; quo in officio humilitátem ádeo cóluit, ut abjectíssima quaeque ópera sponte obíret, ac infirmis praecipua charitáte, et summo stúdio inservíret.

ñ. Dilexísti etc.

Lectio VI.

Supernórum Charismatum cópia singuláris in ea enítuit, ánnulo desponsatiÓnis, sacrísque stigmátibus, quae non

semel spectánda se exhibuérunt accéptis. Plúrium annórum spátio, quinta, et sexta féria in altíssimam contemplanÓnem rapta, singulos Redemptóris cruciátus in PassiÓne tolerátos ex órdine in corpore mirabíliter sentíre consuévít. Prati degens, sanctum Philíppum Nérium Romae commorántem vidére proméruit, ejúsque collóquio frui. Extasum, ráptuum, coeléstium visiÓnum, ac prophétici lúminis dono illústris, futúra praedixit, ac simul occulta revelávit. Grávibus dénique morbis decumbens, Ecclesiæ Sacraméntis muníta, anno a Christo nato millésimo quingentésimononagésimo, aetátis sexagésimo nono, quarto nonas Februarii in coelum migrávit. Eam subínde Clemens duodécimus beatárum Virgínum número, Benedictus vero décimus quartus Póntifex Máximus solémni ritu sanctárum Virgínum fastis adscrípsit, anno salútis millésimoseptingentésimo quadragésimo sexto.

ñ. Afferéntur etc.

In III. Noct. Hom. in Ev. Símile erit regnum coelórum decem Virgínibus.

DIE XIV. FEBRUARII

In Festo S. RAYMUNDI DE PENNAF. C. sem. d. ass. ex 23.

*Januarii om. ut in Brev. com.
S. Valentini Presbyt. m.*

DIE XV. FEBRUARII

*In Festo S. POLYCARPI Ep.
m. Duplex d. ass. ex 26. Ja-
nuarii om. ut in Brev. cum
9. l. (si venerit extr. Quadra-
gesimam) et com. SS. Fausti-
ni et Jovitae mm.*

DIE XVI. FEBRUARII

*In Festo S. IGNATII Ep. m.
Duplex d. ass. ex 1. huj. omn.
ut in Brev.*

DIE XVII. FEBRUARII

*In Festo B. ALEXII DE FAL-
CONERIIS Conf. dup. Omnia
de Comm. Conf. non Pont.
praeter ea, quae sequunt.*

Ad Vesperas, et ad Matut.

Hymnus.

Decóra lux Etrúriae,
Hospes perénis glóriæ
Aléxi, quo Te súpplices
Laeti precémur cántico?
Sodálium qui coetui
Junctus sacráto foedere,
Novo refúlgens Ordine
Addis Mariæe Sérvulos.

Et jam corónæ próximus
Tendens in altum lúmina
Adesse, quem speráveras
Christum puéllum cónspicis.
Te nunc supérni Núminis.
Amor, Fides, Spes, ómnium
Simúlque Virtútum chorus
Sistit polórum sédibus,
Ætérne rerum Cónditor,
Ætérne Fili par Patri,
Et par utríque Spíritus
Soli tibi sit glória. Amen.

ORATIO

Deus, qui beátum Aléxium
Confessórem tuum, inter cae-
teras egrégias dotes, singulá-
ris pudicitíæ, atque exímia
humilitátis láude decoráre di-
gnátus es; concéde nobis fá-
mulis tuis, ut ejus imitatió-
ne a carnálibus illécebris ab-
stinéntes, mundána ómnia de-
spícere, ac coeléstia solum
appétere studeámus. Per Dó-
minum etc.

*In I. Noct. Lectiones de Scr.
occ. si vero celebr. in Quadr.
ex libr. Ecclesiast. Beátus vir,
etc. ut in Comm. Conf. non
Pont. 2. loc.*

IN II. NOCTURNO

Lectio IV.

Aléxius, ex nóbili Falconé-

ria gente, anno Christiānae aerae, ducentésimo circiter supra millésimum Floréntiae natus, post puerilem aetatem piis honestisque moribus in paterna domo actam liberalibus primum studiis, mox Patriae curis addictus, ac summis magistratibus functus, insignem apud omnes prudentiae, ac pietatis laudem obtinuit. Cum vero afflictis Reipublicae rebus ob intestina civium dissidia, quibus componendis sedulam operam navabat, non nisi superna ope subveniri posse intelligeret, in quodam sodalizio quod Laudensium vocabant, Dei Genitricis laudibus impensius vacans, totum se Domino mancipare constituit. Quippe die quadam Assumptae Deiparae sacra, coelesti visione recreatus, atque ad sanctioris vitae propositum capessendum divinitus se vocari, eadem praemonente Deipara, cognoscens, communicato consilio cum sex aliis praeclarissimis ejusdem sodalitii civibus, abdicatis patriis honoribus, ac facultatibus in pauperes erogatis divinae vocationi confestim obtemperavit. Alia proinde ac prope evangelica vivendi forma suscepta in ruralem quandam aediculam; una cum sodalibus seressit veluti novae militiae tyrocinium facturus.

a). Honestum etc.

Lectio V.

In hoc secéssu concéptum animi fervorem, omnium mundanarum rerum contéptu, se summa sui ipsius dejectione confovere studens, adeo civium oculos in se convertit, ut plurimi de suis reformandis moribus cogitarent. Cum autem novi hi Christi milites eximium erga coelorum Reginam quam tamquam matrem omni obsequio prosequerentur, devotionis studium, veluti tesseram praeserrent, eaque propter communi omnium voce Mariae servi appellarentur, illud admirabile contigit: quod incedentem per urbem aliquando Alexium intuens beatus Philippus Benitius puerulus, adhuc nondum quintum mensem egressus, soluta repente lingua, atque ad matrem conversus; Ecce, inquit Mariae servus: da illi elemosynam, mater. Hoc divino testimonio confirmati, in Montem, quem Senarium dicunt, annuente civitatis Episcopo, profecti sunt, ibique iterum eis apparente, et docente Beatissima Virgine, deposita cinerea, quam antea sumpserant, veste, pullaque induti in jugem dolorum memoriam compatiéntis Virginis patienti Filio; tantis sub auspiciis Or-

dinis servórum ejúsdem Deíparae fundaménta jecére. Horum áutem fama permótus beátus Petrus Martyr, Florentiae tunc degens, cum duos ex illis Bonfilium, atque Aléxium super forma suscepti institúti alloqnútus esset, sequénti nocte Deípara per visionem se illi ostendénte, sub nigro pállio septem viros tégere, ac fovére, Aléxium inter hos, quem pridie víderat, agnóvit.

¶. Amávit etc.

Lectio VI.

Virginitátem, quam perpétuo cóluit jejúniis, vigíliis, labóribus, aliisque córporis afflictatióibus illibátam custodire conténdit. Christiánae vero humilitáti tantum stúduit, ut cum tam apud cives, quam apud sócios magnae auctoritátis esset, eóque hortánte, difficíllima quaeque absolvéntur; vilióribus semper ministériis, étiam aetáte gravis incumbens, Sacerdótio initiári, licet doctrína prae-stáret, ac praefectúras suscépere modestíssime recusávit. Cultus erga Dei Matrem propagándi ardóre incénsus, Claríssimo Falconério fratri áuctor fuit magnificam aedem in honórem Annuntiátae ab Angelo Vírginis a fundaméntis

excitándi Floréntiae in loco, quem Caságium dicunt, ubi sacéllum eidem dicátum Almae Vírgini diu ante colúerat, ibique imáginem illius ab Angelo salutátae pingi curáverat. In hac áutem pictúra Deíparae vultum, quem nullo artis praesídio pictor exprímere poterat, oránte cum aliis sóciis Aléxio, coelitus perfectum fuisse tradunt. His in opéribus ultra sénium provéctus, juniorésque in duris vitae asperitatibus aemulári sátagens, appropinquánte tandem sui tránsitus hora nudis in tábulis récubans, adstántes sibi Angelos columbárum specie, ac púerum Jesum venustíssimam corónam pulcherrimis intéxtam flóribus cápiti suo imponéntem vidit: quos laetus ádmodum circumstántibus frátribus osténdens, méritis ac labóribus plenus, décimum supra centésimum annum agens, obdormívit in Dómino, multis póstea a Deo signis, ac perpétua populórum veneratióne clarus. Quibus permótus Benedíctus Papa Decimus tertius in ejus anniversária celebritáte officium proprium recitári praecépit.

¶. Iste homo etc.

In III. Noct. Homilia Vener. Bedae Presbyt. in Evang. Nolite timére, de Commun. Conf. non Pont. 2. loco.

DIE XVIII. FEBRUARII ASS.

*In Festo B. JULIAE A CERTALDO Virginis Duplex.**Omnia de Comm. Virg. praeter ea quae sequuntur.*

ORATIO.

Deus, qui nos in tantis periculis constitutos pro humana scis fragilitate non posse subsistere: da nobis per merita et intercessionem Beatae Juliae Virginis tuae, ut a malis, quae pro peccatis nostris patimur, erepti, facilius dona coelestia capiamus. Per Dominum nostrum etc.

In I. Nocturno Lectiones de Script. occurr. In Quadrag. vero de com.

In II. Nocturno.

Julia, quae et Ulia a Certaldo ex nobili familia della Rena ex oppido Semifonte in Heturia quodam celebri proveniente orta est. Pene ab incunabulis futurae sanctitatis praebens indicia, coelestium rerum studiosa, quidquid humanum saperet, abhorrebat. Ut autem magis virtutes excoleret, ab humilitate, quae omnium radix, et fundamentum est, incepit; ideoque apud Tinolfos Florentinos Cives per aliquot

annos famulatum egit. Charitate in Deum flagrans, ad orationem, si quid temporis domesticis curis, et modicae quieti supererat, incumbibat. At in dies divino amore fervens, verita ne hominum servitus Dei famulatu obsisteret, habitum sancti Augustini, more inclusarum enixis precibus impetravit.

n). Propter veritatem etc.

Lectio V.

Voti compos facta Certaldum repetiit. At ubi venit, puer ab ipsa e mediis flammis ereptus, ut fertur, innocens, famam ejus virtutum magnopere confirmavit. Ad humanas autem laudes declinandas, angusta in cella prope Sacramarium Ecclesiae Parochialis sanctorum Michaelis, et Jacobi in eodem pago, muro undique septa se condidit. In tam arcto secessu conceptum jampridem animi fervorem aluit, nobilique mundanarum rerum omnium contemptu, summamque sui ipsius dejectione, perfectionis apicem valuit attingere. Divinae providentiae fuit adeo confisa, ut nequidem victu fuerit unquam sollicita. Pueri ipsi sponte frustula panis, quibus reficiebatur, per

fenestram ei afferébant. At illa grates donis réferens, flores quacúmque anni tempestáte mire viréntes, velut fama testátur, largiebátur. Durum hoc vitae genus tam gratum Deo fuit, ut spirituálibus consolatióibus ab eo reficerétur.

n). Dilexisti justítiam etc.

Lectio VI.

Demum triginta annis in tanta vivéndi asperitáte peractis cum ferventióres preces ad Deum fúnderet, nullo mortis metu affécta, in ósculo Dómini die nona Januárii anni millésimi trecentésimi sexagésimi séptimi ad coeléstem sponsum migrávit. Tunc campánas, némine pulsánte, sponte sónitum edidisse indígitat tábula post illius óbitum antiquitus depícta. Concursu cleri populíque ad celam Vírginis facto, muróque illius dírito, corpus Júliae in génua provolútum, et odórem late fragrántem diffúndens, cum vase florum mire viréntium, repértum est. Multa in ejus óbitu patrátá dicúntur mirácula, ex quibus magnam veneratióem pópuli, étiam Certáldo finitími, erga illam usque adhuc exhibuérent. Nec frustra in ómnibus eórum necessitatibus ejus o-

pem expérti sunt validíssimam, et praesértim quando Certáldi óppidum a peste ubique grassánte, a terraemóti-bus ejus destructiódinem minitántibus, et dénique a tempestátibus grándinum ejus arvis ingruéntibus incólume servátum est. Cultum itaque ab immemorábili ad hanc usque aetátem beátae Juliae praestitum, Pius Séptimus Póntifex Máximus anno sui Pontificátus Decimonóno Decréto confirmávit, eámque in beatórum Album rétulit.

n). Afferéntur Regi etc.

In III. Noct. Homil. de Comm. Virg. 1. loco.

DIE XXIII. FEBRUARIIL.

In Festo S. MARGARITAE DE CORTONA dupl. Omn. de comm. nec Virg. nee Mart. Ad Magnífic. in prim. Vesp.

Ant. Símile est regnum coelòrum hómini negotiatóri, quaerénti bonas margarítas: invénta una pretiósá, dedit ómnia sua, et comparávit eam.

ORATIO.

Deus, qui sámulam tuam Margaritam de perditionis via ad salutis trámitem miseri-

córditer deduxisti; eádem nobis miseratione concéde; ut quam prius errántem sectári non erubúimus, mox poeniténtem impigre sequi gloriémur. Per Dóminum etc.

Ad Matutinum, Antiphonae Psalm. et y. Noct. de Comm. nec Virg. nec Mart.

In I. Nocturno,

De Cánticis Cánticórum.

Lectio I.

In léctulo meo per noctes quaesívi quem díligit ánima mea: quaesívi illum, et non invéni. Surgam, et circúibo civitátem: per vicos, et plateas, quaeram quem díligit ánima mea, quaesívi illum, et non invéni. Invenérunt me vígiles qui custódiunt civitátem: Num quem díligit ánima mea vidístis? Páulum cum pertransíssem eos, invéni quem díligit ánima mea: ténuí eum, nec dimítam, donec introducam illum in domum matris meae, et in cubículum genitrícis meae.

ñ. Veni elécta mea etc.

Lectio I.

Quis mihi det te fratrem meum sugéntem úbera matris

meae ut invéniam te foris, te deósculer te et jam me nemo despícat? Apprehéndam te et ducam in domum matris meae: ibi me docébis et dabo tibi póculum ex vino condíto, et mustum malórum granatórum meórum. Laeva ejus sub cápite meo, et dextera illius amplexábitur me. Adjúro vos filiae Jerúsalem, ne suscitétis neque evigiláre faciátis dílectam donec ipsa velit.

ñ. Diffúsa est grátia etc.

Lectio III.

Quae est ista, quae ascéndit de desérto delíciis áfluens inníxa super dílectum suum? Sub árbore malo suscitávi te: ibi corrúpta est mater tua, ibi violáta est génitrix tua. Pone me ut signáculum super cor tuum, ut signáculum super bráchium tuum, quia fortis est ut mors dílectio, dura sicut inférnus acmulátio: lámpades ejus, lámpades ignis atque flammárum. Aquae mullae non potuérunt extínguere charitátem, nec flúmina óbrient illam.

ñ. Spécie tua etc.

IN II. NOCTURNO.

Lectio IV.

Margaríta a loco dormi-

tionis Cortonensis appellata, Laviáni in Túscia ortum há-
buit. Primis adolescentiæ suæ
annis, mundi voluptatibus,
capta, in Montis Politiani ci-
vilate vanam et lúbricam vi-
tam duxit; sed cum amásium
abhóstibus foede transfóssum
iudicio canis in fovea sub
strue lignorum tumultum
fortuito reperisset, illico facta
est manus Dómini super eam,
quæ magno culpárum suá-
rum moeróre tacta, éxiit fo-
ras et flevit amáre. Itaque
Laviánum reversa, crine de-
tónso, neglécto cápite, pullá-
que veste contérta, erróribus
suis, mundique illécebris nún-
tium misit; inque aedibus
Deo sacris fune ad collum
alligáto, humi procumbens
ab ómnibus, quos ántea mó-
ribus suis palam offénderat,
véniám exorávit. Mox Cortó-
nam profécta, in cínere et
cilicio ab se laesam Dei Ma-
jestátem placáre stúduit; do-
nec post triennále virtútum
experiméntum a Frátribus
Minóribus spirituális vitæ dú-
cibus Tértii Ordinis hábitum
impetrávit. Ubere exínde lá-
crymæ ei familiáres fuérunt,
atque ima suspíria tanta á-
nimi contritione ducta, ut diu
elínguis consisteret. Léctulus
nuda humus, cervícal lapis,
aut lignum porréxit, atque
ita noctes insómnēs in coe-
lestium meditatióne tráhere

consuévit, nullum ámplius
pravum desidérium perpéssa,
dum bonus spíritus prómptior
infirmam carnem ad subeún-
dos labóres erigébat.

n). Propter veritátem etc.

Lectio V.

A Daemone insídiis funestí-
sque conátibus lacessíta, mu-
lier fortis hostem ex verbis
detéctum, semel atque íterum
invícta répulit. Ad eludéndum
vanæ glóriæ lenocinium, quo
a malo spíritu petebátur, prae-
téritos mores suos per vicos
et platéas alta voce accusáre
non déstitit, omni supplicio
se ream inclámans: nec nisi
a Confessário detérrita, in
speciósam faciém, olim im-
púri amóris cáusam, saevíre
abstínuit, aegre ferens, suam
formam longa carnis mace-
ratióne non aboléri. Quibus
aliisque magnæ poeniténtiæ
arguméntis suórum criminum
labe expiáta, atque ita de se
triumphátrix, ut sensus plane
omnes a mundi illécebris cu-
stodíret, digna facta est, quæ
saepe Dómini consuetúdine
fruerétur. Ejúsdem quoque
Christi, et Vírginis Matris
dolórum, quod ipsa ardénter
expetierat, párticeps facta,
cunctis sénsibus destitúta, et
vere mórtua intérdum visa
est. Ad eam proinde, véluti

ad perfectiōnis magístram, ex díssitis étiam regiōnibus plúrimi conveniébant; ipsa vero coelésti quo erat perfúsa lúmine, córdium secréta, consciéntias hóminum, imo et peccáta, in remótis licet partibus Deum offendéntium, cum dolóre et lácrymis détegens, summáque in Deum et próximum charitáte fervens ingéntem animárum fructum operáta est. Aegris ad se veniéntibus salútem, obséssis a daemone liberatiónem impetrávit. Púerum defúctum, lugénte matre, ad vitam redúxit. Imminéntes bellórum tumúltus assíduis oratióibus sedávit, Dénique summae pietátis opéribus vivos et mórtuos sibi deméruit.

n. Dilexísti etc.

• *Lectio VI.*

Tot sanctis opéribus occupáta, de rigóre, quo assídue corpus suum exercébat, nihil remisit. Neque a stúdio coeléstia meditándi se avélli passa est, in utróque vitæ genere plane admiránda, utrámque sorórem Magdalénam, et Martham référens. Tandem pro se Dóminum orans, ut ex hac valle lacrymárum sursum in coeléstem pátriam revocárétur, exaudíta est orátio ejus; die atque hora dormitiónis ei

patefáctis. Méritis itaque, et labóribus plena, ac coeléstibus donis cumuláta coepit còrporis víribus destítui, perque dies decem et septem nullo cibo, sed divínis tantum collóquiis refécta est: tum sanctíssimis Ecclesiæ Sacraméntis rite suscepátis, vultu hílari, atque óculis in coelum convérsis, octávo Kaléndas Mártias, anno aetátis quinquagésimo, suae conversiōnis vigésimo tértio, humánae vero salútis millésimo ducentésimo nonagésimo séptimo felix migrávit ad sponsum. Corpus in hanc usque diem végetum, incorrúptum, illaesum, et suáriter olens, summa religiōe cólitur in Ecclesiá Fratrum Minórum, quae jam ab eádem Margarita appellátur. Miráculis contínuo flóruit; quibus permóti Románi Ponífices ad augéndum ejus cultum plúrima liberalíter indulserunt: Benedictus vero décimus tértius in Festo Pentecóstes, die sextadécima Maii, anni millésimi septingentésimi vigésimi octávi, solémnem ejus Canonizatiónem religiosíssime celebrávit.

n. Fallax grátia, et vana est etc.

In III. Noct. Homil. S. Gregoríi Pap. in Ev. Símile est regnum coelórum thesaúro abscondito in agro, de Comm. non. Virg.

Ant. ad Bened. Ut cognóvit, resípuit Seráphici Ordinis Magdaléna: dimíssa sunt ei peccáta multa, quia diléxit multum.

Ad Magnif. in 2. Vesp. Ego dilécto meo, et ad me convérsio ejus: invéni quem diligit ánima mea, ténuí eum, nec dimíttam.

DIE XXV. FEBRUARII D. AS.

In anno bissextili die xxvj.

*In Festo S. PETRI DAMIANI
Card. Episc. Ostiensis Conf.
et Doct. Duplex.*

ORATIO.

Concéde nos quaesumus, omnipotens Deus, Beáti Petri Confessóris tui atque Pontíficis mónita, et exémpa sectári; ut per terréstrium rerum contéptum aetérna gáudia consequámur. Per Dóminum nostrum.

In I. Nocturno Lectiones de Scriptura occurrente. Si vero celebretur in Quadrages. leguntur Lectiones: Fidélis sermo, ut in Communi Confessoris Pontificis.

IN II. NOCTURNO.

Lectio IV.

Petrus Ravénnae honéstis Paréntibus natus, adhuc la-

ctens a Matre númeroe pro-
lis pertaesa objicitur, sed do-
mésticae mulieris ópera semi-
vívus excéptus ac recreátus,
Genitríci ad humanitátis sen-
sum revocatæ rédditur. Utró-
que orbátus Parénte, tamquam
vile mancipium sub áspéra
fratris tutelá duram servitú-
tem exércuit. Religiónis in
Deum ac pietátis erga Patrem
egrégium tunc spécimen dedit;
invéntum síquidem forte num-
mum non próprie inédiae su-
blevándae, sed Sacerdóti, qui
divínium Sacrificium ad illius
expiatiónem offérret, erogávit.
A Damiáno fratre, a quo uti fer-
tur cognoméntum accépit, ejus
cura litteris eruditur: in quibus
brevis tantum profécit, ut magí-
stris admiratióni esset. Quum
áutem liberálibus sciéntiis flo-
reret et nómine, eas cum láu-
de dóruit. Interim ut corpus
ratióni súbderet sub móllibus
véstibus cilícium adhíbuit, je-
juniis, vigíliis, et oratióibus
solérter insístens. Calénte ju-
vénta dum carnis stímulis á-
criter urgerétur, insultántium
libídinum faces rigéntibus flú-
vii mersus aquis noctu extin-
guébat; tum venerábília quae-
que loca obíre, totúmque Psal-
térium recitáre consuéverat.
Ope assídua páuperes levá-
bat, quibus frequénter pastis
convívio próprie ipse máni-
bus ministrábat.

n. Invéni etc.

Lectio V.

Perficiendae magis vitae cāussa in Avellanēsi Eugubinae Dioecesis coenōbio Ordini monachōrum sanctae Crucis Fontis Avellānae a Beāto Ludūlpho sancti Romuāldi discipulo fundāto nomen dedit. Non ita multo post in monastērium Pomposiānum, mox in coenōbium sancti Vincēntii Petrae Pertūsae ab Abbāte suo missus, utrūmque Ascetērium verbo sacro, praeclāris institutiōibus, et mōribus excōluit. Ad suos revocatū post Praesidis obitum Avellanitārum Famīliae praeficitur, quam novis vāriis in locis extrūctis domicīliis, et sanctissimis institūtis ita auxit, ut alter ejus Ordinis Parens, ac praecipuum ornamētum jure sit hābitus. Salūtārem Petri sollicitūdinem alia quoque diversī institūti coenōbia, Canonicōrum convēntus, et pōpuli sunt expērti. Urbināti Dioecēsi non uno nōmine prōfuit: Theuzōni Episcopo in cāussa gravissima assēdit, ipsūmque in recte administrādo Episcopātu consilio et ōpera juvat. Divinōrum contemplatiōne, cōrporis maceratiōibus, caeterisque spectatae sanctimōniae exēmplis excelluit. His motus Stēpha-

nus Nonus Pōntifex Māximus eum licet invitum et reluctāntem sanctae Romānae Ecclesiae Cardinālem creāvit, et Ostiēsem Episcopum. Quas Petrus Dignitatē splendidissimis virtūibus, et consentāneis Episcopālī ministērio opēribus gessit.

n. Pōsui etc.

Lectio VI.

Difficillimo tēpore Romānae Ecclesiae, Summisque Pontificibus doctrīna, legatiōibus, aliisque susceptis laboribus mirifice adfuit. Advērsus Nicolaitārum et Simoniacam Haereses ad mortem usque strēnue decertāvit. Hujusmodi depūlsis malis Mediolanēsem Ecclesiae Romānae conciliāvit. Benedicto, et Cadalōo falsis Pontificibus fōrtiter restitit. Henricum quartum Germaniae Regem ab inīquo uxōris divōrtio deterruit: Ravennātes ad dēbita Romāno Pontifici obsēquia revocatōs, sacris restituit. Canōnicos Velitērnos ad sanctiōris vitae leges compōsuit. In Provinciā praesertim Urbināte vix ulla fuit Episcopālis Ecclesia, de qua Petrus non sit benemēritus; Eugubinā, quam aliquādo crēditam hābuit, multis levāvit incōmmodis: alias alibi quando opōrtuit, perinde

curávit, ac suae essent tutelae commissae. Cardinalátu, et Episcopáli Dignitáte depóstitis, nihil de prístina juvándi próximos sedulitáte remisit. Jejúnium sextae Feriae in honórem sanctae Crucis Jesu Christi, horárias Beátae Dei Genitrícis preces, ejúsque die Sábbato cultum propagávit. Inferéndae quoque sibi verberatiónis morem ad patrátórum scélerum expiatiónem provéxit. Demum sanctitáte, doctrína, miráculis, et praecláre actis illústris, dum e Ravennáte Legatióne redíret, Favéntiae octávo kalédas Mártii migrávit ad Christum. Ejus Corpus ibídem apud Cistercienses multis miráculis clarum frequénti populórum veneratióne cólitur. Ipsum Favéntini non semel in praesenti discrimine propítium expérti, Patrónum apud Deum delegérunt: Leo vero Duodécimus Póntifex Máximus Officium, Missámque in ejus honórem tamquam Confessóris Pontíficis quae aliquibus in Dioecésibus, atque in Ordine Camaldulénsium jam celebrábantur, ex Sacrórum Rítuum Congregatiónis consúlto, ád-dita Doctóris qualitate, ad univérsam exténdit Ecclesiám.

Ÿ. Iste est etc.

In III. Nocturno Homilia in Evangel. Vos estis sal terrae de Communi Doctorum.

Si hoc fest. venerit in Quadrag. dicit. hom. de Fer. curr.

DIE XXVI. FEBRUARII

In anno bissextili die xxvj.

In Festo S. ANDREAE Ep. Fl. et Conf. Duplex maj. omn. de Com. 1. loc.

DIE XXVIII. FEBRUARII

In anno bissextili die xxjx.

In Festo B. ANTONIAE viduae Florentinae II. Ord. S. Francisci. Duplex.

Omnia de Com. nec Virg. nec Mart. praeter seq.

ORATIO.

Deus, qui beátam Antóniam fámulam tuam per omnes vitae sémitas ad te mirábiliter traduxisti: tríbe quaesumus; ut ejus méritis et exémpis ad ad coeléstem pátriam perducamur. Per Dóminum.

LL. 1. n. in Quadrag. Mu-lierem fortem de Com. extra Quadrag. de Script. occur.

IN II. NOCTURNO.

Lectio IV.

Antónia honéstis paréntibus

Floréntiae nata, posthábitis secundis núptiis, ad quas eam paréntes ipsi adhortabántur, inter soróres Tértii Ordinis sancti Francisci in Florentíno monastério a sancto Honùphrio nuncupáto nomen dedit. Hinc cum sese ob exímias virtútes ómnibus appríme probavíssel, Fulgínium míttitur, inde Aquilam, ubi monastérium sanctae Elísabeth dicátum quatuórdecim ferme annis sanctíssime gubernávit. Deo áutem ad majóra vocánte, de prima sanctae Clarae régula amplecténda consílium íniiit, ut arctióri custódia, beáta illa solitúdine in qua Deus ad suos lóquitur fruerétur. In eo propósito a sancto Joánnede Capistráno confirmáta, Nicoláo Quinto Summo Pontífice approbánte, in coenóbium Córporis Christi nómine insigne, secéssit, ibíque quam cogitáverat régulam cum quatuórdecim sanctimoniálibus proféssa, novo sacrárum vírginum collégio urbem Aquilam áuxit. Loci ejus, etsi relúncians moderátrix ab eódem sancto Joánnede Capistráno constitúta nil antiquius hábit Antónia, quam ut ad absolutíssimam religiósae perfectiónis normam concréditas sibi soróres, exémplo praesértim suo, informáret.

Ÿ. Propter veritátem:

Lectio V.

Cum vero modéstiam, suíque despéctum virtútem ómnium caput esse sentíret, demissíssime, ac subjectíssime sese hábuit, humillima quaeque officia sibi índicans: Injuríarum pátiens propinquórum moléstias, malignórum calúrnias, convícia, contumélias, et gravíssimum séxdecim annórum morbum fórtiter pértulit. Quínimone caro advérsus spiritum praevaléret, eam asperitáte, inédia, labóre contrívit. Paupertátis cupidíssima, ea, quae ad vitam máxime necessária sunt, sibi deesse gaudébat, novisque véstibus soróres donans, vetústas consumptásque sibi deligébat. Siléntii custos sédula quidquid domésticis curis superéssel témporis id ómne tribuébat précibus, íntegras saepe noctes, coeléstia méditans divínique ignis amóre abrépta, os ipsum miro suffúsum rubóre nonnúmquam osténdit: modo sublímis e terra inter orándum conspécta est.

ñ. Dilexísti justítiam.

Lectio VI.

Verum charitátemétiam in

próximū Antónia emícuit. Nulla ex soróribus fuit, quae illius opem consiliúmque, non sit expérta; infirmis praesértim diu noctúque adsistens ac ministrans matérno prorsus affectu eas complectebátur, et dum aegris corpóribus levámén, ánimae salutária mónita praebébat. Neque morbis ingravescéntibus, deficiéntibus víribus, sollicitúdo ejus defécit, et quod non valébat ópere, sermóne praestábat. Tandem praecógnita suae mortis hora, sanctimoniáles ad régulae observántiam, mutuámque charitatém vehementióri stúdio, et verbis hortáta, atque Ecclesiæ Sacraméntis múnita diem óbiit supréum, et ad coeléstem sponsū migrávit pridie Kaléndas Mártii, anno millésimo quadringentésimo septuagésimo secúndo, aetátis suae septuagésimo primo. At ea, quae refúlsit, virtus, et miraculórum célébritas talem illi famam, admirationémque apud omnes comparárunť, ut tandem et Beátae títulum, et cultum ab immemorábili ei praestitum Pius Nonus Póntifex Máximus anno reparátae salutis millésimo octingentésimo quadragésimo séptimo Apostólica auctoritaté confirmávit.

n. Fallax grátia.

In III. Nocturno Hom. in

Ev. Símile est regnum coelórum thesáuro de Com. non vv. In Quadrag. 9. l. de Hom. fer. curr.

FESTA MARTII

Officia Mysteriorum Passionis D. N. J. Chr.

FERIA III. POST DOMINICAM
SEPTUAGESIMAE

In Commemoratione ORATIONIS D. N. J. C. in Monte Oliveti. Duplex majus.

Ad Vesp. Ant, Venit Jesus. cum reliquis de Laudibus.

Psalm. Dixit Dóminus. cum reliq. de Domin. et loco ultimi Psalm. Laudáte Dóminum omnes gentes.

Cap.

Matth. 26.
Venit Jesus ad discipulos suos, et invénit eos dormiéntes, et dicit Petro: Sic non potuístis una hora vigiláre mecum? Vigiláte, et oráte, ut non intrétis in tentatiónem.

Hymnus.

Aspice ut Verbum Patris a
supérnis
Sédibus clemens, et amóre flagrans

Pérditis culpa génitis medéri
Pergit Adámi.

Flébilem mundi míserans rui-
nam,

Et volens nostros reparáre
casus

Orat, et prona véniam pre-
cátur

Fronte Magíster.

Flúctuat secum tot acérba vol-
vens:

Hunc, ait supplex, cálicem do-
lórís

Mi Pater transfer; tua sed
volúntas

Non mea fiat.

Cum premat tristis pavor ima
cordis,

Déficit languens Dóminus; per
artus

Sánguinis sudor fluit, atque
guttis,

Terra madéscit.

At celer summo véniens O-
lymbo

Angelus Jesum récreat jacéu-
tem,

Córpori vires rédeunt, novó-
que

Róbore surgit.

Laus, honor Patri, genitaeque
Proli

Cuñ datum nomen super omne
nomen,

Et Paracléto decus, atque vir-
tus

Omne per aevum. Amen.

†. Tristis est ánima mea.

¶. Usque ad mortem.

Ad Magn. Ant. Pósis gé-

nibus orábat dicens: Pater si
vis, transfer cálicem istum a
me, verúmtamen non mea
volúntas, sed tua fiat.

ORATIO

Dómine Jesu Christe, qui
in horto verbo, et exémplo
nos oráre docuísti ad tenta-
tiónum perícula superánda,
concéde propítius, ut nos ora-
tióni semper inténti, ejus co-
piósum fructum cónsequi me-
reámur. Qui vivis.

Ad Matutinum, Invitator.

Christum Jesum in monte
Olivárum orántem * Veníte
adorémus.

Psalm. Venite exultémus
Dómino.

Hymnus. Aspice etc. ut su-
pra in *Vesp.*

In I. Noct. Ant. Ante ora-
tiónem praepara ánimam
tuam, et noli esse quasi ho-
mo, qui teutat Deum.

Psalm. 16.

Exáudi Dómine justítiam
meam, * inténde deprecatió-
nem meam.

Auribus pércipe oratióne
meam, * non in lábiis dolósis.

De vultu tuo júdicium
meum próleat: óculi tui ví-
deant aequitátes.

Probásti cor meum, et visi-

tásti nocte: * igne me examinásti, et non est invénta in me iniquitas.

Ut non loquátur os meum ópera hóminum: * propter verba labiórum tuórum ego custodívi vias duras.

Pérfice gressus meos in sémitis tuis, * ut non moveántur vestigia mea.

Ego clamávi, quóniam exaudisti me Deus: * inclína áurem tuam mihi, et exáudi verba mea.

Mirífica misericórdias tuas, * qui salvos facis sperántes in te.

A resisténtibus dexteræ tuæ custódi me * ut pupíllam oculi.

Sub umbra alárum tuárum prótege me * a fácie impiórum qui me afflixérunt.

Inimíci mei ánimam meam circumdedérunt, adipem suum conclusérunt: * os eórum locútum est supérbiam.

Projiciéntes me nunc circumdederunt me: * óculos suos statuérunt declináre in terram.

Suscepérunt me sicut leo parátus ad prædam: * et sicut cátilus leónis hábitans in ábditis.

Exúrge Dómine, praeveni eum, et supplánta eum: * érripe ánimam meam ex impio frámeam tuam ab inimicis manus tuæ.

Dómine a páucis de terra dívide eos in vita eórum, * de absconditis tuis adimplétus est venter eórum.

Saturáti sunt filii: * et dimiserunt reliquias suas párvulis suis.

Ego áutem in justítia apparebo conspértui tuo: * satiábor cum apparúerit glória tua.

Ant. Ante oratiónem praepara ánimam tuam, et noli esse quasi homo, qui tentat Deum.

Ant. Non impediáris oráre semper, et ne vereáris usque ad mortem justificári.

Psalm. 27.

Ad te Dómine clamábo, Deus meus ne síleas a me: * nequándo táceas a me, et assimilábor descendéntibus in lacum.

Exáudi Dómine vocem deprecationis meae dum oro ad te: * dum extólló manus meas ad templum sanctum tuum.

Ne simul trahas me cum peccatóribus: * et cum operántibus iniquitátem ne perdas me.

Qui loquúntur pacem cum próximo suo, * mala áutem in córdibus eórum.

Da illis secúndum ópera eórum, * et secúndum nequitiam adinventiónum ipsórum.

Secúndum ópera mánuum eórum tríbue illis: * redde retributiónem eórum ipsis.

Quóniam non intellexérunt ópera Dómini, et in ópera mánuum ejus, * déstrues illos et non aedificábis eos.

Benedíctus Dóminus: * quóniam exaudivit vocem deprecatiónis meae.

Dóminus adjútor meus, et protéctor meus: * in ipso sperávit cor meum, et adjútus sum.

Et reflóruit caro mea, * et ex voluntáte mea confitébor ei.

Dóminus fortitúdo plebis suae, * et protéctor salvatiónum Christi sui est.

Salvum fac pópulum tuum Dómine, et bédedic haereditáti tuae: * et rege eos, et extólle illos usque in aetérnum.

Ant. Non impediáris oráre semper, et ne vereáris usque ad mortem justificári.

Ant. Omnia quaecúmque petiéritis in oratióne credentes, accipiétis.

Psalm. 141.

Voce mea ad Dóminum clamávi: * voce mea ad Dóminum deprecátus sum.

Effúndo in conspéctu ejus oratiónem meam, * et tribu-

latiόnem meam ante ipsum pronúntio.

In defiéndō ex me spíritum meum, * et tu cognovisti sēmitas meas.

In via hac, qua ambulabam, * abscondérunt laquenm mihi.

Considerábam ad dēxteram, et vidébam: * et non erat qui cognósceret me.

Périit fuga a me, * et non est qui requírat ánimam meam.

Clamávi ad te Dómine, * dixi: Tu es spes mea, pórtio mea in terra vivéntium.

Inténde ad deprecatiónem meam: * quia humiliátus sum nimis.

Líbera me a presequéntibus me: * quia confortáti sunt super me.

Educ de custódia ánimam meam ad confiténdum nómini tuo: * me expéctant justí donec retribuás mihi.

Ant. Omnia quaecúmque petiéritis in oratióne credentes, accipiétis.

ŷ. Tristis est ánima mea.

ŋ. Usque ad mortem.

De libro Tobíae.

Lectio I.

Bona est orátio cum jejúnio et eleemósyna magis quam

Cap. 12.

thesáuros áuri recóndere: quóniam eleemósyna a morte liberat, et ipsa est, quae purgat peccáta, et facit invenire misericórdiam, et vitam aetérnam. Qui áutem faciunt peccátum, et iniquitátem hostes sunt ánimae suae. Manifesto ergo vobis veritátem, et non abscondam a vobis occultum sermónem. Quando orábas cum lácrymis, et sepeliébas mórtuos, et derelinquébas prándium tuum, et mórtuos abscondébas per diem in domo tua, et nocte sepe-
 liébas eos, ego obtuli oratió-
 nem tuam Dómino. Et quia
 accéptus eras Deo, necesse
 fuit ut tentátio probáret te.

R. In ómnibus grátias ági-
 te: * Sine intermissióne oráte.

Ÿ. Haec est enim volúntas
 Dei in Christo Jesu in ómni-
 bus vobis. Sine.

De Epístola beáti Jacobi
 Apóstoli.

Lectio II.

Oráte pro invicem, ut sal-
 vémini: multum enim valet
 deprecátio justí assídua. Elías
 homo erat símilis nobis pas-
 sibilis, et oratióne orávit, ut
 non plúeret super terram, et
 non pluit annos tres, et men-
 ses sex. Et rursum orávit, et
 coelum dedit plúviam, et ter-

ra dedit fructum suum. Fra-
 tres mei, si quis ex vobis
 erráverit a veritáte, et con-
 vérterit quis eum, scire de-
 bet, quóniam qui convér-
 titerit peccátorem ab errore
 viae suae, salvábit ánimam
 ejus a morte, et opériet mul-
 titúdinem peccatórum.

R. Cum stábilis od orán-
 dum: * Dimittite, si quid ha-
 bétis advérsus áliquem.

Ÿ. Ut et Pater vester, qui
 in coelis est, dimittat vobis
 peccáta vestra. Dimittite.

De Epístola beati Páuli Apo-
 stoli ad Hebraeos.

Lectio III.

Cap. 5.

Christus non semetípsum
 clarificávit, ut Póntifex fieret,
 sed qui loquútus est ad eum,
 Fílius meus es tu, ego hódie
 génui te. Quemádmódum et
 in álio loco dicit: Tu es Sa-
 cérdos in aetérnum secúndum
 ordinem Melchisedech. Qui
 in diébus carnis suae preces
 supplicatiónesque ad eum,
 qui possit illum salvum fá-
 cere a morte, cum clamóre
 válido et lácrymis offerens,
 exauditus est pro sua reve-
 réntia. Et quidem cum esset
 Filius Dei dídicit ex iis, quae
 passus est, obediéntiam, et
 consummátus factus est óm-
 nibus obtemperántibus sibi

cáusa salutis aeternae, appellatus a Deo Pontifex juxta ordinem Melchisedech.

ñ. Exaudivit Dominus deprecationem meam * Dominus orationem meam suscepit.

ÿ. Clamavi in toto corde meo, exaudi me Domine. Dominus.

Glória Patri. Dominus.

In II. Noct. Ant. Cum oratis non eritis sicut hypóritae, qui amant in synagógis, et in ángulis platearum stantes orare, ut videántur ab homínibus.

Psalm. 42.

Júdica me Deus, et discerne causam meam de gente non sancta, * ab hómine iniquo et doloso érue me.

Quia tu es Deus fortitúdo mea: * quare me repulisti, et quare tristis incédo, dum affligit me inimicus?

Emitte lucem tuam et veritatem tuam: * ipsa me deduxérunt, et adduxérunt in montem sanctum tuum, et in tabernacula tua.

Et introibo ad altare Dei: * ad Deum, qui laetificat juventutem meam.

Confitébor tibi in cithara Deus Deus meus: * quare tristis es ánima mea, et quare contúrbas me?

Spera in Deo, quóniam adhuc confitébor illi: * salutare vultus mei, et Deus meus.

Ant. Cum oratis non eritis sicut hypóritae, qui amant in synagógis, et in ángulis platearum stantes orare, ut videántur ab homínibus.

Ant. Tu autem cum oraveris, intra in cubiculum tuum, et cláuso óstio, ora Patrem tuum in abscondito.

Psalmus 63.

Exaudi Deus orationem meam cum deprecor: * a timóre inimíci éripe ánima meam.

Protexísti me a convéntu malignántium, * a multítudine operántium iniquitatem.

Quia exacuérunt ut gládium linguas suas: * intendérunt arcum rem amáram, ut sagittent in occúltis immaculátum.

Súbito sagittábunt eum, et non timébunt: * firmavérunt sibi sermónem nequam.

Narravérunt ut absconderent láqueos: * dixerunt: Quis vidébit eos?

Scrutáti sunt iniquitátes: * defecérunt scrutántes scrutínio.

Accédet homo ad cor altum: * et exaltábitur Deus.

Sagittae parvulórum factae sunt plagae eórum: * et in-

firmátæ sunt contra eos lingua eórum.

Conturbáti sunt omnes qui vidébant eos: * et tímuit omnis homo.

Et annuntiavérunt ópera Dei: * et facta ejus intellerunt.

Lactábitur justus in Dómino, et sperábit in eo, * et laudabúntur omnes recti corde.

Ant. Tu áutem cum oráveris, intra in cubículum tuum, et cláuso óstio, ora Patrem tuum in abscondito.

Ant. Factum est ántem in illis diébus: éxiit Jesus in montem oráre, et erat pernóctans in oratióne Dei.

Psalmus 120.

Levávi óculos meos in montes, * unde véniet auxílium mihi.

Auxílium meum a Dómino, * qui fecit coelum et terram.

Non det in commotióne pedem tuum: * neque dormitet qui custólit te.

Ecce non dormitábit, neque dórmiet, * qui custódit Israel.

Dóminus custódit te, Dóminus protéctio tua * super manum dexteram tuam.

Per diem sol non uret te, * neque luna per noctem.

Dóminus custódit te ab omni malo: * custódiat ánimam tuam Dóminus.

Dóminus custódiat intróitum tuum, et éxitum tuum; * ex hoc nunc, et usque in saeculum.

Ant. Factum est áutem in illis diébus: éxiit Jesus in montem oráre, et erat pernóctans in oratióne Dei.

Ÿ. Pater mi, si possíbile est.

ñ. Tránseat a me calix iste.

Ex Tractátu sancti Cypriáni Episcopi, et Mártiris.

De Oratione Dominica.

Lectio IV.

Nec verbis tantum, sed et factis Dóminus oráre nos dócuit, ipse orans frequenter, et déprecans, et quid fácere nos oportéret exémpli sui contestatióne démonstrans, sicut scriptum est: Ipse áutem fuit secédens in solitudinem, et adórans. Et iterum: Exivit in montem oráre, et fuit pernóctans in oratióne Dei. Quod si ille orábat, qui sine peccáto erat, quanto magis peccatóres opórtet oráre? Et si ille per totam noctem júgiter vígilans continuis préci-bus orábat, quanto nos ma-

gis in frequentanda oratione debemus nocte vigilare? Orabat autem Dominus, et rogabat non pro se: quid enim pro se innocens precaretur? Sed pro delictis nostris, sicut et ipse declarat, cum dicit ad Petrum: Ecce Sathanas expetivit, ut vos vexaret quomodo triticum: ego autem rogavi pro te, ne deficiat fides tua. Et postmodum pro omnibus Patrem deprecatur dicens: non pro his autem rogo solis, sed et pro illis, qui credituri sunt per verbum ipsorum in me, ut omnes unum sint, sicut tu Pater in me, et ego in te, ut et ipsi in nobis unum sint.

¶. Simon, Simon ecce Sathanas expetivit vos, ut cribraret sicut triticum: * Ego autem rogavi pro te, ut non deficiat fides tua.

¶. Et tu aliquando conversus, confirma fratres tuos. Ego autem.

Ex Commentariis Sancti Anselmi Episcopi.

In Epist. ad Hebr. cap. 5.

Lectio V.

Sicut verus Pontifex obtulit preces: nam in Evangelio saepe legitur orasse, et maxime apud Lucam, qui Sacerdotis in eo descripsit persónam.

Sed et quicquid ipse egit in carne, preces et supplicationes fuerunt pro hominibus. Tota vita sua Patrem oravit de resurrectione carnis suae, ac de nostra salute, et instante jam passione obtulit supplicationes, idest humillimas et instantissimas orationes cum summa devotione cordis, et affectione, quando factus in agonia prolixius orabat, et factus est sudor ejus sicut guttae sanguinis decurrentis in terram. Et has preces, supplicationesque obtulit, idest obviam tulit Patri per exauditionem sibi obvianti. Obtulit eas ad eum, qui posset illum a morte salvum facere, idest resuscitare, ad eum quem scivit esse sufficientem ut salvaret eum, idest immortalē, et impassibilem faceret eripiendo a morte, ut nec anima remaneret in inferno, nec caro putresceret in sepulchro.

¶. Oratio humiliantis se nubes penetrabit: * Et donec propinquet non consolabitur.

¶. Et non discedet donec Altissimus aspiciat. Et donec.

Lectio VI.

Et obtulit has cum clamore válido, idest cum intentione pia devotionis vehementissima, et efficacissima, ut

quando prolixius orábat, et étiam cum lácrymis; quia in illa prolíxa oratióne credéndus est lácrymas effudisse, cum et guttae sánguinis pro sudóre decurrerent ab ejus corpore: et exauditus est, quia quod quaesíerat, accépit in resurrectiõe. Exauditus est, id est, extra númerum aliorum ómnium auditus est, quóniam super omnem creatúram post labóris sui militiam a Patre sublimátus est, et hoc pro sui reveréntia, id est, secúndum hoc, quod ipse sicut Dei Fílius dignus est reveréntia, et veneratiõe, vel pro sua reveréntia in Deum idest propter quod ipse super ómnia Patrem reverítus est, et honorávit. Sive pro sua reveréntia, idest, sicut sua religio méruit. Sanguinis quoque ejus effúsió potest intéllegi clamor válidus, in quo exauditus est pro sua reveréntia ejúsdem passióis. Reveréntia est, quod sine peccáto passus est sola charitáte.

ñ. Fiant áures tuae auscultántes, et óculi tui apérti, * Ut áudias oratióem servi tui.

ÿ. Quam ego oro coram te hódie nocte, ac die. Ut.

Glória Patri. Ut.

In III. Noct. Ant. Tribulatio, et angústia invenérunt me, mandáta tua meditatio mea est.

Psalmus 3.

Dómine, quid multiplicáti sunt qui tríbulant me? * multi insúrgunt advérsus me.

Multi dicunt ánimae meae: * non est salus ipsi in Deo ejus.

Tu ántem Dómine suscéptor meus es, * glória mea, et exáltans caput meum.

Voce mea ad Dóminum clamávi: * et exaudivit me de monte sancto suo.

Ego dormívi, et soporátus sum: * et exurréxi, quia Dóminus suscepit me.

Non timébo míllia pópuli circumdántis me: * exúrge Dómine, salvum me fac Deus meus.

Quóniam tu percussísti omnes adversántes mihi sine cáusa: * dentes peccatórum contrivísti.

Dómini est salus: * et super pópulum tuum benedictio tua.

Ant. Tribulatio, et angústia invenérunt me, mandáta tua meditatio mea est.

Ant. Sustínui qui simul contristarétur, et non fuit, et qui consolarétur, et non invéni.

Psalmus 12.

Usquequo Dómine obli-

scéris me in finem? * Usquequo avértis fáciem tuam a me?

Quámdiu ponam consília in ánima mea, * dolórem in corde meo per diem?

Usquequo exaltábitur inimicus meus super me? * réspice, et exáudi me Dómine Deus meus.

Illúmina óculos meos ne unquam obdórmiam in morte: * Nequándo dicat inimicus meus: Praeválui adversus eum.

Qui tríbulant me, exultábunt si motus fúero: * ego autem in misericórdia tua sperávi.

Exultábit cor meum in salutári tuo, cantábo Dómino qui bona tribuit mihi: * et psallam nómini Dómini altísimi.

Ant. Sustínui qui simul contristarétur, et non fuit, et qui consolarétur, et non invéni.

Ant. Adhaesit pavíménto ánima mea, vivífica me secundum verbum tuum.

Psalmus 87.

Dómine Deus salutis meae, * in die clamávi, et nocte coram te.

Intret in conspéctu tuo orátio mea: * inclína áurem tuam ad precem meam.

Quia repléta est malis áni-

ma mea; * et vita mea inférno appropinquávit.

Aestimátus sum cum descendéntibus in lacum: * factus sum sicut homo sine adjutório, inter mórtuos liber.

Sicut vulneráti dormiéntes in sepúlchris, quorum non es memor ámplius: * et ipsi de manu tua repúlsi sunt.

Posuérunt me in lacu inférióri, * in tenebrósis, et in umbra mortis.

Super me confirmátus est furor tuus: * et omnes fluctus tuos induxisti super me.

Longe fecisti notos meos a me: * posuérunt me abominatiónem sibi.

Tráditus sum, et non egrediébar: óculi mei languérunt prae inópia.

Clamávi ad te Dómine tota die: * expándi ad te manus meas.

Numquid mórtuis fácies mirabília: * aut médici suscitábunt, et confitebúntur tibi?

Numquid narrábit áliquis in sepúlchro misericórdiam tuam, * et veritátem tuam in perditiónem?

Numquid cognoscéntur in ténebris mirabília tua, * et justítia tua in terra obliviónis?

Et ego ad te Dómine clamávi: * et mane orátio mea praeveniet te.

Ut quid Dómine repéllis o-

rationem meam: * avértis fá-
ciem tuam a me?

Páuper sum ego, et in la-
bóribus a juventúte mea: *
exaliátus áutem, humiliátus
sum et conturbátus.

In me transiérunt irae
tuæ: * et terróres tui con-
turbavérunt me.

Circumdederunt me sicut
aqua tota die: * circumde-
derunt me simul.

Elongásti a me amicum et
 próximum, * et notos meos
a miséria.

Ant. Adhaesit paviménto á-
nima mea vivífica me se-
cúndum verbum tuum.

ŷ. Vigiláte, et oráte.

ñ. Ut non intrétis in ten-
tationem.

Lectio sancti Evangélíi
secúndum Lucam.

Lectio VII.

Cap. 22.

In illo témpore: egréssus Je-
sus, ibat secúndum consuetú-
dinem in montem Olivárum.
Sequúti sunt áutem illum et
discípuli. Et reliqua.

Homília sancti Ambrósii
Episcopi.

Lib. 10. *Comment. in Luc.*

Cap. 22.

Transfer a me cálicem istum;

quasi homo mortem recúsans,
quasi Deus senténtiam suam
servans. Opórtet enim mori
nos saeculo, ut resurgámus
Deo, ut juxta divínam sentén-
tiam lex maledictiónis reso-
lúta in terrae limum natúrae
sine solvátur. Quod áutem ait;
non mea volúntas, sed tua fiat,
suam ad hóminem rétulit, Pa-
tris ad divinitátem. Volúntas
enim hóminis temporális, vo-
lúntas divinitátis aetérna. Non
ália volúntas Patris, ália Fí-
lii. Una enim volúntas, ubi
una divínitas. Disce tamen
Deo esse subjéctus, ut non
quod ipse vis éligas, sed quod
Deo scias esse placitúrum.

ñ. Veni in altitúdinem ma-
ris, * Et tempésta demérsit
me.

ŷ. Salvum me fac Deus,
quóniam intravérunt aquae,
usque ad ánimam meam. Et.

Lectio VIII.

Deinde verbórum ipsórum
propriétatem considerémus.
Tristis est, inquit, ánima mea.
Et álibi: Nunc ánima mea
turbáta est valde. Non ergo
suscipiens, sed suscepta turba-
tur. Anima enim obnoxia
passiónibus, divínitas libera.
Dénique spíritus promptus,
caro áutem infirma. Tristis
áutem est non ipse, sed áni-
ma. Non est tristis sapiéntia,

non divína substántia, sed á-níma. Suscépit enim ánimam suam, suscepit corpus meum. Non me fessellit ut áliud esset, et áliud viderétur. Tristis videbátur, et tristis erat, non pro sua passióne, sed pro nostra dispersióne.

n. Intret in conspéctu tuo orátio mea. * Inclína áurem tuam ad prece[m] meam.

y. Quia repléta est malis ánima mea, et vita mea inférno appropinquávit. Inclína. Glória Patri. Inclína.

Lectio IX.

Dénique ait; percútiám pastórem, et dispergéntur oves gregis. Tristis erat, quia nos párvulos relinquébat. Caeterum quam constánter se mortí obtúlerit consequéntia declárant; quandóquidem quæréntibus occúrrit, turbátos confirmávit, trépidos provocávit, proditórem ósculi dignatióne suscepit. Nec illud distat a vero si tristis erat pro persecutóribus suis, quod sciébat inmánis sacrilégii poenas datúros. Et ideo dixit: transfer hunc cálicem a me. Non quia Deus Dei Fílius mortem timébat, sed quia nec malos pro se períre volébat.

Te Deum laudámus.

Ad Laudes et per Horas.

Ant.

Venit Jesus cum discípulis suis in villam, quae dicitur Gethsémani, et dixit illis, sedéte hic, donec vadam illuc, et orem.

Psalm. Dóminus regnávit, cum reliquis de Dominica.

Ant. Et assumpto Petro, et duóbus filiis Zebedaei, coepit contristári, et moestus esse.

Ant. Tunc ait illis: tristis est ánima mea usque ad mortem, sustinéte hic, et vigiláte mecum.

Ant. Et progréssus pusillum prócidit in fáciem suam orans, et dicens: Pater mi, si possibile est, tránseat a me calix iste.

Ant. Pater mi, si non potest hic calix transíre nisi bibam illum, fiat volúntas tua.

Cap. Venit Jesus, ut sup. in *Vesp.*

Hymnus.

Venit e coelo Mediátor alto,
Quem sacri dudum cecinére
vates:

Parce moeróri lacrymisque
amáris

Fília Sion

Attulit mortem vetus hortus,
unde

Culpa prodívit, novus iste vi-
tam

Hortus en affert, ubi nocte
Jesus

Pérmanet orans.

Víndicem placat Genitóris i-
ram :

Réprimit forti jaciénda dextra
Fúlmina : occurrít scéleri ex-
piándo

Sponte Redémptor.

Sic teret duros láqueos Avérni,
Et diu cláusam reserábit au-
lam :

Nos ad aetérni révocans beáta
Gáudia regni.

Laus, honor Patri, genitæque
Proli

Cui datum nomen super omne
nomen,

Et Paracléto decus, atque vir-
tus

Omne per ævum. Amen.

Ÿ. Doce nos oráre.

℟. Sic ergo vos orábitis.

AD BENEDICTUS.

Ant. Factus in agonía pro-
líxius orábat; et factus est
sudor ejus sicut guttæ sán-
guinis decurréntis in terram.

ORATIO.

Dómine Jesu Christe, qui in
horto verbo et exémplo nos
oráre docuísti ad tentatiónum
perícula superánda, concéde
propítius, ut nos oratióni
emper inténti ejus copiósum
ructum cónsequi mereámur.
Qui vivis.

AD TERTIAM

Ant. Et assúptó Petro.

Cap. Venit Jesus. *ut sup.*

℟. *br.* Tristis est * Anima
mea. Tristis.

Ÿ. Usque ad mortem. Ani-
ma. Glória Patri. Tristis.

℟. Pater mi, si possibile est.

℟. Tránseat a me calix
iste.

AD SEXTAM

Ant. Tunc ait illis.

Cap.

Luc. 21.

Vigiláte itaque omni témpo-
re orántes, ut digni habeámi-
ni fúgere ista ómnia, quæ
futúra sunt, et stare ante fi-
lium hóminis.

℟. *br.* Pater mi * Si possi-
bile est. Pater.

Ÿ. Tránseat a me calix
iste. Si possíbile est.

Glória Patri. Pater mi.

Ÿ. Vigiláte, et oráte.

℟. Ut non intrétis in ten-
tatiónem.

AD NONAM

Ant. Pater mi.

Capitulum.

Matth. 5.

Oráte pro persecuéntibus,
et calumniántibus vos: ut si-
tis filii Patris vestri, qui in
coelis est.

n. *br.* Vigiláte * Et oráte.
Vigiláte.

ŷ. Ut non intrétis in tentatiónem. Et oráte.

Glória Patri. Vigiláte.

ŷ. Factus est sudor ejus.

n. Sicut guttae sanguínis.

In secundis Vesperis omnia ut in primis: et loco ultimi Psalm. Crédidi.

ŷ. Factus est sudor ejus.

n. Sicut guttae sanguínis.

Ad Magnificat.

Ant. Ecce appropinquávit hora, et filius hóminis tradétur in manus peccatórum.

Oratio ut supra in Laud.

FERIA III. POST DOMINICAM
SEXAGESIMAE

In Commemoratione PASSIONIS D. N. J. C. Duplex majus.

Ad Vesp. Ant. Cálicem salutáris accípiam, et nomen Dómini invocábo.

Psalmus 115.

Crédidi, propter quod locútus sum: * ego áutem humiliátus sum nimis.

Ego dixi in excéssu meo: * Omnis homo mendax.

Quid retríbuiam Dómino: * pro ómnibus quae retríbuit mibi.

Cálicem salutáris accípiam: * et nomen Dómini invocábo.

Vota mea Dómino reddam, coram omni pópulo ejus: * pretiósa in conspéctu Dómini mors sanctórum ejus.

O Dómine, quia ego servus tuus: * ego servus tuus, et filius ancillae tuae.

Dirupísti víncula mea: tibi sacrificábo hóstiam láudis, * et nomen Dómini invocábo.

Vota mea Dómino reddam in conspéctu omnis pópuli ejus: * in átriis domus Dómini in médio tui Jerúsalem.

Ant. Cálicem salutáris accípiam, et nomen Dómini invocábo.

Ant. Cum his, qui odérunt pacem, eram pacíficus: dum loquébar illis, impugnábant me gratis.

Psalmus. 119.

Ad Dóminum cum tribulárer clamávi: * et exaudivit me.

Dómine libera ánimam meam a lábiis infquis: et a lingua dolósa.

Quid detur tibi, aut quid apponátur tibi: * ad linguam dolósam?

Sagíttae poténtis acútae: * cum carbónibus desolatóriis.

Heu mihi, quia incolátus meus prolongátus est, habitávi cum habitántibus Cedar:

multum incola fuit ánima mea.

Cum his qui odérunt pacem, eram pacíficus: * cum loquébar illis impugnábant me gratis.

Ant. Cum his qui odérunt pacem, eram pacíficus: dum loquébar illis, impugnábant me gratis.

Ant. Ab homínibus iníquis libera me Dómine.

Psalms 139.

Eripe me Dómine ab hómine malo: * a viro iníquo éripe me.

Qui cogitavérunt iniquitátes in corde: * tota die constituébant praelia.

Acuérunt linguas suas sicut serpéntis * venénúm áspidum sub lábiis eórum.

Custódi me Dómine de manu peccatóris: et ab homínibus iníquis éripe me.

Qui cogitavérunt supplantáre gressus meos: * absconderunt supérbi láqueum mihi.

Et funes extendérunt in láqueum: * juxta iter scándalum posuérunt mihi.

Dixi Dómino: Deus meus es tu: * exáudi Dómine vocem deprecationis meae.

Dómine, Dómine virtus salútis meae: * obumbrásti super caput meum in die belli.

Ne tradas me Dómine a de-

sidério meo peccatóri: * cogitavérunt contra me, ne derelinquas me, ne forte exaléntur.

Caput circúitus eórum: * labor labiórúm ipsórum opériet eos.

Cadent super eos carbónes, in ignem dejícies eos: * in misériis non subsístent.

Vir linguósus non dirigétur in terra: * virum injústum mala cápient in intéritu.

Cognóvi, quia fáciét Dóminus júdicium inopis. * et vindictam páuperum.

Verúmtamen justí confitebúntur nómini tuo: * et habitábunt recti cum vultu tuo.

Ant. Ab homínibus iníquis libera me Dómine.

Ant. Custódi me a láqueo quem statuérunt mihi, et a scándalis operántium iniquitátem.

Psalms 140.

Dómine clamávi ad te, exáudi me: * inténde voci meae, cum clamávero ad te.

Dirigátur orátio mea sicut incénsus, in conspéctu tuo: * elevátio mánuum meárum sacrificium vespertínúm.

Pone Dómine custódiam ori meo: * et óstium circumstántiae lábiis meis.

Non declínes cor meum in verba malítiae: * ad excusándas excusatiónes in peccátis.

Cum hominibus operántibus iniquitátem. * et non communicábo cum eléctis eórum.

Corrípiet me justus in misericórdia, et increpábit me: * óleum íautem peccatóris non impínguet caput meum.

Quóniam adhuc et orátio mea in beneplácitis eórum: * absórpti sunt juncti petrae júdices eórum.

Audient verba mea, quóniam potuérunt: * sicut crassitúdo terrae erúpta est super terram.

Dissipáta sunt ossa nostra secus inférnum: * quia ad te Dómine, Dómine óculi mei: in te sperávi, non áuferas ánimam meam.

Custódi me a láqueo, quem statuérunt mihi: * et a scándalis operántium iniquitátem.

Cadent in retiáculo ejus peccatóres, * singuláriter sum ego, donec tránseam.

Ant. Custódi me a láqueo, quem statuérunt mihi, et a scándalis operántium iniquitátem.

Ant. Considerábam ad dexteram, et vidébam, et non erat, qui cognósceret me.

Psalmus 141.

Voce mea ad Dóminum clamávi: * voce mea ad Dóminum deprecátus sum.

Effúndo in conspéctu ejus oratiómem meam; * et tribulatiómem meam ante ipsum pronúntio.

In deficiéndo ex me spíritum meum: * et tu cognovisti sémitas meas.

In via hac, qua ambulábam: * abscondérunt láqueum mihi.

Considerábam ad dexteram, et vidébam: * et non erat, qui cognósceret me.

Périit fuga a me: * et non est qui requírat ánimam meam.

Clamávi ad te Dómine: * dixi: Tu es spes mea, pòrtio mea in terra vivéntium.

Inténde ad deprecatiómem meam: * quia humiliátus sum nimis.

Líbera me a persecuéntibus me: * quia confortáti sunt super me.

Educ de custódia ánimam meam ad confiténdum nómini tuo: * me expéctant justí, donec retríbuas mihi.

Ant. Considerábam ad dexteram, et vidébam, et non erat, qui cognósceret me.

Capitul.

F*Philip. 2.* ratres, hoc enim sentíte in vobis, quod et in Christo Jesu, qui cum in forma Dei esset, non rapínam arbitrátus est, esse se aequálem Deo: sed semetipsum exinanívit, formam servi accípiens, in similitúdinem hóminum factus, et há-

bitu inventus ut homo. Humiliavit semetipsum factus obediens usque ad mortem, mortem autem Crucis.

Hymnus

Moerentes oculi spargite lacrymas

Et luctu resonent intima cordium,

Illatas refero Numini ab impiis

Poenas et fera vulnera.

Accincta heu! gladiis turba satellitum

Arreptum Dominum fustibus impetit,

Nunc caedit colaphis, nunc quatit horridis

Divinum Caput ictibus.

Haud finis sceleri; traditur improbo

Christus carnifici; nec mora, barbarus

In Regem superum non timet impio

Ausu, vertere dexteram.

Audite o Populi, Numen amabile,

Manante ex humeris undique sanguine,

Lictoris rabidi sustinet impetum,

Et vocem premit innocens.

Quis non illacrymet! Jam nova condidit

Tormenta indomitae Gentis iniquitas.

Infigit cerebro; proh dolor! effertis

Sertum vepribus asperum.

Heu crimen! trahitur funibus improbis

Funesti Dominus supplicii ad locum;

Illic oppetiit, funere spiritum Patri restituens suo.

Passo pro miseris tam fera vulnera

In terris resonet debita gloria; Sacrumque assidue Nomen in aethera.

Humantum genus effert.

Amen.

Ÿ. Oblatus est, quia ipse voluit.

R. Et livore ejus sanati sumus.

Ad Magnificat.

Ant. O vos omnes, qui transitis per viam, attendite et videte, si est dolor sicut dolor meus.

ORATIO.

Omnipotens sempiterna Deus, qui humano generi, ad imitandum humilitatis exemplum: Salvatorem nostrum carnem sumere, et crucem subire fecisti: concede propitius, ut, sicut sollemnem commemorationem Passionis ejus celebramus, ita et patientiae ipsius habere documenta, et resurrectionis consortia me-

reámur. Per eúndem Dóminum nostrum etc.

Ad Complet., et per Horas in fine Hymnorum dicitur.

Sit laus Patri, ac Paráclyto,
Natóque Patris único,
Nostrae dedit qui pródigus
Prétium salutis sanguínem.

Amen.

Ad Matutinum.

Invitatorium. Christum Regem Crucifixum * Veníte adorémus.

Psalmus. Veníte exultémus etc.

Hymnus.

Aspice, infámi Deus ipse ligno.

Pendet, effúso mádidus cruóre
Aspice, immíti manus alma
clavo

Fínditur alte.

Hunc, velut pravi scéleris ministrum,

Inter indignos médium latrónes,

Cerne: crudélis fuit ista gentis

Dira volúntas.

Pallet heu! vultus, caput ecce lassum

Fléctitur, cláuisis óculis Redemptor

Spirítum, sacro méritis onústum,

Fundit ab ore.

O cor, aes durum súperas, geméndo

Ni scelus tergas; tua culpa Christum

Stípti affixit; tua culpa morti
Súbdidit atrae,

Sit Deo aetérnum decus omne in aevum,

Qui pius nostri géneris Redemptor

Críminis labem míseris nocentem

Sánguine tersit. Amen.

In I. Nocturno.

Ant. Astitérunt Reges terrae, et Príncipes convenérunt in unum advérsus Dóminum, et advérsus Christum ejus.

Psalmus 2.

Quare fremuérunt gentes, * et pópuli meditáti sunt inánia?

Astitérunt reges terrae, et principes convenérunt in unum * advérsus Dóminum, et advérsus Christum ejus.

Dirumpámus víncula eórum * et projiciámus a nobis jugum ipsórum.

Qui hábitat in coelis, irridebit eos, * et Dóminus subsannábit eos.

Tunc loquétur ad eos in ira sua, * et in furóre suo conturbábit eos.

Ego autem constitútus sum Rex ab eo super Sion montem sanctum ejus: * praedicans praecéptum ejus.

Dóminus dixit ad me: * Fí-

lius meus es tu, ego hódie genuí te.

Póstula a me, et dabo tibi Gentes haereditátem tuam, * et possessiónem tuam términos terrae.

Reges eos in virga férrea, * et tamquam vas figuli confrínges eos.

Et nunc reges intelligite: * erudímini, qui judicátis terram.

Servíte Dómino in timóre, * et exultáte ei cum tremóre.

Apprehéndite disciplínam, nequándo irascátur Dóminus, * et pereátis de via justa.

Cum exárserit in brevi ira ejus, * beáti omnes, qui confidunt in eo.

Ant. Astitérunt Reges terrae, et Príncipes convenérunt in unum, advérsus Dóminum, et advérsus Christum ejus.

Ant. Multiplicáti sunt, qui tribulant me, multi insúrgunt advérsus me.

Psalmus 3.

Dómine, quid multiplicáti sunt qui tribulant me? * multi insúrgunt advérsus me.

Multi dicunt ánimae meae, * non est salus ipsi in Deo ejus.

Tu áutem Dómine suscéptor meus es, * glória mea, et exáltans caput meum.

Voce mea ad Dóminum cla-

mávi, * et exaudivit me de monte sancto suo.

Ego dormívi, et soporátus sum, * et exurréxi, quia Dóminus suscepit me.

Non timébo millia pópuli circumdántis me, * exúrge Dómine, salvum me fac Deus meus.

Quóniam tu percussísti omnes adversátes mihi sine causa, * dentes peccatórum contrivísti.

Dómini est salus, * et super pópulum tuum benedictio tua.

Ant. Multiplicáti sunt, qui tribulant me, multi insúrgunt advérsus me.

Ant. Divisérunt sibi vestimenta mea, et super vestem meam misérunt sortem.

Psalmus 21.

Deus Deus meus, respice in me: quare me dereliquísti? * longe a salute mea verba delictórum meórum.

Deus meus clamábo per diem, et non exáudies: * et nocte, et non ad insipientiam mihi.

Tu áutem in sancto hábitas, * Laus Israel.

In te speravérunt patres nostri: * speravérunt, et liberásti eos.

Ad te clamavérunt, et salvi facti sunt: * in te speravérunt, et non sunt confúsi.

Ego áutem sum vermis, et non homo: * oppróbrium hominum, et abjéctio plebis.

Omnes vidéntes me, deriserunt me: * locúti sunt lábiis, et movérunt caput.

Sperávit in Dómino, erípiat eum: * salvum fáciat eum, quóniam vult eum.

Quóniam tu es, qui extraxisti me de ventre: * spes mea ab ubéribus matris meae: In te projectus sum ex útero.

De ventre matris meae Deus meus es tu: * ne discesseris a me.

Quóniam tribulatio próxima est: * quóniam non est, qui ádjuvet.

Circumdedérunt me vítuli multi: * táuri pingues obsederunt me.

Aperuérunt super me os suum, * sicut leo rápiens et rúgiens.

Sicut aqua effúsus sum: * et dispérsa sunt ómnia ossa mea.

Factum est cor meum tamquam cera liquéscens * in médio ventris mei.

Aruit tamquam testa virtus mea, et lingua mea adhaesit fáucibus meis: * et in púlverem mortis deduxisti me.

Quóniam circumdedérunt me canes multi: * concílium malignántium obsédit me.

Foderunt manus meas, et

pedes meos: * dinumeravérunt ómnia ossa mea.

Ipsi vero consideravérunt et inspexérunt me: * divisérunt sibi vestiménta mea, et super vestem meam misérunt sortem.

Tu áutem Dómine, ne elongáveris auxiliúm tuum a me: * ad defensiónem meam cónspice.

Erue a frámea Deus, ánimam meam: * et de manu canis únicam meam.

Salva me ex ore leónis: * et a córnicibus unicórniúm humilitátem meam.

Narrábo nomen tuum fratribus meis: * in médio Ecclesíae laudábo te.

Qui timétis Dóminum, laudáte eum: * univérsum semen Jacob glorificáte eum.

Timeat eum omne semen Israel: * quóniam non sprexit, neque despéxit deprecationem páuperis.

Nec avértit fáciem suam a me: * et cum clamárem ad eum, exaudivit me.

Apud te laus mea in Ecclesia magna: * vota mea reddam in cónspectu timéntium eum.

Edent páuperes, et saturabúntur, et laudábunt Dóminum, qui requírunť eum: * vivent corda eórum in saeculum saeculi.

Reminiscéntur, et cónver-

téntur ad Dominum: * univérſi fines terrae.

Et adorábunt in conspéctu ejus: * univérſae fámiſiae Gentium.

Quóniam Dómini est regnum: * et ipse dominábitur géntium.

Manducavérunt, et adoravérunt omnes pingues terrae: * in conspéctu ejus cadent omnes, qui descéndunt in terram.

Et ánima mea illi vivet: * et semen meum sérviet ipsi.

Annuntiábitur Dómino generátio ventúra: * et annuntiábunt coeli justítiam ejus, pópulo qui nascétur, quem fecit Dóminus.

Ant. Divisérunt sibi vestiménta mea, et super vestem meam misérunt sortem.

Ÿ. Oblátus est, quia ipse voluit.

Ŧ. Et livóre ejus sanáti sumus.

De Epístola Beáti Páuli Apóstoli ad Romános.

Lectio I.

Cap. 5. et 6.

Comméndat charitátem suam Deus in nobis: quóniam cum adhuc peccatóres essémus, secúndum tempus Christus pro nobis mórtuus est: multo igitur magis nunc justificáti in Sanguine ipsius, salvi érimus ab ira per ipsum.

Si enim, cum inimíci essémus, reconciliáti sumus Deo per mortem Filii ejus, multo magis reconciliáti, salvi érimus in vita ipsius. Non solum áutem, sed et gloriámur in Deo, per Dóminum nostrum Jesum Christum, per quem nunc reconciliatiónem accépimus. Si enim, unius delicto, mors regnávít per unum: multo magis abundantiam grátiae, et donatiónis, et justítiae accipientes, in vita regnábunt per Jesum Christum.

Ŧ. Vinea mea elécta, ego te plantávi, dicit Dóminus, et tu facta es mihi nimis amára; * quia parásti Crucem Salvatóri tuo.

Ÿ. Pópule meus, quid feci tibi, aut in quo contristávi te? respónde mihi. Quia parásti etc.

Lectio II.

Igitur, sicut per unius delictum, in omnes hómines, in condemnatiónem; sic et per unius justítiam, in omnes hómines in justificatiónem vitae: Sicut enim, per inobediéntiam unius hóminis, peccatóres constitúti sunt multi: ita et per unius obediéntiam justí constituéntur multi. Lex áutem subintrávit, ut abundáret delictum: ubi áutem

abundávit delictum, superabundávit grátia; ut sicut regnávit peccátum in mortem, ita et grátia regnet, per justítiam, in vitam aetérnam, per Jesum Christum Dóminum nostrum.

ñ. Ego edúxi te de Ægypto, demérso Pharaóne in mare rubrum, et ante te praeivi in columba nubis; * Et tu me tradidisti Principibus sacerdotum, et me duxisti ad praetórium Piláti.

ŷ. Pópule meus, quid feci tibi, aut in quo contristávi te? respónde mihi. Et tu me tradidisti etc,

Lectio III.

Quid ergo dicémus? Pérmānēbimus in peccáto, ut grátia abundet? Absit: qui enim mórtui sumus peccáto, quómodo adhuc vivémus in illo? An ignorátis, quia quicúmque baptizáti sumus in Christo Jesu, in morte ipsíus baptizáti sumus? Consepúlti enim sumus cum illo, per Baptísimum in mortem: ut quómodo Christus surréxit a mórtuis, per glóriam Pátris; ita, et nos in novitáte vitae ambulémus. Si enim complantáti facti sumus similitúdini mortis ejus; simul et resurrectionis érimus. Hoc sciéntes, quia ve-

tus homo noster simul crucifixus est, ut destruátur corpus peccáti, et ultra non serviámus peccáto. Qui enim mórtuus est, justificátus est a peccáto. Si áutem mórtui sumus cum Christo, crédimus quia simul étiam vivémus cum Christo.

ñ. Ego propter te flagellávi Ægyptum, cum primogénitis suis: * Et tu me flagellátum tradidisti, * Qui, tamquam Agnus coram tondénte se obmútui; et non apérui os meum.

ŷ. Pópule meus, quid feci tibi, aut in quo contristávi te? respónde mihi. Et tu me. Glória Patri etc. Qui tamquam Agnus etc.

In II. Nocturno.

Ant. Inimíci mei dixerunt mala mihi: quando moriétur, et peribit nomen ejus?

Psalmus 40.

Beátus qui intélligit, super egénium, et páuperem, * in die mala liberábit eum Dóminus.

Dóminus consérvet eum, et vivíficet eum, et beátum fáciat eum in terra, * et non tradat eum in ánimam inimicórum ejus.

Dóminus opem ferat illi super lectum dolóris ejus, * u-

nivérsum stratum ejus versásti in infirmitáte ejus.

Ego dixi; Dòmine miserére mei, * sana ánimam meam quia peccávi tibi.

Inimíci mei dixerunt mala mihi: * quando moriétur, et períbit nomen ejus?

Et si ingrediebátur, ut vidéret, vana loquebátur, * cor ejus congregávit iniquitátem sibi.

Egrediebátur foras, * et loquebátur in idípsum.

Advérsus me susurrábant omnes inimíci mei, * advérsus me cogitábant mala mihi.

Verbum iníquum constituérunt advérsus me: * numquid qui dormit non adjíciet, ut resúrgat?

Etenim homo pacis meae, in quo sperávi, * qui edébat panes meos, magnificávit super me supplantatióem.

Tu áutem Dòmine miserére mei, et resúscita me, * et retribuam eis.

In hoc cognóvi quóniam voluísti me: * quóniam non gaudébit inimícus meus super me.

Me áutem propter innocentiam suscepísti, * et confirmásti me in conspéctu tuo in aetérnum.

Benedíctus Dóminus Deus Israel a saeculo, et usque in saeculum; * fiat, fiat.

Ant. Inimíci mei dixerunt

mala mihi, quando moriétur, et períbit nomen ejus?

Ant. Aliéni insurrexérunt in me, et fortes quaesiérunt ánimam meam.

Psalm. 53.

Deus in nómine tuo salvum me fac; * et in virtúte tua júdica me.

Deus exáudi oratióem meam: * áuribus pércipe verba oris mei.

Quóniam aliéni insurrexérunt advérsus me, et fortes quaesiérunt ánimam meam: * et non proposuérunt Deum ante conspéctum suum.

Ecce enim Deus ádjuvat me: * et Dóminus suscepitor est ánimae meae.

Avérte mala inimícis meis, * et in veritáte tua dispérde illos.

Voluntárie sacrificábo tibi: * et confitébor nómini tuo Domine, quóniam bonum est.

Quoniam ex omni tribulatióne eripuísti me; * et super inimícos meos despéxit óculus meus.

Ant. Aliéni insurrexérunt in me, et fortes quaesiérunt ánimam meam.

Ant. Conculcavérunt me inimíci mei tota die, advérsus me omnes cogitatióes eórum in malum.

Psalm. 55.

Miserere mei Deus, quóniam conculcávit me homo: * tota die impúgnans tribulávit me.

Conculcavérunt me inimíci mei tota die: * quóniam multi bellántes advérsus me.

Ab altitúdine diei timébo: * ego vero in te sperábo.

In Deo laudábo sermónes meos, in Deo sperávi, * non timébo quid fáciat mihi caro.

Tota die verba mea ex-crabántur: * advérsus me omnes cogitatiónes eórum in malum.

Inhabitábunt, et abscón-dent, * ipsi calcáneum meum observábunt.

Sicut sustinuérunt ánimam meam, pro níhilo salvos fá-cies illos: * in ira pópulos confrínges.

Deus vitam meam annun-tiávi tibi: * posuísti lácrymas meas in conspéctu tuo.

Sicut et in promissióne tua: * tunc converténtur inimíci mei retrórsum.

In quacúmque die invocá-vero te: * ecce cognóvi, quóniam Deus meus es.

In Deo laudábo verbum, in Dómino laudábo sermónem: * in Deo sperávi, non timébo quid fáciat mihi homo.

In me sunt Deus vota

tua: * quae reddam, lauda-tiónes tibi.

Quóniam eripuísti ánimam meam de morte, et pedes meos de lapsu: * ut pláceam coram Deo in lúmine vivén-tium.

Ant. Conculcavérunt me inimíci mei tota die, advér-sum me omnes cogitatiónes eórum in malum.

ŷ. Próprio Filio suo non pepércit Deus.

ñ. Sed pro nobis ómnibus trádidit illum.

Sermo Sancti Augustíni
Episcopi.

Serm. 41. Domin. in pal-mis de Passione Domini.

Lectio IV.

Admonet nos, fratres charís-simi, ad solemnitátem Domínicae Passiónis dies ipse, in quo eam, nec muta eleménta ta-cuérunt. Célebret eam lux fi-dei linguis hóminum, quam conclamavérunt étiam silén-tia tenebrárum. Dóminus no-ster in statéra Crucis pré-tium nostrae salútis appén-dit, et una morte univérsum mundum, sicut ómnium Cón-ditor, ita ómnium Reparátor absólvit. Indubítanter enim credámus, quod totum mun-dum redémit, qui plus dedit,

quam totus mundus valeret. Méritum enim redemptae mercédís dignitas insignis prætii supergréssa est. Inter redemptum et rediméntem dispensatio fuit, compensatio non fuit. Qui ergo non habebat peccáta própria, digne delévit aliéna. Solus hic pia victima pro ómnibus cécidit, ut omnes leváret; et quia débitum solus non hábuit, recte foenus misericórdiae pro debitóribus erogávit.

¶. Ego propter te Chanaeórum Reges percússi, et dedi tibi sceptrum regále: * et tu dedisti cápiti meo spíneam corónam, et percussisti arúndine caput meum.

‡. Pópule meus, quid feci tibi, aut in quo contristávi te? respónde mihi. Et tu dedisti cápiti meo.

Lectio V.

Perpénde inter haec, qui talem pro nobis dedit pecúniám, qualem a nobis sit exactúrus usúram. In hac itaque die fides prophéticae annuntiatiónis impléta est, ita dicéntis: Corpus meum dedi percutiéntibus, et genas meas velléntibus, fáciem meam non avérti a foeditáte sputórum. Suscépit mala nostra, ut tribúeret bona sua. Hinc intelligámus, quantum hóminem

diligere dignátus sit ante culpam, quem sic diligit, post ruínam. Agnósce homo quantum váleas, et quantum débéas; et dum tantam redemptionis tuae pérspicis dignitátem, ipse tibi indicito peccándi pudórem: Ecce, pro ímpio píetas flagelláitur, pro stulto sapiéntia illúditur, pro mendáce véritas necátur, damnátur justítia pro iníquo, misericórdia afficitur pro crudéli, pro mísero replétur sinceritas acétò, inebriátur felle dulcédo, addícitur innocentia pro reo, móritur vita pro mórtuo.

¶. Ego duxi te per désertum, quadraginta annis, et manna cibávi te: * Et tu me caecidísti álapis et flagéllis.

‡. Pópule meus, quid feci tibi, aut in quo contristávi te? respónde mihi. Et tu me-

Lectio VI.

Expávit scelus hóminum natúra rerum, et quem creatúra rebéllis non agnóscit, eum mundi Dóminum tremens terra testátur, et coeli Regem Sol fúgiens confitétur. Clámyde coccínea indúitur, quia sànguine Mártyrum suórum Ecclesiæ corpus ornátur. Coróna spínea cápiti ejus impónitur, quia punítio peccatórum nostrórum, quórum, remissióne Redemptó-

ris glória strúitur, áridis tríbulis comparátur. Studeámus nunc e diversó, ut membrórum vita cápitis sit coróna. Quod vero sitíre se in Cruce pósitus dicit, fidem incredúlae gentis concupiscit; sed e contra acétum malítiae pórrigunt, quia vinum sapiéntiae, quod a Deo accéperant, peccádo corrúperant. Velum templi scínditur, quia Synagóga honóre nudátur, observátio antíqua dissólvitur, Ecclésiæ únitas praemonstrátur. Monuménta aperiúntur, quia mortis jura, jure superántur.

¶ Ego exaltávi te, magna virtúte: * Et tu me suspendísti in patíbulo Crucis, * In qua expándi manus meas ad pópulum non credéntem, et contradicéntem.

¶ Pópule meus quid feci tibi, aut in quo contristávi te? respónde mihi. Et tu me. Glória Patri etc. In qua.

In III. Nocturno.

Ant. Fílii hóminum dentes eórum arma, et sagittae, et lingua eórum gládus acútus.

Psalmus 56.

Miserére mei Deus, miserére mei: * quóniam in te confidit ánima mea.

Et in umbra alárum tuárum sperábo: * donec tránseat iníquitas.

Clamábo ad Deum altíssimum: * Deum qui benefécit mihi.

Misit de coelo, et liberávit me: * dedit in oppróbrium conculcántes me.

Misit Deus misericórdiam suam, et veritátem suam: * et erípuit ánimam meam de médio catulórum leónum: dormívi conturbátus.

Fílii hóminum dentes eórum arma, et sagittae; * et lingua eórum gládus acútus.

Exaltáre super coelos Deus: * et in omnem terram glória tua.

Láqueum paravérunt pédibus meis: * et incurvavérunt ánimam meam.

Foderunt ante faciém meam foveam: * et incidérunt in eam.

Parátum cor meum Deus, parátum cor meum: * cantábo, et psalmum dicam.

Exúrge glória mea, exúrge psaltérium et cithara; * exúrgam dilúculo.

Confitébor tibi in pópulis Dómine: * et psalmum dicam tibi in Géntibus.

Quóniam magnificáta est usque ad coelos misericórdia tua: * et usque ad nubes veritas tua.

Exaltáre super coelos Deus: * et super omnem terram glória tua.

Ant. Fílii hóminum dentes eórum arma, et sagittae, et

lingua eórum gládus acútus.

Ant. Intendérunt arcum rem amáram, ut sagittent in occúltis immaculátum.

Psalmus 63.

Exáudi Deus oratiómem meam cum déprecor: * a timóre inimíci éripe ánimam meam.

Protexísti me a convéntu malignántium, * a multítudine operántium iniquitátem.

Quia exacuérunt ut gládium linguas suas: * intendérunt arcum rem amáram, ut sagittent in occúltis immaculátum.

Súbito sagittábunt eum, et non timébunt: * firmavérunt sibi sermónem nequam.

Narravérunt ut absconderent láqueos: * dixerunt: Quis vidébit eos?

Scrutáti sunt iniquitátes: * defecerunt scrutantes scrútínio.

Accédet homo ad cor altum: * et exaltábitur Deus.

Sagittae parvulórum factae sunt plagae eórum: * et infirmátae sunt contra eos linguae eórum.

Conturbáti sunt omnes qui vidébant eos: * et tímuit omnis homo.

Et annuntiavérunt ópera

Dei: * et facta ejus intelle-xérunt.

Laelábitur justus in Dómino, et sperábit in eo, * et laudabúntur omnes recti corde.

Ant. Intendérunt arcum rem amáram, ut sagittent in occúltis immaculátum.

Ant. Factus sum sicut homo sine adjutório, inter mórtuos liber.

Psalmus 87.

Dómine Deus salútis meae, * in die clamávi, et nocte coram te.

Intret in conspéctu tuo oratio mea: * inclína áurem tuam ad precem meam.

Quia repléta est malis ánima mea; * et víta mea inférno appropinquávit.

Aestimátus sum cum descendéntibus in lacum: * factus sum sicut homo sine adjutório, inter mórtuos liber.

Sicut vulneráti dormiéntes in sepúlchris, quorum non es memor ámplius: * et ipsi de manu tua repúlsi sunt.

Posuérunt me in lacu inferióri, * in tenebrósis, et in umbra mortis.

Super me confirmátus est furor tuus: * et omnes fluctus tuos induxisti super me.

Longe fecísti notos meos

a me: * posuerunt me abominatióem sibi.

Tráditus sum, et non egrediébar: óculi mei languérunt prae inópia.

Clamávi ad te Dómine tota die: * expándi ad te manus meas.

Numquid mórtuis fácies mirabilia: * aut médici suscitábunt, et confitebúntur tibi?

Numquid narrábit áliquis in sepúlchro misericórdiam tuam, * et veritátem tuam in perditiónē?

Numquid cognoscéntur in ténebris mirabilia tua, * et justítia tua in terra obliuiónis?

Et ego ad te Dómine clamávi: * et mane orátio mea praeuéniet te.

Ut quid Dómine repéllis oratióem meam: * auértis fáciem tuam a me?

Páuper sum ego, et in labóribus a iuventúte mea: * exaltátus áutem, humiliátus sum et conturbátus.

In me transiérunt irae tuae: * et terróres tui conturbáuerunt me.

Circumdedérunt me sicut aqua tota die: * circumdedérunt me simul.

Elongásti a me amicum et próximum, * et notos meos a miséria.

Ant. Factus sum sicut homo sine adjutório, inter mórtuos liber.

R. Factus est obédiens usque ad mortem.

R. Mortem áutem Crucis.

Léctio Sancti Evangélii
secúndum Joánnem.

Lectio VII.

Cap. 19.

In illo témpore sciens Jesus quia ómnia consummáta sunt, ut consummarétur scriptúra dixit: Sítio. Et réliqua.

Homilía Sancti Joánnis
Chrysóstomi.

Hom. 84. in cap. 19. Joannis ante medium.

Sciens Jesus ómnia consummáta, ait, sítio: étiam hoc verbo prophetíam implens. Tu áutem adstántium prauitátem intéllige: nam lícet innúmeros habeámus inimícos, qui nos gravíssime persecúti sint, cum tamen intériami eos vidémus, fléctimur misericórdia. Hi vero nil moti, magis efferrántur, et irrident, acetúmque in spóngia pórrigunt, ut bibat tamquam reus: nam propter hoc hyssópum ádditur, quo gustáto, mórtuus est. Vides quam non perturbáte, et quam poténter ómnia transigéntem? Quod et prósequens osténdit; cum enim

omnia consummata essent, inclinátocápíte, quod affixum non erat, trádidit spiritum, hoc est expirávit.

ñ. Ego te potávi aqua salutis de petra; * Et tu me potásti felle, et acéto.

ÿ. Pópule meus quid feci tibi aut in quo contristávi te? Respónde mihi. Et tu etc.

Lectio VIII.

Atqui non post inclinátum caput expirátur; sed post expiraciónem caput inclinátur. Hic áutem contra áccidit, per quod osténdit, eum, Evangelista, esse ómnium Dóminum. Judaei áutem camélum devorántes, et cúlicem excolántes, tantum nefas áusi de die consúltant: quóniam Parascève erat, ut non remanérent in cruce córpora Sábbato, rogavérunt Pilátum, ut frangeréntur eórum crura. Vides quanti sit véritas? Per ea quae illi faciunt Prophetía implétur, ália enim ex hoc manifestáta est: Venérunt ergo mílites, et aliórum fregérunt crura, non Christi: sed ad Judaeórum grátiam conciliándam latus ejus láncea aperuérunt, et mórtuo adhuc insúltant. O péssimam voluntátem, ac scelestíssimam!

ñ. Ego ante te apéruí mare: * et tu aperuísti láncea latus Salvatóri tuo, * Qui redé-

mit mundum in Sáanguine suo.

ÿ. Pópule meus, quid feci tibi, aut in quo contristávi te? respónde mihi. Et tu aperuísti. Glória Patri etc. Qui redémit mundum.

Lectio IX.

Noli tamen perturbári, dilectíssime, quae enim, malo illi ánimo patrárunt, veritáti consentiébant. Prophetía hinc impléta est, inquires: vidébunt in quem transfixérunt. Neque hoc tantum, sed non creditúris fuit fidei argúmentum, ut Thomae, et qui cum eo erant. Ad haec, et arcánium mystérium consummátum est, exívit enim Sanguis et Aqua. Non casu, et simpliciter hi fontes scaturiérunt: sed quóniam ex ambóbus Ecclésia constitúta est. Sciunt hoc initiáti, per aquam enim regeneráti, Sáanguine, et Carne nutriti sunt. Hinc mystéria ortum habent, ut quóties ad admirándum Cálicem accédís, tamquam ab ipso látere háuriens accédas.

Te Deum laudámus.

Ad Laudes, et per Horas.

Ant.

Fui flagellátus tota die, et castigátio mea in matutínis.

Psalm. Dóminus regnávít cum reliquis de Dominica.

ORATIO.

Omnípotens sempiterne Deus, qui humano géneri, ad imitandum humilitatis exemplum: Salvatorem nostrum carnem sumere, et crucem subire fecisti: concede propitius, ut, sicut solénnem commemorationem Passiónis ejus celebráms, ita et patientiæ ipsius habere documénta, et resurrectionis consórtia mereámur. Per eúndem.

Ad Prim. in R. brev. dic.

Ÿ. Qui pro nobis pati dignátus es.

AD TERTIAM.

Ant. Veni ad montem etc. ut in Laudib.

Cap. Fratres, hoc enim sentite in vobis. ut supra.

R. brev. Oblátus est * quia ipse voluit. Oblátus.

Ÿ. Et livóre ejus sanáti sumus. Quia ipse voluit. Glória Patri. Oblátus est,

Ÿ. Próprio filio suo non pércit Deus.

Ÿ. Sed pro nobis ómnibus trádidi illum.

AD SEXTAM.

Ant. Foderunt manus meas.

Capitul.

Zach. 13. 6.

Quid sunt plagae istae in médio mánuum tuárum? Et dicet, his plagátus sum in do-

mo eórum, qui diligébant me.
R. br. Próprio Fílio suo * non pércit Deus. Próprio Fílio.

Ÿ. Sed pro nobis ómnibus trádidi illum. Non pércit Deus.

Glória Patri. Próprio Fílio.

Ÿ. Factus est obédiens usque ad mortem.

R. Mortem áutem Crucis.

AD NONAM

Ant. Cum accepisset Jesus.

Capitulum.

Isaj. 53. 1.

Generationem ejus quis enarrábit? Quia abséissus est de terra vivéntium, propter scelus pópuli mei percússi eum.

R. br. Factus est obédiens * usque ad mortem. Factus est.

Ÿ. Mortem áutem Crucis. Usque ad mortem.

Glória Patri. Factus est.

Ÿ. Ipse vulnerátus est propter iniquitátes nostras.

Ÿ. Et attrítus est propter scélera nostra.

In II. Vesperis omnia ut in primis praeter sequentia.

Ÿ. Ipse vulnerátus est propter iniquitátes nostras;

R. Et attrítus est propter scélera nostra.

AD MAGNIFICAT.

Ant. Depónens Joseph Corpus Jesu invólvit Síndone,

et pösuit eum in monumento exciso; fuit planctus magnus in illa die; Mulieres autem sedentes contra sepulchrum dolébant, sicut doléri solet in morte primogéniti.

Oratio. Omnipotens sempitérne Deus; *ut supra.*

FERIA VI. POST CINERES

In Commemoratione SACRATISSIMAE SPINEAE CORONAE D. N. J. C. Duplex majus.

Ad Vesperas Ant. Diléctus meus cándidus, *cum reliq. de Laudib. ut infra.*

Psalm. Dixit Dóminus, *cum reliq. de Dominica, et loco ult. Ps.* Laudáte Dóminum omnes Gentes.

Capitulum.

Egredimini, *Cant. 3. d.* et vidéte filiae Sion regem Salomónem in diadémate, quo coronávit illum mater sua.

Hymnus.

Exíte Sion filiae:
Regis pudícae vírgines,
Christi Corónam cérnite
Quam mater ipsa téxuit.
Horret revúlisis crínibus
Spinis cruentátum caput:

Et vultus illè decolor
Mortem propínquam réspicit.

Quae terra sulcis ínvia,
Dumis rigens et séntibus,
Lugúbre munus prótulit,
Quae saeva méssuit manus?
Christi rubéscens sáanguine
Acúleos mutat rosis
Palmámque vincens frúctibus

Spina est triúmphis áptior,
Culpis satae mortálium
Te, Christe, spinae vúlnerant

Evélle nostras córdibus,
Tuásque nostris însere.
Virtus, honor, laus, glória
Deo Patri cum Fílio,
Sancto simul Paráclito,
In saeculórum saecula.
Amen.

†. Plecténtes Corónam de Spinis.

℞. Posuérunt super caput ejus.

Ad Magnificat.

Ant. Egredimini, et vidéte filiae Sion regem Salomónem in diadémate, quo coronávit eum mater sua, parans crucem Salvatóri suo.

ORATIO.

Praesta quaesumus, omnipotens Deus, ut, qui, in memória passionis Dómini nostri Jesu Christi, Corónam

ejus spineam venerámur in terris; ab ipso glória et honóre coronári mereámur in coelis. Qui tecum vivit et regnat in unitáte.

Et fit comm. Ferie.

AD MATUTINUM

Invitatorium. Christum regem Spinis coronátum * Veníte adorémus.

Ps. 94. Veníte exultémus.

Hymn. Exíte, ut supra.

IN I. NOCTURNO

Ant. Erit tamquam lignum quod plantátum est secus decursus aquárum; et fructum suum dabit in témpore suo.

Psalmus 1.

Beátus vir qui non ábiit in consílio impiórum, et in via peccatórum non stetit, * et in cáthedra pestiléntiae non sedet.

Sed in lege Dómini voluntas ejus, * et in lege ejus meditábitur die ac nocte.

Et erit tamquam lignum, quod plantátum est secus decursus aquárum, * quod fructum suum dabit in témpore suo.

Et fólium ejus non défluat, * et ómnia, quaecúnque fáciat, prosperabúntur.

Non sic ímpii, non sic, * sed tamquam pulvis, quem prójicit ventus a fácie terrae.

Ideo non resúrgent ímpii in iudicio, * neque peccatóres in concílio justórum.

Quóniam novit Dóminus viam justórum, * et iter impiórum peribit.

Ant. Erit tamquam lignum; quod plantátum est secus decursus aquárum, et fructum suum dabit in témpore suo.

Ant. Convenérunt in unum advérsus Dóminum, et advérsus Christum ejus.

Psalmus 2.

Quare fremuérunt gentes, * et pópuli meditáti sunt inánia?

Astitérunt reges terrae, et príncipes convenérunt in unum * advérsus Dóminum, et advérsus Christum ejus.

Dirumpámus víncula eórum * et projiciámus a nobis jugum ipsórum.

Qui hábitat in coelis, irridébit eos, * et Dóminus subannábit eos.

Tunc loquétur ad eos in ira sua, * et in furóre suo conturbábit eos.

Ego ántem constitútus sum Rex ab eo super Sion montem sanctum ejus: * praedicans praecéptum ejus.

Dóminus dixit ad me: * Fí-

lius meus es tu, ego hodie genui te.

Pòstula a me, et dabo tibi Gentes haereditatem tuam, * et possessionem tuam terminos terrae.

Reges eos in virga fèrrea, * et tamquam vas figuli confringens eos.

Et nunc reges intelligite: * erudimini, qui iudicatis terram.

Servite Dòmino in timóre, * et exultate ei cum tremóre.

Apprehèdite disciplinam, nequàndo irascatur Dòminus, * et p'reatis de via justa.

Cum exàrserit in brevi ira ejus, * beàti omnes, qui confidunt in eo.

Ant. Convenérunt in unum adversus Dòminum, et adversus Christum ejus.

Ant. In tribulatione dilatasti mihi.

Psalmus 4.

Cum invocàrem, exaudivit me Deus justitiae meae, * in tribulatione dilatasti mihi.

Miserere mei, * et exaudi orationem meam.

Filii hòminum usquequo gravi corde? * ut quid diligitis vanitatem, et quaeritis mendacium?

Et scitote quòniam mirificavit Dòminus sanctum suum, * Dòminus exaudiet me, cum clamàvero ad eum.

Irascimini, et nolite peccare, * quae dicitis in còrdibus vestris, in cubilibus vestris compungimini.

Sacrificate sacrificium justitiae, et sperate in Dòmino, * multi dicunt: Quis ostendit nobis bona?

Signatum est super nos lumen vultus tui, Dòmine, * dedisti laetitiam in corde meo.

A fructu fruménti, vini, et olei sui, * multiplicati sunt.

In pace in ipsimum * dormiam et requiescam.

Quòniam tu Dòmine singulariter in spe, * constituisti me.

Ant. In tribulatione dilatasti mihi.

Ÿ. Glòria et honóre coronasti eum Dòmine.

ñ. Et constituisti eum super ópera manuum tuarum.

De Isaia Propheta.

Lectio I.

Cap. 53.

Quis credidit auditui nostro et brachium Dòmini cui revelatum est? Et ascendet sicut virgultum coram eo, et sicut radix de terra sitiènti. Non est species ei, neque decore, et vidimus eum, et non erat aspectus, et desideravimus eum; despectum, et novissimum virorum, virum dolórum, et scientem infirmi-

tátem, et quasi absconditus vultus ejus, et despertus; unde nec reputávimus enm. Vere languóres nostros ipse tulit et dolóres nostros ipse portávit; et nos putávimus eum quasi leprósum et percússum a Deo et humiliátum. Ipse áutem vulnerátus est propter iniquitátes nostras, attrítus est propter scélera nostra; disciplina pacis nostrae super eum, et livóre ejus sanáti sumus.

¶. Maledicta terra in ópere hóminis, * Spinās et tríbulos germinávit Christo.

¶. Quia comédit Adam de ligno, ex quo praecerat Deus ne comederet. Spinās.

Lectio II.

Omnes nos quasi oves errávimus, unusquisque in viam suam declinávit: et pósuit Dóminus in eo iniquitátem ómnium nostrum. Oblátus est quia ipse vóluit, et non apéruit os suum; sicut ovis ad occisiónem ducétur, et quasi agnus coram tondente se obmuléscet, et non apériet os suum. De angústia et de júdicio sublátus est; generatióem ejus quis enarrábit? quia abscessus est de terra vivéntium; propter scelus pópuli mei percússi eum.

¶. Appáruit Móysi Dómi-

nus in flamma ignis de médio rubi; * Et vidébat quod rubus ardéret, et non comburerétur.

¶. Dixit ergo Móyses: Vadā, et vidébo visióem hanc magnā. Et vidébat.

Lectio III.

Et dabit ímpios pro sepultúra, et dívitem pro morte sua: eo quod iniquitátem non fécerit, neque dolus fúerit in ore ejus. Et Dóminus vóluit contérere eum in infirmitáte: si posúerit pro peccáto ánimam suam, vidébit semen longævum, et volúntas Dómini in manu ejus dirigétur. Pro eo quod laborávit ánimā ejus, vidébit et saturábitur; in sciéntia sua justificábit ipse justus servus meus multos, et iniquitátes eórum ipse portábit.

¶. Ecce ignis et ligna; Deus providébit sibi * Víctimam holocráusti.

¶. Levávit Abraham óculos suos, vidítque post tergum arietem inter vepres haeréntem. Víctimam. Glória Patri. Víctimam.

IN II. NOCTURNO

Ant. Dómine, ut scuto bonae voluntátis tuae, coronásti me.

Psalm. 5.

Verba mea auribus percipe Dómine, * intéllege clamórem meum.

Inténde voci orationis meae,
* Rex meus et Deus meus.

Quóniam ad te orábo: *
Dómine mane exáudies vocem meam.

Mane astábo tibi et vidébo; * quóniam non Deus volens iniquitatem tu es.

Neque habitábit juxta te malignus, * neque permanébunt injústi ante óculos tuos.

Odísti omnes, qui operántur iniquitátem, * perdes omnes, qui loquúntur mendácium.

Virum sánguinem et dolósum abominábitur Dóminus, * ego áutem in multitudine misericórdiae tuae.

Introíbo in domum tuam, * adorábo ad templum sanctum tuum in timóre tuo.

Dómine deduc me in justítia tua, * propter inimícos meos dírige in conspéctu tuo viam meam.

Quóniam non est in ore eórum véritas, * cor eórum vanum est.

Sepúlchrum patens est guttur eórum, linguis suis dolóse agébant, * júdica illos Deus.

Décidant a cogitationibus suis, secúndum multitudinem impietátum eórum expélle eos, * quóniam irritavérunt te Dómine.

Et laeténtur omnes, qui sperant in te, * in aetérnum exultábunt, et habitábis in eis.

Et gloriabúntur in te omnes, qui díligunt nomen tuum, * quóniam tu benedíces justo.

Dómine, ut scuto bonae voluntátis tuae, * coronásti nos.

Ant. Dómine, ut scuto bonae voluntátis tuae, coronásti me.

Ant. Minuísti eum páulo minus ab Angelis, glória et honóre coronásti eum.

Psalm. 8.

Dómine Dóminus noster, * quam admirábile est nomen tuum in univérsta terra!

Quóniam eleváta est magnificéntia tua, * super coelos.

Ex ore infántium et lacténtium perfecísti láudem propter inimícos tuos, * ut destruas inimicum et ultórem.

Quóniam vidébo coelos tuos, ópera digitorum tuórum * lunam et stellas, quae tu fundásti.

Quid est homo, quod memór es ejus? * aut filius hóminis, quóniam visitas eum?

Minuísti eum páulo minus ab Angelis, glória et honóre coronásti eum, * et constituísti eum super ópera mánuum tuárum.

Omnia subjecísti sub pédi-bus ejus, * oves et boves univérsas, insuper et pécora campi.

Vólucres coeli, et pisces maris, * qui perámbulant sémitas maris.

Dómine Dóminus noster, * quam admirábile est nomen tuum in univérsa terra!

Ant. Minuísti eum páulo minus ab Angelis: glória et honóre coronásti eum.

Ant. Peccatóres intendérunt arcum, paravérunt sagittas suas in pháretra, ut sagittent justum.

Psalmus 10.

In Dómino confido: quómo-do dícitis ánimae meae: * trásmigra in montem sicut passer?

Quóniam ecce peccatóres intendérunt arcum, paravérunt sagittas suas in pháretra * ut sagittent in obscúro re-ctos corde.

Quóniam quae perfecísti, destruxérunt: * justus áutem quid fecit?

Dóminus in templo sancto suo: * Dóminus in coelo sedes ejus.

Oculi ejus in páuperem respiciunt: * pálpebrae ejus interrogant filios hóminum.

Dóminus interrogat justum et impium: * qui áutem diligit iniquitátem, odit ánimam suam.

Pluet super peccatóres láqueos: * ignis, et sulphur, et spíritus procellárum pars cálicis eórum.

Quóniam justus Dóminus, et justítias diléxit: * aequitátem vidit vultus ejus.

Ant. Peccatóres intendérunt arcum, paravérunt sagittas suas in pháretra, ut sagittent justum.

†. Posuísti Dómine super caput ejus.

¶. Coronam de lápide pretiósio.

Lectio IV.

Sermo Sáncti Bernárdi
Abbátis.

Serm. 2. in Ep. Domini

Egredímini filiae Sion: vobis dícimus filiae Sion, ánimae saeculáres, débiles, delicatae filiae, et non filii, in quibus nihil est fortitúdinis, nihil est virílis ánimi. Egredímini de sensu carnis ad intelléctum mentis, de servitúte carnális concupiscéntiae ad libertátem spirituális intelli-

géntiae. Egredimini de terra vestra, et de cognatione vestra, et de domo patris vestri et videte regem Salomónem in diadémate, quo coronávit eum mater sua, in coróná paupertátis, in coróná misériae: síquidem coronátus est, et a novérca sua coróná spínea, coróná misériae, coronándus a famíliá sua coróná justítiae, quando exhibunt Angeli, et tollent de regno ejus ómnia scándala; quando véniet ad judícium cum seníoribus pópuli sui, cum pugnábit pro eo orbis terrárum advérsus insensátos. Coronat eum et Pater coróná glóriæ, sicut ait Psalmísta: Glória et honóre coronásti eum Dómine. Videte eum filiae Sion in diadémate, quo coronávit eum mater sua.

ñ. Cum apparúerit Princeps pastórum, quo percúso, dispérsæ sunt oves gregis. * Percipiémus immarcescibilem glóriæ corónam.

ŷ. Cum fécerit grande convivium, ut osténdat divítias glóriæ regni sui. Percipiémus.

Lectio V.

Serm. 42. in Cantica.

Ego, fratres, ab ineunte mea conversióne pro acervo

meritórum, quæ mihi deesse sciébam, mihi fasciculum colléctum ex ómnibus anxietatibus, et amaritudínibus Dómini mei colligere, et inter úbera mea collocáre curávi. Memóriam abundántiæ suavitátis horum eructábo quoad víxero: in aetérnum non oblivíscar miseratiónes istas, quia in ipsis vivificátus sum. Mihi hic salutáris fasciculus servátus est: nemo tollet eum a me, inter úbera mea commorábitur. Haec meditári dixi sapiéntiam; in his justítiae mihi perfectiónem constitui, in his plenitudinem sciéntiæ, in his divítias salutis, in his cópias meritórum. Ex his mihi intérdum potus salutáris amaritudínis: ex his rursum suávis úncio consolatiónis. Haec me érigunt in advérsis, in próspéris réprimunt, et inter laeta trístiaque vitæ præsentis, via régia incedénti tutum præbent utrobique ducátum, hinc inde mala immiuvéntia propulsádo. Haec mihi concíliant mundi Júdicem, dum treméndum potestátibus, mitem humilémque figúrant; dum non solum placábilem, sed et imitábilem repræsentant eum, qui inacessibilis est principátibus, terríbilis apud reges terræ.

ñ. Accrévit regnum decóris, * Et diadéma speciéi.

ŷ. Deus exaltávit illum, et

dedit illi nomen, quod est super omne nomen. Et diadema.

Lectio VI.

Haec propterea mihi in ore frequenter, sicut vos scitis: haec in corde semper, sicut Deus scit: haec stilo meo admodum familiaria, sicut apparet: haec mea sublimior interim philosophia, scire Jesum, et hunc crucifixum. Non requiro, sicut sponsa, ubi cubet in meridie, quem laetus amplector mea inter ubera commorantem. Non requiro, ubi pascat in meridie, quem intueor Salvatorem in cruce. Illud sublimius, istud suavius: panis illud, hoc lac: hoc viscera reficit parvulorum, hoc replet ubera matrum: et ideo inter ubera mea commorabitur. Hunc et vos dilectissimi, tam dilectum fasciculum colligite vobis, hunc medullis inserite cordis, hoc munite aditum pectoris, ut et vobis inter ubera commoretur. Si enim ante oculos habueritis quem portatis, pro certo videntes angustias Domini, levius vestras portabitis, ipso auxiliante Ecclesiae Sponso, qui est super omnia Deus benedictus in saecula. Amen.

R. Arcam de lignis setim deaurabis auro mundissimo

intus et foris: * Faciesque supra coronam auream per circum.

Y. Ponésque in arca testificationem, quam dabo tibi. Faciesque. Glória Patri. Faciesque.

IN III. NOCTURNO

Ant. Ingressus sine macula, et operatus justitiam, coronatus est in monte sancto tuo.

Psalmus 14.

Domine quis habitabit in tabernaculo tuo? * aut quis requiescet in monte sancto tuo?

Qui ingreditur sine macula, * et operatur justitiam.

Qui loquitur veritatem in corde suo, * qui non egit dolum in lingua sua.

Nec fecit proximo suo malum, * et opprobrium non accepit adversus proximos suos.

Ad nihilum deductus est in conspectu ejus malignus: * timentes autem Dominum glorificat.

Qui jurat proximo suo, et non decipit: * qui pecuniam suam non dedit ad usuram, et munera super innocentem non accepit.

Qui facit haec, * non movebitur in aeternum.

Ant. Ingressus sine macu-

la, et operátus justítiam, coronátus est in monte sancto tuo.

Ant. Super caput ejus coronam de lápide pretiósó posuísti, Dómine.

Psalm. 20.

Dómine, in virtúte tua laetábitur rex: * et super salutáre tuum exultábit vehementer.

Desidérium cordis ejus tribuísti ei: * et voluntáte labiórú ejus non fraudásti eum.

Quóniam praevenísti eum in benedictiónibus dulcédinis: * posuísti in cápite ejus coronam de lápide pretiósó.

Vitam pétiit a te, * et tribuísti ei longitúdinem diérú in saeculum, et in saeculum saeculi.

Magna est glória ejus in salutári tuo; * glóriam, et magnum decórem impónes super eum.

Quóniam dabis eum in benedictiónem in saeculum saeculi, * laetificábis eum in gáudio cum vultu tuo.

Quóniam rex sperat in Dómino, * et in misericórdia Altíssimi non commovébitur.

Inveniátur manus tua ómnibus inimicis tuis: * dextera tua invéniat omnes, qui te odérunt.

Pones eos ut clibanum ignis in témpore vultus tui, * Dóminus in ira sua conturbábit eos, et devorábit eos ignis.

Fructum eórum de terra perdes, * et semen eórum a filiis hóminum.

Quóniam declinavérunt in te mala, * cogitavérunt consília, quae non potuérunt stabilíre.

Quóniam pones eos dorsum, * in reliquiis tuis prae-parábis vultum eórum.

Exaltáre Dómine in virtúte tua: * cantábitus, et psalémus virtútes tuas.

Ant. Super caput ejus coronam de lápide pretiósó posuísti, Dómine.

Ant. Advérsus eos, qui tribulant me, impinguásti in óleo caput meum.

Psalm. 22.

Dóminus regit me, et nihil mihi déerit, * in loco páscuae ibi me collocávit.

Super aquam refectiónis educávit me, * ánimam meam convértit.

Dedúxit me super sémitas justítiae, * propter nomen suum.

Nam, et si ambulávero in médio umbrae mortis, non timébo mala: * quóniam tu mecum es.

Virga tua, et báculo tuus,
* ipsa me consolata sunt.

Parásti in conspéctu meo
mensam, * advérsus eos qui
tribulant me.

Impinguásti in óleo caput
meum, * et calix meus iné-
brians quam praeclárus est.

Et misericórdia tua subse-
quétur me, * ómnibus diébus
vitae meae.

Et ut inhábitem in domo
Dómini, * in longitudinem
diérum.

Ant. Advérsus eos, qui trí-
bulant me, impinguásti in
óleo caput meum.

†. Coróna áurea super ca-
put ejus.

¶. Expréssa signo sancti-
tátis.

Lectio VII.

Léctio sancti Evangélíi
secúndum Joánnem.

Cáp. 19.

In illo témpore: Apprehén-
dit Pilátus Jesum, et flagel-
lávit. Et mílites plecténtes Co-
rónam de Spinis, imposuérunt
cápiti ejus. Et réliqua.

Homília sancti Bernárdi
Abbátis.

Ex serm. 50. de diversis.

Vidété filiae Sion regem

Salomónem. Non dicit Eccle-
siásten, aut Ididam. Nam et
his nomínibus appellátus est
Rex ille : et significat Jesum
Christum nostrum verum Sa-
lomónem : qui est Sálomon,
idest, pacíficus in exílio : Ec-
clesiástes, idest, concionátor
in iudicio : Idida idest, dilé-
ctus Dómini in regno, ubique
Rex : in exílio mansuétus, in
iudicio justus, in regno glo-
riósus. In exílio amábilis, in
iudicio terríbilis, in regno
adorábilis. In diadémate, quo
coronávit eum mater sua. Est
áutem haec coróna misericór-
diae : et in hac imitábilis.
Coronávit eum et novérca
sua coróna misériae : et in hac
contemptíbilis. Synagógam lo-
quor, quae se ei non matrem
exhibuit, sed novércam.

¶. Fácies altáre ad adolén-
dum thymiáma de lignis Se-
thim, * Facièsque ei corónam
auréolam per gyrum.

†. Ponésque altáre contra
velam coram propitiatório.
Facièsque ei.

Lectio VIII.

Coronábit eum família sua
coróna justítiae ; et in hac
terríbilis : coronat eum Pater
suis coróna glóriae ; et in hac
desiderábilis. Vídeant ergo
eum peccatóres in Coróna
misériae, idest, Spínea et com-

pungántur. Videant eum filiae Sion, animae affectuosae, in Coróna misericórdiae, et imiténtur. Vidébunt eum impii in coróna justítiae et peribunt. Vidébunt eum sancti in Coróna glóriae, et perpetuáliter gaudébunt. Coronántur quidem et álíi imitatóres ipsíus, sed hoc ex indústria adjúti per grátiam. Solus iste a matre coronátus est, quia solus cum ordinátis affectiónibus tamquam sponsus e thálamo procéssit ex útero matris.

¶. Christus, sciens dolórem et infirmitátem, spinis coronátus, * Ipse est, qui coronat vos in misericórdia et miseratióibus.

‡. Vulnerátus propter iniquitátes nostras, attrítus propter scélera nostra, cujus lívóre sanáti sumus. Ipse est.

Glória Patri Ipse est.

Lectio IX. dicitur de Hom. fer.

AD LAUDES.
Et per Horas.

Ant. Diléctus meus cándidus et rubicúndus: comae cápitis ejus sicut púrpura regis vineta canálibus.

Psal. Dóminus regnávít, cum reliquis de Dominica.

Ant. Requievít super eum spíritus timóris Dómini, coróna sapiéntiae et exultatiónis decorávit illum.

Ant. Induit eum Dóminus vestiméntis salútis, et indumento justítiae, quasi sponsum decorátum coróna.

Ant. Fascículus myrrhae diléctus meus mihi, inter úbera mea commorábitur.

Ant. Rex aetérnae glóriae pro nobis coronátus, benedícet corónae anni benignitátis suae.

Capitul.

Cant. 3.
Egredimini, et vidéte filiae Sion regem Salomónem in diadémate, quo coronávit illum mater sua.

Hymnus.

Legis figúris píngitur
Christi Coróna nóbilis:
Impléxa Spinis víctima,
Ardénsque testátur rubus.
Arcam coróna cínxerat,
Mensaeque sacrum circulum
Arámque thure fúmídam,
Corónam nectit ámbiens.
Christi dolórum cónsčia
Salve Coróna glóriae.
Gemmis et áuro púlchrior
Vinces corónas síderum.
Virtus, honor, laus glória
Deo Patri cum Fílio,
Sancto simul Paráclito,
In saeculórum saecula.
Amen.

ŷ. Eris coróna glóriæ in manu Dómini.

ñ. Et diadéma regni in manu Dei tui.

Ad Benedictus

Ant. Exívit Jesus portans Spíneam Corónam, et purpúreum vestiméntum.

ORATIO

Praesta quaesumus, omnipotens Deus; ut, qui, in memóriam passiónis Dómini nostri Jesu Christi, Corónam ejus spíneam venerámur in terris, ab ipso glória et honóre coronári mereámur in coelis. Qui tecum vivit etc.

Et fit commemor. Feriae.

AD TERTIAM

Ant. Requiévit super eum.

Cap. Egredimini, et vidéte ut supra ad Laud.

ñ. *br.* Eris coróna glóriæ, in manu Dómini. Eris.

ŷ. Et diadéma regni in manu Dei tui. In manu. Glória Patri. Eris.

ŷ. Glória et honóre coronásti eum Dómine.

ñ. Et constituísti eum super ópera mánuum tuárum.

AD SEXTAM

Ant. Induit eum Dóminus.

Capitulum.

Vidi: et ecce equus albus, et, qui sedébat super illum, habébat arcum, et data est ei coróna, et exívit vincens ut víceret.

ñ. *br.* Glória et honóre Coronásti eum Dómine. Glória.

ŷ. Et constituísti eum super ópera mánuum tuárum. Coronásti. Glória Patri. Glória, et honóre.

ŷ. Tuam Corónam adorámus Dómine.

ñ. Tuam gloriósam recólimus passiónem.

AD NONAM.

Ant. Rex aetérnae glóriæ.

Cap.

In die illa erit Dóminus exercítuum coróna glóriæ, et sertum exultatióis residuo pópuli sui.

ñ. *br.* Tuam Corónam Adorámus Dómine. Tuam Corónam.

ŷ. Tuam gloriósam recóli-

mus passionem. Adoramus.
Glória Patri. Tuam Corónam.
ÿ. Plectentes Corónam de
Spinis.

ñ. Posuerunt super caput
ejus.

*In II. Vesp. Omnia ut in
prim. excepta Ant. ad Ma-
gnif.*

Ant. Et genuflexo ante eum,
illudébant ei dicentes: Ave Rex
Judaeorum: et expuentes in
eum, acceperunt arundinem,
et percutiebant caput ejus.

*Oratio Praesta, ut supra.
Et fit comm. Feriae.*

FERIA VI. POST DOMINICAM
PRIMAM QUADRAG.

*Officium SACRÆ LANCEÆ ET
CLAVORUM D. N. J. C. Du-
plex majus.*

Ad Vesperas Ant. Unus mi-
litum, cum reliquis de Laud.

Psal. Dixit Dóminus cum
reliquis de Dominica: sed loco
ultimi dicitur. Laudáte Dó-
minum omnes Gentes.

Cap.

Charíssimi: Quis est qui
vincit mundum, nisi qui cre-
dit quóniam Jesus est Fílius
Dei? hic est, qui venit per
aquam et sanguinem, Jesus
Christus: non in aqua solum,
sed in aqua et sanguine.

Hymnus.

Quaenam lingua tibi, o Lán-
cea, débitas
Grates pro mérito est apta
repéndere?
Christi vivíficum namque
áperis latus,
Unde Ecclésia náscitur,
Haec est Heva viri de látere
éxiens
Olli membra gravis dum
sopor óccupat,
Hanc quippe alter Adam
corde scaténtibus
Unda et ságuine prócreat.
O Clavi! aequa manet vos
quoque glória,
Christi quando sacris ártu-
bus ínsiti,
Delétum Dómini ságuine
figitis
Mortis chirógraphum Cruci.
Te, Jesu, súperí láudibus éf-
ferant,
Qui Clavórum áditus sí-
gnaque Lanceae
In coelo rélines, vivus ubi
ímperas
Cum Patre, atque Paráclito.
Amen.

ÿ. Foderunt manus meas
et pedes meos.

ñ. Dinumeraverunt ómnia
ossa mea.

Ad Magnificat.

Ant. Delens quod advérsus
nos erat chirógraphum decré-
ti, quod erat contrárium no-

bis, et ipsum tulit de médio,
affigens illud Cruci.

ORATIO

Deus, qui in assumpta carnis infirmitate Clavis affigi, et Lancea vulnerari pro mundi salute voluisti; concede propitius, ut qui eorundem Clavorum et Lanceae solémnia venerámur in terris, de glorióso victóriæ tuæ triúmpho gratulémur in coelis Qui vivis, et regnas cum Deo Patre etc.

Et fit comm. Feriae.

Ad Completor. in fine Hymni et per omnes Horas dicit.
Clavis forato et Lancea.

Jesu, tibi sit glória,
Cum Patre et almo Spíritu
Nunc et per omne saeculum. Amen.

AD MATUTINUM.

Invitatorium. Christum Lancea, et Clavis vulneratum, *
Veníte adorémus.

Psal. 94. Veníte exultémus.

Hymnus.

Salvete Clavi, et Lancea
Squalore nuper obsita,
Quae mersa Christi corpore,
Almo rubetis sanguine.
Vos ad scelus Judaica

Elégerat perfidia;
Sed in ministra grátiae
Vos vertit e coelo Deus.
Nam quot sacratis artibus
Sculpsistis olim vulnere,
E tot reclusis fontibus
Dona éfluunt coeléstia.
Clavis forato et Lancea,
Jesu, tibi sit glória,
Cum Patre, et almo Spíritu
Nunc et per omne saeculum. Amen.

§. Si omissus sit Hymnus
ad Vesperas, dicatur ad Matut.
et Hymn. Matut. conjungatur
cum Hymno ad Laud.

IN I. NOCTURNO

Ant. Ad Jesum autem cum
venissent, non fregérunt ejus
crura; sed unus militum
Lancea latus ejus aperuit.

Psalms 1.

Beatus vir qui non abiit in
consilio impiórum, et in via
peccatórum non stetit, * et in
cáthedra pestiléntiae non sedet.

Sed in lege Dómini voluntas ejus, * et in lege ejus meditábitur die ac nocte.

Et erit tamquam lignum,
quod plantatum est secus decursus aquarum, * quod fructum suum dabit in tempore suo.

Et fólium ejus non defluet,

* et omnia, quaecumque faciet, prosperabuntur.

Non sic impii, non sic, * sed tamquam pulvis, quem projicit ventus a facie terrae.

Ideo non resurgent impii in iudicio, * neque peccatores in concilio justorum.

Quoniam novit Dominus viam justorum, * et iter impiorum peribit.

Ant. Ad Jesum autem cum venissent, non fregérunt ejus crura: sed unus militum Lancea latus ejus aperuit.

Ant. Exiit sanguis et aqua: et qui vidit, testimonium perhibuit, et verum est testimonium ejus.

Psalms 2.

Quare fremuerunt gentes, * et populi meditati sunt inania?

Astitérunt reges terrae, et principes convenérunt in unum * adversus Dominum, et adversus Christum ejus.

Dirumpámus vincula eorum * et projiciámus a nobis jugum ipsorum.

Qui habitat in coelis, iridebit eos, * et Dominus subsannabit eos.

Tunc loquétur ad eos in ira sua, * et in furore suo conturbabit eos.

Ego autem constitutus sum Rex ab eo super Sion montem sanctum ejus: * praedicans praecéptum ejus.

Dominus dixit ad me: * Filius meus es tu, ego hodie genui te.

Postula a me, et dabo tibi Gentes haereditatem tuam, * et possessionem tuam terminos terrae.

Reges eos in virga ferrea, * et tamquam vas figuli confringes eos.

Et nunc reges intelligite: * erudimini, qui iudicatis terram.

Servite Domino in timore, * et exultate ei cum tremore.

Apprehéndite disciplinam, nequándo irascatur Dominus, * et pereátis de via justa.

Cum exarserit in brevi ira ejus, * beati omnes, qui confidunt in eo.

Ant. Exiit sanguis et aqua: et qui vidit, testimonium perhibuit, et verum est testimonium ejus.

Ant. Alia Scriptúra dicit: Vidébunt in quem transfixerunt.

Psalms 3.

Domine, quid multiplicati sunt qui tribulant me? * multi insurgunt adversum me.

Multi dicunt animae meae, * non est salus ipsi in Deo ejus.

Tu autem Domine suscepitor meus es, * gloria mea, et exaltans caput meum.

Voce mea ad Dóminum clamávi, * et exaudivit me de monte sancto suo.

Ego dormívi, et soporátus sum, * et exurréxi, quia Dóminus suscepit me.

Non timébo míllia pópuli circumdántis me, * exúrge Dómine, saluum me fac Deus meus.

Quóniam tu percussísti omnes adversántes mihi sine causa, * dentes peccatórum contrivísti.

Dómini est salus, * et super pópulum tuum benedíctio tua.

Ant. Alia Scriptúra dicit: Vidébunt in quem transfixérunt.

†. Quem tu percussísti persecúti sunt.

†. Et super dolórem vúlnerum meórum addidérunt.

Lectio I.

De Zachária Prophéta.

Cap. 12.

Haec dicit Dóminus: Efúndam super domum David et super habitatóres Jerúsalem spíritum grátiae et precum: et aspicient ad me, quem confixerunt. Et plangent eum planctu quasi super unigénitum, et dolébunt super eum, ut doléri solet in morte primogéniti. In die illa magnus erit planctus in Jerúsalem, sicut planctus Adá-

dremon in campo Magéddon. Et planget terra: famíliae et famíliae seórsum: famíliae domus David seórsum, et mulieres eórum seórsum: famíliae domus Nathan seórsum, et mulieres eórum seórsum: famíliae domus Levi seórsum, et mulieres eórum seórsum: famíliae Sémei seórsum, et mulieres eórum seórsum. Omnes famíliae réliquae, famíliae et famíliae seórsum, et mulieres eórum seórsum.

†. Ad Jesum autem cum venissent, ut vidérunt eum jam mórtuum, non fregérunt ejus crura, * Sed unus militum Láncea latus ejus apéruit.

†, Et qui vidit, testimónium perhíbuit: et verum est testimónium ejus. Sed unus militum.

Lectio II.

Cap. 13.

In die illa erit fons patens dómui David, et habitántibus Jerúsalem in ablutióem peccatóris et menstruatae. Et erit in die illa dicit Dóminus exercítuum: dispérdam nómina idolórum de terra, et non memorabúntur ultra, et pseudoprophétas et spíritum immúndum áuferam de terra. Et erit, cum prophetáverit quispiam ultra, dicent ei pater ejus, et mater ejus, qui

genuérunt eum; Non vives, quia mendacium locútus es in nómine Dómini et confígent eum pater ejus, et mater ejus: genitóres ejus, cum prophetáverit. Et erit in die illa; confundéntur prophétae, unusquisque ex visióne sua cum prophetáverit: nec operiéntur pállio sáccino, ut mentiántur, sed dicet: Non sum prophéta, homo agrícola ego sum: quóniam Adam exémpulum meum ab adole-scéntia mea.

℣. Unus mílitum Láncea latus ejus apérui: * Et continuo exívit sanguis et aqua.

℣. In die illa erit fons patens dómni David, et habitántibus Jerúsalem. Et continuo.

Lectio III.

Et dicétur ei: Quid sunt plagae istae in médio mánuum tuárum? Et dicet; His plagátus sum in domo eórum qui diligébant me. Frámea suscitáre super pastórem meum, et super virum cohaeréntem mihi, dicit Dóminus exercítuum: pécute pastorem, et dispergéntur oves, et convértam manum meam ad párvulos. Et erunt in omni terra, dicit Dóminus: partes duae in ea dispergéntur, et

deficient; et tértia pars relinquétur in ea. Et ducam tértiam partem per ignem, et uram eos sicut úritur argéntum, et probábo eos, sicut probátur áurum. Ipse vocábit nomen meum, et ego exáudiam eum. Dicam; Pópulus meus es, et ipse dicet: Dóminus Deus meus.

℣. In die illa erit fons patens dómui David, et habitántibus Jerúsalem. * In ablutióne peccatóris, et menstruátae.

℣. Hic est, qui venit per aquam et ságuinem, Jesus Christus. In ablutióne. Glória Patri. In ablutióne.

IN II. NOCTURNO.

Ant. Aspicient ad me, quem confixerunt, et plangent eum planctu quasi super unigénitum.

Psalmus 4.

Cum invocárem, exaudivit me Deus justítiae meae, * in tribulatióne dilatásti mihi.

Miserére mei, * et exáudi oratióne meam.

Fílii hóminum úsquequo gravi corde? * ut quid dilígitis vanitátem, et quaeritis mendácium?

Et scitóte quóniam mirificávit Dóminus sanctum suum,

* Dóminus exáudiet me, cum clamávero ad eum.

Irascimini, et nolite peccáre, * quae dicitis in córdibus vestris, in cubilibus vestris compungimini.

Sacrificáte sacrificium iustítiae, et speráte in Dómino, * multi dicunt: Quis osténdit nobis bona?

Signátum est super nos lumen vultus tui, Dómine, * dedisti laetítiam in corde meo.

A fructu fruménti, vini, et olei sui, * multiplicáti sunt.

In pace in idípsum * dórmiám et requiéscam.

Quóniam tu Dómine singularíter in spe, * constituisti me.

Ant. Aspicient ad me, quem confixerunt, et plangent eum planctu quasi super unigénitum.

Ant. Quid sunt plagae istae in médio mánuum tuárum?

Psalm. 5.

Verba mea áuribus pércipe Dómine, * intéllege clamórem meum.

Inténde voci oratiónis meae, * Rex meus et Deus meus.

Quóniam ad te orábo: * Dómine mane exáudies vocem meam.

Mane astábo tibi et vidébo; * quóniam non Deus volens iniquitátem tu es.

Neque habitábit iuxta te malignus, * neque permanébunt injústi ante óculos tuos.

Odísti omnes, qui operántur iniquitátem, * perdes omnes, qui loquúntur mendácium.

Virum sánguinem et dolósum abominábitur Dóminus, * ego áutem in multítudine misericórdiae tuae.

Introibo in domum tuam, * adorábo ad templum sanctum tuum in timóre tuo.

Dómine deduc me in iustítia tua, * propter inimícos meos dirige in conspéctu tuo viam meam.

Quóniam non est in ore eórum véritas, * cor eórum vanum est.

Sepúlchrum patens est guttur eórum, linguis suis dolóse agébant, * júdica illos Deus.

Décidant a cogitatióibus suis, secúndum multítudinem impietátum eórum expélle eos, * quóniam irritavérunt te Dómine.

Et laeténtur omnes, qui sperant in te, * in aetérnum exultábunt, et habitábis in eis.

Et gloriabúntur in te omnes, qui díligunt nomen tuum, * quóniam tu benedíces iusto.

Dómine, ut scuto bonae voluntátis tuae, * coronásti nos.

Ant. Quid sunt plagae istae in médio mánuum tuárum?

Ant. His plagátus sum in domo eórum, qui diligébant me.

Psalm. 8.

Dómine Dóminus noster, * quam admirábile est nomen tuum in univérſa terra!

Quóniam eleváta est magnificéntia tua, * super coelos.

Ex ore infántium et lacténtium perfecísti láudem propter inimícos tuos, * ut destruas inimícum et ultórem.

Quóniam vidébo coelos tuos, ópera digítórum tuórum * lunam et stellas, quae tu fundásti.

Quid est homo, quod memor es ejus? * aut filius hóminis, quóniam vísitas eum?

Minuísti eum páulo minus ab Angelis, glória et honóre coronásti eum, * et constituísti eum super ópera mánuum tuárum.

Omnia subjecísti sub pédibus ejus, * oves et boves univérſas, insuper et pécora campi.

Vólucres coeli, et pisces maris, * qui perámbulant sémitas maris.

Dómine Dóminus noster, * quam admirábile est nomen tuum in univérſa terra!

Ant. His plagátus sum in domo eórum, qui diligébant me.

ÿ. Ipse vulnerátus est propter iniquitátes nostras.

n]. Attritus est propter scélera nostra.

Lectio IV.

Sermo Innocéntii Papae
Sexti.

*In decreto de Festo Lanceae
et Clavorum Domini.*

In Redemptóris nostri Dómini Jesu Christi sacratíssima Passióne sic nos gloriári oportet, ut ipsius Passiónis cuncta mystéria dinumerátes et mérita, singulis étiam ejus salutáribus instruméntis gloriémur. Inter quae illud célebriter memorándum est, quod ipse Salvátor, emísso in cruce jam spíritu, sustinuit, perforári Láncea latus suum, ut inde ságuinis et aquae profluéntibus undis, formarétur única et immaculáta, ac virgo sancta mater Ecclésia sponsa sua. O beatíssima ipsius sacri Làteris apertúra, unde nobis tot, et tanta divínae piétatis dona fluxérunt! O felix Láncea, quae tot bona nobis efficere, et ad tanti triúmphi glóriam méruiť superáddi!

n]. Hic est, qui venit per aquam et ságuinem, Jesus Christus, * Non in aqua so-

lum, sed in aqua et sánguine.

Ÿ. Tres sunt, qui testimónium dant in terra: spíritus, aqua, et sanguis, et hi tres unum sunt. Non in aqua.

Lectio V.

Haec latus ipsum aperiéndō, sacratíssimas jánuas nobis regni coeléstis apéruiť. Haec vulnerádo jam mórtuum, vúlnera nostra sanávit, vitámque nobis réddidit, et salútem. Haec innóxium transfigéndō, illíus ságuine culpas nostras abstérſit: et demum ejúſdem sacratíssimis undis irrigáta, caecitátis nostrae ténebras sústulit, et nos ipsíus divínae pietátis flúviis mundávit. Illi étiam dulces Clavi (quibus ipse Salvátor eidem cruci fuit affixus, quique non solum immaculáto respérġi ságuine, et molem ferre tanti pónderis meruérent; sed et nos étiam per ipsórum salutíferas plagas dulcédinem tantam ipsíus divínae charitátis accépimus, ut manus nostrae a peccáti solútae néxibus, pedésque nostri a mortis láqueis fúerint liberáti) sunt devotíssime recoléndi.

ŋ. Quóniam circumdedérunt me canes multi, concílium malignántium obsédit

me, * Foderunt manus meas et pedes meos.

Ÿ. Dicétur ei: Quid sunt plagae istae in médio mánuum tuarum? Foderunt manus meas.

Lectio VI.

Quid enim vúlnerē et plagis hujúsmodi sánctius? Quid eis salúbrius, ex quibus salus nostra procéssit, et in quibus assídue se possunt curáre ánimae devotórum? Licet ígitur Láncea et Clavi praedicti, áliaque ipsíus Passiónis salutária instruménta sint a cunctis fidélibus Christi ubilibet veneránda, et de ipsa étiam Passióne in eádem Ecclésia solémnia annis singulis Officia celebréntur et fiant; dignum tamen, et convéniens reputámus, si de ipsíus Passiónis speciálibus instruméntis, et praesértim in pártibus, in quibus instruménta ipsa dicúntur habéri, solémne, ac speciále festum celebrétur, et fiat. Nosque illos fidéles Christi, qui áliqua ex instruméntis ipsíus habére se gáudent, in eórum devotióne divinis Officiis atque munéribus speciáliter foveámus.

ŋ. Dicétur ei: Quid sunt plagae istae in médio mánuum tuarum? Et dicet: * His plagátus sum in domo eórum qui diligébant me.

ÿ. Nisi videro in manibus
ejus fixuram Clavorum, non
credam. His plagatus sum.
Glória Patri. His plagatus.

IN III. NOCTURNO

Ant. Foderunt manus meas
et pedes meos: dinumeraverunt
omnia ossa mea.

Psalmus. 95.

Cantáte Dómino cánticum
novum, * cantáte Dómino
omnis terra.

Cantáte Dómino, et bene-
dicite nómini ejus, * annun-
tiáte de die in diem salutáre
ejus.

Annuntiáte inter Gentes
glóriam ejus, * in ómnibus
pópulis mirabilia ejus.

Quóniam magnus Dómi-
nus et laudábilis nimis, * ter-
ribilis est super omnes deos.

Quóniam omnes dii Gén-
tium daemónia, * Dóminus
áutem coelos fecit.

Conféssio et pulchritúdo in
conspéctu ejus, * sanctimónia
et magnificéntia in sanctifi-
cacióné ejus

Afférte Dómino pátriae Gén-
tium, afférte Dómino glóriam
et honórem, * afférte Dómino
glóriam nómini ejus.

Tollite hóstias, et introíte
in átria ejus, * adoráte Dó-
minum in átrio sancto ejus.

Commovéatur a fácie ejus
univérsa terra: * dícite in
Géntibus quia. Dóminus re-
gnávit.

Etenim corréxit orbem ter-
rae, qui non commovébitur,
* judicábit pópulos in acqui-
táte.

Laeténtur coeli, et exúltet
terra, commovéatur mare, et
plenitúdo ejus: * gaudébunt
campi, et ómnia quae in eis
sunt.

Tunc exultábunt ómnia li-
gua silvárum a fácie Dómi-
ni, quia venit, * quóniam ve-
nit judicáre terram.

Judicábit orbem terrae in
aequitáte, * et pópulos in ve-
ritáte sua.

Ant. Foderunt manus meas
et pedes meos, dinumeravé-
runt ómnia ossa mea,

Ant. Nisi videro in máni-
bus ejus fixuram Clavorum.
et mittam dígitum meum in
locum Clavorum, et mittam
manum meam in latus ejus,
non credam.

Psalmus 96.

Dóminus regnávit, exúltet
terra, * laeténtur insulae mul-
tae.

Nubes et caligo in circú-
tu ejus, * justítia, et judícium
corréctio sedis ejus.

Ignis ante ipsum praecé-

det, * et inflammábit in circúitu inimícos ejus.

Illuxérunt fúlgura ejus orbi terrae, * vidit, et commóta est terra.

Montes sicut cera fluxérunt a fácie Dómini, * a fácie Dómini omnis terra.

Annuntiavérunt coeli justitiam ejus, * et vidérunt omnes pópuli glóriam ejus.

Confundántur omnes, qui adoránt sculptília, * et qui gloriántur in simulácris suis.

Adoráte eum omnes Angeli ejus, * audívit, et laetáta est Sion.

Et exultavérunt filiae Judae, * propter júdicia tua Dómine.

Quóniam tu Dóminus altíssimus super omnem terram, * nimis exaltátus es super omnes deos.

Qui dilígitis Dóminum, odíte malum, * custódit Dóminus ánimas sanctórum suórum, de manu peccatóris liberábit eos.

Lux orta est justo, * et rectis corde laetítia.

Laetámini justí in Dómino, * et confitémini memóriæ sanctificatiónis ejus.

Ant. Nisi vídero in máni-
bus ejus fixúram Clav'rum,
et mittam dígitum meum in
locum Clavórum, et mittam
manum meam in latus ejus,
non credam.

Ant. Infer dígitum tuum

huc, et vide manus meas, et
affer manum tuam, et mitte
in latus meum.

Psalmus 97.

Cantáte Dómino cánticum
novum, * quia mirábilia fe-
cit.

Salvávít sibi délixtera ejus,
* et bráchium sanctum ejus.

Notum fecit Dóminus salu-
táre suum, * in conspéctu
Géntium revelávit justitiam
suam.

Recordátus est misericór-
diae suae, * et veritátis suae
dómuí Israel.

Vidérunt omnes términi
terrae, * salutáre Dei nostri.

Jubiláte Deo omnis terra,
* cantáte, et exultáte, et psál-
lite.

Psállite Dómino in cítha-
ra, in cíthara et voce psalmi:
* in tubis ductílibus et voce
tubae córnea.

Jubiláte in conspéctu Re-
gis Dómini, * moveátur ma-
re et plenitúdo ejus, orbis
terrárum, et qui hábitant
in eo.

Flúmina pláudent manu,
simul montes exultábunt a
conspéctu Dómini, * quóniam
venit judicáre terram.

Judicábit orbem terrárum
in justítia, * et pópulos in ae-
quitáte.

Ant. Infer dígitum tuum

buc, et vide manus meas; et affer manum tuam, et mitte in latus meum.

ŷ. Disciplina pacis nostrae super eum.

ŕ. Et livóre ejus sánati sumus.

Lectio VII.

Léctio sancti Evangelíi
secúndum Joánnem.

In illo témpore; Sciens Jesus quia ómnia consummáta sunt, ut consummarétur Scriptúra, dixit: Sítio. Et réliqua.

Cap. 19.

Homília sancti Augustíni
Epíscopi.

Tract. 120. in Joan.

Unus militum Láncea latus ejus apérui, et continuo exívit sanguis et aqua. Vigilánti verbo Evangelísta usus est, ut non diceret: Latus ejus percússit, aut vulnerávit, aut quid áliud; sed apérui: ut illud quodámmodo vitae óstium panderétur, unde Sacraménta manavérunt, sine quibus ad vitam, quae vera vita est, non intrátur. Ille sanguis, qui fusus est, in remissionem fusus est peccatorum. Aqua illa salutáris tém-

perat póculum; haec et lavácrum praestat et potum. Hoc praeuntiábat, quod Noe in látere Arcae óstium fácere jussus est, quo intrárent animália, quae non erant dilúvio peritúra, quibus figurabátur Ecclésia.

ŕ. Facta sunt haec, ut Scriptúra implerétur; Os non comminuétis ex eo. Et iterum ália Scriptúra dicit; Vidébunt in quem transfixérunt.

ŷ. Effúndam super domum David, et super habitatóres Jerúsalem spíritum grátiae et precum. Vidébunt.

Lectio VIII.

Propter hoc múlíer facta est de látere viri dormiéntis; et appelláta est vita, máterque vivórum, magnúmque significávit bonum, ante magnum praevaricatiónis malum. et secúndus Adam, inclináto cápite, in cruce dormívit, ut inde formarétur ei conjux, quae de látere dormiéntis efflúxit. O mors, unde mórtui reviviscunt! Quid isto sáanguine múndius? quid vúlne- re isto salúbrius? Facta sunt enim haec, inquit, ut Scriptúra implerétur; Os non comminuétis ex eo. Et iterum ália Scriptúra dicit; vidébunt, in quem transfixérunt.

℣. Effúndam super domum David, et super habitatores Jerúsalem spíritum grátiae et precum; * Et aspicient ad me, quem confixerunt.

Ÿ. Et plangent eum planctu quasi super unigénitum. Et aspicient. Glória Patri. Et aspicient.

Pro IX. Lectione legitur Homilia seriae currentis, postquam dicitur. Te Deum.

AD LAUDES.

et per Horas.

Ant. Unus mílitum Láncea latus ejus apérui, et continuo exívit sanguis et aqua.

Psalm. 92. Dóminus cognávit, cum reliquis de Dominica.

Ant. Foderunt manus meas et pedes meos; dinumeraverunt ómnia ossa mea.

Ant. Tres sunt, qui testimónium dant in terra: Spíritus, aqua, et sanguis; et hi tres unum sunt.

Ant. Quid turbáti estis, et cogitationes ascéndunt in corda vestra? Vidéte manus meas et pedes meos, quia ego ipse sum.

Ant. Infer dígitum tuum huc, et vide manus meas, et affer manum tuam, et mitte in latus meum.

Capitul.

2. Joan. 5. b.
Charíssimi: Quis est, qui vincit mundum, nisi qui credit quóaiam Jesus est Fílius Dei? hic est, qui venit per aquam et ságuinem, Jesus Christus; non in aqua solum, sed in aqua et ságuine.

Hymnus.

Tinctam ergo Christi ságuine

Convértite in me cúspidem,

Feríte cor, pedes, manus
Poenam a nocénte súmíte.

At quaeso culpis débitas
Quas jure plagas figitis,
Cruóre divíno íllitae
Fiant medéla spíritus.

Sit gressus ad malum ímpotens
Manus nocére désinant,
Omnisque corde e sáucio
Profánus ardor éxeat.

Clavis foráto et Láncea,
Jesu, tibi sit glória,
Cum Patre et almo Spíritu
Nunc et per omnesaeculum.
Amen.

Ÿ. Foderunt manus meas
et pedes meos.

℣. Dinumeraverunt ómnia
ossa mea.

Ad Benedictus.

Ant. Inglórius erit inter

viros aspectus ejus et forma
ejus inter filios hominum. Iste
asperget Gentes multas.

ORATIO.

Deus, qui in assumptae carnis infirmitate Clavis affigi, et Lancea vulnerari pro mundi salute voluisti: concede propitius, ut, qui eorundem Clavorum et Lanceae solennia veneramur in terris, de glorioso victoriae tuae triumpho gratulemur in coelis. Qui vivis et regnas.

Et fit com. fer.

AD PRIMAM

Ant. Unus militum.

In n. br. y. Qui vulneratus es pro nobis.

AD TERTIAM

Ant. Foderunt manus meas.

Cap. Charissimi, ut supra ad Laudes.

n. br. Foderunt manus meas, * Et pedes meos. Foderunt.

y. Dinumeraverunt omnia ossa mea. Et pedes meos.

Glória Patri. Foderunt.

y. Quem tu percussisti, persecuti sunt.

n. Et super dolorem vulnorum meorum addiderunt.

AD SEXTAM

Ant. Tres sunt.

Cap.

Fratres: Christus passus est pro nobis, vobis relinquens exemplum ut sequamini vestigia ejus. Qui peccatum non fecit, nec inventus est dolus in ore ejus.

n. br. Quem tu percussisti * Persecuti sunt. Quem tu. *y.* Et super dolorem vulnorum meorum addiderunt. Persecuti sunt.

Glória Patri. Quem tu.

y. Ipse vulneratus est propter iniquitates nostras.

n. Attritus est propter scelera nostra.

AD NONAM.

Ant. Infer digitum tuum huc.

Capitul.

Qui peccata nostra ipse pertulit in corpore suo super lignum: ut peccatis mortui, justitiae vivamus: cujus livore sanati estis.

n. br. Ipse vulneratus est * Propter iniquitates nostras. Ipse vulneratus.

y. Attritus est propter scelera nostra.

lera nostra. Propter iniquitates. Glória Patri. Ipse vulneratus.

Ÿ. Disciplina pacis nostrae super eum.

¶. Et livore ejus sanati sumus.

In II. Vesperis.

Omn. ut in primis: sed loco ult. Psalm. dicit Crédidi ut in Off. Pass. pag. 114.

Ad Magnif. Ant. Vere languores nostros ipse tulit, et dolores nostros ipse portavit: et nos putavimus eum quasi leprosum, et percussum a Deo, et humiliatum.

FERIA VI. POST DOMINICAM
SECUNDAM QUADRAG.

In Commemoratione SACRATISSIMAE SINDONIS D. N. J. C.
Duplex majus.

Ad Vesp. Ant. Joseph nobilis decurio, cum reliquis de Laudibus.

Psalm. Dixit Dominus, cum reliq. de Domin. et loco ultimi Psalm. Laudate Dominum omnes gentes.

Capitulum.

Isaiae 63.

Quis est iste, qui venit de Edom, tinctis vestibus de Bosra? Iste formosus in stola

sua gradiens in multitudine fortituum suae. Ego qui loquor justitiam, et propugnator sum ad salvandum.

Hymnus.

Glóriam sacrae celebrémus omnes

Síndonis: laetis recolámus hymnis,

Et piis votis monuménta nostrae

Certa salutis.

Quae refert semper veneranda sindon

Sáanguine impréssis decoráta signis,

Dum cruce ex alta tulit involutum

Corpus Jesu.

Reddit haec saevos ánimo dolores.

Quos tulit, casum miserátus Adae,

Christus húmáni géneris Redemptor,

Morte perémpita.

Sáucium ferro latus, atque palmas

Et pedes clavis, laceráta flagris

Membra, et infixam cápiti corónam

Monstrat imágo.

Quis pius siccis óculis, et absque

Intimi cordis gémitu notáta

Vivaque indignae simulá-
cra mortis

Cérnere possit?

Nostra cum solum tibi, Chri-
ste, culpa

Cáusa tantórum fúerit ma-
lórum,

Nostra debétur tibi vita:
vitam

Dédimus ipsam.

Sit tibi, Fili, decus atque
virtus,

Qui tuo mundum rédimis
cruóre,

Quique cum summo Geni-
tóre, et almo

Flámine regnas. Amen.

ŷ. Tuam síndonem vene-
rámur Dómine.

ñ. Tuam recólimus passió-
nem.

AD MAGNIFICAT.

Ant. Joseph vir bonus, et
justus accessit ad Pilátum, et
pétiit corpus Jesu, quo accé-
pto, invólvit illud in síndone
munda.

ORATIO

Deus, qui nobis in sancta
Síndone, qua corpus tuum
sacratíssimum e cruce depó-
situm a Joseph involútum
fuit, passiónis tuæ vestigia
reliquisti, concéde propítius,
ut per mortem, et sepultú-
ram tuam ad resurrectiónis

glòriam perducámur. Qui vi-
vis, et regnas etc.

AD MATUTINUM

Invitat. Christum Dóminum
qui passiónis suæ memóriam
in sacra síndone rénovat,
Veníte adorémus.

Psal. Venite, exultémus.

Hymnus.

Mystérium mirábile
Hac luce nobis pánditur,
Verus Dei cum Fílius
Mortem cruéntam sústinet.
Cáusam tuéndo sérvuli,
Reíque formam véstiens,
Pro servo herus suspé-
ditur,
Pro sonte justus pléctitur.
Necis manent insígnia
Impréssa sacra in síndone,
Quæ post triúmphum nó-
bilem
Corpus cruéntum invólve-
rat.
Sunt mortis hæc, et tártari
Mundíque victi insígnia;
Trophæa sunt hæc inclyta
Ductóris invictíssimi.
Debémus ergo hanc grátiam
Nostræ salútis víndici,
Ut daemonis contra dolos
Hac militémus téssera.
Vitæ vetústæ mórtui,
Surgámus in vitam novam
Christum sequúti: per cru-
cem

Christi fruémur glória.
 Praesta Pater piissime,
 Patrique compar únice,
 Cum Spíritu Paráclito
 Regnans per omne saeculum. Amen.

IN I. NOCTURNO

Ant. Rubrum est indumentum tuum, et vestimenta tua sicut calcantium in torculari.

Psalmus 4.

Cum invocárem, exaudivit me Deus justitiae meae, * in tribulatione dilatásti mihi.

Miserére mei, * et exáudi orationem meam.

Filii hóminum úsquequo gravi corde? * ut quid diligitis vanitatem, et quaeritis mendacium?

Et scitote quóniam mirificávit Dóminus sanctum suum, * Dóminus exáudiet me, cum clamávero ad eum.

Irascimini, et nolíte peccáre, * quae dicitis in córdibus vestris, in cubilibus vestris compungimini;

Sacrificáte sacrificium justitiae, et speráte in Dómino, * multi dicunt: Quis osténdit nobis bona?

Signátum est super nos lumen vultus tui Dómine, * dedísti laetitiam in corde meo.

A fructu fruménti, vini, et

olei sui, * multiplicáti sunt.

In pace in idípsum * dormiam et requiescam.

Quóniam tu Dómine singulariter in spe, * constituísti me.

Ant. Rubrum est indumentum tuum, et vestimenta tua sicut calcantium in torculari.

Ant. Aspérsus est sanguis super vestimenta mea, omnia indumenta mea inquinávi.

Psalmus 15.

Conserva me Dómine, quóniam sperávi in te, * Dixi Dómino: Deus meus es tu, quóniam bonórum meórum non eges.

Sanctis. qui sunt in terra ejus, * mirificávit omnes voluntates meas in eis.

Multiplicatae sunt infirmitates eórum, * póstea acceleravérunt.

Non congregábo conventicula eórum de sanguinibus, * nec memor ero nóminum eórum per lábia mea.

Dóminus pars haereditátis meae, et cálicis mei, * tu es qui restitues haereditatem meam mihi.

Funes cecidérunt mihi in praecláris, * etenim haereditas mea praeclára est mihi.

Benedicam Dóminum, qui tríbuit mihi intelléctum, * in-

super et usque ad noctem increpuérunt me renes mei.

Providébam Dóminum in conspéctu meo semper, * quóniam a dextris est mihi, ne commóvear.

Propter hoc laetátum est cor meum, et exultávit lingua mea, * insuper et caro mea requiescet in spe.

Quóniam non derelínques ánimam meam in inférno, * nec dabis sanctum tuum vidére corruptiónem.

Notas mihi fecisti vias vitæ, adimplébis me lætítia cum vultu tuo, * delectatiónes in dextera tua usque in finem.

Ant. Aspérsus est sanguis super vestiménta mea, ómnia induménta mea, inquinávi.

Ant. Diviserunt sibi vestiménta mea, et super vestem meam miserunt sortem.

Psalmus 14.

Dómine quis habitábit in tabernáculo tuo? * aut quis requiescet in monte sancto tuo?

Qui ingreditur sine mácula, * et operátur justítiam.

Qui loquitur veritátem in corde suo, * qui non egit dolum in lingua sua.

Nec fecit próximo suo malum, * et oppróbrium non

accepit advérsus próximos suos.

Ad níhilum dedúctus est in conspéctu ejus malignus: * tíméntes autem Dóminum gloriícat.

Qui jurat próximo suo et non decipit: * qui pecúniam suam non dedit ad usuram, et múnera super innocentem non accépit.

Qui facit hæc, * non móvêbitur in aetérnum.

Ant. Diviserunt sibi vestiménta mea, et super vestem meam miserunt sortem.

†. Tuam síndonem venerámur Dómine.

¶. Tuam recólimus passiónem.

De Isaíá Prophéta.

Lectio I.

Quis credidit auditui nostro et bráchium Dómini cui revelátum est? et ascéndet sicut virgúltum coram eo, et sicut radix de terra sitiénti. Non est spécies ei, neque decore, et vílimus eum, et non erat aspéctus, et desiderávimus eum: despéctum, et novíssimum virórum, virum dolorum, et scientem infirmitátem, et quasi absconditus vultus ejus, et despéctus, unde nec reputávimus eum. Vere languóres nostros ipse tulit

et dolóres nostros ipse portávit, et nos putávimus eum quasi leprósum et percússum a Deo et humiliátum. Ipse áutem vulnerátus est propter iniquitátes nostras, attrítus est propter scélera nostra, disciplina pacis nostrae super eum, et livóre ejus sanáti sumus.

¶. Ecce vídimus eum non habéntem spéciem, neque decórem; aspéctus ejus in eo non est; hic peccáta nostra portávit, et pro nobis dolet; ipse áutem vulnerátus est propter iniquitátes nostras. * Cujus livóre sanáti sumus.

¶. Vere languóres nostros ipse tulit, et dolóres nostros ipse portávit. Cujus.

Lectio II.

Omnes nos quasi oves errávimus, unusquisque in viam suam declinávit, et pósuit Dóminus in eo iniquitátem ómnium nostrum. Oblátus est quia ipse voluit, et non apéruit os suum. Sicut ovis ad occisiónem ducétur, et quasi agnus coram tondénte se obmutéscet, et non apériet os suum: de angústia et de iudício sublátus est; generatió- nem ejus quis enarrábit? quia abscíssus est de terra vivéntium: propter scelus pópuli mei percússi eum, et dabit

ímpios pro sepúltura, et dívitem pro morte sua, eo quod iniquitátem non fècerit, neque dolus fúerit in ore ejus.

¶. Quid sunt plagae istae in médio mánuum tuárum?

Et dicet; his plagátus sum in domo eórum, qui diligébant me.

¶. Frámea suscitáre super pastórem meum, et super virum cohaeréntem mihi. Et dicet.

Lectio III.

Et Dóminus voluit conté- re eum in infirmitáte; si posúerit pro peccáto ánimam suam, vidébit semen longae- vum, et volúntas Dómini in manu ejus dirigétur. Pro eo quod laborávit ánimá ejus, vidébit et saturábitur, in sciéntia sua justificábit ipse justus servus meus multos, et iniquitátes eórum ipse portábit. Ideo dispértiam ei plúrimos, et fórtium dívidet spólia, pro eo quod trádedit in mortem ánimam suam, et cum scelerális reputátus est, et ipse peccáta multórum tulit, et pro transgressóribus rogávit.

¶. Tuam síndonem venerámur Dómine, tuam glorió- sam recólimus passió- nem; * Miserére nobis qui passus es pro nobis.

ÿ. Salva praesentem cater-
vam in tuis hodie laudibus
congregatam. Miserere.

Glória Patri. Miserere.

IN II. NOCTURNO

Ant. Quasi absconditus vul-
tus ejus, et despectus, unde
nec reputavimus eum.

Psalmus 23.

Domini est terra, et plenitudo
ejus: * orbis terrarum,
et universi qui habitant in eo.

Quia ipse super maria fun-
davit eum, * et super flumina
praeparavit eum.

Quis ascendet in montem
Domini? * aut quis stabit in
loco sancto ejus?

Innocens manibus et mun-
do corde, * qui non accepit
in vano animam suam, nec
juravit in dolo proximo suo.

Hic accipiet benedictionem
a Domino, * et misericordiam
a Deo salutari suo.

Haec est generatio quae-
rentium eum, * quaerentium
faciem Dei Jacob.

Attollite portas, principes
vestras, et elevamini portae
aeternales: * et introibit Rex
gloriae.

Quis est iste Rex gloriae?
* Dominus fortis et potens,
Dominus potens in praelio.

Attollite portas, principes

vestras, et elevamini portae
aeternales, * et introibit Rex
gloriae.

Quis est iste Rex gloriae?
Dominus virtutum ipse est
Rex gloriae.

Ant. Quasi absconditus vul-
tus ejus, et despectus, unde
nec reputavimus eum.

Ant. Omnes videntes me
deriserunt me, locuti sunt
labiis, et moverunt caput.

Psalmus 26,

Dominus illuminatio mea,
et salus mea, * quem timebo?

Dominus protector vitae
meae, * a quo trepidabo?

Dum appropiant super me
nocentes, * ut edant carnes
meas:

Qui tribulant me inimici
mei, * ipsi infirmati sunt, et
cecidérunt.

Si consistant adversum me
castra, * non timebit cor
meum.

Si exurgat adversum me
praelium, * in hoc ego spe-
rabo.

Unam petii a Domino, hanc
requiram, * ut inhabitem in
domo Domini omnibus die-
bus vitae meae:

Ut videam voluptatem Dó-
mini, * et visitem templum
ejus.

Quoniam abscondit me in

tabernáculo suo, * in die malórum protéxit me in abscondito tabernáculo sui.

In petra exaltávit me: * et nunc exaltávit caput meum super inimícos meos.

Circuivi, et immolávi in tabernáculo ejus hóstiam vociferatiónis, * cantábo, et psalmum dicam Dómino.

Exáudi Dómine vocem meam, qua clamávi ad te, * miserére mei, et exáudi me.

Tibi dixit cor meum, exquísivit te fácies mea, * fáciem tuam Dómine requíram.

Ne avértas fáciem tuam a me, * ne declínes in ira a servo tuo.

Adjutor meus esto, * ne derelínquas me, neque despicias me Deus salutáris meus.

Quóniam pater meus et mater mea dereliquerunt me, * Dóminus áutem assúpsit me.

Legem pone mihi Dómine in via tua, * et dirige me in sémitam rectam propter inimícos meos.

Ne tradíderis me in animas tribulántium me, * quóniam insurrexérunt in me testes iníqui, et mentíta est iníquitas sibi.

Credo vidére bona Dómini * in terra vivéntium.

Expécta Dóminum, viríliter age, * et confortétur cor tuum, et sústine Dóminum.

Ant. Omnes vidéptes me,

derisérunt me, locúti sunt lábiis, et movérunt caput.

Ant. Trádidit in mortem ánimam suam, et ipse peccáta multórum tulit.

Psalmus 29.

Exaltábo te Dómine, quóniam suscepísti me, * nec delectásti inimícos meos super me.

Dómine Deus meus clamávi ad te, * et sanásti me.

Dómine eduxísti ab inférno ánimam meam, * salvásti me a descendéntibus in lacum.

Psállite Dómino sancti ejus, * et confitémini memóriæ sanctitátis ejus.

Quóniam ira in indignatióne ejus, * et vita in voluntáte ejus.

Ad vésperum demorábitur fletus, * et ad matutínium laetítia.

Ego áutem dixi in abundantia mea, * Non movébor in aetérnum.

Dómine in voluntáte tua, * praestitísti decóri meo virtutem.

Avertísti fáciem tuam a me, * et factus sum conturbátus.

Ad te Dómine clamábo, * et ad Deum meum deprecabor.

Quae utilitas in ságuine

meo, * dum descendo in corruptionem?

Numquid confitebitur tibi pulvis, * aut annuntiabit veritatem tuam?

Audivit Dominus, et miseratus est mei, * Dominus factus est adiutor meus.

Convertisti planctum meum in gaudium mihi, * conscidisti saccum meum, et circumdedisti me laetitia.

Ut cantet tibi gloria mea, et non compungar, * Domine Deus meus in aeternum confitebor tibi.

Ant. Tradidit in mortem animam suam, et ipse peccata multorum tulit.

†. Adoramus te Christe, et benedicimus tibi.

℟. Quia per crucem tuam redemisti mundum.

Sermo Sancti Ambrosii
Episcopi.

Lectio IV.

Ev. 23. in Luc.

Quid sibi vult, quod non Apostoli, sed Joseph et Nicodemus, ut Joannes dicit, Christum sepeliunt? Unus justus et constans, alter, qui erat magister in Israel. Talis enim Christi est sepultura, quae justitiam, magisteriumque habeat. Obstruitur igitur tergiversandi locus, et domestico

Judaei testimonio revincuntur. Nam si Apostoli sepelissent, dicerent utique non sepultum, quem sepultum, raptum esse dixerunt. Justus autem Christi corpus operit sindone, innocens ungit unguento, Namque haec non otiose distincta reperimus; quia justitia vestit Ecclesiam, innocentia gratiam subministrat.

℟. O admirabilis sindon! * In qua involutus est thesaurus noster, redemptio captivorum.

†. Gaudet totus mundus, qui redemptus est sanguine Domini sui. In qua.

Lectio V.

Vesti ergo et tu Domini corpus gloria sua, ut et ipse sis justus. Et si mortuum credis, operi tamen divinitatis propriae plenitudine; unge illud myrrha, et aloe, ut bonus odor Christi sis. Bonum linteam misit Joseph ille vir justus; et fortasse illud, quod Petrus vidit e coelo ad se esse demissum in quo erant genera quadrupedum, et ferarum, et volucrum ad similitudinem gentilium figurata. Mystico igitur unguento illo pistico consepeliatur Ecclesia, quae diversita-

tem populórum fidei suae communióne sociávit.

ñ. Tulérunt túnica[m] Joseph fratres ejus, et in sanguine hoedi, quem occiderunt, tinxérunt, mitténtes qui ferrent ad patrem, et dicerent, * Hanc invénimus, vide num túnica filii tui sit, an non?

ŷ. Quam cum agnovisset pater, ait: túnica filii mei est, fera péssima devorávit eum. Hanc invénimus.

Lectio VI.

Hunc Joseph justum Lucas dixit: Matthaeus dívitem; et mérito dives hoc loco dicitur ubi corpus súscipit Christi: suscipiéndó enim dívitem, nescívit fidei paupertátem. Dives est ergo, qui justus est; justus igitur síndone involvit; Israelíta vero et diversos miscet virtútum odóres, et áloes mittit quasi libras centum, hoc est perfectae fidei quantitátem. Et ligavérunt corpus Jesu juxta consuetúdinem speciálem Judaeórum: non útique nodis perfidiae, sed fidei ligatúris; et posuérunt in horto, cui frequénter Ecclesiá comparátur, quae diversórum habet poma meritórum florésque virtútum.

ñ. Christus passus est pro nobis, vobis relinquens e-

xéplum, ut sequámini vestigia ejus, * Qui peccátum non fecit, nec invéntus est dolus in ore ejus.

ŷ. Qui cum maledicerétur, non maledicébat; cum paterétur, non comminabátur. Qui peccátum.

Glória Patri. Qui.

IN III. NOCTURNO.

Ant. Caro mea requiescet in spe, quia non dabis sanctum tuum vidére corruptiōnem.

Psalm. 53.

Deus in nómine tuo salvum me fac; * et in virtute tua júdica me.

Deus exáudi oratió[n]em meam: * áuribus p[er]cipe verba oris mei.

Quóniam aliéni insurrexérunt advérsus me, et fortes quaesiérunt ánimam meam: * et non proposuérunt Deum ante conspéctum suum.

Ecce enim Deus ádjuvat me: * et Dóminus suscep[tor] est ánimae meae.

Avérte mala inimícis meis, * et in veritáte tua dispérde illos.

Voluntárie sacrificábo tibi: * ét confitébor nómini tuo Dómine, quóniam bonum est. Quóniam ex omni tribula-

tióne eripuisti me; * et super inimicos meos despexit oculus meus.

Ant. Caro mea requiescet in spe, quia non dabis sanctum tuum videre corruptiōnem.

Ant. Convertisti planctum meum in gaudium mihi, con-
scidisti saccum meum, et circum-
dediti me laetitia.

Psalm. 75.

Notus in Judaea Deus, * in Israel magnum nomen ejus.

Et factus est in pace locus ejus, * et habitatio ejus in Sion.

Ibi confrégit poténtias arcuum, * scutum, gládium, et bellum.

Illuminans tu mirabiliter a montibus aeternis, * turbati sunt omnes insipientes corde.

Dormiérunt somnum suum, * et nihil invenérunt omnes viri divitiarum in manibus suis.

Ab increpatione tua Deus Jacob, * dormitavérunt qui ascenderunt equos.

Tu terribilis es, et quis resistet tibi? * ex tunc ira tua.

De coelo auditum fecisti judicium, * terra tremuit et quíevit.

Cum exúrgeret in judicium

Deus, * ut salvos faceret omnes mansuetos terrae.

Quóniam cogitatio hominis confitébitor tibi, * et reliquiae cogitationis diem festum agent tibi.

Vovete, et reddite Dómino Deo vestro, * omnes qui in circúitu ejus affértis múnera.

Terríbili et ei qui áufert spíritum príncipum, * terríbili apud reges terrae.

Ant. Convertisti planctum meum in gaudium mihi, con-
scidisti saccum meum, et circum-
dediti me laetitia.

Ant. Factus sum sicut homo sine adjutório inter mortuos liber.

Psalm. 87.

Dómine Deus salutis meae, * in die clamávi, et nocte coram te.

Intret in conspéctu tuo oratio mea: * inclína áurem tuam ad precem meam.

Quia repléta est malis anima mea; * et vita mea inférno appropinquávit.

Aestimátus sum cum descendéntibus in lacum: * factus sum sicut homo sine adjutório, ínter mórtuos liber.

Sicut vulneráti dormiéntes in sepúlchris, quorum non es memor ámplius: *

et ipsi de manu tua repúlsi sunt.

Posuérunť me in lacu inferióri, * in tenebrósis, et in umbra mortis.

Super me confirmátus est furor tuus: * et omnes fluctus tuos induxísti super me.

Longe fecísti notos meos a me: * posuérunť me abominatióne sibi.

Tráditus sum, et non egrediébar: óculi mei languérunt prae inópia.

Clamávi ad te Dómine tota die: * expándi ad te manus meas.

Numquid mórtuis fácies mirabilia: * aut médici suscitábunt, et confitebúntur tibi?

Numquid narrábit áliquis in sepúlchro misericórdiam tuam, * et veritátem tuam in perditíone?

Numquid cognoscéntur in ténebris mirabilia tua, * et justítia tua in terra obliviónis?

Et ego ad te Dómine clamávi: * et mane orátio mea praeveniet te.

Ut quid Dómine repéllis oratióne meam: * avértis fáciem tuam a me?

Páuper sum ego, et in labóribus a juventúte mea: * exaltátus áutem, humiliátus sum et conturbátus.

In me transiérunt irae tuae: * et terróres tui conturbavérunt me.

Circumdedérunt me sicut aqua tota die: * circumdedérunt me simul.

Elongásti a me amicum et próximum, * et notos meos a miséria.

Ant. Factus sum sicut homo sine adjutório inter mórtuos liber.

Ÿ. Omnis terra adóret te, et psallat tibi.

ñ. Psalmum dicat nómini tuo Dómine.

Léctio sancti Evangélíi
secúndum Marcum.

Lectio VII.

Cap. 15.

In illo témpore: Cum jam sero factum esset, quia erat Parascéve, quod est anté sábbatum, venit Joseph ab Arimathaea nóbilis decúrio, qui et ipse erat expéctans regnum Dei. Et réliqua.

Homília venerábilis Bedae
Presbyteri.

Parascéve graece, latíne praeparátio dicitur, quo nómine Judaei, qui inter Graecos morabántur, sextam sábbati appellábant, eo quod in illo, ea, quae requiéi sábbati necessária essent, praeparáre solérent. Juxta hoc, quod

de manna quondam praeceptum est: sexta autem die colligētis duplum. Quia ergo sexta die factus est homo, et tota est mundi creatura perfecta; séptima autem conditor ab opere suo requiēvit; unde et hanc sabbatum, hoc est requiem vóluit appellari: recte Salvátor eādem sexta die crucifixus humanae restauratiōnis implēvit arcānum; ideoque cum accepisset acētum, dixit: consummātum est; hoc est sextae diēi, quod pro mundi refectione suscepī, jam totum est opus explētum. Sabbato autem in sepúlchro requiescens, resurrectionis, quae octáva die ventúra erat, expectábat eventum.

¶. Mercātus est Joseph sindonem mundam, ut invólveret in ea corpus Dómini, * Venit ergo, et tulit corpus ejus.

¶. Rogávit Pilátum Joseph ab Arimathaea, ut tólleret corpus Jesu. Vehit ergo.

Lectio VIII.

Venit, inquit, Joseph ab Arimathaea nóbilis decúrio, qui et ipse erat expéctans regnum Dei, et audácter introfuit ad Pilátum, et pétiiit corpus Jesu. Magnae quidem Jo-

seph iste dignitátis ad saeculum, sed majóris apud Deum mériti fuisse laudatur. Talem namque exístere decébat eum qui corpus Dómini sepelíret; qui et per justítiam meritorum tali ministério dignus esset, et per nobilitátem poténtiae saeculáris facultátem posset obtinére ministrándi: non enim quilibet ignótus, aut mediocris ad praesidem accédere, et crucifixi corpus póterat impetráre.

¶. Haec est sindon digníssima, * In qua salutis auctor de cruce depósitus invólvidignátus est.

¶. Ut nos consepúlti cum eo, véteris hóminis exúviis depósitis, innocentiae sindone tegeremur. In qua.

Glória Patri. In qua.

IX. Lectio legitur de Homilia seriae currentis, postea dicitur Te Deum.

AD LAUDES.

ET PER HORAS.

Ant. Joseph nóbilis decúrio vir bonus, et justus, et ipse dives erat expéctans regnum Dei.

Psalm. Dóminus regnávít, cum reliquis de Dominica.

Ant. Hic audácter introívit

ad Pilátum, et pétiit corpus Jesu.

Ant. Cum cognovisset Pilatus a centurióne, quod jam mórtuus esset, donávit corpus Jesu.

Ant. Joseph áutem mercátus síndonem, et depónens eum, invólvit síndone.

Ant. Pósuit eum in monuménto, in quo nondum quisquam pósito fúerat.

Cap. Quis est iste, *ut supra in Vesperis.*

Hymnus.

Jesu dulcis amor meus,
Ac si praesens sis, accédo,
Te compléctor cum afféctu,
Tuórum memor vúlnerum.

O quam nudum hic te cerno
Vulnerátum, et disténtum,
Inquinátum, involútum
In hoc sacro tégmine!

Salve caput cruentátum
Spinis, cujus dulcis vultus
Immutávit suum florem,
Quem coeli tremit cúria.

Salve latus Salvatóris,
Salve mitis apertúra,
Super rosam rubicúnda,
Medéla salutífera.

Manus sanctae vos avéte,
Diris clavis perforatae:
Ne repéllas me, Salvátor,
De tuis sanctis pédibus.

Amen.

ŷ. Dóminus regnávit, decórem induit.

n̄. Induit Dominus fortitúdinem, et praecínxit se virtúte.

AD BENEDICTUS

Ant. Joseph nóbilis decúrio, expéctans et ipse regnum Dei, mercátus est síndonem, et depónens corpus Jesu invólvet illud in síndone.

Oratio. Deus, qui nobis, *ut supra in Vesperis.*

AD TERTIAM

Ant. Hic audácter.

Cap. Quis est iste, *ut sup.*

n̄. *br.* Tuam síndonem *
Venerámur Dómine. Tuam síndonem.

ŷ. Tuam recólimus passiónem. Venerámur.

Glória Patri. Tuam síndonem.

ŷ. Adorámus te Christe, et benedicimus tibi.

n̄. Quia per mortem tuam redemísti mundum.

AD SEXTAM.

Ant. Cum cognovisset.

Capitulum.

Isa. 62. 63.

Quare ergo rubrum est indumentum tuum, et vestimenta tua sicut calcantium

in torculári? Tórcular calcávi solus, et de géntibus non est vir mecum.

ñ. br. Adorámus te Christe, * Et benedicimus tibi. Adorámus.

ÿ. Quia per mortem tuam redemísti mundum. Et benedicimus tibi.

Glória Patri. Adorámus.

ÿ. Omnis terrá adóret te, et psallat tibi.

ñ. Psalmum dicat nómini tuo, Dómine.

AD NONAM

Ant. Pósult eum.

Capitulum

Isa. ibid.
Circumspéxi, et non erat auxiliátor, quaesívi, et non fuit qui adjuváret, et salvávit mihi bráchium meum; et indignátio mea ipsa auxiliáta est mihi.

ñ. br. Omnis terra adóret te, * Et psallat tibi. Omnis.

ÿ. Psalmum dicat nómini tuo Dómine. Et psallat.

Glória Patri. Omnis.

ÿ. Dóminus regnávit decórem índuit.

ñ. Índuit Dóminus fortitúdinem, et praecínxit se virtúte.

In secundis Vesperis.

Ant. Joseph nóbilis, cum rel. de Laud.

Psal. Dixit Dóminus, cum reliq. de Dom. et loc. ult. Psal. Voce mea. ut in Off. Pass. pag. 116.

AD MAGNIFICAT

Ant. Homo quidam dives ab Arimathaea, nómine Joseph, accépto córpore Jesu, invólvit illud in síndone munda.

Oratio. Deus, qui nobis, ut supra in primis Vesp.

FERIA VI. POST DOMINICAM TERTIAM QUADRAG.

*In Commemoratione SACRO-
RUM QUINQUE VULNERUM D.
N. J. C. Duplex majus.*

Ad Vesperas. Ant. Vere languóres cum reliq. de Laud.

Psal. Crédidi, cum reliquis de Offic. Pass. pag. 114.

Capitulum

Isaiae 53.
Christus vulnerátus est propter iniquitátes nostras, attrítus est propter scélera nostra: cujus livóre sanáti sumus.

Hymnus.

Pange lingua gloriósi
 Láuream certáminis,
 Et super Crucis trophæo
 Dic triúmphum nóbilem,
 Quáliter Redémptor Orbis,
 Immolátus vícerit.

De paréntis protoplásti
 Fráude Factor cóndolens,
 Quando pomi noxiális
 In necem morsu ruit:
 Ipse lignum tunc notávit
 Damna ligni ut sólveret

Hoc opus nostræ salútis
 Ordo depopóscerat,
 Multifórmis proditóris
 Ars ut artem fálleret,
 Et medélam ferret inde,
 Hostis unde laeserat,

Quando venit ergo sacri
 Plenitúdo témporis,
 Missus est ab arce Patris
 Natus, orbis Cónditor;
 Atque ventre Virgináli
 Carne amíctus pródiit.

Vagit Infans inter arcta
 Cónditus praesépia;
 Membra pannis involúta,
 Virgo mater álligat:
 Et Dei manus pedésque
 Strícta cingit fáschia.

Sempitérna sit beátae
 Trinitáti glória,
 Aequa Patri Filióque;
 Par decus Paráclito;
 Uníus Triníque nomen
 Láudet univérstas. Amen.

Y. Vidébunt, in quem transfixérunt.

R. Et dolébunt super eum, ut in morte primogéniti.

AD MAGNIFICAT.

Ant. Dum in Cruce pendéret unigénitus Dei Fílius, et ab ómnibus subsánnarétur, mater ejus virgo María, ipsum verum Deum et hóminem cóndolens venerabátur.

OARTIO.

Deus, qui Unigéniti Fílii tui passióne, et per quinque Vúlnera ejus sánguinis effusióne, humánam natúram peccáto pérditam reparásti: tríbue nobis, quæsumus, ut qui ab eo suscepta Vúlnera venerámur in terris, ejúsdem pretiosíssimi Sánguinis fructum cónsequi mereámur in coelis. Per eúmdem Dóminum.

AD MATUTINUM

Invitat. Christum in Cruce confixum, quinque Plagis vulnerátum, * Veníte, adorémus.

Psalm. 94. Veníte, exultémus.

Hymnus. Pange lingua, ut supra in Vesperis.

IN I. NOCTURNO.

Ant. Quis est iste, qui venit de Edom, tinctis vésibus de Bosra ?

Psalm. 10.

In Dómino confido: quómo-
do dicitis ánimaë meae: *
trásmigra in montem sicut
passer ?

Quóniam ecce peccatóres
intendérunt arcum, paravé-
runt sagíttas suas in pháretra
* ut sagittent in obscúro re-
ctos corde.

Quóniam quae perfecísti,
destruxérunt: * justus áutem
quid fecit ?

Dóminus in templo sancto
suo: * Dóminus in coelo se-
des ejus.

Oculi ejus in páuperem re-
spiciunt: * pálpebrae ejus in-
térrrogant filios hóminum.

Dóminus intérrogat justum
et ímpium: * qui áutem dí-
ligit iniquitátem, odit áni-
mam suam.

Pluet super peccatóres lá-
queos: * ignis, et sulphur, et
spíritus procellárum pars cá-
lícis eórum.

Quóniam justus Dóminus,
et justítias diléxit: * aequi-
tátem vidit vultus ejus.

Ant. Quis est iste, qui venit de Edom, tinctis vésibus de Bosra ?

Ant. Quare rubrum est in-
dumentum tuum, et vesti-
ménta tua sicut calcántium
in torculári ?

Psalm. 14.

Dómine quis habitábit in
tabernáculo tuo ? * aut quis
requiescet in monte sancto
tuo ?

Qui ingréditur sine mácu-
la, * et operáitur justítiam.

Qui lóquitur veritatem in
corde suo, * qui non egit do-
lum in lingua sua.

Nec fecit próximo suo ma-
lum, * et oppróbrium non
accepit advérsus próximos
suos.

Ad níhilum deductus est
in conspéctu ejus malignus:
* tíméntes áutem Dóminum
glorificat.

Qui jurat próximo suo et
non déripit: * qui pecúniam
suam non dedit ad usúram,
et múnera super innocéntem
non accépit.

Qui facit haec, * non mo-
vébitur in aetérnum.

Ant. Quare rubrum est in-
dumentum tuum, et vesti-
ménta tua sicut calcántium
in torculári ?

Ant. Tórcular calcávi so-
lus, et de Géntibus non fuit
vir mecum.

Psalmus 23.

Dómini est terra, et plenitúdo ejus; * orbis terrárum, et univérſi qui hábitant in eo.

Quia ipse super mária fundávit eum, * et super flúmina praepárávit eum.

Quis ascéndet in montem Dómini? * aut quis stabit in loco sancto ejus?

Innocens mánibus et mundo corde, * qui non accépit in vano ánimam suam, nec jurávit in dolo próximo suo.

Hic accípiet benedictiónem a Dómino, * et misericórdiam a Deo salutári suo.

Haec est generátio, quae-réntium eum, * quae-réntium faciém Dei Jacob.

Attóllite portas, príncipes, vestras, et elevámini portae aeternáles: et introíbit Rex glóriæ.

Quis est iste Rex glóriæ? * Dóminus fortis et potens, Dóminus potens in praelio.

Attóllite portas príncipes vestras, et elevámini portae aeternáles, * et introíbit Rex glóriæ.

Quis est iste Rex glóriæ? * Dóminus virtútum ipse est Rex glóriæ.

Ant. Tórcular calcávi solus, et de Géntibus non fuit vir mecum.

ŷ. Fodérunt manus meas, et pedes meos.

n. Dinumeravérunt ómnia ossa mea.

De Isaia Prophéta.

Lectio I.

Quis crédidit auditui nostro? et bráchium Dómini cui revelátum est? Et ascéndet sicut virgúltum coram eo et sicut radix de terra sitiénti. Non est spéries ei, nequedecor, et vídimus eum, et non erat aspéctus, et desiderávimus eum: Despéctum et novíssimum virórum, virum dolórum, et sciéntem infirmitátem, et quasi absconditus vultus ejus, et despéctus, unde nec reputávimus eum. Vere languóres nostros ipse tulit, et dolóres nostros ipse portávit: et nos putávimus eum quasi leprósum, et percússum a Deo et humiliatum. Ipse áutem vulnerátus est propter iniquitátes nostras, attritus est propter scélera nostra; disciplína pacis nostrae super eum, et livóre ejus sanáli sumus.

n. Gratificávit nos Deus in dilécto Fílio suo: * In quo habémus redemptiónem per sánguinem ejus in remissionem peccatórum.

ŷ. Ecce venit plenitúdo témporis, in quo misit Deus Fílium suum in terras. In quo.

Lectio II.

Omnes nos quasi oves errávimus, unusquisque in viam suam declinávit: et pósuit Dóminus in eo iniquitatem ómnium nostrum. Oblátus est quia ipse vóluit, et non apérivit os suum: sicut ovis ad occisióem ducétur, et quasi agnus coram tondénte se obmutéscet, et non apériet os suum. De angústia et de iudicio sublátus est: generatióem ejus quis enarrábit? quia abscissus est de terra vivéntium, propter scelus pópuli mei percússi eum. Et dabit ímpios pro sepultúra et dívites pro morte sua: eo quod iniquitatem non fécerit, neque dolus fúerit in ore ejus. Et Dóminus vóluit contérere eum in infirmitáte.

R. Nos, qui aliquándo erámus longe, facti sumus prope per Sánguinem Jesu Christi: Ipse est pax nostra, qui fecit útraque unum.

R. A Dómino factum est istud, et est mirábile in óculis nostris. Ipse.

Lectio III.

Cap. 63.

Quis est qui venit de Edom tinctis véslibus de Bosra?

iste formósus in stola sua, grádiens in multitúdine fortitúdinis suae. Ego, qui loquor justítiam, et propugnátor sum ad salvándum. Quare ergo rubrum est indumentum tuum, et vestiménta tua sicut calcántium in torculári? Tórcular calcávi solus, et de Géntibus non est vir mecum; calcávi eos in furóre meo, et conculcávi eos in ira mea, et aspérsus est sanguis eórum super vestiménta mea, et ómnia indumenta mea inquinávi; dies enim ultiónis in corde meo, annus Redemptiónis meae venit, Circumspéxi, et non erat auxiliátor: quaesívi, et non fuit qui adjuváret.

R. In primogénito ex mortuis complácuit omnem plenitúdinem Divinitátis inhabitáre, et per eum reconciliári ómnia in ipsum: * Pacíficans per sánguinem Crucis ejus sive quae in coelis, sive quae in terris sunt.

Y. Ipse est caput córporis Ecclésiae, in ómnibus primátum tenens. Pacíficans. Glória Patri. Pacíficans.

IN II. NOCTURNO.

Antiph. Foderunt manus meas, et pedes meos: dinumeraverunt ómnia ossa mea.

Psalm. 21.

Deus Deus meus, respice in me: quare me dereliquisti? * longe a salute mea verba delictorum meorum.

Deus meus clamabo per diem, et non exaudies: * et nocte, et non ad insipientiam mihi.

Tu autem in sancto habitas, * Laus Israel.

In te speraverunt patres nostri: * speraverunt, et liberasti eos.

Ad te clamaverunt, et salvi facti sunt: * in te speraverunt, et non sunt confusi.

Ego autem sum vermis, et non homo: * opprobrium hominum, et abjectio plebis.

Omnes videntes me, deriserunt me: * locuti sunt labiis, et moverunt caput.

Speravit in Domino, eripiat eum: * saluum faciat eum, quoniam vult eum.

Quoniam tu es, qui extraxisti me de ventre: * spes mea ab uberibus matris meae. In te projectus sum ex utero.

De ventre matris meae Deus meus es tu: * ne discesseris a me.

Quoniam tribulatio proxima est: * quoniam non est, qui adjuvet.

Circumdedérunt me vituli multi: * tauri pingues obsederunt me.

Aperuerunt super me os suum, * sicut leo rapiens et rugiens.

Sicut aqua effusus sum: * et dispersa sunt omnia ossa mea.

Factum est cor meum tamquam cera liquescens * in medio ventris mei.

Aruit tamquam testatus mea, et lingua mea adhaesit faucibus meis: * et in pulverem mortis deduxisti me.

Quoniam circumdedérunt me canes multi: * concilium malignantium obsedit me.

Foderunt manus meas, et pedes meos: * dinumeraverunt omnia ossa mea.

Ipsi vero consideraverunt et inspexerunt me: * divisérunt sibi vestimenta mea, et super vestem meam miserunt sortem.

Tu autem Domine, ne elongaveris auxilium tuum a me: * ad defensionem meam conspice.

Erue a fratre meo Deus, animam meam: * et de manu canis unicam meam.

Salva me ex ore leonis: * et a cornibus unicornium humilitatem meam.

Narrabo nomen tuum fratribus meis: * in medio Ecclesiae laudabo te.

Qui timétis Dóminum, laudáte eum: * univérsum semen Jacob glorificáte eum.

Tímeat eum omne semen Israel: * quóniam non sprexit, neque despéxit deprecationem páuperis.

Nec avértit faciém suam a me: * et cum clamárem ad eum, exaudivit me.

Apud te laus mea in Ecclésia magna: * vota mea reddam in conspéctu timéntium eum.

Edent páuperes, et saturabúntur, et laudábunt Dóminum, qui requíruunt eum: * vivent corda eórum in saeculum saeculi.

Reminiscéntur, et converténtur ad Dóminum: * univérsi fines terrae.

Et adorábunt in conspéctu ejus: * univérsae fámilie Gentium.

Quóniam Domini est regnum: * et ipse dominábitur géngium.

Manducavérunt, et adoravérunt omnes pingues terrae: * in conspéctu ejus cadent omnes, qui descendúnt in terram.

Et ánima mea illi vivet: * et semen meum sérviet ipsi.

Annuntiábitur Dómino generátio ventúra: * et annuntiábunt coeli justítiam ejus, pópulo qui nascétur, quem fecit Dóminus.

Antiph. Foderunt manus

meas, et pedes meos: dinumeravérunt ómnia ossa mea.

Ant. A planta pedis usque ad vérticem non est in eo sánitas.

Psalmus 65.

Jubiláte Deo omnis terra psalmum dicite nómini ejus: * date glóriam láudi ejus.

Dícite Deo, quam terribília sunt ópera tua, Dómine! * in multitudíne virtútis tuæ mentiéntur tibi inimíci tui.

Omnis terra adóret te, et psallat tibi: * psalmum dicat nómini tuo.

Veníte, et vidéte ópera Dei, * terribilis in consíliis super filios hóminum.

Qui convértit mare in áridam, in flúmine pertransíbunt pede: ibi lactábimur in ipso.

Qui domináture in virtúte sua in aetérnum, óculi ejus super Gentes respíciunt: * qui exásperant, non exalléntur in semetípsis.

Benedícite gentes Deum nostrum: * et audítam fácite vocem láudis ejus.

Qui pósuit ánimam meam ad vitam: * et non dedit in commotiónem pedes meos.

Quóniam probásti nos, Deus: * igne nos examinásti, sicut examinátur argéntum.

Induxísti nos in láqueum
posuísti tribulatiónes in dor-
so nostro: * imposuísti hó-
mines super cápita nostra.

Transivimus per ignem et
aquam: * et eduxísti nos in
refrigérium.

Introibo in domum tuam
in holocáustis: * reddam tibi
vota mea, quae distinxérunt
lábia mea.

Et locútum est os meum, *
in tribulatióne mea.

Holocáusta medulláta óf-
feram tibi cum incénso aríe-
tum: ófferam tibi boves cum
hircis.

Veníte, audíte, et narrá-
bo, omnes qui timétis, Deum,
* quanta fecit ánimae meae.

Ad ipsum ore meo cla-
mávi, * et exaltávi sub lin-
gua mea.

Iniquitátem si aspéxi in
corde meo, * non exáudiet
Dóminus.

Proptérea exaudivit Deus,
* et atténdit voci deprecatió-
nis meae.

Benedíctus Deus, * qui non
amóvit oratióne meam, et
misericórdiam suam a me.

Ant. A planta pedis usque
ad vérticem non est in eo
sánitas.

Antiph. Vulnus, et livor,
et plaga tumens non est cir-
cumligáta, nec curáta medi-
cámine, neque fota óleo.

Psalmus 75.

Notus in Judaea Deus, * in
Israel magnum nomen ejus.

Et factus est in pace locus
ejus, * et habitatio ejus in
Sion.

Ibi confrégit poténtias ár-
cum, * scutum, gládium, et
bellum.

Illúminans tu mirábiliter
a móntibus aetérnis, * tur-
báti sunt omnes insipientes
corde.

Dormiérunt somnum su-
um, * et nihil invenérunt
omnes viri divitiárum in má-
nibus suis.

Ab increpatióne tua Deus
Jacob, * dormitavérunt qui
ascendérunt equos.

Tu terríbilis es, et quis re-
sistet tibi? * ex tunc ira tua.

De coelo audítum fecísti
judícium, * terra trémuit et
quíevit.

Cum exúrgeret in judícium
Deus, * ut salvos fáceret om-
nes mansuétos terrae.

Quóniam cogitatio hómi-
nis confitébitur tibi, * et re-
líquiae cogitatiónis diem fe-
stum agent tibi.

Vovéte, et réddite Dómi-
no Deo vestro, * omnes qui
in circúitu ejus affértis mú-
nera.

Terríbili et ei qui áufert
spíritum princípum, * terrí-
bili apud reges terrae.

Ant. Vulnus, et livor, et plaga tumens non est circumligata, nec curata medicamine, neque fota oleo.

ÿ. Vere languores nostros ipse tulit.

ñ. Et dolores nostros ipse portavit.

Lectio IV.

De Sermone Sancti Bernardi
Abbátis.

Lib. de Pass. Dom.

Cap. 41.

Captus est Jesus, post plúrimas illusiones tam Judaeorum, quam Géntium: post sanguinis plures effusiones, clavis in mîlibus mânibus simul, et pédibus perforátur, et configitur ligno Crucis Salvátor noster mîlissimus Jesus. Intuere, et respice rosam Passiónis sanguíneae, quomodo rubet in indicium ardentíssimae charitátis! Conténdunt pássio et charitas: ista, ut plus árdeat; illa, ut plus rúbeat.

ñ. Per mortem destrúxit Jesus eum, qui mortis habebat impérium: * Ut liberáret eos, qui timóre mortis obnoxii erant servitúti.

ÿ. Unde débuit per ómnia frátribus assimilári, ut miséricors fieret. Ut liberáret.

Lectio V.

Vide quomodo hoc flore rosae florúerit óptima vitis nostra rubicúndus Jesus. Vide totum corpus, scubi rosae sanguíneae florem non invénias. Inspice manum unam, et álteram, si florem rosae non invénies in utrâque. Inspice pedem unum et álterum, numquid non rósei? Inspice láteris apertúram, quia nec illa caret rosa, quamvis ipsa subrúbea sit, propter mixtúram aquae, quia, sicut narrat Evangelista, cum unus mîlitum lancea latus ejus perforásset, exívit sanguis et aqua.

ñ. Per hóminem mors, et per hóminem resurrectio mortuórum, * Et sicut in Adam omnes peccavérunt, ita in Christo omnes vivificabúntur.

ÿ. Novíssime áutem inimíca destruétur mors. Et sicut.

Lectio VI.

Ex eodem S. Bernardo.

Serm. de Pass. Dom.

Respice Dómine Sancte Pater de santuário tuo, et de excélso coelórum habitáculo:

et intueré hanc sacrosánc tam
Hóstiam, quam tibi offert
magnus Póntifex noster, San-
ctus puer tuus Dóminus Je-
sus, pro peccátis fratrum
suórum, et esto placábilis
super multitudíne malítiae
nostrae. Cognósce Pater tú-
nicam filii tui Joseph: heu
fera péssima devorávit eum,
et conculcávit in furóre suo
vestiméntum ejus. Ecce quin-
que scissúras lamentábiles in
eo relíquit.

℞. Vidimus Jesum propter
passiónem mortis glória, et
honóre coronátum; * Ut pro
ómnibus gustáret mortem.

℣. Decébat eum, qui mul-
tos filios in glóriam addúxe-
rat, auctórem salútis eórum
per passiónem consummári.
Ut pro ómnibus. Glória Pa-
tri. Ut pro.

IN III. NOCTURNO

Antiph. Quid sunt plagae
istae in médio mánuum tuá-
rum?

Psalmus. 95.

Cantáte Dómino cánticum
novum, * cantáte Dómino
omnis terra.

Cantáte Dómino, et bene-
dicite nómini ejus, * annun-
tiáte de die in diem salutare
ejus.

Annuntiáte inter Gentes
glóriam ejus, * in ómnibus
pópulis mirábília ejus.

Quóniam magnus Dómi-
nus et laudábilis nimis, * ter-
rívelis est super omnes deos.

Quóniam omnes dii Gén-
tium daemónia, * Dóminus
autem coelos fecit.

Conféssio et pulchritúdo in
conspéctu ejus, * sanctimónia
et magnificéntia in sanctifi-
cacióne ejus.

Afférte Dómino pátriae Gén-
tium, afférte Dómino glóriam
et honóre, * afférte Dómino
glóriam nómini ejus.

Tóllite hóstias, et introíte
in átria ejus, * adoráte Dó-
minum in átrio sancto ejus.

Commovéatur a fácie ejus
univér sa terra: * dicite in
Géntibus quia Dóminus re-
gnávit.

Etenim corréxit orbem ter-
rae, qui non commovébitur,
* judicábit pópulos in aequi-
táte.

Laeténtur coeli, et exúltet
terra, commoveá tur mare, et
plenitúdo ejus: * gaudébunt
campi, et ómnia quae in eis
sunt.

Tunc exultábunt ómnia li-
gua silvárum a fácie Dómi-
ni, quia venit, * quóniam ve-
nit judicáre terram.

Judicábit orbem terrae in
aequitáte, * et pópulos in ve-
ritáte sua.

Antiph. Quid sunt plagae

istae in médio mánuum tuárum?

Antiph. His plagátus sum in domo eórum, qui me diligébant.

Psalmus 96.

Dóminus regnávít, exúllet terra, * laeténtur ínsulae mullae.

Nubes et calígo in circúitu ejus, * justítia, et judícium corrèctio sedis ejus.

Ignis ante ipsum praecedet, * et inflammábit in circúitu inimicos ejus.

Illuxérunt fúlgura ejus orbi terrae, * vidit, et commóta est terra.

Montes sicut cera fluxérunt a fácie Dómini, * a fácie Dómini omnis terra.

Annuntiavérunt coeli justítiam ejus, * et vidérunt omnes pópuli glóriam ejus.

Confundántur omnes, qui adórant sculptília, * et qui gloriántur in simulácris suis.

Adoráte eum omnes Angeli ejus, * audívit, et laetáta est Sion.

Et exultavérunt filiae Judae, * propter judícia tua Dómine.

Quóniam tu Dóminus altíssimus super omnem terram, * nimis exaltátus es super omnes deos.

Qui diligítis Dóminum, o-

díte malum, * custódit Dóminus ánimas sanctórum suórum, de manu peccatóris liberábit eos.

Lux orta est justo, * et rectis corde laetítia.

Laetámini justí in Dómino, * et confitémini memóriæ sanctificatiónis ejus.

Antiph. His plagátus sum in domo eórum, qui me diligébant.

Antiph. In amaritúdine sermo meus est: et manus plagae meae aggraváta est super gémitum meum.

Psalmus 97.

Cantáte Dómino cánticum novum, * quia mirábilia fecit.

Salvávít sibi dextera ejus, * et bráchium sanctum ejus.

Notum fecit Dóminus salutare suum, * in conspéctu Géntium revelávit justítiam suam.

Recordátus est misericórdiae suae, * et veritátis suae dómui Israel.

Vidérunt omnes términi terrae, * salutare Dei nostri.

Jubiláte Deo omnis terra, * cantáte, et exultáte, et psállite.

Psállite Dómino in cíthara, in cíthara et voce psalmi: * in tubis ductílibus et voce tubae córnea.

Jubiláte in conspéctu Regis Dómini, * moveátur mare et plenitúdo ejus, orbis terrárum, et qui hábitant in eo.

Flúmina pláudent manu, simul montes exultábunt a conspéctu Dómini, * quóniam venit judicáre terram.

Judicábit orbem terrárum in justítia, * et pópulos in aequiláte.

Antiph. In amaritúdine sermo meus est, et manus plagae meae aggraváta est super gémitum meum.

†. Ipse vulnerátus est propter iniquitátes nostras.

℟. Attrítus est propter scélera nostra.

Lectio VII.

Léctio sancti Evangélíi
secúndum Joánnem.

Cap. 19.

In illo témpore: Sciens Jesus quia ómnia jam consummáta sunt, ut consummarétur Scriptúra, dixit: Sítio. Et reliqua.

Homília sancti Cyrílli
Epíscopi Alexandríni.

L 12. *Comm. in Joann.*

Cum ab immánibus Judaeis omnis in Christum expléta

esset impietas, nec quidquam jam ad summam crudelitatem réliquum esset, ad extrémum caro Christi sanctíssima proprium quiddam ac naturále rursus pátitur. Multis enim, ac váriis dolóribus exsiccáta, siti torquétur. Gra-ves síquidem dolóres magnam ad sitim commovéndam vim habent, naturáli quodam et inexplicábili calóre húmidum consuméntes, et ígneis ardóribus praecórdia uréntes.

℟. Manifestáta est grátia Dei per illuminationem Salvatóris nostri Jesu Christi: * Qui destrúxit mortem, illuminávit áutem vitam in in-
corruptionem.

†. Liberávit, et vocávit nos vocalióne sua sancta per grátiam, quae data est nobis in Christo. Qui destrúxit.

8. *Bened.* Divínium auxili-
lium.

Lectio VIII.

Consummátum esse ait impietátis Judáicae modum, et impoténtem saeviéndi ánimum. Quid enim Judaei intentátum reliquérent, aut quid non extrémæ crudelitátis adhibuérunt? Quod supplicii, aut contumélieae genus praetermisérunt? Quamóbrem jure, consummátum est, ait: sed hora jam eum

ad praedicandum spirítibus, qui apud ínteros erant, invitante, (advénit enim, ut mortuorum ac vivorum dominaretur), ipsam pro nobis mortem suscepit, communem hanc naturae passionem sustinuit in carne sua. Cum autem Jesus caput inclinasse comperissent, et jam cum expirasse putarent, frustra ejus crura confringi existimant: sed cum adhuc mortuum esse nonnihil diffiderent, lancea latus ejus perfodiunt, unde cruor aqua mixtus scatúrit, quod Eulógiae mysticae et sancti baptismatis imágo quaedam erat atque primitiae. Christi enim est vere, et a Christo sanctum baptisma et mysticae Eulógiae vis ex sancta nobis carne pródiit.

ñ. Dignus es Dómine accipere librum, et aperire signacula ejus, quóniam occisus es, et redemisti nos Deo: In ságuine tuo.

ŷ. Fecisti enim nos. Deo nostro regnum et Sacerdotes. in ságuine. Glória Patri. In ságuine.

IX. *Lectio dicitur de hom. seriae currentis. Te Deum.*

AD LAUDES

ET PER HORAS.

Antiph.

Vere languores nostros

ipse tulit, et dolores nostros ipse portavit.

Psalm. Dóminus regnavit, cum rel. de Dom.

Ant. Ipse autem vulneratus est propter iniquitates nostras, attritus est propter scelera nostra.

Ant. Alligavit Dóminus plagam pópuli sui, et percussuram ejus sanavit.

Ant. Omnis, qui transibit, stupébit super omnes plagas ejus.

Ant. O vos omnes, qui transitis per viam, attendite, et videte si est dolor sicut dolor meus.

Cap.

Isaiae 53.
Christus vulneratus est propter iniquitates nostras, attritus est propter scelera nostra, cujus livore sanati sumus.

Hymnus.

Lustra sex qui jam perégit,
Tempus implens córporis,
Sponte libera Redemptor
Passióni déditus,
Agnus in Crucis levátur
Immolándus stípite
Felle potus ecce languet:
Spina, clavi, lancea
Mite corpus perforarunt;
Unda manat et cruor:
Terra, pontus, astra, mundus,
Quo lavántur flúmine!

Crux fidélis, inter omnes
 Arbor una nobilis:
 Silva talem nulla profert
 Fronde, flore, gérmine:
 Dulce ferrum dulcelignum,
 Dulce pondus sústinent

Flecte ramos arbor alta,
 Tensa laxa viscera,
 Et rigor lentéscat ille,
 Quem dedit natívitás;
 Et supérni membra Regis
 Tende miti stípíte.

Sola digna tu fuísti
 Ferre mundi Víctimam:
 Atque portum præparáre
 Arca mundo náufrago,
 Quam sacer cruor perúnxit.
 Fusus Agni corpore.

Sempitérna sit beatæ
 Trinitátí glória,
 Aequa pátri Filióque:
 Par decus Paráclito:
 Uníus Triníque nomen
 Láudet univérstas. Amen,
 y. Vidébunt, in quem tran-
 sfixérunt.

n. Et dolébunt super eum,
 ut in morte primogéniti.

AD BENEDICTUS

Ant. Unus mílitum lancea
 latus ejus apérui, et conti-
 nuo exívit sanguis et aqua.

ORATIO

Deus, qui Unigéniti Fílii tui
 passióne, et per quinque Vúl-
 nera ejus ságuinis effusió-
 ne, humánam natúram pec-
 cáto pérditam reparásti: trí-
 bue nobis, quaesumus, ut qui

ab eo suscépta Vúlnera ve-
 nerámur in terris, ejúsdem
 pretiosíssimi Sanguinis fru-
 ctum cónsequi mereámur in
 coelis. Per éundem Dómi-
 num.

*Et fit commemoratio Feriæ
 occurrentis.*

AD TERTIAM

Ant, Ipse áutem

Capítulum. Christus vulne-
 rátus est, ut supra.

n. br. Foderunt manus
 meas * Et pedes meos. Fode-
 runt.

y. Dinumeravérunt ómnia
 ossa mea. Et pedes. Glória
 Patri. Foderunt.

y. O vos omnes. qui tran-
 sítis per viam.

n. Atténdite, et vidéte do-
 lórem meum.

AD SEXTAM

Ant. Alligávit Dóminus.

Capitul.

Fáciem meam non avérti
 Isaie 50. c.
 ab increpántibus et conspuén-
 tibus in me: Dóminus Deus
 auxiliátor meus, et ideo non
 sum confúsus.

n, br. Vere languóres no-
 stros * ipse tulit. Vere. Et
 dolóres nostres ipse portávit.
 Ipse tulit. Glória Patri. Vere
 languóres.

y. Disciplína pacis nostræ
 super eum,

n]. Et livóre ejus sanáti sumus.

AD NONAM

Ant. O vos omnes.

Capitulum.

Trádidit Christus in mortem ánimam suam, et cum scelerátis reputátus est: et ipse peccáta multórum tulit, et pro transgressóribus rogávit.

n]. br. Ipse vulnerátus est. Propter iniquitátes nostras. Ipse.

Ÿ. Attrítus est propter scélera nostra. Propter iniquitátes. Glória. Ipse.

Ÿ. Oblátus est, quia ipse vóluit.

n]. Et non apérui os suum.

In II. Vesperis.

Ant. Vere languóres. cum reliq. de Laudibus. Psalm. Capitulum, Hymnus et Ÿ. ut in primis Vesperis.

Ad Magnificat.

Ant. Ego sum vestra Redemptio: manus meae, quae vos fecerunt, clavis confixae sunt: propter vos flagéllis caesus sum, spinis coronátus sum, aquam pétii pendens, et acétum porrexerunt: in escam meam fel dedérunt, et in latus lanceam: mórtuus et sepúltus resurrexi: vóbiscum sum, et vivo in aetérnum,

Oratio ut in primis Vesp. deinde fit. com. fer.

EER. VI. POST, DOMINICAM IV. QUADRAGESIMAE

Officium PRETIOSISSIMI SANGUINIS DOMINI NOSTRI JESU CHRISTI. Duplex majus.

Ad Vesp. Ant. Quis est iste, qui venit de Edom, tinctis véstibus de Bosra? Iste formósus in stola sua:

Ps. Dixit Dóminus cum reliquis de Dominica, sed loco ultimi dicitur Laudáte Dóminus omnes Gentes.

Ant. Ego, qui loquor justitiam: et propugnátor sum ad salvándum.

Ant. Vestítus erat veste aspérsa Sanguine: et vocátur nomen ejus Verbum Dei.

Ant. Quare ergo rubrum est indumentum tuum, et vestiménta tua sicut calcántium in torculári?

Ant. Tórcular calcávi solus: et de Géntibus non est mecum.

Capitulum.

Eratres, Christus assístens Póntifex futurórum bonórum per ámplius et perféctius tabernáculum non manufactum id est, non hujus creatiónis: neque per ságuinem hircó-

rum aut vitulorum, sed per proprium Sanguinem introiit semel in sancta, aeterna redemptione inventa.

Hymnus.

Festivis resonent compita vocibus;

Cives laetitiam frontibus explicent;

Taedis flammiferis ordine prodeant

Instructi pueri et senes.

Quem dura moriens Christus in arbore

Fudit multiplici vulnere Sanguinem,

Nos, facti memores dum colimus, decet

Saltem fundere lacrymas.

Humano generi perniciēs gravis

Adami veteris crimine contigit;

Adami integritas et pietas novi

Vitam reddidit omnibus.

Clamorem validum summus ab aethere

Languentis Geniti si Pater audiit:

Placari potius Sanguine debuit,

Et nobis veniam dare.

Hoc quicumque stolam Sanguine prouit,

Abstergit maculas, et roseum decus,

Quo fiat similis protinus Angelis,

Et Regi placeat, capit.

A recto instabilis tramite postmodum

Se nullus retrahat; meta sed ultima

Tangatur; tribuet nobile proemium,

Qui cursum Deus adjuvat.

Nobis propitius sis Genitor potens,

Ut quos Unigenae Sanguine Filii

Emisti, et placido Flumine recreas,

Coeli ad culmina transferas. Amen.

†. Redemisti nos Domine in Sanguine tuo.

¶. Et fecisti nos Deo nostro regnum.

AD MAGNIFICAT.

Ant. Accessistis ad Sion montem, et civitatem Dei viventis Ierusalem coelestem, et Testamenti novi mediatorum Jesum, et Sanguinis aspersionem melius loquentem, quam Abel.

ORATIO.

Omnipotens sempiterna Deus, qui unigenitum Filium tuum mundi Redemptorem constituisti, ac ejus Sanguine placari voluisti; concede,

quaesumus, salutis nostrae
praetium solènni cultu ita
venerári, atque a praesentis
vitae malis ejus virtute de-
fendi in terris, ut fructu per-
pétuo laetémur in coelis: Qui
tecum.

Et fit commemorat. FERIAE.

AD MATUTINUM

Invitat. Christum Dei Fi-
lium, qui suo nos redémit
Sanguine, * Venite adorémus.

Psalm. 94. Veníte exullé-
mus.

Hymnus.

Ira juxta Conditóris,
Imbre aquárum víndice,
Criminósum mersit orbem,
Noe in Arca sóspite:
Mira tandem vis amoris *
Lavít orbem ságuine.

Tam salúbri terra felix
Irrigáta plúvia,
Ante spinis quae scatébat,
Germinávit flósculos:
Inque néctaris sapórem
Transiére absínthia.

Triste prólinus venénium
Dirus anguis pósuit,
Et cruénta belluárum
Désiit ferócia:

Mitis Agni vulneráti
Haec fuit victória.

O sciéntiae supérnae
Altitúdo impérvia!
O suávitás benigni
Praedicánda pectoris!

Servus erat morte dignus,
Rex luit poenam óptimus.
Quando culpís provocámus
Ultiónem Júdicis,
Tunc loquéntis protegámur
Sánguinis praeséntia;
Ingruéntium malórum
Tunc recédant ágmina.
Te redémpus láudet orbis
Grata servans múnera,
O salutis sempitérnae
Dux, et áuctor ínclite,
Qui tenes beáta regna
Cum Parénte et Spíritu.
Amen.

IN I. NOCTURNO

Ant. Postquam consummá-
ti sunt dies octo, ut circumci-
derétur Puer, vocátum est
nomen ejus Jesus.

Psalmus 2.

Quare fremuérunt gentes, *
et pópuli meditáti sunt inánia?

Astitérunt reges terrae, et
príncipes convenérunt in u-
num * advérsus Dóminum, et
advérsus Christum ejus.

Dirumpámus víncula eórum
* et projiciámus a nobis ju-
gum ipsórum.

Qui hábitat in coelis, irri-
débit eos, * et Dóminus sub-
sannábit eos.

Tunc loquétur ad eos in ira
sua, * et in furóre suo contur-
bábit eos.

Ego áutem constitútus sum

Rex ab eo super Sion montem sanctum ejus: * praedicans praecéptum ejus.

Dóminus dixit ad me: * Filius meus es tu, ego hódie genui te.

Póstula a me, et dabo tibi Gentes haereditátem tuam, * et possessiónem tuam términos terrae.

Reges eos in virga férrea, * et tamquam vas figuli confringes eos.

Et nunc reges intelligite: * erudímini, qui judicátis terram.

Servíte Dómino in timóre: * et exultáte ei eum tremóre.

Apprehéndite disciplinam, nequándo irascátur Dóminus, * et pereátis de via justa.

Cum exárserit in brevi ira ejus, * beáti omnes, qui confidunt in eo.

Ant. Postquam consummáti sunt dies octo, ut circumciderétur Puer, vocátum est nomen ejus Jesus.

Ant. Factus in agonía prolixius orábat; et factus est sudor ejus; sicut guttae Sánguinis decurréntis in terram.

Psalmus 3.

Dómine, quid multiplicáti sunt qui tribulant me? * multi insúrgunt advérsus me.

Multi dicunt ánimae meae, * non est salus ipsi in Deo ejus.

Tu autem Dómine suscéptor meus es, * glória mea, et exáltans caput meum.

Voce mea ad Dóminum clamávi, * et exaudivit me de monte sancto suo.

Ego dormívi, et soporátus sum, * et exurréxi, quia Dóminus suscepit me.

Non timébo míllia pópuli circumdántis me, * exúrge Dómine, salvum me fac Deus meus.

Quóniam tu percussísti omnes adversátes mihisine cáusa, * dentes peccatórum contrivísti.

Dómini est salus, * et super pópulum tuum benedictio tua.

Ant. Factus in agonía prolixius orábat, et factus est sudor ejus sicut guttae Sánguinis decurréntis in terram.

Ant. Judas, qui eum trádidit poeniténtia ductus, rétulit trigínta argénteos, dicens: Peccávi, tradens Sánguinem justum.

Psalmus 15.

Consèrva me Dómine, quóniam sperávi in te, * Dixi Dómino: Deus meus es tu, quóniam bonórum meórum non eges.

Sanctis, qui sunt in terra ejus, * mirificávit omnes voluntátes meas in eis.

Multiplicatae sunt infirmitates eorum, * postea acceleraverunt.

Non congregabo conventicula eorum de sanguinibus, * nec memor ero nominum eorum per labia mea.

Dominus pars hereditatis meae, et calicis mei: * tu es qui restitues hereditatem meam mihi.

Funes ceciderunt mihi in praeclearis, * etenim haereditas mea praeclara est mihi.

Benedicam Dominum, qui tribuit mihi intellectum, * lassuper et usque ad noctem increpuerunt me renes mei.

Providēbam Dominum in conspectu meo semper, * quoniam a dextris est mihi, ne commovear.

Propter hoc laetatum est cor meum, et exultavit lingua mea, * insuper et caro mea requiescet in spe.

Quoniam non derelinques animam meam in inferno: * nec dabis sanctum tuum videre corruptionem.

Notas mihi fecisti vias vitae, adimplēbis me laetitia cum vultu tuo, * delectationes in dextera tua usque in finem.

Ant. Judas, qui eum tradidit poenitentia ductus, retulit triginta argenteos, dicens: Peccavi, tradens Sanguinem justum.

ŷ. Redemisti nos Domine.

ŋ. In Sanguine tuo.

Lectio I.

De Epistola beati Pauli
Apóstoli ad Hebraeos.

Cap. 9.

Christus assistens pontifex futurorum bonorum, per amplius et perfectius tabernaculum non manufactum, idest, non hujus creationis, aeque per sanguinem hircorum aut vitulorum, sed per proprium Sanguinem, introivit semel in sancta, aeterna redemptione inventa. Si enim sanguis hircorum et taurorum, et cinis vitulae aspersione, inquinatos sanctificat ad emundationem carnis; quanto magis Sanguis Christi, qui per Spiritum Sanctum semetipsum obtulit immaculatum Deo, emundabit conscientiam nostram ab operibus mortuis ad serviendum Deo viventi? Et ideo novi testamenti mediator est ut morte intercedente in redemptionem earum praevaricationum, quae erant sub priori testamento repromissionem accipiant qui vocati sunt aeternae hereditatis.

ŋ. Jesus, ut sanctificaret per suum Sanguinem populum, extra portam passus est: * Exeamus igitur ad eum extra castra, improperium ejus portantes.

†. Nondum enim usque ad sanguinem restitistis, adversus peccatum repugnantes. Exeamus.

Lectio II.

Ubi enim testaméntum est, mors necesse est intercédât testatóri. Testaméntum enim in mórtuis confirmátum est. alióquin nondum valet, dum vivit, qui testátus est. Unde nec primum quidem sine ságuine dedicátum est. Lecto enim omni mandáto Legis a Móyse univérso pópulo, accípiens ságuinem vitulórum et hircórum cum aqua et lana coccínea et hyssópo, ipsum quoque librum, et omnem pópulum aspérsit, dicens: Hic sanguis testaménti, quod mandávit ad vos Deus. Etiam tabernáculum et ómnia vasa ministérii ságuine similiter aspérsit. Et ómnia pene in ságuine secúndum legem mundántur; et sine ságuinis effusióne non fit remissio.

℣. Móyses sumptum sanguinem respérsit in pópulum, * Et ait: Hic est sanguis foederis, quod pépigit Dóminus vobíscum.

†. Fide celebrávit Pascha, et ságuinis effusióne, ne qui vastábat primitíva, tangeret eos. Et ait.

Lectio III.

Cap. 10.

Habéntes itaque, fratres, fidúciam in intróitu Sanctórum in Sanguine Christi, quam initiávit nobis viam novam et vivéntem per vélámen, id est, carnem suam, et Sacerdotem magnum super domum Dei, accedámus cum vero corde in plenitúdine fidei, aspérsi corda a consciéntia mala, et ablúti corpus aqua munda, teneámus spei nostrae confessiónem indeclinábilem (fidélis enim est qui repromísit) et considerémus invicem in provocatióne charitátis et bonórum óperum.

℣. Vos, qui aliquándo erátis longe, facti estis prope in Sanguine Christi: * Ipse enim est pax nostra, qui fecit útraque unum.

†. Complácuit per eum reconciliáre ómnia in ipsum, pacíficans per Sanguinem Crucis ejus, sive quae in terris, sive quae in coelis sunt. Ipse enim. Glória Patri Ipse enim.

IN II. NOCTURNO.

Ant. Pilátus volens pópulo satisfácere, trádidit illis Jesum flagéllis caesum.

Psalm. 22.

Dóminus regit me, et nihil mihi déerit, * in loco páscae ibi me collocávit.

Super aquam refectiónis educávit me, * ánimam meam convértit.

Dedúxit me super sémitas justítiae, * propter nomen suum.

Nam, et si ambulávero in médio umbrae mortis, non timébo mala: * quóniam tu mecum es.

Virga tua, et báculo tuus, * ipsa me consoláta sunt.

Parásti in conspéctu meo mensam, * advérsus eos qui tribulant me.

Impinguásti in óleo caput meum, * et calix meus inébríans quam praeclárus est.

Et misericórdia tua subsequétur me, * ómnibus diébus vitae meae.

Et ut inhábitem in domo Dómini, * in longitúdinem diérum.

Ant. Pilátus volens pópulo satisfácere, trádedit illis Jesum flagéllis caesum.

Ant. Videns áutem, quia nihil proficeret, accépta aqua, lavit manus coram pópulo, dicens: Innocens ego sum a Sanguine Justí hujus.

Psalmus 29.

Exaltábo te Dómine, quóniam suscepísti me: * nec delectásti inimícos meos super me.

Dómine Deus meus clamávi ad te, * et sanásti me.

Dómine eduxísti ab inférno ánimam meam, * salvásti me a descendéntibus in lacum.

Psállite Dómino sancti ejus, * et confitémini memóriæ sanctitátis ejus.

Quóniam ira in indignatióne ejus, * et víta in voluntáte ejus.

Ad vésperum demorábitur fletus, * et ad matutínium laetítia.

Ego áutem dixi in abundantia mea, * Non movébor in aetérnum.

Dómine in voluntáte tua, * praestitísti decóri meo virtutem.

Avertísti fáciem tuam a me, * et factus sum conturbátus.

Ad te Dómine clamábo, * et ad Deum meum deprecabor.

Quae utilitas in ságuine meo, * dum descéndo in corruptiódinem?

Numquid confitébitur tibi pulvis, * aut annuntiábit veritátem tuam?

Audívit Dóminus, et mi-
sértus est mei: * Dóminus fa-
ctus est adjutor meus.

Convertisti planctum me-
um in gáudium mihi: * con-
scidisti saccum meum, et cir-
cumedidisti me laetitia.

Ut cantet tibi glória mea,
et non compúgar: * Dómi-
ne Deus meus in aetérnum
confitébor tibi.

Ant. Videns áutem, quia
nihil proficeret, accépta aqua,
lavit manus coram pópulo,
dicens: Innocens ego sum a
Ságuine Justí hujus.

Ant. Et respóndens univér-
sus pópulus, dixit: Sanguis
ejus super nos, et super fi-
lios nostros.

Psalmus 63.

Exáudi Deus orationem
meam cum déprecor: * a ti-
móre inimíci éripe ánimam
meam.

Protexísti me a convéntu
malignántium, * a multítudi-
ne operántium iniquitátem.

Quia exacuérunt ut glá-
dium linguas suas: * inten-
dérunt arcum rem amáram,
ut sagittent in occúltis im-
maculátum.

Súbito sagittábunt eum,
et non timébunt: * firmavé-
runt sibi sermónem nequam.

Narravérunt ut absconde-
rent láqueos: * dixerunt: Quis
videbit eos?

Scrutáti sunt iniquitátes:
* defecérunt scrutántes scru-
tínio.

Accédet homo ad cor al-
tum: * et exaltábitur Deus.

Sagittae parvulórum factae
sunt plagae eórum: * et in-
firmátae sunt contra eos lin-
guae eórum.

Conturbáti sunt omnes qui
vidébant eos: * et tímuit om-
nis homo.

Et annuntiavérunt ópera
Dei: * et facta ejus intelle-
xérunt.

Laelábitur justus in Dó-
mino, et sperábit in eo, * et lau-
dabúntur omnes recti corde.

Ant. Et respóndens uni-
vérsus pópulus, dixit: San-
guis ejus super nos, et super
filios nostros.

ŷ. Sanguis Jesu Christi Fí-
lii Dei.

ŋ. Emúndat nos ab omni
peccáto.

Lectio IV.

Sermo sancti Joánnis
Chrysóstomi.

Vultis Ságuinis Christi
andíre virtútem? redeámus
ad ejus exéplum, et prió-
rem typum recordémur, et
prístinam scriptúram narré-
mus. In Aegypto, nocte mé-
dia, Aegyptiis Deus plagam
decimam minabátur, ut eó-

rum primogénita deperírent, quia primogénitum ejus pópulum detinébant. Sed ne amáta plebs Judaeórum una cum illis periclitaretur, quia unus locus continébat univérsos, remédium discretiónis invéntum est. Proinde exéplum mirábile, ut discas in veritaté virtutem: Ita divínae indignatiónis sperabatur, et domos singulas mórtifer circuibat. Quid igitur Móyses? Occídite, inquit, agnum annículum, et ságuine ejus liníte jánuas. Quid ais Móyses? Sanguis ovis ratió-nálem hóminem liberáre consuévit? Valde, inquit, non eo quod sanguis est, sed quia Domínici Ságuinis per eum demonstrátur exéplum.

n. In timóre incolátus vestri conversámini: * Sciéntes quod non corruptibílibus áuro vel argénto redéempti estis.

γ. Sed pretiósó Ságuine quasi agni immáculati Christi. Sciéntes.

Lectio V.

Nam sicut regnántium stá-tuae, quae sine cáusa sunt et sermóne, nonnúmquam ad se confugiéntibus homínibus, ánima et ratióne decorátis, subveníre consuevérunt, non quia sunt aere conféctae, sed quia rétinent imáginem prin-

cipálem: ita et sanguis ille, qui irrationalis fuit, ánimas habéntes hómines liberávit; non quia sanguis fuit, sed quia huius Ságuinis ostendébat advéntum. Et tunc Angelus ille vastátor, cum linítos postes atque áditus pervidèret, transjécit gressu, et non est áusus intráre. Nunc ergo si viderit inimicus, non póstibus impósitum ságuinem typi, sed fidélium ore lucéntem Ságuinem veritátis Christi, templi póstibus dedicátum, multo magis se súbtrahet. Si enim Angelus cessit exémplo, quanto magis terrébitur inimicus, si ipsam perspéxerit veritátem? Vis et áliam hujus Ságuinis scrutári virtutem? Volo. Unde primum cucúrrit inspicias et de quo fonte manávit. De ipsa primum Cruce procéssit, latus illud Domínicum inítium fuit. Mórtuo enim ait, Jesu, et adhuc in Cruce pendénte, appróximat miles, latus lancea percússit, et exínde aqua fluxit et Sanguis. Unum Baptísmatis symbolum, áliud Sacraménti. Ideo non ait: éxiit Sanguis et aqua; sed exit aqua primum et Sanguis; quia primum Baptísmate dilúimur, et póstea My-stério dedicámur.

n. Empti estis pretio magno: * Glorificáte et portáte Deum in córpore vestro.

γ. Pretio empti estis: nolí-

te fieri servi hóminum. Glorificáte.

Lectio VI.

Latus miles apérui, et templi sancti parietem patefécit. Et ego thesáurum praeclárum invéni, et fulgéntes divítias me grátulor reperire. Sic et de illo agno factum est. Judaei oves occidérunt, et ego fructum de Sacraménto cognóvi. De látere Sanguis et aqua. Nolo tam fáciie, audítor, tránseas tanti secréta mystérii. Restat enim mihi mystica atque secretális orátio. Dixi, Baptísmatis symbolum et Mysteriórum aquam illam et Sánguinem demonstráre. Ex his enim sancta fundáta est Ecclésia per lavácri regenerationem, et renovatió-nem Spíritus sancti. Per Baptísma, inquam, et Mystéria, quae ex látere vidéntur esse proláta. Ex látere igitur suo Christus aedificávit Ecclésiam, sicut de látere Adam ejus conjux Heva proláta est. Nam hac de cáusa Páulus quoque testátur, dicens; De corpore ejus, et de óssibus ejus sumus, latus videlicet illud significans. Nam sicut de illo látere Deus fecit féminam procreári sic et de suo látere Christus aquam nobis et Sánguinem dedit, unde repararétur Ecclésia.

ñ. Comméndat charitátem suam Deus in nobis: * Quóniam cum adhuc peccatóres essémus secúndum tempus, Christus pro nobis mórtuus est.

ÿ. Multo igitur magis nunc justificáti in ságuine ipsius, salvi érimus ab ira per ipsum. Glória Patri. Quóniam.

IN III. NOCTURNO

Ant. Exívit ergo Jesus, portans corónam spíneam, et purpúreum vestiméntum, et dicit eis: Ecce Homo.

Psalmus 73.

Ut quid Deus repulísti in finem: * irátus est furor tuus super oves páscae tuae?

Memor esto congregatiónis tuae, * quam possedísti ab initio.

Redemísti virgam haereditátis tuae; * mons Sion in quo habitásti in eo.

Leva manus tuas in superbias eórum in finem: * quanta malignátus est inimicus in sancto?

Et gloriáti sunt, qui odérunt te, * in médio solemnitatís tuae.

Posuérunt signa sua signa: * et non cognovérunt sicut in éxitu super summum.

Quasi in silva lignórum se-

cúribus exciderunt jánuasejus in idípsum; * in secúri, et áscia dejecerunt eam.

Incenderunt igni sanctuárium tuum: * in terra polluerunt tabernáculum nóminis tui.

Dixerunt in corde suo cognátio eórum simul: * quiescere faciámus omnes dies festos Dei a terra.

Signa nostra non vídimus, jam non est prophéta: * et nos non cognóscet ámplius.

Usquequo Deus, impropérabit inimícus, * irratat adversárius nomen tuum in finem?

Ut quid avértis manum tuam, et dexteram tuam: * de médio sinu tuo in finem?

Deus áutem Rex noster ante saecula: * operátus est salútem in médio terrae.

Tu confirmásti in virtúte tua mare: * contribulásti cápita draconum in aquis.

Tu confregisti cápita draconis: * dedísti eum escam pópulis Aetíhopum.

Tu dirupísti fontes, et torréntes: * tu siccásti flúvios Ethan.

Tuus est dies, et tua est nox: * tu fabricátus es auróram, et solem.

Tu fecísti omnes términos terrae: aetátem et ver tu plasmásti ea.

Memor esto hujus, inimícus impropéravit Dómino, *

et pópulos insípiens incitávit nomen tuum.

Ne tradas béstiis ánimas confitentes tibi: * et ánimas páuperum tuórum ne obliviscáris in finem.

Réspice in testaméntum tuum: * quia repléti sunt, qui obscuráti sunt terrae dómibus iniquitátum.

Ne avertátur húmilis factus confúsus: * páuper et inops laudábunt nomen tuum.

Exúrge Deus, júdica causam tuam: * memor esto impropériórum tuórum, eórum, quae ab insipiénte sunt tota die.

Ne obliviscáris voces inimicórum tuórum: * supérbia eórum, qui te odérunt, ascéndit semper.

Ant. Exívit ergo Jesus, portans corónam spineam, et purpúreum vestimentum, et dicit eis: Ecce Homo.

Ant. Et bájulans sibi crucem, exívit in eum, qui dicitur Calváriae locum, ubi crucifixérunt eum.

Psalmus 87.

Dómine Deus salútis meae, * in die clamávi, et nocte coram te.

Intret in conspéctu tuo orátio mea: * inclína áurem tuam ad precem meam.

Quia repléta est malis áni-

ma mea; * et víta mea inférno appropinquávit.

Aestimátus sum cum descendéntibus in lacum: * factus sum sicut homo sine adjutório, inter mórtuos liber.

Sicut vulneráti dormiéntes in sepúlchris, quorum non es memor ámplius: * et ipsi de manu tua repúlsi sunt.

Posuérunt me in lacu inferióri, * in tenebrósis, et in umbra mortis.

Super me confirmátus est furor tuus: * et omnes fluctus tuos induxísti super me.

Longe fecísti notos meos a me: * posuérunt me abominatiómem sibi.

Tráditus sum, et non egrediébar: óculi mei languérunt prae inópia.

Clamávi ad te Dómine tota die: * expándi ad te manus meas.

Numquid mórtuis fácies mirabilia: * aut médici suscitábunt, et confitebúntur tibi?

Numquid narrábit áliquis in sepúlchro misericórdiam tuam, * et veritátem tuam in perditiónem?

Numquid cognoscéntur in ténebris mirabilia tua, * et justítia tua in terra obliviónis?

Et ego ad te Dómine clamávi: * et mane orátio mea praeveniet te.

Ut quid Dómine repéllis o-

rationem meam: * avértis faciém tuam a me?

Páuper sum ego, et in labóribus a juventúte mea: * exaltátus áutem, humiliátus sum et conturbátus.

In me transiérunt irae tuae: * et terróres tui conturbavérunt me.

Circumdedérunt me sicut aqua tota die: * circumdedérunt me simul.

Elongásti a me amicum et próximum, * et notos meos a miséria.

Ant. Et bájulans sibi Crucem, exívit in eum, qui dicitur Calváriae locum: ubi crucifixérunt eum.

Ant. Ut vidérunt eum jam mórtuum, non fregérunt ejus crura, sed unus mílitum lancea latus ejus aperuit, et continuo exívit Sanguis et aqua.

Psalmus 93.

Deus ultiónum Dóminus: * Deus ultiónum libere egit.

Exaltáre qui júdicas terram: * redde retributiómem supérbis.

Usquequo peccátore Dómine, * usquequo peccátore gloriabúntur?

Effabúntur, et loquéntur omnes qui operántur injustítiam.

Pópulum tuum Dómine humiliavérant: * et haereditátem tuam vexavérunt.

Viduam et advenam interfecerunt: * et pupillos occiderunt.

Et dixerunt: Non vidébit Dóminus, * nec intélliget Deus Jacob.

Intelligite insipientes in pópulo: * et stulti aliquándo sapiíte.

Qui plantávit áurem non audiet? * aut qui finxit óculum, non considerat?

Qui corripit Gentes non arguet: * qui docet hóminem sciéntiam?

Dóminus scit cogitatiónes hóminum: * quóniam vanæ sunt.

Beátus homo, quem tu erudieris Dómine, * et de lege tua docueris eum:

Ut mítiges ei a diébus malis: * donec fodiátur peccatóri fóvea.

Quia non repéllet Dóminus plebem suam: * et hæreditátem suam non derelínquet.

Quoadúsque justítia convertátur in iudícium: * et qui juxta illum omnes qui recto sunt corde.

Quis consúrget mihi adversus malignántes? * aut quis stabit mecum adversus operántes iniquitátem?

Nisi quia Dóminus adjúvit me: * paulo minus habitáset in inférno ánima mea.

Si dicébam: Motus est pes

meus: * misericórdia tua Dómine adjuvábát me.

Secúndum multitudinem dolórum meórum in corde meo: * consolatiónes tuæ laetificavérunt ánimam meam.

Numquid adhaeret tibi sedes iniquitátis: * qui fingis labórem in præcépto?

Captábunt in ánimam iusti: * et ságuinem innocentem condemnábunt.

Et factus est mihi Dóminus in refúgium: et Deus meus in adjutórium spei meæ.

Et reddet illis iniquitátem ipsórum, et in malítia eórum dispédet eos: * dispédet illos Dóminus Deus noster.

Ant. Ut vidérunt eum jam mórtuum, non fregérunt ejus crura, sed unus mílitum láncea latusejus apérui, et continuo exívit Sanguis et aqua, *ŷ.* Christus diléxit nos.

ŕl. Et lavit nos a peccátis nostris in Ságuine suo.

Lectio VII.

Lectio sancti Evangélíi secúndum Joánnem.

In illo témpore cum accepisset Jesus acétum, dixit: Consummátum est: et inclináto cápíte trádidit spíritum. Et réliqua.

Homilia sancti Augustini
Episcopi.

Tract. 120. in Joan.

Vigilanti verbo Evangelista usus est: ut non diceret, Latus ejus percussit, aut vulneravit, aut quid aliud, sed aperuit: ut illic quodammodo vitae ostium panderetur unde sacramenta Ecclesiae manaverunt, sine quibus ad vitam, quae vera vita est, non intratur. Ille Sanguis in remissionem fusus est peccatorum. Aqua illa salutare temperat poculum: haec et lavacrum praestat, et potum. Hoc praenuntiabat, quod Noe in latere arcae ostium facere jussus est, qua intrarent animalia, quae non erant diluvio peritura, quibus praefigurabatur Ecclesia. Propter hoc prima mulier facta de est de latere viri dormientis, et appellata est vita, materque vivorum. Magnum quippe significavit bonum, ante magnum praevaricationis malum. Hic secundus Adam inclinato capite in cruce dormivit, ut inde formaretur ei coniux, quae de latere dormientis effluxit. O mors, unde mortui reviviscunt! Quid isto Sanguine mundius? Quid vulnere isto salubrius?

¶. Hic est, qui venit per aquam, et Sanguinem Jesus Christus: * Non in aqua so-

lum, sed in aqua, et Sanguine. ¶. In die illa erit fons patens domui David, et habitantibus Jerusalem, in ablutionem peccatoris. Non in aqua.

Lectio VIII.

Ex eod. contra Donat.

Tenebantur homines captivi sub diabolo, et daemonibus serviabant. Sed redempti sunt a captivitate. Vendere enim se potuerunt, sed redimere non potuerunt. Venit Redemptor, et dedit pretium. Fudit Sanguinem suum, et emit orbem terrarum. Quae-ritis, quid emerit? Videte quid dederit, et inveniatis quid emerit. Sanguis Christi pretium est. Tanti quid valet? quid, nisi totus orbis? quid, nisi omnes gentes? Valde ingrati sunt pretio suo, aut multum superbi sunt, qui dicunt, aut illud tam parum est, ut solos Afros emerit, aut se tam magnos esse, pro quibus solis illud sit datum. Non ergo exultent, non superbiant. Pro toto dedit, quantum dedit.

¶. Praedestinavit nos Deus in adoptionem filiorum per Jesum Christum: * In quo habemus redemptionem per Sanguinem ejus.

¶. Remissionem peccatorum secundum divitias gratiae ejus, quae superabundat

vit in nobis. In quo. Glória Patri. In quo.

IX. Lectio legitur de Hom. Ferie currentis, deinde Te Denm.

Hoc fest. Praetiosiss. Sanguinis celebratur etiam Dom. prima Julii ut infra; et recitatur hoc idem Offic. et legit. 9. l. de Hom. Dom. occur. sed eo anno, quo contingit transferri extr. Dom. juxta Decr. S. R. C. anni 1849., legit. sequens.

Lectio IX.

Hábit ille sánguinem, unde nos redímeret, et ad hoc accépit sánguinem ut esset, quem pro nobis rediméndis effúnderet. Sanguis Dómini tui si vis, datus est pro te: si nolúeris esse non est datus pro te. Forte enim dicis: Hábit Sanguinem Deus meus, quo me redímeret; sed jam cum passus est, totum dedit: Quid illi remánsit; ut det et pro me? Hoc est magnum, qui semel dedit, et pro ómnibus dedit. Sanguis Christi voléti est salus, noléti supplicium. Quid ergo dúbitas, qui mori non vis, a secúnda pótius morte liberári? Qua liberáris, si vis tóllere crucem tuam, et sequi Dóminum: Quia ille tulit suam, et quaesívit servum. Te Dëum.

AD LAUDES

ET PER HORAS.

Ant. Hi, qui amícti sunt stolis albis, qui sunt, et unde venérunt?

Psalm. 92. Dóminus regnavit, cum reliquis de Dominica

Ant. Hi sunt, qui venérunt de tribulatióne magna, et lavérunt stolas suas in Sanguine Agni.

Ant. Ideo sunt ante thronum Dei, et sérviant ei die ac nocte.

Ant. Et ipsi vicérunt draconem propter Sanguinem Agni, et propter testaméntum Verbi sui.

Ant. Beáti, qui lavant stolas suas iu Sanguine Agni.

Capitulum.

Haebr. 9.
Eratres, Christus assístens Póntifex futurórum bonórum per ámplius et perféctius tabernáculum non manufáctum, id est, non huius creatiόνis, neque per sánguinem hircórum aut vitulórum, sed per próprium Sanguinem introívit semel in sancta, aetérna redemptiódne invénta.

Hymnus.

Salvete Christi vúlnera,
Imménsi amoris pignora,

Quibus perénnes rívoli
 Manant rubéntis Sánguiniis.
 Nitóre stellas vincitis
 Rosas odóre et bálsama,
 Prétio lapíllos índicos,
 Mellis favos dulcédine.
 Per vos patet gratíssimum
 Nostris asyllum méntibus:
 Non huc furor minántium
 Unquam péntrat hóstium.
 Quot Jesus in Praetório
 Flagélla nudus éxcipit!
 Quot scissa pellis úndique
 Stillat cruóris gúttulas!
 Frontem venústam proh do-
 lor!
 Coróna pungit spínea
 Clavi retúsa cúspide
 Pedes manúsque pérforant
 Postquam sed ille trádidit
 Amans volénsque spíritum
 Pectus ferítur láncea
 Geminúsque liquor éxilit.
 Ut plena sit redemptio,
 Sub torculári stringitur,
 Suíque Jesus ímmemor,
 Sibi nil resérvat Sánguiniis,
 Veníte quotquot críminum
 Funésta labes ínficit:
 In hoc salútis bálneo,
 Qui se lavat, mundábitur.
 Summi ad Paréntis délixteram
 Sedénti habénda est grátia,
 Qui nos redémit Sáanguine,
 Sanctóque firmat Spíritu.
 Amen.

Ÿ. Justificáti in Sáanguine
 Christi.

ŕ. Salvi érimus ab ira per
 ipsum.

AD BENEDICTUS

Ant. Erit Sanguis agni vo-
 bis in signum, dicit Dómi-
 nus: Et vidébo Sánguinem,
 et transíbo vos, nec erit in
 vobis plaga dispérens.

ORATIO

Omnípotens sempitérne
 Deus, qui unigénitum Fílium
 tuum mundi Redemptórem
 constituísti, ac ejus Sángui-
 ne placári voluísti: concéde,
 quaesumus, salútis nostrae
 prétium solémni cultu ita
 venerári, atque a praeséntis
 vitae malis ejus virtúte de-
 féndi in terris, ut fructu per-
 pétuo laetémur in coelis. Qui
 tecum vivit etc.

Et fit com. Ferae.

Ad Primam in ŕ. br. Ÿ. Qui
 tuo nos Sáanguine redemísti.

AD TERTIAM

Ant. Hi sunt qui venérunt.
Capitul. Fratres, Christus
 assístens, ut *supra*.

ŕ. br. Redemísti nos Dómi-
 ne. In Sáanguine tuo. Redé-
 misti.

Ÿ. Ex omni tribu, et lingua,
 et pópulo, et natióne. In Sán-
 guine. Glória Patri, Rede-
 misti.

Ÿ. Sanguis Jesu Christi Fí-
 lii Dei.

℟. Emúndat nos ab omni peccáto.

AD SEXTAM.

Ant. Ideo sunt.

Capitul.

Si sanguis hircórum, et taurórum, et cinis vítulæ aspérsus, inquinátos sanctíficat ad emundatióem carnis: Quanto magis Sanguis Christi, qui per Spíritum sanctum semetipsum obtulit immaculátum Deo, emundábit consciéntiam nostram ab opéribus mórtuis ad serviéndum Deo vivénti?

℟. *br.* Sanguis Jesu Christi Fílii Dei * Emúndat nos. Sanguis.

Ÿ. Ab omni peccáto. Emúndat nos. Glória Patri. Sanguis Jesu.

Ÿ. Christus diléxit nos.

℟. Et lavit nos in Sanguine suo.

AD NONAM.

Ant. Beáti.

Capitul.

Accípiens Móyses sánguinem, vitulórum, et hircórum cum aqua et lana coccínea, et hyssópo, ipsum quoque líbrum et omnem pópulum aspérsit, dicens: Hic sanguis

Testaménti, quod mandávit ad vos Deus.

℟. *br.* Christus diléxit nos, et lavit nos; * In Sanguine suo. Christus.

Ÿ. Et fecit nos regnum et sacerdótes Deo et Patri. In Sanguine suo. Glória Patri. Christus diléxit.

Ÿ. Justificáti in Sanguine Christi.

℟. Salvi érimus ab ira per ipsum.

In II. Vesperis.

Omn. ut in prim. et loco ultimi Psalm. dic. Láuda Jerúsalem Dóminum,

Ÿ. Te ergo, quaesumus, tuis fámulis súbveni.

℟. Quos pretióso Sanguine redemísti.

AD MAGNIFICAT.

Ant. Habébitis áutem hunc diem in monuméntum: et celebrábitis eum, solémnem Dómino in generatióibus vestris cultu sempitérno.

Oratio. Omnípotens sempitérne Deus, qui unigénitum ut supra. *Et fit commemorat. Ferieae.*

FERIA VI. POST DOMINICAM
PASSIONIS.

Officium SEPTEM DOLORUM
B. M. V. Duplex majus.

Ad Vesperas, Ant. Vadam ad montem, cum reliquis de Laudibus infra. Psalmus, Crédidi propter quod, cum reliquis ut in Vesperis Off. Pass. Dom. pag. 114.

Cap.

Quis crédidit auditui nostro? et bráchium Dómini cui revelátum est? Et ascéndet sicut virgúltum coram eo, et sicut radix de terra sitiénti.

Isaiae 53.

Hymnus.

Stabat Mater dolorósa
Juxta crucem lacrymósa,
Dum pendébat Fílius.

Cujus ánimam geméntem,
Contristátam, et doléntem
Pertransívit gládus.

O quam tristis, et afflicta
Fuit illa benedícta
Mater Unigéniti!

Quae moerébat et dolébat
Pia Mater dum vidébat
Nati poenas ínclýti.

Quis est homo, qui non
fletet,
Matrem Christi si vidéret
In tanto supplicio?

Quis non posset contristári
Christi Matrem contemplári.
Doléntem cum Fílio?

Pro peccátis suae gentis
Vidit Jesum in torméntis,
Et flagéllis súbditum.

Vidit suum dulcem Natum
Moriéndo desolátum,
Dum emísit spíritum.

Eja Mater fons amóris,
Me sentíre vim dolóris,
Fac, ut tecum lúgeam.

Fac, ut árdeat cor meum
In amándo Christum Deum,
Ut sibi compláceam. Amen.

†. Ora pro nobis Virgo dolorosíssima.

¶. Ut digni efficiámur promissionibus Christi.

Ad Magnificat Ant. Tuam ipsíus ánimam (ait ad Mariám Símeon) pertransíbit gládus.

ORATIO

Deus, in cujus passióne, secúndum Simeónis prophetíam, dulcíssimam ánimam gloriósae Vírginis et Matris Maríae dolóris gládus pertransívit; concéde propítius; ut qui transfixiónem ejus, et passiónem venerádo recólimus, gloriósis méritis, et préciis ómnium Sanctórum Cruci fidéliter asántium intercedéntibus, passiónis tuae effectum felicem consequámur. Qui vivis et regnas.

Deinde fit commemoratio Feriae.

Hymni Compl. et Horar. conclud. cum. †. Jesu tibi sit glória, qui natus es de Vírgine etc.

Ad Matut. Invit. Dolóres
gloriósae recoléntes Virginis,
Dóminum pro nobis passum:
* Veníte adorémus.

Psalm. Veníte exultémus.

Hymnus.

Sancta Mater istud agas,
Crucifixi fuge plagas
Cordi meo válide.

Tui Nati vulneráti,
Tam dignáti pro me pati,
Poenas mecum dívide.

Fac me tecum pie flere,
Crucifixo condolére,
Donec ego víxero.

Juxta Crucem tecum stare,
Et me tibi sociáre,
In planctu desídero. Amen.

IN I. NOCTURNO

Ant. Astitérunt reges ter-
rae, et príncipes convenérunt
in unum advérsus Dóminum
et advérsus Christum ejus.

Psalmus 2.

Quare fremuérunt gentes,*
et pópuli meditáti sunt inánia?

Astitérunt reges terrae, et
príncipes convenérunt in u-
num * advérsus Dóminum, et
advérsus Christum ejus.

Dirumpámus víncula eó-

rum * et projiciámus a nobis
jugum ipsórum.

Qui hábitat in coelis, irri-
débit eos, * et Dóminus sub-
sannábit eos.

Tunc loquétur ad eos in
ira sua, * et in furóre suo
conturbábit eos.

Ego áutem constitútus sum
Rex ab eo super Sion montem
sanctum ejus: * praedicans
praecéptum ejus.

Dóminus dixit ad me: * **F**í-
lius meus es tu, ego hódie gé-
nui te.

Póstula a me, et dabo tibi
Gentes haereditátem tuam, *
et possessiónem tuam térmi-
nos terrae.

Reges eos in virga férrea, *
et tamquam vas figuli confrín-
ges eos.

Et nunc reges intelligite: *
erudímini, qui judicátis ter-
ram.

Servíte Dómino in timóre:
* et exultáte ei cum tremóre.

Apprehéndite disciplínam,
nequándo irascátur Dóminus,
* et pereátis de via justa.

Cum exárserit in brevi ira
ejus, * beáti omnes, qui confi-
dunt in eo.

Ant. Astitérunt reges ter-
rae, et príncipes convenérunt
in unum advérsus Dóminum
et advérsus Christum ejus.

Ant. Voce mea ad Dómi-
num clamávi, et exaudivit
me de monte sancto suo.

Psalmus 3.

Dómine, quid multiplicati sunt qui tribulant me? * multi insurgunt adversum me.

Multi dicunt animae meae, * non est salus ipsi in Deo ejus.

Tu autem Dómine suscéptor meus es, * glória mea, et exáltans caput meum.

Voce mea ad Dóminum clamávi, * et exaudivit me de monte sancto suo.

Ego dormívi, et soporátus sum, * et exurréxi, quia Dóminus suscepit me.

Non timébo míllia pópuli circumdántis me, * exúrge Dómine, salvum me fac Deus meus.

Quóniam tu percussísti omnes adversátes mihi sine cáusa, * dentes peccatórum contrívísti.

Dómini est salus, * et super pópulum tuum benedíctio tua.

Ant. Voce mea ad Dóminum clamávi, et exaudivit me de monte sancto suo.

Ant. Factum est cor meum tamquam cera liquéscens in médio ventris mei.

Psalmus 12.

Usquequo Dómine] obliviscéris me in finem? * Usquequo avértis fáciem tuam a me?

Quámdiu ponam consília in ánimia mea, * dolórem in corde meo per diem?

Usquequo exaltábitur inimícus meus super me? * respice, et exáudi me Dómine Deus meus.

Illúmina óculos meos ne unquam obdórmiam in morte: * Nequándo dicat inimícus meus: * praevalui adversus eum.

Qui tribulant me, exultábunt si motus fúero: * ego autem in misericórdia tua sperávi.

Exultábit cor meum in salutári tuo, cantábo Dómino qui bona tribuít mihi: * et psallam nómini Dómini altíssimi.

Ant. Factum est cor meum tamquam cera liquéscens in medio ventris mei.

†. Pósuit me desolátam.

¶. Tota die moeróre confectam.

De Isaía Prophéta.

Lectio I.

Quis credidit auditui nostro? et bráchium Dómini cui revelátum est? Et ascéndet sicut virgúltum coram eo, et sicut radix de terra sitiéti. Non est spécies ei, neque decor, et vídimus eum, et non erat aspéctus, et

desiderávimus eum. Despéctum, et novíssimum virórum, virum dolórum, et sciéntem infirmitátem: et quasi absconditus vultus ejus et despéctus, unde nec reputávimus eum. Vere lánquóres nostros ipse tulit, et dolóres nostros ipse portávit; et nos putávimus eum quasi leprósum, et percússum a Deo et humiliátum. Ipse áutem vulnerátus est propter iniquitátes nostras, attrítus est propter scélera nostra: disciplina pacis nostræ super eum, et livóre ejus sanáti sumus.

¶ Diléctus meus cándidus, et rubicúndus, et totus desiderábilis; * Omnis enim fígúra ejus amórem spirat, et ad redamándum pròvocat, caput inclinátum, manus expánsæ, pectus apértum.

¶ Piis, o Virgo, spectas eum óculis, contémplans in eo non tam vúlnerum livórem, quam mundi salútem Omnis.

Lectio II.

Omnes nos quasi oves errávimus: unusquisque in viam suam declinávit: et pósuit Dóminus in eo iniquitátem ómnium nostrum. Oblátus est quia ipse vóluit, et non apérui os suum: sicut

ovis ad occisiónem ducétur, et quasi agnus coram ton-dénte se obmuléscet, et non apériet os suum. De angústia, et de judício sublátus est: Generatióem ejus quis enarrábit? quia abscíssus est de terra vivéntium: propter scelus pópuli mei percússi eum. Et dabit ímpios pro sepultúra, et dívitem pro morte sua: eo quod iniquitátem non fécerit, neque dolus fúerit in ore ejus.

¶ Manus ejus tornátiles, clavórum cúspide terebrátæ: * Humánae salútis prétio quasi hyacínthis refértæ.

¶ Córnuum in mánibus ejus: ibi abscondita est fortitúdo ejus: sunt enim manus ejus. Humánae.

Lectio III.

Et Dóminus vóluit contérrere eum in infirmitáte: si pósuerit pro peccáto ánimam suam, vidébit semen longævum, et volúntas Dómini in manu ejus dirigétur. Pro eo quod laborávit ánimam ejus, vidébit, et saturábitur: in sciéntia sua justificábit ipse justus servus meus multos, et iniquitátes eórum ipse portábit. Ideo dispértiam ei plúrimos, et sórtium dívidet spólia, pro eo quod trádedit in mortem ánimam suam,

et cum scelerátis reputátus est, et ipse peccáta multórum tulit, et pro transgressóribus rogávit.

R. Diligébat Jesus Joánnem quóniam speciális praerogátiva castitátis amplióri dilectiône fécerat dignum: * Quia virgo eléctus ab ipso, virgo in aevum permánsit.

Y. In cruce dénique mori-túrus, huic matrem vírginem vírgini commendávit. Quia. Glória Patri. Quia.

IN II. NOCTURNO

Ant. Inimíci mei dixerunt mala mihi: quando moriétur, et peribit nomen ejus.

Psalmus 40.

Beátus qui intélligit super egénium, et páuperem, * in die mala liberábit eum Dóminus.

Dóminus consérvet eum, et vivíficet eum, et beátum fáciat eum in terra, * et non tradat eum in ánimam inimicórum ejus.

Dóminus opem ferat illi super lectum dolóris ejus, * univérsum stratum ejus versásti in infirmitáte ejus.

Ego dixi; Dómine miserére mei, * sana ánimam meam quia peccávi tibi.

Inimíci mei dixerunt mala mihi: * quando moriétur, et peribit nomen ejus?

Et si ingrediebátur, ut víderet, vana loquebátur, * cor ejus congregávit iniquitátem sibi.

Egrediebátur foras, * et loquebátur in idípsum.

Advérsum me susurrábant omnes inimíci mei, * advérsum me cogitábant mala mihi.

Verbum iníquum constituérunt adversum me: * numquid qui dórmit non adjíciet, ut resúrgat?

Etenim homo pacis meae, in quo sperávi, * qui edébat panes meos, magnificávit super me supplantatióem.

Tu áutem Dómine miserére mei, et resúscita me, * et retríbuam eis.

In hoc cognóvi quóniam voluísti me: * quóniam non gaudébit inimícus meus super me.

Me áutem propter innocentiam suscepísti, * et confirmásti me in conspéctu tuo in aetérnum.

Benedíctus Dóminus Deus Israel a saeculo, et usque in saeculum; * fiat, fiat.

Ant. Inimíci mei dixerunt mala mihi, quando moriétur, et peribit nomen ejus?

Ant. Deus vitam meam annuntiávi tibi: posuísti lácrymas meas in conspéctu tuo.

Psalm. 55.

Miserere mei Deus, quóniam conculcávit me homo: * tota die impúgnans tribulávit me.

Conculcavérunt me inimíci mei tota die: * quóniam multi bellántes advérsus me.

Ab altitúdine diéi timébo: * ego vero in te sperábo.

In Deo laudábo sermónes meos, in Deo sperávi, * non timébo quid fáciat mihi caro.

Tota die verba mea ex-crabántur: * advérsus me omnes cogitatiónes eórum in malum.

Inhabitábunt, et abscón-
dent, * ipsi calcáneum meum observábunt.

Sicut sustinuérunt ánimam meam, pro níhilo salvos fá-
cies illos: * in ira pópulos confrínges.

Deus vitam meam annun-
tiávi tibi: * posuísti lácrymas meas in conspéctu tuo.

Sicut et in promissióne tua: * tunc converténtur inimíci mei retrórsum.

In quacúmque die invocá-
vero te: * ecce cognóvi, quóniam Deus meus es.

In Deo laudábo verbum, in Dómino laudábo sermónem: * in Deo sperávi, non timébo quid fáciat mihi homo.

In me sunt Deus vota

tua: * quae reddam, lauda-
tiónes tibi.

Quóniam eripuísti ánimam meam de morte, et pedes meos de lapsu: * ut pláceam coram Deo in lúmine vivén-
tium.

Ant. Deus vitam meam annuntiávi tibi: posuísti lá-
crymas meas in conspéctu tuo.

Ant. Fílii hóminum den-
tes eórum arma, et sagíttae, et lingua eórum gládus acú-
tus.

Psalmus 56.

Miserere mei Deus, mise-
rere mei: * quóniam in te confidit ánima mea.

Et in umbra alárum tuá-
rum sperábo: * donec trán-
seat iníquitas.

Clamábo ad Deum altíssi-
mum: * Deum qui benefécit mihi.

Misit de coelo, et liberávit me: * dedit in oppróbrium conculcántes me.

Misit Deus miséricórdiam suam, et veritátem suam: * et eripuit ánimam meam de médio catulórum leónum: dormívi conturbátus.

Fílii hóminum dentes eó-
rum arma, et sagíttae; * et lingua eórum gládus acú-
tus.

Exaltáre super coelos Deus:

* et in omnem terram glória tua.

Láqueum paravérunt pé-
dibus meis: * et incurvavérunt
ánimam meam.

Fodérunt ante fáciem meam
fóveam: * et incidérunt in
eam.

Parátum cor meum Deus,
parátum cor meum: * can-
tábo, et psalmum dicam.

Exúrge glória mea, exúr-
ge psaltérium et cíthara; *
exúrgam dilúculo.

Confitébor tibi in pópulis
Dómine: * et psalmum dicam
tibi in géntibus.

Quóniam magnificáta est
usque ad coelos misericórdia
tua: * et usque ad nubes vé-
ritas tua.

Exaltáre super coelos Deus:
* et super omnem terram gló-
ria tua.

Ant. Filii hóminum den-
tes eórum arma, et sagíttae,
et lingua eórum gládiús a-
cútus.

Ÿ. Fácies mea intúmuit a
fletu.

ŕ. Et pálpebrae meae ca-
ligavérunt.

Sermo sancti Bernárdi
Abbátis.

Ex Serm. 12. de Stellis.

Lectio IV.

Martyrium Virgínis tam in

Simeónis prophetía, quam in
ipsa Domínicae passiónis hi-
stória commendátur. Pósitus
est hic (ait sanctus senex de
púero Jesu) in signum cui
contradicétur, et tuam ipsius
ánimam (ad Mariám áutem
dicébat) pertransíbit gládius.
Vere tuam, o beáta Mater,
ánimam pertransívit, alió-
quin non nisi eam pertrán-
siens, carnem Filii tui pene-
tráret. Et quidem posteaquam
emísit spíritum tuus ille Je-
sus, ipsius plane non áttigit
ánimam crudélis láncea,
quae ipsius apéruiť latus, sed
tuam útique ánimam per-
transíyit; ipsius nimírum á-
nima jam ibi non erat, sed
tua plane inde nequíbat a-
vélli.

ŕ. Ténébrae factae sunt,
cum crucifixíssent Jesum Ju-
daeí, et circa horam nonam
exclamávit Jesus voce ma-
gna: Deus meus, ut quid de-
reliquísti me? * Et inclináto
cápíte emísit spíritum.

Ÿ. Quis tibi nunc sensus,
dum cernis tália Virgo? Et
inclináto.

Lectio V.

Tuam ergo pertransívit á-
nimam vis dolóris, ut plus-
quam mártýrem non immè-
rito praedicémus in qua ni-
mírum corpóreae sensum

passiónis excésserit compas-
siónis afféctus. An non tibi
plusquam gládus fuit sermo
ille, revéra pertransiens áni-
mam, et pertíngens usque ad
divisióem ánimæ, et spíri-
tus: Múlier ecce filius tuus?
O commutatióem! Joánnes
tibi pro Jesu tráditur, servus
pro Dómino, discípulus pro
Magistro, filius Zebedæi pro
filio Dei, homo purus pro
Deo vero. Quómodo non
tuam affectuosíssimam áni-
mam pertransíret hæc audí-
tio, quando et nostra, licet
sáxea, licet férrea pèctora
sola recondátio scindit?

ñ. Pássio Dómini, * Ipsam
ejus matrem carnáli orbitáte
gráviter percússam, vehe-
mentíssime contristávit.

ÿ. Ferrum lanceæ militá-
ris latus quidem Salvátoris,
ánimam vere transívit Vír-
ginis matris. Ipsam.

Lectio VI.

Non mirémini, fratres,
quod María martyr in áni-
ma fuisse dicátur. Mirétur
qui non meminerit se audi-
visse Paulum inter máxima
Géntium crimina memorán-
tem, quod sine affectiône
fuissent. Longe id fuit a Ma-
ríæ viscéribus, longe sit a

sérvulis ejus. Sed forte quis
dicat; Numquid non eum
praescíerat moritúrum? Et
indubitánte. Numquid non
sperábat contínuo resurre-
ctúrum? Et fidéliter. Super
hæc dóluit crucifixum? Et
veheménte. Alióquin quis-
nam tu frater, aut unde tibi
hæc sapiéntia, ut miréris
plus Mariám compatiéntem
quam Mariæ filium patiéntem?
Ille étiam mori córpo-
re pótuit; ista cómmori cor-
de non pótuit. Fecit illud
cháritas, qua majórem nemo
hábuít: fecit et hoc cháritas,
cui post illam similis áltera
non fuit.

ñ. Quis mihi det te fra-
trem meum sugéntem úbera
matris meae, et inhaerédo
láteri tuo, ut sanguis tuus
sánguinem meum tangat, et
tergat: * Ut fons aquae tuae
de scaturigine recti cordis,
per venas boni óperis, in fi-
nem aetérnae felicitátis exí-
liat?

ÿ. Filii tui de longe véni-
ent, et filiae tuae de látero
surgent. Ut fons. Glória Pa-
tri. Ut fons.

IN III. NOCTURNO

Ant. Intendérunt arcum
rem amáram, ut sagíttent in
occúltis immaoulátum.

Psalms 63.

Exáudi Deus orationem meam cum deprecor: * a timóre inimíci éripe ánimam meam.

Protexísti me a convéntu malignántium, * a multitudíne operántium iniquitátem.

Quia exacuérunt ut gládium linguas suas: * intendérunt arcum rem amáram, ut sagittent in occúltis immaculátum.

Súbito sagittábunt eum, et non timébunt: * firmavérunt sibi sermónem nequam.

Narravérunt ut absconderent láqueos: * dixerunt: Quis vidébit eos?

Scrutáti sunt iniquitátes: * defecerunt scrutantes scrutinio.

Accedet homo ad cor altum: * et exaltábitur Deus.

Sagittae parvulórum factae sunt plagae eórum: * et infirmatae sunt contra eos linguae eórum.

Conturbáti sunt omnes qui vidébant eos: * et tímuit omnis homo.

Et annuntiavérunt ópera Dei: * et facta ejus intellexerunt.

Laetábitur justus in Dómino, et sperábit in eo, * et laudabúntur omnes recti corde.

Ant. Intendérunt arcum rem amáram, ut sagittent in occúltis immaculátum.

Ant. Factus sum sicut homo sine adjutório inter mórtuos liber.

Psalms 87.

Dómine Deus salútis meae, * in die clamávi, et nocte coram te.

Intret in conspéctu tuo oratio mea: * inclína áurem tuam ad precem meam.

Quia repléta est malis ánima mea; * et vita mea inférno appropinquávit.

Aestimátus sum cum descendéntibus in lacum: * factus sum sicut homo sine adjutório, inter mórtuos liber.

Sicut vulneráti dormientes in sepúlchris, quorum non es memor ámplius: * et ipsi de manu tua repúlsi sunt.

Posuérunt me in lacu inferióri, * in tenebrósis, et in umbra mórtis.

Super me confirmátus est furor tuus: * et omnes fluctus tuos induxísti super me.

Longe fecísti notos meos a me: * posuérunt me abominatióne sibi.

Tráditus sum, et non egrediébar: óculi mei languérunt prae inópia.

Clamávi ad te Dómine tota die: * expándi ad te manus meas.

Numquid mortuis facies mirabilia: * aut medici suscitabunt, et confitebuntur tibi?

Numquid narrabit aliquis in sepulchro misericordiam tuam, * et veritatem tuam in perditione?

Numquid cognoscuntur in tenebris mirabilia tua, * et iustitia tua in terra oblivionis?

Et ego ad te Domine clamavi: * et mane oratio mea praeveniet te.

Ut quid Domine repellis orationem meam: * avertis faciem tuam a me?

Pauper sum ego, et in laboribus a juventute mea: * exaltatus autem, humiliatus sum et conturbatus.

In me transierunt irae tuae: * et terrores tui conturbaverunt me.

Circumdedérunt me sicut aqua tota die: * circumdedérunt me simul.

Elongasti a me amicum et proximum, * et notos meos a miseria.

Ant. Factus sum sicut homo sine adiutorio inter mortuos liber.

Ant. Replevit me amaritudine, inebriavit me absinthio.

Psalmus 108.

Deus, laudem meam ne tacueris: * quia os peccatoris,

et os dolosi super me apertum est.

Locuti sunt adversum me lingua dolosa, et sermonibus odii circumdedérunt me: * et expugnaverunt me gratis.

Pro eo ut me diligerent, detrahebant mihi: * ego autem tem orabam.

Et posuerunt adversum me mala pro bonis: * et odium pro dilectione mea.

Constitue super eum peccatorem: * et diabolus stet a dextris ejus.

Cum iudicatur, exeat condemnatus: * et oratio ejus fiat in peccatum.

Fiant dies ejus pauci: * et episcopatum ejus accipiat alter.

Fiant filii ejus orphani: * et uxor ejus vidua.

Nutantes transferantur filii ejus, et mendicent: * et ejiciantur de habitationibus suis.

Scrutetur foenerator omnem substantiam ejus: * et diripiant alieni labores ejus.

Non sit illi adiutor: * nec sit qui misereatur pupillis ejus.

Fiant nati ejus in interitum: * in generatione una deleatur nomen ejus.

In memoria redeat iniquitas patrum ejus in conspectu Domini: * et peccatum matris ejus non deleatur.

- Fiant contra Dóminum semper: et dispereat de terra memória eórum: * pro eo quod non est recordátus fácere misericórdiam.

Et persecútus est hóminem inopem et mendícum, * et compúctum corde mortificáre.

Et diléxit maledictiónem, et véniet ei: * et nóluit benedictiónem, et elongábitur ab eo.

Et induit maledictiónem sicut vestiméntum, * et intrávit sicut aqua in interióra ejus, et sicut óleum in óssibus ejus.

Fiat ei sicut vestiméntum, quo operítur: * et sicut zona, qua semper praecíngitur.

Hoc opus eórum, qui détrahunt mihi apud Dóminum: * et qui loquúntur mala advérsus ánimam meam

Et tu Dómine, Dómine fac mecum propter nomen tuum: * quia suávis est misericórdia tua.

Libera me, quia egénus et páuper ego sum: * et cor meum conturbátum est intra me.

Sicut umbra cum declínat, ablátus sum: * et excússus sum sicut locústae.

Génua mea infirmáta sunt a jejúnio: * et caro mea immutáta est propter óleum.

Et ego factus sum opprobrium illis; * vidérunt me, et movérunt cápita sua.

Adjuva me Dómine Deus meus: * salvum me fac secúndum misericórdiam tuam.

Et sciant quia manus tua haec: * et tu Dómine fecísti eam.

Maledícant illi, et tu benedices; * qui insúrgunt in me confundántur; servus autem tuus laetábitur.

Induántur qui détrahunt mihi, pudóre: * et operiántur, sicut diplóide confusióne sua.

Confitébor Dómino nimis in ore meo: * et in médio multórum laudábo eum.

Quia ástitit a dextris páuperis, * ut salvam fáceret a persequéntibus ánimam meam.

Ant. Replévit me amaritudíne, inebriávit me absynthio.

ŷ. Deus vitam meam annuntiávi tibi.

ñ. Posuísti lácrymas meas in conspéctu tuo.

Lectio Sancti Evangélíi secúndum Joánnem.

Lectio VII.

In illo témpore: Stabant juxta Crucem Jesu Mater ejus, et soror matris ejus María Cléophae, et María Magdaléne. Et réliqua.

Homilía sancti Augustíni Epíscopi.

Haec nimirum est illa hora, de qua Jesus aquam conversurus in vinum dixerat matri: Quid mihi, et tibi est mulier? nondum venit hora mea. Hanc itaque horam praedixerat, quae tunc nondum venerat, in qua debet agnoscere moriturus, de qua fuerat mortaliter natus. Tunc ergo divina facturus, non divinitatis, sed infirmitatis matrem velut incognitam repellēbat; nunc autem humana jam pātiens, ex qua fuerat factus homo, affectu commendēbat humano. Morālis igitur insinuatur locus. Facit quod faciendum admonet, et exemplo suo suos ministros instruxit praecceptor bonus, ut a filiis piis impendatur cura parētib; tamquam lignum illud, ubi fixa erant membra morientis, etiam cathedra fuerit magistri docētis.

¶ Doleo super te, fili mi Jesu, decorus nimis, et amabilis super amorem mulierum: * Sicut enim mater unicū diligit filium, ita ego te diligēbam.

† Defecit in dolore vita mea, et anni mei in gemitibus. Sicut.

8. *Benedictio.* Cujus festum colimus ipsa Virgo etc.

Ex hac sana doctrina didicerat Paulus Apōstolus, quod docēbat, quando dicēbat: Si quis autem suis, et maxime domesticis non prōvidet, fidem negavit, et est infideli detērior. Quid autem tam cuique domesticum, quam parēntes filiis, aut parēntibus filii? Hujus itaque saluberrimi praecēpti ipse Magister Sanctōrum de seipso constituēbat exemplum, quando non ut famulae Deus quam creāverat, et regēbat; sed ut matri homo, de qua creātus fuerat, et quam relinqūebat, alterum pro se quodāmodo filium providēbat.

¶ Eja Mater fons amoris, fac non sentire vim doloris, ut tecum lugeāmus: * Et Dominicae passionis fructum sentiāmus.

† Et sicut filius tuus Jesus pro nobis mortuus est, et resurrexit, ita et nos comortui cum eodem resurgāmus. Et Dominicae. Glōria Patri. Et.

Lectio ix. de Hom. Fer.

AD LAUDES

ET PER HORAS.

Antiph.

Vadam ad montem myrrhæ, et ad collem thuris.

Psalm. Dóminus regnávít,
cum reliquis de Dom.

Ant. Diléctus meus cándi-
dus, et rubicúndus: comae
cápitis ejus sicut púrpura Re-
gis vineta canálibus.

Ant. Quo ábiit diléctus
tuus, o pulchérissima mulie-
rum? quo diléctus tuus decli-
návít?

Ant. Fascículus myrrhae
diléctus meus mihi; inter ú-
bera mea commorábitur.

Ant. Fulcíte me flóribus,
stipáte me malis, quia amó-
re lángueo.

Cap.

Isai. 53.

Quis crédidit auditui no-
stro, et bráchium Dómini cui
revelátum est? Et ascéndet
sicut virgúltum coram eo, et
sicut radix de terra sitiénti.

Hymnus.

Virgo vírginum praeclára,
Mihi jam non sis amára,
Fac me tecum plángere.

Fac ut portem Christi mor-
tem,

Passiónis fac consórtem,
Et plagas recólere.

Fac me plagis vulnerári,
Fac me Cruce inebriári,
Et cruóre Filii.

Flammis ne urar succén-
sus,

Per te, Virgo, sim defénsus
In die judicii.

Christe, cum sit hinc e-
xíre,

Da per Matrem me veníre
Ad palmam victóriæ.

Quando corpus moriétur,
Fac ut ánimæ donétur
Paradísi glória. Amen.

Ÿ. Ora pro nobis Virgo do-
lorosíssima.

ñ. Ut digni efficiámur pro-
missiónibus Christi.

Ad Benedictus, Ant. Cum
vidísset Jesus matrem stan-
tem juxta crucem, et discí-
pulum, quem diligébat, dicit
matri suae: Múlier, ecce fi-
lius tuus; deínde dicit discí-
pulo: Ecce mater tua.

ORATIO.

Deus, in cujus passióne, se-
cúndum Simeónis prophe-
tíam, dulcissimam ánimam
gloriósae Vírginis et Matris
Maríae dolóris gládus per-
transívit: concéde propítius;
ut qui transfixiónem ejus, et
passiónem venerádo recóli-
mus, gloriósis mèritis, et pré-
cibus ómnium Sanctórum
Cruci fidéliter astántium in-
tercedéntibus, passiónis tuæ
efféctum felicem consequá-
mur. Qui vivis et regnas.

Deinde fit comm. Feriae.

AD PRIMAM.

In ñ. brevi dicitur.

Ÿ. Qui passus es pro hómine.

AD TERTIAM

Ant. Diléctus meus.

Cap. Quis crédidit, ut supra.

ñ. br. Pósuit me, * Desolátam. Pósuit me.

Ÿ. Tota die moeróre conféctam. Desolátam. Glória Patri. Pósuit.

Ÿ. Fácies mea intúmuit a fletu.

ñ. Et pálpebrae meae caligavérunt.

AD SEXTAM.

Ant. Quo ábiit diléctus tuus.

Capitulum.

Ipsa. 53.
Ipse vulnerátus est propter iniquitátes nostras, attrítus est propter scélera nostra. Disciplína pacis nostrae super eum, et livóre ejus sanáti sumus.

ñ. br. Fácies mea * Intúmuit a fletu. Fácies.

Ÿ. Et pálpebrae meae caligavérunt. Intúmuit. Glória Patri Fácies.

Ÿ. Deus vitam meam annuntiávi tibi.

ñ. Posuísti lácrymas meas in conspéctu tuo.

AD NONAM

Ant. Fulcíte me flóribus.

Capitul.

Generatióem ejus quis enarrábit? quia abscíssus est de terra vivéntium; propter scelus pópuli mei percússi eum.

ñ. brev. Deus vitam meam: * Annuntiávi tibi. Deus.

Ÿ. Posuísti lácrymas meas in conspectu tuo. Annuntiávi. Glória Patri. Deus.

Ÿ. Ora pro nobis Virgo dolorosíssima.

ñ. Ut digni efficiámur promissionibus Christi.

In secundis Vesperis, omnia ut in primis. praeter sequentia.

Ad Mag. Ant. Cum vidisset Jesus matrem stantem juxta Crucem, et discípulum, quem diligébat, dicit matri suae: Múlier, ecce filius tuus. Deínde dicit discípulo: Ecce mater tua.

Oratio. Deus in cujus passióne, ut supra.

Et fit. commemor. Feriae occurrentis.

DIE I. MARTII ASS.

In Festo B. VILLANAE DE BOT-
TIS. FL. nec Virg. nec Mart.
Ord. Praed. Duplex.

ORATIO

Deus, qui Beátam Villánam

fámulam tuam a mundi illécebris revocatam per omnes poeniténtiae, et humilitátis sémitas transíre fecísti: illius intercessióne concéde, ut reátus nostri conféssio indulgéntiam tuam váleat inveníre. Per Dóminum etc.

Lectioes primi Nocturni de Com. nec Virg. nec Mart. Extra Quadrag. de Scriptura occurr.

IN II. NOCTURNO.

Lectio IV.

Villána sub inítium saeculi décimi quarti ex honésta Família de Bottis Floréntiae orta ab unguículis coeléstium desidériis, ac summae poeniténtiae opéribus únice se adíctam exhibuit. Hinc ad coeléstem Sponsum fervénter anhélaus domo aufúgit, ut in sacrárum Vírginum collégium semetípsam ábderet. Sed frustra, quia divínae Misericórdiae divítiae super eam látiús patére debébant. Ideoque patris voluntáte matrimónio quamvis relúctans nupta, saeculi vanitátibus, et pompis indúlgens ab inchoátæ spirituális vitae ratióne paulisper desléxit. Verum errántem ovem bonus pastor Jesus períre nolens, dum ipsa sese studiósius ornáret, sui-

que vultus venustátem in spéculo contemplarétur, effécit, ut horribilem in illo daemonis figúram íterum íterúmque conspíceret. Quo visu sui spíritus foeditátem agnóscens, ac summópere detérrita, abjéctis illico pretiósis véstibus, monilibúsque, húmili amíctu ad Fratres praedicatóres sanctae Maríae Novéllae convolávit, et ingénti lacrymárum imbre, praeléritas ánimaе sordes ábluit.

n. Propter veritátem etc.

Lectio V.

Hac mutatióne dexterae Excélsi, Villána ut tempus redímeret, totam se jejúniis oratióibus cújusque géneris expiatióibus, rerúmque periturárum contéptui dedit. Nedum autem intermíssum prístinae spirituális vitae gressum fervéntius reassúmpsit; sed breví étiam tanto divíni amóris aestuávit igne, melioribúsque charismátibus fuit dignáta, ut saepius in éxstasim raperétur, praesértim divíni Sacrificii témpore, et cum léctio, vel sermo de spirituálibus haberétur. Admónita vero, ut austeritátibus modum impóneret, respondébat, talem esse divíni

amóris, quam experiebátur, dulcédinem, ut corporális cibus ei esset fastídio. Tanta in páuperes charitáte flagrávit, ut nonnisi in obséquium paréntum, et maríti, stipem pro iisdem ostiátim peténdi consílium deposúerit. Ut Fílio Dei Crucifixo perféctius conformarétur, injúriæ, calúmnia, contumélia, diutúrna, gravésque infirmitates, ac daemonum insúltus, et insídiæ illi non defuere. Quæ ómnia ádeo fórtiter tolerávit, ut plura addi veheménter optáret.

n. Dilexisti justítiam etc.

Lectio VI.

His, aliisque poeniténtiæ, fortitúdinis, ac omnímódæ pietátis opéribus coelitum apparitiónibus, et collóquiis frui, supernaturálibus splendóribus illius cubículum perfúndi, spiritúque prophetiæ insigníri plúries, pluriésque Villánam promeruísse pro certo tráditur. Tandem cum tempus properáret, ut tantárum virtútum præmia percíperet, viribus córporis exhausta, invidi hostis ártibus delúsis, Ecclesiæ Sacraméntis summa devotióne percéptis: dnm Christi pássio, uti exoptáverat, sibi legerétur, ad

ea verba: et inclináto cápite emísit spíritum: mánibus ad modum crucis supra pectus compósitis, prætiósam emávit ánimam anno millésimo trecentésimo sexagésimo. Ejúsdem corpus hábitu tértii Ordinis sancti Domínici amictum coeléstí fragrans odóre, tanta pópuli devotióne coli coepit, ut per mensem, et ultra in templo sanctæ Mariæ Novéllæ recóndi non posset, cunctórum admiratióné, pluribúsque illius vestes frustrátim decerpéntibus. Ejusétiam sanctitátem, et glóriam in coelis, váriis prodigiis testátam fuisse illius aevi monuménta ferunt. Unde non mirum si cultus eidem tot sæculórum decúrsu præstitus, magis, magisque in dies ad hæc usque témpora créverit. Quibus rite cógntis, et probátis, Leo Duodécimus Póntifex Máximus ex sacrórum rítuum Congregatiónis consúlto officium, et missam in beátæ Villánae honórem ab órdine Praedicatórum, et utróque Clero Florentínae Dioecésis celebrári benigne indúlxit.

n. Fallax grátia et vana est pulchritúdo etc.

In III. Nocturno Homilia in Evangel. Símile est regnum caelórum thesáuro etc. ut in Comuni.

DIE II. MARTII ASS.

*Translatio S. ANTONINI
ARCH. FL. C. Duplex.*

*In I. Noct. Lectiones Fidé-
lis sermo, extra Quadrag. de
Scr. occ, in II. et III. Noct.
de Com. ex 2. loco, Oratio
Exaudi et dicit. Translatiōe.*

DIE VIII. MARTII.

*In Festo S. JOANNIS DE DEO
Conf. dupl. Omnia de Com.
Conf. non Pontif. praeter
ea, quae hic assignantur.*

ORATIO.

Deus, qui beatum Joannem
tuo amore succensum inter
flamas innoxium incedere
fecisti, et per eum Ecclesiam
tuam nova prole foecundá-
sti; praesta, ipsius suffragán-
tibus méritis, ut igne chari-
tátis tuae vitia nostra curén-
tur, et remédia nobis aetér-
na provéniant. Per Dómi-
num.

*In I. Noct. Lectiones de li-
bro Ecclesiastici, Beátus vir,
de Communi Confessor. non
Pont. 2. loco, extr. Quadr. de
Scr. occ.*

IN II. NOCTURNO

Lectio IV.

Joáñnes de Deo ex cathóli-
cis piisque paréntibus in óp-

pido Montis Majóris junióris
regni Lusitániae natus, quam
sublímiter in sortem Dómi-
ni fúerit eléctus, insuétus
splendor super ejus domo re-
fulgens, sonitúsque aeris cam-
páni sua sponte emissus ab
ipso ejus nativitatís témpore
non obscuré praenuntiáru[n]t.
A laxióri vivé[n]di ratióne,
divína operánte virtúte revo-
cátus, magnae sanctitátis ex-
hibére spécimen coepit, et ob
audítam praedicatió[n]em ver-
bi Dei sic ad melióra se ex-
citátum sensit, ut jam ab
ipso sanctióri[s] vitae rudi-
mé[n]to consummátum áliquid
perfectúmque visus sit atti-
gisse. Bonis ómnibus in páu-
peres cárceribus inclúsos e-
rogátis, admirábilis poenitén-
tiae, suíque ipsius contém-
ptus cuncto pópulo spectácu-
lum factus, a plerisque ceu
demens grávit[er] afflíctus in
cárcerem améntibus destiná-
tum conjícitur. At Joáñnes
coelésti charitáte magis in-
census, gémino atque amplo
valetudinário ex piórum ele-
mósynis in civitáte Granatén-
si extrúcto, jactóque novi
Ordinis fundamé[n]to, Ecclé-
siam nova prole foecundávit
Frátrum Hospitalitátis, infir-
mis praecláro animárum, cor-
porúmque proféctu inser-
viéntium, et longe latéque
per orbem diffusórum.

n]. Honéstum fecit etc.

Lectio V.

Paupéribus aegrótiis, quos própriis quandóque húmeris domum deferébat, nulla re ad ánimae, corporisq[ue] salutem proficua déerat. Effúsa quoque extra nosocomíum charitáte, indigéntibus muliéribus víduis, et praecipue virgínibus periclitántibus clam aliménta subministrábat, curámque indefessam adhibébat, ut carnis concupiscéntiam a próximis hujúsmodi vítio inquinátis extermináret, Cum autem máximum in régio Granaténsi valetudinário excitátum fuisset incéndium, Joánnes impávidus prosiliit in ignem, huc illuc discúrrens, quoúsque tum infirmos húmeris exportátos, tum lectulos e fenéstris projectos ab igne vindicávit, ac per dimídiam horam inter flammás jam in imménsum succrescéntes versátus, exínde divínitus incólumis, univér-sis cívibus admirántibus, exívit; in schola charitátis édocens, segniórem in eum fuisse ignem, qui foris ússerat, quam qui intus accénderrat.

n]. Amávit eum etc.

Lectio VI.

Múltiplici asperitátum gé-

nere, demissíssima obediéntia, extrémá paupertáte, orándi stúdio, rerum divinárum contemplatióne, ac in Beátam Víginem pietáte mirífice excélluit, et lacrymárum dono eníuit. Dénique gravi morbo corréptus, ómnibus Ecclésiæ Sacraméntis rite sanctéque reféctus, víribus licet destitútus, própriis indútus véstibus, e lectulo surgens, ac provolútus in génua, manu et corde Christum Dóminum e cruce pendéntem perstrín-gens, octávo Idus Mártii anno millésimo quingentésimo quinquagésimo óbiit in ósculo Dómini, quem étiam mórtuus tenuit, nec dimísit, et in eadém cörperis constitutióne sex circiter horas, quoúsque inde dimótus fuisset, tota civitate inspectánte, mirábiliter permánsit, odórem mire fragrantem diffúndens. Quem ante, et post óbitum plúrimis miráculis clarum, Alexánder octávus Póntifex Máximus in Sanctórum númerum rétulit.

n]. Iste homo etc.

IN III. NOCTURNO

Léctio sancti Evangélii secúndum Matthaeum.

Lectio VII.

Cap. 22. d.
In illo témpore; Accessérunt

ad Jesum Pharisei, et interrogavit eum unus ex eis legis doctor tentans eum: Magister quod est mandatum magnum in Lege? Et reliqua.

Homilia Sancti Joannis
Chrysostomi.

Hom. 72. in Matth.

Sadducaeis confusis, Pharisei rursus aggrediuntur: cumque quiescere oporteret, decertare voluerunt; et legis peritiam profitentem praemittunt, non discere, sed tentare cupientes, ac ita interrogant: Quodnam primum mandatum in lege sit? Nam cum primum illud sit, Diliges Dominum Deum tuum, putantes causas sibi allaturum ad mandatum hoc corrigendum, aliquid addendo, quoniam Deum se faciebat, hoc modo interrogant: Quid igitur Christus? Ut ostendat idcirco ad haec eos devenisse, quia nulla in eis esset charitas, sed invidiae livore tabescerent: Diliges, inquit, Dominum Deum tuum; hoc primum, et magnum mandatum est. Secundum autem simile huic: Diliges proximum tuum, sicut teipsum.

n. Iste est etc.

Lectio VIII.

Quamobrem simile est huic?

quoniam hoc illud inducit, et et ab illo rursus munitur. Quicumque enim male agit, odio habet lucem, et non venit ad lucem. Et rursus: Dixit insipiens in corde suo, non est Deus. Deinde sequitur: Corrupti sunt, et abominabiles facti sunt in studiis suis. Et iterum: Radix omnium malorum avaritia est; quam quidam appetentes, erraverunt a fide. Et qui: diligit me, mandata mea servabit: quorum caput et radix est, Diliges Dominum Deum tuum et proximum tuum sicut teipsum.

n. Sint lumbi etc.

Si hoc Festum venerit in Quadragesima, nona Lectio legitur de Homilia Ferae occurrentis, et de ea fit commemoratio.

Lectio IX.

Si ergo diligere Deum, diligere proximum est, (nam si diligis me, o Petre, inquit pasce oves meas:) si etiam dilectio proximi facit, ut mandata custodias; merito ait in his totam Legem, et Prophetas pendere. Et quemadmodum in superioribus, cum de resurrectione interrogaretur, plus docuit, quam

tentantes pelébant: sic in hoc loco de primo interrogátus mandáto, secúndum étiam non valde quam primum inférius sponte áttulit: secúndum enim est primo símile. Ita occúlte insinuávit, ódio illos ad quaeréndum incitári. Cháritas enim, inquit, non aemulátur.

Te Deum.

In secundis Vesp. a cap. de S. Franoisca Romana cum com. S. Joannis, et fer.

DIE XI. MARTII ASS.

EX IX. HUI.

In Festo S. CATHARINAE VIRG. de Bononia. Ordinis Sanctae Clarae. Duplex.

Omnia de Communi Virg. exceptis iis, quae hic habentur propria.

ORATIO.

Concéde, nos fámulos tuos Deus beátae Catharinae Virginis suffrágiis adjuvári, cuius odóre unguentórum trahimur ad tua Sancta laetantes. Per Dóminum etc.

In primo Nocturno si venter. in Quadr. Lectiones De Virginibus, ut in Communi

Virginum, extra Quadr. de Script. occur.

IN II. NOCTURNO.

Lectio IV.

Catharina Virgo Bononiae nobilibus Paréntibus Joánnē Ferrariénsi ex illústri Vigirorum Família, et Benvenúta Bononiénsi orta est. Hanc Beáta Dei Génitrix María Patri per visum praenunciávit in Festo Nativitátis suae véluti fulgentíssimum solem nascitúram. Quare ab incunábulis Dei benedictióne praevénta, vitae innocéntiam cum pietáte perpétuo servávit. Vigesimum annum agens a Matre Ferrariam perdúcta in in monastério Córporis Christi religiósus Sanctae Clarae hábitum sumpsit. Quo in loco, ut lampas ardens, coeteris splendescere, et virtutum ómnium spécimen praebere coepit. Humílitas tanta ei ínerat, ut vilióra semper, et lácera indúmenta cáperet, abjectióra officia exhibéret. Charitáte erga omnes afficiebátur máxima. Nil vitábat, nil praetermittébat, quin fovéret omnes, sublevarétque praesértim infirmas. in quibus moniális caput sánie tabefáctum, nedum contíngere,

et manibus abstergere, sed et lingua lingere saepius non horruerit.

¶. Propter veritatem.

Lectio V.

Assiduo sponsi sui amore flagrans summa spiritus dulcedine potiebatur. Quare arcana cordium, et secreta coelestia saepe ei sunt revelata. Cui et sanctus Thomas Cantuariensis manum deosculandam, et beatus Franciscus Stigmata visenda aliquando praeberunt. Animam Joannis Episcopi Ferrariensis in coelum euntem, veluti stellam coruscantem, moniali quae tunc aderat, ostendit. Aliquando in Missa, dum sacerdos praefationem perficeret, Angelorum concentum ter sanctus canentium mira suavitate audivit, qui si diutius, ut ipsa retulit, perdurasset, proculdubio corpore resoluta foret. Fratrem in viam salutis reduxit. Sororis animam in coelum euntem vidit; multa prophetico spiritu praedixit.

¶. Dilexisti iustitiam.

Lectio VI.

Cum autem Bononienses e-

tiam fama sanctitatis ejus permoti, monasterium Bononiae in honorem Corporis Christi erexissent, ex Ferrariensi monasterio beata Catharina una cum quindecim monialibus Bononiam, ut illud monasterium regeret, mittitur. Quod quidem illa, et virginum numero, et regulari disciplina auxit. Cumque octo, et viginti annos adversa valetudine probata, postrimum diem sibi imminere praevideret, convocatis sororibus monita salutis dedit. Sumptis deinde Sacramentis, invocato Jesu Nomine beatam efflavit animam quinquagesimo aetatis suae anno. Honorifice sepulto ejus corpore mirificus odor e sepulchro fragrare coepit, et illuc concurrentes plurimi infirmi sanati sunt. Post dies decem, et octo exhumatum corpus inventum est incorruptum, et magno odore fragrans; quod in Ecclesiam delatum ibi religiose asservatur integrum, et multis clarum miraculis. Eam vero Clemens Undecimus solemni ritu sanctorum catalogo adscripsit.

¶. Afferentur Regi.

In tertio Nocturno. Homilia S. Gregorii in Evang. Simile erit Regnum coelorum decem virginibus, ut in Comuni

virginum. Si venerit in Quadr.
Nona Lectio dicitur de Homi-
lia Feriae occ. et de ea fit
commemoratio.

DIE XIV. MARTII ASS.

In Festo B. M. V. DE SUC-
CURSU Duplex Majus.

Omnia ut in Festo S. Ma-
riae ad Nives, praeter sequent.

ORATIO.

Omnípotens et miséricors
Deus, qui ad succurréndum
humáno géneri Beátam Ví-
ginem Mariám Unigéniti Fílii
tui Matrem esse voluísti: da
nobis, quaesumus, ut ea inter-
cedénte, diabólica vitáre con-
tágia, et sincéra tibi mente
servíre valeámus. Per eúm-
dem.

IN I. NOCTURNO

Lectioes, Ego Sapiéntia etc.
ut ad Nives.

IN II. NOCTURNO

Lectio IV.

Serm. S. Thom. Ep.
Valéntini.

De Assumpt. Virg.

Maria est Turris fundáta
supra firmam petram in
móntibus sanctis immóbili

fundáméto: síquidem Deus
in médio ejus non commo-
vébitur. De hac Vírgine in
Cánticis légitur; Sicut Turris
David, quae aedificáta est cum
propugnáculis, mille clypei
pendent ex ea, omnis armatú-
ra fórtium. Vere Turris David,
illíus, inquam, David qui su-
pérbum Góliath quinque lapí-
dibus de torrén-te, idest quin-
que vulnéribus, et Crucis bá-
culo gloriántem in Calváriae
monte prostrávit. Facta est
haec Turris Ecclesiae propu-
gnáculum, et peccatórum ú-
nicum refúgium, ut ad ipsam
confúgiant omnes rei, omnes
moesti, omnes afflícti, et ea
protegénte liberéntur ab hoste.
O homo, in quacúmque tri-
bulatióne ad Mariám fuge,
sive peccátis afflíctus, sive
persecutióibus attrítus, sive
tentatióibus turbátus, hanc
Turrim pétito, ad Mariám
confúgito. Mille enim clypei
pendent ex ea, et contra om-
nem aestum tribulántis, et ad
omnem faciém persequéntis
daemonis tutíssimum in ea
clypeum invénies, quo te prò-
tegas.

¶. Sicut cedrus exaltáta
sum in Libáno, et sicut cy-
préssus in monte Sion: quasi
myrrha elécta * dedi suavitá-
tatem odóris.

¶. Et sicut cinnamómum, et
bálsamum aromatízans. Dedi.

Lectio V.

Ibi est enim omnis armatura fortium, ibi fides Apostolorum, ibi fortitudo martyrum, ibi puritas virginum doctorem sapientia, anachoritarum paupertas, devotio confessorum: ibi denique omnium sanctorum virtus agglomerata reperitur. Nihil enim umquam alicui Sanctorum speciali privilegio concessum est, quod non a principio vitae, et cumulatius praesulgeat in Maria. Ecce castellum fortissimum, ecce turrim inexpugnabilem, quae numquam diabolo praestitit tributum, ac fidem. Hanc intravit Jesus, quando Verbum caro factum est, et habitavit in nobis: ideo inimicos expugnaturus, et regnum suum recuperaturus, in quo ab initio daemon fuerat intrusus.

¶. Quae est ista, quae processit sicut sol, et formosa tamquam Jerusalem? Vidérunt eam Filiae Sion, et beatam dixerunt, et reginae laudaverunt eam:

¶. Et sicut dies verni circumdabant eam flores rosarum, et lilia convallium. Vidérunt.

Lectio VI.

Elécta est, ut esset Advocata nostra. Nam licet Advocatum habemus apud Patrem,

Filium, ut ait Joannes; opus etiam fuit habere Matrem Advocatam apud Filium. Nam peccatis nostris non solum Deus offénditur, cujus praecepta violamus; sed et Filius Dei, cujus sanguinem peccando conculcámus, rursus crucifigentes Filium Dei; et ideo sicut apud Patrem interpéllat Filius; sic apud Filium interpéllat Mater. Unde Filius osténdit Patri latus, et vulnera, et Mater osténdit Filio pectus, et úbera; unde facta est idónea Advocata: idónea quia puríssima: idónea, quia acceptíssima, idónea, quia piíssima: haec enim omnia ad Advocatam requiruntur. Eja ergo Advocata nostra illos tuos misericordes oculos ad nos converte; ad te in nostris necessitatibus accurrimus, tuum officium imple, tuum opus exerce.

¶. Ornátam monilibus Filiam Jerusalem Dominus concupivit: Et vidéntes eam Filiae Sion beatíssimam praedicaverunt, dicéntes: Unguentum effusum nomen tuum.

¶. Astitit regina a dextris tuis in vestitu deaurato, circumdata varietate.

Et vidéntes. Glória Unguentum.

IN III. NOCTURNO

Lectio sancti Evangelii secundum Joannem.

Lectio VII.

In illo tempore: Stabant juxta Crucem Jesu Mater ejus, et soror matris ejus Maria Cleophae, et Maria Magdalene. Et reliqua.

Homilia Sancti Augustini Episcopi.

Tract. 110. in Joannem.

Haec nimirum est illa hora de qua Jesus aquam conversurus in vinum dixerat matri: Quid mihi, et tibi est mulier? nondum venit hora mea. Hanc itaque horam praedixerat, quae tunc nondum venerat, in qua deberet agnoscere moriturus, de qua fuerat mortaliter natus. Tunc ergo divina facturus, non divinitatis, sed infirmitatis matrem velut incognitam repellabat. Nunc autem humana jam patiens, ex qua fuerat factus homo, affectu commendabat humano. Moralis igitur insinuatur locus. Facit quod faciendum admonet, et exemplo suo suos ministros instruxit praecceptor bonus, ut a filiis piis impendatur cura parentibus; tamquam lignum illud, ubi fixa erant membra morientis, etiam cathedra fuerit magistri docentis.

R. Felix namque es sacra virgo Maria, et omni laude dignissima: * Quia ex te ortus est sol justitiae, Christus Deus noster.

Y. Ora pro populo, interveni pro clero, intercede pro devoto femineo sexu: sentiant omnes tuum juvamen, quicumque celebrant tuam sanctam festivitatem. Quia ex te.

Benedictio. Cujus festum colimus ipsa Virgo etc.

Lectio VIII.

Ex hac sana doctrina didicerat Paulus Apostolus, quod docebat, quando dicebat: Si quis autem suis, et maxime domesticis non providet, fidem negavit, et est infideli deterior. Quid autem tam cuique domesticum, quam parentes filiis, aut parentibus filii? Hujus itaque saluberrimi praecipti ipse Magister Sanctorum de seipso constituabat exemplum: quando non ut famulae Deus, quam creaverat, et regerat; sed ut matri homo, de qua creatus fuerat, et quam relinquebat, alterum pro se quodammodo filium providebat.

R. Beatum me dicent omnes generationes: * Quia fecit mihi Dominus magna qui potens est, et sanctum nomen ejus.

†. Et misericórdia ejus a
progénie in progénies timén-
tibus eum. Quia. Glória.
Quia.

*Lectio IX. Homil. de fer.
curr.*

DIE XVI. MARTII

*In Festo B. TORELLI Eremitae
Ordinis Vallisumbrosae.
Duplex.*

ORATIO

Quaesumus Omnípotens De-
us, ut quibus fidúciám spe-
rándae pietátis indúlges, in-
terveniente beáto Torélló
Confessóre tuo, véniam lar-
giáris, et pacem. Per Dómi-
num.

IN I. NOCTURNO.

Beátus vir, qui invéntus
est etc. *de Com. Conf. non
Pont. 2. loco.*

IN II. NOCTURNO.

Lectio IV.

Toréllus Púpii in Etrúria
ex nóbili Torélla família, ut
fertur, progénitus, adolescens
patre orbátus, vitam laxáto
in voluptátes fraeno, lasci-

vam ducens, juventúlis decó-
rem liberáliter, ac religiósé
sub patérna disciplína pri-
dem institútæ, foede commu-
távit. Quadam vero die cum
gallus e fenestra super ejus
húmeros, quasi ad poenitén-
tiam excitáturus advoláset,
ílicco super ipsum manus Dei
facta est, ac ingénti culpárum
suárum dolore concépto, in
virum álterum convérsus e-
vásit. Quare Abbátem sancti
Fidélis Ordinis Vallisumbró-
sae ádiens, hábitum Eremí-
ticum ab eo impetrávit, ac
in solitúdinem milliário a
Púpio distántem seréssit, in
locum, qui ob avellanárum
còpiam, Avellanétum nuncu-
pátur: ubi célula cum Ora-
tório constrúcta, contínuos
sexaginta annos in perpétuo
poeniténtiae luctu vitam om-
ni austeritátum génere aspér-
rimam, sed coeléstium medi-
tatione suávem transégit.

n. Honéstum fecit.

Lectio V.

Coeléstí grátia confortátus,
ut carnem suam in servitú-
tem redígeret, pelle agrésii
induebátur, sètulis ádeo hór-
rida, ut corpus dilaceráret.
Léctulus nuda humus, ac cer-
vical saxum, aut lignum prae-
bébat, ac férrea caténa se

usque ad sánguinis effusióne diverberáre consuévít. Abstinentia fuit singulári; nam pane, et aqua dumtaxat reficiebátur, et aliquándo bídum transégít sine ullo cibo; sed post annos trigínta ob magnam córporis debilitátem, herbis ac módico vino uti compúlsus est.

℣. Amávit eum.

Lectio VI.

Cum áutem ad octogésimum aetátis annum pervénisset, ab Angelo futúrac mortis admónitus, percéptis rite sacrosántis Mystériis migrávit ad Dóminum anno salutis millésimo ducentésimo et octogésimo secúndo, campánis Púpii sponte sonántibus. Cujus corpus, cum de sepultúra contenderétur, ferunt, a némine, nisi ab Abbáte, sub cujus obediéntia vivébat, dimovéri potuisse. Ejus virtútum, ac miraculórum fama nedum indígenas, sed finítimas quoque Civitátes ad ejus cultum excitávit. Qui cum apud Forolivenses máxime vigéret, ipsum Benedícto Decimoquárto Pontífice Máximo adprobánte, inter Patrónos suos cooptárant.

℣. Iste homo.

In III. Noct. Hom. Ven. Bedae Presb. in Evang. No-

líte timére etc. de eodem Comm. 2. loc.

DIE XVIII. MARTII

In Festo S. GABRIELIS ARCHANG. Duplex.

Si celebretur in Quadragesima fit com. et dicitur nona Lectio de Feria occur.

Si vero celebretur post Pascha additur Allelúja, et Psalmi Noctur. dicuntur sub prima Antiphona uniuscujusque Nocturni.

Ad Vesperas, Antiphona, Ingresso Zacharía, cum reliq. de Laudibus; Psalm. Dixit Dóminus, cum reliq. de Dominic. et loco ultimi Psalm. Laudáte Dóminum omnes gentes.

Cap.

Ecce vir Gábriel, quem videram in visióne a principio, cito volans tégít me in témpore sacrificii vespertíni. Et dócuit me, et locútus est mihi, dixítque: Dániel, nunc egréssus sum, ut docérem te, et intelligeres.

Hymnus.

Christe, sanctórum decus Angelórum,

Gentis humánae Sator, et
Redemptor,
Coelitum nobis tríbuas beátas
Scándere sedes.

Angelus pacis Michael in
aedes
Coelitus nostras véniat, se-
rénae
Auctor ut pacis, lacrymósa
in orcum

Bella reléget.

Angelus fortis Gábríel, ut
hostes
Pellat antiquos, et amíca
coelo,
Quae triumphátor státuit per
orbem,

Templa revísat.

Angelus nostrae médicus
salútis
Adsit e coelo Ráphael, ut
omnes
Sanet aegrótos, dubiósque vi-
tae

Dírigat actus.

Virgo dux pacis, Genitrix-
que lucis,
Et sacer nobis chorus Ange-
lórum
Semper assístat, simul et mi-
cántis

Régia coeli.

Praestet hoc nobis Déitas
beáta
Patris, ac Nati, paritérque
sancti
Spíritus, cujus résonat per
omnem

Glória mundum. Amen.

¶ Stetit Angelus juxta a-
ram templi.

¶. Habens thuríbulum áu-
reum in manu sua.

Ad Magnificat, Antiphona.
Ingréssus Gábríel Angelus ad
Mariám Vírginem, dixit: Ave
grátia plena, Dóminus tecum:
Benedícta tu in muliéribus.

ORATIO

Deus, qui inter cacteros
Angelos, ad annuntiándum
Incarnatiónis tuae mysté-
rium, Gabriélem Archánge-
lum elegisti, concéde propí-
tius; ut qui festum ejus ce-
lebrámus in terris, ipsíus pa-
trocinium sentiámus in coe-
lis. Qui vivis et regnas.

*Ad Matutinum, Invitato-
rium.* Regem Archangelórum
Dóminum, Veníte, adoré-
mus.

Psal. Veníte, exultémus.

Hymnus: Christe, Sanctórum
ut supra in *Vesperis*.

In I. Noct. Ant. Dixit An-
gelus Gábríel ad Daniélem:
intéllige fili hóminis, quóniam
in témpore finis implébitur
visio.

Psal. Dómine Dóminus no-
ster, cum reliq. ut in festo *De-
dicatíonis S. Michaelis Archan-
geli die 29. Septembr.*

Ant. Ecce vir Gábríel,
quem víderam in visióne, ci-
to volans tétigit me in témp-
ore sacrificii vespertíni, et
dócuit me.

Ant. Cumque Gábriel loqueretur ad me, collápsus sum pronus in terram, et tétigit me, et státuit me in gradu meo.

†. Stetit Angelus juxta aram templi.

℟. Habens thuríbulum aureum in manu sua.

De Daniéle Prophéta.

Lectio I.

Ego Dániel, cum adhuc loquerer, et orárem, et confiterer peccáta mea, et peccáta pópuli mei Israel, et prosternerem preces meas in conspéctu Dei mei, pro monte sancto Dei mei; adhuc me loquente in oratióne, ecce vir Gábriel, quem víderam in visióne a principio, cito volans tétigit me in témpore sacrificii vespertíni. Et dócuit me et locútus est mihi, dixítque: Dániel, nunc egréssus sum ut docérem te, et intelligeres. Ab exórdio precum tuárum egréssus est sermo: ego áutem veni ut indicárem tibi, quia vir desideriórum es: tu ergo animadvérte sermónem, et intéllege visiónem.

℟. Dum oráret Dániel, et confisteretur peccáta sua, et peccáta pópuli sui, * Ecce Archángelus Gábriel, cito vo-

lans, tétigit eum in témpore sacrificii vespertíni.

†. Cumque prosterneret preces suas in conspéctu Dei sui. Ecce.

Lectio II.

Septuagínta hebdómades abbreviátae sunt super pópulum tuum, et super urbem sanctam tuam, ut consummémur praevaricatio, et finem accípiat peccátum, et deleátur iníquitas, et adducátur justítia sempitérna, et impleátur visio, et prophétia, et ungátur, Sanctus Sanctorum. Scito ergo, et animadvérte: Ab éxitu sermónis, ut iterum aedificétur Jerúsalem, usque ad Christum ducem, hebdómades septem; et hebdómades sexagínta duae crunt; et rursum aedificábitur platéa, et muri in angústia témporum.

℟. Locútus est Gábriel Daniéli, et dixit: Ab exórdio precum tuárum egréssus est sermo: * Ego áutem veni ut indicárem tibi, quia vir desideriórum es.

†. Tu áutem animadvérte sermónem, et intéllege visiónem. Ego áutem.

Lectio III.

Et post hebdómades sexa-

ginta duas occidetur Christus: et non erit ejus populus, qui eum negaturus est. Et civitatem et sanctuarium dissipabit populus cum duce venturo, et finis ejus vastitas, et post finem belli statuta desolatio. Confirmabit autem pactum multis hebdomada una, et in dimidio hebdomadis deficiet hostia, et sacrificium; et erit in templo abominatio desolationis: et usque ad consummationem et finem perseverabit desolatio.

¶. Ecce vir Gabriel, quem videram, cito volans tetigit me in tempore sacrificii vespertini, et docuit me, et dixit: * Daniel, nunc egressus sum, ut docerem te, et intelligeres.

¶. Gabriel fac me intelligere istam visionem: et venit: et stetit juxta ubi ego stabam, et ait ad me. Daniel. Gloria. Daniel.

IN II. NOCTURNO

Ant. Gabriel Angelus apparuit Zachariae, dicens: Uxor tua Elisabeth pariet tibi filium, et vocabis nomen ejus Joannem.

Ant. Et dixit Zacharias ad Angelum: Unde hoc sciam? ego enim sum senex, et uxor mea processit in diebus suis.

Ant. Respondens autem Angelus, dixit ei: Ego sum Gabriel, qui asto ante Deum: et missus sum loqui ad te, et haec tibi evangelizare.

¶. Ascendit fumes aromatatum in conspectu Domini.

¶. De manu Angeli.

Sermo Sancti Bernardi
Abbatis.

*Ex homil. de Laudibus Virg.
super Missus est.*

Lectio IV.

Missus est Angelus Gabriel a Deo. Non arbitror, hunc Angelum de minoribus esse, qui quolibet ex causa crebra soleant ad terras fungi legatione. Quod ex ejus nomine palam intelligi datur, quod interpretatum, fortitudo Dei dicitur, et quia non ab aliquo alio forte excellentiore se (ut assolet) spiritu, sed ab ipso Deo mitti perhibetur. Propter hoc ergo positum est, a Deo. Vel ideo dictum est, a Deo, ne cui, vel beatorum spirituum, suum Deus antequam Virgini revelasse putetur consilium, excepto dumtaxat Archangelo Gabriële. Qui utique tantae inter suos inveniri potue-

rit excellentiae, ut tali et nómine dignus haberetur, et núntio.

¶. Factum est cum sacerdotio fungeretur Zachariás in ordine vicis suae ante Deum, * Appáruit ei Angelus Gábriel, stans a dextris altáris incénsi.

‡. Cumque ingressus in templum Dómini incénsum póneret secúndum consuetúdinem sacerdotii sui. Appáruit.

Lectio V.

Nec discórdat nomen a núntio Dei quippe virtútem Christum, quem mélius nuntiáre decébat, quam hunc, quem símile nomen honórat? Nam quid est áliud fortitúdo, quam virtus? Non áutem dédecens, aut incóngruum videátur, Dóminum et núntium coimmúni censéri vocábulo, cum similis in utróque appellatiónis, non sit tamen utriúsque similis cáusa. Aliter quippe Christus fortitúdo vel virtus Dei dicitur, áliter Angelus. Angelus enim tantum nuncupative, Christus áutem étiam substantíve.

¶. Descéndit Gábriel Angelus ad Zachariám dicens: * Ne tíneas, quóniam exaudíta est deprecátio tua: et

uxor tuá Elisabeth páriet tibi filium et vocábis nomen ejus Joánnem.

‡. Zachariás turbátus est videns, et timor irruit super eum; ait áutem ad illum Angelus. Ne tíneas.

Lectio VI.

Christus Dei virtus et dicitur, et est, qui forti armáto, qui suum átrium in pace custodíre solébat, fórtior superveniens, ipsum suo bráchio debellávit; et sic ei vasa captivitátis poténter erípuit. Angelus vero fortitúdo Dei appellátus est, vel quod hujuscémodi merúerit praerogativam officii, quo ejúsdem nuntiáret advéntum virtútis; vel quia Vírginem natúra pávidam, simplicem, verecúndam ne miráculi novitáte expavésceret, confortáre debéret, quod et fecit: Ne tíneas, inquiens, María; invenísti enim grátiam apud Deum. Conveniénter itaque Gábriel ad hoc opus eligitur: imo, quia tale illi negótium injúngitur, recte tali nómine designátur.

¶. Ego sum Gábriel, qui asto ante Deum; et missus sum loqui ad te, et haec evangelizáre: * Ecce eris tacens, et non póteris loqui usque in diem, quo haec fiant.

ŷ. Pro eo quod non credidisti verbis meis, quae implebuntur tempore suo. Ecce eris. Glória Patri. Ecce eris.

et nomen Virginitis María. Et reliqua.

Homilia sancti Juliáni
Archiepiscopi Toletáni.

IN III. NOCTURNO

Ant. Missus est Angelus Gábriel ad Mariám Virginem desponsátam Joseph.

Ant. Gábriel Angelus Mariæ dixit: Ecce Elisabéth cognáta tua, et ipsa concépit filium in senectúte sua.

Ant. Súscipe verbum virgo María, quod tibi a Dómino per Angelum Gabriélem transmissum est.

ŷ. In conspéctu Angelórum psallam tibi Deus meus.

ñ. Adorábo ad templum sanctum tuum, et confitébor nómini tuo.

Léctio sancti Evangélíi
secúndum Lucam.

Lectio VII.

Cap. 1.

In illo tempore, Missus est Angelus Gábriel a Deo in civitatem Galilaeae, cui nomen Náza-reth, ad Virginem desponsátam viro, cui nomen erat Joseph, de domo David,

Lib. 2. contra Judaeos, statim post principium.

Sacraméntum illud septuaginta hebdomadárum de Christi Nativitáte Dániel per Angelum dídicit: simíliter et Zacharías, apparénte sibi Angelo, Joánnem filium de se generándum audívit, et María Angelo sibi praedicéti Christum ex se nascéndum, et crédidit, et assénsit. Haec tria per Angelum dicta, et compléta vidémus. Jam ergo solícite intuéndum est, utrum Angelus iste, qui Zachariae et Mariæ apparuit, ipsi quoque Daniéli illa praedíxerit.

ñ. Missus est Gábriel Angelus ad Mariám Virginem desponsátam Joseph, núntians ei Verbum: et expavéscit Virgo de lúmine: Ne tí-meas María, invenísti enim grátiam apud Dóminum: ecce concípies, et páries, et vocábitur Altíssimi filius.

ŷ. Quae, cum audisset turbáta est in sermóne ejus; et cogitábat qualis esset ista salutátio, et ait Angelus ei. Ne tí-meas.

Lectio VIII.

Equidem ipse Dániel in prophetiæ suae volúmine, quando illa sacraménta hebdomadárum de Christi nativité per Angelum futura cognóvit, sic ipsíus Angeli nomen evidénter expréssit. Dicit enim: Ecce vir Gábriel, quem videram in principio, cito volans tétigit me, et dixit: Dániel animadvérte sermónem, et réliqua quae ibi commemorántur. Item his temporibus, secúndum Evangélium, Angeli ipsíus nomen miríficum sic invenítur expréssum. Dixit enim idem Angelus Zachariæ: Ego sum Gábriel, qui asto ante Deum, et missus sum loqui ad te, et haec tibi evangelizáre.

¶. Gáude María Virgo, cunctas haereses sola interemísti: * Quae Gabriélis Archángeli dictis credidísti, dum Virgo Deum et hóminem genuísti, et post partum Virgo invioláta permansísti.

†. Benedícta tu in mulieribus, et benedíctus fructus ventris tui. Quae Gabriélis. Glória Patri. Quae Gabriélis.

Nona Lectio de Feria occurrente, nisi transferatur post Octavam Paschae, quia tunc dicitur sequens.

Lectio IX.

Quod étiam de beátæ Mariæ Vírginis partu sic in eódem Evangélio légitur: Missus est, inquit, Angelus Gábriel a Deo in civitátem Galilaeae, cui nomen Náza-reth, ad Vírginem desponsátam viro, cui nomen erat Joseph, de domo David, et nomen Vírginis María. Jam ergo manifestum est, quod unus idémque Angelus Gábriel fúerit, qui et praefixa illa témpora Daniéli de Christi Nativité apérui, et partum Vírginis praeséntem esse monstrávit. Ad tempus itaque praefínitum occúrrit: et olim a se dicta, óperis efficiéntia compléta esse convíncit: et illic fidélis in prophetía hebdomadárum, et hic fidélis per mystérium revelátum.

Te Deum.

AD LAUDES

ET PER HORAS.

Ant.

Ingrésso Zacharía templum Dómini, apparuit ei Gábriel Angelus, stans a dextris altáris incénsi.

Psal. Dóminus regnávít, cum reliquis. *de Dom.*

Ant. Ait áutem Angelus: Ne tíneas Zacharía, quó-

niam exaudita est deprecatio tua.

Ant. Ego sum Gábríel Angelus, qui asto ante Deum, et missus sum loqui ad te.

Ant. Gábríel Angelus locutus est Maríae, dicens: Ecce concípies in útero, et páries filium, et vocábis nomen ejus Jesum.

Ant. Dixit áutem María ad Angelum: Quómodo fiet istud, quóniam virum non cognóscó? Et respóndens Gábríel Angelus, dixit ei: Spíritus Sanctus supervéniet in te, et virtus Altíssimi obumbrábit tibi.

Cap.

Dan. 9.

Ecce vir Gábríel, quem videram in visióné a principio, cito volans tégít me in témpore sacrificií vespertíni: et dócuít me, et locútu s est mihi, dixítque: Dániel, nunc egréssus sum, ut docérem te, et intellígères.

Hymnus.

Placáre, Christe, sérvulis,
Quibus Patris cleméntiam
Tuæ ad tribúnal grátiae
Patróna Virgo póstulat.

Et vos beáta, per novem
Distíncta gyros, ágmina,
Antíqua cum praeséntibus,
Futúra damna péllite.

Auférte gentem pérfidam
Credéntium de finibus,

Ut unus omnes únícum
Ovíle nos Pastor regat.

Deo Patri sit glória,
Natóque Patris único,
Sancto simul Paráclito
In sempitérna saecula.

Amen.

Ÿ. Stetit Angelus juxta aram templi.

Ų. Habens thuríbulum áureum in manu sua.

AD BENEDICTUS

Ant. Gábríel Angelus descendit ad Zachariám, et ait illi: Uxor tua páriet tibi filium, et vocábis nomen ejus Joánnem, et multi in nativité ejus gaudébunt: ipse enim praeíbit ante fáciem Dómini paráre vias ejus.

ORATIO

Deus, qui inter caeteros Angelos, ad annuntiándum Incarnatiónis tuae mystérium, Gabriélem Archángelum elegísti, concéde propítius; ut qui festum ejus celebrámus in terris, ipsíus patrocínium sentiámus in coelis. Qui vivis et regnas.

Deinde fit com. ser., si facienda sit.

AD TERTIAM.

Ant. Ait áutem.

Cap. Ecce vir Gábríel, ut supra.

Ų. br. Stetit Angelus * Juxta aram templi. Stetit.

†. Habens thuribulum aureum in manu sua. Juxta aram. Glória Patri. Stetit.

†. Ascendit fumus aromaticum in conspectu Domini.

¶. De manu Angeli.

AD SEXTAM

Ant. Ego sum Gábríel.

Cap.

Ego autem veni, ut indicarem tibi, quia vir desideriorum es. Septuaginta hebdomades abbreviatae sunt, ut finem accipiat peccatum, et impleatur visio, et prophetia, et ungatur sanctus sanctorum.

¶. *br.* Ascendit fumus aromaticum * In conspectu Domini. Ascendit fumus.

†. De manu Angeli. In conspectu. Glória Patri. Ascendit.

†. In conspectu Angelorum psallam tibi Deus meus.

¶. Adorabo ad templum sanctum tuum, et confitebor nomini tuo.

AD NONAM

Ant. Dixit autem María.

Cap.

Scito ergo, et animadvertite: Ab exitu sermonis, ut iterum aedificetur Jerúsalem, usque ad Christum ducem hebdomades septem, et hebdomades sexaginta duae erunt.

¶. *br.* In conspectu Angelorum * Psallam tibi, Deus meus. In conspectu.

†. Adorabo ad templum sanctum tuum, et confitebor nomini tuo. Psallam.

Glória Patri. In conspectu.

†. Adorate Deum.

¶. Omnes Angeli ejus.

*Vesp. de S. Joseph Confess. cum com. fer. Si autem Festum S. Joseph transferatur; in secundis Vesperis S. Gabrielis, omnia ut in primis, et loco ultim. Psal. Confitebor tibi Domine in toto corde meo: * quoniam audisti. ex fer. 6. in psalt.*

Capitulum et Hymnus ut supra in primis Vesperis.

†. In conspectu Angelorum psallam tibi, Deus meus.

¶. Adorabo ad templum sanctum tuum, et confitebor nomini tuo.

AD MAGNIFICAT.

Antiphona

Archángelus Gábríel ait ad Mariam: Non erit impossibile apud Deum omne verbum. Dixit autem María: Ecce ancilla Domini, fiat mihi secundum verbum tuum. Et discessit ab ea Angelus.

Oratio. Deus qui inter caeteros. *ut supra.*

DIE XIX. MARTII

IN FESTO

SANCTI JOSEPH

CONFESSORIS

SPONSI BEATAE MARIAE VIRGINIS**TOTIUS ETRURIAE PATRONI**

Duplex 1. Classis.

AD VESPERAS*Antiphona.*

Jacob autem genuit Joseph virum Mariæ, de qua natus est Jesus, qui vocatur Christus.

Psal. Dixit Dominus etc. *cum reliq. de Dominica, et loco ult.* Laudate Dominum omnes Gentes etc.

Ant. Missus est Angelus Gábriel a Deo ad Virginem desponsatam viro, cui nomen erat Joseph, de domo David, et nomen Virginis, María.

Ant. Cum esset desponsata Mater Jesu María Joseph, antequam convenirent, inventa

est in útero habens de Spíritu sancto.

Ant. Joseph vir ejus, cum esset justus, et nollet eam tradúcere, voluit occulte dimittere eam.

Ant. Angelus Dómini apparuit Joseph, dicens: Joseph fili David, noli timere accipere Mariam conjugem tuam: quod enim in ea natum est, de Spíritu Sancto est: pariet autem filium, et vocabis nomen ejus Jesum.

Cap.

Prov. 28. et 27.
Vir fidelis multum laudabitur. Et qui custos est Dómini sui, glorificabitur.

Hymnus

Te, Joseph, celebrent ágmina coelitum,
Te cuncti résonent Christifadum chori,
Qui clarus méritis, junctus es ínclytæ
Casto foedere Vírgini.

Almo cum túmidam gérmine cónjugem
Admírans, dúbio tángeris anxius,
Afflátu súperi fláminis Angelus
Conceptum púerum docet.

Tu natum Dóminum stringis, ad éxteras
Ægypti prófugum tu séqueris plagas;
Amíssum Sólymis quaeris, et ínvenis,
Miscens gáudia flélibus.

Post mortem réliquos mors pia cónsecrat,
Palmámque emeritos glória súscipit:
Tu vivens, superis par, frúeris Deo,

Mira sorte beátior.

Nobis, summa Trias, parce precántibus,
Da Joseph méritis sídera scándere,
Ut tandem líceat nos tibi íerpétim
Gratum prómere cánticum.
Amen.

†. Constituit eum Dóminus domus suae.

¶. Et príncipem omnis possessionis suae.

AD MAGNIFICAT.

Ant. Exúrgens Joseph a somno fecit sicut praecepit ei Angelus Dómini, et accépit cónjugem suam.

ORATIO.

Sanctíssimae Genitrícis tuae spónsi, quaesumus, Dómine, méritis adjuvémur; ut quod possibilitas nostra non obtinet, ejus nobis intercessióne donétur. Qui vivis et regnas cum Deo Patre, etc.

** Si celebretur in Quadragesima fit commemoratio Ferae.*

AD MATUTINUM

Invit. Christum Dei Fílium, qui putári dignátus est filius Joseph: * Veníte, adorémus.

Psal. Veníte, exultémus.

Hymnus

Coelitum Joseph, decus atque nostrae
Certa spes vitae, columénque mundi,
Quas tibi laeti cánimus, benígnus

Súscipe laudes.

Te Sator rerum státuit pudícae

Virginis sponsum, voluitque
Verbi

Te patrem dici, dedit et mi-
nistrum

Esse salutis.

Tu Redemptorem stabulo
jacentem,

Quem chorus Vatum cecinit
futurum,

Aspicias gaudens, humilisque
natum

Numen, adoras.

Rex Deus regum, dominá-
tor orbis,

Cujus ad nutum tremit infe-
rorum

Turba, cui pronus famulatur
aether,

Se tibi subdit.

Laus sit excelsae Triadi
perennis,

Quae tibi praebens superos
honores,

Det tuis nobis méritis beatae
Gaudia vitae. Amen.

IN I. NOCTURNO.

Ant. Ascendit Joseph a Ga-
lilaea de civitate Nazareth
in Judaeam, in civitatem Da-
vid, quae vocatur Bethlehem,
ut profiteretur cum Maria.

Psal. Beatus vir, cum reli-
quis de Comm. Conf. non Pon-
tificis.

Ant. Venérunt pastores fe-
stinantes; et invenérunt Ma-
riam, et Joseph, et Infántem
positum in praesépio.

Ant. Ecce Angelus Domini
apparuit in somnis Joseph,
dicens: Surge, et accipe Pue-
rum, et Matrem ejus, et fu-
ge in Aegyptum.

γ. Constituit eum Domi-
num domus suae.

η. Et principem omnis pos-
sessionis suae.

De libro Génesis.

Lectio I.

Cap. 39.

Joseph igitur ductus est in
Aegyptum, emittique eum Pu-
tiphar eunuchus Pharaonis,
princeps exercitus, vir Aegy-
ptius, de manu Ismaelitarum,
a quibus perductus erat. Fuit-
que Dominus cum eo, et erat
vir in cunctis prospere agens:
habitavitque in domo domini
sui, qui optime noverat Do-
minum esse cum eo, et om-
nia, quae gereret, ab eo di-
rigi in manu illius. Invenit-
que Joseph gratiam coram
domino suo, et ministrabat
ei, a quo praepositus omni-
bus, gubernabat creditam si-
bi domum, et universa, quae
ei tradita fuerant: benedixit-
que Dominus domui Aegyptii
propter Joseph.

η. Fuit Dominus cum Jo-

seph, et dedit ei grátiam in conspéctu príncipis cárceris: * Qui trádidit in manu illíus univérsos vinctos.

ÿ. Quidquid fiébat, sub ipso erat: Dóminus enim erat cum illo, et ómnia ópera ejus dirigébat. Qui.

Lectio II.

P *Genes. cap. 41.* Plácuit Pharaóni consílium Joseph et cunctis minístris ejus; locútusque est ad eos: Num inveníre potérimus talem virum, qui spírítu Dei plenus sit? Dixit ergo ad Joseph: Quia osténdit tibi Deus ómnia, quae locútus es, numquid sapientiórem, et consímilem tui inveníre pótero? Tu eris super domum meam, et ad tui oris impérium cunctus populus obédiet: uno tantum regni sólio te praecedam.

ñ. Esurién-te terra Aegypti, clamávit pópulus ad regem aliménta petens; quibus ille respóndit: * Ite ad Joseph, et quidquid vobis dixerit, fácite.

ÿ. Crescébat quotidie fames in omni terra, aperuítque Joseph univér-sa hórrea, et vendébat Aegyptiis. Ite.

Lectio III.

D *Genes. cap. 41.* Dixítque rursus Phá-rao ad

Joseph: Ecce constitui te super univérsam terram Aegypti; tulítque ánnulum de manu sua, et dedit eum in manu ejus, vestivítque eum stola byssina, et collo torquem áuream circumpósuit. Fecítque eum ascéndere super currum suum secúndum; clamánte praecóne, ut omnes coram eo genuflécterent, et praepósitum esse scirent univérsae terrae Aegypti. Dixítque rex ad Joseph: Ego sum Phá-rao: absque tuo império non movébit quisquam manum, aut pedem in omni terra Aegypti.

ñ. Fecit me Dóminus quasi patrem regis, et dóminum univérsae domus ejus: nolíte pavére, * Pro salute enim vestra misit me Deus ante vos in Aegyptum.

ÿ. Veníte ad me; et ego dabo vobis ómnia bona Aegypti, et comedétis medúllam terrae. Pro. Glória Patri. Pro.

IN II. NOCTURNO.

Ant: Consúrgens Joseph ac-cépit Púerum, et Matrem ejus nocte, et secéssit in Aegyptum, et erat ibi usque ad óbitum Heródis.

Ant. Defúnto Heróde, Angelus Dómini appáruit in somnis Joseph in Aegypto, dicens: Surge, et áccipe Púe-

rum, et Matrem ejus, et vade in terram Israel; defuncti sunt enim, qui quaerébant ánimam Púeri.

Ant. Accépit Joseph Púerum, et Matrem ejus, et venit in terram Israel.

Ÿ. Magna est glória ejus in salutári tuo.

Ŗ. Glóriam, et magnum decòrem impónes super eum.

Sermo Sancti Bernárdi
Abbátis.

Homil. 2. super Missus prope finem.

Lectio IV.

Quis, et qualis homo fúerit beátus Joseph, cónjice ex appellatióne, qua, licet dispensatória, méruit honorári a Deo, ut pater Dei et dictus et créditos sit: cónjice et ex próprio vocábulo, quod augméntum non dúbilas interpretári. Simul et meménto magni illíus quondam Patriárchae vénditi in Aegypto, et scito ipsíus istum non solum vocábulum fuisse sortítum, sed et castimóniam adéptum, innocéntiam assecútum et grátiam.

Ŗ. Ascéndit Joseph a Galilaea de civitaté Názareth in Judaeam, in civiátém David, quae vocatur Béthlehem; * Eo

quod esset de domo, et familia David.

Ÿ. Ut profiterétur cum Maria desponsáta sibi uxóre. Eo quod.

Lectio V.

Siquidem ille Joseph fráterna ex invídia vénditus, et ductus in Aegyptum, Christi venditiónem praefigurávit: iste Joseph Herodiánam invídiam fúgiens, Christum in Aegyptum portávit; ille dómino suo fidem servans, dóminae nóluit commiscéri; iste Dóminam suam, Dómini sui matrem vírginem agnóscens, et ipse cóntinens, fídeliter custodívit. Illi data est intelligéntia in mystériis somniórum, isti datum est cónscium fieri, atque partícipem coeléstium sacramentórum.

Ŗ. Surge, et áccipe Púerum, et Matrem ejus, et fuge in Aegyptum: * Et esto ibi, usque dum dicam tibi.

Ÿ. Ut adimplerétur quod dictum est a Dómino per prophétam dicéntem: Ex Aegypto vocávi filium meum. Et esto.

Lectio VI.

Ille fruménta servávit non sibi, sed omni pópulo; iste panem vivum e coelo servándum accépit tam sibi quam

toti mundo. Non est dubium, quin bonus et fidelis homo fuerit iste Joseph, cui Mater desponsata est Salvatoris. Fidelis, inquam, servus et prudens, quem constituit Dominus suae Matris solatium, suae carnis nutritium, solum denique in terris magni consilii coadjutorem fidissimum.

R. Cum inducerent puerum Jesum parentes ejus, ut facerent secundum consuetudinem legis pro eo: * Accipit eum Simeon in ulnas suas, et benedixit Deum.

Y. Et erat pater ejus, et mater mirantes super his, quae dicebantur de illo. Accipit. Gloria Patri. Accipit.

IN III. NOCTURNO

Ant. Audiens Joseph, quod Archelaus regnaret in Judaea pro Herode patre suo, timuit illo ire.

Ant. Admonitus in somnis Joseph recessit in partes Galilaeae: et veniens habitavit in civitate, quae vocatur Nazareth, ut adimpleretur quod dictum est per prophetas: Quoniam Nazaraeus vocabitur.

Ant. Erat pater Jesu, et mater mirantes super his, quae dicebantur de illo; et benedixit illis Simeon.

Y. Justus germinabit sicut lilium.

R. Et florabit in aeternum ante Dominum.

Lectio Sancti Evangelii secundum Matthaeum.

Lectio VII.

Cap. 1. c.
Cum esset desponsata mater Jesu Maria Joseph, antequam convenirent, inventa est in utero habens de Spiritu sancto. Et reliqua.

Homilia Sancti Hieronymi Presbyteri.

Lib. 1. Com. in cap. 1. Matt.

Quare non de simplici virgine, sed de desponsata concipitur? Primum, ut per generationem Joseph origo Mariae monstraretur: secundo, ne lapidaretur a Judaeis ut adultera: tertio, ut in Aegyptum fugiens haberet solatium. Martyr Ignatius etiam quartam addidit causam, cur a desponsata conceptus sit: Ut partus, inquiens, ejus cellularetur diabolo, dum eum putat non de virgine, sed de uxore generatum.

R. Dicit mater Jesu ad illum; Fili, quid fecisti nobis sic? * Ecce pater tuus, et ego dolentes quaerebamus te.

Y. Et ait ad illos: Quid est,

quod me quaerebátis ? nesciebátis, quia in his, quae Patris mei sunt, oportet me esse? Ecce pater tuus.

Lectio VIII.

Antequam convenirent; inventa est in útero habens de Spiritu sancto. Non ab alio inventa est, nisi a Joseph, qui pene licéntia maritali futurae uxóris ómnia nóverat. Quod áutem dicitur, ántequam convenirent, non séquitur, ut póstea convenerint, sed Scriptúra, quod factum non sit, osténdit.

ñ. Descéndit Jesus cum eis, et venit Náza-reth: * Et erat súbditus illis.

ÿ. Proficiébat sapiéntia, et aetáte, et grátia, apud Deum, et hómines. Et erat. Glória Patri. Et erat.

Nona Lectio dicitur de Homilia Feriae occurrentis, si celebretur in Quadragesima. Si vero post Pascha.

Lectio IX.

Joseph áutem vir ejus cum esset justus, et nollet eam tradúcere, vóluit occúlte dímíttre eam. Si quis fornicáriae conjúngitur, unum cor-

pus efficitur: et in lege praeceptum est, non solum reos, sed et cóncios críminum obnoxios esse peccáti: quómodo Joseph, cum crimen celáret uxóris, justus scríbitur? Sed hoc testimónium Maríae est, quod Joseph sciens illíus castitátem, et admirans quod evénerat, celat siléntio cujus mystérium nesciébát. Te Deum laudámus.

AD LAUDES

ET PER HORAS.

Antiphona

Ibant paréntes Jesu per omnes annos in Jerúsalem, in die solénni Paschae.

Psalm. Dóminus regnávít, cum reliquis de Dominica.

Ant. Cum redírent, remánsit puer Jesus in Jerúsalem, et non cognóverunt paréntes ejus.

Ant. Non inveniéntes Jesum, regréssi sunt in Jerúsalem, requiréntes eum; et post trídium invenérunt illum in templo sedéntem in médio doctórum, audíentem, et interrogántem eos.

Ant. Dixit mater ejus ad illum: Fili, quid fecísti nobis sic? Ecce pater tuus, et ego doléntes quaerebámus te.

Ant. Descéndit Jesus cum eis, et venit Názareth, et erat súbditus illis.

Cap.

Prov. 28. et 27.
Vir fidélis multum laudábitur. Et qui custos est Dómini sui glorificábitur.

Hymnus

Iste, quem laeti cólimus fidéles,
Cujus excélsos cánimus triúmphos,
Hac die Joseph méruit pérénis
Gáudia vitae.

O nimis felix, nimis o beátus,
Cujus extrémam vígiles ad horam
Christus, et Virgo simul astitèrunt
Ore seréno.

Hinc stygis victor, láqueo solútu
Carnis, ad sedes plácido sópore
Migrat aetérnas, rutilisque cingit
Témpora sertis.

Ergo regnántem flagitémus omnes
Adsit ut nobis, veniámque nostris
Obtinens culpis, tríbuat supérnae

Múnera pacis.

Sint tibi pláusus: tibi sint honóres,

Trine, qui regnas Deus, et corónas

Aureas servo tríbuis fidéli
Omne per aevum. Amen.

Ÿ. Os justi meditábitur sapiéntiam.

Ŗ. Et lingua ejus loquétur judícium.

AD BENEDICTUS

Ant. Ipse Jesus erat incípiens, quasi annórum trigínta, ut putabátur filius Joseph.

ORATIO

Sanctíssimae Genitrícis tuae Sponsi, quaesumus Dómine méritis adjuvémur; ut quod possibilitas nostra non óbtinet, ejus nobis intercessióne donétur. Qui vivis et regnas cum Deo Patre.

Deinde fit commemoratio Feriae, si celebretur in Quadragesima.

AD TERTIAM

Ant. Cum redírent.

Capit. Vir fidélis, ut *supra*.

Ŗ. br. Constituit eum, Dóminum domus suae. Constituit.

Ÿ. Et príncipem omnis pos-

sessiōnis suae. Dóminum. Glória Patri. Constituit.

ŷ. Magna est glória ejus in salutári tuo.

ñ. Glóriam et magnum decórem impónes super eum.

AD SEXTAM

Ant. Non inveniētes.

Capitulum

Eccl. 45.

Dilēctus Deo, et homínibus, cujus memória in benedictióne est. In fide, et lenitáte ipsíus sanctum fecit illum, et elégit eum ex omni carne.

ñ. *br.* Magna est glória ejus, * In salutári tuo. Magna est.

ŷ. Glóriam, et magnum decórem impónes super eum. In salutári. Glória Patri. Magna est.

ŷ. Justus germinábit sicut lílium.

ñ. Et florébit in aetérnum ante Dóminum.

AD NONAM

Ant. Descéndit Jesus.

Capitulum

Sap. 10.

Prófugum justum dedúxit Sapiéntia per vias rectas, et osténdit illi regnum Dei, et dedit illi sciéntiam sanctó-

rum, honestávit illum in labóribus, et complévit labòres illíus.

ñ. *br.* Justus germinábit, * Sicut lílium. Justus.

ŷ. Et florébit in aetérnum ante Dóminum. Sicut. Glória Patri. Justus.

ŷ. Plantátus in domo Dòmini.

ñ. In átriis domus Dei nostri.

IN II. VESPERIS

Ant. Ibant paréntes, ut in *Laudibus, Psalmi, Capitulum, et Hymnus, ut in primis Vesperis.*

ŷ. Glória, et divítiae in domo ejus.

ñ. Et justítia ejus manet in saeculum saeculi.

AD MAGNIFICAT

Ant. Ecce fidélis servus et prudens, quem constituit Dóminus super familiam suam.

ORATIO

Sanctíssimae genitrícis tuae ut *supra.*

Deinde fit Commem. Feriae occurr.

DIE XX. MARTII

In Festo B. HIPPOLYTI GA-

LANTINI *Conf. Fundatoris Congregation. Doctrinae Christianae in Hetruria. Duplex.*

Omnia de Communi Conf. non Pont. praeter sequentia.

ORATIO

Deus, qui ad Christiánam parvulórum, et rúdiú institutiónem beátum Hippólytum inter saeculi curas singulári charitáte decorásti: ipsius méritis concéde, nos ópere implére, quae fide percépi-mus, et ad promíssa fidélibus gáudia perveníre. Per Dómi-num etc.

LL. 1. n. de Com. 1. loco si celeb. in Quadr., si post Pasch. de Scr. occ.

Lectio IV.

Hippólytus Galantínus Flo-réntiae natus simul ac pró-diit in lucem, divínus prae-sénti mortis perículo créptus est. Primam grátiám per Ba-ptísmum ipsi collátam vel puer diligentíssime custodívit, et pro víribus áuxit. Neque enim tantum a solátiis et nugis istíus aetátis abhórruit, sed et pietátem sic cóluit, ut novénnis dignus sit hábitus, qui Angelórum pane reficerétur. Quum aliquándiu fuisset solitúdinem meditátus, arcá-no Dei consílio, mutáta men-

te, patris artem, qui textor erat sericórum, proféssus est. Sed nil idcirco prístina ejus in Deum, et fratres deférbuit cháritas: immo ad propagán-dam glóriam illius, ad consuléndum horum salúti factus alácrior, vix duódecim annos natus totum se Christiánae institutióni rúdiú hómínium, ac puerórum ad-díxit.

n. Honéstum fecit.

Lectio V.

Quum vero ad útilem alió-rum institutiónem sciret ma-gis exémpa, quam verba conducere, ut res sibi bene-vérteret, stúduit quotidie novis incrementis virtútum ó-mnium, in quibus sese jam a puerítia exercúerat, severioríque praesértim custódia virgínei pudóris, quem una cum baptismáli innocentia usque ad extrémum hálitum servávit intemerátum. Vita ad hanc normam compósita eam sanctitátem adéptus est, quam tantópere María Mag-daléna de Pazzis, et Camillus de Lellis suspexére, quamque ipse Deus supérnis charismá-tibus ditávit, praesértim prophetiae, et curatiónum dono, atque grátia sermónis. Tanta enim mens ejus coelésti luce perfúsa est, tanta índita in

ejus ánimum dicéndi vis atque cópia, ut non modo púeros, imperitósque hómines ad Evángélicam legem erudíret, sed étiam perditíssimos quoque e vitíórum sémita ad virtútis trámitem revocáret. Quae res et invidiam obtrectatórum illíus in benevoléntiam convértit, et hujúsmodi apud viros príncipes ipsi conciliávit auctoritátem, ut Magni Hetrúriae Duces cum concionántem audíre gestíverint, maximéque probáverint, et Alexánder Médiceus tunc Florentínus Archiepíscopus, dein Póntifex Máximus Leo Undécimus novum díxerit Urbis ejus Apóstolum.

n. Amávit cum Dóminus.

Lectio VI.

Cúpiens áutem étiam in pósterum piaie institutióni prospícere, Sodalitátem quamdam cui éadem committerétur, designábat: simul rogábat assídue Patrem lúminum, ut hac super re, quod ei erat plácitum, sibi próderet. Perseveránti in oratióne servo Dei Christus Dóminus sese conspiciéndum exhibuit, qui et evúlsis e cruce mánibus Hippólytum álloquens, fnitum

ab ipso consílium sibi probári significávit. Hac ille visióne coelésti, et voce recreátus Congregatiónem instituit a Doctrína Christiána nuncupátam, cujus Sodáles in saeculo vivunt a caeteris Láicis hábitu tantum próprio, et modésto discrepántes, sapientíssimis regúntur légibus, queis custodítis ad ápicem perfectiόνis conténdant, se in informándis adolescéntulis, atque indóctis homínibus ad religiónem, morúmque disciplinam exèrcent in sacra Aede Congregatiónis sub horas vespertínas. Consuetúdinem hanc Institútor est a Philípโป Nério mutuátus non secus, atque áliam revócandi Bacchanálium témpore Alúmnos per innócua solátia, sacrosque concéntus a periculósissimis voluptátibus, quibus et illam adjécit expléndi per idem tempus páuperum famem épulo magnificentíssimo. Rebus sic institútis propítio Númine Congregatio Doctrínae Christiánae non Floréntiae tantum altis egit radices, sed et ad álias Itáliae urbes príncipes, Lucam, Mutinámque pervásit. Voti compos Hippólytus, tot, tantisque perfúctus labóribus, praemióque matúrus abdormivit in Dómino die vigésima Mártii Anno millésimo

séxcentésimo décimo nono, aetátis quinquagésimo quinto. Eum virtútibus et miráculis clarum Leo Duodécimus Póntifex Máximus piaculári Anno millésimo octigéntésimo vigésimo quinto Beatórum fastis adsrípsit.

n. Iste homo perfècit.

IN III. NOCTURNO.

LL. de Comm. 1. loc.

DIE XXV. MARTII.

In Metropol. DEDICATIO ECCLES. dup. 1. cl. Omn. ut in Comm. Dedic. Eccl.

DIE XXVI. MARTII

Ass. ex praeced.

In Metropol. ANNUNTIAT. B. M. V. dup. 2. cl. omn. ut in Brev. 25. huj.

Extr. Metropol. DEDICAT. ECCLES. METROP. dup. omn. ut in Comm. Dedic. Eccl.

FESTA APRILIS

DIE I. APRILIS

In Festo IMPRESSIONIS SACR. STIGMATUM in Corpore S.

CATHARINAE Virginis Senensis. Duplex. Omnia de Commun. Virgin. praeter ea, quae hic notantur.

ORATIO.

Da, quaesumus, omnipotens Deus, qui beatae Catharinae Virginis tuae sacra Stigmata cólimus; et ánnua solemnitate laetémur, et tantae virtútis proficiámus exémplo. Per Dóminum etc.

IN I. NOCTURNO

Lect. 1. n. de Script. occur. si venerit in Quadrag. quia tunc erunt, De Virgínibus, ut in Communi Virginum 1. loco.

IN II. NOCTURNO.

Lectio IV.

Catharina virgo Senensis, post susceptum beati Domínici hábitum, quem soróres de Poeniténtia gestáre solent, divino amóre succénsa, oratió nibus, piisque meditatió nibus mentem suam júgiter nutriébat; praesértim sacra Domínicae Passiós is mystéria meditári consuéverat; ac tanto spiritu erga illa ferebátur, ut in iisdem contemplándis per plures horas singulis diébus

detinerétur. Communióne altáris, quae illi ferme quotidiana fuit, toto cordis afféctu suscepta, mox in áera extólli videbátur. Dum áutem his divinis contemplatióibus pascebátur, plúribus grátiis donáta est, ac étiam sacris Stigmátibus, insigníta.

n). Propter.

Lectio V.

Cum namque Pisis immoraretur, die Dominico refecta cibo coelésti, et in éxtasim rapta, vidit Dóminum Crucifixum magno cum lumine adveniéntem, et ex ejus vúlnerum cicatricibus quinque rádios ad quinque loca sui córporis descendéntes. Ideoque mystérium advértens Dóminum precáta, ne cicatrices apparérent, continuo rádii colórem sanguineum mutavérunt in spléndidum, et in forma purae lucis pervenérunt ad manus, pedes, et cor ejus; ac tantus erat dolor, quem, sensibíliter patiebátur, ut brevi se créderet moritúram.

n). Dilexísti.

Lectio VI.

Hanc itaque grátiam aman-

tíssimus Dóminus nova grátia cumulávit, ut sentíret dolórem, illápsa vi vúlnerum, et cruénta signa non apparérent. Quod ita contigisse cum Dei fámula Confessário suo Raymúndo retulisset; ut óculis étiam repraesentaretur, rádios in imaginibus beatae Catharinae, ad dicta quinque loca pertingéntes, pia fidélium cura pictis colóribus expréssit. Deínde vero Benedictus Décimus tértius Póntifex Máximus, Ordinis Praedicatórum ut eorúmdem corda in Christi Crucífixi amórem inflammarentur, univérso Praedicatórum Ordini tantae rei memóriam anniversária solemnitáte celebrári concéssit.

n). Afferéntur.

IN III. NOCTURNO

Lect. de Homil. in Ev. Símile erit Regnum coelórum decem Virgínibus, de Comm. Virg. 1. loco.

DIE IV. APRILIS.

In Festo S. ISIDORI Episcopi, Conf. et Doct. Duplex. Omnia de Comm. Conf. Pontificis, praeter ea, quae hic ponuntur propria.

Ad Magnificat, in utrisque Vesp. Ant. O Doctor óptime,

Ecclésiæ sanctæ lumen, beate Isidore, divinæ legis amator, deprecare pro nobis Filium Dei.

ORATIO.

Deus, qui populo tuo aeternæ salutis beatum Isidorum ministrum tribuisti; præsta quaesumus; ut, quem Doctorem vitæ habuimus in terris, intercessorem habere mereamur in coelis. Per Dominum nostrum etc.

Et fit commemor. Ferie occurrentis, si venerit in Quadragesima.

IN I. NOCTURNO

Lect. Sapientiam omnium antiquorum, de Communi Doctorum.

IN II. NOCTURNO

Lectio IV.

Isidorus natione Hispanus, Doctor egregius, ex nova Carthagine Severiano patre Provinciæ Duce natus, a sanctis Episcopis Leandro Hispanensi, et Fulgentio Carthaginensi fratribus suis pie et liberaliter educatus, Latinis, Graecis, et Hebraicis litteris;

divinisque, et humanis legibus instructus, omni scientiarum, atque Christianarum virtutum genere præstantissimus evasit. Adhuc adolescens hæresim Arianam, quæ gentem Gothorum Hispaniæ latissime dominantem jam pridem invaserat, tanta constantia palam oppugnavit, ut parum abfuerit, quin ab Hæreticis necaretur. Leandro vita functo, ad Hispanensem Cathedralam invitatus quidem, sed urgente in primis, Reccardo Rege, magnoque etiam Cleri, populique consensu assumitur, ejusque electionem sanctus Gregorius Magnus, nedum auctoritate Apostolica confirmasse, et electum transmissio de more pallio decorasse, quin etiam suum, et Apostolicæ Sedis in universa Hispania Vicarium constituisse perhibetur.

¶, Inveni David.

Lectio V.

In Episcopatu quantum fuerit constans, humilis, patiens, misericors, in Christiana, et Ecclesiastica disciplina instauranda sollicitus, eaque verbo, et scriptis stabilienda indefessus, atque omni demum virtutum ornamento insignitus, nullius lingua enarrare sufficeret. Monastici

quoque institúti per Hispániam promótor, et amplifícató exímíus, plura constrúxit monastéria, collégia ítidem aedificávit, ubi stúdiis sacris, et lecciónibus vacans, plúrimos discípulos, qui ad eum confluébant, erudívit, quos inter sancti Ildefónsus Toletánus, et Bráulio Caesaraugustánus Episcopi emicué-
runt. Coácto Hispali Concílio Acephalórum haeresim Hispániae jam minitántem, acri et eloquénti disputatióne fregit, atque contrívit. Tantam apud omnes sanctitátis, et doctrínae famam adéptus est: ut elápsó vix ab ejus óbitu sextodécimo anno, univérsa Toletána Synodo duórum supra quinquagínta Episcopórum plaudénte, ipsóque étiam sancto Ildefónso suffragánte, Doctor egrégíus, Cathólicae Ecclesiæ novíssimum decus; in saeculórum fine doctíssimus, et cum reveréntia nominándus appellári merúerit, eúmque sanctus Bráulio non modo Gregório Magno comparáverit, sed et erudiéndae Hispániae loco Jacóbi Apóstoli coelitus datum esse censúerit.

¶, Pósuí adjutórium.

Lectio VI.

Scrípsit Isidórus libros E-

tymologiarum, et de Ecclesiásticis Officiis, aliósque quamplúrimos Christiánae, et Ecclesiásticae disciplínae ádeo útiles, ut sanctus Leo Papa quartus ad Episcopos Británniae scríbere non dubitáverit, sicut Hierónymi, et Augustíni, ita Isidóri dicta retinéndae esse, ubi contígerit inusítatum negótium, quod per Cánones mínime definíri possit. Plures étiam ex ejúsdem scriptis senténtiae inter Cánónicas Ecclesiæ leges relátæ conspiciúntur. Praefuit Concílio Toletáno Quarto, ómnium Hispániae celebérri-
mo. Dénique cum ab Hispánia Ariánam haeresim eliminásset, morte sua et Regni vastatióne a Saracenórum armis públice praenuntiáta, postquam quadragínta círciter annos suam rexísset Ecclesiám, Híspali migrávit in coelum anno sexcentésimo trigésimo sexto. Ejus corpus inter Leándrum fratrem, et Florentínam sorórem, ut ipse mandáverat, primo cónditum Ferdinándus primus Castél-
lae, et Legiónis Rex ab Ene-
to Saracéno, Híspali dominante, magno pretio redemptum, Legiónem tránstulit, et in ejus honórem templum aedificátum est, ubi miraculis clarus magna pópuli devotióne cólitur.

¶. Iste est

IN III. NOCTURNO.

Lectio Sancti Evangelii
secundum Matthaeum.

Lectio VII.

Cap. 5.

In illo tempore: dixit Jesus discipulis suis: Vos estis sal terrae. Quod si sal evanuerit, in quo salietur? Ad nihilum valet ultra, nisi ut mittatur foras, et conculcetur ab hominibus. Et reliqua.

Homilia sancti Isidori
Episcopi.

Ex lib. 2. Officiorum ad
Fulgentium.

Cap. 5.

Qui in erudiendis, atque instituendis ad virtutem populis praeerit, necesse est, ut in omnibus sanctus sit: et in nullo reprehensibilis habeatur. Qui enim alium de peccatis arguit, ipse a peccato debet esse alienus. Nam qua fronte subiectos arguere poterit, cum illi statim possit correctus ingerere: ante doce te, quae recta sunt? Primitus quippe semetipsum corrigere debet, qui alios ad

bene vivendum admonere studet, ita ut in omnibus semetipsum formam vivendi praebeat, cunctosque ad bonum opus, et doctrina et opere provocet. Cui etiam scientia Scripturarum necessaria est: quia si Episcopi tantum sancta sit vita sibi soli prodest, sic vivens. Porro si et doctrina, et sermone fuerit eruditus, potest caeteros quoque instruere, et docere suos, et adversarios percussere, qui nisi refutati fuerint, atque convicti, facile possunt simplicium corda pervertere.

¶. Amavit.

Lectio VIII.

Hujus sermo debet esse purus, simplex, apertus, plenus gravitatis et honestatis, plenus suavitatis, et gratiae, tractans de mysterio legis, de doctrina fidei, de virtute continentiae, de disciplina justitiae: unumquemque admonens diversa exhortatione, juxta professionem, morumque qualitatem: scilicet ut praenoscatur quid, cui, quando, vel quomodo proferat. Cujus prae caeteris speciale officium est Scripturas legere, percursare Canones, exempla sanctorum imitari, vigiliis, jejuniis, orationibus incumbere, cum fratri-

bus pacem habere, nec quemquam de membris suis discerpere nullum damnare nisi comprobatum, nullum excommunicare, nisi discussum. Quique ita humilitate pariter, et auctoritate praeesse debet, ut neque per nimiam humilitatem suam subditorum vitia convallescere faciat, neque per immoderantiam severitatis potestatem exerceat, sed tanto cautius erga commissos sibi, quanto durius a Christo indagari formidat.

R. In medio.

Si venerit in Quadrag. Lectio IX. dicitur de Homilia Feriae occurrentis, cum ejus commemor. in Laudibus.

Lectio IX.

Tenēbit quoque illam supereminentem donis omnibus charitatem, sine qua omnis virtus nihil est. Custos enim castitatis charitas, locus autem hujus custodis humilitas. Habēbit etiam inter haec omnia castitatis eminentiam; ita ut mens Christo dedita, ab omni inquinamento carnis sit munda, et libera. Inter haec oportēbit cum sollicita dispensatione curam pauperum gerere, esuriētes pascere, vestire nudos, suscipere pere-

grinos, captivos redimere, viduas ac pupillos tueri, pervigilem in cunctis exhibere curam, providentiam habere distributione discreta. In quo etiam hospitalitas ita erit praecipua, ut omnes cum benignitate, et charitate suscipiat. Si enim omnes fideles illud Evangelicum audire desiderant: Hospes fui, et suscepistis me, quanto magis Episcopus, cujus diversorium cunctorum debet esse receptaculum?

Te Deum.

Vesp. a cap. de S. Vincentio Ferrerio cum commemor. S. Isidori, et Feriae, si venerit in Quadrag.

DIE IX. APRILIS

In Festo B. UBALDI DE ADIMARIIS Conf. Fl. Ord. Serv. B. M. V. Duplex.

ORATIO

Ecclesiam tuam, quaesumus Domine, jugiter amplificare digneris, et beato Ubaldo deprecante, ab impiorum seditionibus, et ab hostium insidiis incolumem custodire. Per Dominum etc.

Lectiones I. Nocturni de Scriptura occurrente.

Si venerit in Quadrag. II. 1.
n. Beátus vir. de Comm. 2.
loco.

IN II. NOCTURNO.

Lectio IV.

Ubáldus ex illústri de Adimáriis família Floréntiae ortus in ea adhuc júvenis incúrrit luctuósa témpora, quibus univérſa pene Itália ita civium seditiõnibus aestuábat, ut jura ómnia ímpie permisceréntur, atque ipsa prae coeteris Florentína Respública jam ad intéritum rúere viderétur. In haec dissidia Ubáldus non modo témere sese conjécerat, quin et ductórum unus Ghibellinórum partes advérsus Guelfos furióse agitábat. Sed cum anno millésimo ducentésimo octogésimo Nicolás Tértius Summus Póntifex ad hos motus componédos Cardinálem Ursínium nepótem suum una cum sancto Philíppo Benítio Floréntiam misisset, opitulánte Deo, horum ópera factum est, ut et tranquillitas urbi restituerétur, et Ubáldus ipse divinis tandem vóciſus obtemperáret. Qui quum novisset Bonaventúram Bonaccúrsium, álterum Pistórii ejúſdem factiõnis antesignánium, Philíppi

mónitis ad saniórem mentem rediisse, et Institútum Servórum Beátae Vírginis fuisse ampléxum, eo nóbili exémplo commótus et ipse ad sanctum Virum confúgit religiósus postulans hábitum. Eúndem áutem Philíppus, periculo adhíbito, a Deo vocátum, et in propósito constántem expértus voti cómpotem fecit.

n. Honéstum.

Lectio V.

Ut vere uberiores poenitentiae fructus ferret, Ubáldus ad Senárium Montem juxta Floréntiam conténdit, ubi sacri hujus Ordinis Fundátóres frequénter degébant: ibique aliquándiu reclúſus austeriores Anachorétas aemulári satagébat vigiliis et precatiõnibus júgiter inténtus, ita ut córporis mácies, et mutáta spécies mutátos patetácerent mores. Illinc superiorum jussu revocátus, et ad Sacerdótium assúptus, eúndem sanctum Philíppum suprésum Ordinis Praesulem in multis itinéribus prosecútus est, quem in conciõnibus, et in áliis sanctis opéribus ad animárum salutem impénsis plúrimum adjuvábat. Cui proptérea ádeo accéptus

erat, ut non modo a consiliis saepenumero eum haberet, sed etiam ut fama refert, ejusdem opera in sacramentali confessione uteretur. Cum autem Tuderti pretiosae hujus Patris morti, quam divinitus praevenerat, interesse meruisset, hinc ad semitam perfectionis alacrius capessendam excitatus, ad Senarium Montem reverti festinavit, ubi duris vitae laboribus sese subjiciens, studium omne ad virtutum apicem attingendum conferbat.

¶. Amavit.

Lectio VI.

Ad haec igitur pietatis exercitia sedulo incumbens cum verbis, tum exemplis pluribus opem tulit, pluresque item ad pacem composuit. Verum de se ita modeste sentiebat, ut quavis esset prudentia et literis exornatus, ab omni praefectura tamen recederet, et obedire semper maluerit, quam praesse. At clementissimus Deus, qui dat humilibus gratiam, non internis tantum charismatibus fidellem servum locupletavit, sed praeterea splendore insignivit miraculorum; unde majori fiducia erigebatur, culparum veniam, quas deflebat perpetuo, jam sibi Deum de-

disse. His, aliisque virtutibus nonnulli ex eadem clara Admirationum gente percussi hunc religiosum Ordinem complerunt quem et abunde illustrarunt. Interim vir dei cum triginta et septem annos in summa vitae simplicitate ac abstinence transeisset; septuagenario major quinto Idus Aprilis anno salutis millesimo tercentesimo decimo quinto in Monte Senario sancto fine quievit, et illius corpus penes Arcam beatorum septem Patrum Ordinis Fundatorum venerationis causa conditum est, ubi postea reapse adinventum. Cultum igitur ei ab immemorabili exhibitum quum Pius Septimus Pontifex Maximus oraculo suo probasset, Officio et Missa illius memoriam universo Ordini Servorum Deiparae celebrandam indul-

¶. Iste homo.

IN III. NOCTURNO.

Lectiones de Comm. 1. loco.

Si hoc Fest. venerit in Quadrage. IX. Lect. erit de Homil. Fer. curr.

DIE XIX. APRILIS.

In Festo S. CRESCENTII CONF. FLOR. Duplex majus.

Omn. de Com. CC. non PP.
1. loc. or. Deus, qui nos.

DIE XX APRILIS.

*In Festo S. AGNETIS Virg.
de Monte Politiāno. Duplex.
Omnia de Comm. Virg. prae-
ter ea quae hic habentur pro-
pra.*

ORATIO

Deus, qui beātam Agnétem
Virginem tuam coelesti rore
saepe perfundere, et oratió-
nis ejus loca diversis enátis
flóribus decorare dignátus es:
concéde propítius, ut ejus
précibus perpétuo tuae bene-
dictiōnis rore conspersi, ae-
ternitátis fructus percipere
mereámur. Per Dóminum no-
strum.

*In I. Noct. Lect. de Script.
occurr.*

IN II. NOCTURNO.

Lectio IV.

Agnes virgo Ordinis sancti
Domínici, in pago quodam
Montis Politiāni ab oscúris,
sed piis, ac locuplétibus est
orta paréntibus; cujus ortum
insignem ómnibus réddidit

illústre miráculum, quod in
conclávi, dum e matris alvó
prodíret, accénsae céreae fa-
ces divínitus apparuérunt,
portendéntes lucem quam or-
bi terrárum allatúra esset.
Infántula, negléctis lúsibus
saepe in remótum áliquem
locum se abdébat, ut sese to-
tam Jesu Christo, quem spon-
sum elégerat, ex ánimo com-
mendáret. Quodam die Mon-
tem Politiānum a suo pago
petens, in collem venit, qui
in urb's pomério est, ubi
meretrices quaedam agébant.
Illic virgo infántula rostris,
et únguibus a quibúsdam te-
tris, sordidisque corvis appe-
tita est, tamquam praesagién-
tibus daemónibus, illam suis
conátibus olim ácritèr adver-
satúram. Nonum agens an-
num, multis précibus a pa-
réntibus impetrávit, ut in
coenóbio Virginum, cui no-
men a Sacco est, in ipso
Monte Politiāno totam suo
se Sponso dicáret: in quo
tanta ánimo alacritáte coepit
in precatiōnibus, sacris le-
ctiōnibus, aliisque religiōsis
exercitatiōnibus tempus om-
ne consúmere, ut étiam cór-
poris necessitatibus, quod
posset, subtráheret. Modé-
stiam, obediéntiam, humili-
tátem in primis cóluit, men-
tis integritátem, et córporis
pudicítiam ádeo adamávit, ut
ad tantum thesáurum faci-

lius, et tútius conservándum, tenéllum corpus jejúniis, vigiliisque conficeret.

¶. Propter.

Lectio V.

Et ne lucérna ardens sub módio latéret, sed super candelábrum ponerétur, Agnes Dei nutu ad instituéndum novum sacrárum Virginum coenóbium in oppido, vulgo Procéno, intra fines agri Orviéti cum sua magístra Margarita delécta est. Mox eidem coenóbio propter exímiam vitae sanctitátem: senilémque prudéntiam, licet quintum décimum annum nondum egísset, Summi Pontíficis jussu invíta praeficitur. Tunc ómnium stúdia virtútum ardéntius cólere coepit. Per annos quíndecim, quos hic vixit, quotidie jejunávit, solo pane, et aqua satis conténta; sed et lectus nuda humus, cervícal durum saxum ipsi fuit. Deum frequénter orábat, ut regéndo monastério aetátis suae imbecillitátem divína virtúte firmáret; et ab oratióne, ac divinárum rerum contemplatióne, non nisi magno cum ánimi dolóre, avocabátur. Saepe áutem ejus pállium, cum ab oratióne súrgeret, invéntum est cándido rore conspérsum, cujus

roris guttae singulae crucis figúram habébant. Quin étiam templi ara primária, et totum paviméntum eo die, quo Christi sponsam Episcopopus, praesénte univérso Clero, et pópulo cousecrávit, símili rore conspérsus est. Intérdu[m] quoque locum, quem orándo flexis génibus tangébat, enáti súbito flores, violaeque pulchérissimae ornáru[n]t. Inter orándum a Beatíssima Dei Matre Fílium Jesum, geréntem formam lacténtis Infántis, suo complexu quondam accépit; atque ab ejus collo pendéntem ténuí filo crucem dono hábuit; quae in templo asservátur, in quo corpus Virgínis cónditum est.

¶. Dilexísti justítiam.

Lectio VI.

Cum vero in gravíssimum morbum incidísset, ad bálnea propínqui óppidi Clanciáni ducta est: ac vix aquas attígerat, cum coelésti quodam rore concrétó, ac instar nivis cándido conspérsae sunt, cujus singulae particulae crucis forma figuratae erant. Nunc quoque ex novo fonte aqua prófluit quae ómnium génerum morbos curáre incoepit. At in coenóbium revérsa, ingravescénte morbo, sacras soróres deploarántes matris e

vita discéssum consoláta, et ad concórdiam, et votórum observántiam simul exhortáta est; sentiénsque se ad coeléstes núptias a suo sponso vocári, manus in coelum sústulit; ac Dómino spíritum commendávit, anno millésimo trecentésimo decimoséptimo, die vigésima Aprilis. Cujus corpus miram odóris suavitátem efflans, ad se viséndum omnes invitávit; ac e summis mánibus, et pédibus, pretiósum liquórem emíttens, vestes ipsas made-fécit; multisque miráculis commendátum in hunc usque diem íntegrum conspicitur, divínisque honóribus afficitur. Ad quod viséndum sancta Catharína Senénsis (quae ac-céperat a Deo se parem in coelo cum beáta Agnéte glóriam habitúram) cum venísset, pedes osculári vóluit; sed jacéntis córporis pes alter in os usque sanctae Catharinae divína vi eréctus est. Iterúmque post áliquod tempus sancta Catharina ad beátae Agnéti corpus re-vérta, cum ad caput córporis sese demísisset, manna toto illo loco plúere coepit in figúram crucis formátum sicut decidere sólitum erat, cum Agnes in hac vita orábat.

n). Afferéntur Regi vírgi-
nes.

In III. Noct. Homil. in E-vangel. Simile erit Regnum coelorum decem Virgínibus, de eod. Communi.

DIE XXIV. APRILIS.

In Festo S. FIDELIS A SIGMARINGA Protomartyris Sacr. Congregationis de propa-ganda Fide. Duplex.

Omnia de Commun. Mart. Temp. Pasch. praeter ea, quae hic assignatur.

ORATIO.

Deus, qui beátum Fidélem seráphico spíritus ardóre suc-cénsum in verae Fidei pro-pagatione martyrii palma, et gloriósis miráculis decoráre dignátus es: ejus quaesumus méritis, et intercessióne, ita nos per grátiam tuam in Fi-de, et Charitáte confirma, ut in servítio tuo fidéles usque ad mortem inveníri mereá-mur. Per Dóminum etc.

Lectiones I. Noct. de Script. occur.

Lectio IV.

Fidélis in óppido Svéviae Sigmarínga ex honésta Re-yórum família natus, ab i-

neunte aetate singuláribus natúrae, et grátiae donis ornátus praefúlsit. Egrégiam quippe sortítus índolem, morúmque óptima imbútus disciplína, dum Fribúrgi Philosophíae, et Juris utrúsq; láuream emérui, in schola étiam Christi ad perfectiónis ápicem sédulo virtútum exercítio conténdere coepit. Nobíllum exínde virórum várias Európaе provincias lustrántium comes adscítus, eos ad Christiánam pietátem sectándam tam verbis, quam ópéribus excitáre non déstitit. Quinímmo in eódem itinere crebris austeritátibus desidéria carnis mortificáre, ac ita seípsum régere stúduit, ut in tanta rerum vicissitúdine nullo unquam visus fúerit irae moto perturbári. Juris prae- térea, et justitiae strénuus propugnátor, post réditum in Germaniam, célebre sibi nomen acquisívit in Advocáti múnere, in quo tamen cum Fori perícula esset expértus, tutiorem aetérnae salutis viam ingredi deliberávit, et supérna vocatióne illustrátus páulo post Ordini Seráphico inter Fratres Minóres Capuccínos adscribi pétiit.

¶. Lux perpétua.

Lectio V.

Piae petitiónis compos réd-

ditus, mundi, suíque contemp-
tor insígnis in ipso statim
tyrocínio, magisque cum so-
lémnis Professiónis vota in
gáudio Spíritus Dómini nuncupásset, in Regulári obser-
vántia ómnibus admiratióni
fuit, et exémplo. Oratióni
máxime, et sacris lítteris va-
cans, in verbi quoque mini-
stério singulári grátia excél-
lens, nedum Cathólicos ad
meliórem frugem, verum étiam
Heterodóxos ad veritátis
cognitiónem attráxit. Plú-
ribus in locis Coenóbii Prae-
fécus constitútus, prudéntia,
justítia, mansuetúdine, discre-
tióne, et humilitátis láude,
múnus sibi demandátum ex-
ercuit. Arclíssimae pauper-
tátis zelátor egrégius, quid-
quid vel minus necessárium
viderétur e Coenóbio pénitus
eliminávit. Inter austéra je-
júnia, vigílias, et flagélla sa-
lutári seípsum prósequens ó-
dio, in álios amórem, quasi
mater in filios, osténdit. Cum
pestífera febris Austríacas mi-
litáres cópias dire afflígeret,
ipse in extrémis infirmórum
indigéntiis ad assídua chari-
tátis officia toto spíritu incú-
buit. In componéndis étiam
animórum dissidiis, aliisque
próximí necessitátibus suble-
vándis consilio, et ópere á-
deo praecláre se gessit, ut Pa-
ter Pátria merúerit appellári.

¶. In servis suis.

†. Dignáre me laudáre te
Virgo sacráta, Allelúja.

¶. Da mihi virtútem con-
tra hostes tuos, Allelúja.

AD MAGNIFICAT.

Antiphona

Sancta María, succúrre mí-
seris, juva pusillánimes, ré-
fove flébiles, ora pro pópulo,
intérveni pro clero, intercède
pro devoto femíneo se-
xu: séntiant omnes tuum ju-
vámén, quicúmque célebrant
tuam sanctam festivitátem,
Alleiúia.

ORATIO.

Bonórum ómnium largítor
Deus, qui Genitrícis dilécti
Fílii tui speciósam Imáginem
mira apparitióne clarificáre
voluísti: concéde quaesumus,
ut ejúsdem beátae Mariae
Vírginis intercessióne ad coe-
léstem pátriam feliciter per-
ducámur. Per eúndem Dó-
minum etc.

AD MATUTINUM

Invitat. Sancta María Dei
génitrix virgo, * Intercéde
pro nobis, Allelúja,

Psalm. Veníte.

Hymnus

Pláude festívo, pia gens,
honóre.

Dum Genestáni veneráris ae-
dem,

Qua Dei magnae Genitrícis
alma

Splendet imágo.

Haec ubi mira spécie re-
pénte

Obtulit sese pópulis vidéndam,
Multa mox secum bona fer-
re nostras

Visa per oras.

Ipsa tunc aegris áderat,
moléstos

Córporis morbos, animíque
pellens,

Longe et aerúmnae Látio im-
minéntes

Ipsa fugábat.

Virgo, quae magnis deco-
ráta signis

Nunc quoque effúlges, míse-
ris juvámén

Affer, et fuis pátiens clién-
tum

Annue votis.

Sit salus illi, decus, atque
virtus,

Qui super coeli sólio corú-
scans

Tótius Mundi sèriemgubérnat
Trinus, et unus. Amen.

IN I. NOCTURNO

*Ant. et Psalm. ut in Officio
parvo B. M. V.*

ŷ. Spécie tua, et pulchritudine tua, Allelúja.

ñ. Inténde, prospere procéde, et regna, Allelúja.

De Parábolis Salomónis.

Lectio I.

Si intráverit sapiéntia cor tuum, et sciéntia ánimae tuae placúerit, consílium custódiet te, et prudéntia servábit te, ut eruáris a via mala, et ab hómine, qui perversa lóquitur, qui relinquant iter rectum, et ámbulant per vias tenebrósas; qui laetántur cum male lécerint, et exúltant in rebus péssimis, quorum viae perversae sunt, et infámes gressus eórum.

ñ. Sancta et immaculáta virginitas, quibus te láudibus éfferam, nésco: * Quia quem coeli cápere non póterant, tuo grémio contulísti, Allelúja.

ŷ. Benedícta tu in muliéribus, et benedíctus fructus ventris tui. Quia.

Lectio II.

Fili mi, ne éfluant haec ab óculis tuis. Custódi legem atque consílium, et erit vita animae tuae, et grátia fáucibus tuis. Tunc ambulábis fiduciáliter in vía tua, et pes

tuus non impínget. Si dormieris, non timébis; quiésces et suávis erit somnus tuus. Ne páveas repentinó terróre, et irruéntes tibi poténtias impiórum. Dóminus enim erit in látere tuo, et custódiet pedem tuum, ne capiáris.

ñ. Congratulámini mihi omnes, qui dilígitis Dóminum quia cum essem párvula, plá-cui Altíssimo: * Et de meis viscéribus genui Deum et hóminem, Allelúja.

ŷ. Beátam me dicent omnes generatiónes, qnia ancíllam húmilem respéxit Deus. Et de meis.

Lectio III.

Ego Sapiéntia hábito in consílio, et eruditís intérsu cogitatió nibus. Timor Dómini odit malum: arrogántiam, et supérbiam, et viam pravam, et os bilíngue detéstor. Meum est consílium, et aequitas, mea est prudéntia, mea est fortitúdo. Per me reges regnant, et legum conditóres justa decérnunt. Per me príncipes ímperant, et póntes decérnunt justítiam. Ego diligéntes me diligo: et qui mane vigilant ad me invénient me.

ñ. Beáta es, Virgo María, quae Dóminum portásti, creatórem mundi: * Genuísti qui

te fecit, et in aeternum per-
manes Virgo, Allelúja,

ŷ. Ave María grátia plena:
Dóminus tecum. Genuísti.
Glória. Genuísti.

IN II. NOCTURNO

ŷ. Adjuvábít eam Deus vul-
tu suo, Allelúja.

ŷ. Deus in médio ejus non
commovébitur, Allelúja.

Lectio IV.

De Sermóne sancti Augustíni
Epíscopi.

*In natali S. Joannis Bapti-
stae.*

Hóminem concépit Elísa-
beth, hóminem María: sed
Elisabeth solum hóminem,
María Deum, et hóminem.
Mira res est, quómodo po-
túerit concípere creatúra Crea-
tórem. Quid est ergo intelli-
géndum, fratres mei, nisi
quia ipse sibi fecit carnem
de sola matre; qui fecit pri-
mum hóminem sine patre, et
matre? Primum ille noster
casus fuit, quando fémina,
per quam mórtui sumus, in
corde concépit venéna ser-
péntis. Persuásit, enim ser-
pens peccátum et admissus
est male suádens. Si primus
noster casus fuit, cum foe-
mina concépit corde venéna

serpéntis, non mirándum,
quod salus nostra facta est,
cum foemina concépit in ú-
tero carnem Omnipótentis.
Utérque cecíderat sexus: u-
térque fúerat reparándus. Per
mulierem in intéritum missi
erámus: per mulierem nobis
réddita est salus.

ŷ. Sicut cedrus exaltáta sum
in Líbano, et sicut cypréssus
in monte Sion: quasi myrrha
elécta, * dedi suavitátem odó-
ris, Allelúja.

ŷ. Et sicut cinnamómum,
et bálsamum aromatízans.
Dedi.

Lectio V.

De Sermóne sancti Fulgéntii
Epíscopi

*De laudibus Mariae ex par-
tu Salvatoris.*

Quóniam diábolus per ser-
péntem Evae locútus, per E-
vae áures mundo intulit mor-
tem, Deus per Angelum ad
Mariám pertulit verbum, et
cunctis saeculis vitam effúdit,
Angelus sermónem ejécit, et
Christum Virgo concépit. Hoc
splendóre concépitur Dei Fí-
lius: hac mundítia generá-
tur. De coelis médicus trán-
siens per Vírginem post trán-
situm suum, illaesam fecit
Vírginem permanére. Qui e-

nim disrúpta córporum membra in áliis póterat integràre tangéndo, quanto magis in sua matre, quod invénit íntegrum, pótuít non violàre nascéndo? Crevit enim ejus partu íntégritas córporis, pótius quam decrevit, et virgíntas ampliàta est, pótius quam fugàta.

¶. Quae est ista quae processit sicut Sol, et formósa tamquam Jerúsalem? * Vidérunt eam filiae Sion, et beàtam dixerunt, et regínae laudavérunt eam, Allelúja.

¶. Et sicut dies verni circúmdabant eam flores rosàrum, et lília convállium. Vidérunt.

• Lectio VI.

María, quam praeclaríssimis tribus bonis sublimétur, ausculta: Salutatiónis Angélicae, benedictiόnis divínae, et plenitúdinis grátiae. Sic enim eam légitur salutásse: Ave María, grátia plena, benedícta inter mulieres. * Et ut nihil non sublíme esset in hac sanctíssima Vírgine, quam Angelus grátia plenam salutávit, non sine divíno consílio factum est, ut ejus étiam imágines summo essent in honóre, et prodígiis, miraculísque claréscerent. Quas ínter, ea tribus ab hinc saecu-

lis praecipuo honóre cólitur, quae Pàulo Secúndo sedénte mirábiliter apparúisse in paríete Ecclésiae Patrum Ordínis Eremitàrum Sancti Augustíni in óppido Genestáni Praenestínae Dioecésis, ex Pontificiis diplomátibus, et suppáribus monuméntis comprobátur. Quibus permótus Pius Papa Sextus, praefátis ejúsdem óppidi Coenóbítis Officium próprium concéssit séptimo Kaléndas Majas, ipso scílicet Apparitiόnis die, recitándum, ac deínde illud die, quae immediàte subséquitur pro ejus recitatiόne in pósterum assignàta, ad univérsum praedíctum Ordinem sub ritu dúplicitis majóris exténdit.

¶. Ornátam monílibus filiam Jerúsalem Dóminus concupívit: * Et vidéntes eam filiae Sion beatíssimam praedicavérunt dicéntes: * Unguéntum effúsum nomen tuum, allelúja.

¶. Astitit Regína a dextris tuis in vestítu deauráto, circúmdata varietáte. Et vidéntes. Glória Patri. Unguéntum.

IN III. NOCTURNO

¶. Elégit eam Deus et praeelégit eam, Allelúja.

¶. In tabernáculo suo habitáre facit eam, Allelúja.

Lectio VII.

Lectio sancti Evangelii
secundum Matthaeum.

Cap. 1.

Liber generati6nis Jesu Christi, Filius David, Filius Abraham. Abraham genuit Isaac, Isaac autem genuit Jacob. Et reliqua.

Homilia sancti Thomae
Episcopi.

In Conc. 2. Nat. B. M.

Cogitanti mihi, ac diu haesitanti quid causae sit, quod cum Evangelistae de Joanne Baptista, et aliis Apostolis tam longum fecere tractatum, de Virgine Maria, quae vita et dignitate omnes antecedit, ita summatim percurrant historiam. Cur, inquam, non traditum est memoriae, quomodo concepta, quomodo nata, quomodo nutrita, quibus moribus decorata, quibus virtutibus ornata, quid cum Filio in humanis egerit, quomodo cum illo conversata sit, quomodo post ejus Ascensionem cum Apostolis vixerit? Magna erant haec, et memoratu digna, et quae cum summa devotione a Fidelibus lege-

rentur, a populis amplecterentur. Quis enim dubitat, quin in ejus nativitate, et pueritia mira multa contingerint, et puella haec in teneris annis stupendum saeculis virtutum omnium monumentum extiterit?

¶. Felix namque es sacra Virgo Maria, et omni laude dignissima: Quia ex te ortus est Sol justitiae, Christus Deus noster, Allelúja.

¶. Ora pro populo, interveni pro Clero, intercede pro devoto foemineo sexu; sentiant omnes tuum juvamen, quicumque celebrant tuam sanctam festivitatem. Quia ex.

Benedictio. Cujus festum colimus, ipsa Virgo virginum.

Lectio VIII.

Haec mihi haesitanti, cur de actibus Virginis, sicut de actibus Pauli non est composuit liber: nihil aliud occurrat, (accusare enim Evangelistas negligentiae, sicut impium, ita et temerarium iudico) quam ita placuisse Spiritui Sancto, ejusque providentia Evangelistas siluisse, propterea quia Virgini gloria, sicut in psalmis legitur, omnis intus erat, et magis cogitari poterat, quam describi, sufficitque ad ejus plenam

históriam, quia de illa natus est Jesus. Quid ámplius quæris? Quid ultra requíris in Vírgine? Súfficit tibi, quod Mater Dei est.

ñ. Beátam me dicent omnes generatiónes: * Quia fecit mihi Dóminus magna. qui potens est, et sanctum nomen ejus. Allelúja.

ŷ. Et misericórdia ejus a progénie in progénies timéntibus eum. Quia. Glória. Quia.

Lectio IX.

Non eam Spíritus Sanctus líteris descripsit, sed tibi eam ánimo depingéndam reliquit, ut intélligas, nihil illi grátiae, aut perfectiónis, aut glóriæ, quam ánimus in pura creatúra concipere possit, defuisse: immo reípsa intellectum omnem superásse. Ubi ergo totum erat, pars scribenda non fuit, ne putáres, quod scriptum non fúerat, eídem fórsitan defuisse. Si ancíllas suas, et mínistras domus suae potentíssimus Dóminus ita mirífice decorávit ita donis, et grátiis venustávit: qualem exístimas cóndidit Matrem suam; únicam Sposam suam, quam sibi ex ómnibus elégit, et prae ómnibus adamávit? Omnibus eam Altíssimus præpósuit

non solum Virgíneis sed étiam Angélicis Choris, quia Mater ejus est, et Matrem Dei decet omnis celsitúdo. Quidquid igitur de Vírgine scire, aut intellígere cupis, totum in hoc cláuditur breviloquio: **DE QUA NATUS EST JESUS.** Haec longa, et pleníssima história ejus est.

Te Deum laudámus etc.

AD LAUDES

ET PER HORAS.

Ut in Officio B. M. V. in Sab.

ŷ. Diffúsa est grátia in labiis tuis, Allelúja.

ñ. Proptérea benedixit te Deus in aetérnum, Allelúja.

AD BENEDICTUS

Antiphona

Beáta es María, quae credidísti; perficiéntur in te, quae dicta sunt tibi a Dómino, Allelúja.

ORATIO.

Bonórum ómnium largitor Deus, qui Genitrícis dilécti Fílii tui speciósam Imáginem mira Apparitióne clarificáre voluísti: concéde quaesumus,

ut ejúsdem beátae Maríae Virgínis intercessióne ad coeléstem pátriam feliciter perducamur. Per eúmdem Dóminum etc.

In II. Vesperis ut in primis.

AD MAGNIFICAT.

Ant. Beátam me dicent omnes generatiónes, quia ancillam húmílem respéxit Deus. Allel. *Oratio ut sup.*

DIE XXVII. APRILIS.

ASS. EX PRAECED.

In Festo SS. CLETI ET MARCELLINI PP. ET MM.

Sem. omn. ut in Brev. die praeced.

FESTA MAII.

DOMINICA III. POST PASCHA

Officium de PATROCINIO S. JOSEPH totius Etruriae Patroni. Duplex 2. Classis.

AD VESPERAS.

Ant. Jacob áutem cum reliquis de Laudibus. *Psal.* Dixit Dóminus, cum reliquis de Dominica, et loco ultimi *Psal.* Laudáte Dóminum omnes Gentes.

Cap.

Genes. 49.

Benedictiões patris tui con-

fortátæ sunt benedictiões patrum ejus, donec veníret desiderium cóllium aeternórum: fiant in cápite Joseph, et in vértice Nazaraei inter fratres suos.

Hymnus

Te, Joseph, célebrent àgmína coelítum.

Te cuncti résonent Christíadum chori,

Qui clarus méritis, junctus es ínclýtae

Casto foedere Vírgini.

Almo cum túmidam gérmine eónjugem

Admírans dúbio tängeris ánxius,

Afflátu súperi fláminis Ángelus

Concéptum púerum docet.

Tu natum Dóminum stríngis, ad éxteras

Ægypti prófugum tu séque-ris plagas;

Amíssum Sólymis quaeris, et ínvenis.

Miscens gáudia fléti-bus.

Post mortem réliquos mors pia cónsecrat,

Palmámque eméritos glória súscipit:

Tu vivens súperis par, frúeris Deo,

Mira sorte beátior.

Nobis, summa Trias, parce precántibus.

Da Joseph méritis sídera
scándere,
Ut tandem líceat nos tibi pér-
petim

Gratum prómere cán-
ticum. Amen.

Ÿ. Constituit eum dómi-
num domus suae, Allelúja.

ñ. Et princípem omnis pos-
sessiónis suae, Allelúja.

AD MAGNIFICAT

Ant. Cum esset desponsáta
mater Jesu María Joseph,
ántequam convenírent, invén-
ta est in útero habens de
Spíritu Sancto, Allelúja.

ORATIO.

Deus, qui ineffábili provi-
déntia beátum Joseph san-
ctíssimae Genitrícis tuae Spo-
sum elígere dignátus es: prae-
sta quaesumus, ut quem pro-
tectórem venerámur in ter-
ris; intercessórem habére me-
reámur in coelis: Qui vivis,
et regnas etc.

Et fit commem. Dominicae.

AD MATUTINUM

Invit. Laudémus Deum no-
strum: In veneratióne beá-
ti Joseph protectóris nostri,
Allelúja.

Psalm. Veníte, exultémus.

Hymnus Te, Joseph, céle-
brent etc. *ut supra.*

IN I. NOCTURNO.

Ant. Angelus Dómini appá-
ruit in somnis Joseph, dicens:
Surge, et áccipe púerum, et
matrem ejus et fuge in Ae-
gyptum, et esto ibi, usque
dum dicam tibi, Allelúja.

*Psalm. de Communi Con-
fess. non Pontificis, sub una
tantum Antiph.*

*Si hoc fest. celebretur post
oct. Pent. Ant. nocturnor. su-
mantur ex ejus praecipuo Fe-
sto die 19. Martii pag. 235.*

Ÿ. Confitébor nómini tuo,
Allelúja.

ñ. Quóniam adjútor, et
protéctor factus es mihi, Al-
lelúja.

De libro Génesis:

Lectio I.

Cap. 39.

Igitur Joseph ductus est in
Ægyptum, emitque eum Pú-
tiphar Eunúchus Pharaónis,
princeps exércitus, vir Ægy-
ptius, de manu Ismaelitárum
a quibus perdúctuserat. Fuít-
que Dóminus cum eo, et erat
vir in cunctis prósperè agens,
habitavítque in domo dómini
sui, qui óptime nóverat, Dó-
minum esse cum eo et óm-
nia, quae géreret, ab eo dí-
rigi in manu illíus. Invenít-
que Joseph grátiam coram
Dómino suo, et ministrábat

ei, a quo praepositus omnibus, gubernabat creditam sibi domum, et universa, quae ei tradita fuerant. Benedixitque Dominus domui Aegyptii propter Joseph, et multiplicavit tam in aedibus quam in agris cunctam ejus substantiam, nec quidquam aliud noverat nisi panem quo vesceretur. Erat autem Joseph pulchra facie, et decorus aspectu.

¶ Clamavit populus ad regem, alimenta petens. * Quibus ille respondit: Ite ad Joseph, Allelúja.

†. Salus nostra in manu tua est; respice nos tantum, et laeti serviemus Regi. Quibus ille.

Lectio II.

Placuit Pharaóni consilium, et cunctis ministris ejus, locutusque est ad eos: Num invenire poterimus talem virum, qui spiritu Dei plenus sit? Dixit ergo ad Joseph: Quia ostendit tibi Deus omnia, quae locutus es: numquid sapientiorum, et consimilem tui invenire poteris? Tu eris super domum meam, et ad tui oris imperium cunctus populus obediet; uno tantum regni solio te praecedam. Di-

xitque rursus Phárao ad Joseph: Ecce constitui te super universam terram Aegypti; tulitque annulum de manu sua, et dedit eum in manu ejus, vestivitque eum stola byssina, et collo torquem auream circumposuit. Fecitque eum ascendere super currum suum secundum clamante praecone, ut omnes coram eo genuflecterent, et praepositum esse scirent universae terrae Aegypti.

¶ Fecit me Deus quasi patrem regis, et Dominum universae domus ejus; * Exaltavit me, ut salvos faceret multos populos, Allelúja.

†. Venite ad me et ego dabo vobis omnia bona Aegypti ut comedatis medullam terrae. Exaltavit.

Lectio III.

Dixit quoque rex ad Joseph: Gen. cap. 41.
Ego sum Phárao; absque tuo imperio non movébit quisquam manum, aut pedem in omni terra Aegypti. Vertitque nomen ejus et vocavit eum lingua Aegyptiaca salvatorem mundi. Deditque illi uxorem Aseneth filiam Putipháre sacerdotis Heliopóleos. Egressus est itaque Joseph ad terram Aegypti, (triginta au-

tem annórum erat, quando stetit in conspéctu regis Pharaónis) et circúvit omnes regiones Aegypti. Venítque fertilitas septem annórum; et in manípulos redáctae ségetes congregatae sunt in hórrea Aegypti. Omnis étiam frugum abundántia in singulis úrbibus cóndita est. Tántaque fuit abundántia trítici, ut arénæ maris coaequarétur, et cópia mensúram excéderet.

¶. Jam laetus móriar, quia vidi fáciem tuam, et supérstitem te relínquo: Non sum fraudátus aspéctu tuo: * Insuper osténdit mihi Dóminus semen tuum, Allelúja.

‡. Qui pascit me ab adulescéntia mea, benedícat púeris istis, et invocétur super eos nomen meum. Insuper. Glória Patri. Insuper.

IN II. NOCTURNO

Ant. Angelus Dómini appáruit in somnis Joseph, dicens: Surge, et áccipe púerum, et matrem ejus et vade in terram Israel; defúnti sunt enim, qui quaerébant ánimam pueri, Allel.

‡. Réspice de coelo, et vide, et visita víneam istam, Allelúja.

¶. Et pérfice eam, Allelúja.

Sermo sancti Bernardíni
Senénsis.

Sermo 1. de S. Joseph.

Lectio IV.

Omniū singulárum gratiárum alicui rationábili creatúrae communicátarum generalis régula est, quod quādocúmque divína grátia éligit áliquem ad áliquam grátiam singulárem, seu ad áliquem subhmem statum, ómnia charísmata donet, quae illi persónae sic eléctae et ejus officio necessária sunt, atque illam copiósé decórant. Quod máxime verificátum est in sancto Joseph, putatívo patre Dómini nostri Jesu Christi, et vero sponso Regínae mundi, et Dóminae Angelórum, qui ab aetérno Patre eléctus est fidélis nutritius, atque custos principálium thesaurórum suórum, scilicet Fílii ejus, et sponsae suae: quod officium fidelíssime prosecútus est. Cui proptérea Dóminus ait: Serve bone, et fidélis, intra in gáudium Dómini tui.

¶. Dedísti mihi protectió-nem salútis tuae, et dextera tua suscepít me: * Protéctor meus, et cornu salútis meae et suscep-tor meus, Allelúja.

‡. Ego protéctor tuus sum, et merces tua magna nimis. Protéctor.

Lectio V.

Si cõmpares eum ad totam Ecclésiã Christi, nonne iste est homo electus et specialis, per quem, et sub quo Christus est ordinãte, et honeste introductus in mundum? Si ergo Virgini matri tota Ecclésiã sancta debitor est, quia per eum Christum suscipere digna facta est; sic profecto post eam huic debet grãtiam, et reverentiam singularem. Ipse enim est clavis veteris Testamenti, in qua Patriarchalis, et Prophetalis dignitas promissum consequitur fructum. Porro hic est solus, qui corporaliter possedit, quod eis divina dignatio reprõmisit. Mõrito igitur figuratur per illum Patriarcham Joseph, qui põpulis frumẽta servavit. Sed et hic illum praecellit, quia non solum Aegyptiis panem corporalis vitae, sed omnibus electis panem de coelo, qui coelẽstem vitam tribuit, cum multa solertia enutrivit.

¶. Stãtuet filios suos sub tẽgmine illius, et sub ramis ejus morabitur, protegẽtur sub tẽgmine illius a fervore * Et in glõria ejus requiescet, Allelũa.

¶. Sperate in eo omnis congregatio põpuli, effundite co-

ram illo corda vestra. Et in glõria.

Lectio VI.

Profecto dubitandum non est, quod Christus familiaritatem, reverentiam atque sublimissimam dignitatem, quam sibi exhibuit, dum ageret in humanis tamquam filius patri suo, in coelis utique non negavit, quin potius complẽvit, et consummavit. Unde non immẽrito in verbo proposito a Dõmino subinfertur: Intra in gaudium Dõmini tui. Unde, licet gaudium aeternae beatitudinis in cor hominis intret, maluit tamen Dõminus ei dicere: Intra in gaudium; ut mystice innuatur, quod gaudium illud non solum in eo sit intra, sed undique illum circumdans, et absorbens, et ipsum velut abyssus infinita submergens. Memẽto igitur nostri, beate Joseph, et tuae orationis suffragio apud tuum putativum Filium intercẽde: sed et beatissimam Virginem sponsam tuam nobis propitiam redde, quae mater est ejus, qui cum Patre, et Spõritu Sancto vivit, et regnat per infinita saecula saeculõrum, Amen.

¶. Si consistant adversum me castra, non timebit cor meum: * Si exurgat advẽr-

sum me praelium, in hoc ego sperábo, Allelúja.

ŷ. In te cantatio mea semper, quóniam tu adjutor fortis. Si exúrgat. Glória Patri. Si exúrgat.

IN III. NOCTURNO

Ant. Consurgens Joseph accepit puerum, et matrem ejus, et venit in terram Israel, et habitavit in civitate, quae vocatur Nazareth, Allelúja.

ŷ. Invocavi Dóminum Patrem Dómini mei, Allelúja.

℟. Ut non derelinquat me in die tribulatiónis, Allelúja.

Lectio sancti Evangelii
secundum Lucam.

Lectio VII.

Cap. 3.

In illo tempore: Factum est autem, cum baptizaretur omnis populus, et Jesu baptizato, et orante, apertum est coelum. Et reliqua.

Homilia sancti Augustini
Episcopi.

Lib. 2. de Consensu Evangelistarum.

Manifestum est illud, quod

ait; ut putabatur filius Joseph, propter illos dixisse, qui eum ex Joseph, sicut alii homines nascuntur, natum arbitrantur. Quos autem movet, quod alios progenitores Matthaeus enumerat, descendens a David usque ad Joseph, alios autem Lucas, ascendens a Joseph usque ad David, facile est, ut advertant, duos patres habere potuisse Joseph: unum, a quo genitus, alterum, a quo fuerit adoptatus. Antiqua est enim consuetudo adoptandi etiam in illo populo Dei, ut sibi filios facerent, quos non ipsi genuissent; unde intelligitur Lucas patrem Joseph, non a quo genitus, sed a quo fuerat adoptatus, suscepisse in Evangelio suo; cujus progenitores sursum versus commemorat, donec exiret ad David.

℟. Josephi filii David, noli timere accipere Mariam conjugem tuam, quod enim in ea natum est, de Spiritu Sancto est; pariet autem filium. Et vocabis nomen ejus Jesum, Allelúja.

ŷ. Ipse enim salvum faciet populum suum a peccatis eorum. Et vocabis.

Lectio VIII.

Cum enim necesse sit, utroque Evangelista vera nar-

rante, et Matthaeo scilicet et Luca, ut unus eorum ejus patris originem teneret, qui genuerat; alter ejus qui adoptaverat Joseph, quem probabilius intelligimus adoptantis originem tenuisse, quam eum, qui noluit Joseph genitum dicere ab illo, cujus eum filium esse narrabat? Matthaeus autem dicens: Abraham genuit Isaac, Isaac genuit Jacob, atque ita in hoc verbo, quod est genuit, perseverans, donec in ultimo diceret, Jacob autem genuit Joseph; satis expressit, ad eum patrem se perduxisse originem generantium a quo Joseph non adoptatus, sed genitus erat. * Quamquam, si etiam Lucas genitum diceret Joseph ab Heli, nec sic nos hoc verbum perturbare deberet, ut aliud crederemus, quam ab uno Evangelista gignentem; ab altero adoptantem patrem fuisse commemoratum. Neque enim absurde quisque dicitur non carne, sed charitate genuisse, quem filium sibi adoptaverit. At vero etiam nos, quibus dedit Deus potestatem filios ejus fieri, de natura, atque substantia sua non nos genuit, sicut unicum Filium, sed utique dilectione adoptavit.

n. Surge et accipe puerum, et matrem ejus, et fuge in Aegyptum: * Et esto ibi, us-

que dum dicam tibi Allelúja.

ŷ. Ut adimpleretur, quod dictum est a Domino per Prophetam dicentem: Ex Aegypto vocavi Filium meum. Et esto. Glória Patri. Et esto.

Nona Lectio Hom. 3. Dom. post Pasch.

AD LAUDES

ET PER HORAS.

Antiphona.

Jacob autem genuit Joseph virum Mariae, de qua natus est Jesus, qui vocatur Christus, Allelúja.

Psal. Dominus regnavit, cum reliquis de Dom.

Ant. Missus est Angelus Gabriel a Deo in civitatem Galilaeae, cui nomen Nazareth, ad Virginem desponsatam viro, cui nomen erat Joseph, Allelúja.

Ant. Ascendit autem Joseph a Galilaea de civitate Nazareth in Judaeam, in civitatem David, quae vocatur Bethlehém, Allelúja.

Ant. Et venerunt festinantes, et invenérunt Mariam, et Joseph, et Infantem positum in praesepio, Allelúja, Allelúja.

Ant. Et ipse Jesus erat inci-

piens quasi annorum triginta,
ut pulabatur filius Joseph,
Allelúja.

*Capit. Gen. 49, Benedictio-
nes Patris tui. ut supra.*

Hymnus.

Coelitum Joseph, decus at-
que nostrae

Certa spes vitae, columen-
que mundi,

Quas tibi laeti cānimus,
benignus

Súscipe laudes.

Te Sator rerum státuit pudí-
cae

Virginis sponsum, voluit-
que Verbi

Te patrem dici, dedit et
ministrum

Esse salutis.

Tu Redemptórem stábulo
jacéntem,

Quem chorus Vatum cécti-
nit futúrum,

Aspicias gáudens, humíls-
que natum

Numen adóras.

Rex Deus regum, dominátor
orbis,

Cujus ad nutum tremit In-
ferórum

Turba, cui pronus famu-
latur aether,

Se tibi subdit.

Laus sit excelsae Tríadi pe-
rénnis,

Quae tibi praebens súperos
honóres.

Det tuis nobis méritis beá-
tae

Gáudia vitae.

Amen.

Ÿ. Dedísti mihi protecti-
onem salutis tuae, Allelúja.

℞. Et dextera tua suscepit
me, Allelúja.

AD BENEDICTUS

Ant. Joseph fili David, noli
timére, accípere Mariam có-
njugem tuam: quod enim in
ea natum est, de Spíritu San-
cto est, Allelúja.

ORATIO

Deus, qui ineffábili provi-
déntia beátum Joseph San-
ctíssimae Genitricis tuae spon-
sum eligere dignátus es: prae-
sta quaesumus, ut quem pro-
tectórem venerámur in ter-
ris, intercessórem habére me-
reámur in coelis. Qui vivis, et
regnas.

*Et fit commemorat. Domini-
cae.*

Ÿ. In resurrectione tua
Christe, Allelúja.

℞. Coeli et Terra laeténtur.
Allelúja.

AD TERTIAM.

Ant. Missus est.

Capitulum, Benedictiones
Patris tui. *ut sup.*

℟. *br.* Constituit eum dō-
minum domus suae, * Alle-
lúja, Allelúja. Constituit eum.

Ÿ. Et príncipem omnis pos-
sessiónis suae. Allelúja, Al-
lelúja. Glória Patri. Consti-
tuit.

Ÿ. Confitébor nómini tuo,
Allelúja.

℟. Quóniam adjutor, et
protéctor factus es mihi, Al-
lelúja.

AD SEXTAM.

Ant. Ascéndit áutem.

Capitulum.

Gen. 49.

Deus patris tui erit adjutor
tuus, et Omnípotens benedí-
cet tibi benedictiónibus coeli
désuper.

℟. *br.* Confitébor nómini
tuo, Allelúja, Allelúja. Confi-
tébor.

Ÿ. Quóniam adjutor, et
protéctor factus es mihi. Al-
lelúja. Glória Patri. Confité-
bor.

Ÿ. Justus germinábit sicut
lílíum. Allelúja.

℟. Et florébit in aetérnum
ante Dóminum. Allelúja.

AD NONAM

Ant. Et ipse Jesus.

Capitulum.

Gen. 49.

Fílius accrésceus Joseph, fi-
lius accrésceus, et decórus a-
spéctu: filiae discurrérunt su-
per murum.

br. Justus germinábit sicut
lílíum, * Allelúja, Allelúja.
Justus germinábit.

Ÿ. Et florébit in aetérnum
ante Dóminum. Allelúja, Al-
lelúja. Glória Patri. Justus.

Ÿ. Plantátus in domo Dó-
mini, Allelúja.

℟. In átriis domus Dei no-
stri, Allelúja.

*In secundis Vesperis omnia
ut in primis.*

Ÿ. Sub umbra illíus, quem
desideráveram, sedi, Allelúja.

℟. Et fructus ejus dulcis
gútturi meo, Allel.

AD MAGNIFICAT.

Ant. Fili, quid fecísti no-
bis sic? ecce pater tuus, et
ego doléntes quaerebámus te,
Allelúja.

Oratio. Deus, qui ineffábil
providéntia. *ut supra.*

Et fit commem. Dominicae.

DOMINICA I. MAII.

*In Festo B. M. V. DIVINI
PASTORIS MATRIS. Duplex ma-
jus.*

AD VESPERAS.

Ant. Sonet vox tua cum
reliq. ut in *Laudibus Psalm.*
ut in *Off.* parvo *B. M. V.*

Capitulum

Ab initio, et ante saecula
creata sum, et usque ad fu-
tūrum saeculum non desi-
nam, et in habitatiōe san-
cta coram ipso ministravi.

Hymnus. Ave maris stella.

Ÿ. Dignare me.

℞. Da mihi virtutem.

AD MAGNIFICAT.

Ant. Sicut Pastor gregem
suum pascet; in brachio suo
congregabit agnos, et in sinu
suo levabit, Allelúja.

ORATIO.

Deus, qui universum mun-
dum ineffabili tua providen-
tia regis, atque gubernas;
praesta nobis famulis tuis ut
intercedente beata Maria sem-
per Virgine, quae vigili cus-
todia nos pascit, ab hostibus
defensi, et fructus tui dulcé-
dine satiati ad coelestem pá-
triam securi perducámur. Per
Dóminum.

AD MATUTINUM.

Invit. Sancta María divíni
Pastóris Mater * Intercéde
pro nobis, Allelúja.

Psalm. Veníte, exultémus.

Hymnus. Quem terra.

IN I. NOCTURNO.

Ant. Mane surgámus ad
vineas, videámus si floruit
vínea, si flores fructus par-
túriunt, ibi dabo tibi úbera
mea, Allelúja.

Psalm. ut in *Officio B. M. V.*

Et si hoc fest. celebret. temp.
pdsch. unumquodque nocturn.
dicit. sub prima tant. *Antiph.*

Ant. Cor suum tradet ad
vigilándum dilúculo.

Ant. Trahe me: post te
currémus in odórem unguen-
tórū tuórum.

Ÿ. Spécie tua.

℞. Inténde, prospere.

Lectio I.

De Parábolis Salomónis.

Ego Sapiéntia hábito in
consílio, et eruditís intérsū
cogitatióibus. Timor Dómi-
ni odit malum, arrogántiam,
et supérbiam, et viam pra-
vam, et os bilíngue detéstor.
Meum est consílium, et ae-
quitas, mea est prudéntia,
mea est fortitúdo. Per me

reges regnant, et legum conditores justa decernunt. Per me principes imperant, et potentes decernunt iustitiam. Ego diligentes me diligo, et qui mane vigilant ad me, inveniunt me. Mecum sunt divitiae, et gloria, opes superbae, et iustitia. Melior est enim fructus meus auro, et lapide pretioso et genimina mea argento electo. In viis iustitiae ambulo, in medio semitarum iudicii, ut ditem diligentes me, et thesauros eorum repleam.

¶. Sicut vigilavi super eos, ut evellerem, et demolirem, et dissiparem, et disperderem et affligerem: * Sic vigilabo super eos, ut aedificem, et plantem, Allelúja.

¶. Erraverunt greges mei in cunctis montibus, et in universo colle excelso. Sic.

Lectio II.

Dominus possedit me in initio viarum suarum, antequam quidquam faceret a principio. Ab aeterno ordinata sum, et ex antiquis, antequam terra fieret. Nondum erant abyssi, et ego jam concepta eram: necdum fontes aquarum eruperant, necdum montes gravi mole constiterant, ante colles ego parturiebar. Adhuc terram non fecerat, et flumi-

na, et cardines orbis terrae. Quando praeparabat coelos, aderam; quando certa lege, et gyro vallabat abyssos: quando aethera firmabat sursum, et librabat fontes aquarum, quando circumdabat mari terminum suum, et legem ponebat aquis, ne transirent fines suos, quando appendebat fundamenta terrae. Cum eo eram cuncta componens, et delectabar per singulos dies, ludens coram eo omni tempore, ludens in orbe terrarum, et deliciae meae esse cum filiis hominum. Nunc ergo filii audite me; beati, qui custodiunt vias meas. Audite disciplinam, et estote sapientes, et nolite abjicere eam.

¶. Anima mea desideravit te in nocte: * Sed et spiritu meo in praecordiis meis de mane vigilabo ad te, Allelúja.

¶. Ego dormio et cor meum vigilat: vox dilecti mei pulsantis. Sed et.

Lectio III.

Beatus homo qui audit me, et qui vigilat ad fores meas quotidie, et observat ad postes ostii mei. Qui me invenerit, inveniet vitam, et hauriet salutem a Domino. Qui autem in me peccaverit laedet animam suam. Omnes,

qui me odérunt diligunt mortem. Sapiéntia aedificávit sibi domum, excídit colúmnae septem: immolávit víctimas suas, míscuit vinum, et propósuit mensam suam. Misit ancillas suas, ut vocárent ad arcem, et ad moenia civitátis: si quis est párvulus véniat ad me, et insipiéntibus locúta est: veníte, comédite panem meum, et bíbite vinum, quod míscui vobis.

R. Sicut vísitat pastor gregem suum in die, * Quando fúerit in médio óvium suárum dissipatárum, Allelúja.

ŷ. Sic visitábo oves meas et liberábo eas de ómnibus locis in die nubis, et caliginis. Quando fúerit.

Glória Patri. Quando fúerit.

IN II. NOCTURNO.

Ant. Salvábo gregem meum, et non erit ultra in rapinam, Allelúja.

Ani. Congregábit eum, et custódiét eum, sicut pastor gregem suum.

Ant. Laeva ejus sub cápite meo, et dextera illius amplexábitur me.

ŷ. Adjuvábít eam.

R. Deus in médio ejus.

Lectio IV.

Sermo sancti Bernárdi
Abbátis.

Ex Serm. in cap. 12.

Apoc. ant. med.

Amplectámur Mariæ vestigia, fratres mei et devotíssima supplicatióne beátis illius pédibus provolvámur. Teneámus eam, nec dimittámus, donec benedixerit nobis. Potens est enim. Nempe vellus est médium inter rorem et áream mulier inter solem, et lunam, María inter Christum, et Ecclesiám constitúta. Sed forte miráris non tam vellus opértum rore, quam amictam sole mulierem. Magna síquidem familiáritas: sed mira omníno vicínitas solis, et mulieris. Quómodo enim in tam veheménti fervóre tam fráglis natúra subsístit? Mérito quidem admiráris Móyses sancte, et curiosius desíderas intuéri. Verúmtamen solve calcaménta de pédibus tuis, et involúcrá pone carnálium cogitatiónum si accédere concupíscis.

R. Super omnem faciém terræ dispérsi sunt greges mei, et non erat qui requíreret * Ecce ego requíram oves meas, et visitábo eas Allelúja!

ŷ. Custodívit illas ab inimícis, et a seductóribus tu-távít illas. Ecce ego.

Lectio V.

*Ejusdem in Assumpt.
B. M. V. in fin.*

Jam te Mater Misericórdiae per ipsum sinceríssimae tuae mentis afféctum, tuis jacens provolúta pédibus Luna, idest Ecclesiá, mediatricem sibi apud solem justítiae constitútam devólis supplicatióibus interpellat, ut in lúmine tuo vídeat lumen, et solis grátiam tuo mereátur oblentu, quam vere amávit prae ómnibus, et ornávit, stolam glóriæ induens et coronam pulchritúdinis ponens in cápite tuo. Plena es gratiárum, plena rore coelésti, inníxa super diléctum, deliciis áfluens. Ciba hódie páuperes tuos, Dómina, ipsi quoque cáuli de micis edant, nec púero Abrahae tantum, sed et camélis potum tríbuas de supereffluénti hydria tua.

℞. Custodivit nos in omni via per quam ambulávimus. Et in cunctis pópulis, per quos transivimus, Allelúja.

ŷ. Posuerunt me custodem in vineis. Et in cunctis.

Lectio VI.

Sermo sancti Augustíni
Epíscopi.

Serm. 18. de Sanctis in med.

O beáta María, áccipe quas-cúmque méritis tuis ímpares gratiárum actiões, et cum suscepéris vota, culpas nostras orándo excúsa. Admítte nostras preces intra sacrárium exauditiónis, et repórta nobis antídoto reconciliatiónis. Sit per te excusábile quod per te ingérimus: fiat impetrábile quod fida mente póscimus. Accipe quod offérimus, redóna quod rogámus, excúsa quod timémus: quia tu es spes única peccatórum. Per te sperámus véniam delictórum, et in te, Beatíssima nostrórum est expectátio praemiórum. Accipe ínsuper obséqium famulórum tuórum, in Etrúria degéntium, qui in multis, magnisque perículis a Te adjúti, in grati ánimi arguméntum, et in memóriam beneficiórum defensiónis, et protectiόnis, a Pio Séptimo Póntifice Máximo in tui honórem festivitátem hanc sub título divíni Pastóris Matris consecúti sunt, ut fidéles omnes Te custódem vigilántem, ac coeléstia pábula suppeditántem cognóscant, ínocent, et reveceántur.

℞. Sub umbra illius, quem

desideráveram, sedi: * Et fructus ejus dulcis gútturi meo, Allelúja.

Ÿ. Quid vidébis in Sunamítide, nisi choros castròrum? Et fructus. Glória Patri.

- Et fructus ejus.

IN III. NOCTURNO.

Ant. Favus distíllans lábia tua; mel, et lac sub lingua tua, allelúja.

Ant. Egrédere, et abi post vestígia gregum, et pasce haedos tuos.

Ant. Rigábo hortum meum plantatiónum, et inebriábo prati mei fructum, Allelúja.

Ÿ. Elégit eam Deus.

Ŗ. In tabernáculo suo.

Lectio VII.

Léctio Sancti Evangélíi
secúndum Joánnem.

Cap. 19.

In illo témpore: Stabant juxta crucem Jesu mater ejus, et soror matris ejus María Cléophe, et María Magdaléne. Et reliqua.

Homíla sancti Petri
Damiáni.

*Ex Serm. 1. in Nat. B. M. V.
in fine.*

Virgo Dei génitrix cujus pulchitúdinem Sol, et Luna mirántur, súbveni, Dómina clamántibus ad te júgiter. Revértere, revértere Sunamítis, revértere revértere, ut intueámur te. Tu benedícta, et superbenedícta revértere primo per natúram. Numquid quia ita deificáta ídeo nostrae humanitátis oblíta es? Nequáquam Dómina. Scis in quo discrímíne nos relíqueris, ubi jáceant, quantum delínquant servi tui: non enim cónvenit tantae misericórdiae tantam misériam oblivísci, quia etsi súbtrahit glória, révocat natúra: non enim ita memoráris justítiae Dei solús, ut misericórdiam non hábeas, neque ita es impassíbilis, ut sis incompassíbilis. Natúram nostram habes, non áliam, et justum est, ut de rore tantae pietátis diffúsus infundámur.

Ŗ. Diléctus meus mihi, et ego illi qui páscitur inter lília * Donec aspíret dies, et inclinéntur umbrae, Allel.

Ÿ. Ego dilécto meo, et ad me convérsio ejus.

Donec.

Lectio VIII.

Revértere secúndo per poténtiam. Fecit in te magna qui potens est, et data est tibi omnis potestas in coelo, et in terra. Nil tibi impossibile, cui possibile est desperátos in spem beatitúdinis releváre. Quómodo enim illa potestas tuae poténtiae póterit obviáre, quae de carne tua, carnis suscepit originem? Accedis enim ante illud áureum humanae reconciliatiónis altáre non solum rogans, sed imperans, Dómina, non ancílla. Móveat te natúra: poténtia móveat: quia quanto poténtior, tanto misericórdior esse debébis. Potestáti enim cedit ad glóriam, injúrias ulcisci nolle cum possit. Revértere tértio per amórem. Scio, Dómina, quia benigníssima es, et amas nos amóre invincíbili, quos in te, et per te Fílius tuus, et Deus tuus summa dilectiône diléxit. Quis scit quóties refrigeras iram Júdicis, cum justítiae virtus a praeséntia Deitátis egréditur? Revértere quarto per singularitátem. In mánibus tuis sunt thesáuri miseratiónum Dómini, et sola elécta es, cui grátia concéditur. Absit, ut cesset manus tua cum occasiõem quaeras salvándi míseros, et misericórdiam ef-

fundéndi, neque enim tua glória minúitur, sed augétur, cum poeniténtes ad véniam, justificáti ad glóriam assumúntur. Revértere ergo Sumamítis, idest despécta, cujus animam pertransívit gládius, quae fabri uxor appelláta fuísti. Ad quid? Ut intueámur te. Summa glória est post Deum te vidére, adhaerére tibi, et in tuae protectióis munímine demorári. Audi nos, nam et fílius nihil negans honórat te, qui est Deus benedíctus in saecula saeculórum, amen.

R. Cogregábo oves de terris, et indúcam eas in terram suam * Et pascam eas in móntibus Israel * In rivis, et in cunctis sédibus terrae, Allelúja.

Y. Ego pascam oves meas, et ego eas accubáre fáciam. Et pascam. Glória. In rivis.

Lectio IX. de Hom. Dominicae.

AD LAUDES

ET PER HORAS.

Ant. Sonet vox tua in áuribus meis, vox enim tua dulcis, et fácies tua decóra, Allelúja.

Psalm. Dóminus regnávít cum reliq. de Dominic.

Ant. Diléctus meus descendit in hortum, ut pascátur in hortis, et lília cólligat, Allelúja.

Ant. Veni dilécte mi: egrediámur in agrum, commoremur in villis, Allelúja.

Ant. Fons hortórum, púteus aquárum vivéntium, quae fluunt ímpetu de Líbano, Allelúja.

Ant. In hortis nostris ómnia poma nova, et vétera, dilécte mi, servávi tibi, Allelúja.

Cap. Ab inítio. *ut sup.*

Hymnus. O gloriósa Vírginum.

Ÿ. Pulchra es, et decóra filia Jerúsalem, Allelúja.

℞. Terribilis ut castrórum ácies ordináta, Allelúja.

AD BENEDICTUS

Ant. Indica mihi ubi pascas, ubi cubes in meridie, ne vagári incípiam post greges sodálium tuórum, Allelúja.

ORATIO

Deus qui univérsum mundum ineffábili tua providéntia regis, atque gubérnas: praesta nobis fámulis tuis, ut intercedénte Beáta María semper Vírgine, quae vígili custódia nos pascit, ab hóstibus

defénsi, et fructus tui dulcédine satiáti ad coeléstem pátriam secúri perducámur. Per Dóminum.

Ad Horas Capit. et ℞. brev. ut in Offic. B. M. V. in Sabb.

In secundis Vesperis, ut in primis.

Ÿ. Per te salutem hauriámus, Virgo María, Allel.

℞. Ex charitáte, et passióne Christi filii tui, Allel.

AD MAGNIFICAT

Ant. Cum vidísset ergo Jesus matrem, et discipulum stantem quem diligébat, dicit matri suae: Múlier, ecce filius tuus. Deínde dicit discipulo; ecce mater tua, et ex illa hora accépit eam discipulus in sua, Allelúja.

Oratio. Deus, qui univérsum mundum.

DIE II. MAII.

In Festo S. ANTONINI Archiep. Florent. Conf. Compatri. Civit. et Dioec. Flor. Duplex. 2. classis. Omnia ut in Brev. 10. huj. sed lect. 1. Noct. de Com. Conf. Pont. 1. loco.

DIE V. MAII.

In Festo S. PII V. Papae, et Confessoris. Duplex. Omnia

de Communi Confessoris Pontificis, praeter ea quae sequuntur.

ORATIO

Deus, qui ad conterendos Ecclesiae tuae hostes, et ad divinum cultum reparandum, beatum Pium Pontificem Maximum eligere dignatus es, fac nos ipsius defendi praesidiis, et ita tuis inhaerere obsequiis, ut omnium hostium superatis insidiis, perpetua pace laetemur. Per Dominum.

Et fit commemoratio S. Monicae Viduae.

In I. Noct. Lectiones de Scriptura occurrente.

IN II. NOCTURNO.

Lectio IV.

Pius in oppido Insubriae, quod Boschum vocant, natus, sed e Bononia oriundus ex nobili Ghisleriorum familia, cum quatuordecim esset annorum, Ordinem Praedicatorum ingressus est. Erat in eo admirabilis patientia, profunda humilitas, summa vitae austeritas: continuum orationis studium, et regularis observantiae, ac divini hono-

ris ardentissimus zelus. Philosophiae vero, ac Theologiae incumbens, adeo in iis excelluit, ut illas docendi munus magna cum laude per multos annos exercuerit. Sacras conciones pluribus in locis cum ingenti auditorum fructu habuit. Inquisitoris officium inviolabili animi fortitudine diu sustinuit; multasque civitates, non sine vitae discrimine, ab haeresi tunc grassante immunes servavit.

n. Inveni David.

Lectio V.

A Paulo Quarto, cui ob eximias virtutes charissimus erat, ad Nepesinum, et Sutrinum Episcopatum promotus, et post biennium inter Romanae Ecclesiae Presbyteros Cardinales adscriptus fuit. Tum ad Ecclesiam Montis Regalis in Subalpina a Pio Quarto translatus, cum plures in eam abusus irrepsisse cognovisset, totam Dioecesim lustravit; rebusque compositis Romam reversus, gravissimis expediendis negotiis applicatus, quod justum erat, Apostolica libertate, et constantia decernebat. Mortuo autem Pio, praeter omnium expectationem electus Pontifex, nihil in vitae ratione, excepto exteriori habitu, immutavit.

Fuit in eo Religiónis propagándae perpétuum stúdi-
um, in Ecclesiástica disciplína re-
stitúenda indefessus labor, in
extirpándis erróribus assídua
vigilántia, in sublevándis e-
géntium necessitatibus indefi-
ciens beneficéntia, in Sedis
Apostólicae júribus vindicán-
dis robur invíctum.

Rj. Pósuí adjutórium.

Lectio VI.

Selimum Turcárum tyrán-
num multis elátum victóriis,
ingénti comparáta classe, ad
Echinadas insulas non tam
armis, quam fuis ad Deum
précibus devícit. Quam victó-
riam ea ipsa hora, qua ob-
ténta fuit, Deo revelánte, co-
gnóvit, suisque familiáribus
indicávit. Dum vero novam
in ipsos Turcas expediti-
onem molirétur, in gravem mor-
bum incidit, et acerbíssimis
dolóribus patientíssime tole-
rátis, ad extrémam devéniens,
cum Sacraménta de more su-
scepisset, ánimam Deo placi-
díssime réddidit, anno millé-
simo quingentésimo septua-
gésimo secúndo, aetátis suae
sexagésimo octávo, cum se-
disset annos sex, menses tres,
dies viginti quátuor. Corpus
ejus in Basílica Sanctae Ma-
ría ad Praesépe summa fi-
délium venerati-
one còlitur,

multis a Deo ejus intercessió-
ne patrátis miráculis. Quibus
rite probátis a Cleménte Un-
décimo Pontífice MáximoSan-
ctórum número adscriptus
est.

Rj. Iste est.

IN III. NOCTURNO.

*Homilia Sancti Gregorii Pa-
pae in Evang. Homo peregri-
ne, ut in Communi Confessoris
Pontificis.*

*Vesperae de Sancto Joanne
ante Portam Latinam cum
commemoratur. S. Pii Quinti.
Ant. Dum esset summus.*

DIE X. MAII.

*In Festo B. NICOLAI ALBER-
GATI Episcop. et Conf. Dupl.
Omn. de Comm. Conf. Pont.
praeter ea, quae sequuntur.*

*Orat. Exáudi quaesumus.
de eod. Communi.*

IN I. NOCTURNO

Lect. de Script. occurr.

IN II. NOCTURNO

Lectio IV.

Nicoláus Albergátus nobili
génere Bonóniae ortus est. A-
doléscens, dum juri civili in

pátria óperam daret, monásticae, ac severiórís vitae praestántia captus, Carthusianórum Institutum ampléctitur; in quo brevi ádeo profécit, ut Sacerdótio vix initiátus, pátrio coenóbio praefectus sit, áliaque subínde monastéria fere decénio summa cum láude administrávit. Ejus prudéntiae, et sanctifátis opinióne Clerus, populúsque Bononiénsis permótus, ultro sibi in Episcopum plenís suffrágiis delégit, quem ille honóris gradum diu, constantérque refúgieñs, superiorum suórum jussu invítus demum suscepit. Nihil tamen de priórís vitae cultu, atque observatióne remísit; sed verbo, et exémplo forma gregis effectus Ecclesiásticam disciplinam, et Christiános mores ita in Ecclésia sibi commissa restituit, ut álius omníno pópulus, álius Clerus viderétur, et esset.

n). Inveni David.

Lectio V.

Cívium suórum ad Martinum Quintum Orátor; iterum, ac tértio profectus, tantam ab eo Pontífice qui eximias illius virtútes perspéxerat, íniit grátiam, ut conciliándae pacis cáusa inter Anglórum, Francorúmque Reges

Legátum in Gállias míserit: ab ea Legatióne réducem sanctae Románae Ecclésiae Cardinálem sub título Sanctae Crucis in Jerúsalem creávit legávitque mox in Insúbriam, ut Mediolanénses, Florentinos, et Vénetos discórdia laborántes compóneret. Post pacem Itáliae ab eo feliciter restitútam, secúnda in Gállias Legatióne áuctus est; ac vita functo Martino Quinto, Eugénii Quarti jussu in Bélgium profectus, Philíppum Burgúndiae Ducem Cárolo quarto Francórum Regi in Atrebaténsibus comítiis conciliávit. Ad Germániae quoque Príncipes in Norimbergénsi convéntu Pontificium Legátum egit; deínde Basileénsi, tum Ferrariénsi intérfuit Concílio, ubi Apostólicae Sedis dignitatém, majestatemque advérsus Schismáticos egrégie tutátus est.

n). Pósui adjutórjum.

Lectio VI.

In obeúndis tam váriis gravissimisque Legatió nibus incredíbilem sibi apud Reges et Príncipes veneratió nem adéptus, in virtútum suárum admiratió nem rápuit univérsos. Erat enim in eo vel in summis honóribus simplicíssima humílitas, ánimus non

solum firmus, et excelsus, sed candidus etiam, prudens, ac moderatus, effusa in omnes charitas, mansuetudo, atque humanitas cum ardenti religionis zelo conjuncta. Carthusiani, quod professus fuerat, instituti tenax, ejus asperitates ad mortem usque retinuit. Familiam ingenuam aluit, sanctissimamque institutam, ex qua duo Romani Pontifices Nicolaus Quintus, et Pius Secundus prodire. Tandem cum Eugenum Quartum honoris ergo comitaretur, Senis in Etruria renum calculo oppressus, sancto fine quievit. Ejus corpus Florentiam delatum, apud Carthusianos honorifice conditum est. Sanctitatis, et miraculorum fama post mortem clarum, Benedictus Decimus quartus Beatorum ritu coli permisit.

R. Iste est.

IN III. NOCTURNO

Hom. in Ev. Vigilante de Com. Conf. Pont. 2. loc.

DIE XI. MAII

*In fest. B. JOANNIS A VESPI-
NIANO Conf. Duplex.*

*Omnia de Communi Conf.
non Pontific. praeter ea, quae
sequuntur.*

*In Hymno Iste Confessor
dicitur: Meruit supremos.*

*In utrisque Vesperis ad Magnif. Ant. Factus est refugium
pauperi, adjutor in opportu-
nitatibus, in tribulatione, al-
leluja.*

ORATIO

Deus, qui Beatum Joannem Confessorem tuum singularis misericordiae in pauperes, et eximiae poenitentiae gratia decorasti: ejus meritis et precibus concede, ut peccata nostra plangere, et eleemosynis redimere valeamus. Per Dominum.

LL. 1. n. de Script. occ.

IN II. NOCTURNO.

Lectio IV.

Joannes anno circiter millesimo ducentesimo trigésimo quinto Vespiniensi in agro Mucellano natus, ab ineunte aetate christianae vitae normam ita sectatus est, ut in eo, quod de veris Ecclesiae filiis ex Isaiae verbis ipse Christus praenunciavit: Erunt omnes docibiles Dei, praecipue videretur implendum. Orationi quippe, ac rerum divinarum meditationi addictus, frequenter in pervetusto Oratorio, ut costans fama est

apud loci incolae, e rerum humanarum consortio semotus, Deoque únice intentus, spíritum grátiae, et puríssimi in Deum amoris affectum hauriēbat. Ita Sanctórum sciéntia praeparáto ánimo majóres in corde suo assensiónes dispósuit, ac divinae providéntiae consílio Florentiam se contulit, praeclarióra datúrus in magna civitate virtútum exémpia; praesertim vero illius erga próximos charitátis quam vélut novum, ac peculiáre suum mandátum, tantópere, ac frequentíssime Christus discipulis commendátam vóluit. Erat enim illis temporibus Florentina Respública magniscívium dissídiis agitáta, ideóque effraenis grassabátur vitiorum licéntia. Deus vero, qui temporalibus poenis et peccatores emendáturus coércet, et justórum virtutes exércet, atque declárat, tum áliis calamitatibus tum vero étiam frequentí annónae caritáte civitátem affligēbat.

R. Honéstum fecit.

Lectio V.

In tanta rerum perturbatióne, hominúmque pravitate Joánnes vera illa amicítia, quae ex charitáte aeternitátis, te veritátis manat, sibi de-

vínxit Bardúccium Bardúcci, virum antiquae fidei, morum sanctimónia et christiánis virtútibus insígnem. Eo, dum vita supérstes fuit, familiaríssime usus, oratióibus, jejúniis, carnis maceratióne ad divínam justítiam propitiándam totus incúbuit; atque omni charitátis officio pauperibus úndique confluentibus ádfuit, in quos consolándos, et aléndos opes suas omnes grandi liberalitáte effúdit. Larga proptérea a Deo mercede étiam in hac vita est recreátus; plúrimi namque ejus exémpis ac salutáribus mónitis de vitiorum coeno ad viam salutis incedéndam erecti sunt. Ea síquidem sanctitátis opinióne apud omnes florēbat, ut non álio fere, quam viri justí, ac vere sancti título appellarétur; quem Deus ipse confirmávit insignibus non semel ipsíus précibus in cívium salutem patrátis miráculis. Plenus dénique pietátis opéribus in senectúte bona obdormívit in Dómino, anno millésimo trecentésimo trigésimo primo, et condígnó honóre, tota pene prosequente civitate, ad sancti Petri Majoris intra Monastérii cláustra, quod ipse máxime desideráverat, elátus est. At Deus qui ponit húmiles in sublíme, quique nóluit sublátam ex óculis tantae virtútis imá-

ginem cum ejus corpore consepeliri, ipsum ejus sepulchrum gloriósum réddidit, quod cito pictis tabéllis votisque appénsis honestátum fuit; quasi Deo ipso praedicante et viri sanctitátem, et vivéntem adhuc, vigentémque ipsíus incives suos charitátem.

ñ. Amávit eum.

Lectio VI.

Tot beneficiis ab eo accéptis, ac pópuli pietáte commóti Abbatíssa, et Clerus sacrum corpus íntegrum atque incorrúptum repértum, in Ecclésia, quam coeléstí odóre replévit, ut frequentíssimae plebis devotióni fieret satis, toto trídúo annuente Episcopo coléndum exposuérunt, non sine nova miraculórum accessiõe. Deínde in Sacélló ad sinístrum Ecclésiæ parietem, quod póstea pictúris, praecipuas servi Dei virtútes exhibéntibus, ornátum fuit, honorífice collocátur, et solémnis memória, quotánnis prima mensis Júlii Domínica renovári coepta est. Sacra etiam lipsána per agrum Mucellánum potíssimum evécta, pátrios fines suppliciter circumducta ab ingruéntibus coeli tempestátibus incólumes praesiáre solent. Anno dénique millésimo septingentésimo o-

ctogesimoquárto, dírúto sancti Petri Majóris templo, venerábiles exúvias Antónius Martíni Archiepiscopus contribúlibus beáti viri flagitántibus ad Ecclésiám Plebaníam sancti Joánnis Majóris, non longe ab illíus natáli solo díssitam, transferédas concessit; ejúsque immemorábilem et numquam intermíssum cultum Pius Séptimus Póntifex Máximus decréto suo confirmávit, et público officio celebrándum indúlsit.

ñ. Iste homo.

IN III. NOCTURNO.

Lectio VII.

Léctio sancti Evangélíi
secúndum Lucam.

Cap. 11. v. 37.

In illo témpore: rogávit Jesum quidam Pharisaeus ut prandéret apud se; et ingressus recúbuit. Et réliqua.

Homília Venerábilis Bedae
Presbyteri.

In Evang. Lucae c. 21.

Quod súperest date eleemósynam, et ecce ómnia munda sunt vobis: quod necessário víctui, et vestiménto súperest, date paupéribus juxta quod

et Joáñnes praecipit: Qui habet duas tunicas det non habénti. Neque enim ita faciéndâ jubétur eleemósýna, ut teípsum consúmas inópia, sed tui cura córporis expléta, inopem, quantum vales, substéntes. Vel ita intelligéndum quod súperest, quod tam multo scélere praecupátis solum remédium restat dare eleemósynam. Qui sermo ad ómnia, quae útili miseratióne fiunt, valet. Non solum enim qui dat esuriénti cibum, sitiénti potum, nudo vestiméntum, peregrinánti hospitium, et caetera hujúsmodi, verum étiam qui dat véniam peccánti, eleemósynam dat. Et qui eméndat vérberare in quem potéstas datur; vel coérceat álqua disciplína, et tamen peccátum ejus, quo ab illo laesus, aut offénsus est, dimittit ex corde, vel orat, ut dimittátur, non solum in eo quod dimittit, atque orat, verum étiam in eo, quod córripit, et álqua emendatória poena plectit eleemósynam dat, quia misericórdiam praestat. Multa itaque génera sunt eleemosynárum, quae, cum fácimus adjuvámur ut dimittántur nobis nostra peccáta, sed ea nihil est majus, quae ex corde dimittimus, quod in nos quisque peccávit.

ñ. Iste est qui.

Lectio VIII.

Qui vult ordináte dare eleemósynam, a se ipso debet incípere, et eam sibi primum dare. Est enim eleemósyna opus misericórdiae, verissiméque dictum est: Miserére ánimae tuae placens Deo. Propter hoc et náscimur, ut Deo placeámus, cui mérito dísplicet quod nascéndo contráximus. Haec est prima eleemósyna quam nobis dédimus, quóniam nos ipsos míseros per miserántis Dei misericórdiam, requisívimus. Propter quem dilectiònis órdinem dictum est: Díliges próximum tuum tamquam teípsum. Cum ergo increpáset eos quod forínsecus se lavarent, intus autem rapína et iniquitáte pleni essent, ádmonens quamdam eleemósynam, quam sibi homo debet primitus dare et interióra mundári. Verúm tamen, inquit, quod súperest, date eleemósynam, et ecce ómnia munda sunt vobis.

ñ. Sint lumbi vestri.

Lectio IX.

Deínde ut osténderet quid admonuísset, et quid ipsi fácere non curárent; ne illum putárent eórum eleemósynas

ignorare. Sed vae vobis, inquit, Pharisei. Tamquam diceret; ego quidem commónui vos eleemósynam dandam, per quam vobis munda sint ómnia, sed vae vobis, quia decimátis mentam et rutam, et omne ólus: has enim novi eleemósynas vestras, ne de illis me. nunc vos admonuisse arbitrémini. Et praeterítis iudicium, et charitátem Dei, qua eleemósyna possétis ab omni inquinaménto interióre mundári, ut vobis munda essent et córpora quae lavátis; hoc est enim ómnia et interióra scilicet, et exterióra, sicut álibi légitur; mundáte quae intus sunt, et quae foris sunt munda erunt. Sed ne istas eleemósynas, quae fiunt de fructibus terrae, respuisse viderétur: Haec áutem, inquit, opórtuit fácere, idest iudícium et charitátem Dei, ut et nos veráciter de nostra miséria iudicántes et Dei charitátem, quam donávit ipse, diligéntes, pie rectéque vivámus, justum iudícium ejus confiténtes, quo míseri effecti sumus. Haec áutem opórtuit fácere, et illa non omítere, idest eleemósynas fructuum terrenórum. Non ergo se fallant, qui per eleemósynas quaslibet largíssimas fructuum suórum, vel cujúsque pecúniae, impuni-

tátem se ómere existimant in facínorum immanitáte, ac flagitiórum nequítia permanéndo.

Te Deum.

AD BENEDICTUS.

Ant. Exaudíta est orátio tua, et eleemósynae tuae commemorátae sunt in conspéctu Dei, allelúja.

DIE XIII. MAII.

ASS. EX 2. EJUSDEM.

In Festo S. ATHANASII EP. C. D. Duplex.

Omn. ut in Brev. 2. huj.

DIE XIV. MAII ASS.

In Festo BEATI GHERARDI A VILLAMAGNA Confessoris. Duplex.

Omnia de Communi Confessoris non Pontificis, praeter sequentia.

ORATIO

Deus, qui per jugem Fílii tui Passiónis memóriam beátum Gherárdum Confessórem tuum altíssimae contempla-

tionis, et poenitentiae stúdio decorásti; da nobis fámulis tuis, ut ejus vestígiis inhaeréntes, redemptionis praemia cónsequi valeámus. Per eúmdem Dóminum nostrum.

IN I. NOCTURNO.

Lectioes de Scriptura occurr.

IN II. NOCTURNO.

Lectio IV.

Gherárdus húmili génere natus in Oppido Villaemágnae prope Floréntiam duodécimo aere Christiánae verénte saeculo, paréntibus arvis excoléndis addíctis adhuc puer orbátus, Floréntiae ab ipsis arvórum heris domo excéptus pie christianéque fuit educátus. Quum áutem unus ex his Eques Hierosolymítanus navigáturus esset in Syriam advérsus Infidéles, egrégia Gherárdi índole, et virtútum ornátu captus, vóluit eum, cui jam per aetátem licébat, sócium sibi adsciscere. Sed quum praeliántes ambo in hóstium manus misere devenísset, post ingéntes aerúmnas redépti fuére. Quum vero Eques, quo cum iter fécerat, decessísset, Gherárdus in perlustrándis terrae Sanctae locis ad poe-

niténtiae stúdiu inflammátus in Etrúriam rédiit, et in suum tugúrium apud Villamágnam sese recépit. Non multo post cum áltero Ordinis Hierosolymítáni Equite íterum Syriam pétiit, et quum navim, qua ipse una cum vigínti Hierosolymáriis militibus vehebátur, ab immáni piráta víribus multo majóribus oppugnári vidéret, non áliter quam eníxis ad Deum préciibus ab imminénti illo discrimine sese, sociósque liberávit.

R. Honéstum fecit illum.

Lectio V.

Hierosólymis áliquot annos morátus obseptátaejus virtútum mérita Equitum Hierosolymariórum cruce donátus fuit, atque inter eos cooptátus quos Auxiliáres seu Famulántes appéllant. Ibídem singulári erga infirmos et peregrínos charitáte, et assíduae coeléstis contemplatiónis stúdio máximam sibi sanctitátis famam adéptus est. Ejus itaque declinándae causa ab Ordinis Praesidibus véniam petít redeúndi in pátriam. Itáliam versus návigans saeva maris procélla suis préciibus sedáta, et in Etrúriam appúlsus, a sancto Francíscó Assisiénsi Tértii Ordinis Minórum hábitum devotíssime ac-

cépit. Pátriam deinde répetens, domúnculam extra Oppidum secéssit ea mente, ut eremíticam vitam posthac dúceret, ubi flagellatióibus ásperum, coeléstium tamen contemplatióne suáve vitae genus insítuit. Pane tantum et herbis utebátur ad victum quibus raro legúmina addébat, ac praeter Ordinis Minórum abstinentias, ter in hebdómada jejunábat. Charitáte in próximum ardens ut juváret aegros, egenósque, stipem ipse quaerilábat, omnesque ad eum confluéntes, vel in rectam salutis viam revócare, vel ad perfectiόνem impéllere omni ope, atque ópere studébat.

Rj. Amávit eum.

Lectio VI.

Orándi assiduitátem callum génibus obduxísse post ejus óbitum compértum est. Nam praeter diúrnas precatiónes, Ecclesiás valde inter se díssitas ter per hebdómadam noctu visitábat, vetústam praesértim in vértice montis qui Incóntrus appellátur, quem locum beátus Leonárdus a Portu Maurítio consúlto ad sui Ordinis recéssum instituéndum selégit, quia eo frequentius Gherárdus in coeléstium rerum contemplatióne sese recípere consuéverat. Do-

no tandem prophetíae, scrutatiónis córdium, morbórum sanatiónis, et miraculórum clarus, plenúsque diérum Anno millésimo ducentésimo quadragésimo secúndo, sui óbitus die cufdam Mónacho e sacra sancti Benedícti Família, quo consciéntiae moderatóre utebátur, praenunciáto, et Eccléiae Sacraméntis rite, devotéque múnitus, mense Majo plácide obdormívit in Dómino. Statim ejus habitáculo ob miraculórum cópiam in Ecclesiám ei dicatam constrúcto, ejúsque Córpore in lapídea urna recóndito, públicus, et Ecclesiásticus cultus exhibéri coépit, quem per annos fere sexcéntos júgiter continuátum, et áuctum, Summus Póntifex Gregórius Décimus Sextus ex Sacrórum Rítuum Congregatiónis consúlto Anno millésimo octingentésimo trigesimo tértio solémni decréto ratum hábuit, et confirmávit, benignéque indúlsit ut ejus festum tam a Clero Florentíno, et Fesuláno, quam ab Ordine tum Hierosolymítano, tum Minórum sancti Francisci Missa, Officióque próprio celebraréture.

Rj. Iste homo.

IN III. NOCTURNO.

Hom. in Ev. Nolite timére ut in eod. comm. 2. loc. et 9. l. cum com. S. Bonifacii m.

DIE XV. MAII.
ASS. EX I. HUIJ.

In Festo S. PEREGRINI LATIOSI Conf. Ordinis Servorum B. M. V. Duplex.

In Hymno Iste Confessor, mutatur tertius Versus.

ORATIO.

Deus, qui beáto Peregríno Angelum cómitem, magístram Deíparam, Jesum telri úlceris médicum mire dedísti, da per mérita ipsíus, obsecrámus, ut sanctum Angelum, Vírginem, Salvatórem, singuláriter et auémus in terris, et collaudémus in coelis. Per eúmdem Dóminum nostrum.

In I. Nocturno Lectiones de Scriptura occurr.

IN II. NOCTURNO.

Lectio IV.

Peregrínus Forolívii ex nóbili Latiosòrum familia ortus, sanctíssimae Vírgini Deíparae devótus, quadam die in Ecclesiá Cathedráli ante illíus imáginem diútius orans, et petens, ut vias suas dirigeret, eam pretiósus véstibus indútam, sibi, ut ad servos suos

se conférret, praeciپیentem audívit. Quare adoléscent, Angelo cómite, Senas profectus, Prióri Servórum visiónem, mandatúmque Virgínis expósuit, ac récipi humíliter postulávit. In receptióne splendóre quodam coeléstí, quo futúra sánctitas ejus praemonstrabátur, caput illíus circumfúlsit. Trigínta annos natus, Forolívium remísus, ubi diu labóribus, vigíliis, jejúniis, oratióibus exércitam vitam duxit. Nunquam (mirándum!) per annos trigínta sedére visus: at si quando somno, aut lassitúdine victus stare non posset, saxo pro sede utebátur. Nunquam in lecto, neque infirmus decúbuit, noctes fere omnes insómnes in oratióibus, et piis meditatióibus dúcere sólitus. Nulla die consciéntiae exámine, et sacramentáli confessióne praetermissis peccáta lácrymis étiam exterióribus deflébat.

n. Honéstum fecit.

Lectio V.

Admirábili fuit patiéntia. Nam cum crus ex cancri morbo intumúisset, atque putrédine ádeo esset inféctum, ut foetórem ómnibus inférret, sic tamen absque omni quærimónia semper fuit, ut cives

illum álium Job appellárent. Cum áutem crus illud medicórum consílio amputándum esset; Peregrínus nocte praecedente solus ex loco, in quo jacébat, surgens, et reptans, ut póterat in Capitulum venit, ibíque ante Crucifixi imáginem (quae adhuc manet, et magnam habet apud Forolivienses veneratió- nem) veheméntius orans, et obdormíscens, Christum de Cruce descendéntem, et crus tangéntem vidit. Expergefáctus, ita crus sanátum sensit, ac si nunquam túmidum, ulcerátum, putridúmve fuisset. Médici vero mane, ut crus secárent, adveniéntes, cum illud sanum vidissent, stupóre affécti, domum tanto miráculo per urbem divulgáto, regressi sunt.

¶. Amávit eum.

Lectio VI.

Peregrínus piis labóribus, ac aetáte conféctus (erat enim octogenárius), brevi febre corréptus Kaléndis Maji anno salutis millésimo tercentésimo quadragésimo quinto migrávit ad Christum. Ejus animam, beáto Philippo Ordinis Servórum beatae Mariae Vírginis, qui, ut ipse Religió- nem ingrederétur, dux fúerat, et

beáto Francíscio Senénsi ejúsdem Ordinis comitántibus, a Virgínibus in coelum deferri visam, memóriae próditum est. Multa post mortem mirácula sanctitátem ipsíus declará- runt. In quibus coecus, Peregríno manum ex féretro óculis illíus admovénte, lumen recépit. Múlier étiam multis obséssa daemónibus ad sacrum corpus ipsíus perdúcta, liberáta est. Quidam ex árboré procéra in terram delápsus, Peregríni nómine invocáto, sine ulla laesióne repértus fuit. Ad cujus túmulum Kaléndis Maji non tantum civitas Foroliviensis, sed finítimi pópuli quotánnis ad illum venerándum conflúere, vótaque ei nuncupáre solent. Páulus Quintus summus Póntifex anno millésimo sexcentésimo nono concessit, ut Offícium divínium in toto Servórum Ordine recitári possit; Benedíctus vero Décimus tértius anno reparatae salutis millésimo septingentésimo vigésimo sexto inter sanctos Coelites ritu solémni recénsuit.

¶. Iste homo.

IN III. NOCTURNO

Homil. in Ev. Nolíte timére, ut in Comm. Conf. non Pontif. 2. loco.

DIE XVI. MAII

*In Festo S. JOANNIS NEPO-
MUCENI Canonici Pragensis et
Martyris. Duplex.*

*Omnia de Comm. MM. Temp.
Paschal. vel de Comm. unius
Mart. extra tempus Paschale,
praeter sequentia.*

ORATIO.

Deus, qui ob invictum beá-
ti Joánnis Sacramentále si-
léntium, nova Ecclesiám tuam
Martyrii coróna decorásti; da
nobis ejus intercessióne, et
exémpló, linguam cáute cu-
stodíre, ac ómnia pótius ma-
la, quam ánimae detrimén-
tum in hoc saeculo toleráre.
Per Dóminum.

IN I. NOCTURNO

*Lectiones de Scriptura occur-
rente.*

IN II. NOCTURNO

Lectio IV.

Joánnes Nepomúci Bohé-
miae óppido, unde Neponu-
ceni cognómen duxit, a pa-
réntibus aetáte provéctis non
sine futúrae sanctitátis prae-
ságio, flammis supra nascén-

tis domum mirabíliter collu-
céntibus, ortus est. Cum in-
fans in gravem morbum in-
cidisset, beátae Vírginis ope,
cui natum paréntes referé-
bant accéptum, e vitae perí-
culo evásit incólumis. Egrégia
índole, piáque institutióne coe-
léstibus indíciis obsequente,
inter sanctas, religiosasque e-
xercitatiónes puerítiam egit;
nam Ecclesiám frequénter a-
dírre, ac Sacerdótibus ad aras
operántibus ministráre in de-
licíis habébat. Zatécii polítió-
ribus lítteris ad humanitátem
informátus, Praegae vero gra-
vióribus disciplínis excúltus,
Philosophíae, Theologíae, sa-
crorúmque Cánónum Magi-
stérium, et láuream eméruit.
Sacerdótio initiátus, atque a
sciéntia Sanctórum ad lucra
animárum rite comparátus,
ministério verbi Dei se pé-
nitus addixit. Cum igitur in-
vítiis extirpándis, et revocán-
dis in viam salútis errántibus
eloquéntia, et pietáte úberes-
éderet fructus, inter Canóni-
cos Metropolitánae Ecclesiæ
Pragénsis cooptátus, mox sibi
demandátam Evangélii coram
Rege Wencesláo Quarto prae-
dicándi provínciam suscepit,
eo succéssu, ut Joánnis suá-
su, multa Rex fáceret, ma-
gnóque in honóre ejus vir-
tútes habéret. Conspícuas ta-
men, quas ille obtulit digni-
tátes, Dei Servus, ne a divi-

ni verbi praecónio avocarétur, constantissime recusávit.

Tempore Paschali R. Lux perpétua.

Extra Temp. Pasch. R. Honéstum.

Lectio V.

Régiis illum eleemósynis in páuperes erogándis praefectum Joáнна Regina consciéntiae sibi moderatórem adscívit. Cum áutem Wencesláus ab officio, institutóque decessisset, atque in vília praeceps abriperétur, piaae áutem cónjugis obtestatiónes, et mórita graváte ferret, conténdere áusus est, ut in Sacramentáli iudicio sacerdoti crédita Reginae arcána sibi a Joáinne panderéntur. At Dei mínister blandítiis primum, torméntis deínde, et cárceris squalóre tentátus, nefáriae Regis cupiditati fórtiter obstitit. Furéntem tamen Wencesláí ánimum cum ab exécrando propósito nec humána, nec divína jura deterrérent, suprénum agónem, quem instáre sibi athléta Christi nóverat, pópulo in concióné de impendéntibus étiam regni calamitatibus admónito, non obscuré praenuntiávit. Mox Bolesláviám profectus, ad beátae Vírginis Imáginem antíquo cultu cólebrem

coeléste praesídium ad certándum bonum certámen effúsis préciis implorávit. Inde vésperere reverténtem in pervigílio Domínicae Ascensiónis Rex e fenéstrea conspícatús arcéssit; cumque vehementius urgéret, et próxíam in aquis, si obluctári pérgeret, submersiónem intentáret, Joáannes invícta constántia terróres, mínasque refutávit. Itaque Regis império in Moldávam flumen Pragám intérfuens noctu dejéctus, illústrem martyrii corónam est consecútus.

Tempor. Paschali. R. In servis suis.

Extr. Temp. Pasch. R. Desidérium ánimae.

Lectio VI.

Sacrílegum fácinus clam patrátum, et mártiris glóriam insígne prodígium divínitus patefécit. Ubi enim exánime corpus secúndo flúmine vehi coepit, ardéntes faces aquis supernatántes, et discurréntes apparuérent. Quamóbrem ex aréna postrídie mane corpus elátum, Canónici deínde Regis iram nihil tíméntes, in Metropolitánam Ecclésiám solémni pompa intulérunt, et sepultúrae mandárunť. Cum áutem in dies invícti Sacerdotis memória miráculis, et

máxima fidélium, eórum prae-
cipue, qui fama periclitántur,
veneratióne crésceret, post
annos demum ámplius ter-
céntos, in jurídica recogni-
tióne córporis, quod sub hu-
mo támdiu jacuérat, lingua
ejus incorrupta, et vívida re-
pérta est: quae sexto post
anno Judícibus a Sede Apo-
stólica delegátis exhibita, no-
vo prodigio repénite intúmuit,
et subobscurum rubórem in
purpúreum commutávit. His
ítaque, aliisque signis rite
probátis, Benedictus Décimus
tértius Póntifex Máximus die
décima nona mensis Mártii,
anno salutis millésimo septin-
gentésimo vigésimo nono,
primum hunc Sacraméntális
sigilli assertórem, arcáni fi-
dem ságuine obsignátem,
Sanctórum Mártýrum catálo-
go adscripsit.

Temp. Paschali n. Filiae
Jerúsalem.

Extr. Temp. Pasch. n. Sto-
la jucunditátis.

IN III. NOCTURNO.

Lectio sancti Evangélíi
secúndum Matthaeum.

Lectio VII. Cap. 10.

In illo témpore: dixit Jesus
discípulis suis; Nihil est o-
pértum, quod non revelábi-

tur, et occúltum, quod non
sciétur. Et reliqua.

Homília sancti Hiláarii
Episcopi.

Comm. in Matth. Cap. 10.
post med.

Dóminus diem judícii ostén-
dit, quae abstrúsam voluntá-
tis nostrae consciéntiam pro-
det, et ea, quae nunc occúlta
existimántur, luce cognitiónis
públicae déteget. Igitur non
minas, non consília, non po-
testates insectántium monet
esse metuéndas; quia dies ju-
dícii nulla haec fuisse atque
inánia revelábit. Et quod dico
vobis in ténebris, dicite in
lúmine, et quod in áure au-
dítis, praedicáte super tecta.
Non légimus, Dóminum só-
litum fuisse nóctibus sermocinári,
et doctrínam in téne-
bris tradidisse: sed quia omnis
sermo ejus carnálibus téne-
brae sunt, et verbum ejus in-
fidélibus nox est.

Tempore Paschali. n. Ego
sum vitis.

Extra Temp. Pasch. n. Co-
róna áurea.

Lectio VIII.

Itaque id, quod a se dictum
est, cum libertáte fidei, et
confessiónis vult esse loquén-

dum. Idcirco quae in ténébris dicta sunt, praedicári jussit in lúmine; ut quae secréto áurium commissa sunt, super tecta, id est, excélso loquéntium praecónio audiántur. Constánter enim Dei ingérenda cognitio est, et profúndum doctrínae Evangélicae secrétum in lúmine praedicationis Apostólicae revelándum; non timéntes eos, quibus cum sit licéntia in córpora, tamen in ánimam jus nullum est: sed timéntes pótius Deum, cui perdéndae in gehénna et ánimae et cörperis sit poléstas,

Tempor. Paschal. n̄. Cándidi facti sunt.

Extra Temp. Pasch. n̄. Hic est vere martyr.

Lectio IX.

Nolíte timére, eos, qui occidunt corpus. Nullus igitur cörperum nostrórum casus est pertimescéndus, neque ullus interiméndae carnis admitténdus est dolor, quando pro natúrae suae atque originis conditióne resoluta, in substántiam spirituális ánimae refundátur. Et quia doctrínis talibus confirmátos oportet liberam confiténdi Dei habére constántiam, étiam conditiónem, qua tenerémur adjécit: negatúrum se eum Patri in coélis, qui se homi-

nibus in terra negáset: eum porro, qui conféssus coram homínibus se fuisset, a se in coelis confiténdum: qualésque nos nóminis sui testes homínibus fuissémus, tali nos apud Deum Patrem testimonio ejus usúros.

Te Deum.

DIE XVII. MAII.

In Festo S. PASCHALIS BAYLON Conf. Duplex.

Omnia de Communi Conf. non Pontif. praeter ea, quae sequuntur.

ORATIO.

Deus qui beátum Paschálem Confessórem tuum mi-rifica erga Cörperis et Sanguinis tui sacra mystéria dilectiône decorásti: concéde propítius, ut quam ille ex hoc divíno convívio spíritus percépít pinguédinem, eámdem et nos percípere mereámur. Qui vivis et regnas.

IN I. NOCTURNO.

Lect. de Script. occur.

IN II. NOCTURNO

Paschális Báylon, paupéribus piisque paréntibus in óppido Turris Formósae Se-

guntinae Dioecesis in Aragonia natus, a teneris annis plura dedit futurae sanctitatis indicia. Sortitus animam bonam, ac rerum coelestium apprime studiosam, pueritiam atque adolescentiam in gregis custodia transégit: quam ille vivendi rationem ideo praecipue diligebat, quod humilitati fovendae, ac innocentiae conservandae in primis utilem, atque opportunam iudicaret. Erat in victu módicus, in oratione assiduus tantaque apud coevos et socios florébat auctoritate et gratia; ut, eorum lites componens, errores corrigens, ignorantiam erudiens, ac desidia excitans, velut omnium parens et magister, máximo studio coleretur, ac amaretur; Beatus etiam tum a plerisque appellatus.

ñ. Honestum fecit illum.

Lectio V.

Qui vero in saeculo, terra nempe deserta et inaquosa, adeo feliciter adoléverat, flos convallium plantatus in domo Domini, mirum ubique sparsit sanctitatis odorem. Igitur Paschalis, arrepto vitae severioris instituto, atque in Ordine Minorum strictioris observantiae Discalceatorum cooptatus, exultavit ut gigas ad currendam viam suam; to-

tumque se Domino excolendum tradens, dies, noctesque cogitabat, qua se ratione magis ei magisque conformaret. Ita factum est brevi, ut eum, tamquam Seraphicae perfectionis exemplar, ipsi quoque proveciores imitandum sibi proponerent. Ipse autem in humili servientium gradu constitutus, se velut omnium peripséma reputans, ardua quaeque, et abjecta domus ministeria, veluti jure quodam peculiari sibi debita, summa cum hilaritate suscipiebat, et exercebat humilitate ac patientia pari. Carnem spiritui quandoque reluctari nitentem jugi maceratione afflictauit, atque in servitutem redégit; spiritum vero assidua sui abnegatione ferventiorum in dies ad anteriora extendebat.

ñ. Amavit eum Dominus.

Lectio VI.

Deiparam Virginem, ruius clientelae se ab ineunte aetate dicaverat, tamquam matrem, quotidianis colebat obsequiis, atque filiali exorabat fiducia. Porro erga sanctissimum Eucharistiae Sacramentum, difficile dictu est, quam ardenti teneretur devotionis affectu, quem defunctus etiam in cadavere retinere visus est; dum jacens in féretro, ad sacrae Hostiae elevationem bis

óculos reserávit et cláusit, magna ómnium, qui áderant, admiratióne. Ejúsdem veritátem inter haeréticos públice palámque proféssus, multa et grávia ob eam cáusam perpéssus est. Crebro éliam ad necem petítus sed singulári Dei providéntia ab impiórum mánibus eréptus. Saepe inter orándum ómnibus destituebátur sénsibus, dulcíque languébat amóris delíquio: quo témpore coeléstem illam sciéntiam hausísse créditus est, qua homo rudis et illitterátus de mystériis Fidei difficíllimis respondére, atque áliquot étiám libros conscribere pótuit. Dénique méritis plenus, eádem, qua praedíxerat, hora, feliciter migrávit ad Dóminum anno salútis millésimo quingentésimo nonagésimo secúndo, sextodécimo Kaléndas Júnii, eódem, quo natus fúerat, festo Pentecóstes recurrente, annum agens secúndum supra quinquagésimum. Quibus, aliisque virtútibus insignem, ac miráculis tam in vita quam post mortem clarum, Páulus quintus Póntifex Máximus illum Beátum appellavit: Alexánder áutem Octávus Sanctórum catálogo adscripsit.

¶. Iste homo perfécit ómnia.

IN III. NOCTURNO.

Hom. de Com. Conf. non Pont. 1. loco.

DIE XIX. MAII.

In Festo B. HUMILIANAE DE CERCHIUS Vid. Tert. Ord. S. Francisci. Duplex, Omnia de Comm. nec Virg. nec Mart. praeter ea, quae sequuntur.

ORATIO.

Omnípotens sempitérne Deus, dulcédo córdium, et praemium Beátorum, qui beátam Humiliánam tuo amóre succénsam suavíssima contemplatióis dulcédine replevísti: concéde propítius, ut ejus méritis, et imitatióne tibi júgiter adhaeréntes, tuae celsitúdinis spéciem contemplári perpétuo mereámur. Per Dóminum.

IN I. NOCTURNO.

Lectiones de Script. occur.

IN II. NOCTURNO.

Lectio IV.

Humiliána ex vetustíssima Cerchiórum família Floréntiae nata, ab ineúnte aetáte se totam Deo mancipávit. Cum séxdecim esset annórum, paréntum voluntáti obtemperans, nupsit ejúsdem pátriae civi, nobilitáte quidem pari, índole vero ac móribus

longe impari; a quo annos quinque quibus ipsi copulata fuit, durius habita, insignia per id tempus exempla dedit cum propriae mansuetudinis tum charitatis erga virum: cui in extremis laboranti, multoquenummifoenore praegravato, ut illata damna reficeret, dotem suam herolica liberalitate dicitur obtulisse. Coniuge vita functo, paternam domum rediit; ibique secundis nuptiis constantissime recusatis vetustam, despectamque turrim elegit, in qua reliquum vitae suae tempus transigeret. Atque ut arctius coelesti sponso jungeretur, a Fratribus Minoribus spiritalis ejus vitae ducibus, ac magistris, habitum tertii Ordinis beati Francisci omnium prima Floréntiae in Ecclesia sanctae Crucis petiit humiliter, et obtinuit,
 n. Propter veritatem.

Lectio V.

Eo in loco atque habitu, mirum quantum virtute profecerit. Patientia fuit admirabili; bonis enim omnibus per summam injuriam spoliata, a patre et consanguineis contumeliis affecta, a famula gravi vulnere in fronte sauciata, a Deo etiam diutinis infirmi-

tatibus, veluti aurum in igne probata, omnia aspera non modo summa oris, et animi lenitate, verum etiam cum gratiarum actione perferre consuevit. Misericordia quoque in pauperes singulari; quos ut pasceret atque indueret, cibos non semel, vestesque sibi ipsi detraxit: neque erubuit nobilis matrona pro sacris Virginitibus victum emendicare. Tanto autem in Deum fervebat amore, ut ob ejus gloriam vel sanguinem fundere, vel igne absumi, vel alio quovis poenarum genere excruciarı vehementer optaret. Quod ardens quidem, sed irritum martyrii desiderium assiduis gravibusque sui corporis castigationibus explavit. Altissimae contemplationis suavitate divinitus superfusa quam frequentissime in extasim rapiebatur; nec raro meruit beatorum spirituum, atque ipsius Christi Domini tum praesentia, tum colloquio, tum etiam supernis revelationibus, et favoribus recreari.

n. Dilexisti justitiam.

Lectio VI.

Deiparam Virginem, coelitesque omnes impense coluit. Dono laerymarum et prophético spiritu insignita miracu-

lis étiam cláruit: nam et plures infirmi, ipsa oránte, convaluére: et aqua modo in vinum, modo in óleum convérta est. Morbum, quo aegrótus quidam afflictabátur, in próprium corpus transférri, fusis ad Deum précibus, impetrávit, filiam, quam pie educáverat súbita morte exúctam vitae restituit. Ejus célula coelésti splendóre saepe visa est collucére. Frequéntes daemonum fráudes, insídias, et vexatiónes, solo crucis signo múnita superávit. Jejúniis dénique, vigíliis, ac letháli morbo confécta, quartodécimo Kaléndas Júnii anno reparátae salútis millésimo ducentésimo quadragésimo sexto, aetátis suae séptimo supra vigésimum, placidíssime ánimam Deo réddidit; ejúsque corpus Floréntiae in Ecclésia Sanctae Crucis Ordinis Minórum honorífice sepúltum, et percrebrescénte statim miraculórum fama, tértio post mense honorificéntius elátum, non intermíssa fidélium veneratióne, approbánte Innocéntio duodécimo ad haec usque témpora cólitur.

n). Fallax grátia.

IN III. NOCTURNO.

Hom. in Ev. Thesáuro de eod. Comm.

DIE XX. MAII.

In Festo S. GUIDI DE GHERARDESCA C. Duplex.

Omnia de Comm. Conf. non Pont. praeter ea quae sequunt.

ORATIO

Coeléstium donórum inspirátor, et distribútor miséricors Deus, da nobis fámulis tuis beáti Guidi Confessóris imitatióne, et précibus cadúca mundi despícere, et coeléstia semper inquirere. Per Dóminum.

IN I. NOCTURNO

Lect. de Script. occurr.

IN II. NOCTURNO

Lectio IV.

Guidus ex illústri, ac pervetústa fámilia de Gherardésca, Neapoleóne Patre Pisis in Hetrúria ortus est anno millésimo círciter et sexagésimo. Ab ineúnte aetáte certa dedit indícia futúrae sanctitátis suae, cui ánimam praeparáre conténdit. Revéra solémne illi fuit inter domésticos paríetes oratióni, jejú-

niis, vigiliis, piisque meditationibus vacare, et sublevandis pauperibus etiam operam impendere. Hisce munitus praesidiis, solitariae, et eremiticae vitae maxime cupidus genti suae, et patriae nuncium remisit, et quadragésimum annum agens, in campum suo Donoraticensi Castello adjectum, Populoniensis, Massanaeque Dioecesis secessit. Ibi loco penitus abditto, ut uni Deo ferventius inserviret, sibi studiose delicto, et aedicula constructa, quam sanctae Mariae ad Gloriam nuncupavit, quaeque nunc extat, reliquum vitae cursum in eremitica austeritate complevit.

¶. Honestum fecit.

Lectio V.

Quot Moyses in loco solitudinis annos transegerat, tot Guidus coelestium rerum contemplator eximius explavit: quare aetate gravis, et meritis, glorioso de antiquo hoste reportato triumpho, die vigesima Maji ad coelestem patriam est evocatus. Quam vero fuerit mors ejus pretiosa in conspectu Domini, portentum patefecit. Siquidem vix ille vita excessit, cum vicinarum Ecclesiarum campanae sponte sonitum edide-

re. Quo signo excitati finitimi populi, et rem novam, atque mirabilem auspicati, ad venerabilem Castri Donoratici recessum concurrentes inventum ibi Guidi corpus honorifice sepelierunt. Verum cum Beati sepulchrum crebris miraculis factum fuisset gloriosum, ut peregrinorum magna frequentia undequaque confluentium devotioni fieret satis, quod eremi angustiae non patiebantur, ad Donoratici Castri Ecclesiam anno millesimo ducentésimo duodécimo translatum est.

¶. Amavit eum.

Lectio VI.

Bellis postmodum ingruentibus Pisanos inter, et Florentinos, diruto Castro, et Ecclesia, mirabilis Deus in Sanctis suis beati Guidi memoriam forsitan perituram altero prodigio renovavit. Die namque Epiphaniae copiosiori delapsa nive, obrigescente terra, exurgere visa sunt arbuscula quaedam, vulgo scopae, suavisimum late odorem fundentia; cujus rei exquirendae causa arca lapidea sursum versa inventa est, in qua ex uno repósi corpóris osse humerali, arbusta illa foliis redimíta oriebántur. His rite probátis, ut Civem suum Pi-

sánus pópulus vindicáret, apud Callistum Tértium Pontíficem Máximum summo institit stúdio. Petro de Urso Episcopo tamen, et Gherardésca Gente primo obsisténtibus, deínde vero assentiéntibus sacrae Guidi exúviae ad majórem Pisárum Ecclesiám, Clero univérso, urbis procéribus, ingentíque pópulo comitántibus solémni magnificéntia translatae sunt, relíctis in próxima Castanéti Ecclesiá crure, maxílla, et reliquiis, quae in summa veneratióne habéntur, anno millésimo quadringentésimo quinquagésimo nono, die sextadécima Júnii. Ita beáti Guidi sánctitas adolévít, miráculis crevít, et Summi Pontíficis oráculo est confirmáta.

¶. Iste homo.

IN III. NOCTURNO.

Léctio sancti Evangélii
secúndum Lucam.

Lectio VII. Cap. 12.

In illo témpore; dixit Jesus discipulis suis: Sint lumbi vestri praecínti, et lucérnae ardéntes in mánibus vestris. Et réliqua,

Homília sancti Gregórii
Papae.

Hom. 13. in Ev.

Véniens Dóminus, quid vigilántibus servis exhibeat, audiámus. Amen dico vobis, quod praecínget se, et fáciet illos discúmbere, et tránsiens ministrábit illis. Praecínget se, idest, ad retributiónem praeparat. Et fáciet illos discúmbere, idest in aetérna réquie refovéri: discúmbere quippe nostrum, in regno quíescere est. Unde rursus Dóminus dicit: Vénient, et recúmbent cum Abraham, Isaac, et Jacob. Tránsiens autem Dóminus ministrat, quia lucis suae illustratióne nos sátiat: transíre véro dictum est, cum de iudicio ad regnum redit.

¶. Iste est.

Lectio VIII.

Sed quid, si servi in prima vigília negligéntes existunt. Prima quippe vigília, primaevae aetátis custódia est. Sed neque sic desperándum est, et a bono ópere cessándum; nam longanimitátis suae patiéntiam insínuans Dóminus, subdit: Et si vénerit in secúnda vigília, et si in tértia vigília vénerit, et ita invénerit, beáti sunt servi illi. Prima quippe vigília primaeuum

tempus est, idest pueritia, secunda adolescētia, vel iuuentus, quae auctoritate sacri eloqui unum sunt, dicente Salomōne: Laetare iuuenis in adolescētia tua: tertia autem senectus accipitur.

¶. Sint lumbi vestri.

Lectio IX.

Qui ergo vigilare in prima vigilia noluit, custodiat vel secundam: ut qui converti a pravitatibus suis in pueritia neglexit, ad vias vitae saltem in tempore iuventutis evigilet: et qui in secunda evigilare noluit, tertiae vigiliae remedia non amittat, ut qui in iuventute ad vias vitae non vigilat, saltem in senectute respiciat. Non est jam, quid homo excusationis inveniat. Deus despicitur, et expectat: contemni se videt, et revocat; injuriam de contemptu suo suscipit, et tamen quandoque revertentibus etiam praemia promittit.

Te Deum.

DIE XXI. MAII.

In Festo S. FELICIS A CANTALICIO Conf. Semiduplex.

Omnia de Communi Conf. non Pontific. praeter ea, quae hic ponuntur.

In Hymno Iste Confessor, mulatur tertius versus.

ORATIO

Fac nos, Domine Jesu, in simplicitate, et innocentia cordis nostri ambulare; quarum amore de sinu Matris inter beati Felicis Confessoris tui brachia descendisti. Qui vivis et regnas.

In I. Nocturno Lectiones de Scriptura occurrente.

IN II. NOCTURNO.

Lectio IV.

Elix a Cantalicio in Sabini humilibus, sed piis parentibus natus, a puero pascendis gregibus, mox et agro colendo addictus, multo impensius rerum coelestium meditatione animum nutrire, et corpus assiduis vigiliis, ac jejuniis domare coepit, eremiticam agens vitam potius, quam rusticam. Ferventior autem in Deum pietate incensus, cum non posset quotidianie, ut optabat, sacris mysteriis interesse, grege ad loca solitaria compulso: ipse ante Crucem, arborum corticibus incisam diu orare, seque acriter flagellare consueverat;

sed et aliquándo glebas in agro vérttere, simúlque sacris in templo adesse visus est. Alias inter arándum furéntibus, quos júnxerat, indómitis juvéncis humi stratus, et arátro superdúcto plane proscindéndus, laceráta dumtáxat veste, surréxit illaesus. Quo perículo, ut ad tutiorem regularis disciplínae palaestram vocánti jam pridem Deo paréret, admónitus; rústica suppellectili paupéribus distribuí jussa, ad Fratres Minóres, quos Capuccínos vocant, própere se cóntulit.

¶. Honéstum fecit.

Lectio V.

Adhuc tyro, necdum vota solémnia proféssus religiósae perfectiónis ápicem jam attingisse videbátur. Obediéntiae sédulus cultor, ad praeciپیéntis non modo verbum, sed étiam nutum praesto erat; seque Coenóbii juméntum díctitans, vilíssima quaeque ministéria semper arrípuit; ac ludíbria, et contumélias hílari vultu excipiébat. Paupertátis quam esset studiósus, illústri documénto Deus ipse declarávit. Ostiátim enim per vicos, et platéas aléndis Frátribus mendícans, (quod ille munus per annos quadraginta

nudis fere semper pédibus obívit) cum die quadam inusitáto póndere se ópprimi sentíret, mánticam scrutátus, injéctum clam nummum deprehéndit; quo proyécto, nec sine indignatióne proculcáto, álacer, et levis inde ábiit. Castitátem, quam usque ad óbítum servávit illibátam, sanctus córpore, et spírítu a Paulo quinto proptérea appellátus; vígili oculórum custódia, et voluntário córporis cruciátu communívit; aspérímo flagélló se quotidie cruéntans, ac férreo cilício constrictus, septem étiam Urbis Basílicas idéntidem invísens; jejúnia Ordinis inédia quándóque cumulávit. Lectus ejus dolóris pótius quam quiétis erat: brevem quippe somnum, flexis nuda supertábula génibus, ac fasce sarmentórum cápiti supposito, carpébat.

¶. Amávit eum.

Lectio VI.

Vitae austeritáte sibi asper, aliis charus, acceptúsque, sanctis praesértim Cárolo, et Philíppo Nério, simplicitáte, atque innocentia semper fuit. In oratióne pernóctans, dulcíssimam frequénter éxtasim est passus; et aliquándo in ulnis suis reclinátum a Virgine Ma-

tre puerum Jesum suavissime complēcti mēruit. Prophetiae grātia et miraculorum clarus demortuum etiā filium matri vivum restituit. Méritis tandem in bona senectūte cumulatus, secūda, (ut praedixerat), feria Pentecostes ad coelestem patriam, Deipara invitante, laetus abiit. Ejus corpus in Ecclesia sui Ordinis summa Urbis veneratione colitur; Dōmino crebris miraculis servi sui sanctitatem illustrante, quem propterea Urbānus Papa octāvus Beatorum, Clemens vero undecimus Sanctorum fastis adscripsit.

℟. Iste homo.

IN III. NOCTURNO

Lectio sancti Evangelii
secundum Matthaeum.

Lectio VII. Cap. 11.

In illo tempore respondens Jesus dixit: Confiteor tibi Pater, Dōmine coeli et terrae, quia abscondisti haec a sapientibus et prudentibus, et revelasti ea parvulis. Et reliqua.

Homilia sancti Augustini
Episcopi.

Sermo 9. de verbis Dom.

Omnia saeva et immānia, prorsus facilia, et prope nulla efficit amor. Quanto ergo certius, ac facilius ad veram beatitudinem charitas facit, quod ad miseriam, quantum potuit, cupiditas fecit? Quam facile toleratur quaelibet adversitas temporalis, ut aeterna poena vitetur, aeterna requies comparatur? Non immerito ille vas electionis cum ingenti laetitia dixit: Non sunt condignae passionēs hujus temporis ad superventuram gloriam, quae revelabitur in nobis. Ecce unde illud jugum suave est, et sarcina levis; et si angusta est paucis eligentibus, facilis tamen omnibus diligentibus. Dicit Psalmista: Propter verba labiorum tuorum ego custodivi vias duras.

℟. Iste est.

Lectio VIII.

Sed quae dura sunt laborantibus, eisdem ipsis mitescunt amantibus. Propter quod ita divinae pietatis dispensatione actum est, ut interior homo, qui renovatur de die in diem, non adhuc sub lege positus, sed jam sub gratia exoneratus sarcinis innumerabilium

observatiónum, quod erat re-
véra grave jugum, sed durae
cervíci conveniénter impósi-
tum, facilitáte simplicis fidei,
et bonae spei, et sanctae cha-
ritátis, quidquid molestiarum
exterióri hómini forinsecus
intulísset ille princeps, qui
missus est foras, interióri gáu-
dio fieret leve.

R. Sint lumbi.

Lectio IX.

Nihil enim tam fáci-
le bonae voluntáti est, quam ipsa sibi,
et haec súfficit Deo. Quantum-
libet ergo saeviat iste mundus,
veríssime Angeli, nato in
carne Dómino, clamavérunt:
Glória in excélsis Deo, et in
terra pax homínibus bonae
voluntátis. Quia ejus, quínatus
erat, suáve jugum est, et sár-
cina levis. Et sicut dicit Apó-
stolus: Fidélis Deus, qui nos
non sinit tentári supra id,
quod póssumus ferre, sed fa-
cit cum tentatióne étiam éxi-
tum, ut possimus sustinére.

Te Deum.

DIE XXII. MAII.

*In Festo S. HUMILITATIS
Abbatissae vid. Duplex.*

*Omnia de Comm. nec Virg.
nec Mart. praeter sequentia.*

ORATIO.

Deus, qui per beátam Hu-
militátem sacris Virgínibus
vitae normam, et exemplum
praeuísti: concéde nobis, ipsa
interveniente, ut ejus vestigia
sequéndo, quae verbo, et ópe-
re dócuit, compleámus. Per
Dóminum.

*Lect. I. Nocturni de Script.
occur.*

IN II. NOCTURNO.

Lectio IV.

Humílitas, ántea Rosanénsis,
Favéntiae in Aemília ex nobí-
libus paréntibus orta, patre
Elimónte, matre vero Richél-
da, a primis usque aetátis an-
nis non páuca praeuit virtú-
tum specímína. Puerilia síqui-
dem rejíciens, ita oratióibus
vacábat assíduis, ac Passiónis
Domínicae meditatióni, ut in
Dei amóre tota viderétur li-
quescere, Patre intérea amís-
so, matre máxime urgénte,
Ugolótto Caccianimíco civi
aeque nóbili, ac pio, matri-
mónio conjúgitur. Cui cum
géminam prolem peperísset,
utráque sibi immatúra morte
subláta, hortári virum coe-
pit, suaeque pietátis exem-
plis praecíre viam, ut abdicá-

tis saeculi vanitatibus monasticum Institutum capesseret. Voti compos facta, ipsa ad suburbánum sanctárum Perpetuae, et Felicitátis Coenóbium convolávit, ibique novum nomen, et Religiónis hábitum sub sancti Augustíni régula assúpsit.

¶. Propter veritátem.

Lectio V.

Mira fuit Humilitátis, et ad christiánae virtútis normam exácta inter sacras Vírgines conversatio; exímia modestia, mansuetúdo, cháritas, sed ardens praesértim orationis stúdiu, cujus suavitátis amore capta, singuláris beneficii loco obtínuit, ut ad campéstrem Ecclesiám sanctae Maríae in Crispíno, ejúsque Abbáti Ordinis Vallisumbrósaе subjécta erat, angústae cellulae parietibus includerétur; ubi duódecim annos incínere, et cilicio, simplici pane, et aqua, vel páucis quandoque olèribus victitans, aspérrimam córpori, sed ánimo dulcissimam vitam transégit. Verum illíus sanctimóniae fama longe latéque diffúsa, pluribúsque piis virgínibus in illíus disciplínam se tradere cupiéntibus, civium rogátu, et superiorum auctoritáte, e voluntário cárcere

tandem egréssa, novum Moniálium Congregatiónis Vallisumbrósaе Ascetérium sub invocatióne Beatae Maríae Virgínis prope Favéntiae muros fundávit, cui tráditis perfectiórís vitae régulis, iisdemque per se ipsam implétis, diu laudabíliter praefuit.

¶. Dilexísti justítiam.

Lectio VI.

Floréntiam inde accersíta, ut públicis votis, et piaevotióni plurimárum virgínium coeléstis Sponsi nuptias ambiéntium pari ratióne satisfáceret: supérnis favóribus in itinere comitáta; et honorífica ómnium órdinum frequentia in urbem excépta, álterum Moniálium ejúsdem institúti Monastérium ibi constituit, quod et coeléstis sapiéntiae praecéptis, et mirabílium virtútum exémpis gubernávit usque ad éxitum ipsíus vitae, qui fuit undécimo Kalédas Júnii, anno salutis millésimo tercentésimo decimo, aetátis suae octogésimo. Sanctitátis, et miraculorum famam, qua Humílitatis in vita, et post mortem cláruit, pública, et antiqua monumenta testántur, ex quibus ea potíssimum ipsíus própria laus erúitur, quod cum Salvatóris nostri Jesu Christi

Passiónem meditádo recó-
leret, sanguíneis aliquádo
lácrymis sudárium aspérserit.
Ecclesiásticum cultum illíus
memóriæ, sacróque córpori
Floréntiæ quiescénti, tum é-
tiam Favéntiæ ab immemo-
rábili témpore praestitum,
Clemens Undécimus Póntifex
Máximus decréto suo confir-
mávit.

n. Fallax grátia.

IN III. NOCTURNO.

*Hom. in Ev. Thesáuro de
eodem Comm.*

DIE XXIII. MAII.

*In festo S. PETRI COELESTINI
Papae et Conf. Duplex.*

*Omn. ut in Brev. 19 Maii.
omiss. l. et com. S. Pudéntia-
nae v.*

DIE XXIV. MAII.

*In festo B. M. V. sub titulo AU-
XILIUM CHRISTIANORUM. Du-
plex majus.*

*Omnia, ut in festo S. Ma-
riae ad Nives praeter ea quae
sequuntur.*

*Sí fiat tempore Paschali addi-
tur. Allel. Antiph. Vers. et Resp.*

Ad Vesp. et Matut.

Hymnus

Saepe dum Christi pópulus
cruéntis
Hostis infénsi premerétur ar-
mis,
Venit adjútrix pia Virgo coelo
Lapsa seréno.
Prisca sic Patrum monuménta
narrant,
Templa testántur spóliis opí-
mis,
Clara, votívo repetíta cultu
Festa quotánnis.
En novi grates líceat Mariae
Cántici laetis módulis reférre
Pro novis donis, resonánte
pláusu
Urbis, et Orbis.
O dies felix, memoránda
fastis,
Qua Petri sedes Fidei magi-
strum
Triste post lustrum réducem
beáta
Sorte recépit.
Vírignes castae, pueríque
puri,
Géstiens Clerus, populúsque
grato
Corde Regínae celebráre coeli
Múnera certent.
Vírginum Virgo, benedícta
Jesu
Mater, haec áuge bona; fac,
precámur,
Ut gregem Pastor pius ad sa-
lútis
Pásqua ducat.

Te per aetérnos venerémur
annos,

Trínitas, summo celebránda
pláusu,

Te fide mentes, resonóque
linguae

Cármine láudent.

Amen.

AD MAGNIFICAT.

Ant. Ecce Maria erat spes
nostra, ad quam confúgimus
in auxílium, ut liberáret nos,
et venit in adjutórium nobis.

ORATIO

Omnípotens, et miséricors
Deus, qui ad defensiónem pó-
puli Christiáni in beatíssima
VírGINE María perpétuum au-
xílium mirábiliter constitú-
isti: concéde propitijs; ut tali
praesídio muníti certátes in
vita, victóriam de hoste ma-
ligno cónsequi valeámus in
morte. Per Dóminum.

AD MATUTINUM

Hymnus. Saepe dum Chri-
sti etc. ut in *Vesperis*.

IN I. NOCTURNO.

Lect. Ego sapiéntia etc. ut
in *Festo ad Nives*.

IN II. NOCTURNO.

Lectio IV.

Sermo santi Bernárdi
Abbátis.

Ex Sermone de 12. Stellis.

Veheménter quidem nobis,
dilectíssimi, vir unus, et mú-
lier una nocuere: sed grátias
Deo per unum nihilóminus
virum, et mulierem unam,
ómnia restaurántur, nec sine
magno foenore gratiárum. Et
quidem sufficere póterat Chri-
stus: síquidem et nunc omnis
sufficiéntia nostra ex eo est:
sed nobis bonum non erat,
esse hóminem solum. Cón-
gruum magis, ut adéset no-
strae reparatióni sexus utr-
que. Jam itaque nec ipsa mú-
lier benedícta in muliéribus
vidébítur otíosa: inveniétur
équidem locus ejus in hac re-
conciliatióne. Opus est enim
mediatóre ad mediatórem
Christum; nec alter nobis u-
tílior, quam María. Crudélis
nímium, mediátrix Eva, per
quam serpens antíquus pestí-
ferum étiam ipsi viro virus
infúdit: sed fidélis María,
quae salútis antídoto et vi-
ris, et muliéribus propinávit.
Illa enim minístra seducti-
onis, haec propitiatiónis, illa

suggessit praevaricationem, haec ingressit redemptionem. Quid ad Mariam accedere trepidet humana fragilitas? Nihil austerum in ea, nihil terribile; tota suavis est, omnibus offerens lac, et lanam. Revolve diligentius Evangelicae historiae seriem universam: et si quid forte increpatorium, si quid durum, si quod denique signum vel levis indignationis occurrerit in Maria, de caetero suspectam habeas, et accedere verearis.

¶. Sicut cedrus exaltata sum in Libano, et sicut cyprissus in monte Sion: quasi myrra electa, * Dedi suavitatem odoris.

¶. Et sicut cinnamomum, et balsamum aromatizans. Dedi.

Lectio V.

Quod si, ut vere sunt, plena magis omnia pietatis, et gratiae, plena mansuetudinis, et misericordiae, quae ad eam pertinent, inveneris, age gratias ei, qui talem mediatricem benignissima miseratione providit, in qua nihil possit esse suspectum. Denique omnibus omnia facta est, sapientibus, et insipientibus copiosissima charitate debetricem se fecit. Omnibus misericordiae sinum aperit, ut de plenitudine ejus accipiant u-

niversi; captivus redemptio-nem, aeger curatio-nem, tristis consolatio-nem, peccator veniam, justus gratiam, Angelus laetitia-m. Ipsa praeterita non discutit merita, sed omnibus sese exorabilem, omnibus clementissimam praebet, omnium denique necessitates amplissimo quodam miseratur affectu. Ipsa est quondam a Deo promissa mulier, serpentis antiqui caput virtutis pede contritura; cujus plane calcaneo in multis versutis insidiatus est, sed sine causa. Sola enim contrivit universam haereticam pravitatem. Contriti sunt insidiantes, conculcati supplantatores, confutati derogatores, et beatam eam dicunt omnes generationes. Jam si Ecclesia Lunae intelligenda videtur vocabulo, habes mediatricem evidenter expressam: Mulier, inquit, amicta sole, et luna sub pedibus ejus. Amplectamur Mariae vestigia, et devotissima supplicatione beatis illius pedibus provolvamur. Teneamus eam, nec dimittamus, donec benedixerit nobis; potens est enim.

¶. Quae est ista, quae processit sicut sol, et formosa tamquam Jerusalem? * Viderunt eam filiae Sion, et beatam dixerunt, et reginae laudaverunt eam.

¶. Et sicut dies verni cir-

cúmdabant eam flores rosárum, et lília convállium. Vidérunt.

Ex publicis Monumentis.

Lectio VI.

Praesentíssimum Deíparae auxílium ad Religiónis hostes profligándos saepe pópulus Christiánus mirum in modum expértus est; ex quo factum, ut Sanctíssimus Póntifex Pius Quintus post insígnem victóriam, intercedente beatíssima Vírgine, a Christiánis de Turcárum Tyránno apud Echínadas insulas reportátam, in Litaníis Lauretánis eámdem Regínam coelórum inter ália praecónia Auxílium Christianórum appellári constitúerit. Sed illud in primis memorábile est, atque exploráti miráculi loco habéndum, quod cum Románus Póntifex Pius séptimus impiórum consiliis, et armis ex Apostólica Petri Sede exturbátus, et arcta custódia, praesértim Savónae per annos quínque, eóque ámplius fuisset deténtus, viis ómnibus pénitus interclúsus, ne Dei Ecclesiám régere posset, nullo similis persecutiónis in priscis annálibus exémplo, inopináto, et praeter ómnium expectatiónem cóntigit, ut ingénti pláusu, ac véluti univérsti orbis mánibus Ponti-

ficio sólio restituerétur. Quod et secúndo áccidit, dum íterum commóto túrbine, ab Urbe discédens, Sacro comitánte Cardinálium Collégio, Ligúriam conténdit, Verum praesentíssimo Dei beneficio, cessánte procélla, quae grave mirabáture excídium, Romam, plaudéntibus prae novo gáudio pópulis, revérsus est. Antea tamen, quod in votis habúerat, et captivitáte deténtus éxequi nequiverat, áurea coróna insígnem Savónae Imáginem Deíparae Vírginis sub título Matris Misericórdiae solémni ritu, propriisque mánibus decorávit. Quam mirábilem rerum vicissitudinem idem Póntifex Máximus Pius séptimus totíus evéntus íntime cónsocius, cum intercessióne Sanctíssimae Dei Genitrícis, cujus poténtem opem, et ipse impénse imploráverat, et ab ómnibus Christi fidélibus implorári curáverat; accéptam mérito reférret, in ejúsdem Vírginis Matris honórem sub appellatióne Auxílii Christianórum solémne festum indíxit perpétuo celebrándum die mensis Maji vigésimo quarto, faustíssimi sui in Urbem réditus anniversário, approbáto étiam Officio próprio, ut tanti beneficii distícta, et perénis extet memória, et gratiárum áctio.

¶. Ornátam monílibus filiam Jerúsalem Dóminus concupívit; * Et vidéntes eam filiae Sion beatíssimam praedicavérunt, dicéntes: * Unguéntum effúsum nomen tuum.

‡. Astitit Regina a dextris tuis in vestítu deauráto circúmdata varietáte. Et vidéntes. Glória Patri. Unguéntum.

IN III. NOCTURNO.

Léctio sancti Evangélíi
secúndum Lucam.

Lectio VII.

In illo témpore: *cap. 11. d.* Loquente Jesu ad turbas, extóllens vocem quaedam múlíer de turba, dixit illi: Beátus venter, qui te portávit. Et réliqua.

Homília sancti Bernárdi
Abbátis.

In Nativitate B. M. V.

Intuére, o Homo, consílium Dei; agnósce consílium sapiéntiae, consílium pietátis. Coelésti rore áream rigáturus, totum vellus prius infúdit. Redemptúrus humánum genus, prétium univérsum cóntulit in Mariám. Altius ergo intuémíni quanto devotiónis afféctu a nobis eam vo-

lúerit honorári, qui totíus boni plenitúdinem pósuit in Maríá: ut proínde si quid spei in nobis est, si quid grátiae, si quid salútis, ab ea novérimus redundáre, quae ascéndit delíciis áffluens. Totis ergo medúllis córdium, totis praecordiórú afféctibus, et votis ómnibus Mariám hanc venerémur, quia sic est volúntas ejus, qui totum nos habére voluit per Mariám. Haec, inquam, volúntas ejus est, sed pro nobis.

¶. Felix, namque es, sacra Virgo Maríá, et omni láude digníssima: * Quia ex te ortus est sol justítiae, Christus Deus noster.

‡. Ora pro pópulo, intéveni pro Clero, intercède pro devóto foemíneo sexu: sentiant omnes tuum juvámén quicúmque tuum sanctum implórant auxílium. Quia.

Lectio VIII.

In ómnibus síquidem, et per ómnia próvidens míseris, trepidatiónem nostram solátur, fidem éxcitat, spem róborat, diffidéntiam ábigit, érigit pusillanimitátem. Ad Patrem verebáris accédere, solo auditu térritus, ad fólia fugiébás; Jesum tibi dedit mediatórem. Quid non apud talem Patrem Fílius talis oblíneat?

Exaudiétur útique pro reveréntia sua ; Pater enim dilígit Fílium. Sed fórſitan et in ipſo majeſtátem vereáre divínuam, quod licet factus ſit homo, mánſerit tamen Deus. Advocatúm hábere vis et ad ipſum ? Ad Mariám recúrre. Pura ſiquidem humanitas in Mariá, non modo pura ab omni contaminatióne, ſed pura ſingularitáte natúrae. Nec dúbiuſ dixerim exaudiétur et ipſa pro reveréntia ſua. Exáudiet útique Matrem Fílius, et exáudiet Fílium Pater.

¶. Beátam me dicent omnes generatiónes : * Quia fecit mihi Dóminus magna qui potens eſt, et ſanctum nomen ejus.

‡. Et miſericórdia ejus a progénie in progénies timéntibus eum. Quia. Glória Patri. Quia.

Lectio IX.

Fílioli , haec peccatórum ſcala, haec mea máxima fidúcia eſt, haec tota rátio ſpei meae. Quid enim ? Poſteſtne Fílius aut repéllere, aut ſuſtinére repúlſam ? Non audíre, aut non audíri Fílius poſteſt ? Néutrum plane. Inveníſti, ait Angeluſ, grátiam apud Deum : feliciter. Semper haec invéniet grátiam, et ſo-

la eſt grátia, qua egémus : nimirum ſola eſt grátia, qua ſalvámur. Quid noſ ália concupíſcimus fratres ? Quaerámus grátiam, et per Mariám quaerámus, quia quod quaerit ínvenit, et fruſtrári non poſteſt. Quaerámus grátiam apud Deum : nam apud hómineſ grátia fallax. Quaerant álii méritum, noſ inveníre grátiam ſtudeámus. Quid enim ? Non grátiae eſt quod hic ſumus ? Proſécto miſericórdiae Dómini eſt, quod non ſumus conſúmpli noſ.

Te Deum.

AD LAUDES

Hymnuſ.

Te Redemptóris, Dominíque
noſtri
Dicimus Matrem , ſpecióſa
Virgo,
Chriſtianórum decuſ, et le-
vámén
Rebuſ in arctiſ.
Saeviant portae licet infe-
rórum,
Hoſtiſ antíquuſ fremat, et
mináceſ
Ut Deo ſacrum populétur
agmen,
Súſcitet iras.
Nil truceſ poſſunt fúriae
nocére
Méntibuſ caſtiſ, prece quaſ
vocáta

Annuens Virgo fovet, et sup-
pérno

Róbore firmat.

Tanta si nobis fáveat pa-
tróna,

Béllici cessat scéleris tumúl-
tus,

Mille sternúntur, fugiúntve
turmae,

Mille cohórtes.

Tollit ut sancta caput in
Síone

Turris, arx firmo fabricáta
muro,

Cívitas David, clypeis, et a-
cri

Mílite tuta.

Virgo sic fortis Dómini po-
ténti

Déxtera, coeli cumuláta do-
nis,

A piis longe fámulis repéllit
Daemonis ictus.

Te per aetérnos venerémur
annos

Trínitas, summo celebránda
pláusu,

Te fide mentes, resonóque
linguae

Cármine laudent.

Amen.

AD BENEDICTUS

Ant. Ad Te, o Sancta Dei
Génitrix, clamávimus, et per
te venit Dómini auxílium
nobis.

Vesperae de S Zenobio Ep.
Fl. absque ulla comm., sed si
ob aliquam causam contingat
dici Vesp. de hoc Festo, omn.
ut in I. hymn. Saepe etc.

AD MAGNIFICAT

Ant. Sancta María, succúr-
je míseris, juva pusillánimes,
réfove flébiles, ora pro pó-
pulo, intérvieni pro Clero, in-
tercéde pro devòto foemíneo
sexu: séntiant omnes tuum
juvámén quicúmque sanctum
tuum implórant auxílium.

DIE XXV. MAIL.

IN FESTO

S. ZENOBII EPISC. FLOREN. ET CONF.

TOTIUS DIOECESIS PATRONI PRINCIPAL.

Duplex 1. Class. cum Octava.

IN I. VESPERIS

Antiphona

Ecce Sacerdos magnus, qui in vita sua suffulsit domum, et in diebus suis corroboravit templum.

Psalm. Dixit Dominus cum reliq. de Dominica et loco, ult.

Psalm. Laudate Dominum omnes gentes.

Ant. Qui curavit gentem suam, et liberavit eam a perditione, et adeptus est gloriam in conversatione gentis.

Ant. In diebus ipsius emanaverunt putei aquarum, et quasi mare adimplenti sunt supra modum.

Ant. Ipse est directus divi-

nitus in poenitentiam gentis suae, et tulit abominationes impietatis.

Ant. Et gubernavit ad Dominum cor ipsius, et in diebus peccatorum corroboravit pietatem.

Capitul. Ad Hebr. Cap. 51.

Omnis Pontifex ex hominibus assumptus pro hominibus constituitur in iis, quae sunt ad Deum, ut offerat dona, et sacrificia pro peccatis.

Hymnus

O Flos colende Praesulum
Fidelium cor recrea,
Reple tuam coelestibus
Odoribus Floréntiam.

Praeclára postquam díxerat
Te civitas Antístitem,
Spernis, fugisque pátrias
Desiderátus ínfulas.

Sed sacra Pastor múnera
Obíre jussus, íncolis
Virtúte praestas ómnibus
Gratus Deo, et mortálibus.

Divína praebes pábula
Potu, cibóque témpers,
Fidémque conciónibus,
Miraculísque próvehis.

Posséssa dudum crimine
Tu voce corda líberas,
Et vita quos relíquerat
Vocas in áuras lúminis.

Deo Patri sit glória,
Ejúsque soli Fílio,
Cum Spíritu Paráclito
Nunc, et per omne saeculum. Amen.

Ÿ. Elégit illum Dóminus
Sacerdótem sibi.

℟. Ad sacrificándum ei hóstiam láudis.

AD MAGNIFICAT.

Ant. Factus forma gregis
ex ánimo, semetípsum exhibuit operárium in confusibilem, et recte tractántem verbum Dei.

ORATIO

Deus, qui beátum Zenóbium
Confessórem tuum, atque Pontíficem, praedicatiónis grátia, virtútum et miraculórum gló-

ria sublimásti: da fámulis tuis, quae dócuit intelléctu conspícere, et quae egit imitatióne complére. Per Dóminum nostrum.

AD MATUTINUM

Invit. Christum Pastórum
Príncipem, qui beátum hódie glorificávit Zenóbium: * Veníte, adorémus.

Psal. Veníte, exultémus.

Hymnus.

Quae tantae mémoras pro-
lis originem
Gáude, Flora parens: vos date dexteri
Pláusus Arnícolae, sídera dum petit.

Gentis glória Póntifex.
Tot clarum méritis dicite
Coelitem;
Late conspícuum, qui sibi crédito

Praefúlsit pópulo, fax velut hóspitem

Noctúrna regit in via.
Coetus, voce potens, dispulit ímpios,
Et coelo sóbolem progénuit novam:

Ingens unde sibi robur, et ádditum

Sensit Rellígio decus.
Quis digne egrégii pectoris índolem,

Quis mite ingénium scripserit? aut opes,
Quas clemens húmili sub lare
páuperum

Dextra distulit impi-
gra?

Vos ergo exímiis pláudite
móribus,

Quorum pura carent corda
cúpidine:

Vos canis víolas júngite lí-
liis,

Integro et cíneri date.

Te summa o Déitas, úna-
que póscimus

Ut culpas ábigas, nóxia súb-
trahas,

Des pacem fámulis, ut tibi
glóriam

Annórum in sériem
canant. Amen.

IN I. NOCTURNO.

Ant. Dabo vobis Pastórem
juxta cor meum, et pascet
vos sciéntia, et doctrína.

Psalm. Beátus vir cum rel.
de Commun. Conf. Pontif.

Ant. Speculatórem dedi
eum dómui Israel, et áudiet
ex ore meo verbum, et an-
nuntiálit eis ex me.

Ant. Probatórem dedi eum
in pópulo meo robústum, et
sciet, et probábit viam eó-
rum.

†. Elégit illum Dóminus
Sacerdotem sibi.

¶. Ad sacrificándum ei hó-
stiam láudis.

De Epístola beáti Páuli
Apóstoli ad Hebraeos.

Lectio I.

Cap. 5.

Omnis Póntifex ex homini-
bus assúptus, pro homini-
bus constitúitur in iis, quae
sunt ad Deum, ut ófferat do-
na, et sacrificia pro peccátis;
qui condolére possit iis qui
ignórant, et errant: quóniam
et ipse circúmdatus est infir-
mitáte, et propterea debet
quemádmódum pro pópulo,
ita étiam pro semetípso of-
ferre pro peccátis. Nec quis-
quam sumit sibi honórem,
sed qui vocátur a Deo tam-
quam Aaron. Sic et Christus
non semetípsum clarificávit,
ut Póntifex fieret; sed qui
locútus est ad eum: Filius
meus es tu, ego hódie genui
te. Quemádmódum, et in álio
loco dicit: Tu es Sacerdos in
aetérnum secúndum órđinem
Melchisedech.

¶. Suscitábo mihi Sacerdó-
tem fidélem, qui juxta cor
meum, et ánimam meam fá-
ciet; * Et ambulábit co-
ram Christo meo cunctis
diébus.

†. Effúndet in fundaménto
altáris odórem divínium ex-
célso Principi. Et ambulá-
bit.

Lectio II.

Ex ead. Ep. 7.

Hic enim Melchisedech, Rex Salem, Sacerdos Dei summi, qui obviavit Abrahae regresso a caede regum, et benedixit ei: cui et decimas omnium divisit Abraham: primum quidem, qui interpretatur Rex iustitiae: deinde autem et Rex Salem, quod est Rex pacis, sine patre, sine matre, sine genealogia, neque initium dierum, neque finem vitae habens, assimilatus autem Filio Dei, manet Sacerdos in perpetuum. Invenimus autem quantus sit hic, cui et decimas dedit de praecipuis Abraham Patriarcha. Et quidem de filiis Levi Sacerdotium accipientes, mandatum habent decimas sumere a populo secundum legem, idest a fratribus suis: quamquam et ipsi exierint de lumbis Abrahae. Cujus autem generatio non annumeratur in eis, decimas sumpsit ab Abraham, et hunc, qui habebat repromissiones, benedixit.

¶. Elegit eum Dominus ex omnibus sibi in Sacerdotem, ut ascenderet ad altare suum, et adoleret illi incensum, et portaret Ephod coram eo: * Erat enim Sacerdos Dei Altissimi.

¶. Unxit eum Dominus oleo sancto suo, et sacrificia ejus consumpta sunt igne quotidie. Erat enim.

Lectio III.

Ex ead. Ep. C. 8.

Talem ergo habemus Pontificem, qui consedit in dextera sedis magnitudinis in coelis, Sanctorum minister, et tabernaculi veri, quod fixit Dominus, et non homo. Omnis enim Pontifex ad offerendum munera, et hostias constituitur, unde necesse est, et hunc habere aliquid, quod offerat. Si ergo esset super terram, nec esset Sacerdos: cum essent qui offerrent secundum legem munera, qui exemplari, et umbrae deserviunt coelestium. Sicut responsum est Moysi cum consummaret Tabernaculum: Vide, inquit, omnia facito secundum exemplar, quod tibi ostensum est in monte. Nunc autem melius sortitus est ministerium, quanto, et melioris testamenti mediator est, quod in melioribus repromissionibus sancitum est.

¶. Ecce dedi tibi linguam eruditam, et potestatem docere Jacob testimonia: * Et in lege mea lucem dare Israel.

ŷ. Conſtitui te ut evéllas, et déſtruas, et diſpérdas, et diſſipes, aedífices, et plantes.

Et in lege mea. Glória Patri. Et in lege mea.

IN II. NOCTURNO.

Ant. Ingréſſus ſine mácula Eccléſiam Dei, operátus eſt juſtítiam, et ſapiéntia ejus facta eſt ſánitas multórum.

Ant. Vir conſíllii non deſpéxit intelliéntiam, et vígilans invénit benedictiónem.

Ant. Sacerdos doctus atque perfectus, cor ſuum dedit in conſummationem óperum.

ŷ. Sápiens in pópulo hæreditábit honórem.

ñ. Et nomen illius erit vivens in aetérnum.

Lectio IV.

Zenóbíus ex nóbili Hieronymórum familia Floréntiae natus, ubi cum puerítiam ſancte in humanióribus líteris tranſegíſſet, inter Cathecúmenos fuit adſcriptus. Biénno poſt, praecláris núpitiis reſuſcítis Chriſto ſe coeléſti ſponſo per Baptíſmi Sacraméntum, et caſtitátis vólum obſtrínxit. Quamóbrem Theodóro Florentíno Epíſcopo in primis carus, per omnes órdinum gradus ad Archidiáconi mu-

nus in Eccléſia Cathedráli aſſúmpſtus, Ariános nonnúllos ſingulári doctrína, et eloquéntia ad fidei veritátem convértit, dignus propterea qui a ſancto Ambrósio ſae-
pius invíſerétur. Cujus testi-
mónio a Dámaso Papa probátus, Romam primo accítus, mox Apoſtólica Sedis Diáconus renunciátus fuit, ubi praeter ália mirácula, Praefécti filium paralyticum, ſolo ſigno Crucis priſtinae reſtítuit ſanitáti.

ñ. Vigilávit die noctúque ſuper gregem ſuum, et in ómnibus laborávit: Ut miníſtérium ſuum diligénter impléret.

ŷ. Potens in Scriptúris, edóctus erat viam Dómini, et fervens ſpíritu loquebátur ea, quae ſunt Jeſu. Ut miníſterium.

Lectio V.

Conſtantinópolis deínde legátus ad novam ibi ſurgéntem hæreſim ſuppriméndam míttitur; quod ille doctrína, ſanctitáte, miráculis, praesér-
tim duóbus energúmenis liberátis, feliciter confécit. Romam revérſus, Theodóro jam defúcto, ad componéndas pátriae civíles diſcórdias proficiſcitur; mox Florentínis cí-

vibus postulántibus, invítus a Dámaso Póntifice Floréntiae Epíscopus consecrátur. At ille novos honóres, et opes, májoris réputans incitáménta virtútis, impénsius sese totum divíno obséquio mancipávit. Omnes Ecclesiásticos provéntus (relicta sibi mó dica summa ad famíliae sustentatióne) paupéribus erogábat. Carnem jejúniis, vigíliis, et áspero cilício edomábat. mentem oratióne, sacrárum literárum lectiόne, ac meditatiόne exercébat. In salúte animárum procuránda assíduus versabátur, nec tamen a divíni verbi praedicatione desistébat. Haereticórum fuit acérrimus insectátor, et Cathólicae fidei propugnátor insignis.

¶ Bonum depósitum custodívit sanctus Antístes, et praebuit seípsum in ómnibus exéplum bonórum óperum; * Ideo non erúbuit testimónium Dòmini.

¶ Sectátus est justítiam, fidem, charitátem, et pacem cum iis, qui invocant Dòminum de corde puro. Ideo non erúbuit.

Lectio VI.

Mórtuis paréntibus, cum patrimónium in egénos distribútum Christo totum donásset, accépit et ipse vicíssim a

Dómino mira dona gratiárum. Ejiciébat daemones, sanábat aegrótos, caeco étiam eleemósynam peténti, ac se fore Christiánum spondénti, si sanitátem recuperáret, et fidei, et oculórum lumen a Dómino impetrávit. Mórtuos étiam áliquot ad vitam revocávit, inter quos Gállicae matrónae filium, quem, dum Romam pietátis cáusa proficiscitur, Floréntiae amiserat, matri mirábíliter restituit. Dénique pro Ecclesiá sua magnis laboribus, curisque perfúctus, fere nonagenárius vicínam mortem praenúncians, adstánte Clero, ómnibus benedicens, tum vicinárum Urbium Epíscopos ad sibi benedicéndum invítans, octávo Kaléndas Júnias obdormívit in Dómino.

¶ Quod infirmum fuit, consolidávit; quod aegrórum, sanávit; quod confráctum, alligávit; quod abjéctum, redúxit; quaesívit áutem quod perierat: Ideo memória ejus in benedictiόne erit.

¶ Sápiens in prophétis vacávit, et occúlta proverbiorum exquisívit. Ideo memória. Glória Patri. Ideo memória.

IN III. NOCTURNO.

Ant, Orávit ad Dòminum

sanctus Antistes, et coelum dedit pluviam temporibus suis.

Ant. Et de rore coeli, et de pinguedine terrae facta est abundantia frumenti, et vini.

Ant. Verbo Domini adduxit spiritum super terram, et prohibita sunt aquae de coelo.

Ÿ. Tu es Sacerdos in aeternum.

ñ. Secundum ordinem Melchisedech.

Lectio sancti Evangelii
secundum Joannem:

Lectio VII.

Cap. 10.

In illo tempore: Dixit Jesus Phariseis: Ego sum Pastor bonus. Bonus pastor animam suam dat pro ovibus suis. Et reliqua.

Homilia sancti Gregorii
Papae.

Homil. 14. in Joann.

Audistis, fratres charissimi, ex lectione Evangelica eruditionem vestram, et periculum nostrum. Ecce enim, is qui non ex accidenti dono,

sed essentialiter bonus est dicit: Ego sum pastor bonus. Atque ejusdem bonitatis formam, quam nos imitemur, adjungit, dicens: Bonus pastor animam suam ponit pro ovibus suis. Fecit quod monuit, ostendit quod jussit. Bonus pastor pro ovibus suis animam suam posuit, ut in Sacramento nostro corpus suum, et sanguinem verteret, et oves quas redemerat, carnis suae alimento satiaret. Ostensa nobis est de contemptu mortis via quam sequamur, apposta est forma cui imprimamur. Primum nobis est exteriora nostra misericorditer ovibus ejus impendere: postrimum vero, si necesse sit, etiam mortem nostram pro eisdem ovibus ministrare.

ñ. Sapiens aperuit os suum in oratione: Et Dominus magnus spiritu intelligentiae replevit illum.

Ÿ. Vir peritus erudit multos, et avertit illos ab iniquitate. Et Dominus.

Lectio VIII.

Non pastor, sed mercenarius vocatur, qui non pro amore intimo oves Dominicas, sed ad temporales mercedes pascit. Mercenarius quippe

est, qui locum quidem pastóris tenet, sed lucra animárum non quaerit: terrénis cómmodis inhiat, honóre praelatiónis gáudet, temporálibus lucris páscitur, impénsa sibi ab homínibus reveréntia laetátur. Istae sunt etenim mercedés mercenárii, ut pro eo ipso quod in regímine labórat, hic quod quaerit invéniat, et ab haereditáte gregis in pósterum aliénus exístat. Utrum vero pastor sit, an mercenárius, cognósci veráriter non potest, si occasio necessitátis deest. Tranquillitátis enim témpore, plerúmque ad gregis custódiám sicut verus pastor, sic étiam mercenárius stat: sed lúpus véniens, índicat quo quisque ánimo super gregis custódiám stabat.

¶. *Cháritas Dei diffúsa erat in corde ipsíus per Spíritum Sanctum, qui habitábat in illo: * Proptérea effúdit esuriénti ánimam suam, et ánimam afflíctam replévit.*

¶. *Et eleemósynas ipsíus enarrábit omnis Ecclésia Sanctórum. Proptérea. Glória Patri. Proptérea.*

Lectio IX.

Lupus etenim super oves venit, cum quilibet injústus, et raptor fidéles quosque, at-

que húmiles ópprimit. Sed is, qui pastor esse videbátur, et non erat, relínquit oves, et fugit, quia dum sibi ab eo perículum méruit, resistere ejus injustítiae non praesúmit. Fugit áutem non mutádo locum, sed subtrahéndo solátium. Fugit, quia injustítiam vidit, et táciuit, fugit, quia se sub siléntio abscondit. Quibus bene per Prophétam dicitur: Non ascendístis ex advérso, neque opposuístis murum pro domo Israel, ut starétis in praelio in die Dómini. Ex advérso quippe ascendere, est quibúslibet potestátibus prave agentibus, ratiónis libera voce contraíre. Et in die Dómini pro domo Israel in praelio stamus, ac murum oppónimus, si fidéles innocéntes, contra perversórum injustítiam ex justítiae auctoritáte vindicámus. Quod quia mercenárius non facit, cum veniétem lúpum víde-rit, fugit.

Te Deum laudámus.

AD LAUDES

ET PER HORAS.

Ant. Amplificátus est Zenóbíus in mirábilibus suis, et in morte mirabilia operátus est.

Psalm. Dóminus regnávít. cum reliq. de Domin.

Ant. Potens in verbis, et in

opéribus suis, quasi sol effúlit in templo Dei.

Ant. Sústulit mórtuos ab inferis, de sorte mortis in verbo Dòmini Dei.

Ant. Quaesívit bona gentis suae, et plácuít ómnibus potéstas ejus, et nominátum est nomen glóriæ ejus usque ad extrémum terræ.

Ant. Prótegám urbem hanc, et salvábò eam propter me, et propter Zenóbium servum meum, dicit Dóminus.

Capitulum

Ad Heb. cap. 5.
Omnis Póntifex ex homínibus assúptus pro homínibus constitúitur in iis, quæ sunt ad Deum, ut ófferat dona, et sacrificia pro peccátis.

Hymnus

Póntifex claris decoráta signis.

Gesta, quem celsum super astra tollunt,

Quas tibi supplex pia turba fundit

Accipe láudes.

Tu potens visu récreas cupito

Lucis expértes: téneris paréntum

Flétibus praesens púeros aváro

Súbripis Orco.

Te per Aegaei vada longa vectum

Mira patrántem stupuére Thraces,

Quos minax circum fremit aestuósa

Bósphorus unda.

Quin et exúltans rútili pótitó

Sédibus coeli, tibi pláusit ulmus

Induens vernæ per acúta brumæ

Frondis honórem.

Saeviant nimbi reboánte vento,

Spemque matúri miniténtur anni,

Dexter affúlges pópulo, et levámen

Prótinus affers.

Saepe depúlsa précibus procélla

Astra paráto rediére coelo:

Saepe foecúndi cecidére jussis

Núbibus imbres.

Sit salus illi, decus, atque virtus,

Qui super coeli sòlio corúscans,

Tótius mundi sériem gubérnat

Trinus, et unus. Amen.

γ. Sapiéntiam ejus enarrábunt gentes.

η. Et láudem ejus enuntiábit Ecclésia.

AD BENEDICTUS

Ant. Ossa illíus visitáta

sunt, et post mortem prophetauerunt.

ORATIO

Deus, qui beatum Zenobium Confessorem tuum, atque Pontificem, praedicationis, gratia, virtutum et miraculorum gloria sublimasti; da famulis tuis, quae docuit intellectu conspicerere, et quae egit imitatione complere. Per Dominum nostrum.

AD TERTIAM.

Ant. Potens in verbis.

Cap. Omnis Pontifex. ut *supr.*

R. *br.* Elégit illum Dominus: * Sacerdotem sibi. Elégit illum.

ŷ. Ad sacrificandum ei hostiam laudis. Sacerdotem.

ŷ. Glória Patri, et Fílio, et Spiritui Sancto. Elégit illum.

ŷ. Sápiens in pópulo haereditávit honórem.

R. Et nomen illius erit vivens in aeternum.

AD SEXTAM

Ant. Sústulit mórtuos.

Capitulum

Nec quisquam sumit sibi

Ad Hebr. 5. 4.

honórem, sed qui vocátur a Deo tamquam Aaron.

R. *br.* Sápiens in pópulo: * Haereditávit honórem. Sápiens.

ŷ. Et nomen illius erit vivens in aeternum. Haereditávit.

ŷ. Glória Patri. Sápiens in pópulo.

ŷ. Tu es Sacerdos in aeternum.

R. Secúndum órđinem Melchisedech.

AD NONAM

Ant. Prótegam urbem hanc.

Capitulum

Talem habemus Pontificem qui consédit in dextera magnitudinis in coelis, Sanctorum minister, et tabernaculi veri, quod fixit Dominus, et non homo.

R. *br.* Tu es Sacerdos: * In aeternum, Tu es Sacerdos.

ŷ. Secúndum órđinem Melchisedech. In aeternum.

ŷ. Glória Patri. Tu es Sacerdos.

ŷ. Sapiéntiam ejus enarrábunt gentes.

R. Et láudem ejus enuntiábit Ecclésia.

IN II. VESPERIS.

Omnia ut in primis. Psalm.

de Domin. et loc. ultim. Psal.
Meménto Dómine David.

ŷ. Sapiéntiam ejus enarrá-
bunt gentes.

ñ. Et láudem ejus enun-
tiábit Ecclésia.

AD MAGNIFICAT.

Ant. Hic est fratrum amá-
tor, et pópuli; hic est qui
multum orat pro pópulo, et
pro univérſa civitaté sua.

ORATIO.

Deus, qui beátum Zenó-
bium. *ut supr.*

Deinde fit com. seq. tant.
or. ut in Brev.

*Si hoc Festum venerit Tem-
pore Paschali, Antiphon's, ŷŷ.*
et ññ. additur Allelúja, et
unumquodque Nocturn. dicit
sub. 1. tantum Antiphona.

DIE XXVI. MAII.

*Secunda infr. oct. S. ZE-
NOBII EP. C.*

In Festo S. PHILIPPI NERII
Conf. Flor. Duplex 2. cl.

Ut in Brev. sed in 1. n. ll.
de Com. 2. loc. Beátus vir,
9. l. et com. S. Eleutherii Pp.
m. De oct. nihil. In Vesp. com.
seq. et S. Ioannis Pp. m. tant.
ut in Brev.

DIE XXVII. MAII.

*Tertia infr. oct. S. ZENO-
BII EP. C.*

*In Festo S. M. MAGDALE-
NAE DE PAZZIS Virg. Flor.*
Duplex 2. cl.

Ut in Brev. sed ll. 1. n. de
Com. vv. 1. loc. 3. n. Hom.
in Ev. Confiteor ut supr. in
Festo S. Felicis a Cantalic.
pag. 315. jx. l. et com. S.
Joannis Pp. m. tant. ut in
Brev. De oct. nihil. In Vesp.
com. seq. or. Da, quaesumus
tant.

DIE XXVIII. MAII.

*Quarta infr. oct. S. ZENO-
BII EP. C.*

In Festo S. PODII EP. C.
FLOR. Duplex majus.

Omn. de Com. 1. loc. com.
oct. S. ZENOBII. In Vesp. com.
seq. et oct.

DIE XXIX. MAII ASS.
EX XXV. EIUSD.

*Quinta infr. oct. S. Zeno-
bii.*

*In Festo S. GREGORII SE-
PTIMI Papae et Conf. Duplex.*

*Omnia de Commun. Conf.
Pont. praefer sequentia.*

ORATIO.

Deus in te sperantium fortitudo, qui beatum Gregorium Confessorem tuum, atque Pontificem, pro tuenda Ecclesiae libertate, virtute constantiae roborasti: da nobis ejus exemplo et intercessione, omnia adversantia fortiter superare. Per Dominum.

In hymno Iste Confessor dicatur Méruit supremos.

IN I. NOCTURNO.

Lectiones de Scriptura occurrente.

IN II. NOCTURNO.

Lectio IV.

Gregorius Papa Séptimus, antea Hildebrándus, Soánae in Hetrúria natus, doctrina, sanctitate, omniq[ue] virtutum genere cum primis nobilis, mirífice univér[s]am Dei illustrávit Ecclesiám. Cum párvulus ad fabri ligna edolántis pedes, jam literárum inscius, lúderet, ex rejéctis tamen segmentis illa Davídici eleménta oráculi: Dominábitur a mari usque ad mare, casu formásse narrátur, ma-

num púeri ductánte Númine, quo significarétur, ejus fore amplíssimam in mundo auctoritatém. Romam deínde proféctus sub protectió[n]e sancti Petri educátus est. Júvenis Ecclesiá[e] libertatém a láicis oppríssam, ac depravat[os] Ecclesiasticórum mores vehementius dolens, in Cluniacénsi monastério, ubi sub Régula sancti Benedícti austeriór[is] vitae observántia eo témpore máxime vigébat, mónachi hábitum induens, tanto pietátis ardóre divínae Majestáti deservíbat, ut a sanctis ejúsdem Coenóbii Pátribus Prior sit eléctus. Sed divína providéntia majóra de eo disponénte in salutem plurimórum, Cluníaco edúctus Hildebrándus, Abbas primum monastérii sancti Pauli extra muros Urbis eléctus, ac postmodum Románae Ecclesiá[e] Cardinális creatus, sub summis Pontificibus, Leóné nono, Victóre secúndo, Stéphano nono, Nicoláo secúndo, et Alexándro secúndo, praecipuis munéribus, et legatiónibus perfúctus est, sanctíssimi, et puríssimi consílii vir a beáto Petro Damiáno nuncupátus. A Victóre Papa secúndo Legátus a látere in Gálliam missus, Lugdúni Episcopum simoníaca labe inféctum ad sui criminis confessió[n]em miraculo adégit. Berengárium

in Concilio Turonensi ad iteratam haeresis abjuratiónem cõmpulit; Cadolái quoque schisma sua virtúte compréssit.
¶ Inveni David.

Lectio V.

Mórtuo Alexáandro secúndo invítus et moerens, unánimi ómnium consénsu, décimo Kaléndas Maii, anno Christi millésimo septuagésimo tertio, summus Póntifex eléctus, sicut sol effúlsit in domo Dei: nam potens ópere, et sermóne, Ecclesiásticae disciplinae reparándaе, fidei propagándaе, libertáti Ecclesiáe restituéndaе, extirpándis erroribus, et corruptélis tanto stúdio incúbuit; ut ex Apostolorum aetáte nullus Pontíficum fuisse tradátur, qui majóres pro Ecclesia Dei labóres, molestiasque pertúlerit, aut qui pro ejus libertáte ácrius pugnáverit. Aliquot Províncias a simoníaca labe expurgávit. Contra Henrici Imperatóris ímpios conátus, fortis per ómnia athléta, impávidus permánsit, seque pro muro dómui Israel pónere non tímuit; ac eúmdem Henricum in profúndum malórum prolápsum fidélium comunióne, regnóque privávit, atque súbditos pópulos fide ei data liberávit.

¶ Pósui adjutórium.

Lectio VI.

Dum Missárum solémnia perágeret, visa est viris piis cólumba e coelo delápsa húmero ejus dextro insidens, alis exténsis caput ejus veláre, quo significátum est, Spíritus Sancti afflátu, non humánae prudéntiae ratióibus ipsum duci in Ecclesiáe regímine. Cum ab iníqui Henrici exércitu Romae gravi obsidióne premerétur, excitátum ab hóstibus incéndium signo Crucis extínxit. De ejus manu tandem a Robérto Guiscárdo Duce Northmánno ereptus, Cassínium se cõtulit; atque inde Salérnum ad dedicándam Ecclesiám sancti Matthaei Apóstoli conténdit. Cum aliquándo in ea civitaté sermónem habuísset ad pópulum, aerúmni conféctus, in morbum incidit, quo se interitúrum praescívit. Postréma moriéntis Gregórii verba fuére: Diléxi justitiam, et odívi iniquitátem, proptérea mórior in exílio. Innumera-bilia sunt, quae vel sórtiter sustínuit, vel, multis coáctis in urbe Synodis, sapiénter consítuit, vir vere sanctus, criminum vindex, et acérrimus Ecclesiáe defénsor. Exáctis itaque in Pontificátu annis duódecim, migrávit in coelum, anno salutis millési-

mo octuagésimo quinto, pluribus in vita, et post mortem miraculis clarus, ejusque sacrum corpus in Cathedrâli Basilica Salernitana est honorifice conditum.

R., Iste est, qui ante.

IN III. NOCTURNO.

Homil. in Evang. Vigilâte, de Comm. Conf. Pontif. 2. loco cum com. oct.

In Vesp. ad Magn. Ant. Dum esset summus com. seq. oct. et S. Felicis Pp. m. or. ut in Brev.

DIE XXX. MAII.

ASS. EX 20. EIUSD.

Sexta infr. oct. S. ZENOBII Ep. C.

In Festo S. BERNARDINI SENENS. Confess. sem.

Ut in Brev. 20. huj. 9. l. S. Felicis Pp. m. com. oct. et S. Felicis. Vesp. a cap. de seq. or. Exaudi de Com. et dicatur Translatiône com. praec., oct. et S. Petronillae Virg.

Pro S. Petronilla quando non transeitur Off. Translat. S. M. Magd. de Pazz., variatur Antiph. cum y. et dicitur sequens.

ORATIO

Indulgentiam nobis, quaesu-

mus Dômine, beâta Petronilla Virgo implôret: quae tibi grata semper extitit, et mérito castitâtis et tuae professione virtutis. Per Dôminum.

DIE XXXI. MAII.

Septima infr. oct. S. ZENOBII Ep. C.

In Festo Translat. S. M. MAGDALENAE DE PAZZ. Virg. Flor. sem.

Off. de Com. vv. ll. 1. n. de Scr. occur.

IN II. NOCTURNO

Ex Libro S. Cypriani Nunc nobis de 2. loco.

IN III. NOCTURNO.

Hom. in Ev. Thesàuro de Com. nec Virg. nec Mart. R.
de Com. Virg. com. oct. et S. Petronillae ut supr. Vesperae de seq. die Octava S. Zenobii Ep. C. ut in 1. Vesp. Festi com. Translat. S. M. Magd.

FESTA JUNII

FERIA VI.

Post Octavam SS. Corporis Christi.

Offic. SACRATISSIMI CORDIS JESU. Duplex majus.

In Vesp. omnia de die octava SS. Corp. Chr., sine ulla comm. Sed si offic. Cord. Jesu transferatur, vel celebretur sub ritu dup. 1. sive 2. cl. tunc in 1. Vesp. omnia dicuntur ut infra.

AD VESPERAS.

Ant. Discite a me, cum reliquis ut infra ad Laudes.

Psalm. Dixit Dominus cum reliquis ut in Vesp. Festi Sanctissimi Corporis Christi.

Capitulum

Ecce Deus Salvator meus, fiducia liter agam, et non timebo, quia fortitudo mea, et laus mea Dominus, et factus est mihi in salutem. Haurietis aquas in gaudio de fontibus Salvatoris.

Hymnus

Auctor beate saeculi,
Christe Redemptor omnium,
Lumen Patris de lumine,
Deusque verus de Deo.

Amor coegit te tuus
Mortale corpus sumere:
Ut novus Adam redderes,
Quod vetus ille abstulerat.

Ille Amor almus Artifex
Terrae, marisque, et siderum,
Errata Patrum miserans,

Et nostra rumpens vincula.

Non Corde discadat tuo
Vis illa amoris inclyti:
Hoc fonte gentes hauriant
Remissionis gratiam.

Percussum ad hoc est lancea,
Passumque ad hoc est vulnera:

Ut nos lavaret sordibus
Unda fluente, et sanguine.

Decus Parenti, et Filio,
Sanctoque sit Spiritui,
Quibus potestas, gloria,
Regnumque in omne est saeculum. Amen.

Ÿ. Ignem veni mittere in terram.

℞. Et quid volo, nisi ut accendatur?

AD MAGNIFICAT.

Ant. Improperium expectavit cor meum et miseriam: et sustinui qui simul contristaretur, et non fuit; et qui consolaretur, et non inveni.

ORATIO.

Concede quaesumus, Omnipotens Deus, ut qui in sanctissimo dilecti Filii tui Corde gloriantes, praecipua in nos Charitatis ejus beneficia recolimus: eorum pariter et actu delectemur, et fructu. Per eundem Dominum.

AD MATUTINUM.

Invitator. Christum pro nobis passum. * Veníte, adorémus.

Psalm. Veníte, exultémus Dómino.

Hymnus.

En, ut supérba críminum,
Et saeva nostrórum cohors
Cor sauciávit innocens
Meréntis haud tale Dei!

Vibrántis hastam militis
Peccáta nostra dirígunt,
Ferrúmque dirae cúspidis
Mortále crimen ácuit;

Ex Corde scisso Ecclésia
Christo jugáta nascitur;
Hoc óstium Arcae in látere
est

Genti ad salútem pósitum.

Ex hoc perénis grátia,
Ceus septifórmis flúvius;
Stolas ut illic sórdidas
Lavémus Agni in ságuine.

Turpe est redíre ad crímina,

Quae Cor beátum lácerent,
Sed aemulémur córdibus
Flammas amóris índices.

Hoc, Christe nobis, hoc Pater,

Hoc Sancte dona Spíritus,
Quibus potéstas, glória,
Regnúmque in omne est saeculum. Amen.

IN I. NOCTURNO

Ant. Quid est homo, quia

magníficas eum, aut quid ap-
pónis erga eum cor tuum?

Psalm. Dómine Dóminus
noster, cum reliquis, ut in Of-
ficio parvo B. M. V.

Ant. Meditátio cordis mei
in conspéctu tuo semper.

Ant. Elevámini portae ae-
ternáles, et introíbit Rex gló-
riae.

ŷ. Dómine dabis pacem no-
bis.

ñ. Omnia enim ópera no-
stra operátus es nobis.

De Isaia Propheta.

Lectio I.

Confitebor Tibi Dómine, c. 12.
quóniam irátus es mihi: con-
vêrsus est furor tuus, et con-
solátus es me. Ecce Deus Sal-
vátor meus: fiduciáliter a-
gam, et non timébo, quia
fortitúdo mea, et laus mea
Dóminus, et factus est mihi
in salútem. Hauriétis aquas
in gáudio de fóntibus Salva-
tóris. Et dicétis in die illa:
Confitemini Dómino, et invo-
cáte nomen ejus, mementóte
quóniam excélsus est No-
men ejus. Cantáte Dómino,
quóniam mirífice fecit: an-
nuntiáte hoc in univérsta ter-
ra. Exúlta, et láuda habitá-
tio Sion, quia magnus in
médio tui Sanctus Israel.

ñ. Ego sum panis vitae:
Patres vestri manducavérunt
manna in desérto, et mórtui

sunt: * Hic est panis de coelo descéndens, ut si quis ex ipso mandúcet, non moriátur.

†. Ego sum panis vivus, qui de coelo discéndi, si quis manducáverit ex hoc pane, vivet in aetérnum. Hic est.

Lectio II.

Cap. 26.

In die illa cantábitur canticum istud in terra Juda. Urbs fortitúdinis nostrae Sion, Salvátor ponétur in ea murus, et antemurále. Aperíte portas, et ingrediátur gens justa, custódiens veritátem. Vetus error ábiit, servábis pacem, pacem quia in te sperávimus. Sperástis in Dómino in saeculis aetérnis, in Dómino Deo forti in perpétuum. Quia incurvábít habitántes in excélso, civitátem sublímem humiliábit, humiliábit eam usque ad terram.

¶. Ecce vídimus eum non habéntem spéciem, neque decórem: aspéctus ejus in eo non est: hic peccáta nostra portávit, et pro nobis dolet, ipse áutem vulnerátus est propter iniquitátes nostras, * Cujus livóre sanáti sumus.

†. Vere languóres nostros ipse tulit, et dolóres nostros ipse portávit. Cujus livóre.

Lectio III.

Sémita justí recta est, rectus callis justí ad ambulándum: et in sémita judiciórum tuórum Dómine, sustinúimus te: Nomen tuum, et memoriále tuum, in desidério ánimae. Anima mea desiderávit te in nocte, sed et spíritu meo in praecórdiis meis de mane vigilábo ad te. Cum féceris judícia tua in terra, justítiam discent habitatóres orbis.

¶. Benedíctus Dóminus Deus Israel qui facit mirabília magna solus, * Et benedíctum nomen majestátis ejus in aetérnum.

†. Replébitur majestáte ejus omnis terra, fiat, fiat. Et benedíctum. Glória Patri. Et benedíctum.

IN II. NOCTURNO.

Ant. Afferéntur in laetítia, et exultatióne: adducéntur in templum regis.

Ant. Sanctificávit tabernáculum suum Altíssimus.

Ant. Sicut laetántium ómnium habitátió est in te.

†. Convérsus est furor tuus.

¶. Et consolátus es me.

De Sermóne sancti Bernárdi Abbátis.

Serm. 3. de Pass.

Lectio IV.

Quia semel vénimus ad Cor dulcíssimum Jesu, et bonum est nos hic esse, ne sinámus nos fácte avélli ab eo, de quo scriptum est: recedéntes ad te in terra scribén-
tur. Quid áutem accedéntes? Tu ipse doces nos; Tu dixísti accedéntibus ad te; gaudéte quia nómina vestra scripta sunt in coelo. Accedámus ergo ad te, et exultábimus, et laetábimur in te, mémores Cordis tui. O quam bonum, et quam jucundum, habitáre in Corde hoc! Quin pótius dabo ómnia, omnes cogitátiones et afféctus mentis commutábo, jactans omne cogitátum meum in Cor Dómini Jesu, et sine fallácia illud me enútriet.

ñ. Qui mandúcat meam carnem, et bibit meum sanguinem * In me manet, et ego in eo.

ŷ. Non est ália nátio tam grandis, quae hábeat Deos appropinquántes sibi, sicut Deus noster adest nobis. In me manet.

Lectio V.

Ad hoc templum, ad haec Sancta Sanctorum, ad hanc Arcam Testaménti adorábo,

et laudábo nomen Dómini, dicens cum David: Invénit cor meum, ut orem Deum meum. Et ego invéni Cor Regis, Fratris, et Amíci beníg-
ni Jesu. Et numquid non adorábo? Hoc igitur Corde tuo, et meo dulcissime Jesu, invénto, orábo te Deum meum: admítte tantum in sacrárium exauditiónis tuae preces meas: immo me totum trahe in Cor tuum. O ómnium pulchritúdine speciosissime Jesu, ámplius lava me ab iniquitáte mea, et a peccáto meo munda me; ut purificátus per te puríssimum, possim accé-
dere, et in Corde tuo ómnibus diébus vitae meae mé-
rear habitáre, et ut vidére simul, et fácere tuam váleam voluntátem.

ñ. Sicut ovis ad occisiónem ductus est, et dum male tractarétur, non apéruit os suum: tráditus est ad mortem, * Ut vivificáret pópulum suum.

ŷ. Trádidit in mortem ánimam suam, et inter scelerátos reputátus est. Ut vivificáret.

Lectio VI.

Ad hoc enim perforátum est latus tuum, ut nobis patéscat intróitus, Ad hoc vulnerátum est Cor tuum, ut in illo, et in te ab exterióribus perturbatió-
nibus absolúti habitare

possimus. Nihilominus et propterea vulneratum est, ut per vulnus visibile, vulnus amoris invisibile videamus. Quomodo hic ardor melius ostendi potest, nisi quod non solum Corpus, verum etiam ipsum Cor lancea vulnerari permisit? Carnale ergo vulnus, vulnus spirituale ostendit. Quis illud Cor tam vulneratum non diligat? quis tam amans non redamet? Quis tam castum non amplectatur? Nos igitur adhuc in corpore manentes, quantum possumus amemus, redamemus, amplectamur vulneratum nostrum, cujus impii agricolaefoderunt manus, et pedes, latns, et cor: steamusque, ut cor nostrum durum adhuc et impenitens, amoris sui vinculo constringere, et iaculo vulnerare dignetur. Quam charitatem Christi patientis, et pro generis humani Redemptione morientis, atque in suae mortis commemorationem instituents Sacramentum Corporis, et Sanguinis sui, ut Fideles sub sanctissimi Cordis symbolo devotius, ac ferventius recolant, ejusdemque fructus uberius percipiant, Clemens Decimus tertius Pontifex Maximus ejusdem sanctissimi Cordis festum quibusdam petentibus Ecclesiis celebrari permisit.

R. Magnus Dominus et lau-

dabilis nimis: * Et sapientiae ejus non est numerus.

Y. Magnus Dominus, et magna virtus ejus, et sapientiae ejus non est finis. Et sapientiae. Glória Patri. Et sapientiae,

IN III. NOCTURNO.

Ant. Annuntiáte de die in diem salutáre ejus.

Ant. Adoráte eum omnes Angeli ejus: audivit, et laetáta est Sion.

Ant. Vidérunt omnes témini terrae salutáre Dei nostri.

Y. Ex Sion spécies decóris ejus.

R. Deus noster manifeste veniet.

Lectio sancti Evangelii
secundum Joánnem.

Lectio VII.

Cap. 19. 31.

In illo tempore Judaei, quoniam Parascève erat, ut non remanerent in cruce corpora Sábbato (erat enim magnus dies ille Sábbati) rogaverunt Pilátum, ut frangerentur eorum crura, et tollerentur. Et reliqua.

Homília Sancti Augustíni
Epíscopi.

Tract. 120. in Joann.

Unus militum lancea latus ejus aperuit, et continuo exivit sanguis, et aqua. Vigilanti verbo Evangelista usus est, ut non diceret latus ejus percussit, aut vulneravit aut quid aliud; sed aperuit, ut illud quodammodo vitae ostium panderetur, unde Sacramenta manaverunt, sine quibus ad vitam, quae vera vita est, non intratur. Ille sanguis, qui fusus est, in remissionem fusus est peccatorum. Aqua illa salutare temperat poculum, haec et lavacrum praestat, et potum. Hoc praenuntiabat quod Noe in latere Arcae ostium facere jussus est, quo intrarent animalia, quae non erant diluvio peritura, quibus figurabatur Ecclesia.

¶ Misit me vivens Pater, et ego vivo propter Patrem: * Et qui manducat me vivet propter me.

¶ Cibavit illum Dominus pane vitae, et intellectus. Et qui manducat.

De Homilia Sancti Joannis
Chrysostomi.

Homil. 84.

Lectio VIII.

Vides quanti sit veritas? per

ea quae Judaei faciunt, prophetia impletur; alia enim ex hoc manifestata est. Venerunt ergo milites, et aliorum fregérunt crura, non Christi; sed ad Judaeorum gratiam conciliandam, latus ejus lancea aperuerunt, et mortuo adhuc insultant. O pessimam voluntatem, ac sceleratissimam! Noli tamen perturbari, o dilectissime; quae enim malo illi animo patrantur, veritati consentiebant, prophetia hinc implata est, inquiens: videbunt in quem transfixerunt. Neque hoc tantum, sed non credituris fuit fidei argumentum, ut Thomae et qui cum eo erant. Ad haec et arcenum misterium confirmatum est; exivit enim sanguis, et aqua. Non casu, et simpliciter hi fontes scaturierunt, sed quoniam ex ambobus Ecclesia constituta est.

¶ Recessit Pastor noster, fons aquae vivae, ad cujus transitum sol obscuratus est. * Portas mortis, et seras pariter Salvator noster dirupit.

¶ Destruxit quidem claustra inferni, et subvertit potentias diaboli. Portas. Gloria Patri. Portas.

De Homilia sancti Bonaventurae Episcopi.

Lib. de ling. Vitae.

Lectio IX.

Porro ut de látere Christi dormiéntis formarétur Ecclesiá, divína est ordinatióne indúltum, ut unus militum lancea latus sacrum illud aperiéndo perfóderet, quátenus sáanguine cum aqua manánte, prélium effunderétur nostrae salutis, quod a fonte scílicet cordis arcáno profúsum, vim daret Sacraméntis Ecclesiæ, ad vitam grátiae conferéndam; essétque jam in Christo vivéntibus póculum fontis vivi, saliéntis in vitam aetérnam. Surge igitur ánima amica Christi, vigiláre non cesses, ibi os appóne, ut háurias aquas de fóntribus Salvatóris.

Te Deum.

AD LAUDES

ET PER HORAS.

Ant. Dísce a me quia mitis sum, et húmilis corde.

Psalm. Dóminus regnávit, cum reliquis de Dominica.

Ant. Sanctificávi locum istum, ut sit nomen meum ibi in sempitérnum; et permáneant óculi mei, et cor meum ibi cunctis diébus.

Ant. Et dixi: Ergo sine cáusa justificávi cor meum, et lavi inter innocéntes ma-

nus meas, et fui flagellátus tota die.

Ant. Secúndum multitudinem dolórum meórum in corde meo, consolatiónes tuæ lactificavérunt ánimam meam.

Ant. Pone me ut signáculum super cor tuum, ut signáculum super bráchium tuum.

Capitulum

Ecce Deus Salvátor meus, *Isaiae 12.* fiduciáliter agam, et non timébo, quia fortitúdo mea, et laus mea Dóminus, et factus est mihi in salutem. Hauriétis aquas in gáudio de fóntribus Salvatóris.

Hymnus.

Cor, Arca legem cóntinens
Non servitútis véteris:
Sed grátiae, sed véniae,
Sed et misericórdiae.

Cor, Sanctuárium novi
Intemerátum foederis,
Templum vetústo sánctius,
Velúmque scissum útilius.

Te vulnerátum cháritas,
Ictu paténti vóluit;
Amóris invisíbilis
Ut venerémur vúlnera.

Hoc sub amóris symbolo
Passus cruénta, et mystica,
Utrúmque sacrificium

Christus Sacerdos obtulit.

Quis non amantem redimet?

Quis non redemptus diligit,
Et Corde in isto seligat,
Aeterna tabernacula?

Decus Parenti, et Filio,
Sanctoque sit Spiritui,
Quibus potestas, gloria,
Regnumque in omne est sacculum. Amen.

Ÿ. Vere languores nostros ipse tulit.

Ŧ. Et dolores nostros ipse portavit.

AD BENEDICTUS

Ant. Vulneratus est propter iniquitates nostras; attritus est propter scelera nostra: disciplina pacis nostrae super eum, et livore ejus sanati sumus.

ORATIO.

Concede, quaesumus, omnipotens Deus, ut qui in sanctissimo dilecti Filii tui Corde gloriantes, praecipua in nos charitatis ejus beneficia recolumus: eorum pariter et actu delectemur, et fructu. Per eundem Dominum.

AD PRIMAM.

Ant. Discite a me.

Ŧ. brev. Christe Fili Dei vivi * miserere nobis.

Christe Fili Dei vivi * miserere nobis.

Ÿ. Qui passus es pro nobis. Miserere nobis.

AD TERTIAM

Ant. Sanctificavi locum istum.

Capitulum. Ecce Deus Salvator.

Ŧ. brev. Vere * languores nostros ipse tulit. Vere.

Ÿ. Et dolores nostros ipse portavit.

Languores nostros ipse tulit.

Gloria Patri. Vere.

Ÿ. Posuit fines tuos pacem.

Ŧ. Et adipe frumenti satiat te.

AD SEXTAM.

Ant. Et dixi.

Capitulum

Isaiae 12.

Dicetis in illa die: Confitemini Domino, et invocate nomen ejus; et mementote quoniam excelsum est nomen ejus.

Ŧ. brev. Posuit * fines tuos pacem. Posuit.

Ÿ. Ed adipe frumenti satiat te.

Fines tuos pacem.

Gloria Patri. Posuit.

Ÿ. Dirupísti, Dómine, víncula mea.

℟. Tibi sacrificábo hóstiam láudis.

AD NONAM

Ant. Pone me.

Capitulum

Cantáte Dómino, quóniam mirífice fecit, annuntiáte hoc in univérſa terra. Exúlta et láuda habitátio Sion, quia magnus in médio tui Sanctus Israel.

℟. *brev.* Dirupísti, Dómine, víncula mea. Dirupísti.

Ÿ. Tibi sacrificábo hóstiam láudis.

Víncula mea.

Glória Patri. Dirupísti.

Ÿ. Erit Dóminus nominátus in signum aetérnum.

℟. Quod non auferétur.

IN II. VESPERIS.

Omnia ut in primis praeter sequentia.

Ÿ. Hauriétis aquas in gáudio.

℟. De fóntibus Salvatóris.

AD MAGNIFICAT.

Ant. Ad Jesum áutem cum venissent, ut vidérunt eum mórtuum, non fregérunt ejus crura; sed unus militum lancea latus ejus apérui, et con-

línuo exívit sanguis, et aqua.

Oratio. Concède, quaesumus, omnipotens Deus ut *supra.*

DOMENICA III. *post. Pentecost.*

In Festo PURISSIMI CORDIS BEATAE MARIAE VIRGINIS Duplex majus.

AD VESPERAS.

Ant. Trahe me cum reliq. de Laudib. Psalm. ut in *Officio parvo B. M. V.* Cap. de laud. *Hymnus Ave Maris Stella.*

Ÿ. Exúlta in omni corde, filia Jerúsalem:

℟. Rex Israel Dóminus in médio tui.

AD MAGNIFICAT.

Ant. Exultávit cor meum in Dómino, et exaltátum est cornu meum in Deo meo, quia laetáta sum in salutári tuo.

ORATIO

Omnípotens sempitérne Deus, qui in Corde Beatae Mariae Virginitis dignum Spíritus Sancti habitáculum praeparásti, concède propítius, ut ejúsdem puríssimi Cordis festivitátem devóta mente recoléntes, secúndum cor tuum

vivere valeamus. Per Dóminum.

Et fit com. Dom. 3. post Pent.

AD MATUTINUM

*Invitat. Ave María grátia plena * Dóminus tecum. Psalm. Veníte. Hymn. Quem terra, pontus sídera etc.*

IN I. NOCTURNO

Ant. Benedícta tu inter mulieres, et benedíctus fructus ventris tui.

Psalm. ut in Officio parvo B. M. V.

Ant. Et ait María: Magnificat ánima mea Dóminum, et exultávit spíritus meus in Deo salutári meo.

Ant. Quia respéxit humilitátem ancillae suae: ecce enim ex hoc beátam me dicent omnes generatiónes.

Ÿ. Anima mea liquefacta est.

R. Ut locútus est diléctus.

De Cánticis Canticórum.

Lectio I.

Cap. 4.

Quam pulchra es, amíca mea, quam pulchra es! óculi tui columbárum, absque eo, quod intrínsecus latet. Sicut

vitta coccínea lábia tua; et elóquium tuum dulce. Sicut fragmen mali púnici, ita genae tuae, absque eo, quod intrínsecus latet. Sicut turris David collum tuum, quae aedificáta est cum propugnáculis: mille clypei pendent ex ea, omnis armatúra fórtium. Vulnerásti cor meum, soror mea sponsa, vulnerásti cor meum in uno oculórum tuórum, in uno crine colli tui. Favus distíllans lábia tua, sponsa, mel et lac sub lingua tua. Hortus conclúsus, fons signátus.

*R. Deduc me, Dómine, in via tua, et ingrédiar in veritáte tua: laetétur cor meum * Ut timeat nomen tuum.*

Ÿ. Pone me ut signáculum super cor tuum, ut signáculum super bráchium tuum. Ut timeat.

Lectio II.

Cap. 5.

Veni in hortum meum soror mea sponsa: méssui myrrham meam cum aromatíbus meis: comédi favum cum melle meo. Vox dilécti mei pulsántis: áperi mihi soror mea, amíca mea, columba mea, immaculáta mea, quia caput meum plenum est rore, et cincinni mei guttis nóctium. Surréxi ut aperírem dilérto meo, manus meae

stillavérunt myrrham, et dígiti mei pleni myrrha probatíssima. Apérui dilécto meo, at ille declináverat atque transierat. Anima mea liquefacta est, ut locutus est.

℟. In Dómino gaudébo, et exultábo in Deo Jesu meo: Deus Dóminus fortitúdo mea
* Super excélsa dedúcet me.

Ÿ. Laeva ejus sub cápite meo, et dextera illius amplexábitur me. Super.

Lectio III.

Cap. 5. et 6.

Qualis est diléctus tuus ex dilécto, o pulchérissima mulierum: qualis est diléctus tuus ex dilécto, quia sic adjurásti nos? Diléctus meus cándidus et rubicúndus, eléctus ex míllibus, totus desiderábilis. Talis est diléctus meus, et ipse est amicus meus, filiae Jerúsalem. Quo ábiit diléctus tuus o pulchérissima mulierum? Quo declinávit diléctus tuus? et quaerémus eum tecum. Pulchra es amíca mea, suavis et decóra sicut Jerúsalem, terríbilis ut castrórum ácies ordináta. Una est colúmba mea, perfécta mea, una est matris suae, elécta genitricis suae. Vidérunt eam filiae, et beatíssimam praedicavérunt et Regínae laudavérunt eam.

℟. Inveni grátiam apud óculos tuos, Dómine mi, * Qui

consolátus es me, et locútus es ad cor ancillae tuae.

Ÿ. In toto corde meo exquisívi te, ne repéllas me a mandátis tuis. Qui consolátus. Glória Patri. Qui consolátus.

IN II. NOCTURNO

Ant. Beáta, quae credidísti, quóniam perficiéntur ea, quae dicta sunt tibi a Dómino.

Ant. Fécit mihi magna, qui potens est, et sanctum nomen ejus.

Ant. Fecit poténtiam in bráchio suo, dispérsit supérbos mente cordis sui.

Ÿ. Fortis est ut mors diléctio

℟. Dura sicut inférnus accumulátio.

Sermo sancti Bernardíni
Senénsis.

Ex Serm. 9. de Visitatione.

Lectio IV.

Quis mortálium, nisi divíno fretus oráculo, de vera Dei et hóminis Genitríce quidquam módicum, sive grande praesúmat pollútis lábiis nomináre; quam Pater ante saecula Deus perpétuam praedestinávit in Vírginem digníssimam: Fílius elégit in Matrem: Spíritus Sanctus omni-

nis grátiae domicílium prae-
parávit? Quibus verbis ego
homúnculus sensus altíssimos
Virgínei Cordis, sanctíssimo
ore prolátos éfferam: quibus
non súfficit lingua ómnium
hóminum, et etiam angeló-
rum? Dóminus enim ait: bo-
nus homo de bono thesáuro
cordis sui profert bona. Quis
áutem inter puros hómines
mélior homo potest excogi-
tári, quam illa, quae méruit
éffici Mater Dei, quae in Cor-
de et in útero suo ipsum Deum
hospitáta est? Quis thesáurus
mélior, quam ipse divínus am-
or, quo Cor Virginis ardens
erat?

¶ Ego diligéntes me díli-
go, et qui mane vígilant ad
me, invénient me. Mecum
sunt divítiae et glória: * Opes
superbae et justítia.

¶ Ut ditem diligéntes me et
thesáuros eórum répleam.
Opes.

Lectio V.

De hoc ígitur Corde quasi
fornáce divíni ardóris Virgo
beáta prótulit verba bona,
idest verba ardentíssimae
charitátis. Sicut enim a va-
se óptimo vino pleno, non
potest exíre nisi óptimum
vinum: aut sicut a forná-
ce summi ardóris non e-
gréditur nisi incéndium fer-

vens: sic de Corde Matris
Christi exíre non pótuit ver-
bum, nisi summi, summéque
divíni amoris atque ardóris.
Septem verba tantum mirae
senténtiae et virtútis a Chri-
sti benedictíssima Matre le-
gúntur dicta. Cum Angelo
bis tantum locúta est. Cum
Elísabeth, bis etiam. Cum Fí-
lio étiam bis. Cum minístris
in núptiis semel. Haec septem
verba, secúndum septem amó-
ris actus, sub miro gradu et
órdine proláta, quasi sunt
septem flammae Cordis ejus.

¶ Ego Mater pulchrae di-
lectiónis, et timóris, et agni-
tiónis et sanctae spei. In me
grátia omnis viae et veritá-
tis. * In me omnis spes vitae
et virtútis.

¶ Transíte ad me omnes,
quí concupíscitis me, et a ge-
neratióibus meis implémini.
In me omnis.

Lectio VI.

Quae verba consíderans
mens devóta, cum ipso Pro-
phéta ait: Quam dúlcia fáu-
cibus meis, idest ómnibus af-
fectiúnibus elóquia tua! Porro
dulcédo haec quam in verbis
Beatae Virginis devóta mens
sentit, est ardor piae devotió-
nis quam in eis ánima expe-
rimentáliter probat. Distin-

Lectio VII. Cap. 2.

guamus igitur per ordinem has septem flammam amoris, verborum Virginis benedictae. Prima est flamma amoris separantis. Secunda amoris transformantis. Tertia amoris communicantis. Quarta amoris jubilantis. Quinta amoris soporantis. Sexta amoris compatiensis. Septima amoris consummantis.

ñ. Beatus homo, qui audit me, et qui vigilat ad fores meas quotidie et observat ad postes ostii mei. * Qui me invenerit inveniet vitam, et hauriet salutem a Domino.

ÿ. Qui autem in me peccaverit laedet animam suam: omnes, qui me oderunt diligunt mortem. Qui me. Glória Patri. Qui me.

IN III. NOCTURNO.

Ant. Unde hoc mihi, ut veniat Mater Domini mei ad me?

Ant. Misericordia ejus a progenie in progenies timéntibus eum.

Ant. Suscepit Israel puerum suum, recordatus misericordiae suae.

ÿ. Ego dilecto meo.

ñ. Et ad me conversio ejus.

Lectio Sancti Evangelii
secundum Lucam.

In illo tempore: Dixit Mater Jesu ad illum; Fili quid fecisti nobis sic? Ecce Pater tuus et ego dolentes quaerebamus te. Et reliqua.

De Homilia Venerabilis
Bedae Praesbyteri.

In Hom. Hyem. de temp.
Dom. 1. post Epiph.

Mater ejus, inquit Evangelista, conservabat omnia verba haec in Corde suo. Omnia, quae de Domino vel a Domino dicta, sive acta cognoverat Mater Virgo, diligentius in Corde retinebat, sollicite cuncta memoriae commendabat, ut cum demum tempus praedicandae, sive scribendae Incarnationis ejus adveniret, sufficienter universa, prout essent gesta, posset explicare quaerentibus. Imitemur et nos, fratres mei, piam Domini Matrem, ipsi quoque omnia verba et facta Domini ac Salvatoris nostri fixa in corde conservando.

ñ. Aquae multae non potuerunt extinguere charitatem: * Neque flumina obruent illam.

ÿ. Si dederit homo omnem

substántiam domus suae pro dilectiône, quasi nihil despíciat eam. Neque.

Lectio VIII.

Horum Dómini verbórum et actórum meditatióne diúrna et noctúrna importúnos inánium nocentiúmque cogitatiónum repellámus incúrsum: horum crebra collatióne et nós et próximos nostros a fábulis supervácuís, et male dulcorátis detractiόνum colóquiis castigáre, atque ad divínae frequéntiam laudis accéndere curémus. * Si enim fratres caríssimi, in futúri beatitúdine saeculi habitáre in domo Dómini, ac perpétuo illum laudáre desiderámus, opórtet nímirum et in hoc saeculo, quod in futúro quae-rámus, solícite praemonstrémus: frequentádo vidélicet Ecclesiáe límina, et non solum in ea laudes Dómini canéndo, sed et in omni loco dominationis ejus ea, quae ad laudem gloriámque conditóris nostri proficiant, verbis páriter ac factis ostendéndo.

ñ. Spíritus meus super mel dulcis et haeréditas mea super mel et favum. Qui áudit me non confundétur. * Et qui operántur in me non peccábunt.

ÿ. Qui elúcidant me vitam aetérnam habébunt. Et qui. Glória Patri. Et qui.

IX. lect. de Hom. Dom. 3. post Pent. deinde Te Deum laudámus. Sed si extra Dominicam agi de hoc Festo contingat, tunc Lectio IX. incipiet ab asterisco posito supra Lectio-ne VIII.

AD LAUDES

ET PER HORAS

Ant. Trahe me post te, currémus in odórem unguentórum tuorum. *psal.* Dóminus regnávit. *cum reliquis de Dominica.*

Ant. Diléctus meus lóquitur mihi: Surge, própera, amíca mea.

Ant. Fulcíte me flóribus, stipáte me malis: quia amore lángueo.

Ant. Adjúro vos, filiae Jerúsalem, ne suscitétis diléctam quoadúsque ipsa velit.

Ant. Ego dórmio, et cor meum vígilat.

Capitulum

Pone me ut signáculum super Cor tuum, ut signáculum super bráchium tuum, quia fortis est ut mors diléctio, du-

ra sicut inférnus aemulatio. Lámpades ejus, lámpades ignis, atque flammárum.

Hymnus. O gloriósa Vírginum etc.

ŷ. Qui me invénerit invéniet vitam.

℟. Et háuriet salútem a Dómino.

AD BENEDICTUS.

Ant. Extóllens vocem quaedam múlter de turba dixit illi: beátus venter, qui te portávit et úbera, quae súxisti.

ORATIO

Omnípotens sempitérne Deus, qui in Corde Beátae Maríae Vírginis dignum Spíritus Sancti habitáculum praeparásti, concéde propítius, ut ejúdem puríssimi Cordis festivitátem devóta mente recoléntes, secúndum Cor tuum vívere valeámus. Per Dóminum.

Et fit com. Dom.

AD PRIMAM

ŷ. Qui natus es de Maríá Vírgine.

AD TERTIAM

Ant. Diléctus meus.

Capit. Pone me ut supra in *Laudibus.*

℟. *br.* Anima mea * Liquefacta est. Anima.

ŷ. Ut locútus est diléctus. Liquefacta est. Glória Patri. Anima mea.

ŷ. Fortis est ut mors diléctio.

℟. Dura sicut inférnus aemulatio.

AD SEXTAM

Ant. Fulcíte me.

Capit.

Eccl. 24.
Ego ex ore Altíssimi prodívi, primogénita ante omnem creatúram, ego feci in coelis, ut orirétur lumen indeficiens, et sicut nébula texi omnem terram.

℟. *br.* Fortis est * Ut mors diléctio. Fortis est.

ŷ. Dura sicut inférnus aemulatio. Ut mors. Glória Patri. Fortis est.

ŷ. Ego dilécto meo.

℟. Et ad me convérsio ejus.

AD NONAM

Eccl. 24.
In omni terra steti, et in omni pópulo, et in ómnibus réquiem quaesívi, et in haereditáte Dómini morábor.

℟. Ego * Dilécto meo. Ego.

Ÿ. Et ad me convérsio ejus.
Dilécto meo. Glória Patri.
Ego.

Ÿ. Qui me invénerit invé-
niet vitam.

℟. Et háuriet salútem a
Dómino.

IN II. VESPERIS.

Omnia ut in primis.

Ÿ. Viam mandatórum tuó-
rum cucúrri.

℟. Cum dilatásti Cor meum.

AD MAGNIFICAT

Ant. Exultávit Cor meum
in Deo salutári meo: quia fe-
cit mihi magna, qui potens
est.

Et fit com. Dom.

DIE I. JUNII

Octava S. ZENOBII Ep. Conf.
Duplex. Omn. ut in festo exce-
ptis iis quae sequunt.

IN I. NOCTURNO.

Lect. de Script. occur.

IN II. NOCTURNO.

Lectio IV.

Sermo Sancti Gregórii
Papae.

Pastor. par. ij. c. 1.

Tantum debet actiõnem pó-
puli áctio transcendere Prae-
sulis, quantum distáre solet a
grege vita pastóris. Opórtet
namque, ut metíri se solícite
stúdeat, quanta tenéndae re-
ctitúdinis necessitáte constrín-
gitur, sub cujus aestimatióne
pópulus grex vocátur. Sit er-
go, necesse est, cogitatióne
mundus, actiõne praecípuus,
discrétus in siléntio, útilis in
verbo, síngulis compassiõe
próximus, prae cunctis con-
templatiõe suspénsus, bene
agéntibus per humilitátem
sócius, contra delinquéntium
vítia per zelum justítiae eré-
ctus, internórum curam in ex-
teriórum occupatiõe non mí-
nuens, exteriórum providén-
tiam in internórum sollicitú-
dine non relínquens.

℟. Vigilávit die.

Lectio V.

Considerándum quoque est,
quia cum curam pópuli elé-
ctus Praesul súscipit, quasi ad
aegrum médicus accédit. Si
ergo adhuc in ejus córpore
passiões vivunt, qua prae-
sumptiõe percússum medéri
próperat, qui in fácie vulnus
portat? Ille igitur modis óm-

nibus debet ad exéplum bene vivéndi pértrahi, qui cunctis carnis passióibus móriens, jam spirituáliter vivit, qui próspera mundi postpónit, qui nulla advérsa pertiméscit, qui sola intérna désiderat. Cujus intentióni bene congruens, nec omníno per imbecillitátem corpus, nec valde per contumáciam repúgnat spíritus. Qui ad aliéna cupiéndá non dúcitur, sed própria largitur.

ñ. Bonum depósitum.

Lectio VI.

Unde ipsum quoque Episcopátus officium boni óperis expressióne definítur, cum dicitur: Si quis Episcopátum désiderat, bonum opus désiderat. Ipse ergo sibi testis est, quia Episcopátum non appetit, qui non per hunc boni óperis ministérium, sed honóris glóriam, quaerit. Sacrum quippe officium non solum non díligit omníno, sed nescit, qui ad culmen regíminis anhélaus in occúlta meditátione cogitatíonis, caeterórum subjeccióné páscitur, láude própria laetátur, ad honórem cor élevat, rerum affluéntium abundántia exúltat. Mundi ergo lucrum quaeritur sub ejus honóris spécie, quo mundi déstrui lucra debúerant.

ñ. Quod infirmum fuit.

IN III. NOCTURNO

Léctio sancti Evangélíi
secúndum Joánnem.

Lectio VII.

Cap. 10.

In illo témpore: Dixit Jesus Pharisaeis: Ego sum Pastor bonus. Bonus pastor ánimam suam dat pro óvibus suis. Et réliqua.

Homília sancti Gregórii
Papae.

Homil. 10. in Joann.

Quia ergo audístis, fratres charíssimi, perículum nostrum, pensáte in verbis Dómini étiam perículum vestrum. Vidéte si oves ejus estis, vidéte si eum cognóscitis, vidéte si lumen veritátis scitis. Scitis áutem dico, non per fidem, sed per amórem. Scitis dico, non ex credulitáte, sed ex operatióne. Nam idem ipse, qui hoc lóquitur Joánnes Evangelísta testátur, dicens: Qui dicit se nosse Deum, et mandáta ejus non custódit, mendax est. Unde et in hoc loco Dóminus prótinus subdit: Sicut novit me Pater, et ego agnósko Patrem, et ánimam meam pono pro óvibus meis. Ac si apérte di-

cat: In hoc constat quia et ego agnósko Patrem, et cognósko a Patre, quia ánimam meam pono pro óvibus meis: idest, ea charitáte qua pro óvibus mórior, quantum Patrem diligam osténdo.

n. Sápiens apérui.

Lectio VIII.

De quibus profecto óvibus rursum dicit: Oves meae vocem meam áudiunt, et ego cognósko eas, et sequúntur me, et ego vitam aetérnam do eis. De quibus et páulo supérius dicit: Per me si quis introíerit, salvábitur, et ingrediétur. et egrediétur, et páscua invéniet. Ingridiétur quippe ad fidem, egrediétur vero a fide ad spéciem, a credulitáte ad contemplatióem: páscua áutem invéniet in aetérna refectiÓne. Oves ergo ejus páscua invéniant: quia quisquis illum corde simplici séquitur, aetérnae viriditátis pábulo nutritur. Quae áutem sunt istárum óvium páscua, nisi intérna gáudia semper viréntis Paradísi? Páscua namque electórum sunt vultus prae-sens Dei, qui dum sine deféctu conspícitur, sine fine mens vitae cibo satiátur. In istis páscuis de aeternitátis

satiétate laetáti sunt, qui jam láqueos voluptuósae temporalitátis evasérunt.

n. Chàritas Dei diffúsa.

Lectio IX.

Quaerámus ergo, fratres charíssimi, haec páscua, in quibus cum tantórum civium solemnitáte gaudeámus. Ipsa nos laetántium festívitats invitet. Certe sícubi pópulus núndinas celebráret, si ad alí-cujus Ecclésiae dedicatióem denuntiáta solemnitáte concurreret, festinarémus omnes simul inveníri, et interésse unusquisque satágeret; gravi se damno afflíctum créderet, si solemnitátem commúnis laetítiae non vidéret. Ecce in coeléstibus electórum civium laetítia ágitur, vicíssim de se omnes in suo convéntu gratulántur: et tamen nos ab amóre aeternitátis tépidi, nullo desidério ardémus, intéresse tantae solemnitáti non quaerimus: privámur gáudiis, et laeti sumus. Accendámus ergo ánimus, fratres, recaléscat fides in id quod crédidit, inardéscant ad supérna nostra desidéria: et sic amáre jam íre est. Ab intérnae solemnitátis gáudiis nulla nos advérsitas révocet; quia etsi quis ad locum propósitum íre desidérat, ejus desidé-

rium quaelibet vitae aspéritas non immutat. Nulla nos prosperitas blándiens seducat: quia stultus viátor est, qui in itinere amoena prata conspiciens, obliviscitur ire quo tendébat. Toto ergo desiderio ad supérnam pátriam ánimus anhélet, nihil in hoc mundo áppetat, quod constat quia cítiús relínquat: ut si coeléstis Pastóris veráciter oves sumus, quia in viae delectatióne non figimur, aetérnis páscuis in perventióne satiémur.

Te Deum laudámus.

DIE II. JUNII.

In Festo B. M. BARTHOLOMAEAE DE BAGNESIS Virg. Flor. Tertii Ordinis S. Dominici. Duplex. majus.

Omnia de Commun. Virg. praeter sequentia.

ORATIO.

Amátor animárum Deus, qui in beáta María Bartholomaea Vírgine tua miram aegritúdinum tolerántiam parí cum innocéntia sociásti; concéde, ut qui ex mérito nostrae actiónis affligimur, tuae grátiae consolatióne respirémus. Per Dóminum.

IN I. NOCTURNO.

Lection. De Virgínibus. de Comm.

IN II. NOCTURNO.

Lectio IV.

María Bartholomaea nóbili Bagnesiórum stirpe Floréntiae nata, Vírginum Sponsi amóre praevénta, sacro ejus thálamo inter ipsa vocis primórdia se pródidit deputátam. De ineúndis enim cum Jesu núptiis tanto devóti ánimí sensu loquebátur, ut si quis puéllulae eam spem desperátam crédere simuláret, ubérrimis ipsa lácrymis ánxie diffúeret. Postquam matri moriénti hortátrix efficacíssima ádstitit, domus curam praecóci prudéntia ímpigregessit, piis aequé officiis, precibúsque inténta, et de religiósó interim statu cógitans. A Patre mónita, ut terréno connúbio consentíret, totis repénite ártubus contrémuit válidá háctenus, et praeclárae formae adolescéntula, ac factó morbórum véluti ágmine, febri, nervórum distentióne, propriisq; singulárum pártium dolóribus una saepe, aut per vices occurréntibus, ita ad annos ferme quadragínta quinque excruciáta fuit, ut

zelotes Virginis Sponsus intentandam deinde ejus fidem perenni visus sit martyrio consecrasse. In lectulo igitur doloris per dies, noctesque quaesivit illa dilectum: is vero qui liliis delectatur, et myrrha, sponsae non defuit; quam invicta patientia laborantem larvis quoque daemonum terribitam, et hominum dictariis oneratam suis refecit ineffabilibus gaudiis, cui et mentem a supernorum contemplatione inter mortales angustias indivulsam raro munere tribuit.

n. Propter.

Lectio V.

Diu expellito Sororum de Poenitentia sancti Domínici hábitu trigésimo tertio aetatis anno donata, eundemque ordinem post tyrocinium professsa, brevibus recreata est induciis martyrii sui, ut casti amoris victima religionis amictu palam redimíta prodiret ad aedes sacras sui máxime ordinis. Statim autem morbis gravata prioribus, et donibus potioribus aucta: e lecto solabatur afflicto, infirma sanabat aegros, subsidio erat egenis, dissidentes paci, virtuti errantes Deoque reddebat. Arcana cernens, futura praedicens; voce, ac scripto charitatis igniculos cordibus

inserébat. Sui láudes horrébat, obséquia vitábat, celábat éctases, seque amarissimi cálicis faecibus vere dignam commiserantibus praedicábat. Immúndae labis ignára prorsus, et lethális culpaé ádeo expers, ut vel ipso peccáti nómine stratum, et cubículum decumbéntis frémitu quaterétur, adhibitis tamen poenárum instrumentis; ac vix cessante jejúnio; afflictiónem afflicto corpore júgiter addébat. Sacram étiam expiatiónis hostiam coram se domi offerri sátagens, quod ei ex privilegio licébat, Eucharistíam plerúmque, confessióne praemissa, aestuánti desidério sumébat.

n. Dilexisti justítiam.

Lectio VI.

Pulchrae dilectionis matrem Mariám praecipuo semper affectu prósequens, et Sanctorum cultui, atque imitationi incumbens, Senénsis cum primis Catharinae patientiam obediéntiam, virtutes caeteras pie aemulata, jam ócties infirmorum sancto óleo inuncta, Domínica passióne perlécta, consummato aegritudinum martyrio, repósitam sibi in coelis justítiae coronam accépit quinto Kaléndas Júnii anno millésimo quinquagésimo septuagésimo séptimo.

Corpus Virginis, sicut Frater Timótheus Sanctae Catharinae de Riccis germánus Coenóbii Sanctae Mariae Novellae Praeses rogánti ante concésserat, ad Sanctae Mariae Angelórum Sanctimoniáles Carmelítas Mariae Bartholomaeae caríssimas, frequénti pópulo plaudénte, Fratrum Praedicatorum gestiéntibus húmeris delátum est; in quarum Coenóbio non intermíssa veneratióne cólitur, et íntegrum adhuc a Viris Principíbus, Ecclesiaeque praesúlíbus ósculo, múnere, et devòto obséquio donátum, praesens aegris remédium habétur, testimonió praesértim Sanctae Mariae Magdalénae de Pazzis, quae visitándi sacri corpóris voto facto, ab imminénti tabe repénte sanáta, Mariae Bartholomaeae ánimam Christi throno recéptam vidit, et Seráphicae Catharinae parem, summéque poténtem, ac beatíssimam praedicáverit, et in militánte Ecclésia sublimius tandem exaltándam. Quod Pius Séptimus Póntifex Máximus pie, ac benígne praestans, de beáta María Bartholomaea recitándi Officii, et Missae anniversárió ejus dormitiónis die celebrándae Praedicatorum Ordini, et Florentíno utríque Clero fecit potestátem.

R. Afferéntur Regi.

IN III. NOCTURNO.

Hom. in Ev. de Com. Virg.
1. loc.

DIE III. JUNII.

ASS. EX 16. MAJI.

In Festo S. UBALDI Episc.
Conf. sem.

Omn. ut in brev. die 16.
Maji.

DIE IV. JUNII.

In Festo S. FRANCISCI CARRACCILO Conf. et Congregationis Cleric. Regular. Minor. Fundatoris. Duplex.

Omnia de Comm. Conf. non Pontif. praeter ea quae sequuntur.

ORATIO.

Deus, qui beátum Franciscum novi Ordinis Institutórem, orándi stúdio, et poeniténtiae amóre decorásti: da fámulis tuis in ejus imitatióne ita proficere, ut semper orántes, et corpus in servitútem redigéntes ad coelestem glóriam pervenire mereántur. Per Dóminum.

IN I. NOCTURNO.

Lectiones de Script. occur.

IN II. NOCTURNO.

Lectio IV.

Franciscus dictus ántea A-scánius, ex nóbili familia Caráccioło in óppido sanctae Maríae de Villa in Aprútio ortus, a primis annis exímio enítuit pietátis cultu. Adolés-cens grávitè aegrótans stá-tuit sese prorsus Dei, proxi-míque mancipáre servítio. Neápolim proféctus, Sacerdó-tio initiátus, sacróque adscri-ptus sodalitío, contemplatióni lucrandisque animábus se to-tum devóvit, ac extrémò sup-plicio damnátis hortatórem se prae-buit assíduum. Cón-tigit áutem, ut epistólium ál-teri destinátum ei per erró-rem redderétur quo a piís-simis viris Joáñne Augustíno Adórno, et Fabrício Cará-cioło ad novi Religióni Insti-túti fundatiónem vocabátur: rei novitáte captus, et divi-nae voluntátis demirátus con-sília, álacri ánimo sese il-lis adjúnxit. Cónditis áutem in Camaldulénsium erémo, quo secésserant, novi Ordinis légibus, inde Romam si-mul profécti, confirmatiónem a Sixto Quinto impetrá-runt,

qui eódem Cléricos Regulá-res Minóres appellári vóluit, áddito ad tria consuéta áltero de non ambiéndis dignitáti-bus voto.

n). Honéstum.

Lectio V.

Solémni emissa professióne, ob singulárem ejus in divum Franciscum Assisinátem cul-tum, Francisci nomen assúm-psit. Adórno, biénno post, vita functo ipse toti religióni quamquam invítus, praeficitur quo in múnere virtútum ómnium praeclára prae-buit exéempla. Institúti amplificándi studio-síssimus, id assíduis oratióni-bus, lácrymis, et jugi córpo-ris maceratióne enixe a Deo postulábat. Quamóbrem tér-tio in Hispániam se cón-tulit peregríni hábitu indútus, vi-ctúmque ostiátim mendicans. In itínere aspérrima quaeque perpéssus, Omnipoténtis au-xílium mirum in modum ex-pértus, navim, quam conscénderat ab imminénti nau-frágio oratiónis praesídio servávit incólumem. Ut in Regnis illis voti compos fie-ret plúrimum laborávit, sed ejus sanctitátis fama praelu-cénte, amplissimáque Catho-licorum Regum Philíppi Se-cúndi, et Philíppi Tértii mu-nificéntia, adversariórum co-

nátibus singulári ánimi fortitú-
dine superátis, plura sui
Ordinis domicilia fundávit;
quod pari événtu per Itáliam
praestitit.

в), Амávit eum.

Lectio VI.

Humilitate adeo excelluit, ut Romam veniens in pauperum hospitio receptus se leproso sociaverit, et Ecclesiasticas dignitates a Paulo Quinto sibi oblatas constantissime recusaverit. Illibatam perpetuo servavit virginitatem, effrontesque mulieres ejus castimoniae insidiantes Christo lucrificet. Erga divinissimum Eucharistiae mysterium ardenti aestuans amore, noctes pene integras in ejus adoratione insomnes ducebat, quod pium exercitium veluti sui Ordinis tesseram in eo perpetuo servandum constituit. Deiparae Virginis cultum impense fovit. In proximum eximia exarsit charitate. Prophetiae dono, et cordium scrutatione ditatus fuit. Quadragésimum quartum aetatis suae annum agens, dum in sacra Laetana Aede in oratione persisteret, sibi vitae finem imminere cognovit. Aprutium statim deflexit, et Agnóni apud alumnos sancti Philippi Nérii lethali febre correptus, Sacramentis Ec-

méritis, et intercessióne concedé, ut in tua charitaté firmáti, nullis a te tentatióibus separémur. Per Dóminum.

Deinde fit comm. SS. Basilidis, et Sociorum Martyrum ut in Breviar.

IN I. NOCTURNO.

Lect. de Script. occur.

IN II. NOCTURNO.

Lectio IV.

Joánnem Sahagúni in Hispánia nóbili génere natum, parentes cum diu prole caruissent, piis opéribus, et oratióibus a Deo impetráunt. Ab ineunte aetáte egrégium futúrae sanctitátis spécimen dedit; nam e loco superiori ad caeteros púeros crebro verba faciébat, quibus eos ad virtútem, et Dei cultum hortabátur, eorúmque dissidia componébat. In pátria Mónachis sancti Facúndi Ordinis sancti Benedicti primis litterárum rudiméntis inbuendus traditur. Dum iis óperam daret, curávit pater, ut Párochus Ecclesiáam administráret; quod munus júvenis nullis ratióibus addúci pótnit, ut retinéret. Inter familiáres Episcopi Burgénsis adscríptus, ob spectátam ipsíus probitátem íntimus ei fuit, ab eóque Pré-

sbyter, et Canónicus factus, multis beneficiis áuctus est. Sed relictá áula Episcopi, ut Deo quiétius servíret, ómnibus Ecclesiáe provéntibus abdicátis, se cuídám Sacélló addíxit, ubi sacrum quotidie faciébat, ac de rebus divinis magna cum auditórum aedificatióne frequéter concionabátur.

¶. Honéstum fecit.

Lectio V.

Póstea studiórum cáusa Salmánticam proféctus, in célebre Collégium divi Bartholomaei cooptátus, Sacerdótis munus ita exércuit, ut simul optátis stúdiis incumberet, et in sacris étiam conciónibus assidue versarétur. Cum vero in gravíssimum morbum incidisset, arctióri disciplínae voto se obstrínxit; quod ut rédderet, cum prius cuídám páuperi pene nudo ex duábus, quas tantum habébat vestes, meliorem dedisset, ad Coenóbium sancti Augustíni, severióri disciplína tum máxime florens, se cóntulit: in quo admissus, obediéntia, ánimo demissióne, vigíliis, ac oratióne, provectióres anteíbat. Triclínií cura cum ipsi demandáta esset, vini dólíolum, ipso attingénte, ómnibus Mónachis per annum abúnde suf-

fécit. Exácto tyrocínii anno, Praefécti jussu, munus concionándi suscepit. Salmánticae id témporis ádeo cruéntis factiónibus divína, humánaque ómnia permíxta erant, ut singulis propémódum horris caedes fierent, et ómnium órdinum, ac praesértim nobílium sánguine non viae solum et fora, sed templa étiám redundárent.

¶ Amávit eum.

Lectio VI.

At Joánnes tum conciónibus, tum privátis collóquiis civium ánimos demúlcens, ad tranquillitátem urbem redúxit. Virum Príncipem grávisiter offéndit, quod illíus in súbditos saevítiam inerepásset: qua de cáusa équites duos immísit, qui eum in itinere confóderent: jamque ad ipsum propinquáverant, cum stupóre divínitus immísso, simul cum equis inmóviles steterunt, donec ad pedes sancti viri provolúti, scéleris véniam precaréntur. Ipse quoque Princeps repentinó terrore percússus, jam de salúte desperáverat, cum revocáto Joáanne, facti poenitens, incolumitáti rédditus est. Factiósi étiám hómines, dum eum fústibus péterent, bráchiis diriguere, nec ante rédditae vires, quam delicti véniam pre-

caréntur. Christum Dóminum, dum Sacrum fáceret, praeséntem contuéri, atque ex ipso divinitátis fonte coeléstia mystéria hauríre sólitus. Abdita cordis inspicere, ac futúra raro événtu praesagíre frequens illi fuit; fratrísque filiam septénnem mórtuam excitávit. Dénique mortis die praenunciáto, et Ecclesiáe Sacraméntis devotíssime susceptis, extrémum diem cláusit, multis ante et post óbitum miráculis gloriósus. Quibus rite probátis, Alexánder Octávus Sanctórum número eum adscripsit.

¶ Iste homo.

IN III. NOCTURNO.

*Hom. in Evang. Sint lum-
bi ut in Comm. Conf. non
Pont.*

*Sedix. Lectio SS. Martyrum
Basilidis, et sociorum, ut in
Breviario.*

*In Laudibus fit commemo-
ratio eorundem Sanctorum
Martyrum Basilidis etc.*

*In 2. Vesperis a Capitulo
fit de S. Antonio de Padua.
cum comm. S. Joannis a S.
Facundo.*

DIE XVII. JUNII

*In Festo S. RAYNERII Conf.
Duplex.*

*Omnia de Commun. Conf.
non Pont. praefer ea, quae
sequuntur. In utrisque Vesp.*

AD MAGNIFICAT.

Ant. Convertisti planctum
meum in gaudium mihi: con-
scidisti saccum meum, et cir-
cumdediti me laetitia. Alle-
lúja.

ORATIO.

Deus, qui nos beáti Rayné-
rii Confessóris tui ánnua so-
lemnitate laetificas: concéde
propítius, ut ejus in coelis
mereámur habére consór-
tium, cujus in terris patroci-
nio adjuvámur. Per Dómi-
num.

IN I. NOCTURNO.

De Libro Ecclesiástici.

Lectio I.

Fili eleemósynam páuperis
ne defraúdes, et óculos tuos
ne transvértas a páupere. A-
nimam esuriéntem ne despé-
xeris, et non exásperes páu-
perem in inópia sua. Cor í-
nopis ne afflíxeris, et non
prótrahas datum angustiánti.
Rogatióem contribuláti non
abjicias; et non avértas fá-
ciem tuam ab egéno.

℟. Euge.

Lectio II.

Ab inope ne avértas óculos
tuos propter iram; et non
relínquas quaeréntibus tibi
retro maledícere. Maledicén-
tis enim tibi in amaritúdine
ánimae, exaudiétur deprecá-
tio illius: exáudiet áutem
eum, qui fecit illum. Congre-
gatióni páuperum affábilem
te fácito, et presbytero hu-
mília ánimam tuam, et ma-
gnáto humília caput tuum.

℟. Justus.

Lectio III.

Declína páuperi sine tristí-
tia áurem tuam, et redde dé-
bitum tuum, et respónde illi
pacífica in mansuetúdine. Lí-
bera eum, qui injúriam pá-
titur de manu supérbi: et non
ácide feras in ánima tua. In
judicándo esto pupillis misé-
ricors ut pater, et pro viro
matri illórum. Et eris tu ve-
lut filius Altíssimi obédiens,
et miserébitur tui magis quam
mater.

℟. Iste cognóvit.

IN II. NOCTURNO.

Lectio IV.

Raynérius, Patre Gandúlpho

e clarissima Scaccéria gente Pisis natus, a prima aetate educatus in deliciis, saeculi illécebris aliquándiu indúlsit. Sed cum in pium virum nómine Albértum incidisset, Dei aspirante grátia, ad meliorem frugem convérsus est. Relictis itaque saeculi voluptatibus, delicta juventutis suae Sacramentáli Confessione prímítus expiávit: tum mutátus in novum hóminem, lácrymis, jejúniis, et áliis poeniténtiae opéribus magno fervóre incúbuit. Paréntibus áutem sciscitántibus quae tanti moeróris, et fletus cáusa esset: peccáta respóndit; nec se umquam a lácrymis temperáturum dixit, donec illa sibi a Deo dimíssa sciret. Cum ergo assídue lugéret, nec cibum cáperet, ex contínuo fletu lumen oculórum amisit, quod póstea fuis ad Deum préci-bus recuperávit.

n). Honéstum fecit.

Lectio V.

Sic vere ad Deum convérsus, Ecclésias frequentáre coepit, egéntibus subveníre, peccatóres ad poeniténtiam excitáre, diu noctúque in oratione persístere, sanctisque móribus, atque angélica conversatióne ómnibus praelucére. Hinc Hierosólymam se

contulit, ubi in páuperes distribúta pecúnia, quam pro viático secum túlerat, summa vixit inópia. Sacris áutem locis, in quibus Christi memória cólitur, devóte visitátis in pátriam rédiit: et quia paréntibus jam vita functis ampla sibi haeréditas deláta fúerat, ea se prótinus abdicávit. Mox ingens eum ardor invásit in sanctam Civitátem íterum proficiscéndi: quo cum pervenisset, exútis saeculáribus vestiméntis, eisque, in páuperes erogátis, poeniténtium hábitu a Sacerdóte indútus est, et cum libro Psalmórum ábiit in solitúdinem, ubi solo pane, et aqua bis dumtáxat in hebdómada corpus suum reficiébat.

n). Amávit eum.

Lectio VI.

Divínitus tandem admónitus, e Syria in pátriam revérsus est, máxima civium, et Cleri laetítia ob famam sanctitátis suae longe, latéque diffúsam excéptus. Vitae áutem asperióris, et solitúdinis amóre captus, in sancti Viti Coenóbium se recépít, ac in eo resíduum vitae perégít. Ibi plúrimos exémplo suo, et mira, qua pollébat, sermónis efflicácia in viam salutis reduxit, et civibus ad eum con-

tínuo properántibus ómnia factus, multa, éaque praeclára, ex aqua praesértim ab ipso benedícta, unde Raynerius ab aquis dicebátur, patravit mirácula; multa prophético spíritu praedíxit, quae súbsequens événtus confirmávit. Assídus dénique jejúniis, et aspérriima cörperis maceratióne pene exánimis, praenunciáta mortis die, septénio postquam e Hierosólymis redíerat, evolávit in coelum décimo quinto Kaléndas Júlii anno Dómini millésimo centésimo sexagésimo primo. Corpus ejus Pisis in majóri Ecclésia honorífice cónditum fuit, ac ibídem religiósè aservátur summa urbis veneratióne, quae clementíssimum ejus patrocínium in omni necessitaté experítur.

¶. Iste homo.

IN III. NOCTURNO.

Léctio sancti Evangélíi
secúndum Maíthaeum.

Lectio VII. Cap. 19.

In illo témpore: Ecce unus accédens, ait Jesu: Magister bone, quid boni fáciam, ut hábeam vitam aetérnam? Et reliqua.

Homília sancti Joánnis
Chrysóstomi.

In Cap. 19. Evang. Matth.

Quóniam magnum quidem injunctúrus erat, magnitúdinem prius praemii Christus pósuit, dicens: si vis perféctus esse, vade, et vende ómnia, quae habes, et da paupéribus, et habébis thesáurum in coelis. Pérspicis quot bravía quot corónas huic stádio propónat? Et rursum iterum praenia incúlcat: et séquere me. Non enim parva retribútió est diligénte Dóminum sequi. Et habébis, inquit, thesáurum in coelis; nam quandoquidem cunctis denudári rebus consulébat, ut osténdat, non amissúrum bona sua, sed tanto plura, majóraque inventúrum, quantum terra coelum praestabilius est, retributiónis praestántiam thesáurum appellávit, et simul stabilitátem, atque incorruptibilitátem praemii, ut fieri póterat humano verbo, signánte expressit. Non ergo, satis est pecúniám spérnere, verúmtamen opórtet paupéribus opem ferre, et ante ómnia ipsum Christum sequi diligénte.

¶. Iste est qui.

Lectio VIII.

Omnia bónitas, cui cum pro conditióne réddere de-

beamus obséquia, útpote servi Dómino, fámuli Deo, subjécti Poténti, mancípia Redemptóri, amicitiarum tamen nobis praemia repromittat, ut a nobis obséquia debita servitutis extorqueat, ut quos sibi servire conspiciit sponte, ad beneficiórum possit promissiones invitare, et quorum voluntates a se conspiciit alienas, mentes eórum praemiorum liberalitatibus constituat suas! Nam unde frequenter aut invitat praemio, aut terret supplicio, nisi ut benignitatis consilio a se formato homini consulat? Redempto providet, ut qui non terreretur supplicio, invitetur praemio, et quem metus a peccato revocare non potest, promissionum benignitas possit. Cupit enim etiam nocentibus subvenire, desiderat misereri peccantibus. Si quis peccaverit, dignos fructus exhibeat poenitentiae. Invitus in reos vindicat, etiamsi Dei indulgentiam miserantis contemnant. Amat corrigi peccatores, qui in vitam, non in mortem, a principio constituit homines. Ipse enim sibi infert interitum qui medentis Dómini contempsit consilium.

n. Sit lumbi vestri.

Lectio IX.

Ecce reliquit patrem, et e-

legit sibi patrem Deum. Nonne plus centuplum ei constabit, quam pater carnalis, ut illi obsequatur diebus, ac noctibus, illius faciat voluntatem, illius haereditatem expectet? Qui matrem reliquit, ut diligat matrem Ecclesiam, non plus est ei centuplum quam mater carnalis? Illa enim carnem ejus peperit corporalem, haec autem animam ejus regeneravit aeternam. Qui reliquit sorores, statim eum recipiunt gratiae Dei. Non ulla soror sic dulciter complectitur fratrem suum, quomodo gratiae Dei complectuntur animam sanctam. Si dimittit substantiam ab omnibus diligitur, ab omnibus honoratur, a quibusdam autem et timetur. Nam ipse Deus, cui se tradit, dat ei gratiam coram hominibus. Nonne melius est ei hoc quam universa terra? Aut quae substantia tantam gloriam praestat homini super terram, quantum opinio sanctitatis? Haec igitur cogitantes aemulémur ea, quae nostra digna sunt aemulatione. Non magnificas aedes, non uberrima praedia, non caetera hujusmodi, sed eos viros, qui magnam apud Deum fiduciam consequuti sunt, qui divitias in coelo ingentes possident, quorum thesauri ibi reservantur, qui paupertatem lon-

go divitiis intervállo praepo-
nentes, vere divites sunt.

Te Deum laudamus.

AD BENEDICTUS

Ant. Sancte Rayneri, respice in nos de coelo, et deprecare pro nobis Deum, ut de manu inimicorum nostrorum liberati, in sanctitate, et iustitia serviámus illi omnibus diebus nostris.

DIE XVIII. JUNII.

ASS. EX PRAECED.

In Festo B. PETRI DE PISIS Conf. Duplex.

ORATIO.

Deus, qui in Ecclesia tua nova semper instauras exempla virtutum: da nobis beati Petri Confessoris tui ita inherere vestigiis, ut assequamur et praemia. Per Dominum.

Com. praec. et SS. Marci etc. ut in Brev.

IN I. NOCTURNO.

Lectiones de Scriptura occurrente.

IN II. NOCTURNO.

Lectio IV.

Petrus Gambacúrta, Pisis in Etrúria nobili genere natus, in ipso juventutis flore patriam, parentes, atque divitias propter Christum relinquens in erémum secéssit, ac in Cessánae Monte Agri Urbinátis aliquándiu inténtam divinis rebus vitam duxit; ubi ex pia Christi fidelium stipe anno Dómini milésimo trecentésimo octogésimo coenóbio cum parva Ecclesia in honórem Sanctíssimae Trinitátis extrúcto, una cum duódecim sóciis, ad mundi contéptum et eremíticae vitae cultum incénsis, prima suae congregatiónis jecit fundaménta; quam a sancto Hierónymo (in quem praecipua veneratióne affectus vixit) nuncupávit, ejusque virtutes imitare conténdit. In idem propósitum pios sodáles potíssimum est adhortátus, profecítque in dies morum sanctimónia.

¶. Honéstum fecit illum.

Lectio V.

Charitáte in Deum flagrabat quam máxime, ita vero proximorum salúti stúduit,

ut ob illórum multitudinem, qui ad meliorem frugem ipsius ópera se recéperant, brevi multa monastéria sint constrúcta. Dei Genitricem singuláriter cóluit, ejúsque patrocínium non uno obséquii génere méruit. In divínorum meditatióne assidue incumbens, média étiam nocte ad Deum laudándum surgébat. Corpus fere quotidie jejúniis et flagéllis macerábat, super páleas vel humi cubans dúriter, ac vix necessariúm carpébat somnum. Ad nudam carnem vestem ásperam instar cilícii adhíbuit. Paupertátis amans et cultor, nec quidquam hábuit proprium; et institúti sui ásseclas páuperes propter Christum appellári vóluit. Suas et fratrum calamitátes patiénter tolerábat, benignitáte et ánimi demissióne emicuit singulórum vero indigéntiae famulári, tum áutem vilíssima quaeque obíre múnia in delíciis hábuit.

ñ. Amávit eum Dóminus.

Lectio VI.

Donis a Deo ob sanctitátem áuctus, quamplúrimos morbis grávibus afflicátos sanitáti restituit. Daemones ab humanis corpóribus misérime opprésis et cruciátis di-

scédere cómpulit: multis in extrémó discrimine opitulátus est. Futúra quoque prae-díxit. Románi Pontificibus virtútum mérito carus, et in prætio hábitus, et ab ipsis multis cuniulátus est beneficiis, quae in institútam a se religiósam familiam redundárent. Dénique octogésimum annum agens, Venétiis quo coetus sui cáusa concésserat, praenunciáto mortis die, ac Sacraméntis Ecclesiæ suscéptis, décimo quinto Kaléndas Júlii anno Dómini millésimo quadringentésimo trigésimo quinto migrávit in coelum, miráculis multis post óbitum clarus.

ñ. Iste homo.

IN III. NOCTURNO

Homil. in Evang. Sint lumbi vestri, ut in Communi Confessor. non Pontific. 9. l. et com. SS. ut in Brev.

DIE XIX. JUNII.

In Festo S. JULIANAE FALCONERIAE Virginis. Duplex. 2. cl.

Omnia de Commun. Virg. praeter ea, quae sequuntur.

Ad Vesperas, et ad Matutinum.

Hymnus.

Coeléstis Agni núptias,
O Juliána dum petis,
Domum patrénam déservis,
Chorúmque ducis Vírgi-
num.

Sponsúmque suffixum Cruci
Noctes, diésque dum gemis,
Dolóris icta cúspide,
Sponsi refers imáginem.

Quin septifórmi vúlnerē
Flés ad genu Deíparae;
Sed crescit infúsa fletu,
Flammásque tollit cháritas
Hinc morte fessam próxima
Non usitáto te modo
Solátur, et nutrit Deus,
Dapem supérnam pórri-
gens.

Ætérne rerum Cóncltor,
Ætérne Fili par Patri,
Et par utrúque Spíritus
Soli tibi sit glória. Amen.

ORATIO.

Deus qui beátam Juliánam
Vírginem tuam extrémō mor-
bo laborántem pretiósō Filii
tui Córpoře mirabíliter re-
creáre dignátus es; concéde
quaesumus, ut ejus interce-
déntibus méritis, nos quoque
eódem in mortis agónē refé-
cti, ac roboráti, ad coeléstem
pátriā perducámur. Per
eúmdem Dóminum.

IN I. NOCTURNO.

Lect. de Com. 1. loc.

IN II. NOCTURNO.

Lectio IV.

Juliána ex nóbil Falconéria
família, Claríssimo patre qui
templum Deíparae ab Angelo
salutatae, aere suo magnífice
a fundaméntis Floréntiae, ut
nunc vísitur, eréxit, matre
Reguardata, ambóbus jam se-
nescéntibus, ac ad id tempus
sterílibus, nata est anno mil-
lésimo ducentésimo septuagé-
simo. Ab incunábulis non exí-
guum futúrae sanctitátis spé-
cimen dedit: vagiéntibus quip-
pe lábiis suavíssima Jesu, et
Maríae nómīna ultro proférre
audita est. Puerítia póstinó-
dum ingrēssa, totam se Chri-
stiánis virtútibus mancipávit,
in quibus ádeo excélluit, ut
beátus Aléxius pátruus, cujus
institútis ac exémpis instrue-
bátur, matri dícere non dubi-
láverit, ipsam non foeminam
peperisse, sed ángelum. Nam
ita modéstō vultu, animóque
ab omni vel levíssima erróris
mácula pura fuit, ut óculos
nunquam in toto vitae cursu
ad hómīnis fáciem intuéndam
eréxerit, auditóque peccáti

vocábulo contremúerit, imo scéleris narratióne percúlsa, illicó prope exánimis corrúerit. Expléto nondum décimo quinto aetátis suae anno, re familiári, licet opulénta, terrenisque posthábitis núptiis, Deo virginitátem in mánibus divi Philíppi Benítii solémniter vovit, ab eóque ómnium prima religiósus Mantellatárum hábitum ut dicunt, sumpsit.

n). Propter veritátem.

Lectio V.

Juliánae exémplum secútae sunt plúrimae ex nobilióribus familiis foeminae, ac mater ipsa filiae sese religióse instituendam dedit, ita ut, áucto paulátim número, Ordinem Mantellatárum institúerit, ac illi pie vivéndi leges, summa prudéntia, ac sanctitáte, tradíderit. Ejus virtútes cum óptime perspéctas divus Benítius habéret, morti próximus nulli mélius quam Juliánae, non foeminas tantum, sed et totum Servórum Ordinem, cujus Propagátor, et Moderátor extiterat, commendátum vóluit. Verum ipsa demísse semper de se cogitábat, et cum coeterárum esset magístra, in re quaque doméstica, licet vili, soróribus famulabáture. Assiduitátem

orándi íntegras insumébat dies, in éxtasim saepíssime rapta, et si réliquum, in sedándis civium dissídiis, criminósis a via iniquitátis retrahéndis, ac inserviéndis impendébat aegróti, quorum quandóque sániem ex ulcéribus manántem, admóto ore lambens, eos sanitáti restituébat. Corpus suum flagris, nodósis funiculis, férreis cingulis, vigíliis, humi nudae cubádo, térere sólita fuit. Parcíssime cibo, et hoc vili quátuor hebdomadae diébus, et réliquis duóbus, solo Angelórum pane conténta, excépto die Sabbati, quo pane solo, et aqua nutriebátur.

n). Dilexisti justítiam.

Lectio VI.

Dura hujúsmodi vivéndi ratióne in stómachi morbum incidit, quo ingravescénte, cum septuagésimum aetátis annum ágeret, ad extrémum vitae spátium redácta est. Diutúrnae valetúdinis incómoda hílari vultu, constantique ánimo pértulit, de uno tantum cónqueri audíta est, quod cum cibum cápere, ac retinére nullo modo posset, ab Eucharística mensa ob Sacraménti reveréntiam arcerétur. Verum his in angústiiis constitúta, Sacerdótem

rogávit, ut allátum divínium Panem, quem ore sùmere nequibat, pèctori saltem extèrius admovèret. Précibus illius morem gessit Sacerdos. Et mirum! Eòdem témporis moménto, divínus Panis dispáruit, et Juliána seréno, ac ridénti vultu expirávit. Res supra fidem tándiu fuit, donec virgíneum de more curarétur corpus: invénta enim est circa sinistrum pèctoris latus carni véluti sigillo impressa forma hóstiae, quae Christi Crucifixi effigiem repraesentábat. Hujus prodígii fama, coeterorúmque miraculórum, non Floréntiae tantum, sed totíus Christiáni orbis veneratióem illi conciliávit, ac per quátuor prope íntegra saecula àdeo áucta est, ut tandem Benedíctus Papa Décimus tértius in ejus celebritáte Officium próprium recitári ab univérso Ordine Beátae Mariæ Virgínis Servórum jússerit. Clemens vero Duodécimus, munificentissimus ejúsdem Ordinis protéctor, novis in diem miraculis coruscántem, sanctárum Virgínum Catálogo adscripsit.

n). Afferéntur Regi.

IN III. NOCTURNO.

Homil. S. Gregorii Papae

in Evangel. Símile erit regnum coelórum decem Virgínibus, ut in *Commun. Virgín.* primo loco.

Nona Lectio SS. Gervasii etc. mm. ex duab. una, et commem. in Laud.

DIE XX. JUNII

In Festo BEATI BENINCASAE Confess. Ord. Servorum Beatae Mariae Virg. Duplex.

ORATIO

Deus, qui beáto Benincasae Confessóri tuo mundi hujus oblectaménta superáre dedísti; fac nos ita ejus inhaerére vestígiis, ut assequámur et praemia. Per Dóminum.

Lectiones primi Nocturni de Scriptura occurrente.

IN II. NOCTURNO.

Lectio IV.

Benincása piis, honestisque paréntibus Floréntiae natus anno millésimo tercentésimo septuagésimo sexto, adhuc puer cum a quodam concionatóre illud Jeremíae audisset: Bonum est viro cum por-

táverit jugum ab adolescén-
tia sua: illico mundána óm-
nia vitáre coepit, et soli Deo
inservíre. Adolescéntior fa-
ctus Ordini Servórum Beátae
Maríae Vírginis nomen dedit,
atque in eo religiósá emissá
professione, solitúdinis amóre
captus, Superiórum impetráta
vénia ad Montem Tuniátum
in agro Senénsi se cóntulit,
ibíque angústa aedificáta cél-
lula in eam se recépít, et
cláusit, ubi per áliquot annos
solo pane sibi a quibúsdam
piis benefactoribus sponte o-
bláto et aqua víctitans, aspér-
rimam quidem, sed coeléstí-
bus delíciis suávem vitam du-
xit. Verum, etsi omnes latére
summo stúdio satágeret, ejus
tamen sanctitátis fama evul-
gáta est: frequens proinde pó-
pulus eum adíbat eo succéssu,
ut unusquisque ex ejus ser-
mónibus, atque consélliis indi-
géntiis suis levámen suscípe-
ret. Timens vero ne ex hoc
ináni mundi glória caperétur,
álio recédere státuit.

n). Honéstum.

Lectio V.

Itaque Montichiéllum Pientí-
nae Dioecésis óppidum petens
non longe ab eo, repértó quo-
dam specu, qui sepúlchri pó-
tius, quam cèllulae formam
exhibébat, quique adhuc éxtat,
et veneratiónis cáussa erga

beátum virum fréquentér in-
visitur, in eo sese ábdidit. Ibi
étiam in assídúa rerum coe-
léstium contemplatióne, et a-
spérrima sui córporis mace-
ratióne vitam duxit, quamvis
a malignis spirítibus saepíssí-
me vexarétur. Hos tamen a
se non solum, sed ab áliis é-
tiam único adhíbító Crucis si-
gno semper rejécit atque fu-
gávit. Grátia quoque curatió-
num donátum nonnúlla pro-
dígia demonstráunt. Tandem
clarus méritis ad Dómini gáu-
dia est evocatús séptinio Idus
Maji anno millésimo quadrin-
géntésimo vigésimo sexto.
Plura in ejus morte mirabi-
lia evenísse ferunt. Perpé-
tuum beáti Benincásae cul-
tum Pius Octávus Póntifex Má-
ximus auctoritáte Apostólica
confirmávit, assignáta ipsíus
festivitáti die vigésima Júnii,
quam Officio próprio, et Mis-
sa tum Ordini praedícto, tum
Florentínae, et Pientínae Dioe-
césibus celebrándam indúlsit.
n). Amávit.

Lectio VI.

Ex Libro Morálium sancti
Gregórii Papae.

Lib. 10. cap. 16. in c. 12. Job.

Deridétur justí simplicitas.
Hujus mundi sapiéntia est, cor
machinatió nibus tégere, sen-
sum verbis veláre, quae falsa

sunt, vera ostendere, quae vera sunt, falsa demonstrare. Haec nimirum prudentia usu a juvenibus scitur, haec a pueris pretio discitur: hanc qui sciunt, caeteros despiciendo superbiunt hanc qui nesciunt subiecti et timidi in aliis mirantur: quia ab eis haec eadem duplicitalis iniquitas nomine palliata diligitur, dum mentis perversitas urbanitas vocatur. Haec sibi obsequentibus praecipit honorum culmina quaerere, adepta temporalis gloriae vanitate gaudere, irrogata ab aliis mala multiplicius reddere: cum vires suppetunt, nullis resistentibus cedere; cum virtutis possibilitas deest, quidquid explere per malitiam non valent, hoc in pacifica bonitate simulare.

Ÿ. Isle homo.

IN III. NOCTURNO.

Hom. Venerab. Bedae Presb. in Ev. Nolite timere pusillus grex. ut in Com. Conf. non Pontif. secundo loco 9. l. ex duab. S. Silverii Pp. M.

DIE XXI. JUNII.

In Festo S. ALOYSII GONZAGAE Conf. Duplex.

Omnia de Comm. Conf. non Pont. praeter ea, quae sequuntur.

ORATIO.

Coeléstium donorum distributor Deus, qui in angelico juvene Aloysio miram vitae innocentiam pari cum poenitentia sociasti: ejus meritis, et precibus concede, ut innocentem non secuti, poenitentem imitemur. Per Dominum.

IN I. NOCTURNO.

Lect. de Script. occur.

IN II. NOCTURNO.

Lectio IV.

Aloysius, Ferdinándi Gonzagae Castellionis Stiverorum Marchionis filius, festinato propter vitae periculum baptismo, prius coelo, quam terris nasci visus, primam illam gratiam tam constanter relinquit, ut in ea confirmatus crederetur. A primo rationis usu quo se Deo statim obtulit, vitam duxit quotidie sanctiorem. Novennis Floréntiae ante aram Beatae Virginis, quam parentis loco semper habuit, perpetuam virginitatem vovit: eamque insigni Dei beneficio, nulla mentis, aut corporis pugna tentatam servavit. Reliquas animi perturbationes coepit aetate illa tam fortiter comprimere, ut ne primo quidem earum mo-

tu deinde incitarétur. Sensus étiam, óculos praecipue, ita cohíbuit, ut non modo illos numquam in faciém inténdere-rit *Maríae Austríacae*, quam plures annos inter honorários *Hispaniárum* Príncipes ephoe-bos fere quotidie salutávit: sed a Matris étiam vultu continéret. Homo proptérea sine carne, aut Angelus in carne mérito appellátus.

¶. Honéstum fecit.

Lectio V.

Adjecit sénsuum custódiae córporis cruciátum. Tria sín-gulis hebdomadis jejúnia, éa-que, plerúmque módico pane, et aqua tolerábat. Quamquam perpétuum fuisse per id tem-pus ipsíus jejúnium vidéri pos-test, cum ejus prándia ferme vix únciam aequárent. Saepe étiam ter in die se fúnibus aut caténis cruentábat; flagél-la quándoque canum loris, cilicia equórum calcáribus supplévit. Mollem léctulum clam injéctis ásserum frag-méntis asperábat, eo étiam, ut cítius ad orándum excita-rétur. Magnam quippe noctis partem, summa étiam hyeme, solo tectus indúsio, pósitis humi génibus, vel prae lan-guóre jacens, ac pronus, in coeléstium contemplatióne

tradurébat. Intérdiu quoque tres, quátnor, quinque horas in ea perstábat immótus, do-nec unam saltem ánimo nus-quam distrácto, percurrisset. Cujus constántiae praemium fuit stabilitas mentis inter o-rándum álio non vagántis, inio perpétua velut écstasi in Deo defixae. Eí demum ut únice adhaeréret, victo post triennále acérrimum certá-men patre, et avíti Principá-tus jure in fratrem transláto, Societáti Jesu, ad quam coe-lésti voce Matríti fúerat ac-cítus, Romae se adjúnxit.

¶. Amávit eum.

Lectio VI.

In tyrocínio ipso virtútum ómnium magíster habéri coe-pit. Exactíssima in eo erat legum étiam minimárum cus-tódia, mundi contéptus sín-guláris, implacábile ódium sui; Dei vero amor tam ar-dens, ut corpus étiam sensim absúmeret. Jussus proptérea mentem a divínis rebus tan-tisper avértere, occurréntem sibi ubíque Deum írrito co-nátu fugiébat. Mira étiam próximos charitáte ampléxus in públicis, quibus alácriter ministrábat, nosocomíis con-tagiósam luem traxit. Qua lente consúptus, die quem

praedíxerat, undécimo Kaléndas Júlii, aetátis anno quarto et vigésimo jam inchoáto, cum ántea flagéllis caedi, atque humi stratus mori postuláset, migrávit in coelum. Ibi eum sancta María Magdaléna de Pazzis tanta frui glória, Deo monstránte, vidit, quantam vix esse in coelo credidisset; ipsúmque sanctimónia insignem et charitáte mártýrem incógnitum fuisse praedicávit. Multis étiam, magnisque cláruit miráculis: quibus rite probátis, Benedíctus Décimus tertius Sanctórum fastis angélicum Júvenem adscrípsit, atque innocentiae, et castitátis exémpplar simul et patrónum studiósae presértim juventúti dedit.

n. Iste homo.

IN III. NOCTURNO.

Léctio sancti Evangélii
secúndum Matthaeum.

Lectio VII.

Cap. 22. v. 29.

In illo témpore respóndens Jesus ait Sadducaeis: Errátis, nesciéntes Scriptúras, neque virtútem Dei: in resurrectióne enim neque nubent, neque nubéntur, sed erunt sicut

Angeli Dei in coelo. Et réliqua.

Homília santi Joánnis
Chrysóstomi.

Lib. de Virginit.

Virginitas est bona, id ego quoque fáteor. Atqui núptiis étiam mélior, et istud tibi asséntior; ac si libet, illud adjúngam, tanto núptiis eam praestáre, quanto coelum terrae, quanto homínibus Angeli antecéllunt, ac, si quid praeterea audéndum est, étiam magis. Nam si neque nubunt Angeli, neque uxórem ducunt; non étiam carne et ságuine coagmentáti sunt; in terris praeterea non commorántur; non cupiditátum, aut libídinum perturbatió nibus sunt obnoxii; non cibi índigent, aut potus; non sunt ejúsmodi, ut eos dulcis sonus, aut cantus mollis, aut praeclára spècies possit allícere; nulla dénique ejus generis illécebra capiúntur.

n. Iste est.

Lectio VIII.

At humánum genus, cum natúra beátis illis méntibus inférius sit, omni vi, studioque conténdit, ut, quoad ejus

feri potest, illas assequatur. Quomodo? non nubunt Angeli: at neque etiam virgo. Assistentes illi semper ad Deum, eidem inserviunt: et istud ipsum virgo. Quod si virgines, quandiu corporis ónere deprimuntur, quemadmodum Angeli in coelum nequeunt ascendere, illud co vel máximo solatio compensant, quod modo spiritu et corpore sancti sint, coeli Regem recipiunt. Vidésne virginittis praestantiam? quomodo terrarum incolae sic afficiat, ut qui corpore vestiti sunt, eos incorporeis mentibus exaequet?

n). Sint lumbi vestri.

Lectio IX.

Qua enim, quaeso, re differbant ab Angelis Elías, Elissaeus, Joannes, veri hi virginittis amatores? nulla, nisi quod mortáli natura constabant. Nam coetera si quis diligenter inquirat, hi nihilominus affecti reperiuntur, quam beatae illae mentes: et idípsum, quod inferióre conditione videntur esse, in magna est eorum láude ponendum. Ut enim terrarum incolae, et ii, qui essent mortáli natura, possent ad illam virtutem vi, et contentione pervenire: vide quanta eos

fortitudine, quanta vitae ratione praeditos fuisse oporteat.

Te Deum.

IN II. VESPERIS.

Comm. S. Paulini Episc.

DIE XXV. JUNII

In Festo S. GULIELMI Abbatís Fundatoris Benedictinae Congregationis Montis Virginis Duplex.

Omnia de Comm. Conf. non Pont. praeter sequentia.

ORATIO

Deus, qui infirmitati nostrae ad terendum salutis viam in Sanctis tuis exemplum, et praesídium collocasti: da nobis, ita beati Gulielmi Abbatis mérita venerari, ut ejusdem excipiamus suffragia, et vestigia sequamur. Per Dóminum.

IN I. NOCTURNO.

Lectiones de Scriptura occurrente.

IN II. NOCTURNO.

Lectio IV.

Gulielmus nobilibus parén-

tibus Vercéllis in Insúbria natus, vix quartumdécimum aetáti annum expléverat, cum miro quodam pietáti ardóre flagrans, Compostellánam peregrinatióem ad celeberrimum sancti Jacóbi templum aggréssus est. Quod iter una amíctus túnica, ac dúplici férreo círculo praecíntus, nudisque pédibus prosecúsus, aspérrima frigoris, et aestus, famis, et sitis summo cum vitae discrimine perpésus est incómoda. Revérsus in Itáliam, novam ad sanctum Dómini Sepúlchrum peregrinatióem molitur; sed quo minus propósitum exequátur, vária atque gravíssima intercédunt impediménta, divíno númine ad altióra, et sanctióra religiósam Juvéni indolenti retrahén-te. Porro in solículo monte biénium inter assíduas preces, vigílias, chameúnias, et jejúnia comorátus, divína subnexus ope, caeco lumen restituit, cujus miráculi fama percrebrescénte, jam Gulielmus latére non póterat: quare íterum Hierosólymam adire cógitat, et á lacris se itíneri commíttit.

¶. Honéstum fecit.

Lectio V.

Dei áutem mónitu, qui ei-

dem apparuit, a propósito revocátur, útilior ac fructuósior tam apud Italos, quam apud éxteras natiónes futúrus. Tum Monastérium in Virgiliáni Montis cacúmine, quod deínde Vírginis est appellátum, loco áspero, et inaccesso miránda exaedificat celeritáte. Sócios deínde viros, et Religiósos adsciscit, eósque ad vivéndi normam Evangélicis praecéptis, et consíliis sumópere accomodatam, tum certis légibus ex beáti Benedicti institútis magna ex parte desúptis, tum verbo, et sanctíssimae vitae exémpis infórmát.

¶. Amávit eum.

Lectio VI.

Aliis deínde Monastéris erectis, clárior in dies Gulielmi facta sánctitas multos ad eum úndique viros perdúcit, sanctitátis odóre, et miraculórum fama alléctos. Nam muti loquélam, surdi audítum, áridi vigórem, varióque, et immedicábili morbo laborántes, sanitátem ipsius intercessióne recepérunt. Aquam in vinum convértit, áliaque complúra mirábilia patrávit: inter quae illud non siléndum, quod, muliércula ad ejus castitátem tentándam

missa, in ardéntibus prunis humi stratis illaesum se volutávit. De qua re cértior factus Rogérius Neápolis Rex in summam viri Dei veneratiónem addúcitur. Demum témpore sui óbitus Regi, aliisque prae-nuntiáto, innúmeris virtútibus, et miráculis clarus obdormívit in Dómino, anno salutis millésimo centésimo quadragesimo secúndo.

n. Iste homo perfécit.

IN III. NOCTURNO.

Homil. in Evang. Ecce nos reliquimus omnia, et secúti sumus etc. ut in *Com. Abbat.*

FESTA JULII

DOMINICA I. JULII.

In festo PRETIOSISSIMI SANGUINIS D. N. J. CH. Duplex 2. cl.

Si in praedicta Dominica occurrat Festum Visitationis B. M. V., vel in aliqua Dioecesi, Ordine Regulari, aut Ecclesia quacumque, Officium altioris et etiam aequalis ritus, Fest. praetiosissimi Sanguinis transfertur in feriam ij. sequentem a Festo 1. vel. 2. cl. non impeditam; quo in casu transferendum erit in aliam diem non impeditam juxta Rubricas. Offic. ut supra in

Quadrag. ser. 6. post. Dom. 4. pag. 184. cum com. et 9. lect. de Hom. Dom. occ.

DOMENICA III. JULII.

In Festo SS. REDemptoris.
Duplex 2. Classis.

Ad Vesper. Ant. Virgam virtútis suae emíttet Dóminus ex Sion, et regnabit in saeculum saeculi.

Psalm. 109.

Dixit Dóminus Dómino meo: * Sede a dextris meis:

Donec ponam inimicos tuos, * scabéllum pedum tuorum.

Virgam virtútis tuae emíttet Dóminus ex Sion: * domináre in médio inimicórum tuorum.

Tecum princípium in die virtútis tuae in splendóribus sanctorum: * ex útero ante lucíferum genui te.

Jurávit Dóminus, et non poenitébit eum: * Tu es sacerdos in aetérnum secúndum órđinem Melchisedech.

Dóminus a dextris tuis, * confrégit in die irae suae reges.

Judicábit in natió nibus, implébit ruínas: conquassábit cápita in terra multórum.

De torrente in via bibet: *
propterea exaltabit caput.

Ant. Virgam virtutis suae
emittet Dominus ex Sion, et
regnabit in saeculum saeculi.

Ant. Redemptionem misit
Dominus populo suo: man-
davit in aeternum testamen-
tum suum.

Psalm. 110.

Confitebor tibi Domine in
toto corde meo: * in consilio
justorum, et congregatione.

Magna opera Domini: *
exquisita in omnes voluntates
ejus.

Confessio et magnificen-
tia opus ejus: et justitia ejus
manet in saeculum saeculi.

Memoriam fecit mirabi-
lium suorum, misericors et
miserator Dominus: * escam
dedit timentibus se.

Memor erit in saeculum
testamenti sui: * virtutem o-
perum suorum annuntiabit
populo suo.

Ut det illis haereditatem
Gentium: * opera manuum
ejus veritas et judicium.

Fidelia omnia mandata
ejus: confirmata in saeculum
saeculi, * facta in veritate et
aequitate.

Redemptionem misit po-
pulo suo: * mandavit in ae-
ternum testamentum suum.

Sanctum et terribile no-

men ejus: * initium sapien-
tiae timor Domini.

Intellectus bonus omni-
bus facientibus eum: * lau-
datio ejus manet in saeculum
saeculi.

Ant. Redemptionem misit
Dominus populo suo: man-
davit in aeternum testamen-
tum suum.

Ant. Misericordia mea, et
refugium meum, Dominus,
susceptor meus, et liberator
meus.

Psalm. 115.

Credidi, propter quod locu-
tus sum: * ego autem humi-
liatus sum nimis.

Ego dixi in excessu meo:
* omnis homo mendax.

Quid retribuam Domino, *
pro omnibus quae retribuit
mihi?

Calicem salutaris accipiam:
* et nomen Domini invo-
cabo.

Vota mea Domino reddam
coram omni populo ejus: *
pretiosa in conspectu Domi-
ni mors sanctorum ejus.

O Domine, quia ego ser-
vus tuus: ego servus tuus, et
filius ancillae tuae.

Dirupisti vincula mea: *
tibi sacrificabo hostiam lau-
dis, et nomen Domini invo-
cabo.

Vota mea Domino reddam

in conspectu omnis populi ejus: * in atriis domus Domini, in medio tui Jerusalem.

Ant. Misericordia mea, et refugium meum Dominus, susceptor meus, et liberator meus.

Ant. Apud Dominum misericordia, et copiosa apud eum redemptio.

Psalm. 129.

De profundis clamavi ad te Domine: * Domine exaudi vocem meam.

Fiant aures tuae intendentes, * in vocem deprecationis meae.

Si iniquitates observaveris Domine: * Domine quis sustinebit?

Quia apud te propitiatio est; * et propter legem tuam sustinui te Domine.

Sustinuit anima mea in verbo ejus: * speravit anima mea in Domino.

A custodia matutina usque ad noctem: * speret Israel in Domino.

Quia apud Dominum misericordia: * et copiosa apud eum redemptio.

Et ipse relinquet Israel, * ex omnibus iniquitatibus ejus.

Ant. Apud Dominum mi-

sericordia, et copiosa apud eum redemptio.

Ant. In quacumque die invocavero te, exaudies me: multiplicabis in anima mea virtutem.

Psalm. 137.

Confitebor tibi Domine in toto corde meo: * quoniam audisti verba oris mei.

In conspectu Angelorum psallam tibi: * adorabo ad templum sanctum tuum, et confitebor nomini tuo.

Super misericordia tua, et veritate tua: * quoniam magnificasti super omne, nomen sanctum tuum.

In quacumque die invocavero te, exaudi me: multiplicabis in anima mea virtutem.

Confiteantur tibi Domine omnes reges terrae: * quia audierunt omnia verba oris tui.

Et cantent in viis Domini: * quoniam magna est gloria Domini.

Quoniam excelsus Dominus, et humilia respicit: * et alta a longe cognoscit.

Si ambulavero in medio tribulationis, vivificabis me: * et super iram inimicorum meorum extendisti manum tuam, et salvum me fecit dextera tua.

Dóminus retribuet pro me:
 * Dómine misericórdia tua in
 saeculum: ópera mánuum
 tuárum ne despicias.

Ant. In quacúmque die in-
 vocávero te, exáudies me:
 multiplicábis in ánima mea
 virtútem.

Capitulum

Benedíctum nomen tuum,
Tobiae 3.
 Deus Patrum nostrórum: qui
 cum irátus fúeris, misericór-
 diam fácies, et in témpore
 tribulatiónis peccáta dimíttis
 his, qui invocant te.

Hymnus.

Creátor alme siderum,
 Aetérna lux credéntium,
 Jesu Redemptor ómnium
 Inténde votis súpplicum.

Commúne qui mundi nefas
 Ut expiáres, ad crucem
 E Vírginis sacrário
 Intácta prodís víctima.

Cujus potéstas glóriæ,
 Noménque cum primum so-
 nat,
 Et Coelites, et inferi
 Treménte curvántur genu.

Qui daemonis ne fráudibus
 Períret orbis, ímpetu
 Amóris actus, lánguidi
 Mundi medéla factus es.

Te deprecámur últimæ
 Magnum diéi Júdicem:

Armis supérnae grátiae
 Defénde nos ab hóstibus.

Jesu tibi sit glória,
 Qui natus es de Vírgine,
 Cum Patre, et almo Spíritu
 In sempitérna saecula. Amen.

*Sic terminantur Hymni ad
 omnes Horas.*

Ÿ. Redemísti nos Dómine
 in ságuine tuo.

Ŗ. Et fecísti nos Deo no-
 stro regnum.

AD MAGNIFICAT

Ant. Salus áutem mea in
 sempitérnum erit, et justítia
 mea in generatiónes genera-
 tiónum, allelúja.

ORATIO.

Deus, qui Unigénitum tuum
 mundi Redemptórem consti-
 tuísti, et per eum devícta
 morte nos misericórditer ad
 vitam reparásti: concéde, ut
 haec beneficia recoléntes, ti-
 bi perpétua charitáte adhae-
 rére, et ejúsdem Redempti-
 ónis fructum percípere mereá-
 mur. Per eúmdem Dóminum.

*Deinde fit com. Dom. oc-
 currentis.*

AD MATUTINUM.

Invit. Redemptórem saecu-

lorum, ipsum Regem Angelorum, * Adoremus Dominum.

Psalm. Venite, exultemus.

Hymnus.

Rerum Creator optime,
 Rectorque noster aspice:
 Nos a quiete noxia.
 Mersos sopore libera.

Mentes, manusque tollimus
 Propheta sicut noctibus
 Nobis gerendum praecipit,
 Paulusque gestis censuit.

Te, sancte Christe, poscimus,

Ignosce culpis omnibus:
 Ad confitendum surgimus,
 Morasque noctis rumpimus.

Jesu tibi sit gloria,
 Qui natus es de Virgine,
 Cum Patre, et almo Spiritu
 In sempiterna saecula. Amen.

IN I. NOCTURNO.

Ant. Voce mea ad Dominum clamavi, et exaudivit me de monte sancto suo.

Psalmus 3.

Domine quid multiplicati sunt qui tribulant me? * multi insurgunt adversum me.

Multi dicunt animae meae:
 * non est salus ipsi in Deo ejus.

Tu autem Domine susceptor meus es, * gloria mea, et exaltans caput meum.

Voce mea ad Dominum clamavi: * et exaudivit me de monte sancto suo.

Ego dormivi, et soporatus sum: * et exurrexi, quia Dominus suscepit me.

Non timebo millia populi circumdantis me: * exurge Domine, salvum me fac Deus meus.

Quoniam tu percussisti omnes adversantes mihi sine causa: * dentes peccatorum contrivisti.

Domini est salus: * et super populum tuum benedictio tua.

Ant. Voce mea ad Dominum clamavi, et exaudivit me de monte sancto suo.

Ant. Domine Dominus noster, quam admirabile est nomen tuum in universa terra!

Psalm. 8. incipiatur a secundo versu.

Quoniam elevata est magnificentia tua * super coelos.

Ex ore infantium et lactantium perfecisti laudem propter inimicos tuos, * ut destruas inimicum et ultorem.

Quoniam videbo coelos tuos,

ópera dígitórum tuórum: *
lunam et stellas, quae tu
fundásti.

Quid est homo, quod me-
mor es ejus? * aut filius hó-
minis, quóniam vísitas eum?

Minuísti eum páulo minus
ab Angelis, glória et honóre
coronásti eum: * et constituí-
sti eum super ópera mánuum
tuárum.

Omnia subjecísti sub pédi-
bus ejus, * oves et boves u-
nivérsas, insuper et pécora
campi.

Vólucres coeli, et pisces
maris, * qui perámbulant
sémitas maris.

Dómine Dóminus noster, *
quam admirábile est nomen
tuum in univérsta terra!

Ant. Dómine Dóminus no-
ster, quam admirábile est no-
men tuum in univérsta terra!

Ant. Dóminus in templo
sancto suo: Dóminus in coelo
sedes ejus.

Psalm. 10.

In Dómino confido: quó-
modo dícitis ánimae meae: *
trásmigra in montem sicut
passer?

Quoniam ecce peccatóres
intendérunt arcum, paravé-
runt sagíttas suas in pháre-
tra, * ut sagíttent in obscúro
rectos corde.

Quóniam quae perfecísti,

destruxérunt: * justus áutem
quid fecit?

Dómius in templo sancto
suo, * Dóminus in coelo se-
des ejus.

Oculi ejus in páuperem
respíciunt: * pálpebrae ejus
interrogant filios hóminum.

Dóminus interrogat justum
et ímpium: * qui áutem dí-
ligit iniquitátem, odit ánimam
suam.

Pluet super peccatóres lá-
queos: * ignis, et sulphur, et
spíritus procellárum, pars cá-
licis eórum.

Quóniam justus Dóminus,
et justítias diléxit: * acqui-
tátem vidit vultus ejus.

Ant. Dóminus in templo
sancto suo: Dóminus in coelo
sedes ejus.

ÿ. Rédime me Dómine, et
miserére mei.

ÿ. In Ecclesiis benedicam
te, Dómine.

De Isaia Prophéta.

Lectio I.

Audíte me qui sequímini
quod justum est, et quaeri-
tis Dóminum: atténdite ad
petram, unde excisi estis: et
ad cavérnam laci, de qua
praecísi estis. Consolábitur
ergo Dóminus Sion, et con-
solábitur omnes ruínas ejus:
et ponet désértum ejus quasi

Cap. 51.

hortum Dómini. Gáudium, et laetitia inveniétur in ea, gratiarum actio, et vox láudis. Atténdite ad me, pópule meus, et tribus mea me audíte: quia lex a me éxiet, et iudícium meum in lucem populórum requiescet: prope est Justus meus, egressus est Salvátor meus, et bráchia mea pópulos iudicábunt: me insulae expectábunt, et bráchium meum sustinébunt.

¶. Vidi Dóminum sedéntem super sólum excésum et elevátum: et plena erat omnis terra majestáte ejus: * Et ea, quae sub ipso erant, replébant templum.

‡. Séraphim stabant super illud: sex alae uni, et sex alae álteri. Et ea.

Lectio II.

Leváte in coelum óculos vestros, et vidéte sub terra deórsum: quia coeli sicut fumus liquéscent, et terra sicut vestiméntum atterétur, et habitatóres ejus sicut haec interfí-bunt; salus áutem mea in sempitérnum erit, et justitia mea non deficiet. Audíte me, qui scitis justum, pópulus meus lex mea in corde eórum: nolite timére oppróbrium hóminum et blasphemias eórum ne metuátis. Sicut enim vestiméntum, sic cómedet eos ver-

mis, et sicut lanam, sic devorábit eos tínea; salus áutem mea in sempitérnum erit, et justitia mea in generatiónes generatiónum.

¶. Aspice, Dómine, de sede sancta tua, et cógita de nobis: inclína Deus meus áurem tuam, et áudi: * Aperi óculos tuos, et vide tribulatió-nem nostram.

‡. Qui regis Israel, inténde, qui dedúcis velut ovem Joseph. Aperi.

Lectio III.

Consúrge, consúrge, indúere fortitúdinem bráchium Dómini. Consúrge sicut in diébus antíquis, in generatió-nibus saeculóram. Numquid non tu percussísti supérbum, vulnerásti draconem? Numquid non tu siccásti mare, aquam abyssi veheméntis: qui posuísti profúndum maris viam, ut transírent liberáti? Et nunc qui redépti sunt a Dómino revértentur, et vénient in Sion laudántes, et laetitia sempitérna super cá-pita eórum, gáudium et laetítiam tenébunt, fúgiét dolor et gémitus. Ego, ego ipse consolábor vos: quis tu, ut timéres ab hómine mortáli, et a filio hóminis, qui quasi fœ-num ita aréscet? Et oblítus es Dómini factóris tui, qui te-

téndit coelos, et fundávit terram: et formidásti júgiter tota die a fácie furóris ejus, qui te tribulábat, et paráverat ad perdéndum: ubi nunc est furor tribulántis? Cito véniet grádiens ad aperiéndum, et non interficiet usque ad interneciómem, nec deficiet panis ejus. Ego áutem sum Dóminus Deus tuus.

R. Deus, qui sedes super thronum, et júdicas aequitatem, esto refúgium páuperum in tribulatióne; * Quia tu solus labórem, et dolórem consideras.

Y. Tibi enim derelíctus est páuper, pupíllo, tu eris adjutor. Quia tu solus. Glória Patri. Quia tu solus.

IN II. NOCTURNO.

Ant. Suscépimus Deus misericórdiam tuam in médio templi tui.

Psalm. 19.

Exáudiat te Dóminus in die tribulatiónis: * prótegat te nomen Dei Jacob.

Mittat tibi auxílium de sancto: * et de Sion tueátur te.

Memor sit omnis sacrificii, tui; * et holocáustum tuum pingue fiat.

Tribuat tibi secúndum cor tuum: * et omne consílium tuum confirmet.

Laetábimur in salutári tuo: * et in nómine Dei nostri magnificábimur.

Impleat Dóminus omnes petitiónes tuas: * nunc cognóvi quóniam salvum fecit Dóminus Christum suum.

Exáudiet illum de coelo sancto suo; * in potentátibus salus dexteræ ejus.

Hi in cúrribus, et hi in equis: * nos áutem in nómine Dómini Dei nostri invocábimus.

Ipsi obligáti sunt, et ceciderunt: * nos áutem surréximus, et erécti sumus.

Dóminesalvum fac regem: * et exáudi nos in die, qua invocavérimus te.

Ant. Suscépimus Deus misericórdiam tuam in médio templi tui.

Ant. Tu es ipse Rex meus, qui mandas salútes in Jacob.

Psalm. 23.

Dómini est terra, et plenitúdo ejus: * orbis terrarum, et univérsi, qui hábitant in eo.

Quia ipse super mária fundávit eum: * et super flúmina praeparávit eum.

Quis ascéndet in montem Dómini? * aut quis stabit in loco sancto ejus?

Innocens mánibus et mundo corde, * qui non accépit in vano ánimam suam, nec jurávit in dolo próximo suo.

Hic accípiet benedictiónem a Dómino: * et misericórdiam a Deo salutári suo.

Haec est generátio quaeréntium eum, * queréntium fáciem Dei Jacob.

Attóllite portas príncipes vestras, et elevámini portae aeternáles: * et introíbit Rex glóriae.

Quis est iste Rex glóriae? * Dóminus fortis et potens: Dóminus potens in praelio.

Attóllite portas príncipes vestras, et elevámini portae aeternáles: * et introíbit Rex glóriae.

Quis est iste Rex glóriae? * Dóminus virtútum ipse est Rex glóriae.

Ant. Tu es ipse Rex meus, qui mandas salútes in Jacob.

Ant. Immola Deo sacrificium láudis, et redde Altíssimo vota tua.

Psalm. 45.

Deus noster refúgium, et virtus: * adjútor in tribulatió nibus, quae invenerunt nos nimis.

Proptérea non timébimus dum turbábitur terra; * et transferéntur montes in cor maris.

Sonuérunt, et turbatae sunt

aquae eórum: * conturbáti sunt montes in fortitúdine ejus.

Flúminis ímpetus laetificat civitátem Dei: * sanctificávit tabernáculum suum Altíssimus.

Deus in médio ejus, non commovébitur: * adjuvábít eam Deus mane dilúculo.

Conturbatae sunt Gentes, et inclinata sunt regna: * dedit vocem suam, mota est terra.

Dóminus virtútum nobiscum; * suscéptor noster Deus Jacob.

Veníte, et vidéte ópera Dómini, quae pósuit prodigia super terram: * áuferens bella usque ad finem terrae.

Arcum cónteret, et confrínget arma: * et scuta combúret igni.

Vacáte, et vidéte quóniam ego sum Deus: * exaltábor in Géntibus, et exaltábor in terra.

Dóminus virtútum nobiscum: * suscéptor noster Deus Jacob.

Ant. Immola Deo sacrificium laudis, et redde Altíssimo vota tua.

ŷ. Meménto nostri Dómine in beneplácito pópuli tui.

ñ. Vísita nos in salutári tuo.

Sermo Sancti Leónis
Papae.

Lectio IV.

Sermo 1. de jejuniio decimi
mensis et collectis.

Si fideliter, dilectissimi, atque sapienter creationis nostrae intelligamus exordium, inveniemus hominem ideo ad imaginem Dei conditum, ut imitator sui esset Auctoris: et hanc esse naturalem nostri generis dignitatem, si in nobis quasi in quodam speculo, divinae benignitatis forma resplendeat. Ad quam quotidie nos utique reparat gratia Salvatoris, dum quod cecidit in Adam primo, erigitur in secundo. Causa autem reparationis nostrae non est, nisi misericordia Dei; quem non diligeremus, nisi prius nos ipse diligeret, et tenebras ignorantiae nostrae, suae veritatis luce discuteret.

R. A dextris est mihi Dominus, ne commovear: * Propter hoc dilatatum est cor meum, et exultavit lingua mea.

V. Dominus pars haereditatis meae, et calicis mei. Propter.

Lectio V.

Diligendo itaque nos Deus,

ad imaginem suam nos reparat: et ut in nobis formam suae bonitatis inveniat, dat unde ipsi quoque, quod operatur, operemur, accendens scilicet mentium nostrarum lucernas, et igne nos suae charitatis inflammans: ut non solum ipsum, sed etiam quidquid diligit, diligamus. Nam si inter homines ea demum firma amicitia est, quam morum similitudo sociarit, cum tamen paritas voluntatum saepe in reprobos tendat affectus, quantum nobis optandum, atque nitendum est, ut in nullo ab iis, quae Deo sunt placita, discrepemus? De quo dicit Propheta: Quoniam ira in indignatione ejus, et vita in voluntate ejus; quia non aliter nobis erit dignitas divinae Majestatis, nisi imitatio fuerit voluntatis.

R. Intuere Domine quia facta est desolata civitas plena divitiis; sedet in tristitia Domina gentium: * Non est qui consoletur eam, nisi tu Deus noster.

V. Plorans ploravit in nocte, et lacrymae ejus in maxillis ejus. Non est.

Lectio VI.

Dicente itaque Domino: Diliges Dominum Deum tuum ex toto corde tuo, et ex tota mente tua, et diliges proxi-

mum tuum sicut teipsum; suscipiat fidelis anima auctoris sui, atque Rectoris immarcescibilem charitatem, totamque se etiam ejus subjiciat voluntati, in cujus operibus, atque judiciis nihil vacat a veritate justitiae, nihil a miseratione clementiae. Quoniam etsi magnis quis laboribus, et multis fatigetur incommodis, bona est illi causa tolerandi, qui se adversis vel corrigi intelligit, vel probari.

¶. Ornavérunt faciem Templi coronis aureis, et dedicavérunt altáre Dómino: * Et facta est laetitia magna in pópulo.

¶. In hymnis, et confessionibus benedicébant Dóminum. Et facta est laetitia. Glória Patri. Et facta est laetitia.

IN III. NOCTURNO.

Ant. Ego áutem ad Deum clamávi, et Dóminus salvábit me.

Psalm. 60.

Exáudi Deus deprecationem meam: * inténde orationi meae.

A finibus terrae ad te clamávi: dum anxiarétur cor meum, in petra exaltásti me.

Deduxísti me, quia factus es spes mea: * turris fortitudinis a facie inimici.

Inhabitábo in tabernáculo tuo in saecula: prótegar in velaménto alárum tuárum.

Quóniam tu Deus meus exaudísti orationem meam: * dedísti haereditatem timéntibus nomen tuum.

Dies super dies regis adjicies: * annos ejus usque in diem generationis et generationis.

Pérmanet in aetérnum in conspectu Dei: * misericórdiam et veritatem ejus quis requíret?

Sic psalmum dicam nómini tuo in saeculum saeculi; * ut reddam vota mea de die in diem.

Ant. Ego áutem ad Deum clamávi, et Dóminus salvábit me.

Ant. Deus meus Salvátor meus, salutáre meum, et spes mea in aetérnum.

Psalm. 74.

Confitébmur tibi Deus: * confitébmur, et invocábmus nomen tuum.

Narrábmus mirábilia tua: * cum accépero tempus, ego justítias judicábo.

Liquefacta est terra, et omnes qui hábitant in ea: * ego confirmávi colúmnas ejus.

Dixi iníquis: Nolíte iníquo ágere: * et delinquentibus: Nolíte exaltáre cornu.

Nolite extollere in altum cornu vestrum: * nolite loqui adversus Deum iniquitatem.

Quia neque ac Oriente, neque ab Occidente, neque a desertis montibus: * quoniam Deus iudex est.

Hunc humiliat, et hunc exaltat: * quia calix in manu Domini vini meri plenus misto.

Et inclinavit ex hoc in hoc: verumtamen faex ejus non est exinanita: * bibent omnes peccatores terrae.

Ego autem annuntiabo in saeculum: * cantabo Deo Jacob.

Et omnia cornua peccatorum confringam: * et exaltabuntur cornua iusti.

Ant. Deus meus Salvator meus, salutare meum, et spes mea in aeternum.

Ant. Protector noster aspice Deus, et respice in faciem Christi tui.

Psalm. 83.

Quam dilecta tabernacula tua Domine virtutum! * concupiscit et deficit anima mea in atria Domini.

Cor meum et caro mea: * exultaverunt in Deum vivum.

Etenim passer invenit sibi domum: * et turtur nidum sibi, ubi ponat pullos suos.

Altaria tua Domine virtutum: * Rex meus, et Deus meus.

Beati, qui habitant in domo tua Domine: * in saecula saeculorum laudabunt te.

Beatus vir, cujus est auxilium abs te: * ascensiones in corde suo disposuit, in valle lacrymarum, in loco quem posuit.

Etenim benedictionem dabit legislator, ibunt de virtute in virtutem, * videbitur Deus deorum in Sion.

Domine Deus virtutum exaudi orationem meam: * auribus percipe Deus Jacob.

Protector noster aspice Deus: * et respice in faciem Christi tui.

Quia melior est dies una in atris tuis * super millia.

Elégi abiectus esse in domo Dei mei: * magis quam habitare in tabernaculis peccatorum.

Quia misericordiam et veritatem diligit Deus: gratiam et gloriam dabit Dominus.

Non privabit bonis eos qui ambulant in innocentia: * Domine virtutum, beatus homo qui sperat in te.

Ant. Protector noster aspice Deus, et respice in faciem Christi tui.

Y. Notam fecisti in Gentibus virtutem tuam.

ñ. Redemísti in bráchio tuo
pópulum tuum.

Lectio Sancti Evangélíi
secúndum Joánnem.

Lectio VII. Cap. 3.

In illo témpore: Dixit Jesus
Nicodémo: Nemo ascéndit in
coelum, nisi qui descéndit de
coelo, filius hóminis, qui est
in coelo. Et réliqua.

Homília sancti Augustíni
Epíscopi.

Ex Tract. in cap. 3. Joann.

Nemo ascéndit in coelum,
nisi qui de coelo descéndit.
Descéndit enim, et mórtuus
est, et ipsa morte liberávit
nos a morte. Morte occísus,
mortem occídít. Et nóstis, fra-
tres, quia mors ista per diáboli
invidiam intrávit in
mundum. Deus mortem non
fecit, Scriptúra lóquitur, nec
laetátur, inquit, in perditíone
vivórum; creávit enim ut es-
sent ómnia. Sed quid ibi ait:
Invidia áutem diáboli mors
intrávit in orbem terrárum.
Ad mortem a diabolo propi-
nátam non veníret homo vi-
adactus; non enim cogéndi
poténtiam diábolus habébat,
sed persuadéndi versútiam.

Si non consentíres, nihil in-
véxerat diábolus; consénsio
tua, o homo, te perdúxit ad
mortem. A mortáli mortáles
nati, et ex immortálibus mor-
táles facti. Ab Adam omnes
hómines mortáles: Jesus áu-
tem Fílius Dei, Verbum Dei,
per quod facta sunt ómnia,
únicus, aequális Patri, mor-
tális factus est, quia Verbum
caro factum est, et habitávit
in nobis. Si ergo mortem sus-
cépit, et mortem suspéndit
in cruce, de ipsa morte li-
berántur mortáles. Quod in
figúra factum est apud antí-
quos, commemorávit illud
Dóminus.

ñ. Laudábilis pópulus, *
Quem Dóminus exercítuum
benedíxit dicens: Opus má-
num meárum tu es haeré-
ditas mea Israel.

ÿ. Beáta gens, cujus est
Dóminus Deus, pópulus elé-
ctus in haereditátem. Quem.

Lectio VIII.

Et sicut, inquit, Móyses ex-
altávit serpéntem in erémo,
ita exaltári opórtet Fílium
hóminis. Quis est serpens ex-
altátus? Mors Dómini in
cruce. Quia enim a serpen-
te mors, per serpéntis effi-
giem figuráta est mors. Mor-
sus serpéntum lethális, mors
Domini vitális. Auénditur

serpens, ut nihil váleat serpens. Quid est hoc? Atténditur mors, ut nihil váleat mors. Sed cujus mors? Mors vitae. Nonne vita Christus? Et tamen mórtuus est Christus. * Interim modo, fratres, ut a peccáto sanémur, Christum crucifixum intueámur, quia sicut Móyses, inquit, exalávit serpéntem in erémo, ita exaltári opórtet Fílium hóminis; ut omnis qui credit in eum, non péreat, sed hábeat vitam aetérnam. Quómodo qui intuebántur illum serpéntem, non peribant mórsibus serpéntum: sic, qui intuéntur fide mortem Christi, sanántur a mórsibus peccatórum. Sed illi sanabántur a morte ad vitam temporálem; hic áutem, ait, ut hábeant vitam aetérnam. Hoc enim interés inter figurátam imáginem, et rem ipsam: figúra praestábat vitam temporálem: res ipsa, cujus illa figúra erat, praestat vitam aetérnam.

ñ. Duo Séraphim clamábant alter ad álterum: * Sanctus, Sanctus, Sanctus Dóminus Deus Sábaoth: * Plena est omnis terra glória ejus.

ŷ. Tres sunt, qui testimónium dant in coelo, Pater, Verbum, et Spíritus Sanctus: et hi tres unum sunt. Sanctus. Glória Patri. Plena.

LECTIO IX.

Hom. Dom. occur.

AD LAUDES

ET PER HORAS.

Ant. Cantáte Dómino, quóniam magnífice fecit: annuntiáte hoc in univérſa terra.

Psal. Dóminus regnávit, cum reliquis de Laud. Dominicae.

Ant. Ecce Deus Salvátor meus, fiduciáliter agam: quia factus est mihi in salutem allelúja.

Ant. Hauriétis aquas in gáudio de fóntibus Salvatóris, et dicétis: Confitémini Dómino, et invocáte nomen ejus.

Ant. Facta est salus, et virtus, et regnum Dei nostri, et potéstas Christi ejus.

Ant. Exúlta, et láuda habitátio Sion: quia magnus in médio tui Sanctus Israel.

Capitulum

Tobiae 3.

Benedictum nomen tuum Deus Patrum nostrórum: qui cum irátus fúeris, misericórdiam fácies et in témpore tribulatiónis peccáta dimíttis his, qui invocant te.

Hymnus.

Salútis humánae Sator,
 Jesu volúptas córdium,
 Orbis redépti Cónditor,
 Et casta lux amántium.
 Qua victus ex cleméntia,
 Ut nostra ferres crímina?
 Mortem subíres innocens,
 A morte nos ut tolléres.
 Te cogat indulgéntia,
 Ut damna nostra sárcias,
 Tuíque vultus cómpotes
 Dites beáto lúmine.
 Jesu tibi sit glória,
 Qui natus es de Vírgine,
 Cum Patre, et almo Spírítu
 In sempitérna saecula.
 Amen.
 y. Dómine refúgium factus
 es nobis.
 rj. A generatióne, et pro-
 génie.

AD BENEDICTUS

Ant. Ecce Deus noster iste,
 expectávimus eum, et salvá-
 bit nos, sustinúimus eum, e-
 xultábimus, et laetábimur in
 salutári ejus, Allelúja.

ORATIO

Deus, qui Unigénitum tuum,
 mundi Redemptórem consti-
 tuísti, et per eum devicta
 morte nos misericórditer ad
 vitam reparásti: concéde, ut

haec beneficia recoléntes, tibi
 perpétua charitáte adhaeré-
 re: et ejúsdem Redemptiónis
 fructum percípere mereámur.
 Per eúmdem Dóminum.

Deinde fit commem. Domi-
 nicae occurrentis.

AD PRIMAM.

rj. br. Christe Fili.
 y. Qui redemísti mundum.

AD TERTIAM

Ant. Ecce Deus.
 Cap. Benedíctum nomen.
 rj. br. Rédime me Dómi-
 ne, * Et miserére mei. Ré-
 dime.
 y. In Ecclesiis benedícam
 te Dómine. Et miserére. Gló-
 ria Patri. Rédime.
 y. Meménto nostri Dómine
 in beneplácito pópuli tui.
 rj. Vísita nos in salutári
 tuo.

AD SEXTAM.

Ant. Hauriétis aquas.

Capitulum

1. Cor. 1.
 Ex ipso áutem vos estis in
 Christo Jesu, qui factus est
 nobis sapiéntia a Deo, et ju-
 stítia, et sanctificátio, et re-
 demptio.

ñ. *br.* Meménto nostri Dómine, * In beneplácito pópuli tui. Meménto.

ŷ. Vísita nos in salutári tuo. In beneplácito. Glória. Meménto.

ŷ. Redemísti nos Dómine in ságuine tuo.

ñ. Et fecísti nos Deo nostro regnum.

AD NONAM

Ant. Exúlta et láuda.

Capitulum

Apoc. 4.

Dignus es, Dómine Deus noster, accípere glóriam, et honórem, et virtútem: quóniam occísus es, et redemísti nos Deo in ságuine tuo, ex omni tribu, et lingua, et pópulo, et natióne, et fecísti nos Deo nostro regnum.

ñ. *br.* Notam fecísti in pópulis, * Virtútem tuam. Notam.

ŷ. Redemísti in bráchio tuo pópulum tuum. Virtútem.

Glória Patri. Notam.

ŷ. Dómine refúgium factus es nobis.

ñ. A generatióne, et progénie.

IN II. VESPERIS.

Omnia ut in primis.

AD MAGNIFICAT.

Ant. Regnum tuum, Regnum ómnium saeculórum, et dominátio tua in omni generatióne, et generatióne, allelúja.

Oratio ut supra.

Deinde fit commem. Dominicae occurrentis.

DIE III. JULII.

In Festo SANCTI IRENEI Episcopi et Martyris. Duplex.

Omni. de Comm. unius Mart. exceptis iis, quae hic propria habentur.

ORATIO.

Deus, qui beáto Irenaeo Mártiri tuo, atque Pontífici tribuísti, ut et veritáte doctrinae expugnáret haereses, et pacem Ecclesiae feliciter confirmáret; da quaesumus plebi tuae in sancta Religiónē constantiam, et pacem tuam nostris concéde temporibus. Per Dóminum.

IN I. NOCTURNO.

De Epístola secúnda
beáti Páuli Apóstoli
ad Timótheum.

Lectio I.

Cap. 2. v. 15.

Solicite cura teipsum probabilem exhibere Deo, operarium inconfusibilem, recte tractantem verbum veritatis. Profana autem, et vaniloquia devita; multum enim proficiunt ad impietatem: Et sermo eorum ut cancer serpit, ex quibus est Hymenaeus, et Philétus, qui a veritate exciderunt, dicentes: resurrectionem esse jam factam, et subvertérunt quorundam fidem. Sed firmum fundamentum Dei stat, habens signaculum hoc: cognovit Dominus, qui sunt ejus: et discédant ab iniquitate omnis, qui nōminat nomen Domini. In magna autem domo, non solum sunt vasa aurea, et argentea, sed et lignea, et fictilia: et quaedam quidem in honorem, quaedam autem in contumeliam. Si quis ergo emundáverit se ab istis, erit vas in honorem sanctificatum, et utile Domino, ad omne opus bonum paratum. Juvenilia autem desideria fuge, sectare vero justitiam, fidem, charitatem, et pacem cum iis, qui invocant Dominum de corde puro. Stultas autem, et sine disciplina quaestiones devita, sciens quia generant lites. Servum autem Domini non oportet litigare, sed man-

suétum esse ad omnes, docibilem, patientem, cum modestia corripientem eos, qui resistunt veritati, nequando Deus det illis poenitentiam ad cognoscendam veritatem, et resipiscant a diaboli laqueis, a quo captivi tenentur ad ipsius voluntatem.

n. Iste sanctus.

Lectio II.

C. 3. v. 1. et seq.

Hoc autem scito, quod in novissimis diebus instabunt tempora periculosa: erunt homines seipsos amantes, cupidissimi, elati, superbi, blasphemii, parentibus non obediētes, ingrati, scelēsti, sine affectione, sine pace, criminatores, incontinentes, immites, sine benignitate, proditores, protēvi, tumidi, et voluptatum amatores magis quam Dei: habentes speciem quidem pietatis, virtutem autem ejus abnegantes. Et hos devita. Ex his enim sunt, qui penetrant domos, et captivas ducunt mulierculas oneratas peccatis, quae ducuntur variis desideriis: semper discētes, et nunquam ad scientiam veritatis perveniētes. Quemadmodum autem Jannes et Mambres restiterunt Moysi: ita et hi resistunt veritati, homines corrupti mente, reprobi circa fidem. Sed ultra non profi-

cient; insipientia enim eorum manifesta erit omnibus, sicut et illorum fuit. Tu autem assecutus es meam doctrinam, institutionem, propositum, fidem, longanimitatem dilectionem, patientiam, persecutiones, passionem; qualia mihi facta sunt Antiochiaë, Iconii, et Lystris, quales persecutiones sustinui, et ex omnibus eripuit me Dominus. Et omnes, qui pie volunt vivere in Christo Jesu, persecutionem patientur. Mali autem homines, et seductores proficient in pejus, errantes, et in errorem mittentes.

R. Justus germinabit.

Lectio III.

Tu vero permane in iis, quae didicisti, et credita sunt tibi, sciens a quo didiceris; et quia ab infantia sacras litteras nosti, quae te possunt instruere ad salutem, per fidem, quae est in Christo Jesu. Omnis Scriptura divinitus inspirata utilis est ad docendum, ad arguendum, ad corripiendum, ad erudiendum in iustitia: ut perfectus sit homo Dei ad omne opus bonum instructus. Testificor coram Deo, et Jesu Christo, qui judicaturus est vivos, et mortuos per adventum ipsius

et regnum ejus. Praedica verbum, insta opportune, importune: argue, obsecra, increpa in omni patientia, et doctrina. Erit enim tempus, cum sanam doctrinam non sustinebunt, sed ad sua desideria coacervabunt sibi magistros prurientes auribus: et a veritate quidem auditum avertent, ad fabulas autem convertentur. Tu vero vigila, in omnibus labora, opus fac Evangelistae, ministerium tuum imple.

R. Iste cognovit.

IN II. NOCTURNO.

Lectio IV.

Irenaeus non longe ab urbe Smyrna in Asia Procursulari natus jam inde a puero sese Polycarpo Joannis Evangelistae discipulo, eidemque Episcopo Smyrnaeorum tradiderat in disciplinam. Hoc tam excellenti magistro progressus in Doctrina, praeceptisque Christianae Religionis insignes fecit. Polycarpo in coelum Martyrii gloria sublato, etsi erat Irenaeus in sacris litteris egregie versatus, quod tamen incredibili studio flagraret discendi, quae dogmata depositi loco custodienda caeteri acceperant, quos A-

póstoli institúerant; horum quam pótuit plures convénit, quaeque ab iisdem audívit, mémori mente ténuít, ea deinceps opportúne advérsus haereses allatúrus, quas quum vidéret ingénti pópuli cristiáni damno lálius in dies manáre, diligénter, copioséque reféllere cogítarat. In Gállias inde proféctus a Photíno Episcopo Présbyter est constitútus Ecclesiæ Lugdunénsis. Quod munus sic laborádo in verbo, et doctrína gessit, ut (téstibus sanctis Martyribus, qui, Marco Aurélio Imperatóre, strénue pro vera pietáte certárant) aemulátorem sese praestítérít Testaménti Christi.

n. Honéstum fecit.

Lectio V.

Cum Mártyres ipsi, Clerúsque Lugdunénsis de pace Ecclesiárum Asiae, quam Montanistárum fáctio turbárat, solíciti cum primis essent; Irenaeum, cujus esse potíssimum habéndam ratióem praedicábant, unum ómnium máxime delegérunt, quem Romam ad Eleuthérium Pontíficem mitterent rogátum, ut novis secretáriis auctoritaté Sedis Apostólicae reprobatís, discordiárum cáusa tollerétur. Jam Photínus Epí-

scopus martyr decésserat, huic Irenaeus quum successísset, tam feliciter munus óbiit Episcopátus, ut sapiéntia, oratióne, exemplóque suo non modo brevi cives Lugdunénses omnes; sed multos étiam aliárum Gálliae úrbium incolás superstitiónem, atque errórem abjecisse, dedísseque Christiánae militiae nómina viderit. Intérea, quum de die celebrándi Páschatis orta esset conténtio, ac Victor Románus Pontífex Asiános Episcopos ab collégis réliquis fere ómnibus dissidéntes aut prohibuísset communióne Sacrórum, aut prohibére minátus esset, eum Irenaeus sequéster pacis decénter mónuit, exemplisque usus Pontificum superiórú indúxit, ut ne tot Ecclesiás ob ritum, quem a majóribus accepísse sedicerent, avélli ab unitáte Cathólica paterétur.

n. Desidérium ánimae.

Lectio VI.

Multa scripsit, quae Eusébius Caesariénsis, et sanctus Hierónymus mémorant, quorúmque pars magna intercédit injúria témporum. Extant ejus advérsus haereses libri quinque anno circiter centésimo octogésimo perscripti, dum adhuc Eleuthérius

rem christíanam públicam géneret. In tértio libro vir Dei ab iis edóctus, quod auditóres constat fuisse Apostolorum, grave in primis atque praeclárum de Romána Ecclesia, deque illius Episcopórum successióne divínae traditiónis fidéli, perpétua, certíssima custóde dixit. Atque ad hanc, dixit: Ecclesiám propter potentiórem principalitátem necesse est omnem conveníre Ecclesiám, hoc est eos qui sunt úndique fidéles. Postrémo una cum áliis prope innumerabílibus, quos ipse ad veram fidem, frugémque perdúxerat, Martyrio coronátus migrávit in coelum anno salútis ducentésimo secúndo, quo témpore Septímius Sevérus Augústus eos omnes, qui constántes in colénda Christiána Religióne perstáre voluissent, in summum cruciátum dari, atque interfici imperáverat.

n. Stola jucunditátis.

IN III. NOCTURNO.

*Lectio sancti Evángelii
secúndum Joánnem.*

Lectio VII.

Cap. 5. v. 11. et seq.

In illo témpore: Dixit Jesus

Pharisaeis; Ego sum Pastor bonus. Bonus Pastor ánimam suam dat pro óvibus suis. Et réliqua.

*Homilia sancti Augustíni
Episcopi.*

Serm. 138. ad 150.

De verb. Domini.

Audívimus Dòminum Jesum commendántem nobis boni pastóris officium. In qua commendatióne admónuit nos útique, ut intélligi datur, bonos esse pastóres, et tamen ne intelligerétur perverso modo multitúdo pastórum: ego sum, inquit, pastor bonus: et unde sit pastor bonus, consequénter osténdit. Pastor, inquit, bonus ánimam suam ponit pro óvibus. Pastor ergo bonus Christus. Quid Petrus? nonne bonus pastor? Nonne et ipse ánimam suam pro óvibus pósuit? Quid Páulus? Quid caeteri Apóstoli? Quid eórum témpora consequéntes beáti Episcopi Mártýres? Nonne omnes pastóres boni?

n. Coróna áurea.

Lectio VIII.

Omnes ergo isti pastóres

boni, non solum quia sánguinem fuderunt, sed quia pro óvibus fuderunt. Non enim fuderunt elatióne, sed charitáte. Quómodo áutem habet vel exíguam charitátem, qui étiam convíctus non amat unitátem? Hanc Dóminus unitátem comméndans pastóribus bonis, nóluit multos appelláre pastóres. Neque enim, ut dixi, jam non erat pastor bonus Petrus, Páulus, Apóstoli caeteri, et posterióres sancti Epíscopi. Omnes hi pastóres boni; et tamen ille pastóribus bonis non commendávit pastóres bonos, sed pastórem bonum.

n. Hic est vere martyr.

Lectio IX.

Quid est ergo, quod pastóribus bonis commendas unum pastórem, nisi quia in uno pastóre doces unitátem? Et expónit apértius ipse Dóminus per mystérium nostrum ex ipso Evángelio commémorans charitátem vestram, et dicens (audíte quid commendávit): Ego sum Pastor bonus. Dixi quia omnes caeteri, omnes pastóres boni membra mea sunt. Unum caput, unum corpus, unus Christus. Ergo et pastor pastórum, et pastóres pastóris, et cum oves pastóribus sub pastóre. Mérito Christus in se habens omnes

pastóres bonos, unum comméndat, dicens: Ego sum, unus sum, mecum omnes in unitáte unum sunt. Qui extra me pascit, contra me pascit. Qui mecum non cólligit, spargit.

Te Deum laudámus.

DIE VII. JULII. ASS. PRAEC.

*In Festo SANCTI ROMULI
Episcopi et Martyris Duplex.*

*Omn. de Communi unius
Martyris praeter ea quae sequuntur.*

ORATIO.

Deus, mirábilis in Sanctis tuis, qui beáto Rómulo Martyri tuo, atque Pontífici, ad propagándum Evángélium, virtútem sermónis et miraculórum ubérrime contulisti; concéde propítius, ut ejus labóris fructum percipiámus in coelis, cujus solémnia celebrámus in terris. Per Dóminum nostrum.

IN I. NOCTURNO.

Lectiones de Script. curr.

IN II. NOCTURNO.

Lectio IV.

Rómulus ex illústri família

Romae ortus, a Justino Presbytero baptizatus, et a beato Petro Apostolo e sacro fonte susceptus est. In sacris deinde literis et sanctimonia ita profecit, ut ab eodem Apostolo ad Evangelii praedicationem destinaretur. Romae Carisium principem virum cum tota familia ad fidem convertit, duobus ejus filiis, altero ab obsidente daemone, altero ab incurabili morbo liberatis. Hinc beati Petri jussu Sutrium contendens, quamplurimos Christo peperit; postea ab eodem Apostolo Fesularum Episcopus consecratus, cum sociis eo mittitur: sed ut Fesulanae persecutionis vim declinaret, Brixiam perrexit: ubi uno, et Bergomi duobus mortuis excitatis, mirum quantum Gentilium conversionem miraculis ac Sanctitate promoverit.

¶. Honestum fecit.

Lectio V.

Angeli monitu cum iisdem sociis Fesulas venit, ac fidei propagationi se totum impendit, ubi innumeros miraculis et praedicatione ad ovile Christi perduxit. Ecclesias erexit, Clericos et Sacerdotes ordinavit. Ob haec Praeses Repertianus Romulum ac socios fustibus caesos Fesulis expulit.

Sed Angeli ductu portam aperiens, Fesulas cum sociis regressus, et a Vienna vidua exceptus, ejus filium morti proximum signo crucis sanitati restituit, et universam familiam baptizavit. His permotus Praeses, Romulum cum sociis ferro onustum detrusit in carcerem, ubi sequenti nocte Christus Dominus illis apparens cum immensa luce ad martyrium animavit.

¶. Desiderium.

Lectio VI.

Eos denique Jovi thus offerre recusantes, Praeses verbere affectos per urbis plateas ad supplicium capitis trahi jussit. Per viam cum parum aquae Romulus e fonte obvio postulasset, eam negante Praeside statim sanguinea fontis aqua infidelibus apparuit, non mutata apud Christianos aquae specie. Ad radicem montis Fesulis mille passibus distantem, socii abscissis capitibus, sanctissimus Episcopus membris minutim consectis agonem martyrii consummarunt. Ibidem postea templum constructum est in honorem beatorum Apostolorum Petri ac Bartholomaei, et sancti Romuli, in quo Martyrum corpora hono-

rifice cōdita sunt. Sed salutis anno millésimo vigésimo nono a Jacóbo Episcopo Fesulano in majorem Fesularum Ecclesiam translata, miraculis claruerunt.

R. Stola jucunditatis.

IN III. NOCTURNO.

Homilia in Evangelio Si quis venit ad me ut in communi unius martyris primo loco.

DIE IX. JULII.

In Festo S. VERONICAE DE JULIANIS Abbatissae Capuccinarum Tiferni. Duplex.

ORATIO.

Dómine Jesu Christe, qui beatam Verónicam Víginem Passiónis tuae signis mirabilem effecisti; concède propitius, ut carnem crucifigentes ad gaudia aeterna pervenire mereámur. Qui vivis.

IN I. NOCTURNO.

Lect. de Script. occur.

IN II. NOCTURNO.

Lectio IV.

Verónica de Juliánis ántea

Ursula dicta Mercatelli, quod oppidum est Urbaniensis Dioecesis, piis honestisque parentibus nata, ab ipsis incunabulis mira futurae sanctitatis indicia praebuit. Nam infántula, cum alias copiosum lac sugeret; tribus hebdomadae diebus paucas guttulas mane, et vespere gustabat. Vix sex menses nata die Sanctissimae Trinitati dicato e sinu matris firmis pedibus prosiliit. Adhuc tenella hominem quemdam gravibus verbis ab injustitia deterruit. Familiari Jesu pueri, beatissimaeque Virginis consuetudine fruebatur; et aliquando divinus Puer ad eam cum lacrymis orantem, ut consolaretur, descendit; quandoque etiam ab ipsa Deipara illum accepit, praenunciato ejusdem cum Jesu spirituáli sponsalítio, adjuncta arrha, bello scilicet, quod ipsi sustinendum fuit ab hominibus, atque inférnis hostibus. Ad hoc Verónica, cum nondum pueritiam excessisset, sese accinxit humilitate summa, parique obedientia, et vehementi Christum Dóminum pro nobis passum et crucifixum imitandi desiderio. Ut autem id ubérius consequeretur, ad sanctimoniáles Capuccinas Tifernates, quae primaeвам sanctae Clarae ré-

gulam profitentur, superatis domesticis, externisque obstaculis, confugit.

℟. Propter.

Lectio V.

Ab ipso tyrocínio perfectum aliquid, et consummatum jam attigisse videbatur. Sustinuit invicto pectore a daemone excitatas adversitates. Uberrimus interea gratiae suae donis victricem sponsam locupletabat Jesus. Sacris Stigmatibus eam fuisse signatam, itemque corona spinarum alte confixarum, et Passionis insignibus in Corde decoratam, ac jugibus pene ecstasibus recreatam, multiplici testimonio traditum est. Haec omnia amplam molestiarum segetem Verónica pepererunt: non enim defuere qui id omne malis artibus tribuerent, eamque dicerent poena omni, infamique supplicio dignissimam. Ferébat haec alacriter fortissima Virgo: optabat etiam ut crudelióra quotidie in se congregerentur pro Sponso suo Cruci affixo sustinenda. Tráditur in tenebrosam cárcerem; subjicitur infimae ex sororibus, cui edicitur, ut eam acerbè tractet: neque vitam amat, nisi summis exagitata tribulationibus; etsi quan-

dóque desértam se ab Sponso, ac véluti derelictam conquereretur: quod erat ei tormentum ómnium amarissimum.

℟. Dilexisti.

Lectio VI.

Quam Deo vóverat moderatoribus conscientiae suae obedientiam, mirabili prorsus perfectione coluit. Diuturnissima jejúnia ex obedientia transégit: neque vero extremum emisit spíritum diu cum morte luctans, nisi cum esset jussa mori: quippe sciébat, obedientia nullum Sponso suo esse grátius sacrificium. Triginta tribus annis, quibus praesidis obíre partes coacta est, traditas ejus curae soróres ad omnem sanctitatem suo praecipue exémplo provéxit. Ut patiéndi votis fieret satis, apoplexiae, quae corrépta fuit, accessére morbi prope omnes, qui acerbíssimi judicántur. Sustinuit ómnia costánti ánimo triginta tres dies, donec in sponsi Jesu amplexus evolávit die nona Júlij anno salutis millésimo septingentésimo vigésimo séptimo, religiósae vitae quinquagésimo. Heróicam dénique virtutum cúmulo, ac miraculis illustrem Pius Séptimus Póntifex Máximus Beátam nuncu-

pávit, Gregórius vero Papa
Décimus Sextus solémni ritu
Domínica Sanctíssimae Trini-
tátis, annomillésimo octingen-
tésimo trigésimo nono sanctá-
rum Vírginum Collégio adscrip-
sit.

nj. Afferéntur.

IN III. NOCTURNO.

LL. de Comm. 1. loc.

DIE XI. JULII.

*In Festo B. ANGELI AUGU-
STINI MAZZINGHI Conf. Ordí-
nis B. Mariae V. de Monte
Carmelo. Duplex.*

*Omnia de Communi Conf.
non Pont. praeter ea, quae se-
quuntur. Ad Vesper.*

Hymnus

Beáti honóres Angeli
Anni redúcit órbita,
Laetátur Arnus, géstiunt
Nívosa Carméli juga.

Arno decus natálibus,
Vítæque gestis áddidit,
Et morte, quam Virgo Parens
Civi novo praedíxerat.

At éditus Carméli apex
Palmas eidem détulit,
Cum prístinos mores suo
Vindex redúxit Ordini.

Crebris item sermónibus

Juvit facúndus éxteros,
Visus loquens e lábiis
Rosas, ligústra fúndere.

Quot léniit iras! quanta
heris

Subláta furto réddere
Suásit! quot almae Vírgini
Dignos parávit sérvulos!

Deo Patri sit glória,
Ejúsque soli Fílio
Cum Spíritu Paráclito
Et nunc, et in perpétuum.
Amen.

ORATIO

Deus, qui nos ánnua beáti
Angeli Confessóris tui solem-
nitáte laetíficas, praesta, ut
quem religiósae vítae asser-
tórem habúimus in terris, pa-
trónum habére mereámur glo-
riósum in coelis. Per Dómi-
num.

AD MATUTINUM

*Hymn. Iste Conféssor, et
dicit méruit suprémos.*

IN I. NOCTURNO.

Lect. de Ser. occ.

IN II. NOCTURNO.

Lectio IV.

Angelus ex illústri Mazzin-

ghiórum familia Floréntiae natus, puerítiam, atque adollescéntiam inter stúdia liberalium ártium, quae innocéntiam tueréntur, pietátem fovérent, caste integréque tradúxit. Inspiránte mox Deípara Vírgine, sacro Carmelitárum Institúto, honórum, qui ostendebántur, haud dúbia rejeóta spe, nomen dedit; ut in eo peculiári divínae Matris obséquio se mancipáret, aliósque multos ad ejúsdem cultum tradúceret. Solémni emissá professione, severiórís observántiae stúdio, ad Silvárum Convéntum, cui se primum addíxerat, convolávit, ibíque novo ánimí fervóre concépto, satis osténdit, quam insígne sui Ordinis praesídium, ac decus futúrus esset.

R. Honéstum.

Lectio V.

Sacerdotio initiátus, exímia rerum divinárum sciéntia, et pietáte in Deum, ac Deíparam singulári, ita ómnibus se probávit, ut non semel dignus hábitus sit, qui suórum regímini admoverétur. Quod quidem munus tam sédulo explévit, ut in se primum éxhibens, quae áliis jubéret, nihil eórum praetermiserit, quae ad corrigéndos et formándos

subditórum mores exáctior disciplína requirere viderétur: magni proptérea consílii vir, et vitae sanctíssimae haud immérito nuncupátus. Jejúniis corpus atténuens quo alacrior Deo spíritus vacáre posset, noctem ánimí magis, quam córporis quiéti tribuens, divínis rebus contemplándis, piisque fundéndis précibus insumébat.

R. Amávit.

Lectio VI.

Neque vero sibi uni vacáre, sed áliis étiam prodésse máxime stúduit. Cum enim excellenti doctrína, atque eloquéntia praeditus ad proximórum salútem, quam ardénter sitiébat, utrámque conférret; fácele intélligi potest, quam multos suis conciónibus a lata perditiónis via ad arctiórém Evangélicae perfectiónis sémitam revocáret. Extat adhuc perantíqua ejus effigies, quae rosas illum, ac lília ex ore fundéntem éxhibet, ut id ad suávem viri facúndiam designándam reférri non témere vidéri possit. Demum tot piis labóribus perfúnetus, ac méritis cumulátus, a Beatíssima Vírgine, quam praecípua semper honóre, et crebro illíus láudum praecónio colúerat, praenun-

ciata mortis die, inter Angelorum manus ad sempiternas beatorum sedes migravit anno salutis millésimo quadringentésimo trigésimo octávo. Ejus memoria jam inde in honore esse coepit, et miraculis confirmata ad hanc usque diem perennat, Floréntiae praesertim, ubi sacrum Beati corpus in majóri Carméli Templo religiosissime colitur. Cultum vero immemorabilem a Fidelibus praestitum Clemens Tertiusdecimus Apostólica auctoritate approbavit.

n. Iste homo.

IN III. NOCTURNO.

Homilia in Evang. Sint Iumbi de Comm. Conf. non Pont. 1. loc. 9. l. S. Pii Pap. et m.

DIE XII. JULII.

In Festo S. JOANNIS GUALBERTI ABB. C. FLOR. Duplex 2. cl.

Omni. ut in Brev. sed II. 1. n. Beatus vir, de 2. loc. et in Laud. tant. fit com. SS. Naboris etc. mm.

DIE XVI. JULII.

In Festo B. M. V. DE

MONTE CARMELO. Duplex majus.

AD VESPERAS.

Ant. Dum esset Rex etc. cum reliquis de Laudibus ex Off. S. M. ad Nives.

Psalm. Dixit Dominus. cum reliquis, ut in Officio parvo B. M. V.

Capitulum

Eccl. 24.
Ab initio, et ante saecula creata sum, et usque ad futurum saeculum non desinam, et in habitatione sancta coram ipso ministravi.

Hymnus. Ave maris Stella. y. Dignare me laudare te, Virgo sacrata.

n. Da mihi virtutem contra hostes tuos.

AD MAGNIFICAT.

Ant. Sancta Maria, succurre miseris, juva pusillanimes refove debiles, ora pro populo interveni pro clero, intercede pro devoto foemineo sexu: sentiant omnes tuum juvamen, quicumque celebrant tuam solemnem Commemorationem.

Oratio ut in Laudibus.

Deinde fit commem. S. Henrici, ut in Breviario.

In fine Hymnorum Complet.

et Horarum dicatur : Jesu, tibi sit glória, qui natus es de Vírgine.

AD MATUTINUM

Invitat. Sancta María Dei Génitrix Virgo, * Intercéde pro nobis.

Psalm. Venite, exultémus.
Hymnus. Quem terra.

Ant. et Psalmi trium Nocturnorum, ut in Officio parvo B. M. V.

IN I. NOCTURNO.

Legunt. Lectiones de Parabolis Salomonis: Ego Sapiéntia hábito, cum Resp. ut in Festo S. Mariae ad Nives.

IN II. NOCTURNO.

†. Adjuvabit eam Deus vultu suo.

℞. Deus in médio ejus, non commovébitur.

Lectio IV.

Cum sacra Pentecóstes die Apóstoli coelitus afflíti, et invocáto augustíssimo Jesu nómine, mira multa patrarent, viri plúrimi (ut fertur) qui vestígiis sanctórum Prophetárum Elíae, ac Elisaei institerant, et Joánnis Baptístae praecónio ad Christi ad-

véntum comparáti fúerant, rerum veritáte perspécta, atque probáta, Evangélicam fidem conféstim amplexáti sunt, ac peculiári quodam afféctu, beatíssimam Vírginem (cujus collóquiis, ac familiaritáte feliciter frui potuére) ádeo venerári coepérunt, ut primi ómnium in eo montis Carméli loco ubi Elías olim ascendéntem nébulam, Vírginis typo insígnem, conspéxerat, eidem puríssimae Vírgini Sacéllum constrúxerint.

℞. Sicut cedrus exaltáta sum in Líbano, et sicut cypréssus in monte Sion: quasi myrrha elécta, * Dedi suavitátem odóris.

†. Et sicut cinnamómum, et bálsamum aromatízans. Dedi.

Lectio V.

Ad novum ergo Sacéllum saepe quotidie conveniéntes, rítibus piis, precatiónibus, ac láudibus, beatíssimam Vírginem, velut singulárem Ordinis tutelam colébant. Quamóbrem Fratres Beátae Mariae de Monte Carmélo passim ab ómnibus appellári coepérunt; eúmque título Summi Pontífices non modo confirmá- runt, sed et Indulgéntias peculiáres iis, qui eo título vel Ordinem, vel Fratres singu-

los nuncuparent, concessere. Nec vero nomenclaturam tantum magnificentissima Virgo tribuit et tutelam; verum et insigne sacri Scapuláris, quod beáto Simóni Anglico prae-buit, ut coelésti hac veste Ordo ille sacer dignosceretur, et a malis ingruéntibus protegeretur. Ac demum cum olim in Európa Ordo esset ignótus: et ob id apud Honórium Tértium non páuci pro illius extinctióne instánt, ástitit Honório noctu piíssima Virgo María, planéque, jussit, ut institútum, et hómines benigne complecteretur.

¶. Quae est ista, quae processit sicut Sol, et formósa tamquam Jerúsalem? Vidérunt eam filiae Sion, et beátam dixerunt, et reginae laudavérunt eam.

¶. Et sicut dies verni circumdabant eam flores rosárum, et lília convállium. Vidérunt.

Lectio VI.

Non in hoc tantum saeculo Ordinem sibi tam accéptum multis praerogativis beatíssima Virgo insignívit: verum et in álío (cum ubique et poténtia et misericórdia plúrimum váleat) filios in Scapuláris societátem relátos,

qui abstinentiam módicam, precésque páucas eis prae-scriptas frequentárunť, ac pro sui status ratióne castitátem coluérunt, matérno plane af-fectu, dum igne Purgatórii expiántur, solári, ac in coeléstem pátriam obténtu suo quantócyus pie crédito efférre. Tot ergo tantisque beneficiis Ordo cumulátus, solémnem beatíssimae Vírginis commemoratiónem ritu perpétuo ad ejúsdem Vírginis glóriam quotánnis celebrándam instituit.

¶. Ornátam monílibus filiam Jerúsalem Dóminus concupívit: * Et vidéntes eam filiae Sion, beatíssimam prae-dicavérunt, dicéntes. * Unguéntum effúsum nomen tuum.

¶. Ástitit Regína a dextris tuis in vestítu deauráto circumdata varietáte. Et. Glória Patri. Unguéntum.

IN III. NOCTURNO.

¶. Elégit eam Deus, et prae-elégit eam.

¶. In tabernáculo suo habitáre facit eam.

Homil. Ven. Bedae Presbyt. in Evang. Loquente. Jesu, cum reliquis, ut in Festo S. Mariae ad Nives 5. Aug. In vii. ¶. ubi dicit. Tuam sanctam Festivitatem dic. Tuam solémnem Commemoratiónem.

*Ad Laudes omnia sumuntur
ex Officio S. Mariae ad Nives,
praeter sequentia.*

AD BENEDICIUS

Ant. Caput tuum, ut Carmélus, et comae cápitis tui, sicut púrpura regis vincta carnálibus, Allelúja.

ORATIO.

Deus, qui beatíssimae semper Vírginis, et Genitrícis tuae Mariae singulári título Carméli Ordinem decorásti: concede propítius; ut cujus hódie Commemorationem solémni celebrámus officio, ejus muníti praesídiis, ad gáudia sempitérna perveníre mereámur. Qui vivis etc.

Ad Horas, Ant. Capit in n. brev. dicunt, ut in Officio S. Mariae in Sabbato.

IN II. VESPERIS.

Omnia ut in primis, praeter Antiphonam ad Magnificat, quae dicitur ut infra.

AD MAGNIFICAT.

Ant. Glória Líbani data est ei, decor Carméli, et Saron, Allelúja.

DIE XVIII. JULII.

In Festo S. CAMILLI DE LELLIS Conf. Duplex.

Omnia de Communi Conf. non Pont. exceptis iis quae sequuntur.

In hymn. Méruit suprémos.

ORATIO.

Deus, qui Sanctum Camillum, ad animárum in extremo agóne luctántium subsidiúm, singulári charitátis praerogátiva decorásti: ejus quaesumus méritis, Spíritum nobis tuae dilectiónis infunde; ut in hora éxitus nostri hostem víncere, et ad coeléstem mereámur corónam perveníre. Per Dóminum nostrum Jesum Christum Fílium tuum, qui tecum vivit, et regnat in unitáte ejúsdem Spíritus Sancti Deus etc.

IN I. NOCTURNO.

Lect. de Script. occur.

IN II. NOCTURNO.

Lectio IV.

Camillus Bucclánici Theatínae Dioecésis Oppido ex nobili Lelliórum familia natus est matre sexagenária, cui

grávidae visum est per quié-
tem puérulum crucis signo in
pectore munitum, et ágmini
puerórum, idem signum ge-
stántium, praeecúntem se pe-
perísse. Adoléscentem rem mili-
tárem sequútus, saeculi vitiis
aliquándiu indúlsit; donec vi-
gésimum quintum agens ae-
tátis annum, tanto supérnae
grátiae lúmine, divinaeque
offénsae dolore corréptus fuit;
ut ubérriimo lacrymárum im-
bre illico perfúsus, anteaetae
vitae sordes indesinénter ab-
stérgeré, novúmque indúere
hómínem firmiter decreverit.
Quare ipso, quo id cóntigit, Pu-
rificatiónis Beatíssimae Virgi-
nis festo die, ad Fratres Minó-
res, quos Capuccínos vocant,
cónvolans, ut eórum número
adscriberétur summis préci-
bus exorávit. Voti cómpos se-
mel, atque íterum factus est;
sed foedo úlcere, quo aliquán-
do laboráverat, in ejus tibia
iteráto recrudescénte, divínae
Providéntiae majóra de eo
disponéntis consilio humíli-
ter se subjécit, suíque victor,
illius Religiónis, bis expetít-
um, et suscep-tum hábitum
bis dimísit.

N. Honéstum fecit illum.

Lectio V.

Romam proféctus, in Noso-

comíum, quod insanábílíum
dícitur, recéptus est; cujus
étiam administratiónem, ob
perspéctas ejus virtútes sibi
demandátam, summa integri-
táte, ac sollicitúdine vere pa-
térna perégit. Omnium ae-
grórum servum se réputans,
eórum stérnere léctulos, sor-
des térgere, ulcéribus medéri,
agoníque extrémó piis préci-
bus et cohortatióibus opem
ferre solémne hábuit; quibus
in munéríbus praeclára prae-
buit admirábilis patiéntiae,
invíctae fortitúdinis, et he-
róicae charitátis exémp-la. Ve-
rum cum animárum iu ex-
trémis periclitántium, quod
únice intendébat, levámini
subsídium litterárum plúri-
mum conférre intelligeret,
trigínta duos annos natus, in
primis grammáticae elemén-
tis tyrocínium inter púeros
íterum subíre non erúbuit.
Sacerdótio póstea rite initiá-
tus, nonnúllis sibi adjúctis
sóciis, prima jecit Congrega-
tiónis Clericórum Regulárium
Infirmis ministrántium fun-
daménta írrito conátu obni-
tén-te húmáni géneris hoste.
Nam Camíllus coeléstí voce,
e Christi crucifixi, manus é-
tiam de ligno avúlsas admi-
rándo prodígio protendéntis
Simulácro emíssa, mirábíliter
confirmátus, Ordinem suum
a Sede Apostólica approbári

obstinuit; Sodálibus quarto obstrictis máxime árduo voto, infirmis, quos étiam pestis infecérit, ministrándi. Quod Institutum quam foret Deo accéptum, et animárum salúti proficuum, sanctus Philippus Nérius, qui Camillo a sacris Confessiõibus erat, comprobávit; dum ejus alúmnis decedéntium agóni opem feréntibus Angelos suggeréntes verba saepius se vidisse testátus est.

n. Amávit eum.

Lectio VI.

Aretióribus hisce vínculis aegrotántium ministério mancipátus, mirum est, quae alacritáte, nullis fractus laboribus, nullis detérritus vitae perículis, diu noctúque ad supréum usque spíritum eórum cómmotis vigiláverit. Omnibus ómnia factus, vilíssima quaeque officia demissíssimo obséquio, flexisque plerúmque génibus, véluti Christum ipsum cérneret in infirmis, hílari promptoque ánimo arripiébat; utque ómnium indigéntiis praesto esset, generálem Ordinis Praefectúram, coelíque delicias, quibus in contemplatióne defixus affluébat, sponte dimí-

sit. Patérnus vero illius erga míseros amor tum máxime effúlsit, cum et Urbs contagiósó morbo primum, deinde extrémá annónae laboráret inópia, et Nolae in Campánia dira pestis grassaréetur. Tanta dénique in Deum et próximum charitáte exársit, ut Angelus nuncupári, et Angelórum opem in vário itinerum discrímine experíri promererétur. Prophetíae dono, et grátia sanitátum praeditus, arcána quoque córdium inspéxit, ejúsque précibus nunc cibária multiplicáta sunt; nunc aqua in vinum convérsa. Tandem vigiliis, jejúniis, et assíduis attrítus laboribus, cum pelle tantum et óssibus constáre viderétur, quinque moléstis aequae ac diútinis morbis, quos misericórdias Dómini appellábat, fórtiter tolerátis, Sacraméntis múnitus, Romae inter suavíssima Jesu et Mariæ nómína, ad ea verba: Mitis, atque festívus Christi Jesu tibi aspéctus appáreat, quae praedíxerat hora obdormívit in Dómino pridie Idus Júlii, anno salutis millésimo sexcentésimo décimo quarto, aetátis suae sexagésimo quinto. Quem plúribus illústrem miráculis Benedíctus decimus quartus solémni ritu Sanctórum fastis adscrípsit.

n. Iste homo.

IN III. NOCTURNO.

Lectio sancti Evangelii
secundum Joannem.

Lectio VII.

Cap. 15. d.

In illo tempore: dixit Jesus
Discipulis suis: Hoc est prae-
ceptum meum, ut diligatis
invicem sicut dilexi vos. Et
reliqua.

Homilia sancti Augustini
Episcopi.

Tract. 83. in Joan. Ev.

Quid putamus, Fratres
mei? numquidnam solum e-
jus de ista dilectione manda-
tum est, qua diligimus invi-
cem? Nonne est et aliud
majus, ut diligamus Deum?
Aut vero de sola Deus nobis
dilectione mandavit ut alia
non requiramus? Tria certe
commendat Apostolus, dicens:
Manent autem Fides, Spes,
Charitas, tria haec, major
autem horum Charitas. Et si
in Charitate, hoc est in di-
lectione concluduntur duo illa
praecepta major tamen dicta
est esse, non sola. De Fide
igitur nobis, quam multa
mandata sunt! quam multa

de Spe! Quis potest cuncta
colligere, quis enumerando
sufficere? Sed intueamur, quod
ait idem Apostolus: Plenitudo
legis Charitas.

¶. Iste est.

Lectio VIII.

Ubi ergo Charitas est, quid
est, quod possit deesse? Ubi
autem non est, quid est, quod
possit prodesse? Daemon cre-
dit, nec diligit; nemo diligit,
qui non credit. Frustra qui-
dem, sed tamen potest sperare
veniam qui non diligit; nemo
autem potest desperare, qui
diligit. Itaque ubi dilectio est,
ibi necessario Fides, et Spes,
et ubi dilectio proximi, ibi ne-
cessario etiam dilectio Dei.
Qui enim non diligit Deum
quomodo diligit proximum
tamquam se ipsum, quando-
quidem non diligit et se ipsum?
Est quippe, impius, et iniquus.
Qui autem diligit iniquitatem,
non plane diligit, sed odit a-
nimam suam.

¶. Sint lumbi.

IX. Lectio dic. de SS. Sym-
phorosa etc. mm. ut in Brev.

Quando autem transfertur
9. lectio erit sequens.

Lectio IX.

Hoc ergo praeceptum Domi-

ni teneamus, ut nos invicem diligamus; et quidquid aliud praecepit, faciamus: quoniam quidquid est aliud, hic habemus. Discernitur quippe ista dilectio ab illa dilectione, quae se invicem diligunt homines; nam ut discerneretur adiunctum est: Sicut dilexi vos. Ut quid enim diligit nos Christus, nisi ut regnare possimus cum Christo? Ad hoc ergo et nos invicem diligamus, ut dilectionem nostram discernamus a caeteris, qui non ad hoc se invicem diligunt, quia nec diligunt. Qui autem se propter habendum Deum diligunt, ipsi se diligunt; ergo ut se diligant, Deum diligunt. Non est haec dilectio in omnibus hominibus: pauci se propterea diligunt, ut sit Deus omnia in omnibus.

Te Deum.

DIE XIX. JULII

In Festo. S. VINCENTII A PAULO Conf.. Duplex.

Omnia de Communi Conf. non Pontif. praeter sequentia.

In hymn. Méruit supremos.

ORATIO.

Deus, qui ad evangelizandum pauperibus, et Ecclesiastici Ordinis decorem promo-

vendum beatum Vincéntium Apostólica virtute roborasti: praesta quaesumus, ut cujus pia mérita venerámur, virtutum quoque instruímur exemplis. Per Dóminum.

IN I. NOCTURNO.

Lect. de Scrip. occ.

IN II. NOCTURNO.

Lectio IV.

Vincéntius a Páulo nátióne Gallus, Pódii non procul ab Aquis Tarbéllis in Aquitánia natus, jam tum a púero eximiam in páuperes charitátem prae se tulit. A custódia patérni gregis ad líteras evocátus, humanas Aquis, divinas cum Tolósae, tum Caesaraugústae didicit. Sacerdótio initiátus, ac Theologíae láurea insignítus, in Turcas incidit, qui captívum in Africam adduxérunt, sed in captivitáte pósitus herum ipsum Christo rursus lucrifécit. Cum eo igitur ex bárbaris oris, opitulánte Deípara, sese prorípiens, ad Apostólica límina iter instítuit, unde in Gálliam réversus Clippiáci primum, mox Castelliónis Paroecias sanctissime rexit. Renunciátus a Rege primárius Sacrórum minister in Gálliae trirémibus, mi-

rum quo zelo et ducum, et rémigum salúti óperam posúerit. Moniálibus Visitatiónis a sancto Francíscó Salésio praepósitus, tanta prudéntia per annos circiter quadraginta eam curam sustinuit, ut máxime comprobáverit iudícium sanctíssimi Praesulis, qui Sacerdótem Vincéntio digniorem nullum se nosse fatebátur.

¶ Honéstum fecit.

Lectio V.

Evangelizándis paupéribus, praesértim rurícolis, ad decrepítam usque aetátem indefessus incúbuit, eíque Apostólico óperi tum se, tum Alúmnos Congregatiónis, quam sub nómine Presbyterórum saeculárium Missiόνis instituit, perpétuo voto, a Sancta Sede confirmáto, speciátim obstrínxit. Quantum áutem augéndae Cleri disciplínae alaboráverit, testántur erecta majórum Clericórum Seminária, Collatiónum de divinis inter Sacerdótes frequentia, et sacrae Ordinatióni praemitténda Exercitia, ad quae, sicut et ad pios laicórum secéssus, Institúti sui domicília libénter patére vóluit. Insuper ad amplificándam fidem, et pietátem, Evangélicos misit operários, non in solas

Gálliae províncias, sed et in Itáliam, Polóniam, Scótiám, Hybérniám, atque ad Bárbaros, et Indos. Ipse vero vita functo Ludovíco Décimotértio, cui moriénti hortátor adstitit, a Regina Anna Austriaca matre Ludovíci Decimiquárti in sánctius Consílium accitus, studiosíssime egit, ut nonnisi digniores Ecclésiis, ac Monastériis praeficeréntur; civiles discórdiae, singulária certámipa, serpéntes erróres, quos simul sensit, et exhóruit, amputaréntur, débítaque iudiciis Apostólicis obediéntia praestaretúr ab ómnibus.

¶ Amávit eum.

Lectio VI.

Nullum fuit calamitátis genus, cui patérne non occurrerit. Fidèles sub Turcárum iugo geméntes, infántes expósitos, júvenes dyscolos, vírgines periclitántes, moniáles dispérsas, mulieres lapsas, ad trirémes damnátos, peregrínos infirmos, artifices inválidos, ipsósque mente captos, ac innúmeros mendícos subsídiis, et hospítiis etiámnun superstítibus excépit, ac pie fovit. Lotharíngiam, Campániam, Picardiám, aliásque regiones peste, fame, bellóque vastátas, prolíxe refécit. Plúrima ad perquiréndos, et su-

blevándos míseros Sodalítia fundávit; inter quae célebris Matronárum coetus, et late diffúsa sub nómine Charitátis Puellárum Societas; Puéllas quoque, tum de Cruce, tum de Providéntia, ac Sanctae Genovéfae ad sequióris sexus educatióem erigéndas curávit. Haec inter, et ália gravíssima negótia Deo júgiter inténtus, cunctis affábilis ac sibi semper constans, simplex, rectus, húmilis, ab honóribus, divítiis, ac delíciis semper abhórruit, audíus dícere rem nullam sibi placére, praetérquam in Christo Jesu; quem in ómnibus studébat imitári. Córporis demum afflictatióne, labóribus, senióque attrítus, die vigésima séptima Septémbris anno salutis supra millésimum sexcentésimo sexagésimo, aetátis suae octogésimo quinto, Parisiis in domo sancti Lázari, quae caput est Congregatiónis Missiós, plácide obdormívit; quem virtútibus, méritis, ac miráculis clarum Clemens Duodécimus inter Sanctos rétulit, ipsíus celebritáti die décima nona mensis Júlíi quotánnis assignáta.

n. Iste homo.

IN III. NOCTURNO.

Homilia S. Gregorii Papae

in Evangel. Designávit Dóminus, ut in Comm. Evang.

DIE XX. JULII.

In Festo S. HIERONYMI ÆMILIANI Conf. Duplex.

Omnia de Communi Conf. non Pontif. praeter sequentia.

In hymn. Iste Confessor. dicitur. Méruit suprémos.

ORATIO

Deus misericordiárum Pater: per mérita, et intercessiόnem beáti Hierónymi, quem Orphanis adjutórem, et patrem esse voluísti; concéde, ut spíritum adoptiόnis, quo filii tui nominámur, et sumus, fidéliter custodiámus. Per Dóminum.

Deinde fit com. praec. et S. Margaritae v. m. ut in Brev.

IN I. NOCTURNO.

Lect. de Scrip. occ.

IN II. NOCTURNO.

Lectio IV.

Hierónymus e gente Patrícia Æmiliána Venétiis ortus, a prima adolescéntia militíae addíctus, difficíllimis Reipúblicae tempóribus, Castro novo ad Quarum in móntibus Tarvisínis praeficitur. Arce

ab hóstibus capta, ipse in térrimum cárcerem detrúditur, mánibus ac pédibus vinctus, cui, omni humána ope destitúto, Beatíssima Virgo, ejus précibus exoráta, clemens adest, víncula solvit, et per médios hostes, qui vias omnes obséderant, in Tarvísii conspéctum incólumem ducit. Urbem ingrédus ad Deíparae aram, cui se vóverat, mánicas, cómpedes, caténas, quas secum detúlerat, in accépti beneficii testimónium suspéndit. Revérsus Venétias coepit pietátis stúdia impénsius cólere, in páuperes mire effúsus, sed puerórum praesértim misértus, qui paréntibus orbáti, egéni, et sórdidi per urbem vagabántur, quos in aedes a se condúctas recépít de suo aléndon, et Christiánis móribus imbuéndon.

n). Honéstum fecit.

Lectio V.

Per eos dies Venétias apúlerant beátus Cajetanús, et Petrus Caráfa póstmodum Páulus Quartus, qui Hierónymi spíritu, novóque institúto colligéndi órphanos probáto, illum in Incurabílium Hospitále deduxérunt, in quo órphanos simul educáret, atque

aegrótis pari charitaté inservíret. Mox eorúmdem hortátu in próxíam continéntem proféctus, Bríxiae primum, deínde Bérghomi, atque Novocómi Orphanotróphia eréxit, Bérghomi praesértim, ubi praeter duo, pro púeris unum, et pro puéllis áterum domum excipiéndis, novo in illis regiónibus exémplo muliéribus a turpi vita ad poeniténtiam convérsis, apéruiť. Somáschae demum subsístens in húmili pago Agri Bergoménsis ad Vénetae ditiónis fines, sibi, ac suis ibi sedem constituit, formámque indúxit Congregatiónis, cui própterea, a Somáscha, nomen factum, quam subínde áuctam, et propagátam, nedum Orphanórum regímini, et Ecclesiárum cúlťui, sed ad majórem Christiánae Reipúblicae utilitátem adolescentium in litteris, et bonis móribus institutióni, in Collégis, Academiis, Semináriis addictam, sanctus Pius Quintus inter Religiósos Ordines adscrípsit, caeteríque Pontífices privilégíis ornárunť.

n). Amávit eum.

Lectio VI.

Orphanis colligéndis inténťus, Mediolánum proficíscí-

tur, atque Ticinum, et utrobique collectis agminibus puerorum, tectum, victum, vestem, magistros, nobilibus viris faventibus, provide constituit. Inde Somascham rediit, omnibus omnia factus a nullo abhorrebat opere, quod in proximi bonum cedere pervideret. Agriculis immixtus per agros sparsis dum se illis adiutorem in metendis frugibus praeberet, mysteria fidei explicabat, puerorum capita porrigine foeda abstergens, et patienter tractans curabat, putridis rusticorum vulneribus medebatur, eo successu, ut gratia curatorum donatus censeretur. In monte, qui Somaschae imminet reperta specu, in illam se abdedit, ubi se flagellis cadens, dies integros jejunos transiens, oratione in plurimam noctem protracta, super nudo saxo brevem somnum carpens sui aliorumque noxarum poenas luēbat. In hujus specus interiori recessu, ex arido silice extillat aqua, precibus servi Dei, ut constans traditio est, impetrata, quae usque in hodiernam diem jugiter manans, et in varias regiones delata, aegris sanitatem plerumque conciliat. Tandem ex contagione, quae per omnem vallem serpēbat, dum aegrotantibus inservit, et vita functos

propriis humeris ad sepulturam defert, contracto morbo, annos natus sex et quinquaginta, quam paulo ante praedixerat, pretiosam mortem obiit anno millesimo quingentesimo trigésimo séptimo: quem pluribus in vita, et post mortem miraculis illustrem Benedictus Decimusquartus Beatorum, Clemens vero Decimustertius Sanctorum fastis sollemniter adscripsit.

¶ Iste homo.

IN III. NOCTURNO.

Lectio sancti Evangelii
secundum Matthaeum.

Lectio VII.

Cap. 19. v. 13.

In illo tempore: oblati sunt Jesu parvuli, ut manus eis imponeret, et oraret. Et reliqua.

Homilia sancti Joannis
Chrysostomi.

Homilia 62. in Matth.

Cur Discipuli pueros abigebant? Dignitatis causa. Quid ergo ille? Ut doceat illos modeste sapere, fastumque mundanum conculcare, et suscipit, et ulnis complectitur, ta-

libusque regnum coelorum pollicetur, id quod etiam dixit superius. Et nos igitur si volumus haerere esse coelorum hanc virtutem cum diligentia magna sectemur. Hoc est enim Philosophiae culmen, simplicem esse cum prudentia. Haec vita est angelica. Anima enim pueruli omnibus animi morbis vacua est; non memoriam retinet injuriarum, sed eas inferentes adit, ut amicos, ac si nihil factum esset. Et quamvis a matre verbis caedatur, eam semper quaerit, et omnibus antepōnit.

¶. Iste est qui.

Lectio VIII.

Si Reginam ipsi ostēdas diadēmate ornātam non praefert eam matri pannis detritis vestitae, mallēque illam incultam vidēre, quam Reginam mirifice amictam. Nam quod suum, quod aliēnum est, non ex paupertate, vel divitiis, sed ex amore extimare solet; et nihil plus requirit, quam necessaria, atque ut lacte replētus est, statim a mamma abscēdit. Non eisdem, quibus nos, aerūmnis prēmītur, nec pecuniarum jactura, rebusque similibus, nec eisdem, quibus nos, flu-

xis rebus laetatur, neque corporum pulchritudinem miratur. Ideo dicebat, talium est enim regnum coelorum, ut ex proposito voluntatis illa operemur, quae natura sua pueri faciunt.

¶. Sint lumbi vestri.

Lectio IX.

Quia enim Pharisei non aliunde, quam a nequitia, et arrogantia ad agendum ferebantur, ideo ubique Discipulos suos simplices esse jubet, illosque subindicat, dum hos instituit. Nihil enim ita superbiam parit, ut principatus, et primi consessus. Quoniam igitur Discipuli per totum terrarum orbem multum honoris consecuturi erant, ipsorum animos praevenit, nec sinit eos humanum quid pati, nec honorem a vulgo expetere, vel ante alios sese efferre. Nam etiamsi haec parva videntur esse, at malis ingentibus causam praebent. Sic enim instituti Pharisei in malorum culmen ascendunt; salutaciones, primos consessus, et medios requirētes, hic in ardentem gloriae cupiditatem, inde vero in impietatem lapsi sunt.

Te Deum.

In Laudib. fit com. S. Margar. v. m.

DIE XXI. JULII

ASS. EX PRAECED.

In Festo S. ELIAE PROPHE-
TAE Duplex.

AD VESPERAS.

Ant. Zelo zelátus sum pro
Dómino Deo exercítuum, quia
dereliquerunt pactum tuum
filii Israel.

*Psalm. de Domin. loc. ul-
timi* Láuda Jerúsalem Dómi-
num *ut in Sabb.*

Ant. Usquequo claudicátis
in duas partes? Si Dóminus
est Deus, sequimini eum.

Ant. Si homo Dei sum, de-
scéndat ignis de coelo, et dévo-
ret te, et quinquaginta tuos.

Ant. Non ego turbávi I-
srael, sed tu, et domus patris
tui, qui dereliquísti mandáta
Dómini.

Ant. Occidísti insuper, et
possedísti: Ecce ego indúcam
super te malum, et démetam
posterióra tua.

Capitulum

Surréxit Elías Prophéta *Eccl. 48.*
quasi ignis, et verbum ipsius
quasi fácula ardébat. Qui in-
dúxit in pópulos famem, et
irritantes illum invidia sua
pauci facti sunt.

Hymnus.

Nunc juvat celsi properáre
ad alta

Mente Carméli juga, et ore
pleno

Vatis Elíae méritos reférre
Láudis honóres.

Dum fames terras préme-
ret, ministro

Utitur corvo: viduae farinam
Súfficit solers, oleóque manat
Hydria pingui.

Hic, Deo fuis precibus, re-
dúctum

Fínibus mortis púerum pa-
rénti

Reddit, orándo valet expeti-
tam

Réddere lucem.

Cláudit et nubes, aperítque
verbo;

Imperat post tres properán-
ter annos

Décidant coelo, sitiénsque
tellus

Háuriant imbres.

Sit Patri summo, genitae-
que Proli,

Et tibi compar utriúsque
Sancte

Spiritus laus, impérium, po-
téstas

Tempus in omne.

Amen.

γ. Verbo Dómini contínuit
coelum.

η. Et dejécit de coelo i-
gnem ter.

AD MAGNIFICAT.

Ant. Ecce ego mittam vo-
bis Elíam Prophétam, ánte-
quam véniat dies Dómini ma-

gnus, et horribilis; et convertet cor patrum ad filios, et cor filiorum ad patres eorum.

ORATIO

Praesta, quaesumus, omnipotens Deus, ut qui beatum Eliam Prophetam tuum igneo curru mirabiliter elevatum esse credimus: eodem interveniente ad coelestia sublevemur, et Sanctorum tuorum consortio gaudeamus. Per Dominum.

Fit com. praec. cum Vesp. sint a cap.; et S. Praxedis v. ut in Brev.

AD MATUTINUM.

Invit. Regem Prophetarum Dominum, * Venite, adoremus.

Psalm. Venite, exultemus,

Hymnus. Nunc juvat celsi etc. ut supr. in Vesperis.

IN I. NOCTURNO.

Ant. Factum est autem, ut aegrotaret filius mulieris matris familias, et erat languor fortissimus.

Psalm. Beatus vir, cum reliq. de Com. CC. non PP.

Ant. Dixit mulier ad Eliam: quid mihi, et tibi, vir Dei? Ingressus es ad me, ut

rememorarentur iniquitates meae, et interficeres filium meum?

Ant. Ait Elias ad viduam: da mihi filium tuum. Et clamavit ad Dominum, et revixit puer.

†. Verbo Domini continuavit coelum.

‡. Et dejecit de coelo ignem ter.

De libro tertio Regum.

Lectio I.

Cap. 17.

Dixit Elias Thesbites de habitatoribus Galaad ad Achab: Vivit Dominus Deus Israel, in cujus conspectu sto, si erit annis his ros, et pluvia nisi juxta oris mei verba. Et factum est verbum Domini ad eum dicens: Recede hinc, et vade contra Orientem, et abscondere in torrente Carith, qui est contra Jordanem, et ibi de torrente bibes: corvisque praecipi, ut pascant te ibi. Abiit ergo, et fecit juxta verbum Domini. Cumque abiisset, sedit in torrente Carith, qui est contra Jordanem. Corvi quoque deferabant ei panem, et carnes mane; similiter panem, et carnes vespere, et bibebat de torrente. Post dies autem siccatum est torrens: non enim

plúerat super terram. Factus est ergo sermo Dómini ad eum, dicens: Surge, et vade in Saréphita Sidoniórum, et manébis ibi: praecépi enim ibi mulieri víduae, ut pascat te.

ŷ. Recéde hinc et vade contra Oriéntem: dixit Dóminus ad Eliám. * Qui ábiit, et fecit juxta verbum Dómini.

ŷ. Abscóndere in torrén-te Carith, et ibi de torrén-te bibes, corvisque praecépi, ut pascant te ibi. Qui ábiit.

Lectio II.

Surréxit et ábiit in Saréphita. Cumque venisset ad portam civitátis, apparuit ei mulier vídua cólligens ligna, et vocávit eam, dixítque ei: da mihi páululum aquae in vase ut bibam. Cumque illa pérgeret, ut afférret, clamávit post tergum ejus dicens: Affer mihi, óbsecro, et bucéllam panis in manu tua. Quae respóndit: Vivit Dóminus Deus tuus, quia non hábeo panem, nisi quantum pugillus cápere potest farínae in hydria, et páululum ólei in lécytho; en cóllico duo ligna, ut ingrédiam, et fáciam illud mihi, et filio, ut comedámus, et moriámur. Ad

quam Eliás ait: Noli timére, sed vade, et fac sicut dixísti: verúmtamen mihi primum fac de ipsa farínula subcinerícium panem párvulum, et affer ad me: tibi áutem et filio tuo fácies póstea. Haec áutem dicit Dóminus Deus Israel: Hydria farínae non deficiet, nec lécythus ólei minuétur usque ad diem, in qua Dóminus datúrus est plúviam super faciém terrae. Quae ábiit, et fecit juxta verbum Eliáe: et comédit ipse, et illa, et domus ejus: et ex illa die hydria farínae non defécit, et lécythus ólei non est imminútus, juxta verbum Dómini, quod locútus fúerat in manu Eliáe.

n. Abiit mulier, et fecit juxta verbum Prophétae: * Et comédit ipse, et illa, et domus ejus.

ŷ. Ex illa die hydria farinae non defécit, et lécythus ólei non est imminútus juxta verbum Eliáe. Et comédit.

Lectio III.

Eactum est áutem post haec, et aegrotávit filius mulieris matris famílias, et erat languor fortíssimus, ita ut non remanérét in eo hálitus. Dixit ergo ad Eliám: quid mihi, et tibi vir Dei? Ingréssus es ad me, ut rememoráréntur iní-

quitates meae, et interficeres filium meum? et ait ad eam Eliás; da mihi filium tuum. Tulitque eum de sinu ejus, et portavit in coenaculum, ubi ipse manebat, et posuit super lectulum suum. Et clamavit ad Dóminum, et dixit: Dómine Deus meus, étiamne viduam, apud quam ego utcúmque sustentor, afflixisti, ut interficeres filium ejus? Et expándit se, atque mensus est super púerum tribus vicibus, et clamavit ad Dóminum, et ait: Dómine Deus meus, revertátur, óbsecro, ánima púeri hujus in viscera ejus. Et exaudivit Dóminus vocem Eliæ, et reversa est ánima púeri intra eum, et revixit.

¶. Reversa est anima púeri intra eum, et revixit, et tradidit matri suae, et ait illi: * En vivit filius tuus.

ŷ. Tulit Eliás púerum, et depósuit eum in inferiorem domum, dicens. En vivit. Glória Patri. En vivit.

IN II. NOCTURNO.

Ant. Factum est verbum Dómini ad Eliam, dicens: vade, et osténde te Acab, ut dem plúviam super fáciem terrae.

Ant. Ait Eliás ad Achab: Ascénde, cómede, et bibe, quia sonus multae plúviae est.

Ant. Manus Dómini facta

est super Eliam, accintisq; lumbis currébat ante Achab, donec veníret in Jézrael.

†. Tu ungis Reges ad poeniténtiam.

¶. Et Prophétas facis successóres post te.

Ex Libro sancti Epiphánii
Epíscopi.

Lectio IV.

De Vitis Prophetarum.

Eliás Prophéta ex Thesbis existébat e Continénte Arabum, de Tribu Aaron Levítæ. Morabátur áutem in Gálaad: quóniam Thesbis erant aedes Sacerdótibus consecrátae, ac destinátae. Quem cum eniterétur parens ejus, ejúsmodi Sabae patri visio apparuit. Viri níveum quemdam praeferéntes hábitum, posiónem salutábant, matrisque ubéribus in ignem evellebant, quin et flammam ignis cibi loco ministrábant. Proféctus est itaque in Jerúsalem génitor, visaque ad Sacerdótes rétulit. Respondit áutem illi Chrematísmus. hoc est Oráculum, sive Respónsor: Cave manifestum fácias: erit quippe lumen filii hujus domicílium, sermòque ejus demonstrátio, ac senténtia, et judicábit Israel cum igne, tum romphaea. Hic

est ille Elías, qui ter ignem e coelo deduxit: quippe imbrem sua lingua gestavit, mortuos item suscitavit, et in coelum denique nimbo, seu turbine ignis assumptus est.

¶ Ait Abdías ad Eliam: cum recéssero a te, Spíritus Dómini asportábit te in locum, quem ego ignóro, et tu dicis: * Dic Dómino tuo: Adest Elías.

† Dixit Elías: Vivit Dóminus exercítium, ante ejus vultum sto, quia hódie apparebo ei. Dic Dómino.

Ex Libro sancti Isidóri
Epíscopi.

Lectio V.

De Vita et morte Sanctorum.

Elías, qui interpretátur Dóminus Deus, Thesbítes, Sacérdos magnus, atque Prophéta, habitátor solitúdinis, fide plenus, devotióne summus, in labóribus fortis, indústria solers, excellenti ingénio praeditus, in exercitatióne disciplínae rectus, in sancta meditatióne assíduus, metúque mortis intrépidus. Verberávit tyránnos, sacrílegos interfécit, multisque signis virtútum effúlsit, triénnii siccitate cláussit ímbribus coelum. Orávit rursum, et coelum dedit plú-

vias. Mórtuum mulieris filium suscitávit. Cujus virtúte hydryia farínae non defécit, et vas olei perpétuo fonte manávit. Cujus verbo super sacrificium ignis de coelo venit. Duos quinquagenários cum milítibus coelésti igne combússit, Jordánem tránsiens tactu melótis abrupit aquas.

¶ Cum venísset Elías ad portam civitátis, apparuit ei mulier vídua, cólligens ligna, et vocávit eam, dixítque ei: * Da mihi páululum aquae in vase, ut bibam.

† Cumque illa pérgeret, ut afférret, clamávit post tergum ejus dicens: Affér mihi óbsecro, et buccéllam panis in manu tua. Da mihi.

Lectio VI.

Post haec ígneo curru in coelum raptus ascéndit, ventúrus, juxta Malachíam Prophétam, in fine mundi, praecursúrus Christum, annuntiáturus últimum ejus advéntum cum magnis virtútibus, prodigiisque signórum, ita ut bellum gerat Antichrístus advérsus eum, et Henoch, qui cum eo ventúrus est, et occidet eos. Cadáverá vero eórum tribus diébus, et sex horis in platéis insepúlta jacébunt. Debinc suscitáti a Dómino regnum Antichrísti

plaga magna percútiens. Post haec véniet Dóminus, et interficiet Antichristum gládio oris sui, et eos, qui adoravérunt eum, et regnabit Dóminus cum ómnibus Sanctis suis in aetérnum.

ñ. Expándit se, atque mensus est Elías super púerum tribus vícibus, et clamávit ad Dóminum: * Et exaudivit Dóminus vocem Elíae.

ŷ. Dómine Deus meus revertátur, óbsecro, ánima púeri hujus in víscera ejus. Et exaudivit. Glória Patri. Et exaudivit.

IN III. NOCTURNO.

Ant. Dixit Elías Prophétis Baal: eligit vobis bovem unum, et invocáte nómina deórum vestrórum: qui clamábant; et non erat qui respondéret.

Ant. Cum jam tempus esset, ut offerretur holocáustum, accédens Elías orávit ad Dóminum.

Ant. Oránte Elía cecidit ignis Dómini, et vorávit holocáustum, et ligna, et lápidés, pulverémque, et aquam, quae erat in aquaedúctu lambens.

ŷ. Beátí sunt, qui te vidérunt.

ñ. Et in amicítia tua decorátí sunt.

Léctio Sancti Evangélii
secúndum Matthaeum.

Lectio VII. Cap. 17.

In illo témpore: Assúmpsit Jesus Petrum, et Jacóbum, et Joánnem fratrem ejus, et duxit illos in montem excélsu scórsum, et transfigurátus est ante eos. Et réliqua.

Homília sancti Joánnis
Chrysóstomi.

*Hom. 57. in Matth.
paulo post princ.*

Cujus áutem rei grátia Móysen, et Elíam produxit? Multas quidem dícere quis cáusas possit. Primum quóniam et turbae, álíi Elíam, álíi Jeremíam, álíi priscórum Prophetárum unum opinábantur: idcírco Móysen, et Elíam caeterórum Prophetárum vértices producit, et quam magnum sit inter servos, et dóminu discrímen óculis cérnerent, utque recte laudátum créderent Petrum qui filium Dei eum conféssus est. Deínde quóniam assidue quasi transgressórem legis Judaei accusábant, et blasphemáre putábant, quasi glóriam Patris nihil ad eum

pertinentem vindicarent. Dicebant enim: Hic non est a Deo, quia Sábbatum non servat: et rursus: De bono opere non lapidamus te, sed cum sis homo, Deum te facis: ut ipsa re monstraretur, quia ex invidia haec criminabantur, quia neutri horum criminum subiceretur, nec legis praevaricator esset, nec alienam gloriam sibi acquireret, aequalem se Patri faciéndó; eos produxit in médium, quorum alteruter in alterutra istarum rerum prae-fulsit. Móysi enim legem dedit; quare non fuisset passus Móyses conculcari legem, ut Judaei credebant; nec praevaricatorem ejus, et legum latóri hostem, lator ipse unquam coluisset; Elías autem pro gloria Dei zelavit: quare non adstitisset ei, qui aequalem se Patri dicebat, si non esset, nec paruisset illi qui sibi, quod non habebat, vindicaret.

¶ Ait Elías nuntiis Regis Samariae: numquid non est Deus in Israel, ut eatis ad Beelzebub? Quamobrem haec dicit Dóminus: * De lectulo, super quem ascendisti, non descendes, sed morte morieris.

¶ Réversi nuntii ad Ochoziam dixerunt: Vir occurrít nobis dicens: Ite et revertimini ad Regem, et dicetis ei. De lectulo.

Ad haec omnia illud étiam possumus dicere, ut tam mortis, quam vitae habere potestatem líquido, ac vere crederetur; utque supernorum, et infernorum Dóminus ostenderetur; idcirco Móysen jam mórtuum, et Eliam, qui nondum id passus est, in médium produxit. Quartam vero causam Evangelista quoque ipse tetigit. Quenam igitur illa est? Ut Crucis gloriam ostendat, et tam Petrum, quam reliquos, qui passionem formidabant, consolaretur, et ad sublimius erigeret. Non enim tacébant, inquit, sed loquebantur de gloria, quam completurus erat in Jerúsalem, de cruce videlicet, ac passione: sic enim ipsam semper appellabat.

* Accedit ad haec omnia virtus quoque virorum singularis atque praecipua, quam maxime a discipulis flagitabat. Nam quoniam dixit: Si quis vult post me venire, tollat crucem suam, et sequatur me; hac de causa eos, qui centies pro Dei praeceptorum custodia, et populi, qui sibi creditus fuerat, mortem suscepissent, in médium producit, quorum uterque cum animam perdiderit, invenit eam. Atque sane magna libertate

adversus tyránnos loquúti sunt; alter adversus Ægyptum, alter adversus Achab: et quod magnum est pro ingrátis homínibus, et inobediéntibus, a quibus in atrócia perícula compúlsi sunt: qui etsi priváti, ac absque potestate fúerant, propósitum tamen habuérunt ab Idolórum cultu pópulum erípere: quorum alter tardus lingua, et voce ténuis, alter étiam áliquo modo rustícior, et utérque saeculárium divitiárum appríme contéptor. Nam neque Móyses quidquam possidébat, nec Elías praeter melótem áliquid habébat: praesértim cum véteris essent Testaménti, nec tanta grátia signórum pollérent.

¶ Factum est, dum tólleret Dóminus Elíam per túrbinem in coelum, * Elisaeus clamábat dicens: Pater mi, pater mi, currus Israel, et auríga ejus.

¶ Cumque pérgerent, et incedéntes sermocinaréntur: ecce currus ígneus, et equi ígnei, divisérunt utrúmque, et ascéndit Elías per túrbinem in coelum. Elisaeus. Glória Patri. Elisaeus.

IX. *Lect. de S. Praxede V. ut in Brev. sed si transferat., de VIII. Lect. fiunt duae ab asterisco. Postea Te Deum.*

AD LAUDES

ET PER HORAS.

Ant. Elías, dum zelat zelum legis, recéptus est in coelum.

Psalm. Dóminus regnavit, cum reliq. de Laud. Dom.

Ant. Factum est áutem, cum leváre vellet Dóminus Elíam per túrbinem in coelum, ibant Elías, et Elisaeus de Gálgalis.

Ant. Tulit Elías pállium suum, et percússit aquas, et divisae sunt, et transiérunt ambo per siccum.

Ant. Cum Elías, et Elisaeus pérgerent, et incedéntes sermocinaréntur, ecce currus ígneus, et equi ígnei divisérunt utrúmque.

Ant. Ascéndit Elías per túrbinem in coelum: Elisaeus áutem vidébat, et clamábat: pater mi, currus Israel, et auríga ejus.

Capitulum

Eccl. 48.
Surréxit Elías Prophéta quasi ignis: et verbum ipsius quasi fácula ardébat. Qui induxit in pópulos famem, et irritántes illum invídia sua páuci facti sunt.

Hymnus.

Te, magne rerum cónditor,

Mens nostra gliscit láudibus
In hoc Thesbíte máximo,
Quem díligis extóllere.

Hic namque sacri nóminis
Tui zelátor próvocat.

Vates Baal nequíssimos,
Victósque jure intérficit.

Illo precánte víctimas
Absúmit ignis coelitus:
Hi perstrepéntes ácritur
Sunt ómnibus ludíbrío.

Tum Jezabélis ímpiae.
Vitans furórem nóxium,
Sub junípero dórmíens
Adesse cernit Angelum.

Panem sibi qui próferens
Lymphámque, jussit pérgeret
Cibo replétum strénue.
Ad montis Horeb vérticem.

Hoc in cibo jejúnium
Tulit quadragenárium;
Hac vi dapes sunt praeditae,
Quas dextra Dei pórrigit.

Omnis tibi sit glória.
Verbum, Pater, Paráclite,
Inseparáta Trínitas,
Quae condidísti ómnia.

Amen.

ŷ. Elías in túrbine tectus
est.

ñ. Et in Elisaeo complétus
est spíritus ejus.

AD BENEDICTUS.

Ant. Elías homo erat simi-
lis nobis, passibilis, et oratió-
ne orávit, ut non plúret su-
per terram, et non pluit an-
nos tres, et menses sex. Et
rursum orávit, et coelum de-

dit plúviam, et terra dedit
fructum suum.

ORATIO.

Praesta, quaesumus. omní-
potens Deus, ut qui beátum
Elíam Prophetam tuum ígneo
curru mirábiliter elevátum
esse crédimus, eódem inter-
veniéntem ad coeléstia sublevé-
mur, et Sanctórum tuórum
consórtio gaudeámus. Per Dó-
minum.

AD TERTIAM

Ant. Factum est autem.

Capitulum

Surréxit Elías. *Ut supra.*

ñ. *breve.* Verbo dómini
continuit coelum. Verbo.

ŷ. Et dejécit de coelo ignem
ter. Continuit. Glória Patri
Verbo.

ŷ. Tu ungis Reges ad poe-
niténtiam.

ñ. Et Prophétas facis suc-
cessóres post te.

AD SEXTAM

Ant. Tulit Elías.

Capitulum

Verbo Dómini *Eccl. 48.*
continuit

coelum, et dejecit ignem ter:
sic amplificatus est Elías in
mirabilibus suis.

R. *breve*, Tu ungis Reges *
ad poenitentiam. Tu.

Ÿ. Et Prophétas facis suc-
cessóres post te. Ad. Glória
Patri. Tu.

Ÿ. Beáti sunt, qui te vidé-
runt.

R. Et in amicitia tua de-
coráti sunt.

AD NONAM

Ant. Ascéndit Elías.

Capitulum.

Tu sustulísti mórtuum ab
inferis, de sorte mortis in
verbo Dómini Dei. Qui scri-
ptus es in judiciis témporum
leníre iracúndiam Dómini.

R. *breve*. Beáti sunt, * Qui
te vidérunt. Beáti.

Ÿ. Et in amicitia tua de-
coráti sunt. Qui te. Glória
Patri. Beáti.

Ÿ. Elías in túrbine tectus
est.

R. Et in Elisaeo complé-
tus est spíritus ejus.

IN II. VESPERIS.

*Omnia ut in primis praeter
sequentia.*

Ÿ. Beáti sunt, qui te vidé-
runt.

R. Et in amicitia tua de-
coráti sunt.

AD MAGNIFICAT.

Ant. Tulit Elías pállium
suum, et percússit aquas Jor-
dánis, quae divísae sunt in
utrámque partem, et tran-
siérunt ipse, et Elisaeus per
siccum: et ascéndit Elías per
túrbinem in coelum.

Oratio. Praesta quaesumus.

DIE XXIV. JULII.

In Festo S. CHRISTINAE V.
ET M. Duplex.

Omni. de Com. VV. et MM.
praeter ea quae sequuntur.

In utrisq. Vesp. et Laudib.

Capitul.

Confitebor tibi Dómine Rex,
et collaudábo te Deum Sal-
vatórem meum. Confitebor
nómini tuo: quóniam adjutor
et protéctor factus es mihi,
et liberásti corpus meum a
perditione.

ORATIO.

Omnípotens sempitérne
Deus, qui infirma mundi é-
ligis, ut fórtia quaeque con-

fúndas; concede propítius, ut qui beátae Christínae Vírginis, et Mártýris tuae solémnia cólimus, ejus apud te patrocínia sentiámus. Per Dóminum.

IN I. NOCTURNO.

Lectiones de Script. occurr.

IN II. NOCTURNO.

Lectio IV.

Christína nóbilis virgo Tyri in Hetrúria apud Lacum Vulsínium éthnicis paréntibus nata, a téneris annis Christiánam fidem suscepit. Ad Dómini sui amórem, falsorúmque deórum ódium ádeo exársit, ut annum agens undécimum idóla áurea, et argentea, quae Urbánus pater domi colébat comminuérít, fragmentaque, paupéribus erogáverit. Quare commótus Urbánus, qui et praeses erat, filiae constántiam, ut ad superstitionem suam illam pertráheret, primum blandítiis, et précibus aggréssus est. Mox, cum id frustra foret, ad suum tribúnal addúci, atque álapis primum pércuti, deinde verbéribus caedi, postrémo ferro, et caténis onústam in tetrum cárcerem detrúdi jussit. A quo rursus ad tormén-

ta evocáta in eqúleo acerbíssime contorquétur, tum úngulis, et scorióribus ádeo crudéliter laceráta est, ut concísae in frusta carnes ad terram dilaberéntur.

ñ. Propter veritátem.

Lectio V.

His torméntis nihil proficiens immánis pater, rotam parári jubet, esque alligátum vírginis corpus subjécto igne torréri. Sed cum flamma exórto vento in multitudinem paganórum, quae circumáderat, agerétur, eorúmque plúrimos mirábiliter consumpssisset; Christína in cárcerem rursus conjícitur, ibique ab Angelo visitáta prístinae sanitati restitúitur. Urbánus vero inhumánus ob haec mirácula ad caedam saeviens, ut filia ingénti praegraváta saxo in lacum mergerétur imperávit. In lacum cum fuisset demèrsa, ab Angelo, cui vírginis custódiam demandáverat Deus, ex aquárum profúndo mirábiliter edúcta est. Cumque nova, et acerbióra torménta ad constántiam filiae labefactándam ipsíus pater meditarétur, repentina morte corréptus vivéndi finem, et saeviéndi fecit.

ñ. Dilexísti justítiam.

Lectio VI.

Urbano praesidi mórtuo Dion succéssit, qui multis íterum exquisitis torméntis vírginem aggréssus in cunas férreas subiécto igne candéntes, atque óleo, pice et resí-
na liquátis plenas eam im-
mísit, diúque infandíssime
morári fecit. In eo supplicio
illésae caput abráditur, quod
in capillis maleficia latére
praeses putáret; cujus jussu;
ad simulácrum Apóllinis ut
illi thus offérret, pertrácta
est, quod tamen, Christína
oránte, cóncidens in cíneres
est redáctum. Hoc miráculo
tria círciter hóminum míllia
ad Christi fidem convér-
sa sunt; praesésque horróre cor-
réptus expirávit. Illíus suc-
césor Juliánus in fornácem
ardéntem illam confécit, ubi
quinque diébus, parcéntesflam-
ma permánsit. Tandem post
superátos maleficórum ser-
péntes, post abscíssam lin-
guam, sagittásque toto cór-
pore infixas Diocletiáno Im-
perátore martyrii cursum
gloriosíssime confécit, ac de
tribus tyránnis úndecim an-
nórum adolescéntula felicís-
sime triumphávit.

¶. Afferéntur Regi.

IN III. NOCTURNO.

Lectiones de Comm. Virg.

*primo loco. IX. lect. de Hom.
vig. ut in brev.*

AD TERTIAM.

*Capit. Confitébor ut supr.
in Vesper.*

AD SEXTAM

Capitulum.

Liberásti me secúndum mul-
títúdinem misericórdiae nómi-
nis tui a rugiéntibus, prae-
parátis ad escam, de mánibus
quaeréntium ánimam meam,
et de multis tribulatióibus,
quae circumdedérunt me.

AD NONAM

Capitulum.

Laudábit usque ad mortem
ánima mea Dóminum: quón-
iam éruis sustinéntes te, et
liberas eos de manu angú-
stiae, Dómine Deus noster.

DIE XXX. JULII

*In Metrop. SS. ABDON, ET
SENNEN Mart. Duplex.*

Oratio ut in Breviario.

*Lect. 1. noct. de Scrip. oc-
curr. 4. pr. ut in Brev. 5. et
6. Quotiescúmque de Com.
MM. 1. loc.*

IN III. NOCTURNO.

Lectio sancti Evangelii
secundum Matthaeum.

Lectio VII.

In illo tempore: Videns Jesus turbas, ascendit in montem; et cum sedisset, accesserunt ad eum discipuli ejus. Et reliqua.

Cap. 5.

De Homilia sancti Augustini
Episcopi.

Ex Libro 1. de Serm. Domini in Monte.

Cap. 1. e. 2.

Nec aliunde omnino incipere oportuit beatitudinem, quam a paupertate spiritus; siquidem perventura est ad summam sapientiam. Initium autem sapientiae, timor Domini: quoniam et e contrario, initium omnis peccati superbia scribitur. Superbi autem appetunt, et diligunt regna terrarum. Beati mites: quoniam ipsi haereditate possidebunt terram. Illam credo terram, de qua in Psalmo dicitur: Spes mea es tu, portio mea in terra viventium. Significat autem quamdam so-

lilitatem, et stabilitatem haereditatis perpetuae, ubi anima per bonum affectum, tamquam loco suo requiescit, sicut corpus in terra; et inde cibo suo alitur, sicut corpus ex terra: ipsa est requies, et vita sanctorum. Mites autem sunt, qui cedunt improbitatibus, et non resistunt malo, sed vincunt in bono malum.

¶. Propter testamentum.

Lectio VIII.

Beati lugentes, quoniam ipsi consolabuntur. Luctus est tristitia de amissione charorum: conversi autem ad Deum, ea, quae in hoc mundo chara amplectebantur, amittunt. Non enim gaudent his rebus, quibus ante gaudabant: et donec fiat in illis amor aeternorum, nonnulla maestitia sauciantur. Consolabuntur ergo Spiritu sancto, qui maxime propterea Paracletus nominatur, id est, consolator: ut temporalia amittentes, aeterna laetitia persuantur.

¶. Sancti mei.

Lectio IX.

Beati qui esuriunt, et sitiunt justitiam, quoniam ipsi saturabuntur. Jam istos a-

matóres dicit veri, et inconcussi boni. Illo ergo cibo saturabúntur, de quo ipse Dóminus dicit: Meus cibus est, ut fáciam voluntátem Patris mei, quod est justítia: et illa aqua, de qua quisquis bíberit, ut idem dicit, fiet in eo fons aquae salientis in vitam aetérnam. Beáti misericórdes; quóniam ipsórum miserébitur Deus. Beátos esse dicit, qui subvéniunt miseris; quod eis ita repénditur, ut de miséria liberéntur.

Te Deum laudámus.

FESTA AUGUSTI.

DIE II. AUGUSTI.

In Festo S. STEPHANI Papae et Mart Duplex.

Omnia de Commun. unius Mart. praeter ea, quae sequuntur.

ORATIO.

Deus, qui nos beáti Stéphaní Mártiris tui, atque Pontíficis. ánnua solemnitáte laetíficas: concéde propítius, ut ejus natalítia cólimus, de ejúsdem étiam protectióne gaudeámus. Per Dóminum.

IN I. NOCTURNO.

Lect. de Script occ.

IN II. NOCTURNO.

Lectio IV.

Stéphanus Júlíi filius Romá-
nus, beáti Cornélii Papae, et
mártiris Archidiáconus, ac
post Lúcium ejúsdem succés-
sor, Valeriáno, et Galliéno im-
perántibus, difficíllimis tem-
póribus Románam rexit Ecclé-
siam. Novatiános, lapsis om-
nem ad poeniténtiam áditum
intercludéntes, véluti infestís-
simos Christiánae pietátis ho-
stes pontíficia auctoritáte
damnávit, Marciáno Arela-
ténsi eorúmdem in Gállia an-
tesignáno Episcopáli Sede de-
jécto. Cum pleríque sanctitáte
ac doctrína insígenes Epíscopi,
in Asia, atque Africa coáctis
Synodis, baptizátos ab Haeré-
ticis, ac deínde ad Cathólicam
Fidem accedéntes, íterum sa-
lutáribus undis abluéndos esse
sanxíssent, Stéphanus Apostó-
licae traditiónis assértor, er-
róneam illórum senténtiam
gravíssimis rescriptis damná-
vit, sancto Cypriáno scribens:
Nihil innovétur, nisi quod
tráditum est. Quod Stéphaní
decrétum univérsa póstea Ec-
clésia secúta est; idémque con-
tra Donatístas sanctus Augu-
stínus sólíde propugnávit.

ñ. Honéstum.

Lectio V.

De Christiána Religiónē augēda sollicitus, plúrimos ad Christi fidem convértit, in iis Olympium Tribúnum cum uxóre Exupéria, et filio Theodúlo. Item Nemésium Tribúnum cum tota familia, óculis Lucíllae ejus filiae restitútis; qui omnes Jesu Christi mártýres fuérunt. Idem semel centum et octo et iterum álios septuaginta promíscui sexus ab Idolórum superstitióne ad Christi cultum addúctos, baptizávit. Sed vehemēter jam jam ingravescente persecutióne imperatórum, Stéphanus, convocáto Clero, ad martyrium suos hortabátur, in cryptísque Mártýrum assidue Missas, et Concília celebrábat. Qui cum aliquándo raptus esset ab infidélibus ad templum Martis, ut ei sacrificáret, libere negávit, se daemónibus eum honórem velle tribúere, qui uni Deo deberétur. Quibus in verbis Martis státua terraemótu concidit, templúmque contrémuit. Quare ómnibus aufugiéntibus, qui Stéphanum tenébant, Póntifex ad suos revértitur in coemetérium Lucíinae.

℞. Desidérium animae.

Lectio VI.

Cum vero Stéphanus assíduis conciónibus, uti próxime dato exémplo jam fécerat, ad Christiánam Religiónem inter saeviéntis persecutiónis procéllas servándam, fidéles hortarétur, eosque divínis praeceptis instrúeret; dum Missárum solémnia pérficit, adveniéntibus iterum Imperatórum satellítibus, ei in sua sede caput abscínditur. Corpus cum eádem sede, conspérso Mártýris ságuine, a Cléricis sepúltum est in coemetério Callísti quarto Nonas Augústi. Vixit in Pontificátu annos tres, menses tres, dies viginti duos. Hábit ordinatiónes duas mense Decémbri, quibus creávit Presbyteros sex, Diáconos quinque, Episcopos tres. Erga quem beátum Pontíficem singulári devotióne permótus Cosmus Médices Primus Magnus Dux, institútum ab se sacrum Equitum Ordinem, de ejúsdem sancti Stéphani nómine nuncupávit, quem a Pio Quarto anno Dómini millésimo quingentésimo sexagésimo primo approbátum; successóres quoque Románi Pontífices insígnibus privilégiiis cumulárum. Cosmus ídem Tértius Magnus Dux et Equitum magí-

ster, solémni supplicatióne beáti Stéphaní reliquiis in príncipe Equitum Ecclesiá Pisis collocátis, ejúsdem Officium sub ritu dúplici minóri in suis ditióibus recitándum ab Innocéntio Undécimo Pontífice Máximo obtinuit: quod póstea Alexánder Octávus Póntifex Máximus cum propriis lectiόνibus in Ecclesiis Equéstris Ordinis, ac ab Equitibus Sacerdótibus uti de Patróno persolvéndum indul-
sit.

n. Stola jucunditátis.

IN III. NOCTURNO.

Homilia in Evangel. Si quis vult post me veníre, de Com. unius Mart. 2. loco.

DIE IX. AUGUSTI.

In Fes'to B. JOANNIS A SALERNO Conf. Ordinis Praedicatorum. Duplex minus.

Omnia de Com. Conf. non Pont. praec. seq.

ORATIO.

Deus, qui in fidei increméntum beátum Joánnem Confessórem verbi tui praecónem exímium effecisti: ejus nobis intercessiόne largíre; ut quod

corde crédimus ad justítiam, ore ad salútem confiteámur. Per Dóminum.

IN I. NOCTURNO.

Lectiões de Scriptura occurrente.

IN II. NOCTURNO.

Lectio IV.

Joánnes Salérni gente Quar-
na vétérum Normannórum
ortus, Bonóniae in Fratrum
Praedicatórum familiam co-
optátus est, ejúsque de manu
beáti Domínici vestes suscep-
pit. Ipso duce et magistro
tantum in sémita virtútis, et
religiósae perfectiόνis profécit,
ut missis ab eódem sancto
Fundatóre ad propagándum
per Etrúriam Ordinem
duódecim probatíssimis viris:
Joánnem, etsi junióris aetá-
tis tunc fuisse mérito cónjici
possit, praefecerit. Sanctíssimi
Patris praecéptis obtémperans,
cum sóciis conténdit
Floréntiam versus, ac Rípu-
lis tértio ferme ab ea lápide
primum cónstitit in domo a
pio cive Florentíno illis pa-
ráta prope Sacéllum, quod
éxtrui is ipse curáverat. In-
de vir sanctus quotidie in ur-
bem véniens, jugi verbi Dei
praedicatióne, ac morum in-

nocentia arctissime sibi devinxit ánimos Florentinórum qui pérditos in viam salutis redire, réliquos áutem in bono confirmári illius hortamentis, atque mónitis perspiciebant. Verum qui rem civitátis públicam tunc moderabántur animadverténtes, in cómmodum eidem esse, quod singulis diébus summo mane Floréntiam pérgeré, et véspere ad hospítium Ripulitánium remeáre debéret, de loco in quo intra urbis moenia una cum sóciis dégere posset, ei providéndo cogitárunť. Itaque primum ad sancti Pancratii, dein ad sancti Páuli, ac demum ad sanctae Mariæ Novéllae, seu Vincárum rite fuit eis domicílium constitútum.

N. Honéstum.

Lectio V.

Hoc in loco piórum largitió nibus sacra Aede amplificáta, constructóque Coenóbio novi Praedicatóres Floréntiae vřvere coepérunt arctióri legum sui Ordinis observántia. Exémpló suo cunctis Joánnes praéibat. Assídua cibi potúsque abstinéntia, despicieéntia et castigatióne sui, quotidiano oratiónis stúdio, rerum divinárum contemplatióne, quam ad plures horas,

noctu praesértim, ducébat, fervénti devotióne, ac caeremoniarum observatióne diligentíssima dum Sacris operarétur, caeterisque virtútibus, quae hóminem cum primis decent aliórum regímini praeféctum, ad sui imitatió nem, atque puriorem reguláris disciplínae cultum sodáles magnópere excitábat. Córporis animique cástitas potissimum in eo excélluit: quae sane quantum praestáret, miro prorsus modo Deus vóluit esse perspícuum. Siquidem cum ab impúdica muliere frustra tentátus relátam de immúndo spírítu ab se victóriam singulári humilitáte celáre niterétur, daemon ipse, Deo ita jubénte, per os energúmeni rem totam palam fecit negans, se líberum hóminem aliquándo dimissúrum, nisi is, qui inter flammás innoxius permánserat, se inde expélleret; vocalóque Dei fámuló, ad ipsíus nutum, aegrum multum discérpens, illico discéssit. His, aliisque ab eo praecláre gestis, grátia quoque curatiónum, quae ferunt a Deo fuisse donátum factum est, ut plures pietáte, nobilitáte géneris, doctrínae fama, Ecclesiasticisque dignitatibus fulgéntes viri ab illo in Ordinem récipi postulárent, réque ipsa fúerint recepti: quos inter unus sán-

guine Christianam fidem sanc-
civit, duo autem conspiciis
fuerunt deinde Italiae Eccle-
siis praepositi.

n. Amavit eum.

Lectio VI.

Instante obitu sancti Domi-
nici, Bononiam perrexit, ut
Parenti optimo filii obsequen-
tis, atque amantissimi extre-
ma exhiberet officia. Floren-
tiam inde redux in haereti-
cos Patarénos, exitialem Ma-
nichaeorum sóblem, Eccle-
siae aequae ac Reipublicae sta-
tum perturbantes, cum id a
Gregorio Nono Romano Pon-
tífice ipsi fuisset demandatum
insurgens eorum audaciam
fregit, atque contumeliis, ac
probris, quibus illum ab in-
coepto deterrere conabantur
fortiter toleratis, catholicam
fidem egregie tutatus est. E-
iusdem Pontíficis jussu opus
reformationis apud Monachos
sancti Anthimi Clusinae Dioe-
césis strenue promovit. In
aedibus Ripularum, ubi pri-
mo suo in Hetrúriam advén-
tu consederat, sacrarum Vir-
ginum Collégium instituit sub
sui Ordinis régula. Innúme-
ris demum pro Ecclesiae bo-
no, fideique incremento per-
fúctum laboribus, post ad-
ministratam ad plures annos
ingenti cum suorum, tum ci-

vium profectu Coenóbii san-
ctae Mariae Novellae praefe-
cturam, dies última excépit,
quam laetus aspéxit: Fra-
trésque, quos de suo óbitu
ánte monúerat, ad vitae
sanctimóniam, atque ad vota
sua Deo fidéliter reddénda
cohortátus, Sacris Ecclesiae
expiátus, sanctissime excéssit.
Ad ejus sepúlchrum frequens
coepit fieri concúrsus populó-
rum, illius opem implorán-
tium, seque eam adéptos pro-
fiténtium, ac eidem cultum
deferéntium Beatórum. Quem
cultum ad haec usque tém-
pora continénter propagátum
Pius Sextus Póntifex Máxi-
mus Apostólica auctoritat
probávit, et de beáto Joánné
festum cum Officio, et Missa
ab univérso Ordine Fratrum
Praedicatorum celebrári be-
nigne concéssit.

n. Iste homo.

IN III. NOCTURNO.

De Com. 1. loc.

DIE XI. AUGUSTI.

*In Festo S. PHILUMENAE
Virg. et Mar. Dupl.*

*Omnia de Communi V. et
M. 1. loc. or. Deus qui inter
caetera.*

IN I. NOCTURNO.

Lect. de Script. occurr.

IN II. NOCTURNO.

Lectio IV.

Inter caetera Mártyrum sepúlchra, quae in Coemelério Priscillae ad viam saláriam reperiri solent, illud éxstitit, quo repósitum fúerat sanctae Philuménæ Corpus uti ex túmuli inscriptiône tribus latérculis appósita perlegebátur. Licet vero invénta ibídem fúerit phíala ságuinis, et ália inscúlpta conspíceréntur Martyrii insígnia, doléndum tamen est res ab eádem gestas, áctaque, ac genus martyrii, quod ipsa fecit, obsúra perstitísse. Caeterum ubi primum sacrum hoc corpus ex beneficiéntia Pii Séptimi iníitio Pontificátus ejus accéptum, cúltoi fidélis pópuli propósitum fuit Mugnáni in Nolána Dioecési, ingens íllico famae célébritas, ac religio erga sanctam Mártyrem percrebuit praesértim ob signa, quae ejúsdem praesídio accessísse úndique ferebántur. Hinc factum est, ut complúrium Antístitum, cultorúmque mártiris postulatióibus permótus Gregórius Décimus Sextus Póntifex Máximus, uuivérsa rei ratióne

matúre perpénsa, festum ejúsdem cum officio, et missa in memoráta Nolána Dioecési, et álibi agéndum benígne permiserit.

Lectio V. et VI. Sermo S. Ambrosii Episc. Quóniam hódie natális etc. quae sunt IV. et V. de Comm. 1. loc.

IN III. NOCTURNO.

Lect. de eod. Comm. 1. loc.

DIE XIV. AUGUSTI
ASS. EX 2. HUIJ.

In Festo S. ALPHONSI MARIAE DE LIGORIO. Ep. et Conf. Duplex.

Omn. de Com. CC. PP. Méruit suprémos.

ORAZIO

Deus qui per beátum Alphónsum Mariám Confessórem tuum atque Pontíficem animárum zelo succénsum Ecclésiám tuam nova prole foecundásti, quaesumus ut ejus salutaribus mónitis edócti, et exémpis roboráti ad te perveníre felíciter valeámus. Per Dóminum.

IN I. NOCTURNO.

Lect. de Scrip. occ.

IN II. NOCTURNO.

Lectio IV.

Alphónsus María de Ligó-
rio Neápoli nobilibus parén-
tibus natus, ab ineunte aetate
non obscura praebuit sancti-
tatis indicia. Eum adhuc in-
fántem cum paréntes obtulís-
sent sancto Francíscó de Hier-
rónymo a Societate Jesu, is
bene precátus edíxit eúmdem
ad nonagésimum usque an-
num perventúrum, ad Epi-
scopálem dignitátem evéctum
iri, maximóque Ecclesiáe bono
futúrum. Jam tum a puerítia
a ludis abhórrens nóbiles ephé-
bos ad christiánam modéstiam
verbo, et exémplo componé-
bat. Adoléscens, dato piis So-
dalitátibus nómine, in públi-
cis Nosocomiis aegrótis inser-
víre, jugi in templis orationi
vacáre, ac sacra Mystéria fre-
quénter obíre in delíciis ha-
bébat. Pietátem litterárum
stúdiis ádeo conjúnxit, ut sex-
decim vix annos natus utriú-
sque Juris láuream in pátria
universitáte fúerit assecútus.
Patri obtémperans causárum
patrocínia suscepit, in quo
múnere obeúndo etsi ma-
gnam sibi láudem comparás-
set, fori tamen perícula ex-
pértus, ejúsmodi vitae insti-
tútum ultro dimísit. Spreto

ígitur praecláro conjúgio sibi
a patre propósito, avita pri-
mogenitúra abdicáta, et ad
aram Vírginis de Mercéde
ense suspénso, divínis mini-
stériis se mancipávit. Sacér-
dos factus tanto zelo irrúit in
vítia, ut apostólico múnere
fungens, huc illuc pérvolans
ingéntes peritórum hómi-
num conversiónes perágeret.
Páuperum praesértim, et ru-
ricolárum miserátus Congre-
gatiónem Presbyterórum in-
stituit sanctíssimi Redemptó-
ris, qui ipsum Redemptórem
secúti per agros, pagos, et ca-
stélla paupéribus evangelizá-
rent.

N. Inveni.

Lectio V.

Ne áutem a propósito un-
quam divérteret perpétuo se
voto obstrínxit nullam tém-
poris jactúram faciéndi. Hinc
animárum zelo succénsus tum
divíni verbi praedicatione,
tum scriptis sacra eruditóne
et pietáte refértis, ánimas
Christo lucrifácere, et ad
perfectiorem vitam addúcere
stúduit. Mirum sane quot ó-
dia extínxerit, quot devios
ad rectum salútis iter revo-
cáverit. Dei Genitrícis cultor
exímus de illius láudibus li-
brum édídít, ac de iis, dum

fervéntius concionádo disse-
rit, a Virgini imágine in eum
immisso miro splendóre totus
facie coruscáre, et in éxtasim
rapi coram univérso pópulo
non semel visus est. Domí-
nicae Passiónis, et sacre Eu-
charistiae contemplátor assí-
duus ejus cultum mirífice
propagávit. Dum vero ad e-
jus aram oráret, vel Sacrum
faceret, quod numquam omí-
sit pro amóris veheméntia,
vel seráphicis liquescébat ar-
dóribus, vel insólitis quatie-
bátur mótibus, vel abstrahe-
bátur a sénsibus. Miram vi-
tae innocéntiam, quam ulla
umquam letháli labe foedá-
vit pari cum poeniténtia só-
cians corpus suum inédia, fér-
reis caténulis, ciliciis, cruen-
táque flagellatióne castigábat.
Inter haec prophetiae, et scru-
tatiónis córdium, bilocatió-
nis, et miraculórum donis in-
cláruit.

n). Pó sui.

Lectio VI.

Ab Ecclesiásticis dignitáti-
bus sibi oblátis constantissi-
me abhórruit. At Cleméntis
Décimi tértii Pontíficis aucto-
ritáte coactus sanctae Agathe
Gothórum Ecclesiám guber-
nádam suscepit. Episcopus
extérnum dumtáxat hábitum
non áutem sevérám vivéndi

rationem immutávit. Eadem
frugálitás, summus Christiá-
nae disciplínae zelus, impén-
sum in vítiis coercéndis ar-
cendisque erróribus, et in ré-
liquis pastorálibus munéribus
obeúndis stúdiúm. Liberális
in páuperes omnes Ecclesiæ
provéntus íisdem distribué-
bat, et urgénte annónæ ca-
ritáte ipsam domésticam sup-
pelléctilem in aléndis famé-
licis erogávit. Omnibus óm-
nia factus sanctimoniáles ad
perfectiorem vivéndi formam
redégit, suaeque Congregatió-
nis Moniálíum Monastérium
constituéndum curávit. Epi-
scopátu ob graves, habitua-
lésque morbos dimísso, ad
alúmnos suos, a quibus páu-
per discésserat, revértitur
páuper. Demum quamvis sé-
nio, labóribusque, diutúrna
arthritide, aliisque gravísimis
morbis fractus corpore, spi-
ritu tamen alácrior de coe-
léstibus rebus disseréndi, aut
scribéndi finem numquam
adhíbuit, donec nonagená-
rius Kaléndis Augústi anno
millésimo septingentésimo o-
ctogésimo séptimo Nuceriae
Paganórum inter suórum a-
lumnórum lácrymas placidis-
sime expirávit. Eum inde vir-
tútibus, et miráculis clarum
Pius Séptimus Póntifex Má-
ximus anno millésimo octin-
gentésimo décimo sexto Bea-
tórum fastis, novisque fulgén-

tem signis Gregorius Decimus Sextus in festo Sanctíssimae Trinitátis Anno millésimo octingentésimo trigésimo nono solémni ritu Sanctórum cathálogo accénsuit.

R. Iste est qui.

IN III. NOCTURNO.

Homilia S. Gregorii Papae in Evangel. Designávit Dóminus et álios etc. ut in Comuni Evangelistarum cum R.
de Comuni Conf. Pont.

DIE XVI. AUGUSTI.

In Festo S. Rochi Conf. Duplex.

ORATIO.

Pópulum tuum, quaesumus Dómine, continúa pietáte custódi, et beáti Rochi suffragántibus méritis, ab omni fac ánimae, et córporis contagióne secúrum. Per Dóminum.

Lectiones I. Noct. de Scr. occur.

IN II. NOCTURNO.

Lectio IV.

Rochus in monte Pessuláno natus, quanta in próximum

charitáte flagráret, tum máxime osténdit, cum saevíssima peste longe, latéque per Itáliam grassánte, pátria relícta, Itálicam peregrinatónem suscepit. Urbes, et ópida péragrans, seípsum in aegrolántium obséqium impéndere, animámque suam pro frátribus pónere, non dubitávit. Quod beáti viri studium, quam gratum Deo fúerit, miris sanatióibus declarátum fuit. Complúres enim pestiléntia inféctos e mortis perículo signo crucis erípuit, et integrae sanitáti restítuit. In pátriam revérsus, virtútibus et méritis dives sanctíssime óbuit, ejúsque óbítum statim subsecúta est venerátio fidélium, quae in Constantiénsi deínde Concílio magnum recepisse dicitur incrementum, cum ad propulsándam ingruéntem luem, Rochi imágo solémni pompa, omni comitánte pópulo, per eámdem civitátem, Episcopis approbántibus, est deláta. Itaque ejus cultus mirífice propagátus est in univérso terrárum orbe qui eúmdem sibi apud Deum advérsus contagiósam luem patrónum religióso stúdio adoptávit. Quibus accuráte perpénsis Urbánus Octávus, Póntifex Máximus, ut ejus dies festus iis in locis, in quibus forent Ecclésiae sancti Rochi nómi-

ne Deo dicatae, Officio Ecclesiástico celebraretur indulset.

¶. Honestum fecit.

Ex Tractatu sancti Augustini Episcopi in Epistolam Iohannis.

Lectio V.

Perfecta ista charitas est, ut paratus sis mori pro fratre. Hanc ipse Dominus in se exhibuit mortuus pro omnibus, orans pro eis, a quibus crucifigebatur, et dicens: Pater, ignosce illis, quia nesciunt quid faciunt: sed si solus hoc fecit, non erat Magister, si discipulos non habebat. Si quis tantam haberet charitatem, ut paratus sit pro fratribus etiam mori, perfecta est in illo charitas: Sed numquid mox, ut nascitur, jam prorsus perfecta est? Ut perficiatur, nascitur, cum fuerit nata nutritur, cum fuerit nutrita corroboratur, cum fuerit roborata perficitur, cum ad perfectionem venerit, quid dicit? Mihi vivere Christus est, et mori lucrum: optabam dissolvi, et esse cum Christo; multo enim magis optimum, manere in carne necessarium propter vos. Propter eos volebat vivere, pro quibus paratus erat mori.

¶. Amavit eum.

Lectio VI.

Haec est perfectio charitatis, et major omnino non potest inveniri: sed quia non in omnibus perfecta est, et desperare non debet, in quo perfecta non est si jam nata est, quae perficiatur, et utique si nata est, nutrienda est, et quibusdam suis nutrimentis ad perfectionem propriam perducenda. Quaesivimus inchoationem charitatis unde incipiat, et ibi continuo invenimus: si quis habet facultates mundi, et viderit fratrem suum egentem, et clauscrit viscera sua adversus eum, quomodo dilectio Patris manet in illo? Ergo hic incipit ista charitas, fratres, ut de suis superfluis tribuat egenti in angustiis aliquibus constituto, ex eo quod sibi abundat secundum tempus, a tribulatione temporali liberet fratrem: hinc exordium est charitatis. Hanc ita coeptam, si verbo Dei, et spe futurae vitae nutrieris, pervenies ad illam perfectionem, ut paratus sis animam tuam ponere pro fratribus tuis.

¶. Iste homo.

IN III. NOCTURNO.

Homilia in Evang. Nolite timere de Comm. Conf. non Pont. 2. loc.

DIE XX. AUGUSTI.

*Sexta infr. oct. Assumptio-
nis B. M. V. sem.*

IN I. NOCTURNO.

De Canticis Canticorum.

Lectio I.

Ego flos campi, et lilium convallium. Sicut lilium inter spinas, sic amica mea inter filias. Sicut malus inter ligna silvarum, sic dilectus meus inter filios. Sub umbra illius, quem desideraveram, sedi: et fructus ejus dulcis gutturi meo. Introduxit me in cellam vinariam, ordinavit in me charitatem. Fulcite me floribus, stipate me malis: quia amore langueo. Laeva ejus sub capite meo, et dextera illius amplexabitur me. Adjuro vos filiae Jerusalem per capreas cervosque camporum, ne suscitatis, neque evigilare faciatis dilectam, quod usque ipsa velit.

¶. Vidi speciosam sicut columbam, ascendentem desuper rivos aquarum: cujus inestimabilis odor erat nimis in vestimentis ejus: * Et sicut dies verni circumdabant eam flores rosarum et lilia convallium.

†. Quae est ista, quae a-

scendit per desertum sicut virgula fumi, ex aromatibus mirrhæ et thuris? Et sicut.

Lectio II.

Vox dilecti mei, ecce isto venit saliens in montibus, transiliens colles: similis est dilectus meus capreae, hinnuloque cervorum. En ipse stat post parietem nostrum, respiciens per fenestras, prospiciens per cancellos. En dilectus meus loquitur mihi: Surge, propra amica mea, columba mea, formosa mea, et veni. Jam enim hiems transiit, imber abiit, et recessit. Flores apparuerunt in terra nostra, tempus putationis advenit: vox turturis audita est in terra nostra: ficus protulit grossos suos: vineae florèntes dederunt odorem suum.

¶. Sicut cedrus exaltata sum in Libano, et sicut cyprèssus in monte Sion: quasi myrrha electa, * Dedi suavitatem odoris.

†. Et sicut cinnamomum et balsamum aromatizans. Dedi.

Lectio III.

Surge, amica mea, speciosa mea, et veni: columba mea in foraminibus petrae in caverna maceriae, ostende mihi faciem tuam, sonet vox tua

in áuribus meis: vox enim tua dulcis et fácies tua decóra. Cápite nobis vulpes párvulas, quae demoliúntur víneas: nam vínea nostra flóruit. Diléctus meus mihi, et ego illi, qui páscitur inter lília, donec aspíret dies et inclinéntur umbrae. Revértere; Similis esto, dilécte mi, cápreae hinnulóque cervórum super montes Bether.

℞. Quae est ista, quae processit sicut sol et formósa tamquam Jerúsalem? * Vidérunt eam filiae Sion et beátam dixerunt, et regínae laudavérunt eam.

Ÿ. Et sicut dies verni circúmdabant eam flores rosárum, et lília convállium. Vidérunt. Glória Patri. Vidérunt.

IN II. NOCTURNO.

De Sermóne sancti Joánnis Damascéni.

Lectio IV.

Orat. 2. de dormit. Deipare.

Jubilémus in Arca Dómini Dei toto ánimo, et muri cadent Jeruchuntíni, contrariárium, inquam, potestátum infestae munitiónes. Cum David exultémus spíritu: Arca enim Dómini hódie requiévit.

Clamémus cum Gabriéle, qui primum locum óbtinet inter Angelos: Ave grátia plena, Dóminus tecum; Ave gáudii pélagus inexháustum: Ave únicum molestiárum levámen: Ave ómnium cordis dolórum medicaméntum. Ave sancta Virgo, per quem mors quidem fuit expúlsa, vita áutem introducta.

℞. Ornátam monílibus filiam Jerúsalem Dóminus concupívit: * Et vidéntes eam filiae Sion, beatíssimam praedicavérunt, dicéntes; Unguéntum effusum nomen tuum.

Ÿ. Astitit Regína a dextris tuis in vestítu deauráto circúmdata varietáte. Et vidéntes.

Lectio V.

Tu vero, o sacrórum sepulchrórum sacratíssimum, post Dómini, quidem sepúlchrum, quod vitae dedit princípium, quod fuit fons resurrectionis: tecum enim loquar tamquam cum animáto. Ubi nam est áurum illud purum, quod manus Apostolórum in te condiderunt? Ubi divítiae, quae consumi néqueunt? Ubi pretiósus ille thesáurus, qui vitam suscepit? Ubi novum volúmen, in quo ineffabíliter Deus verbum sine manu inscriptum fuit? Ubi abyssus gratiae, ubi

pélagus curatiónum? Ubi est desiderábile illud Deíparae Vírginis corpus?

ñ. Beátam me dicent omnes generatiónes: * Quia fecit mihi Dóminus magna, qui potens est, et sanctum nomen ejus.

Ÿ. Et misericórdia ejus a progénie in progénies timéntibus eum. Quia fecit.

Lectio VI.

Quid quaeritis in sepúlchro eam, quae ad coeléstia transláta est tabernácula? Cur a me custódiae ratiónem expóscitis? Non possum ergo divinis jussis resistere. Sacrosáctum illud corpus, quod mihi quoque sanctitátem impertívit, ac pretiosíssimi unguénti fragrántia me replévit, et divinum templum effécit, relíctis sindónibus, ábiit raptum sublíme, comitántibus Angelis, Archángelis et ómnibus coeléstibus poténtiis. Nunc me circúmdant Angeli, nunc divína in me hábitat grátia. Ego evási officína medicínae aegrotántibus: ego fons perénis curatiónum: ego remédium advérsus daemones: ego civitas refúgii ómnibus ad me confugiéntibus.

ñ. Beáta es Virgo María, quae Dóminum portásti Creatórem mundi: * Genuísti qui

te fecit, et in aetérnum pérmanes Virgo.

Ÿ. Ave María, grátia plena Dóminus tecum. Genuísti. Glória Patri. Genuísti.

IN III. NOCTURNO.

Léctio sancti Evangélii
secúndum Lucam.

Lectio VII.

Cap. 10.

In illo témpore: Intrávit Jesus in quoddam castéllum et múlter quaedam, Martha nómine, excépit illum in domum suam. Et réliqua.

Homília sancti Augustíni
Epíscopi.

Ex Serm. 27. de verbis Domini.

Quid áutem? Putámus reprehénsus esse ministérium Marthae, quam cura hospitalitátis occupáverat, quae ipsum Dóminum hospítio recéperat? quómodo recte reprehendebátur, quae tanto hóspite laetabátur? Hoc si verum est, dimittant hómínes, quod ministrant egéntibus: éligant sibi partem meliórem, quae non auferétur ab eis: vacent verbo, inhient doctrínae dulcediní, occupéntur circa scién-

tiam salutárem: nihil eis curae sit, quis peregrínus in vi-
co jáceat, quis égeat pane,
quis induménto, quis visitán-
dus, quis redimiéndus, quis se-
peliéndus: vacent ópera mi-
sericórdiae, uni instétur scién-
tiae.

ñ. Diffúsa est grátia in lá-
biis tuis: * Proptérea benedí-
xit te Deus in aetérnum.

ÿ. Myrrha, et gutta, et cá-
sia a vestimén:is tuis, a dó-
mibus ehúrneis, ex quibus te
delectavérunt filiae regum in
honóre tuo. Proptérea.

Lectio VIII.

Si mélior pars est, cur non
omnes hoc faciunt, quod ipsum
Dóminum in hac cáusa patrón-
um habémus? Non enim ti-
mémus in hac re, ne offendá-
mus ejus justítiam, cum pa-
trónam teneámus ejus sentén-
tiam. Et tamen ita non est:
sed sicut dixit Dóminus ita
est. Quómodo intélligis, non
est ita? Est áutem, quómodo
intelligere débeas: ecce ad-
vérte. Circa multa es occu-
páta, quando unum est neces-
sárium. María meliorem par-
tem elégit: non tu malam,
sed illa meliorem. Sed unde
meliorem? Quia tu circa mul-
ta, illa circa unum. Praepó-
nitur unum multis: non enim

a multis unum, sed multa
ab uno.

ñ. Beáta es Virgo María,
Dei Génitrix, quae credidísti
Dómino, perfécta sunt in te,
quae dicta sunt tibi: ecce e-
xaltáta es super choros An-
gelórum: * Intercéde pro no-
bis ad Dóminum Deum no-
strum.

ÿ. Ave María grátia plena:
Dóminus tecum. Intercéde.
Glória Patri. Intercéde.

Lectio IX.

Multa sunt quae facta sunt:
unus est, qui fecit, coelum, et
terram, mare et ómnia quae
in eis sunt, quam multa sunt!
quis ista enúmeret? quis ho-
norum multitudínem cógitet?
quis haec fecit? Deus ómnia.
Ecce bona valde. Bona valde
quae fecit; quanto mélior est,
qui fecit? Attendámus igitur
occupationes nostras circa
multa. Necessárium est mi-
nistérium córpora refectúris.
Quare hoc? quia esurítur,
quia sitítur. Misericórdia mí-
seris necessária est. Frangis
panem esuriénti quia invení-
sti esuriéntem. Tolle famem,
cui frangis panem? Tolle pe-
regrinatióem; cui exhibes
hospitalitátem? Tolle nuditá-
tem, cui praestas vestem?
Non sit aegritúdo; quem ví-

sitas? Non sit captivitas, quem redimis? Non sit rixa; quem concordas. Non sit mors; quem sepelis? In illo saeculo futuro non erunt ista mala; ergo nec ista ministeria.

Te Deum laudamus.

DIE XXI. AUGUSTI.

*Septima die infra octavam
ASSUMPTIONIS B. M. V.*

IN I. NOCTURNO.

De Canticis Canticorum

Lectio I.

Quid videbis in Sulamite nisi choros castrorum? Quam pulchri sunt gressus tui in calcamentis, filia principis! Juncturae femorum tuorum, sicut monilia, quae fabricata sunt manu artificis. Umbilicus tuus crater tornatilis, numquam indigens poculis. Venter tuus sicut acervum tritici, vallatus liliis. Duo ubera tua, sicut duo hinnuli gemelli capreae. Collum tuum sicut turris eburnea. Oculi tui sicut piscinae in Hesebon, quae sunt in porta filiae multitudinis. Nasus tuus sicut turris Libani, quae respicit contra Damascum. Caput tuum ut Carme-

lus: et comae capitis tui, sicut purpura regisincta carnalibus.

¶. Vidi speciosam. Cum aliis ut die praec.

Lectio II.

Quam pulchra es, et quam decora, charissima in deliciis! Statuta tua assimilata est palmae, et ubera tua botris. Dixi: Ascendam in palmam, et apprehendam fructus ejus; et erunt ubera tua sicut botri vineae: et odor oris tui sicut malorum. Guttur tuum sicut vinum optimum, dignum dilecto meo ad potandum, labiisque et dentibus illius ad ruminandum.

Lectio III.

Ego dilecto meo, et ad me conversio ejus. Veni dilecte mi, egrediamur in agrum, commoremur in villis. Mane surgamus ad vineas, videamus si floruit vinea si flores fructus parturiunt, si floruerunt mala punica: ibi dabo tibi ubera mea. Mandragorae dederunt odorem. In portis nostris omnia poma: nova et vetera, dilecte mi, servavi tibi.

IN II. NOCTURNO.

Sermo sancti Bernárdi
Abbatis.

Lectio IV.

Term. 4. de Assumpt.
Tempus loquendi est omni
carni, cum assumitur Verbi
mater in coelum: nec cessá-
re debet a láudibus humana
mortálitas, cum hóminis so-
la nátura super immortáles
spíritus exaltátur in Vírgine.
Sed de ejus glória nec silére
devótió pátitur, nec dignum
áliquid stérilis concípere co-
gitátió, aut inerudíta potest
locútio parturíre. Hinc est,
quod et ipsi coeléstis cúriæ
príncipes in consideratióne
tantæ novitátis clamant non
sine admiratióne: Quæ est
ista, quæ ascéndit de desér-
to; delíciis áfluens?

Lectio V.

Ac si manifestius dicant:
Quanta est hæc, et unde ei
ascendenti útique de desérto,
affluéntia tanta deliciárum?
Nec enim pares inveniúntur
deliciae vel in nobis, quos in
civitáte Dómini lætíficat flú-
minis ímpetus, qui a vultu
glóriæ voluptátis glória po-
támur. Quæ est ista, quæ de
sub sole (ubi nihil est, nisi

labor et dolor, et afflictio spí-
ritus) ascéndit delíciis spíri-
tuálibus áfluens? Quidni de-
lícias díxerim virginitátis de-
cus cum múnere foecunditá-
tis, humilitátis insigne, di-
stillántem charitátis favum,
misericórdiæ víscera, pleni-
túlinem grátiae, prærogati-
vam glóriæ singuláris?

Lectio VI.

Ascéndens igitur de desér-
to Regina mundi étiam An-
gelis sanctis, ut canit Ecclé-
sia, speciósa facta est et suá-
vis in delíciis suis. Designant
tamen desérta hujus mirári
delicias: quia Dóminus dedit
benignitatem et terra nostra
dedit fructum suum. Quid
mirántur de terra desérta
Mariám ascéndere delíciis af-
fluéntem? Miréntur pótius
páuperem Christum de coelés-
tis regni plenitúdine descen-
déntem. Longe enim ampliór-
ri miráculo dignum vidétur,
Dei Fílium páulo minus ab
Angelis minorári, quam Dei
matrem super Angelos exal-
tári. Illius síquidem exinaní-
tio, facta est replétio nostra:
illius misériae mundi deliciae
sunt. Dénique cum dives es-
set, propter nos páuper factus
est, ut nos ejus inópia dita-
rémur.

IN III. NOCTURNO.

Lectio Sancti Evangelii
secundum Lucam.

Lectio VII.

In illo tempore: Intravit
Jesus in quoddam castellum:
et mulier quaedam Martha
nómine, excepit illum in do-
mum suam. Et reliqua.

De Homilia sancti Augustini
Episcopi.

Ex Serm. 27. de Verbis
Domini.

Remanserunt ergo in illa
domo, quae suscepit Dó-
minum, in duabus féminis
duae vitae, ambae innocén-
tes, ambae laudábiles. Una
laboriósá, áltera otiósá, nul-
la facinorósá, nulla desidiósá.
Ambae innocéntes, ambae
inquam laudábiles: sed una
laboriósá, áltera otiósá, nul-
la facinorósá, quam cavére
debet laboriósá: nulla desi-
diósá, quam cavére debet o-
tiósá.

Lectio VIII.

Erant ergo in illa domo i-
stae duae vitae, et ipse fons

vitae. In Martha erat imágo
praeséntium: in María futu-
rórurum. Quod agébat Martha,
ibi sumus: quod agébat Ma-
ría hoc sperámus. Hoc agá-
mus bene, ut illud habéamus
plene. Nam quid inde habé-
mus, in quantum habémus?
Quámdiu hic sumus, quan-
tum est quod inde habémus?
Nam et módo inde áliquíd
ágimus: remóti a negótiis,
sepóitis familiáribus curis,
convenístis, statis, audítis.

Lectio IX.

In quantum hoc ágitis, Ma-
ríae símiles estis. Et facílius
vos inténditis quod agit Ma-
ría, quam ego praerogo. Si
quid tamen dico, Christi est.
Ideo vos pascit Christus, quia
panis commúnis est, unde et
ego vobíscum vivo. Nunc áu-
tem vívimus, si vos fratres
statis in Dómino. Nolo in no-
bis, sed in Dóminó: quia ne-
que qui plantat, est áliquíd,
neque qui rigat: sed, qui in-
creméntum dat, Deus.

Te Deum laudámus.

DIE XXIII. AUGUSTII.

In Festo S. PHILIPPI BE-
NITHI Conf. Flor. Dupl. 2. cl.

Omn. ut in Brev. cum lect.

1. n. de Com. 2. loc. Beátus
vir, et cum 9. l. et com. vig.

DIE XXVI. AUGUSTII.

In Festo S. HYACINTHI C.
Ass. ex 16. huj. Duplex.

Omn. ut in Brev. 16. huj.
cum 9. l. et com. S. Zephirini
Pp. M.

DIE XXVII. AUGUSTI.

In Festo S. JOSEPHI CALA-
SANCTII Conf. Duplex.

Omnia de Comm. Conf. non
Pont. praeter ea, quae sequun-
tur.

In hymn. Iste Confessor di-
catur Méruit Supremos.

ORATIO.

Deus, qui per sanctum Jo-
séphum Confessórem tuum ad
erudiendam spíritu intelligén-
tiae, ac pietátis juventútem,
novum Ecclesiæ tuæ subsí-
dium providére dignátus es;
praesta quaesumus, nos ejus
exémpló, et intercessióne ita
 fácere, et docére, ut praemia
consequámur aetérna. Per
Dóminum.

IN I. NOCTURNO.

Lectiones de Script. curr.

IN II. NOCTURNO.

Lectio IV.

Joséphus Calasáncius a Ma-
tre Dei Petrállae in Aragónia
nóbili génere natus, a téneris
annis futúrae in púeros cha-
ritátis, et eórum institutiónis
indícia praebuit. Nam adhuc
párvulus eos ad se convocá-
tos in mystériis Fidei, et sa-
cris précibus erudiébat. Hu-
mánis, divinisque lítteris e-
grégie doctus, cum stúdiis
Theológicis Valentiae óperam
daret, nóbilis potentisque fé-
minae illécebris fórtiter su-
perátis, virginitátem quam
Deo vóverat, inoffénsam in-
signi victória servávit. Sacér-
dos ex voto factus, a com-
plúribus Episcopis in Castél-
lae Novae, Aragóniae, et Ca-
taláuniae regnis in partem
labóris adscítus: expectatió-
nem ómnium vicit, pravis u-
bíque móribus emendátis, Ec-
clesiástica disciplína restitú-
ta, inimicítiis, cruentisque fa-
ctiúnibus mirífice extíntis. At
coelésti visióne, et Dei voce
frequéter admónitus Romam
proféctus est.

¶. Honéstum.

Lectio V.

In urbe summa vitae aspe-
ritáte, vigíliis, et jejúniis cor-

pus affligens in orationibus, et coeléstium rerum contemplatione dies noctesque versabatur, septem ejúsdem Urbis Ecclesiás singulis fere nórtibus obire solitus: quem inde morem complúres annos servavit. Dato piis sodalitatibus nómine, mirum quanto ardore páuperes, infirmos potíssimum, aut cárceribus deténtos eleemósynis, omnique pietátis officio subleváret. Luc urbem depopulánte, una cum sancto Camillo, tanto fuit actus ímpetu charitátis, ut praeter subsidia aegróti páuperibus large colláta, ipsa étiám defunctorum cadáverá suis húmeris tumulánda transférret. Verum cum divínitus accepisset, se ad informándos intelligentíae, ac pietátis spírítu adolescentulos, praecipue páuperes destinári, Ordinem Clericórum Regulárum Páuperum Matris dei Scholárum Piárum fundávit, qui peculiárem curam circa puerórum eruditiónem ex próprio Institúto profiteréntur: ipsúmque Ordinem a Clemente Octávo, Páulo Quinto, aliisque Summis Pontificibus magnópere probátum, brevi témpore per plúrimas Európaeprovincias, et Regna mirabíliter propagávit. In hoc áutem tot labóres perpéssus est, ac tot aerúmna invicto ánimo tolerávit, ut ómnium voce mi-

raculum fortitúdinis, et sancti Jobi exémpulum dicerétur.
n). Amávit eum.

Lectio VI.

Quamvis Ordini univérso praesset, totisque víribus ad animárum salutem incumberet, numquam tamen intermisit púeros, praesértim pauperiores, erudire, quorum scholas vérrere, eosque domum comitari consuevit. In eo summae patiéntiae, et humilitátis múnere, valetúdine étiám infirma, duos et quinquaginta annos perseverávit: dignus proptérea, quem crebris Deus miraculis coram discipulis illustráret, et cui Beatíssima Virgo cum púero Jesu, illis orántibus benedicente, appareret. Amplísimis interim dignitatibus repudiátiis, prophétia, ábdita córdium, et abséntia cognoscéndi donis, et miraculis clarus, Deiparae, Víginis quam singulári pietáte et ipse ab infántia coluit, et suis máxime commendávit, aliorúmque Coelítum frequénti apparitione dignátus, cum óbitus sui diem, et Ordinis tunc prope evérsi restitutionem, atque incrementum praenunciáset, secúndum et nonagésimum annum agens, Romae obdormívit in Dómino octávo Kalén-

das Septémbris, anno millésimo sexcentésimo, quadragésimo octávo. Ejus Cor, et Lingua post saeculum integra, et incorrupta reperta sunt. Ipse vero multis post óbitum quoque signis a Deo illustrátus, primum a Benedicto Decimoquárto Beatórum cultu decorátus fuit, ac deínde a Clemente Decimotértio inter Sanctos solémniter est relátus.

¶. Iste homo.

IN III. NOCTURNO.

Lectio Sancti Evangélíi
secúndum Matthaeum.

Lectio VII.

In illo témpore: Accessérunt Discípuli ad Jesum dicétes: Quis putas, major est in regno coelórum? Et réliqua.

Homília sancti Joánnis
Chrysóstomi.

In Cap. 18. Matth.
Hom. 60.

Vidéte, ne áliquem istórum contempsérítis parvulórum, quia eórum Angeli Patris mei faciém semper aspíciunt, et quia ego propter eos veni, et haec Patris mei volúntas est. Ad tuéndos, conservandósque

pusillos diligentióres nos reddít. Pérspicis quam ingéntia in tutelám tenúium moenia eréxerit, et quantum stúdiúm, curámque hábeat, ne perdántur, tum quia suprémás decipiéntibus eos poenas státuit, tum quia summam pollicétur mercédem his, qui curam eórum suscipiunt, idque tam suo, quam Patris exémplo corróborat.

¶. Iste est.

Lectio VIII.

Dóminum igitur étiam nos imitémur, et nihil pro frátribus omittámus étiam eórum, quae humília, víliaque nímiúm vidéntur; sed si administratióne nostra étiam opus fúerit, quamvis ténuis, atque abjéctus quidem, cui administrándum sit, fúerit; quamvis árdua nobis res, atque labóris plena esse videátur, ómnia haec pro fratris salute tolerabilióra facilióraque, oro, videántur. Tanto enim stúdio, tantáque cura Deus dignam esse ánimam osténdit, ut neque Fílio suo pepérceat.

¶. Sint lumbi vestri.

Lectio IX.

Si non est nobis satis ad salutem quod virtuosé ipsi

vivamus, sed oportet aliorum salutem re ipsa desiderare: cum neque nos recte vivamus, neque alios hortemur, quid respondēbimus? quae nobis spes salutis reliqua erit? Quid majus quam animis moderari, quam adolescentulorum fingere mores? Omni certe pictore, omni certe statuário, coeterisque hujusmodi omnibus excellentiorem hunc ducō, qui juvenum animos fingere non ignoret.

Te Deum.

DIE XXX. AUGUSTI.

In Festo S. ROSAE A S. MARIA Virg. Limanae. Duplex.

Omnia de Communi Virginum, praeter ea, quae assignantur propria.

ORATIO.

Bonorum omnium largitor omnipotens Deus, qui beatam Rosam coelestis gratiae rore praevenitam, virginitatis, et patientiae decore Indis florere voluisti: da nobis famulis tuis, ut in odorem suavitatis ejus currentes, Christi bonus odor effici mereamur: Qui tecum vivit.

Et sit com. SS. Felicitis, et

Adaucti Mart. ut in Breviario.

IN I. NOCTURNO.

Lectiones de Scriptura occurr.

IN II. NOCTURNO.

Lectio IV.

Primus Americae Meridionalis flos sanctitatis virgo Rosa, Christianis parentibus Limae progenita, mox ab incubulis claruit futurae sanctimoniae indiciis: nam vultus infantis mirabiliter in rosae effigiem transfiguratus huic nomini occasionem dedit: cui postea Virgo Deipara cognomen adjecit, jubens vocari deinceps Rosam a sancta Maria. Quinquennis votum perpetuae virginitatis emisit. Adultior, ne a parentibus ad nuptias cogeretur, clam sibi et venustissimam capitis caesariem praescidit. Jejunii supra humanum modum addicta, integras Quadragesimas transigit pane abstinens, ac diem solis quinque granulis mali citrini victitans.

℟. Propter.

Lectio V.

Habitu Tertii Ordinis sancti Domini assumpto, pristinas

vitae austeritâtes duplicâvit: oblôngo, asperrimôque cilicio sparsim minúsculas acus in-néxuit: sub velo coronam densis acúleis intrórsus obarmátam intérdu, noctúque gestâvit. Sanctae Catharinae Senénsis árdua premens vestígia, caténa férrea, tríplici nexu circumducta, lumbos cinxit. Léctulum sibi e truncis nodósis compósuit; horúmque vácuas commissúras fragmínibus testárum implévit. Célulam sibi angustíssimam struxit in extrémô horti ángulo, ubi coeléstium contemplationi dédita, crebris disciplinis, icédia, vigíliis corpúsculum exténuans, at spírítu vegetáta, larvas daemónum, frequénti certámine victrix, impávide potrívit, ac superávit.

R. Dilexísti justítiam.

Lectio VI.

Aegritúdinum torméntis, domesticórum insúltibus, linguárum mórsibus dire agitáta, nondum satis pro mérito se afflígi querebátur. Per quíndecim annos ad plúsculas horas desolatióne spiritus, et ariditate misérime contabéscens, fortí ánimo tulit agónes omni morte amarióres. Exínde coepit supérnis abundáre delíciis, illustrári visiónibus, colliquéscere seráphi-

cis ardóribus. Angelo tutelári, sanctae Catharinae Senénsi, Vírgini Deíparae inter assíduas apparitiónes mire familiáris, a Christo has voces audíre méruit: Rosa cordis mei tu mihi sponsa esto. Dénique Sponsi hujus Paradíso feliciter invéctam, plurimisque ante, et post óbitum miráculis corúscam Clemens Décimus Póntifex Máximus Sanctárum Vírginum Catálogo ritu solémni adscripsit.

R. Afferéntur regi.

IN III. NOCTURNO.

Ut in Com. vv. 1. loc. cum 9. lect. et com. SS. MM. ut in Brev.

FESTA SEPTEMBRIS

DOMINICA PROXIMIORI KAL.
SEPT., VEL IMMEDIATEAE POST.
FEST. S. AUGUSTINI.

In Festo B. M. V. DE CONSOLATIONE Duplex majus.

AD VESPERAS.

*Ant. Odor etc. ut in Laud.
Psal. ut in Officio parvo B.
M. V.*

Capitulum

Egrediétur virga, de radíce
Isaiae 11.

Jesse, et flos de radice ejus ascendet, et requiescet super eum spiritus Domini.

Hymnus Ave Maris Stella.

Ÿ. Numquid obliviscetur Virgo ornamenti sui?

℞. Aut Sposa fasciae pectoralis suae?

AD MAGNIFICAT.

Ant. Sancta Maria succurre miseris, juva pusillanimes, réfove flébiles, ora pro pópulo, intéveni pro Clero, intercede pro devóto foemíneo sexu, sentiant omnes tuum juvamen quicumque celebrant tuam sanctam Festivitatem.

ORATIO

Domine Jesu Christe, Pater misericordiarum, et Deus totius consolationis, concede propitius, ut sicut lumbos praecincti purissimam Genitricem tuam Mariam sub Consolationis titulo gaudentes venerámur in terris, ita perénni ejúsdem consórtio pérfrui mereámur in coelis: Qui vivis et regnas.

AD MATUTINUM

Invitator. Jesum per Mariam nos consolantem * Veníte, adorémus.

IN I. NOCTURNO.

Antiph. et Psalmi, ut in Officio parvo.

Ÿ. Spécie tua; et pulchritudine tua.

℞. Inténde, prospere procéde, et regna.

De Canticis Canticorum.

Lectio I.

O quam pulchra es amica mea, quam pulchra es! Oculi tui columbarum absque eo quod intrínsecus latet. Capilli tui sicut greges caprarum, quae ascenderunt de monte Gálaad. Dentes tui sicut greges tonsarum, quae ascenderunt de lavacro, omnes gemellis foetibus, et stérilis non est inter eas. Sicut villa cocinea lábia tua, et eloquium tuum dulce. Sicut fragmen mali púnici; ita genae tuae absque eo, quod intrínsecus latet. Sicut turris David colum tuum, quae aedificata est cum propugnaculis: mille clypei pendent ex ea omnis armatura fortium.

℞. Sancta et immaculata Virginitas, quibus te laudibus éfferam nescio: * Quia quem coeli capere non poterant, tuo grémio contulisti.

Ÿ. Benedicta tu in mulié-

ribus, et benedictus fructus
ventris tui. Quia.

Lectio II.

Tota pulchra es, et mácula
non est in te. Veni de Líba-
no, sponsa mea, veni de Lí-
bano, veni: coronáberis de
cápite Amana, de vértice Sa-
nir, et Hermon, de cubilibus
leónum, de móntibus pardó-
rum. Vulnerásti cor meum
soror mea sponsa, vulnerásti
cor meum in uno oculórum
tuórum, et in uno crine colli
tui. Quam pulchrae sunt
mammas tuas, soror mea
sponsa; Pulchrióra sunt úbe-
ra tua vino, et odor unguén-
tórum tuórum super ómnia
arómata.

¶. Congratulámini mihi
omnes, qui diligitis Dómi-
num, quia cum essem párvu-
la plácuí Altíssimo, * Et de
meis viscéribus génui Deum,
et hómīnem.

†. Beátam me dicent om-
nes generatióes, quia Ancíl-
lam húmīlem respéxit Deus.
Et de meis.

Lectio III.

Favus distíllans lábia tua,
sponsa; mel, et lac sub lin-
gua tua: et odor vestimentó-
rum tuórum sicut odor thu-

ris. Hortus conclúsus, soror
mea sponsa. hortus conclú-
sus, fons signátus. Emissi nes
tuas Paradísus malórum pu-
nicórum cum pomórum frú-
ctibus. Cypri cum Nardo:
Nardus, et Crocus: Fístula,
et Cinnamómum cum uni-
vérsis lignis Líbani. Myrrha
et Aloe cum ómnibus primis
unguéntis. Fons hortórum:
púteus aquárum vivéntium,
quae fluunt ímpetu de Líbano.
Surge Aquilo, et veni Auster,
perfla hortum meum, et fluant
arómata illius.

¶. Beáta es Virgo Maria,
quae Dóminum portásti Crea-
tórem mundi: * Genuísti qui
te fecit, et in aetérnum pér-
manes Virgo.

†. Ave María grátia ple-
na, Dóminus tecum. Genuí-
sti.

Glória Patri. Genuísti.

IN II. NOCTURNO.

†. Adjuvábít eam Deus
vultu suo.

¶. Deus in médio ejus non
commovébitur.

Sermo sancti Bernárdi
Abbátis.

Lectio IV.

Serm. in Dom. infr. oct
Assumpt. B. M. V. super sign.
magn.

Jure María Sole perhibétur amícta, quae profundíssimam Divinae Sapiéntiae, . ultra quam credi váleat, penetrávit abyssum, ut quantum sine personali unióne conditio pátitur, luci illi inaccessíbili videátur immérsa: illo nímírum igne Prophétae lábia purgántur, illo igne Séraphim accendúntur. Longe vero áliter María méruit non summátim tangi, sed operíri magis úndique, et circumfúndi, et tamquam ipso igne conclúdi. Candidíssimus sane, sed et calidíssimus hujus mulieris amíctus, cujus ómnia tam excellénter irradiáta noscúntur, ut nihil in ea, non dico tenebrósum, sed ne suboscúrum saltem, vel minus lúcidum, sed ne tépidum quidem áliquíd, aut non fervéntíssimum liceat suspicári.

¶. Sicut cedrus exaltátus in Líbano, et sicut cypréssus in monte Sion; quasi myrrha elécta * Dedi suavitátem odóris.

†. Et sicut cinnamórum, et bálsamum aromatízans. Dedi.

Lectio V.

Mulier amícta Sole. Plane amícta lúmine tamquam vestiménto. Non pércipit forte

carnális: nímírum spirituále est: stultítia illi vidétur. Non sic videbátur Apóstolo, qui dicebat: induímini Dóminum Jesum Christum. Quam familiáris ei facta es Dóminál quam próxima, immo quam íntima fieri meruísti: quantam invenísti grátiam apud eum! In te manet, et tu in eo; et vestis eum, et vestíris ab eo. Vestis eum substántia carnis, et vestit ille te glória suae majestátis. Vestis Solem nube: Sole ipsa vestíris. Novum enim fecit Dóminus super terram, ut múluer circumdaret virum.

¶. Quae est ista, quae processit sicut Sol, et formósa tamquam Jerúsalem? * Vidérunt eam filiae Sion, et beátam dixerunt, et regínae laudavérunt eam.

†. Et sicut dies verni circumdabant eam flores rosárum, et lília convállium. Vidérunt.

Lectio VI.

Te itaque Mater misericórdiae mediátricem nobis apud Solem justítiae constitútam devótis supplicatióibus interpellámus, ut in lúmine tuo videámus lumen, et Solis grátiam tuo mereámur obténtu, quam vere amávit prae ómnibus, et ornávit,

stola glóriæ induens, et coronam pulchritudinis ponens in capite tuo. Plena es gratiarum, plena rore coelesti, innixa super dilectum, deliciis affluens. Ciba hodie pauperes tuos, Dómina; ipsi quoque catelli de micis edant, nec púero Abrahæ tantum, sed et camélis potum tríbuas de supereffluenti hydria tua, quia tu vere puélla es praelecta: et praeparata Altíssimi Filio, cujus divino instinctu Sanctus Póntifex et Doctor Ambrósius postquam Augustinum sacro Baptismate expiavit, novum hóminem novis vestibus induit, cucullaque nigra, et cingulo ex cório ipse, ut fertur, praecinxit. Hujus áutem sacri Cinguli ornaméntum póstea Religio Augustiniána semper gestávit in signum devotiõnis erga Beátam Vírginem Mariám, sanctum Patrem Augustinum, piámque ejus matrem Mónica, ita ut Eugénio Quarto adprobante, fúerit instituta Societas Cincturátorum sanctórum Augustíni, et Mónica, et ália similis sub invocatióne Beatae Mariæ Vírginis de Consolatióne, quas Gregórius Decimustértius in unum corpus redégit, ac Sodaliátium Cincturátorum Beatae Mariæ Vírginis vóluit appellári; illúque tum Gre-

górius ipse, tum multi álii ejus Successóres innúmeris grátiis, et privilégiis cumularunt.

ñ. Ornátam monílibus Fíliam Jerúsalem Dóminus concupívit, * Et vidéntes eam filiae Sion beatíssimam praedicavérunt, dicéntes: * Unguentum, effusum nomen tuum.

ŷ. Adstitit Regína a dextris tuis in vestítu deauráto circúmdata varietáte. Et vidéntes. Glória Patri. Unguentum.

IN III. NOCTURNO.

ŷ. Elégit eam Deus, et praeelégit eam.

ñ. In tabernáculo suo habitáre facit eam.

Lectio Sancti Evangélii
secúndum Lucam.

Lectio VII.

Cap. 1. d.

In illo témpore: Exúrgens María ábiit in montána cum festinatióne in civitátem Judá, et intrávit in domum Zachariae, et salutávit Elísabeth. Et réliqua.

Homilía sancti Augustíni
Epíscopi.

Libro de Praesentia Dei, sive Epist. 187. alias 57. numero 23.

Haec sunt certe verba Elisabeth matris Joannis: Beata tu inter mulieres; et beatus fructus ventris tui: et unde hoc mihi, ut veniat Mater Domini mei ad me? Ecce enim ut facta est vox salutationis tuae in auribus meis, exultavit in gaudio Infans in útero meo. Hoc autem ut diceret, sicut Evangelista praelocutus est, repleta est Spíritu Sancto, quo procul dubio revelante, cognovit quid illa exultatio significaret Infantis, idest illius venisse Matrem, cujus praecursor ipse et demonstrator esset futurus. Póuit ergo esse ista significatio rei tantae a majóribus cognoscendae, non a párvulo cógnitae.

¶ Sub tuum praesídium confúgimus, clementíssima Virgo: súscipe nos, única spes nostra, et nostris delectáre láudibus, * Quibus indigni omni te láude digníssimam collaudámus.

†. Aufer a nobis iniquitates nostras, ut digni canámus tibi glóriae melos. Quibus.

. Lectio VIII.

Nam neque cum hoc ante in Evangélio narrarétur, di-

ctum est: credidit infans in útero ejus, sed exultávit: neque ipsa dixit: exultávit in fide Infans in útero meo, sed exultávit in gaudio. Vidémus autem exultationem non solum parvulorum, sed étiam pécorum, non útique de aliqua fide, vel religióne, vel qualicúmque rationáli cognitióne venientem. * Sed haec plane inusitata et nova éxstitit, quia in útero, et ad ejus advéntum, quae hóminum Salvátorem fúerat parítura. Ideo mira, ideo in magnis signis deputánda. Ideo haec exultatio, et tamquam Matri Domini réddita resalutatio, sicut solent miracula fieri, facta est divínitus in Infánte, non humánitus ab Infánte.

¶. Porta coeli, et stella Maris es Virgo María, Regis aetérni Mater, gratos nos redde Filio tuo * Quia omnis virtus, et decor, et glória ex te respléndent.

†. Tu vóniae vena, tu grátiae Mater, tu spes mundi, exáudi nos clamántes ad te. Quia omnis. Glória Patri. Quia omnis.

Lectio IX. De Homilia Dominicae.

AD LAUDES

ET PER HORAS

Ant. Odor vestimentórum tuórum sicut odor thuris.

Ant. Cíngulo suo confortávit nos, et potestátem suam dedit in manu nostra.

Ant. Justítia cíngulum lumbórum ejus, et fides cinctórium renum ejus.

Ant. Myrrha, et gutta, et cásia a vestiméntis tuis.

Ant. Séntiens vestimentórum illius fragrántiam, benedíxit nobis Deus noster.

Capitulum

Egrediétur Virga de radíce Jesse, et flos de radíce ejus ascéndet, et requiescet super eum Spíritus Dómini.

Hymnus. O Gloriósa Vírginum etc.

Ÿ. Benedícta tu in muliéribus.

℟. Et benedíctus fructus ventris tui.

AD BENEDICTUS.

Ant. Quae est ista, quae ascéndit sicut auróra consurgens, pulchra ut luna, elécta ut sol, terríbilis ut castrórum ácies ordináta?

ORATIO

Dómine Jesu Christe, Pater misericordiárum, et Deus totíus consolatiónis, concéde propítius, ut sicut lambos

praecínti puríssimam Genitricem tuam Mariám sub Consolatiónis título gaudéntes venerámur in terris, ita perénni ejúsdem consórtio pérfrui mereámur in coelis, Qui vivis et regnas.

AD PRIMAM

Ant. Odor.

℟. *br.* Qui natus es de María Vírgine.

AD TERTIAM

Cíngulo suo.

Capitulum

Egrediétur Virga de radíce Jesse. *ut supr.*

℟. *br.* Spécie tua, * Et pulchritúdine tua. Spécie.

Ÿ. Inténde, prospere procéde, et regna. Et pulchritúdine tua. Glória Patri. Spécie.

Ÿ. Adjuvábiteam Deus vultu suo.

℟. Deus in médio ejus non commovébitur.

AD SEXTAM

Ant. Justítia cíngulum.

Capitulum

Et sic in Sion firmáta sum, *Eccl. 24.*

et in civitate sanctificata similiter requievi, et in Jerusalem potestas mea. Et radicaui in populo honorificatio, et in parte Dei mei haereditas illius, et in plenitudine sanctorum detentio mea.

R. br. Adjuvabit eam, * Deus vultu suo. Adjuvabit eam.

Y. Deus in medio ejus non commovebitur. Deus vultu suo. Gloria Patri. Adjuvabit eam.

Y. Elegit eam Deus, et praelegit eam.

R. In tabernaculo suo habitare facit eam.

AD NONAM

Ant. Sentiens vestimentorum.

Capitulum.

Eccl. 24. b.
In platéis sicut cinnamomum et balsamum aromatizans odorem dedi: quasi myrrha electa dedi suavitatem odoris.

R. br. Elegit eam Deus, * Et praelegit eam. Elegit. *Y.* In tabernaculo suo habitare facit eam. Et praelegit eam. Gloria Patri. Elegit.

Y. Diffusa est gratia in labiis tuis.

R. Propterea benedixit te Deus in aeternum.

IN II. VESPERIS.

Omnia ut in primis, praeter Antiph. seq.

AD MAGNIFICAT.

Ant. Sub tuum praesidium confugimus clementissima Virgo: suscipe nos, unica spes nostra, et nostris delectare laudibus.

DOMENICA III. SEPTEMBRIS.

Officium SEPTEM DOLORUM
B. M. V.

Duplex 2. Class. cum Octava.

AD VESPERAS.

Ant. Quo abiit dilectus tuus, cum reliq. de Laudibus ut infra; *Psalmi.* Dixit Dominus, et reliqui consueti, prout in Officio parvo ejusdem B. M. V.

Capitulum.

Thren. 2.
Cui comparabo te? vel cui assimilabo te, Filia Jerusalem? cui exaequabo te, et consolabor te, Virgo filia Sion? magna est velut mare contritio tua.

Hymnus.

O quot undis lacrymarum,
Quo dolore volvitur,
Luctuosa de cruento
Dum revulsum stipite,
Cernit ulnis incubantem
Virgo Mater Filium!

Os suave, mite pectus,
Et latus dulcissimum:
Dexteramque vulneratam,
Et sinistram sauciam;
Et rubras cruore plantas
Ægra tingit lacrymis.

Centiesque, milliesque
Stringit arctis nexibus
Pectus illud, et lacertos,
Illa figit vulnera,
Sicque tota colliquescit
In doloris osculis.

Eja, Mater, obsecramus
Per tuas has lacrymas,
Filiique triste funus,
Vulnerumque purpuram,
Hunc tui cordis dolorem
Conde nostris cordibus.

Esto Patri, Filioque,
Et coevo Flámini,
Esto summae Trinitati
Sempiterna gloria,
Et perennis laus, honorque
Hoc, et omni saeculo. Amen.

ŷ. Regina Martyrum, ora
pro nobis.

ñ. Quae juxta crucem Jesu
constitisti.

AD MAGNIFICAT

Ant. Nolite me considerá-

re, quod fusca sim, quia de coloravit me sol: filii matris meae pugnaverunt contra me.

ORATIO.

Deus, in cujus passione, secundum Simeonis prophetiam, dulcissimam animam gloriosae Virginis, et Matris Mariae doloris gladius pertransivit: concede propitius, ut, qui dolores ejus venerando recolimus, passionis tuae effectum felicem consequamur. Qui vivis, et regnas.

Deinde fit commem. Dominicæ currentis. Hymni Complet. et aliarum Horar. terminantur sic.

Jesu, tibi sit gloria,
Qui passus es pro servulis;
Cum Patre, et almo Spiritu,
In sempiterna saecula.

Amen.

AD MATUTINUM

Invitator. Stemus juxta
Crucem cum Maria Matre
Jesu, * Cujus animam doloris
gladius pertransivit

Psalm. Venite, exultemus.

Hymnus

Jam toto subitus vespere eat
polo,

Et sol attónitum praecípet
 diem,
 Dum saevae récolo ludíbrium
 necis,
 Divinámque catástrophén'
 Spectátrix áderas supplicio
 parens.
 Malis uda, gerens cor ada-
 mántinum;
 Natus funérea péndulus in
 Cruce
 Altos cum gémitus dabat.
 Pendens ante óculos Natus,
 atrócibus
 Sectus verbéribus; Natus hián-
 tibus.
 Fossus vulnéribus; quot pe-
 netrántibus
 Te cóncit acúleis!
 Heu! sputa, álapae, vérbe-
 ra, vúlnera,
 Clavi, fel, áloe, spóngia, láncea,
 Sitis, spina, cruor, quam vá-
 ria pium
 Cor pressére tyránnide!
 Cunctis intérea stat gene-
 rósior
 Virgo Martyribus; prodígio
 novo
 In tantis móriens non móre-
 ris Parens
 Diris fixa dolóribus.
 Sit summae Tríadi glória,
 laus, honor:
 A qua suppliciter, solícita
 prece,
 Posco Virgínei róboris ae-
 mulas
 Vires rebus in áspéris.
 Amen.

IN I. NOCTURNO.

Ant. Multiplicáti sunt, qui
 tríbulant me, multi insúrgunt
 advérsus me.

Psalm. 3.

Dómine, quid multiplicáti
 sunt qui tríbulant me? * multi
 insúrgunt advérsus me.

Multi dicunt ánimae meae;
 * non est salus ipsi in Deo
 ejus.

Tu áutem, Dómine, suscep-
 tor meus es, * glória mea et
 exáltans caput meum.

Voce mea ad Dóminum
 clamávi: * et exaudivit me
 de monte sancto suo.

Ego dormívi, et soporátus
 sum: * et exurréxi, quia Dó-
 minus suscepit me.

Non timébo míllia pópuli
 circumdántis me: * exúrge
 Dómine, salvum me fac Deus
 meus.

Quóniam tu percussísti om-
 nes adversántes mihi sine
 cáusa: * dentes peccatórum
 contrivísti.

Dómini est salus: * et su-
 per pópulum tuum benedi-
 ctio tua.

Ant. Multiplicáti sunt, qui
 tríbulant me, multi insúrgunt
 advérsus me.

Ant. Paravérunt sagíttas
 suas in pháretra, ut sagittent
 in obscúro rectos corde.

Psalm. 10.

In Dómino confido: quómo-
do dicitis ánimae meae; *
Trásmigra in montem sicut
passer?

Quóniam ecce peccatóres
intendérunt arcum, paravé-
runt sagíttas suas in pháre-
tra, * ut sagíttent in obscúro
rectos corde.

Quóniam quae perfecísti
destruxérunt: * justus áutem
quid fecit?

Dóminus in templo sancto
suo, * Dominus in coelo se-
des ejus.

Oculi ejus in páuperem re-
spiciunt: * pálpebrae ejus in-
térogant filios hóminum.

Dóminus intérogat justum
et ímpium: * qui áutem dí-
ligit iniquitátem, odit áni-
mam suam.

Fluet super peccatóres lá-
queos, * ignis et sulphur, et
spíritus procellárum, pars
cálicis eórum.

Quóniam justus Dóminus,
et justítias diléxit: * aequi-
tátem vidit vultus ejus.

Ant. Paravérunt sagíttas
suas in pháretra, ut sagít-
tent in obscúro rectos corde.

Ant. Defécit in dolóre vita
mea, et anni mei in gemí-
tibus.

Psalm. 30.

In te Dómine sperávi non

confúndar in aetérnum in
justítia tua líbera me.

Inclína ad me áurem tuam
* accélera ut éruas me.

Esto mihi in Deum pro-
tectórem, et in domum refú-
gii * ut salvúm me fácias.

Quóniam fortitúdo mea et
refúgium meum es tu: * et
propter nomen tuum dedú-
ces me et enútries me.

Edúces me de láqueo hoc,
quem abscondérunt mihi: *
quóniam tu es protéctor
meus.

In manus tuas comméndo
spíritum meum * redemísti
me Dómine Deus veritátis.

Odísti observátes vanitá-
tes, * supervácue.

Ego áutem in Dómino spe-
rávi; * exultábo et laetábor
in misericórdia tua.

Quóniam respexísti humi-
litátem meam, * salvásti de
necessitátibus ánimam meam.

Nec conclusísti me in má-
nibus inimíci: * statuísti in
loco spatióso pedes meos.

Miserére mei Dómine, quó-
niam tribulor; * conturbátus
est in ira óculus meus, áni-
ma mea, et venter meus.

Quóniam defécit in dolóre
vita mea, * et anni mei in
gemítibus.

Infirmáta est in paupertáte
virtus mea: * et ossa mea con-
turbáta sunt.

Super omnes inimícos meos
factus sum oppróbrium, et vi-

cínis meis valde, * et timor notis meis.

Qui vidébant me, foras fugerunt a me: oblivióni datus sum, tamquam mórtuus a corde.

Factus sum tamquam vas pérditum: * quóniam audi-vi vituperatióem multórum commorántium in circúitu.

In eo dum convenírent simul advérsus me: accípere ánimam meam consiliáti sunt.

Ego áutem in te sperávi, Dómine * dixi, Deus meus es tu: in má nibus tuis sortes meae.

Eripe me de manu inimicórum meórum, * et a persequéntibus me.

Illústra faciém tuam super servum tuum, salvum me fac in misericórdia tua; * Dómine non confúndar, quóniam invocávi te.

Erubéscant ímpii, et deducántur in inférnum: * muta fiant lábia dolósa.

Quae loquúntur advérsus justum iniquitátem, * in superbía, et in abusióne.

Quam magna multitúdo dulcédinis tuae Dómine, * quam abscondísti tíméntibus te!

Perfecísti eis qui sperant in te, * in conspéctu filiórum hóminum.

Abscóndes eos in abscondito faciéi tuae, * a conturbatióne hóminum.

Próteges eos in tabernáculo tuo, * a contraditióne linguárum.

Benedíctus Dóminus, * quóniam mirificávit misericórdiam suam mihi in civitaté muníta.

Ego áutem dixi in excéssu mentis meae: * proyéctus sum a facié oculórum tuórum.

Ideo exaudísti vocem oratiónis meae, * dum clamárem ad te.

Diligite Dóminum omnes sancti ejus, quóniam veritátem requíret Dóminus, et retríbuet abundánter faciéntibus superbiam.

Viríliter ágite, et confortétur cor vestrum, * omnes qui sperátis in Dómino.

Ant. Defécit in dolóre vita mea, et anni mei in gemitibus.

ÿ, Regína Mártýrum, ora pro nobis.

ñ. Quae juxta Crucem Jesu constitísti.

Ex Jeremía Prophéta.

Lectio I.

Plorans plorávit in nocte, et lácrymae ejus in maxíllis ejus, non est qui consolétur eam ex ómnibus charis ejus. Omnes amíci ejus spreverunt eam, et facti sunt ei inimíci. Vide, Dómine, quoniam tribulor, conturbátus est venter

Thren. 1.

meus : subvèrsum est cor meum in memetipsa, quoniam amaritudine plena sum. Foris interficit gladius, et domi mors similis est. Audierunt, quia ingemisco ego, et non est, qui consolètur me.

ñ. Simeon vir justus, et timoratus dixit ad Mariam : * Tuam ipsius animam pertransibit gladius.

ÿ. Ne vocetis me pulchram, sed amaram, quia amaritudine valde replèvit me omnipotens. Tuam.

Lectio II.

Cui comparabo te? vel cui assimilabo te filia Jerúsalem? cui exaequabo te, et consolabor te, Virgo filia Sion? Magna est enim velut mare contritio tua: quis medèbitur tui? plausèrunt super te manibus omnes transeúntes per viam; sibilavèrunt et movèrunt caput suum super filiam Jerúsalem: Haecine est urbs, dicèntes, perfècti decòris, gaudium univèrsae terrae? Aperuèrunt super te os suum omnes inimici tui: sibilavèrunt, et fremuèrunt dèntibus, et dixerunt: Devorabimus.

ñ. Surge, et accipe puerum et matrem ejus, et fuge in Aegyptum: * Et esto ibi, usque dum dicam tibi.

ÿ. Vocavi Filium meum ex

Aegypto, ut veniat salus in Israel. Et esto.

Lectio III.

Fecit Dòminus, quae cogitavit, complèvit sermònem suum, quem praecèperat a dièbus antiquis; destruxit, et non pepèrcit, et laetificavit super te inimicum, et exaltavit cornu hòstium tuorum. Clamavit cor eòrum ad Dòminum super muros filiae Sion. Deduc quasi torrentem lácrymas per diem, et noctem, non des réquiem tibi, neque táceat pupilla óculi tui.

ñ. Fili, quid fecisti nobis sic? * Ego et Pater tuus, * Dolèntes quaerebamus te.

ÿ. Quid est quod me quaerebátis? In his, quae Patris mei sunt opórtet me esse. Ego.

Glória Patri. Dolèntes.

IN II. NOCTURNO.

Ant. Factum est cor meum, tamquam cera liquéscens in médio ventris mei.

Psalm. 21.

Deus Deus meus, respice in me; quare me dereliquisti? * longe a salute mea verba delictòrum meòrum.

Deus meus clamábo per diem, et non exáudies: * et nocte, et non ad insipiéntiam mihi.

Tu áutem in sancto hábitas, * laus Israel.

In te speravérunt patres nostri: * speravérunt et liberásti eos.

Ad te clamavérunt, et salvi facti sunt: in te speravérunt, et non sunt confúsi.

Ego áutem sum vermis, et non homo: * oppróbrium hóminum, et abjéctio plebis.

Omnes vidéntes me derisérunt me: * locúti sunt lábiis, et movérunt caput.

Sperávit in Dómino erípiat eum: * salvum fáciat eum quóniam vult eum.

Quóniam tu es, qui extraxísti me de ventre: * spes mea ab ubéribus matris meae. In te projectus sum ex útero:

De ventre matris meae Deus meus es tu, * ne discésseris a me:

Quóniam tribulatio próxima est: * quóniam non est qui ádjuvet.

Circumdedérunt me vítuli multi: * táuri pingues obsederunt me.

Aperuérunt super me os suum: * sicut leo rápiens et rúgiens.

Sicut aqua effúsus sum: * et dispérsa sunt ómnia ossa mea.

Factum est cor meum tamquam cera liquéscens: * in médio ventris mei.

Aruit tamquam testa virtus mea, et lingua mea adhaesit fáucibus meis: et in púlverem mortis deduxísti me.

Quóniam circumdedérunt me canes multi: * concílium inalignántium obsédit me.

Foderunt manus meas et pedes meos: * dinumeravérunt ómnia ossa mea.

Ipsi vero consideravérunt et inspexérunt me: * divisérunt sibi vestiménta mea, et super vestem meam misérunt sortem.

Tu áutem Dómine, ne elongáveris auxilium tuum a me: * ad defensiónem meam cónspice.

Erue a frámea, Deus, ánimam meam: * et de manu canis únicam meam.

Salva me ex ore leónis: * et a córnis unicórnum humilitátem meam.

Narrábo nomen tuum fratribus meis: * in médio Ecclésiæ laudábo te.

Qui timétis Dóminum, laudáte eum: * univérsum semen Jacob glorificáte eum.

Timeat eum omne semen Israel: * quóniam non sprevit, neque despéxit deprecationem páuperis:

Nec avértit faciém suam a me: * et cum clamárem ad eum, exaudivit me.

Apud te laus mea in Ecclésia magna, * vota mea reddam in conspéctu timéntium eum.

Edent páuperes, et saturabúntur; et laudabunt Dóminum qui requirunt eum: * vivent corda eórum in saeculum saeculi,

Reminiscéntur et converténtur ad Dóminum * univérsi fines terrae.

Et adorábunt in conspéctu ejus * univérstae fámliae Géntium.

Quóniam Dómini est regnum: * et ipse dominábitur Géntium.

Manducavérunt et adoravérunt omnes pingues terrae: * in conspéctu ejus cadent omnes qui descéndunt in terram.

Et ánima mea illi vivet: * et semen meum sérviet ipsi.

Annuntiábitur Dómino generátio ventúra: * et annuntiábunt caelij justítiam ejus, pópulo qui nascétur, quem fecit Dóminus.

Ant. Factum est cor meum, tamquam cera liquéscens in médio ventris mei.

Ant. Deus vitam meam annuntiávi tibi; posuísti lácrymas meas in conspéctu tuo.

Psalm. 55.

Miserére mei Deus, quóniam

conculcávit me homo, * tota die impúgnans tribulávit me.

Conculcavérunt me inimíci mei tota die: * quóniam multi bellántes advérsus me.

Ab altitúdine diéi timébo: * ego vero in te sperábo.

In Deo laudábo sermónes meos, in Deo sperávi: * non timébo quid fáciat mihi caro.

Tota die verba mea exorabántur: * advérsus me omnes cogitatiónes eórum, in malum.

Inhabitábunt et abscóndent: * ipsi calcáneum meum observábunt.

Sicut sustinuérunt ánimam meam, pro níhilo salvos fácies illos: * in ira pópulos confringes.

Deus vitam meam annuntiávi tibi: * posuísti lácrymas meas in conspéctu tuo.

Sicut et in promissióne tua: * tunc converténtur inimíci mei retrórsum.

In quacúmque die invocávero te: * ecce cognóvi quóniam Deus meus es.

In Deo laudábo verbum, in Dómino laudábo sermónem: in Deo sperávi, non timébo quid fáciat mihi homo.

In me sunt Deus vota tua, * quae reddam, laudatiónes tibi.

Quóniam eripuísti ánimam meam de morte, et pedes

meos de lapsu: * ut pláceam coram Deo in lúmine vivéntium.

Ant. Deus vitam meam annuntiávi tibi; posuísti lácrymas meas in conspéctu tuo.

Ant. Fuérunt mihi lácrymae meae panes die, ac nocte.

Psalm. 41.

Quemádmódum desiderat cervus ad fontes aquárum: * ita desiderat ánima mea ad te Deus.

Silívit ánima mea ad Deum fortem vivum: * quando véniam et apparébo ante faciém Dei?

Fuérunt mihi lácrymae meae panes die ac nocte: * dum dicitur mihi quótidie: ubi est Deus tuus?

Haec recordátus sum, et effúdi in me ánimam meam: quóniam transíbo in locum tabernáculi admirábilis, usque ad domum Dei.

In voce exultatiónis, et confessiόνis: * sonus epulántis.

Quare tristis es ánima mea: * et quare contúrbas me?

Spera in Deo, quóniam adhuc confitébor illi: * salutare vultus mei, et Deus meus.

Ad meípsum ánima mea contúrбата est: * proptérea memor ero tui de terra Jordánis, et Hermóniim a monte módico.

Abyssus abyssum invocát, * in voce cataractárum tuárum.

Omnia excélsa tua et fluctus tui, * super me transiérunt.

In die mandávit Dóminus misericórdiam suam, * et nocte cánticum ejus.

Apud me orátio Deo vitae meae, * dicam Deo: Suscéptor meus es.

Quare oblítus es mei? * et quare contristátus incédo, dum affligit me inimícus?

Dum confringúntur ossa mea, * exprobravérunt mihi, qui tríbulant me inimíci mei.

Dum dicunt mihi per singulos dies: Ubi est Deus tuus? * quare tristis es ánima mea? et quare contúrbas me?

Spera in Deo, quóniam adhuc confitébor illi: * salutare vultus mei, et Deus meus,

Ant. Fuérunt mihi lácrymae meae panes die, ac nocte.

γ. Fascículus myrrhae dilectus meus mihi.

η. Inter úbera mea comorábitur.

Sermo sancti Bernárdi
Abbátis.

Lectio IV.

Ex Sermone de 12. Stellis.

Martyrium Virginitatis tam in Simeonis Propheta, quam in ipsa Domini Passiones historia commendatur. Positus est hic (ait sanctus Senex de puero Jesu) in signum, cui contradicetur. Et tuam ipsius animam (ad Mariam autem dicebat) pertransibit gladius. Vere tuam, o Beata Mater, animam pertransiuit: alioquin non nisi eam pertransiens, carnem filii tui penetraret. Et quidem posteaquam emisit spiritum tuus ille Jesus, ipsius plane non attigit animam crudelis lancea, quae ipsius aperuit latus, sed tuam utique animam pertransiuit. Ipsius nimirum anima jam ibi non erat, sed tua plane inde nequibat avelli.

¶. Jesum bajulantem sibi crucem: * Sequebatur turba mulierum, quae plangebant, et lamentabantur eum.

†. Filiae Jerusalem super vos ipsas flete, et super filios vestros. Sequebatur.

Lectio V.

Tuam ergo pertransiuit ani-

ma vis doloris, ut plusquam Martyrem non immerito praedicemus, in qua nimirum corporeae sensum passionis excesserit compassionis affectus. An non tibi plusquam gladius fuit sermo ille revera pertransiens animam, et pertingens usque ad divisionem animae, ac spiritus: Mulier, ecce filius tuus? O commutationem! Joannes tibi pro Jesu traditur, servus pro Domino, discipulus pro Magistro, filius Zebedaei pro filio Dei, homo purus pro Deo vero. Quomodo non tuam affectuosissimam animam pertransiret haec auditio, quando et nostra licet saeva, licet ferrea pectora sola recordatio scindit?

¶. Postquam venerunt in locum, qui dicitur Calvariae, ibi crucifixerunt eum: * Stabat autem juxta Crucem Jesus Mater ejus.

†. Tunc beatam illius animam doloris gladius pertransiuit. Stabat.

Lectio VI.

Non mirimini, fratres, quod Maria Martyr in anima fuisse dicatur. Miretur, qui non meminerit, se audivisse Paulum inter maxima gentium crimina memorantem, quod

sine affectiōne fuissent. Longe id fuit a Mariæ visceribus, longe sit a sêrvulis ejus. Sed forte quis dicat, numquid non eum praescierat moritûrum? Et indubitânter. Numquid non sperabat continuo resurrectûrum? et fidèlitter. Super haec dóluit Crucifixum? et vehemènter. Alióquin quisnam tu, frater, aut unde tibi haec sapièntia, ut mirèris plus Mariam compatièntem, quam Mariæ filium patièntem? Ille enim mori corpore potuit; ista cômori corde non pótuit? Fecit illud Cháritas, qua majórem nemo hábuit: fecit et hoc Cháritas, cui post illam similis áltera non fuit.

℟. Joseph ab Arimathaea; * pétiit corpus Jesu, quod de Cruce depósitum; * Suo compléxu Mater excépit.

Ÿ. Dolens Sunamítis sinu, et génibus suis sustínuit mór-tuum filium. Pétiit corpus.

Glória Patri. Suo compléxu.

IN III. NOCTURNO.

Ant. Intendérunt arcum rem amáram, ut sagíttent in occúltis immaculátum.

Psalm. 63.

Exáudi Deus oratiónem meam, cum déprecor: * a ti-

móre inimíci éripe ánimam meam.

Protexísti me a convéntu malignántium, * a multitudí-ne operántium iniquitátem.

Quia exacuérunt ut gládium linguas suas: * intendérunt arcum rem amáram, ut sagíttent in occúltis immaculátum.

Súbito sagittábunt eum, et non timébunt: * firmavérunt sibi sermónem nequam.

Narravérunt ut absconderent láqueos: * dixerunt: Quis vidébit eos?

Scrutáti sunt iniquitátes: * defecérunt scrutántes scrutínio.

Accédet homo ad cor altum, * et exaltábitur Deus. *

Sagíttæ parvulórúm factæ sunt plagæ eórum: * et infirmátæ sunt contra eos linguae eórum.

Conturbáti sunt omnes, qui vidébant eos: * et tímuit omnis homo.

Et annuntiavérunt ópera Dei, * et facta ejus intellexérunt.

Laetábitur justus in Dómino, et sperábit in eo, * et laudabúntur omnes recti corde.

Ant. Intendérunt arcum rem amáram, ut sagíttent in occúltis immaculátum.

Ant. Anima mea turbáta est valde, sed tu Dómine, úsquequo?

Psalm. 6.

Dómine, ne in furóre tuo árguas me, * neque in ira tua corripas me.

Miserére mei Dómine, quóniam infirmus sum: * sana me, Dómine, quóniam conturbáta sunt ossa mea.

Et ánima mea turbáta est valde: * sed tu Dómine úsquequo?

Convértere Dómine et érípe ánimam meam: * salvum me fac propter misericórdiam tuam.

Quóniam non est in morte qui memor sit tui: * in inférno áutem quis confitébitur tibi?

Labóravi in gémitu meo, lavábo per singulas noctes lectum meum: * lácrymis meis stratum meum rigábo.

Turbátus est a furóre óculus meus: * inveterávi inter omnes inimicos meos.

Discédite a me omnes, qui operámini iniquitátem: * quóniam exaudivit Dóminus vocem fletus mei.

Exaudivit Dóminus deprecationem meam: * Dóminus orationem meam suscepit.

Erubéscant, et conturbéntur veheménter omnes inimici mei: * convertántur, et erubéscant valde velociter.

Ant. Anima mea turbata est valde, sed tu Dómine úsquequo?

Ant. Deus adjutor in tribulationibus quae invenérunt nos nimis.

Psalm. 45.

Deus noster refúgium, et virtus: * adjutor in tribulationibus, quae invenérunt nos nimis.

Propterea non timébimus dum turbábitur terra: * et transferéntur montes in cornu maris.

Sonuérunt, et turbatae sunt aquae eórum: * conturbati sunt montes in fortitúdine ejus.

Flúminis impetus laetificat civitátem Dei: * sanctificavit tabernáculum suum Altíssimus.

Deus in médio ejus non commovébitur: * adjuvabit eam Deus mane dilúculo.

Conturbatae sunt Gentes, et inclinata sunt regna: * dedit vocem suam, mota est terra.

Dóminus virtutum nobiscum: * susceptor noster Deus Jacob.

Veníte, et videte ópera Dómini, quae pósuit prodigia super terram: áuferens bella usque ad finem terrae.

Arcum cónteret, et confrínget arma: * et scuta combúret igni.

Vacáte, et videte quóniam ego sum Deus: * exaltabor

in Géntibus, et exaltábor in terra.

Dóminus virtútum nobíscum: * suscéptor noster Deus Jacob.

Ant. Deus adjútor in tribulatió nibus, quae invenérunt non nimis.

ŷ. Per te salutem hauriámus, Virgo María.

ñ. Ex vulnéribus Christi.

Léctio sancti Evangélíi
secúndum Joánnem.

Lectio VII.

In illo témpore: Stabant juxta Crucem Jesu Mater ejus, et soror Matris ejus, María Cléophae, et María Magdaléne. Et réliqua.

Homília sancti Ambrósii
Epíscopi.

De Instit. Virg. Cap. 7.

Stabat juxta Crucem Mater, et fugiéntibus viris stabat intrépida. Vidéte, utrum pudórem mutáre potúerit Mater Jesu, quae ánimum non mutávit. Spectábat piis óculis filii vulnera, per quae sciébat ómnibus futúram Redemptiónem. Spectábat non degéneri Mater spectáculo, quae non metúeret peremptórem. Pendébat in

Cruce Fílius, Mater se persecutóribus offerébat.

ñ. Quis tibi sensus fuit, o Mater dolórum: * Dum Joseph síndone filium tuum invólvit, et pósuit eum in monuménto?

ŷ. Consideráte, et vidéte, si est dolor sicut dolor meus. Dum.

*Ex ejusdem Epístola 25 ad
Ecclesiam Vercellensem prope finem.*

Lectio VIII.

María Mater Dómini ante Crucem Fílii stabat. Nullus me hoc dócuit, nisi sanctus Joánnes Evangelista. Mundum álíi concússum in Passi óne Dómini conscripsérunt, coelum ténebris oldúctum, refugísse solem, in Paradís um Latrónem, sed post piam confessiónem, recéptum. Joánnes dócuit, quod álíi non docué runt, quemádmódum in Cruce pósitus Matrem appelláverit. Pluris putátur, quod victor supplici órum, pietátis officia Matri exhibébat, quam quod regnum coeléste donábat. Nam si religi ósum est, quod Latróni donátur vénia, multo uberi óris pietátis est, quod a Fílio Mater tanto afféctu honorátur.

ñ. In toto corde tuo gé-

mitus Matris tuae ne obliviscaris: Ut perficiatur propitiatio, et benedictio.

ŷ. Ave Princeps generosa, Martyrumque prima rosa, Virginumque lilium. Ut perficiatur. Glória Patri. Ut perficiatur.

Lectio IX. de Hom. Dominicae currentis.

AD LAUDES

ET PER HORAS.

Ant. Quo abiit dilectus tuus, o pulcherrima mulierum? quo declinavit dilectus tuus, et quaeremus eum tecum?

Psalm. Dominus regnavit, cum reliquis de Laudib. Dominicae.

Ant. Recedite a me, amare flebo, nolite incumbere, ut consolamini me.

Ant. Non est ei species, neque decor, et vidimus eum, et non erat aspectus.

Ant. A planta pedis usque ad verticem capitis non est in eo sanitas.

Ant. Fulcite me floribus, stipate me malis, quia amore langueo.

Capitulum.

Cui comparabo te? vel cui assimilabo te, Fília Jerúsa-

Thren. 2.

lem? cui exaequabo te, et consolabor te, Virgo filia Sion? magna est velut mare contritio tua.

Hymnus.

Summae Deus clementiae,
Septem doloris Virginis,
Plagasque Jesu Filii
Fac rite nos revolvere.

Nobis salutem conferant
Deiparae tot lacrymae,
Quibus lavare sufficis
Totius orbis crimina.

Sit quinque Jesu vulnerum
Amara contemplatio,
Sint et dolores Virginis
Aeterna cunctis gaudia.

Jesu, tibi sit gloria,
Qui passus es pro servulis,
Cum Patre, et almo Spiritu,
In sempiterna saecula,

Amen.

ŷ. María Virgo per virtutem tot dolorum.

ŕ. Fac nos gaudere in regno coelorum.

AD BENEDICTUS

Ant. Venite, ascendamus ad montem Domini, et videte, si est dolor, sicut dolor meus.

ORATIO

Deus, in cujus passione secundum Simeonis prophe-

tiam, dulcissimam animam gloriósae Vírginis, et Matris Maríae dolóris gládus pertransívit: concéde propítius; ut qui dolóres ejus venerándo recólimus, passiónis tuae efféctum felicem consequámur. Qui vivis, et regnas.

Deinde fit commemor. Dominic. occurrentis.

AD PRIMAM.

In R. br. dicitur.

Ÿ. Qui passus es propter nostram salutem.

AD TERTIAM.

Ant. Recédite a me.

Capitul. Cui comparábo te.

R. br. O vos omnes, * Qui transítis per viam. O vos.

Ÿ. Atténdite, et vidéte, si est dolor, sicut dolor meus. Qui transítis. Glória Patri. O vos.

Ÿ. Defecérunt prae lácrymis óculi mei.

R. Conturbáta sunt ómnia viscera mea.

AD SEXTAM

Ant. Non est ei species.

Capitulum

Plorans plorávit in nocte, et lácrymae ejus in maxíllis

ejus: non est qui consolétur eam ex ómnibus charis ejus.

R. hr. Defecérunt, * Prae lácrymis óculi mei. Defecérunt.

Ÿ. Conturbáta sunt ómnia viscera mea. Prae lácrymis. Glória Patri. Defecérunt.

Ÿ. Fascículus myrrhae díléctus meus mihi.

R. Inter úbera mea comorábitur.

AD NONAM

Ant. Fulcíte me.

Capitulum

Deduc quasi torréntem lácrymas per diem, et noctem: non des réquiem tibi, neque táceat pupílla óculi tui. *Thren. 2.*

R. br. Fascículus myrrhae, * Díléctus meus mihi. Fascículus myrrhae.

Ÿ. Inter úbera mea comorábitur. Díléctus meus. Glória Patri. Fascículus.

Ÿ. Anima mea liquefacta est.

R. Ut díléctus locútus est.

IN II. VESPERIS.

Dicuntur omnia ut in primis.

AD MAGNIFICAT.

Ant. Oppríssit me dolor, et

facies mea intúmuit a fletu, et pálpebrae meae, caligavérunt.

Oratio. Deus, in cujus passione. ut supra.

Et fit commem. Dominicae.

DOMENICA IV. SEPTEMBRIS

Octava VII. DOLOR. B. M. V.
Duplex.

IN I. NOCTURNO.

Lectiones de Scriptura occurrente.

IN II. NOCTURNO.

Sermo sancti Bonaventurae
Episcopi.

Sermo 1. de Beata Virgine.

Lectio IV.

Magnus Dóminus noster, et magna virtus ejus, et sapientiae ejus non est númerus. Unde hoc probátur? Qui númerat multitudínem stellarum et ómnibus eis nómina vocat. Dómina áutem fuit coelum firmaméntum unifórmiter semper motum per patientiae firmitátem: et coelum stelliferum per ómnium donórum, et gratiárum Dei co-

piositátem. Sicut enim coelum non est ullo modo porósum, sed sólídum: sic Dei mater pia nullo modo fuit porósa, vel vácuá, sed sólída, quia omni grátia fuit plena. Cujus admirabilis patientia, et solíditas non porósa, tunc máxime cláruit, quando praedúlcem filium suum mori conspéxit.

R. Jesum bajulántem.

Lectio V.

Nam licet in ea aquae inferiores, idest vires sensitivae, vel sensibiles fortíssime fuerint concússae ventis in sui filii passione: superiores tamen a sua non fuerunt pace permótæ. Et licet sentina navis, idest pars sensibílis, repléta tunc fuerit aquis maris; pars tamen superior navis semper ventis prósperis navigávit. Unde ipsa est illa petra, super quam domus fundáta et firmáta, quam etsi flúmina ventique percútant; tamen inter flúmina illa inmóbilis perseverat. Unde ei pótuit dicere Christus illud Matthaei: Super hanc petram aedificábo Ecclésiám meam: quia in passione Dóminica, tota deficiente Ecclésiá primitivórum in fide, sola Dómina nostra firma in fide permánsit, ut petra.

¶. Postquam venérunt.

Lectio VI.

Fuit ergo símilis adamánti, cujus tanta est fortitúdo, ut ságuine solo rumpátur hircíno. Quia María régia virgo numquam nisi Christi ságuine recénte effúso pótuit esse turbáta, quia nullo fuit álio témpore perturbáta. Si enim, juxta Philosophórum senténtiam, non cadit perturbátio in sapiéntem virum, quanto magis Dómina ómnium sapientíssima numquam perturbatióne mentis est passa?

¶. Joseph ab Arimathaea.

IN III. NOCTURNO.

Léctio sancti Evangélíi
secúndum Joánnem.

Lectio IV.

Cap. 19.

In illo témpore: Stabant áutem juxta crucem Jesu mater ejus, et soror matris ejus María Cléophae, et María Magdaléne. Et reliqua.

Homilía sancti Ansélmi
Epíscopi.

*De Excellent. B. V. cap. 5.
circa medium.*

Cum ad ipsam ejus passió-

nem ventum fuisset, et ipse cruci affixus hinc ipsam matrem suam, hinc discipulum, quem diligébat, prope astántes intúitus esset, ne matrem pénitus orbátam relínqueret, ei praeséntem discipulum suo loco in filium surrogávit: Múlier, inquit, ecce filius tuus. O commutátio! Pro aetérno et incommutábili Deo, purum, et corruptíbilem hóminem: pro naturáli, et único filio, servum accépit in filium. O Dómina, quae, precor, in te sibi succedébant, cum tam inaestimábilem commutatióne ab ipso, quem super ómnia diligébas, tibi fieri audiebas?

¶. Quis tibi sensus.

Lectio VIII.

Vere petransívit ánimam tuam gládius, qui tibi amárior fuit ómnibus dolóribus cujusvis corpóreae passiónis. Quidquid enim crudelitátis inflictum est corpóribus Mártýrum, leve fuit, aut pótius nihil comparatióne tuae passiónis, quae nímírum sua immensitáte transfixit cuncta penetráliá tua, tuíque benigníssimi cordis íntima. Et útique, pia Dómina, non crederim te potuísse ullo facto stímulos tanti cruciátus, quin vitam amíteres, sustinére,

nisi ipse spírítus vitae, spírítus consolatiónis, spírítus scilicet dulcíssimi Fílii tui, pro quo moriénte conquerebáris, tantópere torquebáris, te confortáret, te consolarétur, te intus docéret, non esse mortem eum absuméntem, sed magis triúmphum ómnia ei subjiciéntem, quod in ipso fieri coram moribúndo vidébas. Mórtuus est tamen, et ab óculis tuis, te spectánte, sepúlchro reclusus.

ñ. In toto corde tuo.

Lectio IX. de Homil. Dom. occurr.

DIE I. SEPTEMBRIS.
ASS. EX XX. AUGUSTI.

In Festo S. BERNARDI Conf. et Eccl. Doctoris. Duplex.

In hymn. Iste Confessor dicit. Méruit supremos. In utrisq. Vesp. ad Magn. Ant. O doctor.

ORATIO.

Deus, qui pópulo tuo aetérnae salútis beátum Bernárdum mínistrum tribuísti: praesta quaesumus; ut quem doctórem habuimus in terris, intercessórem habére mereá-

mur in coelis. Per Dóminum.

Et fit com. S. Raymundi C., S. Aegidii Ab.

Ant. Similábo.

ÿ. Lex Dei.

Oratio. Intercéssio, et SS. Duodecim Fratrum mm.

IN I. NOCTURNO.

Lect. de Scrip. occi.

IN II. NOCTURNO.

Lectio IV.

Bernárdus, Fontánis in Burgúndia honesto loco natus, adoléscent propter egrégiam formam veheménter sollicitatus a muliéribus, numquam de senténtia coléndae castitatis dimovéri pótuit. Quas diaboli tentatiónes ut effúgeret, duos et viginti annos natus, Monastérium Cisterciense, unde hic ordo incépit, et quod tum sanctitáte florébat, ingredi constituit. Quo Bernárdi consílio cógnito, fratres sumópere conáti sunt eum a propósito deterrére, in quo ipse eloquéntior ac felicior fuit. Nam sic eos, aliósque multos in suam perdúxit senténtiam, ut cum eo triginta júvenes eámdem religióne

suscéperint. Mónachus jejúnio ita déditus erat, ut quóties suméndus esset cibus, tóties tormentum subíre viderétur. In vigíliis étiam et oratióibus mirífice se exercebat; et Christiánam paupertátem colens, quasi coeléstem vitam agébat in terris, ab omni caducárum rerum cura et cupiditáte aliénam.

¶. Honéstum fecit.

Lectio V.

Elucébat in eo humílitas, misericórdia, benígnitas: contemplatióni autem sic addíctus erat, ut vix sénsibus, nisi ad officia pietátis, uterétur: in quibus tamen prudéntiae laude excellébat. Quo in stúdio occupátus, Genuénsem, ac Mediolanénsem, aliósque Episcopátus oblátos recusávit; proféssus, se tanti officii múnere indígnum esse, Abbas factus Claravallénsis multis in locis aedificávit Monastéria, in quibus praeclára Bernárdi institútio, ac disciplína diu víguit Romae, sanctórum Vincéntii et Anastásii monastério ab Innocéntio secúndo Papa restitúto praefécit Abbátem illum, qui póstea Eugénius tertius Summus Póntifex fuit, ad quem étiam librum misit de Consideratióne.

¶. Amávit eum.

Lectio VI. -

Multa praelérea scripsit, in quibus appáret, eum doctrína pótius divínitus trádita, quam labóre comparáta, instrúctum fuisse. In summa virtútum laude exorátus a máximis Principibus de eórum componéndis controversiis, et de Ecclesiásticis rebus constituendis, saepius in Itáliam venit. Innocéntium item secundum Pontíficem máximum in confutándo schismate Petri Leónis, cum apud Imperatórem, et Henricum Angliae regem, tum in Concílio Pisis coácto, egrégie adjúvit. Dénique tres et sexaginta annos natus obdormívit in Dómino, ac miráculis illústris, ab Alexandro Tértio Papa inter Sanctos relátus est. Pius vero Octávus Póntifex Máximus ex Sacrórum Rítuum Congregatiónis consílio sanctum Bernárdum universális Ecclésiae Doctórem declarávit et confirmávit, nec non Missam et Officium de Doctóribus ab ómnibus recitári jussit, atque Indulgéntias Plenárias quotánis in perpétuum Ordinis Cisterciénsium Ecclésias visitántibus die hujus Sancti festo concéssit.

¶. Iste homo.

IN III. NOCTURNO.

Homil. Osténdit Dóminus
in *Ev.* Vos estis sal terrae ut
in *Com. DD. 9. l. S. Aegidii*
Ab. et com. ejusd. Ant. Simi-
lábo ý. Amávit. *or.* Intercés-
sio et *SS. XII. Fratrum mm.*

DIE II. SEPTEMBRIS.

Pro Metrop. tant.

In Festo S. JUSTI Ep. Lug-
dun. C. Duplex. *Or.* Da quae-
sumus e/c.

Omn. ut in Com. CC. PP. 1.
loc. Lect. 1. n. de Scrip. occ.

DIE III. SEPTEMBRIS.

ASS. EX XXI. AUGUSTI.

In Festo S. JOANNAE FRAN-
CISCAE FREMIOT DE CHANTAL.
Vid. Duplex.

Omnia de Comm. nec. Virg.
nec. Mart. praeter ea, quae se-
quuntur.

ORATIO.

Omnípotens et miséricors
Deus, qui beátam Joánnam
Franciscam tuo amore succén-
sam admirábili spíritus forti-
túdine per omnes vitae sēmi-
tas in via perfectiónis donásti,
quíque per illam illustráre

Ecclésiám tuam nova prole
voluísti: ejus méritis, et pré-
cibus concéde; ut qui infirmi-
tátis nostrae cónsocii de tua
virtúte confidimus, coeléstis
grátiae auxílio, cuncta nobis
adversántia vincámus. Per Dó-
minum.

IN I. NOCTURNO.

Lect. de Script. occ.

IN II. NOCTURNO.

Lectio IV.

Joáнна Francísca Frémíot a
Chantal Divíone in Burgún-
dia claríssimis orta natálibus
ab inèunte aetáte exímiae san-
ctitátis non obscuras édídít
significatiónes. Eam enim vix
quínquennem nóbilem quem-
dam Calvinístam sólida supra
aetátem argumentatióne per-
strinxísse ferunt, collatúmque
ab eo munúsculum flammis
illico tradidísse in haec ver-
ba: En quómodo haerétici apud
ínferos comburéntur, qui lo-
quénti Christo fidem detré-
ctant. Matre orbáta Deíparae
Vírginis tutelae se commen-
dávít, et fámulam, quae ad
mundi amórem eam allicié-
bat, ab se rejécit. Nihil pue-
ríle in móribus éxprimens,
a saeculi delíciis abhórrens,
martyríumque anhelans, re-

ligióni, ac pietáti impénse studébat. Baróni de Chantal núptui a patre trádicta, virtútibus ómnibus excoléndis óperam dedit, líberos, fámulos, alió-
sque sibi subjéctos in fidei doctrína, bonisque móribus imbuere sátagens. Profúsa liberalitáte páuperum inópiam sublevábat, annóna divínitus non raro multiplicáta; quo factum est, ut némini se umquam Christi nómine rogánti stipem abnegatúram spopónderit.

¶. Propter veritátem.

Lectio V.

Viro in venatióne interémpto perfectiórís vitae consílium íniens, continéntiae voto se obstrínxit. Viri necem non solum aequo ánimo tulit, sed in públicum indúltae véniae testimónium occisóris filium e sacro fonte suscipere sui victrix elégit. Mó dica famí lia, ténu i victu, atque vestítu contenta, pretiósas vestes in pios usus convértit. Quidquid a domésticis curis supé rerat témporis, précibus, piis lectionibus, laborique impendébat. Numquam addúci pótuit, ut á lter as núptias, quamvis útiles, et honoríficas ín fret. Ne áu tem a propó sito castimóniae observá ndae in pósterum

dimoverétur, illías voto innováto, sanctíssimum Jesu Christi nomen candénti ferro péctori insculpsit. Ardéntius in dies charitáte fervéscens páuperes, derelictos, aegros, teterrimisque morbis inféctos ad se adducé ndos curá bat: eósque non hospítio tantum excipiébat, solabátur, fovébat, verum étiam sórdidas eorúmdem vestes depurgábat, láceras reficiebat, et manántibus foetido pute ulcéribus, lábia admovére non exhorrébat.

¶. Dilexísti.

Lectio VI.

A sancto Francísc o Salésio quo spíritus moderatóre usa fuit, divín am voluntátem edócta, próprium paréntem, sócerum, filium dé nique ipsum, quem étiam vocatió ni obsisténtem suae domo egrédiens pédibus calcáre non dubitávit, invícta constántia desérui t, et sacri Institúti Visitatió nis sanctae Maríae fundaménta jecit. Ejus Institúti leges integérrime custodívit; et ádeo paupertátis fuit ámans, ut vel necessária sibi deesse gaudéret. Christiánae vero á nimi demissió nis, et obediéntiae, virtútum dé nique ómnium perfectíssimum exémplar se praebuit. Altíores

in corde suo ascensiones disponens arduissimo efficiendi semper id, quod perfectius esse intelligeret, voto se obstrinxit. Denique sacro Visitationis Instituto ejus potissimum opera longe lateque diffuso, verbo, exemplo, et scriptis etiam divina sapientia refertis ad pietatem, et charitatem sororibus excitatis, meritis referta, et Sacramentis rite susceptis, Molini anno millesimo sexcentesimo quadragésimo primo, die decimatertia Decembris migravit ad Dominum, ejusque animam occurrente sancto Francisco Salésio in coelos deferri sanctus Vincéntius a Paulo procul distans aspexit. Ejus corpus postea Annécium translátum fuit; eamque miraculis ante et post obitum claram Benedictus decimus quartus Beatórum, Clemens decimustertius albo Sanctórum adjecit. Festum autem ejusdem diem duodécimo Kalendas Septembris ab universa Ecclesia Clemens decimus quartus Póntifex Máximus celebrári praecepit.

ñ. Fallax grátia.

IN III. NOCTURNO.

Hom. in Ev. Thesáuro de Comm.

DIE IV SEPTEMBRIS

In Festo S. ROSAE Viterbiensis Virg. Duplex.

Omnia de Communi Virginum praeter ea quae sequuntur.

ORATIO.

Deus qui beatam Rosam sanctarum tuarum Virginum collegio aggregare dignatus es: tribue nobis, quaesumus; ut ejus precibus et meritis a culpis omnibus expiémur, et tuae majestatis consórtio perfruámur aetérno. Per Dóminum.

IN I. NOCTURNO.

Lect. de Script. occur.

IN II. NOCTURNO.

Lectio IV.

Rosa Vitérbii piis parentibus nata ab ipsa infántia omni virtute enituit facta perfectiónis magistra, cum vix loqui didicisset. Mundi exósa vanitates, rudi amictu, pedum nuditate, cilicio, jejuniis, aliisque austeritatibus corpúsculum affligens, divinae contemplationi júgiter vacabat. Hanc vero exímiam sanctitá-

tem insígni miráculo Deus testátam vóluit; nam adhuc puélla avúnculam, defúctam ad vitam revocávit. Ad virginitátem, quam perpétuo cóluit, solo aspéctu intuéntium, ánimos excitábat. Charitátis erga páuperes studiosíssima, cum aliquándo hibérno témpore subtráctum sibi panem clam illis deférret, patre imperánte, ut próderet, quid grémio absconditum ferret, panis in rosas convérsus est

¶. Propter veritátem

Lectio V.

Cum séptimum explésset annum: solitúdinis desidério flagrans, domus suae angústam célula[m] elégit, cui se tamquam voluntário cárceri inclúsit, et oratióni, corporisque castigatióni ardéter incúm-bens, Dei cleméntiam deprecabátur pro sanctae Ecclesiae tranquillitáte, quam Friderici secúndi Imperatóris impietas acérrime divexábat. Ex diú-tina áutem maceratión[e] in morbum lethálem incidit: in quo beatae Vírginis visitatión[e] recreáta, hábitum Tértii órdis sancti Francisci induére jussa est. Decénnis a Deo inspiráta, piis adhortatiónibus, validisque arguméntis multos haeréticos ad fidem et obediéntiam Románi Pon-

tíficis redúxit. Qua de cáusa cum tota cognatión[e] sua in exilium ejécta ad vicína óp-pida venit, ubi Friderici mortem, et Ecclesiae pacem prophético spíritu praedixit. Mulierem caecam a nativitate illuminávit; et ad fidei veritátem astruéndam, succénsum rogum ingrédessa, ac tribus horis in eo illaesa pérmanens, cujúsdam haeréticae mulieris pervicáciam vicit, eámque cum áliis ad fidem convértit.

¶. Dilexísti.

Lectio VI.

Tandem Vitérbium summa civium gratulatión[e] revér-sa in consórtium Sanctimoniá-lium sanctae Mariae de Rosis admítti pétiit; sed illis ingrédsum ob puéllae inópiam denegántibus, se mórtuam in eo Coenóbio commoratúram praedixit. Mox ad prístinum domus suae cárcerem regrés-sa, cum in ea duóbus annis permansisset, morbo corrépta, et ad beátam pátriam suspí-rans, méritis plena migrávit ad sponsum décimo octávo suae vitae anno nondum exácto. Corpus ejus miro splendóre illustrátum, suavíque odóre perfúsum, in templo sanctae Mariae de Pódio, effóssa humo, ac désuper ingésta, tumulátum fuit; donec post tri-

ginta circiter menses ab Alexandro Quarto tunc Viterbii sedente, et in somnis ter ab ea admónico, refóssum, et incorruptum repertum, pridie nonas Septembris ad praefatum Monasterium, quod postea sanctae Rosae nuncupatum est, solémniter translatum fuit, ubi usque ad hodiernam diem integrum, et flexibile summa totius orbis admiratione asservatur, et novis semper miraculis coronatur.

R. Afferentur.

IN III. NOCTURNO.

Homilia S. Gregorii Papae in Ev. Simile erit regnum coelorum decem Virgínibus, ut in Communi Virginum primo loco.

DIE VI. SEPTEMBRIS
ASS. EX II. HUI.

Pro Metrop. tant.

In Festo S. STEPHANI Reg. Conf. sem. omn. ut in Brev. 2. huj.

VII. SEPTEMBRIS DIES ASS.

In Festo B. JOANNAE SODERINI Virginis Tertii Ordinis Servorum B. M. V. Duplex.

Omnia de Communi Virginum praeter sequentia.

ORATIO

Deus, qui Beatae Joannae Virgini tuae assidua vitae austeritate innocentiam custodire tribuisti; da nobis ipsius intercessione cordis nostri maculas jugi poenitentia detergere, et purificatis tibi mentibus deservire. Per Dominum.

IN I. NOCTURNO.

Lectiones de Scriptura occurr.

IN II. NOCTURNO.

Lectio IV.

Joanna piis, nobilibusque parentibus Guiliélmo Soderinio, et Therésia Minerbetta Floréntiae nata anno reparatae salutis millésimo tercencésimo primo, ab ipsis pueritiae annis qualis futura esset non obscuré praesignavit. Ut enim linguam in voces solvere potuit, nil avidius expetiit, quam de Redemptionis nostrae Mystériis audire, aliisque verba facere, ita ut brevi tempore in iis mirabiliter instructa apparuerit erga quae propterea magno

devoti6nis afféctu semper exarsit. Deiparam quoque Virginem impénse c6lere coepit, eamque quotidiánis láudibus, piisque précibus prosequébatur. Cum áutem divínitus accepisset, piam mulierem Feliciánam T6nniam, quam a paréntibus institutricem acceperat, brevi moritúram ade6que áliam sibi magístram esse queréndam, Joánna statim Feliciánam de his prae-mónuit, quae divínae dispositi6ni prompto ánimo acquiescens ipsi sanctam Juliánam Falconériam, quae nuper Mantellatárum tértii Ordinis Serv6rum Beátae Maríae Virgínis famíliam fundáverat, in novam magístram designávit. Verum paréntes, quibus nulli, praeter Joánnam, erant filii, eam concív suo pari nobilitáte claro Matrim6nio júngere cogitábant. Ut vero ab ipsa intellexére, se jam divíno Sponso dicasse, eam a prop6sito dimovére non sunt áusi. Itaque duodénnis sub beátae Juliánae disciplína se constituit, ejúsque recessum ingressa religi6sum hábitum laeta suscepit.

¶. Propter.

Lectio V.

Sub tanta magístra in omni virtútum génere ita pro-

fécit; ut charíssima illi evaserit, et licet júnior caeteris tamen sor6ribus in virtútis exémpulum ab ipsa proponeretur, unde praedilécta ejus discípula mérito semper hábita fuit. Anteimáginem Beatíssimae Virgínis ab Angelo salutatae Floréntiae celebríssimam perpétuae Virginitátis votum emísit, quam usque ad éxitum vitae jejúniis, vigíliis, cilício, flagéllis, omni-que asperitátum génere corpus domádo servávit illaesam. Orati6ni, et coeléstium rerum contemplati6ni semper incúbuit. Ea fuit humilitáte, ut abjectíssima quaeque domus ministéria obíre, et sor6ribus in re quacúmque famulári in deliciis habúerit; quarum proinde amórem, et benevoléntiam singulári sua lenitáte, mansuetúidine, et jucunditáte proméruiť. Eárum étiam régimen ex obediéntia susceptum aliquándiu sanctíssime administrávit. Prophetíae dono insigníta futúra praedíxit, quorum veritátem probávit événtus. A tenebrárum príncipe, qui ut eam decíperet, sub spécie Angeli lucis non raro se conspiciéndum dabat, horribiles passa est tentati6nes, et moléstias, quas tamen invícto ánimo superávit, ejúsque astus elúsit.

¶. Dilexísti.

Lectio VI.

Magistrae suae aegrotanti non solum usque ad ultimum vitae summa charitate ministravit, sed et defunctae pietatis officia sedulo impendit. Hinc omnium prima imaginem Jesu Christi Crucifixi illius pectori veluti sigillo impressam detexit, aliisque sororibus conspiciendam exhibuit. Quo mirabili prodigio commota, ferventiori etiam in Deum amore incensa est, et beatae Juliannae vestigiis per integros viginti sex annos, quibus illi fuit superstes ita inhaesit, ut non mortua sed adhuc vivens in Joanna, omnibus videretur. Quam vero vivens moribus expresserat, moriens quoque imitata est. Nam bonis operibus cumulata, et longa carnis maceratione consumpta, ita ut pelle tantum et ossibus constans appareret; ad extrema devenit, atque Eucharistico Pane vix refecta spiritum Deo placidissime reddidit Kalendis Septembris anno millésimo tercentésimo sexagésimo séptimo. Ejus corpus ad Ecclesiam Annuntiationis Beatae Mariae Virginis Fratrum Servorum delatum crebris a Deo miraculis illustratum fuit, et frequenti populorum concursu veneratum. Perpetuum

beatae Joannae cultum Leo Duodécimus Póntifex Máximus oráculo suo confirmavit, ejusque depositionis anniversarium diem in universo Ordine Servorum Beatae Mariae Virginis officio proprio, et Missa colendum indulsit.

nj. Afferéntur.

IN III. NOCTURNO.

Hom. S. Gregorii Papae in Evangel. Simile erit etc. ut in Communi Virgin. primo loco.

DIE XXVIII SEPTEMBRIS

In Festo S. JOSEPHI A CUPERTINO Conf. Ordinis Minorum Conventual. S. Francisci, Duplex.

Omnia de Communi Conf. non Pont. praeter ea, quae sequuntur.

IN I. VESPERIS

AD MAGNIFICAT.

Ant. Mortuus sum, et vita mea est abscondita cum Christo in Deo.

ORATIO.

Deus, qui ad unigenitum Fi-

lium tuum exaltatum a terra omnia trahere disposuisti: perfice propitius, ut meritis et exemplo seraphici Confessoris tui Iosephi supra terras omnes cupiditates elevati, ad eum pervenire mereamur. Qui tecum vivit, et regnat.

IN I. NOCTURNO.

De Epistola secunda
Beati Pauli Apostoli
ad Corinthios.

Lectio I.

Deus, qui dixit de tenebris lucem splendescere, ipse illuxit in cordibus nostris ad illuminationem scientiae claritatis Dei, in facie Christi Jesu. Habemus autem thesaurum istum in vasis fictilibus: ut sublimitas sit virtutis Dei, et non ex nobis. In omnibus tribulationem patimur, sed non angustiamur: aporiamur, sed non destituimur: persecutionem patimur, sed non derelinquimur: depreciamur, sed non perimus: semper mortificationem Jesu in corpore nostro circumferentes, ut et vita Jesu manifestetur in corporibus nostris. Semper enim nos, qui vivimus, in mortem tradimur propter Jesum, ut et

vita Jesu manifestetur in carne nostra mortali.

ñ. Euge serve bone.

Lectio II.

Scap. 5, v. 1 ad 9.
Scimus enim, quoniam si terrestris domus nostra hujus habitationis dissolvatur, quod aedificationem ex Deo habemus, domum non manufactam, aeternam in coelis. Nam et in hoc ingemiscimus. habitationem nostram, quae de coelo est, superindui cupientes, si tamen vestiti, non nudi inveniamur. Nam, et qui sumus in hoc tabernaculo, ingemiscimus gravati: eo quod nolumus expoliari, sed supervestiri; ut absorbeatur, quod mortale est a vita. Qui autem efficit nos in hoc ipsum, Deus, qui dedit nobis pignus spiritus. Audentes igitur semper, scientes, quontam dum sumus in corpore, peregrinamur a Domino: (per fidem enim ambulamus, et non per speciem). Audemus autem, et bonam voluntatem habemus magis peregrinari a corpore, et praesentes esse ad Dominum.

ñ. Justus germinabit.

Lectio III.

Scap. 12. v. 1. ad 10.
Si gloriari oportet (non

expedit quidem) véniam áutem ad vísiónes, et revelatiónes Dómini. Scio hóminem in Christo ante annos quatuórdecim (sive in córpore, sive extra corpus, nésceo, Deus scit) raptum hujúsmodi usque ad tértium coelum. Et scio hujúsmodi hóminem (sive in córpore, sive extra corpus, nésceo, Deus scit) quóniam raptus est in Paradísum: et audívit arcána verba, quae non licet hómini loqui. Pro hujúsmodi gloriábor: pro me áutem nihil gloriábor, nisi in infirmitátibus meis. Nam, etsi volúero gloriári, non ero insípiens: veritátem áutem dicam: parco áutem, ne quis me exístimet supra id, quod videt in me, aut áliquíd audit ex me. Et ne magnitúdo revelatiónum extóllat me, datus est mihi stímulus carnis meae Angelus Sátanae, qui me colaphízet. Propter quod ter Dóminum rogávi, ut discéderet a me, et dixit mihi: súsíicit tibi grátia mea nam virtus in infirmitáte perficitur. Libénter igitur gloriábor in infirmitátibus meis, ut inhábitet in me virtus Christi.

¶. Iste cognóvit.

IN II. NOCTURNO.

Lectio IV.

Joséphus a Cupertíno, óp-

pido in Salentínis Diocésis Neritonénsis, anno reparatae salutis millésimo sexcentésimo tértio, piis ibidem paréntibus ortus, Deíque amóre praeventus, puerítiam, atque adolescéntiam summa cum simplicitáte, morúmque innocéntia transégit. A diuturno, molestoque morbo patientíssime toleráto Deíparae Virgínis ope liberátus, se totum pietátis opéribus, ac excoléndis virtútibus dedit: utque Deo ad majóra vocánti se intímus conjúngeret, Ordini seráphico nomen dare constituit. Post vários événtus voti tandem compos factus, apud Minóres Conventuáles in coenóbio Cryptulae, inter láicos primum ob litterárum imperítiam, deínde inter Cléricos divína dispositióne connumerátus est. Sacerdólio post solémnia vota initiátus, perféctius sibi vitae institútum propósuit. Quamóbrein mundánis quibuscúmque afféctibus, terrenisque rebus pene ad vitam necessariis flílico a se abdicátis, ciliciis, flagéllis, caténis, omni demum asperitátum, ac poenárum génere corpus afflíxit; spíritum vero sanctae oratiónis, altissimaeque contemplatiónis assiduitáte dúlciter enutrivit. Hinc factum est, ut cháritas Dei, quae jam erat in ejus corde a prima aetáte

diffusa, miro, planéque singulari modo in dies coruscaverit.

℞. Honéstum fecit.

Lectio V.

Eluxit praecipue ardentissima ejus charitas in extasibus ad Deum suavissimis, stupendisque ráptibus, quibus frequenter afficiebátur. Mirum áutem, quod alienato a sènsibus ánimo statim ab éxtasi eum revocabat sola obediéntia. Hanc quippe virtutem exímio stúdio prosequébatur, dicere sólitus, se ab ea véluti caecum circumdúci, et mori pótius velle, quam non obedíre. Paupertatem vero seráphici Patriarchae ita aemulátus est, ut morti próximus Praeláto suo assérere vere potúerit, se nihil habére, quod more Religiosórum resignáret. Itaque mundo, sibique mórtuus vitam Jesu manifestábat in carne sua, quae dum in aliquibus ex turpitudine obscœnum flagítium sentiébat, prodigiósum de se efflábat odorem, indícium nitidissimae illius puritátis, quam, immúndo spírítu vehementíssimis tentationibus frustra obnubiláre diu conánte, servávit illaesam, tum arcta sensuum custódia, tum jugi cõ-

poris maceratióne, tum déni- que speciáli protectiõe puríssimae Vírginis Mariæ, quam Matrem suam appelláre consuevit, ac véluti Matrem dulcíssimam íntimo cordis afféctu venerabátur, eámque ab áliis venerári exoptábat, ut cum ejúsdem patrocínio, sicut ipse ajébat, ómnia bona consequeréntur.

℞. Amávit eum Dóminus.

Lectio VI.

Haec beáti Joséphi sollicitúdo a sua erga próximos charitáte prodibat: tanto enim animárum zelo exardébat, ut ómnium salútem modis ómnibus instantíssime procuráret. Exténdens páriter charitátem suam in próximum sive páuperem, sive infirmum sive quacúmque ália tribulatiõe vexátum, quantum in ipso erat, illum recreábat. Nec aliéni erant ab ejus charitáte, qui objurgationibus, probris, omnisque géneris injúriis ipsum appéterent; nam eádem patientia, mansuetúdine, vultusque hilaritáte tália excipiebat, qua tot inter ac tantas vicissitúdes resplénduit, dum vel Moderatórum Ordinis, vel sacrae Inquisitionis jussu hac illac erráre, versárique coáctus est. Quamquam vero pópuli non solum, sed

viri principes eximiam ejus sanctitatem, et supérna charismata admiraréntur, ea nihilóminus erat humilitate, ut magnum se peccatórem reputans Deum enixe deprecáretur, ut sua ab eo illústria dona removéret; hómines vero exoráret, ut in eum locum mórtuum ejus corpus injicerent, ubi memória sui esset prorsus oblitérata. At Deus qui ponit húmiles in sublíme quique servum suum, dum viveret, coelésti sapiéntia, prophetía, córdium perscrutatióne, curatiónum grátia, ceterisque donis cumulatissime exornáverant, ejus quoque mortem iis, quibus ipse ántea praedixerat, loco, ac témpore anno aetátis suae sexagesimo primo, Auxími in Picéno pretiósam reddidit, sepulchrúmque gloriósum. Illum dénique étiam post óbítum miraculis coruscántem Benedictus Quartusdecimus Beatórum, Clemens Tertiusdecimus Sanctórum fastis adscripsit; ejus áutem officium, et Missam Clemens Quartusdecimus ejúsdem Ordinis ad univérsam Ecclesiám exténdit.

¶. Iste homo perfecit.

IN III. NOCTURNO.

Léctio Sancti Evangélii
secúndum Matthaeum.

Lectio VII.

Cap. 22.

In illo témpore: Loquebátur Jesus princípibus sacerdotum, et pharisaeis in parábolis dicens: Símile factum est regnum coelórum hómini regi qui fecit núptias filio suo. Et réliqua.

Homília sancti Gregórii
Papae.

Lib. 2. Homiliar. Homil. 38.
circa medium.

Quia jam, largiénte Dómino núptiarum domum idest sanctam Ecclesiám intrástis, solérter, fratres, aspícite, ne áliquíd de mentis vestrae hábitu rex ingrédiens reprehéndat. Cum magno enim cordis timóre pensándum est, quod prótinus súbditur: Intrávit áutem rex, ut vidéret discumbéntes et vidit ibi hóminem non vestítum veste núptiáli. Quid, fratres charíssimi, exprimi per núptialem vestem putámus? Si enim vestem núptialem baptísma vel fidem dicimus, quis sine baptísmate, et fide has núptias intrávit? Eo enim ipso foris est qui necdum crédidit. Quid ergo debémus intelligere núptialem vestem, nisi charitátem? Intrat enim ad núptias, sed

cum nuptiáli veste non intrat, qui in sancta Ecclesia assistens fidem habet, sed charitatem non habet. Recte enim charitas nuptiális vestis vocatur, quia hanc in se conditor noster habuit, dum ad sociandae sibi Ecclesiae nuptias venit.

¶. Iste est, qui.

Lectio VIII.

Sola quippe dilectione Dei actum est, ut ejus Unigenitus mentes sibi electorum hominum uniret, Unde et Joannes dicit: Sic enim dilexit Deus mundum, ut Filium suum unigenitum daret pro nobis. Qui ergo per charitatem venit ad homines, eandem charitatem innouit vestem esse nuptialem. Omnis ergo vestrum, qui in Ecclesia positus Deo credidit, jam ad nuptias intravit: sed cum nuptiáli veste non venit, si charitátis gratiam non custodit. Et certe, fratres, si quis ad carnáles nuptias esset invitatus, vestem mutaret, congaudere se sponso, et sponsae ex ipso sui hábitus decore ostenderet, inter gaudentes, et festa celebrantes despectis vestibus apparere erubesceret. Nos ad Dei nuptias venimus, et cordis vestem mutare dissimulamus. Congaudent Angeli, cum ad coelum assumuntur electi. Qua ergo mente haec

spirituália festa conspícimus, qui nuptialem vestem, id est charitatem, quae sola nos speciosos exhibet, non habemus?

¶. Sint lumbi vestri.

Lectio IX.

Sciendum vero est, quia sicut in duobus lignis, superiore videlicet, et inferiore vestis texitur: ita in duobus praecéptis charitas habetur, in dilectione scilicet Dei, et proximi. Scriptum quippe est: Diliges Dominum Deum tuum ex toto corde tuo, et ex tota ánima tua, et ex tota virtute tua, et proximum tuum sicut teipsum. Qua in re notandum est, quia in dilectione proximi mensúra amoris ponitur, cum dicitur: Diliges proximum tuum sicut teipsum. Dei autem dilectio nulla mensúra constringitur, cum dicitur: Diliges Dominum Deum tuum ex toto corde tuo, ex tota ánima tua, ex tota virtute tua. Non enim jubetur quisque quantum diligat, sed ex quanto, cum dicitur ex toto, quia ille veraciter Deum diligit, qui sibi de se nihil relinquit. Duo ergo necesse est ut charitátis praecépta custodiat, quisquis habere in nuptiis vestem nuptialem curat.

Te Deum.

AD BENEDICTUS.

Ant. Osténdit mihi Dóminus flúvium aquae vivae, spléndidum tamquam cristallum procedéntem de sede Dei, et Agni.

IN II. VESPERIS.

AD MAGNIFICAT.

Ant. Existimo ómnia de-triméntum esse propter emi-néntem seiéntiam Jesu Christi Dómini mei.

DIE XXII. SEPTEMBRIS.

In Festo B. MARIAE DE CERVELLIONE, alias de Subsidio Virginis. Duplex.

Omnia de Communi Virg. praeter ea, quae sequuntur.

IN I. VESPERIS.

AD MAGNIFICAT

Ant. Flagéllis, et caténa María corpus domábat: siléntio, et abstinentia ánimum custodiébat: orationibus incessánter instábat, docens Christi sponsas vas incorruptibile in sanctificatióne et honóre possilére.

ORATIO.

Deus, qui nos cóspicis in tot periculis constitutos pro nostra fragilitate non posse subsistere: concéde propitius, ut intercedente beáta María fámula tua, de praeséntis vitae flúctibus edúcti, ad aetérnae salutis portum pervenire valeámus. Per Dóminum.

IN I. NOCTURNO.

Lectiones de Scriptura occurrentis.

IN II. NOCTURNO.

Lectio IV.

María ex nóbili familia de Cervellione Barchinóne in Hispánia nata, et a paréntibus in Dei timóre primis ab annis enutríta, virginitátem suam, cum decem et octo esset annórum illi devóvit. Ejus vivéndi rátio erat in públicum rárius prodire, aegrotántibus domésticis sédulo ad-desse, et in nosocomio ter in hebdomada paupéribus ministráre. Annum trigésimum agens, defúcto patre hábitum Ordinis Sanctae Mariae de Mercéde prima ex foeminis suscipiens, sanctimoniáli-

bus ejúsdem Ordinis ducem, magistram, et exémpplar se prae-buit; ac distribúto patrimoni-
o in redemptionem captivórum, professionem in eó-
dem Ordine una cum voto de laborándo pro redimén-
dis captivis emisit.

¶. Propter veritátem.

Lectio V.

Matre e vivis sublata, cum aliquot honestis foeminis ejúsdem Institúti, piam sanctámque vitam perégit, sólita quotidie mulierum a suis fratribus redemptárum, ac Barcinónem adveniéntium, pedes in hospitáli domo lavare; quínquies in hebdomada sacra Eucharistia réfici, terque jejúnare solo pane et aqua conténta, quotidíanis flagéllis insuper et férrea caténa corpus suum affligens. Siléntium, quod mira observántia colébat, inánibus verbis numquam infrégit, ac párcius indulgens somno, expetébat ab hujúsmodi necessitáte liberári, ut illo fruerétur incessánter, quo jucundántur coeli, et Angeli laetántur. Quod diúrni téporis supererat ab oratione, et pietá-
tis exercítiis, in páuperes juvándos impendébat, nullum officii genus praetermittens, quo afflíctos consolarétur, op-

préssos liberaret; et vinctos edúceret de cárcéribus.

¶. Dilexisti justitiam.

Lectio VI.

Futúras maris tempestates praenuntiábat, illásque saepe suis orationibus sedávit; visa aliquóties super undas incé-
dere, quo fratres captivórum redemptóres, aliósque in mari periclitántes serváret incólumes; unde ei Maríae de Subsídio, vulgo de Socos, nomen est índitum. Dénique post multa virtútum insígnia Barcinóne migrávit ad Dóminum, decimotértio Kalén-
das Octóbris, anno salutis millésimo ducentésimo nonagésimo. Ejus corpus, ex quo suavíssimus odor manábat, sepúltum est in Ecclesiá Fratrum Ordinis sui, quod nonagésimo post anno, Episcopo Barcinonénsi, Petro Aragóniae rege, ceterisque aulae, et civitátis primátibus adstántibus, solémni pompa elevátum, incorrúptum repértum fuit, ac decentióri loco, ubi religiósé cólitur, asservátur.

¶. Afferéntur Regi.

IN III. NOCTURNO.

Homilia S. Gregorii Papae in Evang. Símile erit regnum

coelórum decem Virgínibus,
de Communi Virg.

AD BENEDICTUS

Ant. Adducéntur in laetitia,
et exultatióne Regi Dómino
virgines post Mariam, ut in
sanctitate, et justitia sérviant
illi, et quocúmque íerit, ipsum
Agnum sequántur.

IN II. VESPERIS.

AD MAGNIFICAT.

Ant. Mare, et venti Mariæ
obédiunt: Angélici candóris
virtute. pollénti, aquae mul-
tae cessérunt ardóri charitá-
tis ejus.

DIE XXIII. SEPTEMBRIS.

*In Festo S. LINI Pp. M. Du-
plex.*

Omnia ut in Brev.

FESTA OCTOBRIS

DOMINICA I. OCTOBRIS.

*In Solemnitate SS. ROSARII
B. M. V. Duplex majus.*

*Omnia dicuntur, ut in Offi-
cio S. Mariae ad Nives, in Bre-
viario 5. Aug. praeter ea, quae
hic sequuntur.*

AD MAGNIFICAT.

Ant. Sancta María, succurre
miseris, juva pusillánimes, ré-
fove flébiles, ora pro pópulo,
intérvieni pro clero, intercède
pro devóto foemíneo sexu:
séntiant omnes tuum juvamen
quicúmque célebrant tuam
sanctam solemnitétem.

ORATIO

Deus, ejus Unigénitus per
Vitam, Mortem, et Resurre-
ctiónem suam nobis salutis
aetérnae praemia compará-
vit: concède, quaesumus, ut
haec mystéria sanctíssimo
Beátae Mariæ Virgínis Rosário
recoléntes, et imitémur quod
cóntinent, et quod promíttunt,
assequámur. Per. eúndem.

*Deinde fit commem. Domi-
nicae occurrent.*

IN I. NOCTURNO.

*Lectioes de Parabolis Salo-
monis, Ego Sapiéntia, ut in
supradicto Festo ad Nives.*

IN II. NOCTURNO.

Lectio IV.

Cum Albigénsium haeresis
per Tolosátium regiónem ím-
pie grassarétur, atque áltius

in dies radices ágeret, sanctus Domínicus, qui nuper Praedicatorum Ordinis fundaménta jécerat, ad eam convelléndam totus incúbuit. Id ut praestáret valídus, auxílium Beátae Vírginis, cujus dignitas illis erróribus impudentíssime petebátur, cuique datum est cunctas haereses interímere in univérso mundo, eníxis précibus implorávit: a qua (ut memóriæ próditum est) cum mónitus esset, ut Rosárium pópulis praedicáret, velut singuláre advérsus haereses ac vítia praesídium, mirum est quanto mentis fervóre, et quam felíci succéssu injúctum sibi munus sit executus. Est áutem Rosárium certa precándi fórmula, quam quíndecim Angelicárum Salutatiónum Décales Oratióne Domínica interjécta, distinguimus, et ad eárum singulas tótidem nostrae reparatiónis mystéria pia meditatióne recólimus. Ex eo ergo témpore pius hic orándi modus mirabiliter per sanctum Domínicum promulgári, augeríque coepit: quem ejúsdem institutórem, auctóremque fuisse Summi Pontífices Apostólicis lítteris passim affirmáverunt.

n). Sicut cedrus.

Lectio V.

Innumerábiles porro fructus

ex hac tam salutári institutióne in Christiánam Rempúblicam dimanáverunt: inter quos victória illa mérito numeráitur, quam sanctíssimus Póntifex Pius Quintus, et ab eo inflammáti Christiáni Príncipes apud Echínadas Insulas de Turcárum tyráno potentíssimo reportáverunt. Nam cum illa ipsa die ea victória reláta sit, qua die Sanctíssimi Rosárii Sodalitátes per univérsum orbem consuétas supplicatiónes perágerent, statutásque preces de more fúnderent, iis précibus haud immérito refértur accepta. Quod quidem cum étiam Gregórius Tertiusdecimus testátus esset; ut pro tam singulári beneficio Beátae Vírgini sub appellatióne Rosárii perénnes grátiae ubique terrárum haberéntur, in Ecclesiis ómnibus, in quibus altáre Rosárii foret, prima quaque Octóbris Domínica officium ritu dúplici majóri perpétuo celebrándum indíxit: aliíque Pontífices Rosárium recitántibus, ejusdémque Rosárii Sodalitátibus Indulgéntias pene innúmeras concessére.

n). Quae est ista.

Lectio VI.

Nuper vero Clemens Un-

décimus ánimo réputans, insignem páriter victóriam anno millésimo septingentésimo decimoséxto in Hungáriæ regno a Cárolo Sexto in Imperatórem Romanórum electo, de innúmeris Turcárum cópiis relátam, eo die contigisse, quo festum Dedicatiónis Sanctae Mariæ ad Nives celebrarétur, atque eódem ferme témpore, quo Sanctíssimi Rosárii Confrátres públicam, solemnéque supplicatiónem in alma Urbe, ingénti pópuli concúrsu, magnáque religióne peragéntes férvidas ad Deum preces pro Turcárum depressióne fúnderent, ac poténtem opem Deíparæ Virgínis in auxílium Christianórum humíliter implorárent; eam ob rem victóriam illam, nec non liberátam páulo post eorúmdem Turcárum obsidióne Corcyrénssem Insulam ejúsdem Beátae Virgínis patrocínio pie cénsuit adscribendam. Quamóbrem, ut hujus quoque tam insígnis beneficii perénis semper et memória extáret, et grátia, sanctíssimi Rosárii festum eádem die, eodémque ritu celebrándum ad Ecclesiám univérsam exténdit. Haec áutem ómnia Benedictus Decimustértius in Breviário Románo novíssime appóni jussit. Sanctíssimam

ergo Dei Genitricem cultu hoc eidem gratíssimo júgiter venerémur: ut quae tóties Christifidélibus, Rosárii prècibus exoráta terrénos hostes profligáre dedit, ac pèrtere. Inférnos páriter supèrare concédatur.

n. Ornátam monílibus.

IN III. NOCTURNO.

Homilia in Evang. Loquente Jesu, ut in supradicto Officio S. Mariæ ad Nives excepto quod in fine Respons. Lect. VII. dicit. Sanctam Solemnitatem.

Lectio IX. legitur de Homilia Dominicae.

AD LAUDES

ET PER HORAS

Omnia item ut in supradicto Officio S. Mariæ ad Nives.

IN II. VESPERIS.

Fit commem. Dominicae occurr.

DOMINICA II. OCTOBIS.
In Festo MATERNITATIS B.
M. V. Duplex majus.

AD VESPERAS.

Ant. Beáta es Virgo María cum reliquis de Laud.
Psalm. consueti de S. Maria ut in ejus Officio parvo.

Capitulum

Qui creávit me, requiévít in tabernáculo meo, et dixit mihi: in Jacob inhábita, et in electis meis mitte radices.

Hymn. Ave maris Stella.

Ÿ. Benedícta tu in mulieribus.

℞. Et benedíctus fructus ventris tui.

AD MAGNIFICAT.

Aut. Cum jucunditáte Maternitátem Beátae Mariae semper Vírginis celebrémus.

ORATIO.

Deus, qui de Beátae Mariae Vírginis útero Verbum tuum Angelo nuntiánte carnem suscipere voluísti, praesta supplicibus tuis: ut qui vere eam Genitrícem Dei crédimus, ejus apud te intercessiónibus adjuvémur. Per eúmdem Dóminum.

Deinde fit commem. Domin. occur.

AD MATUTINUM.

Invit. Maternitátem Beátae Mariae Vírginis celebrémus: * Christum ejus Fílium adorémus Dóminum.

Psalm. Veníte, exultémus.

Hymnus.

Coelo Redemptor praetulit
 Felícis alvum Vírginis,
 Ubi futúra víctima
 Mortále corpus índuit.

Haec Virgo nobis édídít
 Nostrae salútis áuspícem,
 Qui nos redémit Sanguine,
 Poenas, crucémque pértulit.

Spes laeta nostro e pectore
 Pellat timóres ánxios:
 Haec quippe nostras lácrymas
 Precésque desert Fílio.

Voces Paréntis éxcipít,
 Votisque Natus ánnuit.
 Hanc quisque semper díligat,
 Rebúsque in arctis ínvoceť.

Sit Trínitáti glória,
 Quae Matris inctáctum sinum
 Dítavít almo Gémíne,
 Laus sit per omne saeculum.

Amen.

Antiph. et Psalm. Noct. ut in ejus Off. parvo.

IN I. NOCTURNO.

Ÿ. Spécie tua, et pulchritúdine tua.

℞. Inténde, prospere procéde, et regna.

De Libro Ecclesiástici.

Lectio I.

Cap. 24.

Ego ex ore Altissimi prodívi primogénita ante omnem creatúram. Ego feci in coelis, ut orirétur lumen indeficiens, et sicut nébula texi omnem terram. Ego in altíssimis habitávi, et thronus meus in columna nubis. Gyrum coeli circuívi sola, et profúndum abyssi penetrávi; in flúctibus maris ambulávi, et in omni terra steti, et in omni pópulo, et in omni gente primátum hábui: et ómnium excellentium, et humílium corda virtúte calcávi: et in his ómnibus réquiem quaesívi, et in haereditate Dómini morábor.

ñ. Felix es sacra Virgo María, et omni láude digníssima: * Ex qua ortus est sol justítiae Christus Deus noster, per quem salváti et redempti sumus.

ÿ. Maternitátem Beatae Maríae Vírginis cum gáudio celebrémus. Ex qua.

Lectio II.

Tunc praecépit, et dixit mihi Creátor ómnium: et qui creávit me, requiévít in tabernáculo meo, et dixit mihi: in Jacob inhábita, et in Israel haereditáre, et in

eléctis meis mitte radíces. Ab iníitio et ante saecula creáta sum, et usque ad futúrum saeculum non désinam, et in habitatióne sancta coram ipso ministrávi. Et sic in Sion firmáta sum, et in civitate sanctificáta similiter requiéví, et in Jerúsalem potéstas mea. Et radicávi in pópulo honorificáto, et in parte Dei mei haeréditas illíus, et in plenitúdine sanctórum deténtio mea.

ñ. Sine tactu pudóris inventa es Mater Salvatóris: * Qui coelum, terrámque regit, in tua se cláusit víscera factus homo.

ÿ. Benedícta tu in muliéribus, et benedictus fructus ventris tui. Qui coelum.

Lectio III.

Quasi cedrus exaltáta sum in Líbano, et quasi cyprésus in monte Sion. Quasi palma exaltáta sum in Cades, et quasi plantatio rosae in Jéricho. Quasi olíva speciósa in campis, et quasi plátanus exaltáta sum juxta aquam in platéis. Sicut cynamómum et bálsamum aromatízans odórem dedi: quasi myrrha elécta dedi suavitátem odóris: et quasi storax, et gálbanus, et úngula, et gutta, et quasi Líbanus non incísus

vaporávi habitatióem meam et quasi bálsamum non mixtum odor meus. Ego quasi therebíntus exténderam ramos meos, et rami mei honóris, et grátiae. Ego quasi vitis fructificávi suavitatem odóris.

ñ. Multae filiae congregavérunt divítias: tu supergréssa es univérsas: * Speciósá facta es, et suávis in delíciis tuis sancta Dei Génitrix.

ŷ. Séntiant omnes tuum juvámén, quicúmque célebrant tuam sanctam Maternitatem. Speciósá. Glória Patri. Speciósá.

IN II. NOCTURNO.

ŷ. Diffúsa est grátia in lábiis tuis.

ñ. Proptérea benedíxit te Deus in aetérnum.

Ex Sermóne sancti Leónis Papae.

Serm. 1. de Nat. Dom.

Lectio IV.

Virgo régia Davídicae stirpis elígitur, quae sacro gravidánda foetu, divínam, humanámque Prolem prius concíperet mente, quam corpore: et ne supérni ignára consílii ad inusitátos pavéret af-

fátus, quod in ea operándum erat a Spíritu Sancto, collóquio dídicit Angélico, nec damnum crédidit pudóris Dei Génitrix mox futúra. Cur enim de conceptionis novitate despéret, cui efficiéntia de Altíssimi virtúte promíttitur? Confirmátur credéntis fide étiam praeecúntis attestatióne miráculi. Donátur Elisabeth inopináta foecúnditas, ut qui concéptum déderat stérili, datúrus non dubitarétur et Vírgini. Verbum igitur Dei Fílius, qui in princípío erat apud Deum, per quem facta sunt ómnia, et sine quo factum est nihil propter liberándum hóminem ab aetérna morte factus est homo.

ñ. Gloriósae Vírginis María Maternitatem digníssimam recolámus, * Cujus Dóminus humilitatem respéxit, quae Angelo nuntiánte concépit Salvatórem mundi.

ŷ. Christo canámus glóriam in hac sacra Solemnitate mirábilis Genitrícis Dei. Cujus.

Serm. 2. de Nat. Dom.

Lectio V.

Ingreditur haec ínfima Jesus Christus Dóminus noster de coeli sede descéndens, et a patérna glória non recédens, novo órdine, nova nativitate

generátus. Novo órđine, quia invisibilis in suis, visibilis factus est in nostris, incomprehensibilis vóluit comprehendí; ante témpora manens esse coepit in témpore. Nova áutem nativité génitus est, concéptus a Vírgine, natus ex Vírgine, sine patérnae carnis concupiscéntia, sine matérnae integritátis injúria, quia futúrum hóminum Salvatórem talis ortus decébat, qui et in se habéret humánae substántiae natúram, et humánae carnis inquinaménta nescíret. Orígo dissímilis, sed natúra consímilis: humano usu et consuetúdine, quod crédimus, caret; sed divína potestáte subnítum est, quod Virgo concéperit, Virgo pepérerit, Virgo permánserit.

ñ. Benedícta filia tu a Dómino, quia per te fructum vitae communicávimus: * Sola sine exémplo placuísti Dómino nostro Jesu Christo.

ŷ. Nostras deprecationes ne despicias in necessitatibus nostris, et a periculis cunctis libera nos sancta Dei Génitrix. Sola.

Lectio VI.

Opórtuit ut primam Genitricis integritatem nascéntis

incorrúptio custodíret, et complácitum sibi cláustrum pudóris, et sanctitátis hospítium divíni Spíritus virtus infúsa serváret, quae statúerat dejécta erígere, confrácta solidáre, et superándis carnis illécebris multiplicátam pudicitiae donáre virtútem; ut virginitas, quae in áliis non póterat salva esse generádo, fieret áliis imitábilis renascéndo. Hoc ipsum áutem, quod Christus nasci éligit ex Vírgine, nonne appáret altíssimae fuisse ratiónis? Ut scílicet humano géneri natam salutem diábolus ignoráret, et spirituáli laténte concéptu, quem non álium vidéret, quam álios, non áliter créderet natum esse, quam coeteros. Quod ut fieret, éditus est Christus ex Vírgine, quam Spíritus Sanctus foecundávit, et cum in ómnibus mátribus non fiat sine peccáti sorde concéptio, haec inde purgatiónem traxit unde concépit.

ñ. Benedícta inter mulieres, et benedictus fructus ventris tui: * Unde hoc mihi, ut véniat Mater Dómini mei ad me?

ŷ. Respéxit humilitátem ancillae suae, et fecit mihi magna qui potens est. Unde Glória Patri. Unde.

IN III. NOCTURNO.

ŷ. Fecit mihi magna qui potens est.

¶. Misericórdia ejus a progénie in progénies tíméntibus eum.

Léctio sancti Evgángelii
secúndum Lucam.

Lectio VII.

In illo témpore: Cum redírent, remánsit puer Jesus in Jerúsalem, et non cognóverunt paréntes ejus. Et réliqua.

Cap. 3.

Homíla sancti Bernárdi
Abbátis.

Homíl 1. de Laud. Virg.
Matris.

Deum, et Dóminum Angelórum María suum Fílium appéllat, dicens, Fili, quid fecísti nobis sic? Quis hoc áudeat Angelórum? Súfficit eis, et pro magno habent, quod cum sint spíritus ex conditióne, ex grátia facti sint, et vocáti Angeli, testánte David: Qui facit Angelos suos spíritus. María vero Matrem se agnóscens, majestátem illam, cui illi cum reveréntia sérvíunt, cum fidú-

cia suum nún cupat Fílium: nec dedignátur nuncupári Deus, quod esse dignátus est. Nam páulo post subdit Evangelísta: Et erat súbditus illis. Quis? Quibus? Deus homínibus. Deus, inquam, cui Angeli súbditi sunt, cui Principátus, et Potestátes obédiunt, súbditus erat Maríae.

¶. Beáta es Virgo María Dei Génitrix, quae credidísti Dómino: perfectá sunt in te, quae dicta sunt tibi * Proptérea benedíxit de Deus in aetérnum.

ŷ. Diffúsa est grátia in lábiis tuis: intercède pro nobis ad Dóminum Deum nostrum. Proptérea.

Ben. Cujus festum cólinus ipsa Virgo Vírginum.

Lectio VIII.

Miráre utrúmlibet, et élige quod ámplius mirérissive Fílii benigníssimam dignatiónem, sive Matris excellentíssimam dignitátem. Utrínque stupor, utrínque miraculum. Et quod Deus foeminae obtémperet, humílitas absque exémplo: et quod Deo foemina principétur, sublímitas sine sócio. In láudibus Vírginum singuláriter cánitur quod sequúntur Agnum quocúmque ierit. Quibus ergo láudibus júdicas dignam, quae étiam

praeit? Disce homo obedire, disce terra subdi, disce pulvis obtemperare. De Auctore tuo loquens Evangelista: Et erat, inquit, subditus illis. Erubescere superbe cinis, Deus se humiliat, et tu te exaltas, Deus se hominibus subdit, et tu dominari gestiens hominibus tuo te praepónis Auctóri. * Felix María, cui nec humilitas defuit, nec virginitas. Et quidem singularis virginitas, quam non temeravit, sed honoravit foecunditas. Et nihilominus specialis humilitas, quam non abstulit, sed extulit foecunda virginitas, et incomparabilis prorsus foecunditas, quam virginitas simul comitatur, et humilitas. Quid horum non mirabile? quid non incomparabile? quid non singulare? Mirum vero si non haesitas in horum ponderatione, quid tua iudices dignius admiratione, utrum videlicet potius stupenda sit foecunditas in Virgine, an in Matre integritas: sublimitas in prole, an cum tanta sublimitate humilitas? Nisi quod indubitanter horum singulis praeferenda sunt simul cuncta, et incomparabiliter excellentius est, atque felicius omnia percepisse, quam aliqua. Et quid mirum si Deus, qui mirabilis cernitur, in Sanctis suis, mirabilem se exhibuit

in Matre sua? Veneramini ergo, conjuges, in carne corruptibili carnis integritatem. Vos sacrae Virgines in Virgine foecunditatem. Imitamini omnes homines Dei Matris humilitatem.

¶. Congratulamini mihi omnes, qui diligitis Dominum, quia cum essem parvula placui Altissimo: * Et de meis visceribus genui Deum, et hominem,

†. Beatam me dicent omnes generationes, quia ancillam humilem respexit Deus. Et. Gloria Patri. Et.

Nona Lectio Homil. Domin, curr. deinde.

Te Deum.

AD LAUDES

ET PER HORAS.

Ant. Beata es Virgo Maria, quae omnium portasti Creatorem,

Psalm. Dominus regnavit, cum rel. de Dom.

Ant. Genuisti qui te fecit, et in aeternum permanes Virgo.

Ant. Beata me dicent omnes generationes, quia ancillam humilem respexit Dominus.

Ant. Fecit mihi magna, qui potens est, et sanctum nomen ejus.

Ant. Vidérunt eam filiae

Sion, et beatam dixerunt, et reginae laudaverunt eam.

Capitulum.

Qui creavit me requievit in tabernaculo meo, et dixit mihi: in Jacob inhabita, et in electis meis mitte radices.

Ecel. 24.

Hymnus.

Te Mater alma Numinis
Oramus omnes supplices,
A fraude nos ut daemonis
Tua sub umbra protegas.

Ob perditum nostrum genus
Primi parentis crimine
Ad inclytum Matris decus
Te Rex supremus extulit.

Clementer ergo prospice
Lapsis Adami posteris:
Ad te rogatus Filius
Deponat iram vindicem.

Jesu, tibi sit gloria,
Qui natus es de Virgine,
Cum Patre, et almo Spiritu
In sempiterna saecula.

Amen.

γ. Germinavit radix Jesse:
orta est stella ex Jacob.

η. Virgo peperit Salvatorem,
te laudamus Deus noster.

AD BENEDICTUS.

Ant. Sancta Maria succur-

re miseris, juva pusillanimes,
refove flebiles, ora pro populo,
interven pro Clero, intercede
pro devoto foemineo sexu;
sentiant omnes tuum juvamen,
quicumque celebrant tuam
admirabilem Maternitatem.

ORATIO.

Deus, qui de Beatae Mariae
Virginis utero Verbum tuum
Angelo nuntiante carnem suscipere
voluisti, praesta supplicibus tuis:
ut qui vere eam Genitricem Dei
credimus, ejus apud te intercessionibus
adjuvemur. Per eundem Dominum.

Deinde fit com. Dominicae.

Ad Hor. Ant. et or. ut in Laud. rel. ut in Off. B. M. V. in Sab.

AD PRIMAM

γ. Qui natus es.

IN II. VESPERIS.

Omn. ut in prim.

AD MAGNIFICAT.

Ant. Maternitas tua, Dei
Genitrix Virgo, gaudium an-

nuntiávit univérso mundo:
ex te enim ortus est sol ju-
stítiae Christus Deus noster.

Deinde fit com. Dominicae:

DOMENICA III. OCTOBRIS.

In Festo PURITATIS B. M.
V. Duplex majus.

AD VESPERAS.

Ant. Sicut lílium inter spi-
nas cum reliq. de Laud. Psalm.
dixit dóninus cum reliq. ut in
Officio parvo B. M. V.

Capitulum

O quam pulchra est casta
generátio cum claritáte: im-
mortális est enim memória
illíus, quóniam apud Deum
nota est, et apud hómines.

Hymnus.

Praeclára Custos Vírginum,
Intácta Mater Núminis,
Coeléstis áulae jánuas,
Spes nostra, coeli gáudium.

Inter rubéta lílium.
Colúmba formosíssima,
Virga e radíce gérmínans
Nostro medélam vúlneri.

Turris draconí impérvia,
Amíca stella náufragis,

Tuére nos a fráudibus,
Tuáque luce dírige.

Erròris umbras díscute,
Syrtés dolósas ámove.
Fluctus tot inter déviis
Tutam reclúde sémitam.

Jesu, tibi sit glória,
Qui natus es de Vírgine,
Cum Patre, et almo Spíritu
In sempitérna saecula.

Amen.

Haec conclus. dicit. in fine
omnium Hymnor.

ÿ. Cum jucunditáte Virgi-
nitátem Beátae Maríae sem-
per Vírginis celebrémus.

ñ. Ut ipsa pro nobis inter-
cédât ad Dóminum Jesum
Christum.

AD MAGNIFICAT.

Ant. Nihil inquinátum in
eam incúrrit; candor est lu-
cis aetérnae, et spéculum si-
ne mácula.

ORATIO

Da, quaesumus, omnípotens,
aetérne Deus; ut puríssimae
Vírginis Maríae integérrimam
Virginitátem festíva celebri-
táte venerántes, ejus interces-
sióne, puritátem mentis, et
córporis consequámur. Per
Dóminum.

Et fit commemor. Dominíc.

AD MATUTINUM.

Invitat. Virginitatem Deiparae celebrémus: * Christum ejus Fílium adorémus Dóminum.

Psalm. Veníte, exultémus.

Hymnum.

O Stella Jacob fúlgida,
O Solis instar spléndida,
Auróra, qua nil púrius
Refúlget inter sídera.
Stolis amíctae cándidis
Tibi catérvae coelitum
Pláudent, sacraeque Vírgi-
nes

Láudes perénnes cóncinunt.

Quin obsequéntes ófferunt
Ligústra, et alba lília:
Candor sed horum víncitur
Candóre casti péctoris.

Nostra Angelórum láudi-
bus

Abjécta tellus ássónans
Ad astra voces éfferat
Et Vírginis praecónia.

Jesu, tibi sit glória,
Qui natus es de Vírgine,
Cum Patre, et almo Spíritu
In sempitérna saecula.

Amen.

*Ant. et Psalm. Noct. ut in
ejus Off. parvo.*

IN I. NOCTURNO.

†. Venérunt mihi ómnia
bona páriter cum illa.

†. Et innumerábilis honé-
stas per manus illíus.

De Cánticis Canticórum.

Lectio I.

Ego flos campi, et lílium
convállium. Sicut lílium in-
ter spinas, sic amíca mea in-
ter filias. Sicut malus inter
ligna silvárum, sic diléctus
meus inter filios. Sub umbra
illíus, quem desideráveram,
sedi, et fructus ejus dulcis
gútturi meo. Introduxit me
in cellam vináriam, ordiná-
vit in me charitátem. Fulci-
te me flóribus, stipáte me
malis, quia amore lángueo.
Laeva ejus sub capite meo,
et dextera illíus amplexábi-
tur me. Adjúro vos, filiae Je-
rúsalem, per cápreas cervós-
que campórum, ne suscitétis,
neque evigiláre faciátis dilé-
ctam, quoadúsque ipsa velit.
Vox dilécti mei: ecce iste
venit sáliens in móntibus,
transfliens colles: símilis est
diléctus meus cápreae hinnu-
lóque cervórum. En ipse stat
post parietem nostrum, re-
spiciens per fenéstas, pro-
spiciens per cancellos. En di-
léctus meus loquitur mihi:
Surge própera, amíca mea,
colúmba mea, formósa mea,
et veni.

†. Diléctus meus mihi, et

ego illi, qui páscitur inter lília: * Pulchra es amíca mea, suávis, et decóra sicut Jerúsalem, terríbilis ut castrórum ácies ordináta.

Ÿ. Una est colúmba mea, perfécta mea: Vidérunt eam filiae Sion: et beatíssimam praedicavérunt. Pulchra.

Lectio II.

c. 4.
Quam pulchra es, amíca mea; quam pulchra es! óculi tui columbárum, absque eo quod intrínsecus latet. Capílli tui sicut greges caprárum, quae ascendérunt de monte Gálaad, dentes tui sicut greges tonsárum, quae ascendérunt de lavácro, omnes geméllis foetibus, et stérilis non est inter eas. Sicut vitta coccínea lábia tua, et elóquium tuum dulce. Sicut fragmen mali púnici, ita genae tuae. Sicut turris David collum tuum, quae aedificáta est cum propugnáculis: mille clypei pendent ex ea, omnis armatúra fórtium. Duo úbera tua sicut duo hínuli cápreae gemélli, qui pascúntur in líliis, donec aspíret dies, et inclinéntur umbrae. Vadam ad montem myrrhae, et ad collem thuris. Tota pulchra es, amíca mea, et mácula non est in te.

Ÿ. Surge, própéra, amíca mea, colúmba mea, formósa mea, et veni: * Jam hyems tránsiit, imber ábiit, et recessit: flores apparuérunt in terra nostra.

Ÿ. Surgam, et circuibo civitatem: per vicos, et platéas quaeram quem diligit ánima mea. Jam.

Lectio III.

Veni de Líbano Sponsa mea, veni de Líbano, veni: coronáberis de cápite Amána, de vértice Sanir et Hermon, de cubílibus leónum, de móntibus pardórum. Vulnerásti cor meum soror mea sponsa, vulnerásti cor meum in uno oculórum tuórum, et in uno crine colli tui. Quam pulchrae sunt mammae tuae, soror mea sponsa! pulchrióra sunt úbera tua vino, et odor unguentórum tuórum super ómnia arómata. Favus distillans lábia tua, sponsa, mel, et lac sub lingua tua: et odor vestimentórum tuórum, sicut odor thuris. Hortus conclúsus, soror mea sponsa, hortus conclúsus, fons signátus.

Ÿ. Adjúro vos, filiae Jerúsalem, si invéneritis diléctum meum, ut nuntiétis ei, quia amóre lángueo: * Qualis est diléctus tuus, o pulchérissima mulierum?

†. Diléctus meus cándidus, et rubicúndus, eléctus ex mílibus: Talis est diléctus meus, ipse est amícus meus, filiae Jerúsalem. Qualis. Glória Patri. Qualis.

IN II. NOCTURNO.

†. Post partum Virgo invioláta permansísti.

¶. Dei Génitrix intercède pro nobis.

Ex Libro sancti Ambrósii
Epíscopi de Virgínibus.

Lectio IV.

Lib. 2. post initium.

Sit vobis tamquam in imágine descrípta Virgínitas, vítaque beátae Maríae, de qua velut in spéculo, refúlget spécies castitátis, et forma virtútis. Hinc sumátis licet exémp-la vivéndi: ubi, tamquam, in exemplári, magistéria expressa probitátis, quid corrígere, quid effúgere, quid tenére debeátis, osténdunt. Primus discéndi ardor, nobílitas est magístri. Quid nobílius Dei Matre? Quid splendídus ea, quam splendor elégit? Quid cástius ea, quae corpus sine córporis contagióne generávit?

¶. Beatíssima Virgo María hortus conclúsus, fons signátus, Regína Angelórum, Dó-

mina mundi: * Per quam Deus descéndit in terras, ut hómines ascéndere mereréntur ad coelos.

†. Ad te clamámus éxules filii Hevae: recordáre nostri, sanctíssima Virgo. Per quam.

Lectio V.

De coeteris ejus virtútibus quid loquar? Virgo erat non solum córpore, sed étiam mente, quae nullo doli ámbitu sincérum adulteráret af-féctum. Corde húmilis, ver-bis gravis, ánimí prudens, lo-quéndi párcior, legéndi stu-diósior, non in incérto divi-tiárum, sed in prece páuperis spem repónens: inténta óperi, verecúnda sermóne, árbitrum mentis sólita non hóminem, sed Deum quaerere, nullum laedere, bene velle ómnibus, fúgere jactántiam, ratiónem sequi, amáre virtútem.

¶. Beáta María tantae éxti-tit puritátis, ut Mater Dómi-ni esse mererétur: * Deus quam elégerat creávit, de qua crearétur elégit.

†. Ipsa est Stella ex Jacob, cujus rádius univérsum or-bein illúminat. Deus.

Ex sancto Petro Crisólogo

Lectio IV.

Haec dedit coelis glóriam, Serm. 143.

terris Deum, fidem g ntibus, finem v itiis, vit e  rdinem, m ribus disciplinam. Gr tiam, quam d tulit Angelus, acc pit Virgo, salutem saeculis reddit ra. Vere benedicta Virgo, quae et Virginit tis p ssidet decus, et Matris dignitatem. Vere benedicta, quae et sup rni conc ptus m ruit gr tiam, et serv vit integrit tis coronam. Vere benedicta, quae et div ni g rminis suscepit gl riam, et Regina  xitit totius castit tis.

R . Qu modo fiet istud, qu niam virum non cogn sco? S ritus Sanctus superv niet in te: * Virtus Alt ssimi obumbr bit tibi, ide que, * Quod nasc tur ex te sanctum voc bitur F lius Dei.

 . Dixit  utem Mar a: Ecce anc lla D mini, fiat mihi sec ndum verbum tuum. Virtus. Gl ria Patri. Quod.

IN III. NOCTURNO.

 . Invenisti gr tiam apud Deum.

R . Sancta Dei G nitrix Virgo immacul ta.

Lectio Sancti Evang lii
sec ndum Lucam.

Lectio VII.

In illo t mpore: Missus est

Luc. 1. c.

Angelus G briel a Deo in civitatem Galil ae, cui nomen N zareth, ad Virginem desponsatam viro. Et reliqua.

Homilia sancti Bernardi
Abb tis.

Homil. 2. super Missus est.

Novum c nticum illud, quod solis d bitur in regno Dei cant re virg nibus, ipsam Virginum Reginam, immo primam inter caeteras esse cantaturam, nemo est qui  mbigat. Puto  utem illam, praeter illud, quod solis licet, cum  mnibus tamen Virg nibus ei, ut dixi, commune erit, dulci ri quodam, atque elegant ri c rmine laetificationem esse Civitatem Dei. Hujus itaque dulcisonos depromere, vel exprimere m dulos ne ipsarum quidem Virginum ulla digna inveni tur, quia m rito decantandum serv bitur illi, quae sola de partu, et partu div no glori tur. Glori tur, dixi, de partu, non in se, sed in ipso quem p perit. Deus siquidem, Deus enim est quem p perit; et qui Matrem suam in coel stibus donaturus gl ria singul ri, in terris praevenire cur vit et gr tia, qua videlicet ineffabiliter et intacta conciperet, et p reret incorrupta.

¶. Egrediétur virga de radice Jesse, et flos de radice ejus ascendet: * Ecce virgo concipiet, et páriet Fílium, et vocábitur nomen ejus Emánuel.

‡. Joseph Fili David noli timére accípere Mariám cónjugem tuam, quod enim in ea natum est de Spíritu Sancto est. Ecce.

Benedictio. Cujus festum cólimus, ipsa Virgo Vírginum.

Lectio VIII.

Deum hujúsmodi decébat natívitas, qua non nisi de vírgine nascerétur. Talis congruébat et Vírgini partus, ut non páreret, nisi Deum. Proínde factor hóminum, ut homo fieret nascitúrus de hómine talem sibi ex ómnibus débuit delígere, immo cóndere Matrem, qualem et se decére sciébat, et sibi nóverat placitúram. Vóluit itaque esse Vírginem, de qua immaculáta immaculátus procéderet, ómnium máculas purgatúrus. Vóluit et húmílem, de qua mitis, et húmílis corde prodíret, harum in se virtútum necessárium ómnibus saluberrimúmque exémplum ostensúrus. Dedit Vírgini partum, qui ei jam

ante et virginitátis inspiráverat votum, et humilitátis praerogáverat méritum. Ut igitur, quae Sanctum Sanctórum conceptúra erat páriter, et paritúra, sancta esset córpore, accépit donum virginitátis, ut esset et mente, accépit donum humilitátis. * O admirábilem, et omni honóre digníssimam Vírginem! O foeminam singuláriter venerándam, super omnes foeminas admirábilem, paréntum reparatricem, posterórum vivificatricem! Missus est Angelus ad Vírginem, Vírginem carne, Vírginem mente, Vírginem professione, Vírginem dénique, qualem describit Apóstolus, mente et córpore sanctam. Nec nóviter, nec fortúito inventam; sed a saeculo electam, ab Altíssimo praecógnitam, et sibi praeparátam, ab Angelis servátam, a pátribus praefigurátam, a Prophétis promíssam.

¶. Beáta Dei Génitrix María, templum Dómini, sacrárium Spíritus Sancti: * Sola sine exémplo placuísti Dómino nostro Jesu Christo.

‡. Genuísti qui te fecit, et in aetérnum pérmanes Virgo. Sola. Glória Patri. Sola.

Nona Lectio de Homil. Dominic.

Te Deum laudámus.

AD LAUDES

ET PER HORAS.

Ant. Sicut lílium inter spinas, sic amíca mea inter filias.

Psalm. Dóminus regnávít, cum *rel. de Dom.*

Ant. Diléctus meus mihi, et ego illi, qui páscitur inter lília.

Ant. Quam pulchra es, amíca mea, quam pulchra es.

Ant. Una est colúmba mea perfécta mea.

Ant. Vidérunt eam filiae Sion, et beatíssimam praedicavérunt.

Capitulum

O quam pulchra est casta generátio cum claritáte: immortális est enim memória illius, quóniam apud Deum nóta est, et apud hómines.

Hymn. O gloriósa Víginum.

ŷ. Spécie tua, et pulchritúdine tua.

ñ. Inténde, prospere procéde, et regna.

AD BENEDICTUS.

Ant. Sancta, et immaculáta Maríae Virgíntas, quibus te láudibus ésseram néscio, quia per te Redemptórem

nostrum suscepimus Dóminum nostrum Jesum Christum.

ORATIO.

Da, quaesumus, omnípotens, aetérne Deus, ut puríssimae Virginis Maríae integérrimam Virginitátem festíva celebritáte venerántes, ejus intercessióne, puritátem mentis, et córporis consequámur. Per Dóminum.

Deinde fit. comm. Dominic.

AD PRIMAM.

ŷ. Qui natus es.

Ad Horas, Ant. et Orat. ut in Laud. reliq. ut in Offic. B. M. V. in Sabb.

IN II. VESPERIS

Omn. ut in prim.

AD MAGNIFICAT.

Ant. Beáta Dei Génitrix María, Virgo perpétua, sacrárium Spíritus Sancti, sola sine exémplo placuísti Dómino nostro Jesu Christo.

Et fit com. Dom. occur.

DIE I. OCTOB.

ASS. EX IX. AUG.

In Festo S. EMIDII Episc. et Mart. Duplex.

*Omnia de Communi unius
Mart. praeter sequentia.*

ORATIO.

Deus qui beátum Emídium mártirem tuum, atque Pontíficem Idolórum victória, et miraculorum glória decorásti: concéde propítius, ut eo interveniente, malórum spírituum fráudes vincere, et coruscáre virtútibus mereámur. Per Dóminum.

Et fit com. praec. et S. Remigii Ep. C. ut in Brev.

IN I. NOCTURNO.

Lect. de Scrip. occ.

IN II. NOCTURNO.

Lectio IV.

Emídus e nóbili Francórum prosápia Tréviris natus, anno aetátis vigésimo tértio, paréntibus idolátris frustra obstantibus, fidem Christi suscepit, et constanτίssime professus est. Cum tribus discipulis Euplo, Germáno, et Valentíno vitam duxit: humanis spretis oblectaméntis, rebus divínis plénius incumbébat: erga próximum charitátis ardóre aestuábat, idcirco ad procurándam multórum

salútem Romam se cóntulit. Hospítio excéptus in Insula Tíberis, hóspitis filiam per quinquénnum jam immedi-cábili morbo languéntem Baptísimo sanávit.

¶. Honéstum fecit illum.

Lectio V.

Mox óculi caeci coram pópulo signo Crucis apértis, a multitudíne eum filium Apóllinis credénte in templum Aesculápii rápitur. Ibi Christi servum se professus, ejus invócatione magnum númerum aegrórum, nequídquam Idóli opem implorántium, valetúdini restítuit, aras díruit, Aesculápii signum confráctum in Tíberim projécit. Quibus rebus, et mille ter-centórum Gentílium praeter Aesculápii sacerdótes, conversíone inde sequúta, irritáti Posthúmii Titiáni Praefécti urbis minas, Angeli mónitu declínans, sanctum Marcélum Pontíficem ádiit, a quo Epíscopus ordinátus, et Asculum missus est.

¶. Desidérium ánimae.

Lectio VI.

Multis in itinere miraculis, ingénti multitudíne Christo adjúncta, simul ac Ascu-

lum Emídius pervénit, daemones e simulácris Idolórum per cuncta fana ejulátibus éditis, peregrínium dolóris sui cáusam indicáru[n]t. Quem cum concitáta plebs ad caedem quaereret, éxcitus tumultu Polymius civitátis praeses eum ad se vocátum multis sed írritis verbis ad Jovis, et Angáriae deae Asculi patrónae veneratió[n]em hortátur, promíssis étiam in praemium núptiis próp[ri]ae filiae Polisiae, quam Emídius ad Christum convérsam baptizávit, et post eam mille et sexaginta hómines, edúcta e saxo per ingens miráculum aquárum cópia. His in ràbiem actus Polymius sancto Episcopo caput abscídit: quo facto, truncus ejus mirabiliter erectus abjéctum humo próp[ri]um caput attóllens máinibus, per spátium trecentórum passuum ad Oratórium portávit; inde ad templum máximum translátus est, ubi magna religió[n]e Asculáni pópuli, et concúrsu exterórum hanc usque in diem cólitur. Incidit ejus beáta mors, persecutió[n]e Diocletiáni duránte.

¶ Stola jucunditátis.

IN III. NOCTURNO.

Lectio sancti Evangelii
secúndum Iucam.

Lectio VII.

Cap. 15.

In illo témpore, dixit Jesus discipulis suis: Cum audiéritis praeliá, et seditiões, nólite terréri: opórtet primum haec fieri, sed nóndum statim finis. Tunc dicébat illis: surgét gens contra gentem, et regnum advérsus regnum, et terraemótus magni erunt per loca. Et réliqua.

Homilia sancti Gregórii
Papae.

Homilia 1. in Evang.

Dóminus et Redémptor noster parátos nos inveníre desíderans, senescéntem mundum quae mala sequántur, denúntiat, ut nos ab ejus amore compéscat. Appropinquántem ejus términum, quantae persecutiões praeveníant, innotéscit: ut si Deum metúere in tranquillitáte nólumus, saltem vicinum ejus júdicium vel persecutió[n]ibus attríti timeámus.

¶ Coróna áurea.

Lectio VIII.

Huic étenim lectióri sancti Evangelíi; quam modo ve-

stra fraternitas audivit, paulo superius Dominus praemisit dicens: Exurget gens contra gentem, et regnum adversus regnum: Et erunt terraemotus magni per loca, pestilentiae, et fames. Et quibusdam interpositis, hoc quod modo audistis, adjunxit: Erunt signa in sole, et luna, et stellis, et in terris pressura gentium prae confusione sonitus maris, et fluctuum. Ex quibus profecto omnibus alia jam facta cernimus, alia in proximo ventura formidamus.

R. Hic est vere martyr.

Lectio IX. de S. Remigio.
Si vero contigerit transferri,
erit sequens.

Lectio IX.

Nam gentem contra gentem surgere, earumque pressuram terris insistere plus jam in nostris temporibus cernimus, quam in codicibus legimus. Quod terraemotus urbes innumeras obruant, ex aliis mundi partibus scitis, quam frequenter audivimus: pestilentias sine cessatione patimur. Signa vero in sole, et luna, et stellis adhuc aperte minime vidimus, sed quia et haec non longe sint, ex ipsa jam aeris immutatione colligimus.

Te Deum laudamus.

Et fit com. S. Remigii ut in Brev.

DIE VIII. OCTOBIS.

In Festo S. REPARATAE V.
M. Contitul. Eccl. Metrop. ibi
Duplex 1. cl. cum oct.

Omn. de Com. vv. et mm.
1. loc.

ORATIO.

Deus, qui inter coetera potentiae tuae miracula etiam in sexu fragili victoriam martyrii contulisti: concede propitius, ut qui beatae Reparatae virginis et martyris tuae natalitia colimus, per ejus ad te exempla gradiamur. Per Dominum.

Extr. dup. omn. ut supr.
sed in I. noct. II. de Script.
occurr.

DIE XI. OCTOBIS.

ASS. EX VIII. HUI.

In Festo S. BIRGITTAE Vid.
Duplex.

Omn. ut in Brev. 8. huj.

DIE XII. OCTOBIS.

In Metropol. quarta in-

*fra oct. S. REPARATAE Virg.
et Mart. scmid.*

IN I. NOCTURNO.

Lect. de Script. occur.

IN II. NOCTURNO.

Sermo sancti Augustíni
Epíscopi.

Lectio IV.

Cum univérſa Eccleſia virgo ſit deſponsáta uni viro Christo, ſicut dicit Apóſtolus, quanto digna ſunt honóre membra ejus, quae hoc cuſtodiunt étiam in ipſa carne, quod tota cuſtódit in fide quae imitámur matrem viri et Dómini ſui. Nam Eccleſia quoque et virgo, et mater eſt: cujus enim integritáti conſúlimus, ſi virgo non eſt? Aut cujus prolem allóquimur ſi mater non eſt? María corporáliter caput hujus córporis péperit: Eccleſia ſpirituáliter membra illíus cápitis parit, in utráque virgíntas foecunditátem non impedit, in utráque foecúnditas virgíntátem non ádimit.

n. Propter.

Lectio V.

Virgínalis áutem intégritas,

et per piam continéntiam ab ómni concúbitu immúnitas, Angélica pórtio eſt, et in carne corruptíbili incorruptiónis perpétuae meditátio. Cedat huic omnis foecúnditas carnis, omnis pudicítia conjugális. Illa non eſt in poteſtáte, iſta non eſt in aeternitáte. Foecunditátem carnálem non habet líberum arbitrium, pudicítiam conjugálem non habet coelum. Proſécto habébunt magnum áliquid praeter coeteros in illa commúni immortalitáte, qui habent áliquid jam non carnis in carne.

n. Dilexiſti.

Lectio VI.

Sequímini Agnum quocúmque ierit: ſcripſit ille de vobis. Quo ire putámus hunc Agnum, quo nemo eum ſequi vel áudeat, vel váleat, niſi vos vírgines. Quo putámus eum ire? in quos ſaltus, et prata? ubi credo ſunt grándia gáudia: nec gáudia, quália in ipſo regno Dei caeteris non virgínibus erunt, ſed a caeterórum ómnium gaudiórum ſorte diſtícta. Gáudium Virgínium Christi eſt, de Christo, in Christo, cum Christo, poſt Christum, per Christum, propter Christum. Gáudia própria Virgí-

num Christi, non sunt eadem non virginum, quamvis Christi: nam sunt aliis alia, sed nullis talia. Ita in haec, sequimini Agnum, quia et Agni caro utique virgo. Sequimini virginitate cordis, et carnis quocumque ferit. Quid est eum sequi, nisi imitari?

R. Afferentur.

IN III. NOCTURNO.

Lectio sancti Evangelii
secundum Matthaeum.

Lectio VII.

Cap. 25.

In illo tempore: dixit Jesus discipulis suis parabolam hanc: Simile erit regnum coelorum decem virginibus, quae accipientes lampades suas exierunt obviam Sponso, et Sponsae. Et reliqua.

Homilia sancti Joannis
Chrysostomi.

Post ingentes labores, post incredibiles sudores: et acerrimas pugnas, post trophaea, quae de naturae rabie statuerunt, resurgunt cum dedecore, et lampadibus earum extinctis, terram aspicientes, recedunt. Nihil sane tenebrosius est, quam virginitas oleo carens: unde sic vulgo multi

immisericordes tenebrosos solent appellare. Quid igitur ex virginitate lucratae sunt quae nec sponsum quidem viderunt, nec saltem ad pulsandum usque pervenerunt, sed terribile istud verbum audire: Abite: nescio vos.

R. Haec est.

Lectio VIII.

Quod cum ipse dixerit, nihil aliud, quam gehenna, et intolerabilis cruciatus relinquitur: imo vero etiam gehenna, istud verbum gravius est. Hoc verbum operantibus etiam iniquitatem dixit: vigilate, quia nescitis diem, neque horam: crebro id repetit, ut ignorantiam exitus ab hac vita utilem esse ostendat. Ubi sunt ergo qui per totam vitam desidiosa torpescunt, et quando a nobis admonentur respondere non dubitant, omnia se pauperibus moriendi tempore relicturos?

R. Media nocte.

Lectio IX.

Audiant haec verba, et emendent se. Multi enim abeundi tempus expectantes, ita repente capti sunt, ut nec injungere suis quidquam potuerint. Sed haec quidem pa-

rábola ejus eleemósynae grátia, quae cum pecúnia conficitur, dicta est. Cur áutem haec Parábola sponsum addúcit? Ut vídeas quantum virgínibus Christus afficitur iis, quae sua paupéribus érogant: haec enim et vera virgínitas est. Nam et Páulus huic rei hanc descriptionem attribuit, dicens: Innúpta sollicita est de iis, quae Dómini sunt, ut sit sancta córpore, et spíritu. Te Deum.

DIE XIV. OCTOBIS

In Festo S. CALLISTI Papae et Mart. Duplex.

Omnia de Commun. unius Mart. praeter ea, quae sequuntur.

ORATIO

Deus, qui nos cónspicis ex nostra infirmitate deficere: ad amórem tuum nos misericórditer per Sanctórum tuórum exémpia restáura. Per Dóminum.

IN I. NOCTURNO.

Lect. de Script. occur.

IN II. NOCTURNO.

Lectio IV.

Callístus RománuS praefuit Ecclésiæ Antoníno Hellogá-

balo Imperatóre. Constituit quátuor anni témpora, quibus jejúnium ex Apostólica traditióne accéptum, ab ómnibus servarétur, aedificávit Basilicam Sanctae Mariæ trans Tíberim, et in Via Appia vetus coemetérium ampliávit, in quo multi sancti Sacerdótes et Mártires sepúlti sunt, unde ab eo Callísti coemetérium appellátur. *ñ. Honéstum fecit.*

Lectio V.

Ejúsdem pietátis fuit, quod beáti Calepódii Praesbyteri et mártiris corpus jactátum in Tíberim conquíri diligénter curávit, et invéntum honorífice sepelívit. Palmátium Consulári, Simplicium Senatória dignitáte illústres, Felícem, et Blandam, qui deinde omnes mártýrium subiére, cum baptísimo lustrásset, missus est in cárcerem, ubi Privátum mílitem ulcéribus plenum admirabiliter sanitáti restitútum Christo adjúnxit: pro quo idem, recens adhuc a fide suscepta plumbátis usque ad mortem caesus occúbuit.

ñ. Desidérium.

Lectio VI.

Sedit Callístus annos quin-

que, mensem unum, dies duodecim. Ordinationibus quinque mense Decembri creavit Presbyteros sexdecim, Diaconos quatuor, Episcopos octo. Post longam famem crebrasque verberationes praeceptus jactus in puteum, atque ita Martyrio coronatus sub Alexandro Imperatore, illatus est in coemeterium Calepódii via Aurelia, tertio ab Urbe lapide, pridie Idus Octobris. Ejus postmodum corpus in Basilicam Sanctae Mariae trans Tiberim ab ipso aedificatam delatum sub ara majóri máxima veneratíone colitur.

℟. Stola.

Lect. III. Noct. ut in Brev. hinc ipsa die.

DIE XV. OCTOBIS

In Metr. Oct. S. REPARATAE Virg. et Mart. Duplex.

IN I. NOCTURNO.

Lect. de Scrip. occ.

IN II. NOCTURNO.

De Epístola santi Hierónymi Praesbyteri ad Eustóchium.

Lectio IV.

De cust. Virg. tom. 1.

De virginibus, inquit Apostolus, praeceptum. Dómini non habeo. Cur? quia et ipse ut esset virgo, non fuit impérii, sed própriae voluntátis. Neque enim audiéndi sunt, qui eum uxórem habuisse conſingunt; cum de continéntia disserens, et suádens perpétuam castitátem intúlerit: Volo áutem omnes esse sicut meípsum. Et infra: Dico áutem innúptis, et víduis: Bonum est illis, si sic permáneant, sicut et ego. Quare ergo non habet Dómini de virginitáte praeceptum? Quia majóris est mercédis, quod non cógitur, et offértur: quia si fuisset virginitas imperáta, núptiae videbántur ablatae, et duríssimum erat contra natúram cógere, Angelorúmque vitam ab ómnibus extorquére.

℟. Propter.

Lectio V.

Alia fuit in véteri Lege felicitas. Ibi dicitur: Beátus, qui habet semen in Sion, et domésticos in Jerúsalem. Et: Maledicta stérilis, quae non pariebat. Et: Filii tui sicut novellae olivárum in circúitu

mensae tuae. Vácuus erat orbis, et, ut de typicis táceam, sola erat benedictio liberórum: Proptérea et Abraham jam senex Cethúrae copuláture: et Jacob mandrágoris redímitur, et conclúsam vulvam in Ecclesiæ figuram Rachel conquéritur. Paulátim vero increscénte ségete, messor immíssus est. Virgo Elías, Elisaeus virgo, Virgines multi filii Prophetárum. Jeremiæ dicitur: Et tu ne accípias uxórem. Sanctificátus, in útero, captivité propínqua, uxórem prohibétur accíperé. Aliis verbis idípsum Apóstolus loquitur: Existimo hoc bonum esse propter instantem necessitátem. Quae est ista necéssitas, quae áuffert gáudia nuptiárum? Tempus breviátum est, in próximo est Nabuchodónosor.

ñ. Dilexísti,

Lectio VI.

Inveniebátur ergo, ut diximus, in viris tantum hoc continéntiae bonum, et in dolóribus júgiter Eva parturiébat. Postquam vero Virgo concépit in útero, et péperit nobis púerum, cujus Principátus in húmeros ejus, Deum fortem, patrem futúri saeculi solúta maledictio est. Mors per Evam, vita per Mariám.

Ideóque, et dítius virginitátis donum fluxit in foeminas, quia coepit a foemina. Státim ut Filius Dei ingrédessus est super terram, novam síbi familiam instítuit, ut qui ab Angelis adorabátur in coelo, habéret Angelos et in terris. Tunc Holoférnis caput Judith cóntinens amputávit: tunc Aman, qui interpretátur iníquitas, suo combústus est igni: tunc primum auditum est: Quae non est nupta, cógitat quae sunt Dómini, ut sit sancta córpore, et spíritu.

ñ. Afferéntur.

IN III. NOCTURNO.

Léctio Sancti Evangélíi
secundum Matthaeum.

Lectio VII.

Cap. 25.

In illo témpore: dixit Jeſus discíplis suis parábolam hanc: Símile erit regnum coelórum decem virgínibus, quae accipiéntes lámpades suas exiérunt óbviám Sponſo, et Sponsae. Et réliqua.

De Homília sancti Augustíni
Epíscopi.

Inténdat itaque cháritas vestra. Sapiéntium lámpades

ardébant de óleo aetérno, de consciéntiae securitáte, de interióre glória, de íntima charitáte. Ardébant tamen, et illárum fatuárum. Quare tunc ardébant? quia non déerant láudes hóminum. Póstea vero quum surrexérunt, idest in resurrectione a mórtuis, coepérunt aptáre lámpades suas, idest paráre Deo óperum suórum réddere ratióem. Et quia tunc nemo est qui láudet, omnis homo cáusae suae vacat. Non erant enim, qui óleum vénderent, coepérunt aptáre lámpades.

ñ. Haec est.

Lectio VIII.

Cláusum est óstium. Et quid illis dictum est? Non novi vos. Non illas novit qui ómnia novit. Quid ergo est non novi vos? Improbo vos, réprobo vos: in arte mea non vos agnóscó: ars mea nescit vítia. Hoc est áutem magnum: et nescit vítia, et júdicat vítia: nescit faciéndó, júdicat arguéndó. Sic ergo non novi vos. Iérunt, intravérunt quinque prudéntes. Sint in vobis quinque prudéntes ad istam prudéntiam quínárii númeri pertinéntes. Véniet enim hora, et quando nescímus, véniet. Sic cláu-

sit Evangélium: Vigiláte, quia nescítis diem, neque horam.

ñ. Média nocte.

Lectio IX.

Corde vígila, fide vígila, spe vígila, charitáte vígila, opéribus vígila, et quando corpore dormieris, véniet tempus ut surgas. Cum áutem surrexeris, praepara lámpades. Tunc non extingúantur: tunc in interióre consciéntiae óleo vegeténtur: tunc sponsus ille incorpóreis néxibus amplectátur: tunc te introducat in domum, ubi numquam dórmias, ubi numquam possit tua lampas extingui. Hódie vero laborámus, et lámpades nostrae inter ventos saeculi hujus, tentationésque fluctuant: sed árdeat in róbre flamma nostra, ut ventus tentatiónis áugeat ignem pólius, quam extinguat.

Te Deum.

DIE XVI. OCTOBIS.

ASS. EX PRAECED.

Pro Metrop. tant.

*In Festo S. THERESIAE V.
Duplex.*

Omn. ut in Brev. 15. huj.

DIE XX. OCTOBRIS.

*In Festo S. JOANNIS CANTII
Confessoris. Duplex.*

*Omnia de Comm. Confess.
non Pontif. praeter sequentia.*

AD I. VESPERAS.

Hymnus.

Gentis Polónae glória,
Clerique splendor nóbilis,
Decus Lycæi, et pátriae
Pater Joánnes ínclyte.

Legem supérni Núminis
Doces magíster, et facis:
Nil scire prodest: sédulo
Legem nitámur éxequi.

Apostolórum límina
Pedes viátor vísitas;
Ad pátriam, quam téndimus,
Gressus, viámque dírige.

Urbem petis Jerúsalem;
Signáta sacro sáanguine
Christi colís vestigia,
Rigásque fúsís flétibus.

Acérba Christi vúlnera
Haeréte nostris córdibus,
Ut cogitémus cónsequi
Redemptiónis prétium.

Te prona mundi máchina
Clemens adóret Trínitas,
Et nos novi per grátiam
Novum canámus cánticum.

Amen.

ORATIO.

Da, quaesumus omnípotens

Deus, ut sancti Joánnis Con-
fessóris exémplo in sciéntia
Sanctórum proficiétes, atque
áliis miserícórdiam exhibén-
tes, ejus méritis indulgéntiam
apud te consequámur. Per
Dóminum.

AD MATUTINUM

Hymnus.

Corpus domas jejúniis,
Caedis cruénto vérbere,
Ut castra poeniténtium
Miles sequáris innocens.

Sequámur, et nos sédulo
Gressus paréntis óptimi,
Sequámur, ut licéntiam
Carnis refraenet spíritus.

Rigénte bruma próvidum
Praebes amíctum páuperi,
Sitim, famemque egéntium
Esca, potúque súblevas.

O qui negásti némini
Opem rogánti, pátrium
Regnum tuére, póstulant
Cives Polóni, et éteri.

Sit laus Patri, sit Fílio,
Tibique Sancte Spíritus:
Preces Joánnis ímpetrent.
Beáta nobis gáudia.

Amen.

IN I. NOCTURNO.

*Lectiones de Scriptura oc-
currente.*

IN II. NOCTURNO.

Lectio IV.

Joáñnes in Oppido Kenty Cracoviensis Dioecesis, a quo Cántii cognómen duxit, Stanisláo, et Anna piis, et honorabilis paréntibus natus, morum suavitate, innocentia, gravitate ab ipsa infántia spem fecit máximae virtútis. In Universitate Cracoviensi Philosophiae, ac Theologiae primura Auditor, tum per omnes Academiae gradus ascendendo professor, ac doctor sacra, quam annis multis tradidit, doctrína mentes audientium non illustrabat modo, sed et ad omnem pietatem inflammabat, simul docens scilicet, et faciens. Sacerdos factus nihil de litterarum studio remittens stúdiu auxil christiánae perfectionis. Utque passim offendi Deum máxime dolébat, sic eum sibi, et populo placare, oblato quotidie, non sine multis lacrymis, incruénto Sacrificio satagébat. Ilkusiensem Paróchiam annis aliquot egrégie administravit, sed animarum periculo commóvus póstea dimisit, ac postulante Academia ad pristinum docendi officium rédiit.

n). Honéstum.

Lectio V.

Quidquid témporis ab stú-

dio supéerat, partim salúti proximórum, sacris praesertim conciónibus, curándae, partim oratióni dabat, in qua coeléstibus quandóque visionibus, et collóquiis dignátus fertur. Christi vero passióne sic afficiebátur, ut in ea contemplánda totas intérdum noctes dúceret insómnnes, ejúsque cáusa mélius recoléndae Hierosólymam peregrinátus sit: ubi et martyrii desidério flagrans, Turcis ipsis Christum Crucifixum praedicare non dubitávit. Quater étiam ad Apostolorum límina pedes, atque viária onústus sarcína Romani venit, tum ut Sedem Apostólicam, cui máxime addictus fuit, honoráret: tum ut (sic enim ajébat) Purgatórii poenas expósita illic quotidie peccatórum vénia redimeret. Quo in itinere a latrónibus olim spoliátus, et numquid haberet praeterea interrogátus, quum negásset, áureos deínde aliquot suo insútos pállio recordátus, fugiéntibus hos étiam clamans obtulit latrónibus, qui viri sancti candórem simul, et largitatem admiráti, étiam ablátos ultro reddidére. Aliénae famae ne quis detráheret, descriptis beáti Augustíni exémplo, in pariete versículis, se atque álios perpétuo vóluit admónitos. Famélicos de suo étiam obsónio satiábat. Nudos

autem non emptis modo, sed detractis quoque sibi vestibus, et calceis operiebat, demisso ipse interim usque ad terram pallio, ne domum nudipes redire videretur.

¶. Amavit.

Lectio VI.

Brevis illi somnus, atque humilis vestis, quae nuditatem, cibus, qui mortem dumtaxat arceret; virginalem pudicitiam, velut lilium inter spinas, aspero cilicio, flagellis, atque jejuniis custodivit. Quin et per annos ante obitum triginta circiter et quinque ab esu carniū perpetuo abstīnit. Tandem dierum juxta, ac meritū plenus, quum vicinae, quam praesensit, morti se diu diligentēque praeparasset, ne qua re amplius teneretur, si quid domi supererat, id omnino pauperibus distribuit. Tum Ecclesiae Sacramētis rite munitus dissolvi jam cupiens, et esse cum Christo, pridie Nativitatis ejus in coelum evolavit, miraculis ante, et post mortem clarus. Mortuus ad proximam Academiae Ecclesiam sanctae Annae delatus est, ibique honorifice sepultus. Auctaque in dies populi veneratione ac frequentia, inter primarios Poloniae, ac Lythua-

niae Patronos religiosissime colitur. Novisque coruscans miraculis a Clemente Decimotertio Pontifice Maximo decimosextimo Kalendas Augusti anno millésimo septingentesimo sexagesimo septimo, solēni ritu Sanctorum fastis adscriptus est.

¶. Iste homo.

IN III. NOCTURNO.

Lect. ut in Commun. 1. loc.

AD LAUDES

Hymnus, ut in 1. Vesp. Sed in Metrop. dicit. sequens hymn. pro ij. Vesp. Te deprecante.

AD II. VESPERAS.

Hymnus.

Te deprecante, corporum
Lues recedit, improbi
Morbi fugantur, pristina
Redeunt salutis munera
Phtisi, febrique, et ulcere
Diram redactos ad necem,
Sacratas morti victimas
Ejus rapis e faucibus.

Te deprecante, tumido
Merces abactae flumine,
Tractae Dei potentia
Sursum fluunt retrógradae.

Quum tanta possis, sedibus
Coeli locatus, poscimus,
Responde votis supplicum,
Et invocatus subveni.

O Una semper Trínitas!
 O Trina semper Unitas!
 Da supplicánte Cántio
 Ætérna nobis praemia.
 Amen.

DIE XXI. OCTOBRIIS.

Pro Metrop. tant.

In Festo SS. URSULAE etc.
 VV. MM. Duplex.

Omn. de Com. VV. et MM.

In utrisque Vesp.

†. Adducéntur Regl.

AD MAGNIFICAT

Ant. Prudentes Vírgines.
 or. Da nobis etc. ut in Brev.

IN I. NOCTURNO.

Lect. de Script. occ.

IN II. NOCTURNO.

Nunc nobis de Com. 2. loc.

IN III. NOCTURNO.

Símile erit de eod. Com.
 1. loc.

IX. l. ex duab. et com. S.
 Hilaríonis Abb.

†. et Ant. ad Bened. ut supra in Vesp.

Et fit com. S. Hilarionis
 Abb. ut in Brev.

DIE XXIV. OCTOBRIIS.

In Festo S. RAPHAELIS ARCHANGELI. Duplex.

AD VESPERAS

Ant. Missus est Angelus Ráphael cum reliq. de Laud. Ps. Dixit Dóminus, cum reliq. de Dominica; et loco ultimi Ps. Laudáte Dóminum omnes Gentes.

Capitulum.

Tob. cap. 12.
 Quando orábas cum lácrymis, et sepeliébas mórtuos, et derelinquébas prándium tuum, et mórtuos abscondébas per diem in domo tua, et nocte sepeliébas eos, ego óbtuli oratió nem tuam Dómino.

Hymnus.

Tibi Christe splendor Patris,
 Vita, virtus córdium:
 In conspéctu Angelórum
 Volis, voce psállimus:
 Alternátes concrepándo
 Melos damus vóci bus.

Collaudámus venerátes
 Omnes coeli príncipes,
 Sed praecipue fidélem
 Médicum et cómitem
 Raphaélem, in virtúte
 Alligántem daemonem.

Quo custóde procul pelle,

Rex Christe piissime,
Omne nefas inimici,
Mundo corde, et corpore:
Paradiso redde tuo
Nos sola clementia.

Glóriam Patri melódis.
Personémus vóciбус:
Glóriam Christo canámus,
Glóriam Paráclito:
Qui trinus, et unus Deus
Extat ante saecula

Amen.

†. Stetit Angelus juxta aram
templi.

¶. Habens thuríbulum áu-
reum in manu sua.

AD MAGNIFICAT.

Ant. Ego sum Ráphael An-
gelus, qui asto ante Dóminum:
vos áutem benedicite Deum,
et narráte ómnia mirabilia
ejus.

ORATIO.

Deus, qui beátum Raphaé-
lem Archángelum Tobíae fá-
mulo tuo cómitem dedisti in
via: concéde nobis fámulis
tuis: ut ejúsdem semper pro-
tegámur custódia, et muniá-
mur auxílio. Per Dóminum.

AD MATUTINUM

Invitator. Regem Archán-
gelórum Dóminum, * Veníte,
adorémus.

Psalm. Veníte. *Hymnus.* Ti-
bi Christe ut supra in *Ve-
speris.*

IN I. NOCTURNO.

Ant. Ingréssus Tobías in-
venit júvenem praecíntum,
et quasi parátum ad ambu-
lándum, et ignórans quod
Angelus esset, salutávit eum.

Psalm. Dómine Dóminus
noster, cum reliquis ut in
Dedic. S. Michaelis die 29.
Septembris.

Ant. Angelus Ráphael seíp-
sum occúltans, ait: Ego sum
Azarías magni Ananiae fi-
lius.

Ant. Sanum ducam filium
tuum in regiónem Medórum.
et sanum tibi redúcam, al-
lelúja.

†. Data sunt Angelo incén-
sa multa.

¶. Ut adoléret ea ante al-
táre áureum, quod est ante
óculos Dómini.

De libro Tobíae.

Lectio I.

Vocávit ad se Tobías fi-
lium suum, dixítque ei: Quid
póssumus dare viro isti san-
cto, qui venit tecum? Et

Cap. 22.

respóndens Tobías, dixit patri suo; Pater, quam mercédem dábitus ei? aut quid dignum póterit esse beneficiis ejus? Me duxit, et redúxit sanum, pecúniám a Gabélo ipse recépit, uxórem ipse me habére fecit, et daemónium ab ea ipse compéscuit, gáudium paréntibus ejus fecit, me ípsam a devoratióne piscis erípuit, te quoque vidére fecit lumen coeli, et bonis ómnibus per eum repléti sumus. Quid illi ad haec póterimus dignum dare? Sed peto te, pater mi, ut roges eum, si forte dignábitur mediétatem de ómnibus, quae alláta sunt, sibi assumere.

¶. In illo témpore exaudita sunt preces ambórum in conspéctu glóriæ summi Dei: * Et missus est Angelus Dómini sanctus Ráphael, ut curáret eos ambos, quorum uno témpore sunt oratiónes in conspéctu Dómini recitatae.

¶. Tobías et Sara in tribulatióne pósiti cum lácrymis oráre coepérunt. Et missus.

Lectio II.

Et vocántes eum, pater scilicet et filius, tulérunt eum in partem, et rogáre coepérunt, ut dignarétur dimídiám partem ómnium quae attúlerant, accéptam habére.

Tunc dixit eis occúlte: Benedícite Deum coeli, et coram ómnibus vivéntibus confitémini ei, quia fecit vobíscum misericórdiam suam. Etenim sacraméntum regis abscondere, bonum est; ópera áutem Dei reveláre et confitéri, honoríficum est. Bona est orátio cum jejúnio, et eleemósyna magis quam thesáuros áuri recóndere: quóniam eleemósyna a morte liberat, et ipsa est quae purgat peccáta, et facit inveníre misericórdiam, et vitam aetérnam. Qui áutem faciunt peccátum et iniquitatem, hostes sunt ánimæ suae. Manifesto ergo vobis veritatem, et non abscondam a vobis occúltum sermónem. Quando orábas cum lácrymis, et sepeliébas mórtuos, et derelinquébas prándium tuum et mórtuos abscondébas per diem in domo tua, et nocte sepeliébas eos: ego obtuli oratiónem tuam Dómino. Et quia accéptus eras Deo, necesse fuit, ut tentátio probáret te.

¶. Egréssus Tobías invénit júvenem spléndidum stantem praecíntum, et quasi parátum ad ambulándum et salutávit eum, et dixit: * Unde te habémus, bone júvenis?

¶. Et ignórans quod Dómini Angelus esset, salutávit eum et dixit. Unde te.

Lectio III.

Et nunc misit me Dóminus ut curárem te, et Saram uxórem filii tui a daemónio liberárem. Ego enim sum Ráphael Angelus, unus ex septem, qui astámus ante Dóminum. Cumque haec audissent, turbáti sunt, et treméntes ceciderunt super terram in fáciem suam. Dixítque eis Angelus: Pax vobis, nollíte timére. Etenim cum essem vobíscum, per voluntátem Dei eram: ipsum benedicíte, et cantáte illi. Vidébar quidem vobíscum manducáre, et bíbere; sed ego cibo invisíbili et potu, qui ab homínibus vidéri non potest, utor. Tempus est ergo ut revértar ad eum, qui me misit: vos áutem benedicíte Deum, et narráte ómnia mirabília ejus. Et cum haec dixisset, ab áspectu eórum ablátus est, et ultra eum vidére non potuerunt. Tunc prostráti per horas tres in fáciem suam benedixerunt Deum, et exurgéntes narravérunt ómnia mirabília ejus.

ñ. Ingréssus Angelus ad Tobíam, salutávit eum, et dixit: Gáudium sit tibi semper: * Forti ánimo esto, in próximo enim est, ut a Deo curéris.

ÿ. Et respóndens Tobías, ait: Quale gáudium mihi erit, qui in ténebris sédeo, et lumen coeli non video? Forti.

Glória Patri. Forti.

IN II. NOCTUBNO.

Ant. Dixit áutem Angelus: Apprehénde bránciam piscis, et trabe eum extra aquas.

Ant. Obsecro te, Azaría frater, ut dicas mihi: quod remédium habébunt ista, quae de pisce serváre jussísti.

Ant. Lúmina fel sanat, sed virtus cordis et jécoris diaboli expéllit potestátem.

ÿ. Ascéndit fumus arómatum in conspéctu Dómini.

ñ. De manu Angeli.

Sermo sancti Augustíni
Epíscopi.

Serm. 1. in Dom. 15. de B. Tobia, qui est 226. de Temp.

Lectio IV.

Beátus Tobías, qui panem suum nóverat frángere esu-

riénti, mercédem célerem mercenário praeprarat laboránti. Patiénter lectione percépta, quae nuper est recitata, admirábamur patris, filiique tractátum, quemádmódum Angelus monet, quem aestimábant terrénum sub coelésti glória mercenárium. Ad hoc enim caecitátis incúrrit exítium, ut Angelum susciperet medicum, qui divinis fácibus incensus sic anhelávit. Honésta est orátio cum jejúnio, et eleemósyna. Orátio iusti clavis est caeli. Ascéndit precátio, et descéndit Dei miserátio. Licet alta sit terra, altum coelum, áudit tamen Deus hóminis linguam, si mundam habet conscéntiam. Cum sénsibus loquitur, si sit solus noster gémitus. Súfficit áuribus imber oculórum: fletus citius áudit, quam voces. Orátio invidi solet de áuribus propulsári. Erat patris et filii ánima una; dum esset proprietas membrórum, erat illis singuláris germánitas animórum. Fili, inquit, dimittámus istum hóminem, adjiciéntes ad mercédem plácitam, quia nobis multa ópere suo cónsulit bona; et rogáre coepit mercenárium, ut mercédis suae summat effectum. Frater, inquit, áccipe quod tuum est, et tunc vade salvus. Récipe mercédem tuam. quia mihi, et filio

meo bonam praebuísti misericórdiam. Tolle, ut dixi substantíam, quam cum filio meo reportásti: nam grátia, quam tibi debémus, non potest ponderári.

ñ. Interrogávit Tobías Angelum: De qua domo, aut de qua tribu es tu? Qui respóndens, ait; * Ego sum Azarias Ananíae magni filius.

ÿ. Genus quaeris mercenárii, an ipsum mercenárium qui cum filio tuo eat? Sed ne forte solícitus sis. Ego.

Lectio V.

Contínuo Angelus gáudet de cogitata mercéde, qui missus fúerat grátis fácere pietátem. Tobis, inquit, vel Tobías, quid de mea mercéde satis supérflue cogitátis? Hábe-te, quod vobis donávit Pater ille coeléstis. Ego minister sum curationis, ille est áuctor sanitátis. Nescitis, cuius mercenárii ope pérfrui meruístis. Defúntos captivitátis sepelíre non timuístis. Tobis, ascendérunt ad Dóminum ópera tua, quia relicto prándio reddidísti mórtuum sepultúrae. Ego Dómino medulláta íntuli sacrificia pro venerábili sepultúra. Ego directus sum operárius fori coeléstis. Mórtuum sepelístis, et mortis acúleum: non ti-

muístis. Ipse sepúltus pro vobis voce tácita proclamávit. Probationis fúerat caecitas oculórum, unde patiéntia tua clárius meruisset de coeléstibus ornáméntum. Ego sum Ráphael, unus ex septem Angelis, qui astámus ante claritátem Dei. Non indígeo fructu humánae mercédís; dívitem me facit conversátio majestátis. Dives est ille, qui me misit, gratis jussit impénderi, quod gratis ipse concessit. Nec ipsum honórem gratiárum mihi deputétis, quia nihil meis víribus percepístis. Deum benedicite, et illi confitémini, et ipsum glorificáte, quia vobíscum fecit bona.

¶. Exívit Tobías, ut laváret pedes suos, et ecce piscis immánis exívit ad devorándum eum: qui expavéscens, clamávit voce magna, dicens: Dómine invádit me. Et dixit ei Angelus: Apprehénde bránciam ejus et trabe eum ad te. * Exéntera hunc piscem, et cor ejus, et fel, et jecur repóne tibi: sunt enim necessary ad medicaménta utiliter.

¶. Attráxit áutem Tobías piscem in siccum, et palpitáre coepit ante pedes ejus, et ait Angelus ei. Exéntera.

Lectio VI.

Súbito patefácto mystérii

coeléstis honóre, voce Raphaélis Archángeli attóniti Tobis, et Tobías, collápsi in terram proruérunt, vocem trémulam pénitus occultavérunt, quia vocem insólitam audiérunt. Quid metuístis pater Tobis, filiúsque Tobías? Mercenárium habére coeléstem, et tamquam operárium locáre terréstrem? Celávit vobis Angelus nomen: Azarías sum, inquit, Ananíae magni filius: et cum dixit: Ego sum Ráphael Angelus, celávit in primo nómine dignitátem, ne fáceret locatóri terrórem. Si enim diceret: Ego sum Angelus, non esset Tobíae mercenárius. Serváta est dignitas nóminis, ut postrémo magnitúdo clarésceret dignitátis. Vidéte, charíssimi, quantum sit eleemósynae méritum. Angelum mérui habére operárium. Vidétis quantum próficit mórtuos sepelíre, ut oblátio ejus per Angelum Raphaélem ad coeléstem ascénderet majestátem. Vidétis, quia eleemósyna a morte liberat, et ipsa purgat peccáta, facit purgatiónem oculórum, liberat a ténebris peccatórum. Tobis via sua dedúcitur: Sara tot viris contristáta per Angelum matrimónio copuláture.

¶. Ubi introíseris domum tuam, dixit Angelus Ráphael ad Tobíam, statim adóra Dó-

minum Deum tuum, et grátias agens ei, accéde ad patrem tuum, et osculáre eum: * Statímque lini super óculos ejus ex felle isto piscis, quem portas tecum; scias enim, quóniam mox aperiéntur óculi ejus, et vidébit pater tuus lumen coeli, et in aspéctu tuo gaudébit.

ŷ. Tolle tecum ex felle isto piscis; erit enim necessárium. Statímque.

Glória Patri. Statímque.

IN III. NOCTURNO.

Ant. Est hic Sara Raguélis filia, quae tibi conjúgio dábitur, et omnis substántia ejus.

Ant. Septem viros hábuit, quos daemónium opprèssit, tímeo ne mihi símile contíngat.

Ant. Per tres dies oratióne cum uxóre tua vacábis, ut in sémine Abrahæ benedictiónem in filiis consequáris.

ŷ. Apprehéndit Angelus Ráphael daemónium.

ñ. Et relegávit illud in desérto superiórís Ægypti.

Léctio sancti Evangélíi
secúndum Joánnem.

Lectio VII.

Cap. 5.

In illo témpore: Erat dies festus Judaeórum, et ascéndit Jesus Jerosólymam. Et réliqua.

Homília sancti Augustíni
Epíscopi.

Tract. 17. in c. 5. Joann.

Mirum non esse debet a Deo factum miráculum, mirum enim esset, si homo fecísset. Magis gaudére, quam mirári debémus, quia Dóminus noster, et Salvátor Jesus Christus homo factus est, quam quod divína inter hómines Deus fecit. Plus est enim ad salutem nostram, quod factus est propter hómines, quam quod fecit inter hómines: et plus est, quod vítia sanávit animárum, quam quod sanávit languóres córporum moriturórum.

ñ. Benedícite Deum coeli, dixit Angelus Ráphael, et coram ómnibus vivéntibus confitémini ei: * Quia fecit vobiscum misericórdiam suam.

ñ. Ipsum benedícite, et cantáte illi, et narráte ómnia mirabília ejus. Quia.

Lectio VIII.

Sed quia ipsa ánima nec eum nóverat, a quo sanánda erat: et óculos habébat in carne; unde facta corporália vidéret, nondum habébat sanos in corde, unde Deum laténtem agnósceret. Fecit quod vidéri póterat, ut sanarétur, unde vidéri non póterat. Ingréssus est locum, ubi jacébat magna multitúdo languéntium, caecórum, claudórum, aridórum.

¶ Tempus est ut revérta-
ad eum qui me misit, dixit Angelus Ráphael: * Vos áu-
tem brnedícite Dóminum, et narráte ómnia mirabília ejus.

†. Confitémini ei coram ómnibus vivéntibus, quia fecit vobíscum misericórdiam suam. Vos.

Glória Patri. Vos.

Lectio IX.

Et cum esset médicus et animárum et córporum, et qui venisset sanáre omnes ánimas crediturórum, de illis languéntibus unum elégit quem sanáret, ut unitátem significáret. Si mediócri corde, et quasi humáno captu et ingénio considerémus faciéntem, et quod ad potestátem pértinet, non magnum áliquíd per-

fecit, et quoad benignitátem, parum fecit. Tot jacébant, et unus curátus est, cum posset uno verbo omnes erígere.

Te Deum laudámus.

AD LAUDES

ET PER HORAS.

Antiphona.

Missus est Angelus Ráphael ad Tobíam, et Saram ut curáret eos.

Psalm. Dóminus regnávít, cum. rel. de Laud. Dominic.

Ant. Ingréssus Angelus ad Tobíam, salutávit eum, et dixit: Gáudium sit tibi semper.

Ant. Forti ánimo esto Tobías; in próximo enim est, ut a Deo curéris.

Ant. Benedícite Deum coeli, et coram ómnibus vivéntibus confitémini illi, quia fecit vobíscum misericórdiam suam.

Ant. Pax vobis, nolíte timére: Deum benedícite, et cantáte illi.

Capitulum.

Tob. cap. 12.

Quando orábas cum lácrymis, et sepelebas mórtuos, et derelinquébas prándium tuum, et mórtuos abscondébas

per diem in domo tua, et nocte sepeliébas eos, ego obtuli orationem tuam Dómino.

Hymnus

Christe sanctorum decus
Angelorum,
Rector humani generis, et auctor,
Nobis sacramentum tribue benígnus
Scándere coelum.
Angelum nobis medicum salutis
Mitte de coelis Ráphael, ut omnes
Sanet aegros, pariterque nostros
Dirigat actus.
Hinc Dei nostri Génitrix María,
Totus et nobis chorus Angelorum
Semper assistat, simul et beata
Cóncio tota.
Praestet hoc nobis Déitas beata
Patris, ac Nati, pariterque Sancti
Spíritus; cujus resonat in omni
Glória mundo.

Amen.

Ÿ. In conspectu Angelorum psallam tibi Deus meus.

℟. Adorabo ad templum sanctum tuum, et confitebor nómini tuo.

AD BENEDICTUS.

Ant. Ego sum Ráphael Angelus, qui asto ante Dóminum: vos autem benedicite Deum: et narráte ómnia mirabilia ejus, allelúja.

ORATIO

Deus, qui beátum Raphaélem Archángelum Tobíae famulo tuo cómitem dedisti in via: concéde nobis famulis tuis; ut ejusdem semper protegámur custódia, et muniámur auxílio. Per Dóminum.

AD TERTIAM

Ant. Ingressus Angelus.

Capitul. Quando orábas ut supra.

℟. *br.* Stetit Angelus, * iuxta aram templi. Stetit.

Ÿ. Habens thuribulum aureum in manu sua. Juxta aram templi. Glória Patri. Stetit Angelus.

Ÿ. Ascéndit fumus aromatatum in conspectu Dómini.

℟. De manu Angeli.

AD SEXTAM

Ant. Forti ánimo.

Capitulum

Et nunc misit me Dóminus *Tob. cap. 12.*

ut curárem te, et Saram uxórem filii tui a daemónio liberárem. Ego enim sum Ráphael Angelus, unus ex septem, qui astámus ante Dóminum.

ñ. br. Ascéndit fumus arómatum, * In conspéctu Dómini. Ascéndit.

ŷ. De manu Angeli. In conspéctu Dómini. Glória Patri. Ascéndit.

ŷ. In conspéctu Angelórum psallam tibi Deus meus.

ñ. Adorábo ad templum sanctum tuum. et confitébor nómini tuo.

AD NONAM

Ant. Pax vobis.

Capitulum.

T *Tob. cap. 12.*
Tempus est, ut revértar ad eum, qui me misit: vos áutem benedicite Deum, et narráte ómnia mirabilia ejus.

ñ. br. In conspéctu Angelórum, * Psallam tibi Deus meus. In conspéctu.

ŷ. Adorábo ad templum sanctum tuum, et confitébor nómini tuo. Psallam. Glória Patri. In conspéctu.

ŷ. Adoráte Deum.

ñ. Omnes Angeli ejus.

IN II. VESPERIS.

Ant. Missus est Angelus,

*cum reliquis de Laudib. Psalm. Dixit Dóminus cum reliquis de Dominica, et loco ult. Psalm. Confitébor tibi Dómine in toto corde meo: * quóniam audísti.*

Capitulum, Hymnus et ŷ. ut in primis Vesperis.

AD MAGNIFICAT

Ant. Princeps gloriosissime, Ráphael Archángle, esto memor nostri: hic et ubique semper precáre pro nobis Fílium Dei allelúja, allelúja.

Oratio. Deus, qui beátum Raphaélem.

DIE XXV. OCTOBIS.

In Festo S. MINIATIS Militis M. Flor. Duplex.

Off. de Com. 1. m.

ORATIO.

Praesta, quaesumus, omnipotens Deus; ut, intercedente beáto Miniáte Mártire tuo, et a cunctis adversitatibus liberémur in corpore, et a pravis cogitationibus mundémur in mente. Per Dóminum.

IN I. NOCTURNO.

Lect. de Script. occur.

IN II. NOCTURNO.

Thriumphális beáti mártýris Miniátis dies etc. ut in *Com. 1. loc.*

IN III. NOCTURNO.

Ev. Nihil est opértum etc. ut in *Brev. 14. hui. vel 26. Januarii. 9. l. ex duab. et com. SS. Chrysanthi et Dariae mm. ut in Brev.*

DIE XXVI. OCTOBIS.

TRANSLAT. S. ANDREAE *Ep. Fesul. C. Flor. sem.*

Off. de Com. CC. PP. or. Exaudi . . . et ubi dicitur Solemnitáte dicatur Translatióne.

Lect. 1. n. de Scr. occ. reliq. de eod. Com. 2. loc. 9. l. et com. S. Evaristi Pp. m. ut in Brev.

DIE XXVII. OCTOBIS.

ASS. EX XXIV.

In Festo SS. CRESCII et Socior Mart. Duplex.

Omnia de Commun. plur. MM. praeter ea quae sequuntur.

ORATIO.

Quaesumus, omnipotens

Deus, ut beatorum Mártýrum tuorum Crescii, Omniónis, et Emptii numquam nobis desit auxilium, quorum venerabilem tríbuis celebráre triúmphum. Per Dóminum.

In I. Nocturno Lektionen de Scriptura occurrente.

In II. et III. Nocturno de Comm. plurim. Mártýrum 2. loco.

DIE XXXI. OCTOBIS.

*In Festo B. THOMAE BEL-
LACCI. C. Flor. Duplex.*

ORATIO.

Deus, qui admirábili cleméntia de peccatóribus iustos, et de vasis irae facis vasa misericórdiae; concéde propítius, ut beáti Thomae Confessóris tui précibus e vitiórum servitúte solúti, perpétua filiórum tuorum libertáte gaudére mereámur. Per Dóminum.

IN I. NOCTURNO.

Lect. de Scr. occurr.

IN II. NOCTURNO.

Leetio IV.

Thomas Belláccius a Floréntia, cum adoléscentis saeculi illécebris aliquándo indulsisset, divínae grátiae lúmine illustrátus, in álium repénite hóminem immutári, et ad omnem perfectiónem conténdere visus est. Sodalitatí enim sancti Hierónymi, quam a Cyppo vocant, primum adscriptus, mox inter Láicos Franciscáni Ordinis cooptátus, dignos atque ubérrimos poeniténtiae fructus fecit; tantisque virtútibus ineúntis aetátis vítia emendávit, ut séráphici paréntis sui non tam ássecla, et aemulátor, quam viva quaedam, et númeris ómnibus absolúta imágo viderétur.

ñ. Honéstum fecit.

Leetio V.

Solitúdinis, ac rerum divínarum amóre inflammátus, in orádo contemplandóque assídne sese exércuit. Exímio religiósae paupertátis stúdio tantam adjécit in obediéndo alacritátem, ut moderatóris sui jussu prunas diu tractáre núdus mánibus non dubi-

tárit, insígni miráculo illae-sus. Córporis castigátor acérrimus ádeo parce, duritérque vitam egit, ut toto ferme anno, quem in septem Quadragésimas ad sancti Francísci exéplum partiebátur, solo pane, ádditis intérdum paucis, íisque mínime coctis oléribus, victitárit, nec álio unquam potu sit usus, quam aqua, vel símplici, vel injécto absynthio amarulénta. His virtútibus, multisque prodigiis, quibus eum Deus quotidie illustrábat, quantam sanctitátis opinióem sibi conciliáverit, vel exínde dedúci potest, quod homo expers literárum nec sacris initiátus, a Principibus viris, annuente Summo Pontífice adhíbitus sit ad Fraterculórum pestem ab Etrúriae finibus expelléndam, eóque auctóre, multa passim Coenóbia fundáta sint, atque ab illo eódem prudentíssime, sanctíssiméque administráta.

ñ. Amávit eum.

Leetio VI.

In itínere Æthiópico divinae glóriæ cáusa suscepto captus a Mahometánis, atque in ci-stérnam vétérem conclusus, ibi íntegros vigínti dies sine ullo cibo, potúque exégit. Inde post tres menses inédia, siti, squalóre conféctus, Bár-

baris tantam patientiam demirantibus, eductus cum esset, nulla contumelia, ac ne illatis quidem vulneribus deterreri nunquam potuit a christianae fidei veritatibus asserendis, detestandisque Mahometanae impietatis erroribus. Postrimo a Turcis dimissus, et martyrii spe frustratus, in Italiam redux, Pontificem adire statuit, atque obsecrare, ut se in Infidelium regiones remitteret. Eo consilio Romam proficiscens, gravi morbo corripitur in Reatino suorum Fratrum Ordinis Minorum Coenobio, ubi pie, sancteque decessit pridie Kalendas Novembris anni millésimi quadragesimi septimi. Ejus sanctitatis, et miraculorum fama, ac populorum concursu ad sacrum corpus ibidem colendum augescente in dies, iidem Fratres, et universi cives sacras ejusdem exuvias in nobiliorem locum transferendas, et cultum ab immemorabili tempore Thomae praestitum Apostolicae Sedis iudicio adprobandum curarunt. Quem tandem cultum Clemens Decimusquartus Pontifex Maximus ratum habens, eum beatorum ritu solenni decreto venerari permisit.

n). Iste homo perfecit.

IN III. NOCTURNO.

Hom. in Ev. Sint lumbi de

Commun. Conf. non Pont. 1. loc.

IX. Lect. et com. Vig. Omn. SS. ut in Brev.

FESTA NOVEMBRIS.

DIE III. NOVEMBRIS.

In Festo PATROCINII B. M. V. Duplex. majus.

Omnia ut in Festo ad Nives 5. Aug. in Brev. praeter Lectiones secundi Nocturni, quae sumuntur ex 5. die infr. oct. Nativ. ejusd. B. M. V. 12. Sept. Dei Filius et ubi dicitur Tuam Sanctam Festivitatem dicatur tuum sanctum Patrocinium.

DIE IV. NOVEMBRIS.

In Festo S. CAROLI Ep. Conf. Duplex majus.

Omn. ut in Brev. sed Lect. 1. Noct. de Com. Fidelis Sermo 9. 1. SS. mm. com. oct. et SS.

DIE IX. NOVEMBRIS.

In Festo Dedicat. Basilicae SS SALVATORIS. Duplex.

Omnia ut in Breviar. Roman. sub hac die.

*Sed in fine tertiae Lectionis
secundi Nocturni addantur
haec verba.*

Eamdem Ecclesiam incendiis, vastationibus, terrae insuper motibus disiectam, eversamque, ac sedula Summorum Pontificum cura reparatam, nova postmodum molitione restitutam Benedictus Decimustertius Pontifex Maximus Ordinis Praedicatorum, die vigesima octava Aprilis anni millésimi septingentésimi vigésimi sexti ritu solémni consecrávit, ejusque celebritátis memóriam hac die recoléndam státuit.

n. Mane surgens Jacob.

DIE X. NOVEMBRIS.

*In Festo S. ANDREÆ AVEL-
LINI Confess. Duplex.*

*Omnia de Commun. Confes.
non Pont. praeter ea, quae
sequuntur.*

ORATIO

Deus, qui in corde beati Anpræae Confessoris tui, per arduum quotidie in virtutibus proficiendi votum admirabiles ad te ascensiones disposuisti: concède nobis ipsius mé-

ritis, et intercessióne, ita ejusdem grátiae partícipes fieri, ut perfectióra semper exequéntes, ad glóriæ tuæ fastígium feliciter perducámur. Per Dóminum.

*Fil commemoratio SS. Martyrum Tryphonis, Respicii, et Nymphae Virginis, ut in Bre-
viario.*

IN I. NOCTURNO.

Lect. de Ser. ooc.

IN II. NOCTURNO.

Lectio IV.

Andréas Avellínus, dictus ántea Lancellótus, apud Castrum Novum Lucániae pagum natus, inter ipsa infántiae primórdia futúrae sanctitátis non obscura praebuit indícia. Adoléscent ad litteras addiscendas patérna e domo egréssus, lúbricam illius aetátis sémitam inter bonarum ártium stúdia ita perégit, ut sapiéntiae inítium, quod est timor Dómini, ob óculos potíssimum habére numquam praetermiserit. Cum egrégia proinde forma exímium castitátis stúdiu conjúnxit, quo impudícas saepe mulierum insídias elúsit, intérdum étiam apértam vim propulsávit. Cle-

ricáli militíae jampridem adscriptus Neápolim se cōtulit, ut legálibus disciplínis vacáret; ibíque Jurisprudéntiae láuream adéptus atque intérea ad Sacerdotálem dignitátem evéctus, causárum patrocínia in foro dumtáxat Ecclésiástico, proque privátis quibúsdam persónis, juxta sacrórum Cánónum sanctiónes, ágere coepit. Verum cum aliquándo inter cáusam agéndam leve ei mendácium excidísset, mox vero fortúita sacrárum Scripturárum lectióne in illa verba incidísset: Os, quod mentítur occidit ánimam: tanto ejus culpae dolóre ac poeniténtia corréptus est, ut statim ab ejúsmodi vitae institúto sibi recedéndum esse dúxerit. Itaque abdicátis forénsibus curis, se totum divíno cúltoi sacrísque ministériis mancipávit; cumque Ecclésiásticae virtútis exémpis eminéret, Sanctimoniálíum regímíni a tunc existénte Archiepíscopo Neapolitánò praeféctus fuit. Quo in múnere cum pravórum hóminum ódia subiísset, primo quidem intentátae sibi necis perículum declinávit; mox vero per sicárium tribus in fácie accéptis vulnéríbus injúriae atrocitátem aequo ánimo pértulit. Tunc perfectióris vitae desidério flagrans, ut inter Cléricos,

Reguláres adscriberétur, suppliciter postulávit: votíque compos factus, ob ingéntem, quo aestuábat crucis amórem, ut sibi Andréae nomen imponerétur, précibus impetrávit.

n. Honéstum.

Lectio V.

Arctióris itaque vitae curriculum álacri stúdio ingrédus, in eas máxime virtútis exercitatioes incúbuit, ad quas sese árduis étiam emíssis votis obstrinxit; áltero scílicet suae ipsíus voluntátis júgiter obsisténdi: áltero vero in via Christiánae perfectiónis semper ultérius progrediéndi. Reguláris disciplinae cultor assiduus, et in ea promovénda, cum állis praeesset, studiosíssimus fuit. Quidquid ab Institúti sui officii, et Régulae praescripto supérerat témporis, oratióni, et animárum salúti tribuébat. In confessiónibus excipiéndis mira ejus píetas, et prudéntia enstuit. Vicos et óppida Neápoli finítima Evangelícis ministériis magno cum animárum lucro frequens lustrábat. Quam ardéntem erga próximos sancti viri charitátem signis étiam Dóminus illustrávit. Cum enim intempésta nocte ab audíta ae-

gri confessiōne domum rediret, ac plúviae, ventorúmque vis praelucéntem facem extinxisset, nō solum ipse cum sóciis inter effusissimos imbres nihil madefactus est, verum étiam inusitáto splendóre e suo corpore mirabiliter emicánte, sóciis inter densissimas ténebras iter monstrávit. Abstinéntia, et patiéntia, nec non abjectiōne, atque ódio sui summópere praestitit. Necem fratris filio illátam imperturbáto ánimo tulit, ac suos ab omni ulciscéndi cupiditáte compéscuit; imo étiam pro interfectoribus opem, et misericórdiam júdicum implorávit.

¶. Amávit.

Lectio VI.

Plúribus in locis Clericórum Regulárium Ordinem propagávit, eorúmque domicília Medioláni, et Placentiae instituit. Illius óperam sanctus Cárolus Borromaeus, et Páulus de Arétio Cléricus reguláris, Cardináles, quibus erat acceptíssimus, in Pastoralis múnere curis adhibuerunt. Deíparam Virgínem singulári amóre, et cultu prosequébatur. Angelórum collóquio pérfrui méruit, quos, cum divínas láudes persólveret, e regiōne concinéntes se

audísse testátus est. Dénique post heróica virtútum exempla, prophetiae quoque dono illústris, quo et secréta córdium, et abséntia, et futúra prospéxit, annis gravis, et laboribus fractus, ad aram celebráturus, in verbis illis tertio repetitis: Introibo ad altáre Dei, repentinó apoplexiae morbo corréptus est. Mox Sacraméntis rite munitus, placidíssime inter suos animam efflavit. Ejus corpus Neápoli in Ecclesiá sancti Páuli ad haec usque témpora eo frequentíssimo pópuli concursu cólitur, quo fuit elátum. Illum dénique insígnibus in vita, et post mortem miraculis clarum Clemens Undécimus Póntifex Máximus solémni ritu Sanctórum Catálogo adscripsit.

¶. Iste homo.

IN III. NOCTURNO.

Homilia S. Gregorii Papae in Evang. Sint lumbi vestri praecincti de Commun. Confess. non Pont.

Nona Lectio legitur de SS. MM. Tryphone, Respicio, et Nympha, cum commemor. in Laudibus ut in Breviario.

DIE XIII. NOVEMBRIS.

In Festo S. STANISLAI KO-

STKAE Confess. SOCIETATIS
JESU. Duplex.

*Omnia de Comm. Conf. non
Pontif.*

ORATIO

Deus, qui inter caetera sapientiae tuae miracula etiam in tenera aetate maturae sanctitatis gratiam contulisti: da quaesumus; ut beati Stanislai exemplo tempus instanter operando redimētes, in aeternam ingredi requiem festinemus. Per Dōminum.

IN I. NOCTURNO.

Lectiones de Scriptura occurr.

IN II. NOCTURNO.

Lectio IV.

Stanislāus, Senatōria Kostkārū gente ortus in Polōnia, quam olim esset militiam secutūrus, nomen Jesu praenuntiāvit, paritūrae matris grēmio divinitus inscriptum. Virginitatem adhuc puer ita coluit, ut paterna in mensa si quid minus pudice dictum audisset, prae horrōre exanimis corrūceret. Ad Viennense in Austria seminārium studiōrum cāussa missus, non

minus exēmplo sodālibus quam veneratiōni fuit. Coactus inde in Lutherāni hōspitis aedes migrāre, ibique a Pāulo fratre ad liberiorē vitam omni etiam asperitatum genere incitatus, domesticum bellum toto biennio constantissime sustinuit: ad aeterna se, non ad caduca natum affirmans. Itaque unicū illi erat rerum caelestium desiderium, perpētua cum Deo consuetudo, cultus Deiparae adeo tener, ut matrem suavissime appellāret.

n. Honestum.

Lectio V.

Quotidianae fratris vexationi crebra ipse jejūnia, flagella, aliōsque insōntis corpūsculi cruciatus adjiciens, lethālem in morbum incidit. Quo ingravescēte, cum daemōnem horrēdi canis specie insiliētem signo crucis ter fugasset, sacrum Viaticum, quod in haeretica domo decumbens frustra ab hominibus petēbat, ab Angelis accēpit. Mox ad pūeri Jesu complēxum a beatissima ejus Matre cōmiter admissus, ac Societāti jussus nomen dare, subito convāluit. Sed cum āditum ad illam patris timor in Germānia praecūderet, peregrīni hābitu solus,

pedes, mendicus fugam arripuit, certus non sistere, nisi voti compos fiat. Iter non uno Dei beneficio prósperum fuit. Nam praeter ália, Páuli prófugum fratrem jam assequéntis equi, immisso divínitus torpóre, constitérunt. Et Stanislaus Angelórum pane íterum Angélico ministério reféctus, post duodécies centéna pássuum míllia, tandem Romae in Societátem Jesu a sancto Francisco Bórgia Generáli Praepósito méruit cooptári.

¶. Amávit eum,

Lectio VI.

Tyrónis eméríti virtútes in religiósae vitae paléstra splendídius eluxére: Cháritas praesértim erga Deum, in quem assídue alienáta a sénsibus mente rapiebátur. Inde illi fácies semper accénsa, nonnúnquam irrádians, perénnes lácrymae, ardor péctoris tantus, ut média quoque híeme foret ingésta idéntidem gélida temperándus. Itaque amóre vérius, quam febrí aestuans, die assúptae in caelum Vírgini sacro, ad ejus triumphálem pompam própius, ut optáverat, spectándam, ab ipsa beatárum Vírginum choro stipáta vocátus.

est ex Quirináli domo probatiónis, anno innocéntis vitae décimo octávo, óperum plénior quam díerum. Multis post óbitum miráculis in sua praesértim Polónia enítuit, cujus armis contra formidábiles Turcárum exércitus spectábilis e caelo áffuit non semel; et civitátes álias peste, álias incéndio liberávit. Quamóbrem Clemens Décimus eum inter primários totíus regni patrónos constituit. Benedíctus vero Decimustértius, quod a Cleménte Undécimo jamprídem fúerat decretum, in Sanctórum número rétulit.

¶. Iste homo.

IN III. NOCTURNO.

Léctio sancti Evangélíi
secúndum Matthaeum.

Lectio VII.

Cap. 19.

In illo témpore: Obláti sunt Jesu párvuli, ut manus eis impóneret. Et réliqua.

Homília sancti Augustíni
Epíscopi.

In Psalm. 118.

Quid párvulus, nisi húmilis? haec sunt mirábilia te-

stimónia tua, Dómine, quae scrutáta est ánima párvuli hujus, et ídeo invénit, quia humiliátus est, et párvulus factus est. Quis enim facit mandáta tua sicut faciéndá sunt, idest ex fide, quae per dilectiónem Dei operátur, nisi ejus in corde per Spíritum Sanctum ipsa diléctio diffundátur? Hoc étiam iste párvulus confitétur. Os meum, inquit, apérui, et attráxi spíritum, quia mandáta tua desiderábam. Quid desiderábat, nisi fácere mandáta divína? Sed non erat unde fáceret infirmus fórtia, et párvulus magna. Apérui os, confitens, quod per se ipse non fáceret, et attráxit unde fáceret.

℟. Iste est.

Lectio VIII.

Júnior sum ego, inquit, et contéptus: justificatiónes tuas non sum oblítus. Non sicut inimíci mei, qui oblíti sunt verbórum tuórum. Vidétur áutem minor aetáte non oblítus justificatiónes Dei dolére pro inimícis suis aetáte majóribus, qui oblíti sunt. Nam quid est, júnior ego non sum oblítus, nisi illi majóres oblíti sunt? Sed contéptum se dicit hic júnior: ideo factus est major: quia ignobília, et contemptibília mundi elégit Deus: et ea,

quae non sunt, tamquam sint, ut ea, quae sunt, evacuéntur. Et ecce sunt novíssimi, qui erant primi: et primi qui erant novíssimi.

℟. Sint lumbi vestri.

Lectio IX.

Iste áutem júnior non est oblítus, quia non suam vóluit, habére justítiam, sed Dei: de qua étiam nunc dicit: Justítia tua justítia in aetérnum. Propter hanc passus est persecutiónem júnior a majóre, ut diceret júnior, quod séquitur: Tribulatio et necéssitas invenérunt me; mandáta tua meditatio mea est. Saeviant, persecuántur: dum tamen mandáta Dei non relinquántur: et ex ipsis mandátis étiam qui saeviunt diligántur. Intelléctum da mihi et vivam. Intelléctum poscit iste júnior; quem si non habéret, non super senióres intelligeret. Sed eum poscit in tribulatióne et necéssitate, quo intélligat, quam sit contemnéndum, quod ei possunt auférre persecuentes inimíci a quibus se dicit esse contéptum.

Te Deum laudámus.

DIE XIV. NOVEMBRIS.

In Festo B. JOANNAE DE
SIGNA Virg. Duplex.

*Omnia de Commun. Virg.
praeter ea, quae sequuntur.*

ORATIO.

Deus simplicitatis amator et custos, qui Nativitatem Filii tui pastoribus primitus revelasti, et in beata Joanna pastoralis innocentiae nova exempla monstrasti; ejus precibus concede famulis tuis simplicitatem et innocentiam cordis ejus jugiter aemulari. Per eundem.

IN I. NOCTURNO.

Lectiones de Scriptura occurr.

IN II. NOCTURNO.

Lectio IV.

Joanna Virgo in quodam pago Signia nuncupato prope Floréntiam, tertio decimo Christi saeculo orta est. Parentes habuit obscuros, quippe colendis agris et curandis pecudibus mancipatos. Quousque Deus illam in benedictionibus dulcedinis praevenisset, cito innovit. Namque ab ineunte aetate ex more institutoque majorum alendis ovium gregibus dedita, ac mirae simplicitatis, morum-

que innocentiae specimina praebens, oves sibi commissas ad pascua cingere, cum ipsis per proximas silvas errare, et sero domum reverti consuevit. In quo quidem munere obeundo quam grata esset illi, cui cum simplicibus est sermocinatio, tum felix gregum pastorumque, qui cum ea familiariter versabantur numquam interrupta salus et incolumitas, tum crebra per eam a Deo patrata miracula comprobant. In quibus illud solenne, grandines et fulmina usque depellere, et a quibuscumque coeli tempestatibus custodes et pecora salva servare. Quod quidem adeo Virgini frequens erat et usitatum, ut coaevis pastoribus certum esset et exploratum, quoties aliqua coelo coorta tempestas eorum cervicibus immineret, ad eam quantocius cum suo quisque grege confugere. At illa sub annosa quercu, quae adhuc licet semimortua frondescit, rudes illos pecudum magistros ad se accitos ad pietatem informare, et dum detonaret, de Deo, de scelerebus amovendis, de vitae integritate servanda, de coelestibus gaudiis promerendis sermocinari in deliciis habebat: ne gutta quidem interea ingruentis circa pluviae in felicem arborem

incidēte, sub cujus tégmine Joáнна cum pastóribus versabátur. Quin amóla tempestáte, Arnum flumen ab ímbribus ex nimbóso túrbine colléctis áuctum, strato super undas pállio, domum reditúra aliquándo tranávit.

ñ. Propter veritátem.

Lectio V.

Cum vero ex hisce magnálibus sanctitátis ejus fama longe latéque percrebrésceret, vitatúra ambiéntis vulgi conspéctum, et se Deo in solitúdine totam mancipatúra, aetáte adhuc íntegra in exíguum concláve sub declivitáte collis ad dexteram Arni ripam secessit. Ibi quasi in aetérni Regis cubículum introdúcta, more reclusárum Víginum, quarum complúres ea ferébat aetas, hoc nómine pervulgátas; eleemósynis sponte oblátis víctitans, eremíticam vitam dúcere instituit. Quanto vero in hoc palústri recéssu laetificáverit eam gáudio cum vultu suo is, qui díligit ambulátes in innocéntia et simplicitáte, nullíus est posse reférre. Mens semper aequa, vultus in summa rerum ómnium inópia semper hílaris, sermo dulcis ac benígnus in omnes, sed praecipue áliqua aegritúdine laborátes, eam dilécto suo

totam, ejúsque ad se conversiónem fácite monstrábat. Nihil áutem tantópere hanc dílecti conversiónem faciébat elucéscere, quantum mirácula quae sub brevíssimo, et húmili tecto per eam est operátus. Síquidem coeco dédita ópera ad se ab urbe veniénti, enixéque oránti, lumen oculórum restítuit. Infántem aliénium, quem foemina quaedam Joánnæ devóta lactándum suscéperat et apud eam mortem obierat, inter ulnas recéptum, nutríci vivum restítuit: áliaque plúrima simplicitátem quamdam referéntia patravit, quae ab Synchrono scriptore, ejus Templi in quo cólitur fortásse tunc rectóre, latínis gothicárum litterárum monuméntis consignáta, étiam hódie in iisdem sacris aedibus asservántur.

ñ. Dilexísti justítiam.

Lectio VI.

In his rurális aedículae angústis cum per annos ferme quadragínta, nempe usque ad annum suae vitae tértium ac sexagésimum dúriter vixisset, quinto Idus Novémbris anni millésimi trecentésimi séptimi migrávit ad Sponsum. Pretiósam ejus mortem campánae trium proximárum Ecc'e írurum sponte sonátes pátefecérant. Díruto célulae

pariete reperta est humi jacens, resupina, et ad sarmen-
torum fascem reclinata cer-
vice, ad instar placide quie-
scēntis. Virgineum cadaver ad
sancti Joānnis Baptistae de-
lātum, integrum usque adhuc
et incorruptum honorifice ser-
vatur, frequentique, et num-
quam intermisso populorum
concursu celebratur. Grātia
sanitatum, qua etiam dum vi-
veret a Deo donata erat; num-
quam fere, se invocantibus,
non opitulata est, praesertim
contribulibus, et etiam nunc
quam frequentissime opitulatur.
Claruit praecipue anno
Christi millésimo trecentési-
mo quadragésimo octavo cum
dura per totam fere Europam
grassaretur lues. Quo quidem
calamitosissimo tempore, te-
terrimam labem ab agri Si-
gnēnsis finibus est deprecata,
perpaucis ex indigenis, aliisque
qui eam sibi sedulis obssequiis
promeruerant pestilenti mor-
bo tentatis. A coeli vero tem-
pestatibus patrios fines defen-
dere, fulmina a domibus, sa-
crisque tectis distingere; gran-
dines ab arvis, et novalibus
depellere, nimbos effusissi-
mos prohibere, in siccitate
pluviam, in nimium protra-
ctis imbribus serenitatem e-
xorare, hoc illi veluti pró-
prium adhuc permanere, quo-
tidiano fere experimento lau-
datur. Cultum immemorabi-

lem, quinque saeculorum suf-
fragio, et perpētuis miraculis
confirmatum Pius Sextus Pón-
tífex Máximus comprobavit,
et officio público celebrandum
indulsit.

n. Afferentur Regi.

IN III. NOCTURNO.

Lectiones de Communi Virg.
1. loco.

DIE XV. NOVEMBRIS.

*In Festo S. GERTRUDIS Vir-
ginis. Duplex.*

*Omn. de Com. Virg. non
Mart. prater sequentia.*

ORATIO.

Deus, qui in corde beatae
Gertrúdis Virgínis jucundam
tibi mansionem praeparasti;
ipsius méritis et intercessióne
cordis nostri máculas clemén-
ter absterge, et ejúdem trí-
bue gaudere consortio. Per
Dóminum.

IN I. NOCTURNO.

Lect. de Script. ocs.

IN II. NOCTURNO.

Lectio IV.

Gertrúdis Islébii in Saxónia

nóbili génere nata ; quinquénis in Monastério Rodardénsi Ordinis sancti Benedicti, virginitatem suam, ac seipsam Jesu Christo obtulit. Quo ex témpore a mundánis rebus prorsus aliéna virtutisque sédulo inténta, coeléstis vitae genus instituit. Ad humaniórum litterárum notítiam rerum divinárum cognitióne adjúnxit. Quarum meditatióne vebementius ad virtútem incénsa brevi Christiánam perfectiόnem adépta est. De Christo, ejúsque vitæ mystériis saepenúmero pio cum ánimisensu loquebátur: unámque Dei glóriam cógitans, ad illam vota sua ómnia, et actiόnes referébat. Quamvis áutem multis exímis natúrae, et grátiae donis a Deo aucta esset, ita tamen sibi ipsa vilescébat, ut inter praecipua divínae bonitátis miracula hoc item memoráret, quod se indigníssimam misericórditer sustinéret.

n). Propter.

Lectio V.

Trigésimum aetátis annum agens, primum Rodardénsis Monasterii, ubi religiόsam vitam est professá, deinde Elpediáni Praeses elécta, quadraginta annórum spátio ea cha-

ritáte, prudéntia, et reguláris disciplínae stúdio munus obívit, ut Coenóbium religiόsae perfectiόnis domicílium viderétur. Utrobíque vero licet esset ómnium mater, et magístra, ómnium tamen mínima habéri volébat, ac demissiόne pari minístram se exhibébat. Quo libérius Deo vacáret, vigiliis, abstinéntia, aliisque cruciátibus corpus afflíxit ; semperque sui similis, morum innocéntiam, mansuetúdinem, ac patiéntiam praetulit singulárem. Proximórum salúti omni ope stúduit, piaequae curae copiósum fructum rétulit. Divíni amoris vi fréquentes patiebátur éxtases : altissimaeque contéplatiόnis, et divínae uniόnis donum obtínuit.

n). Dilexísti.

Lectio VI.

Ut mérium acceptíssimae sibi Sponsae Christus osténderet, in corde Gertrúdis jucúndam sibi esse mansiόnem testátus est. Deíparam Vírginem, véluti matrem, et curatricem a Jesu accéptam, pietáte praecipua prosequébátur : ab eáque málta accépit beneficia. Erga diviníssimum Eucharistiae Sacraméntum, et Passiόnem Dómini tanto amore cum grati ánimisensu affli-

ciebátur, ut interdum ubéribus lácrymis perfunderétur. Justórum ánimas piaculáribus flammis addictas quotidíanis subsidiis, et précibus juvábatur. Multa ad confovéndam pietátem scripsit: divinárum étiam revelatiónum, et prophetíae dono cláruit. Dénique flagrantíssimo Dei amóre pótius, quam morbo languescens, anno Dómini millésimo ducentésimo nonagésimo secúndo vita decéssit. Miráculis vivens, et post mortem a Deo illustráta est.

¶. Afferéntur Regi.

IN III. NOCTURNO.

Homilia S. Gregorii Papae in Evang. Símile erit regnum coelórum decem virgínibus, de Comm.

DIE XVI. NOVEMBRIS
ASS. 13. Huj.

In Festo S. DIDACI C. sem. omn. nt in Brev. 13. huj.

DIE XVII. NOVEMBRIS

In Festo S. EUGENII Conf. Flor. Duplex majus.

Omnia de Commun. Conf. non Pont. primo loco.

Lect. 1. n. de eod. Com. 2. loc. Beátus vir.

DIE XVIII. NOVEMBRIS.

In Dedicatione Basilicarum SS. APOSTOLORUM PETRI ET PAULI Duplex.

Omn. de Com. Dedic. Eccl. Lect. 1. n. pr. ut in Brev. hac ipsa die.

IN II. NOCTURNO.

Lectio IV.

Ex locis sacris, quae olim apud Christiános veneratió-nem habué-runt, illa celebér-ima et frequentíssima fuérunt, in quibus cóndita Sanctiórum córpora, vel áliquod Mártyrum vestígium, aut monuméntum esset. In quorum número sanctórum locórum in primis semper fuit insignis ea Vaticáni pars, quam sancti Petri confessi-ó-nem appellábant. Nam eo Christiáni ex ómnibus orbis terrae pártibus tamquam ad fidei petram, et Ecclési-ae fundaméntum conveniéntes, locum princípis Apostolórum sepúlchro consecrá-tum summa religi-ó-ne ac pietáte venerabántur.

¶. Orántibus in loco.

Lectio V.

Illuc Costantínus Magnús Imperátor octávo die post suscep-tum baptísmum venit, depositóque diadémate, et humi jacens vim lacrymárum profúdit: mox sumpto ligó-ne, ac bidénte terram éruit, indeque duódecim terrae có-

phinis, honóris causa duodecim Apostolorum, ablatis, ac loco Basilicae Principis Apostolorum designato Ecclesiam aedificavit. Quam sanctus Silvester Papa decimo quarto Kalendas Decembris eo modo quo Lateranensem Ecclesiam quinto Idus Novembris consecraverat, dedicavit, et in ea altare lapideum chrismate delibutum erexit: atque ex eo tempore sancivit, ne deinceps altaria nisi ex lapide fierent. Idem beatus Silvester Basilicam sancti Pauli Apostoli in via Ostiensi ab eodem Costantino Imperatore magnificentissime aedificatam dedicavit. Quas Basilicas idem Imperator, multis praediis attributis locupletavit, ac muneribus amplissimis exornavit.

R. O quam metuendus est.

Lectio VI.

Porro Vaticanam Basilicam vetustate jampridem collabentem, ac propterea multorum Pontificum pietate latius, ac magnificentius a fundamenti erectam Urbanus Octavus hac eadem recurrente die anni millesimi sexcentissimi vigesimi sexti sollemni ritu consecravit. Basilicam vero Ostiensem quum dira incendii vis anno millesimo octingentesimo vigé-

simo tertio penitus consumpsisset, indefessa quatuor Pontificum cura splendidius quam antea erectam, et ab interitu veluti vindicatam Pius Novus, auspiciatissimam nactus occasionem, qua Dogma de Immaculata Beatae Mariae Virginis Conceptione nuper ab ipso proclamatum, ingentem Cardinalium et Episcoporum numerum ex dissitis etiam Catholici Orbis regionibus Romam attraxerat, die decima Decembris Anni millesimi octingentesimi quinquagesimi quarti tanta circumdatus Purpuratorum Patrum, et Antistitum corona sollemniter dedicavit, ejusque celebritatis memoriam hac die recolendam decrevit.

R. Mane surgens Jacob.

IN III. NOCTURNO.

Hom. Si veraciter ut in 4. die infr. oct. ut in Brev.

DIE XXIV. NOVEMBRIS.

In Festo S. JOANNIS A CRUCE Conf. Duplex.

Omnia de Commun. Confess. non Pontif. praeter ea, quae sequuntur.

ORATIO.

Deus, qui sanctum Joannem

Confessórem tuum perfectae sui abnegationis, et Crucis amatórem exímium effecisti: concéde, ut ejus imitationi júgiter inhaeréntes, glóriam assequámur aetérnam. Per Dóminum.

Deinde fit com. sancti Clementis, ac Sancti Chrysogoni Mart. ut in Brev.

IN I. NOCTURNO.

Lect. de Scrip. occ.

IN II. NOCTURNO.

Lectio IV.

Joáñnes a Cruce Fontíberi in Hispánia piis paréntibus natus, a primis annis certo innóuit, quam Deíparae Vírgini futúrus esset accéptus: nam quinquénis in púteum lapsus, ejúsdem Deíparae manu sublátus, incólumis evásit. Tanto áutem patiéndi desidério flagrávit, ut novénis, spreto mollióri lecto, supra sarménta cubáre consuéverit. Adoléscens hospítio páuperum aegrotántium Metymnae Campi fámulum sese addíxit, quibus magno charitátis ardóre, vilíssima quaeque compléctens officia, praesto áderat: cujus exémplo excitáti coeteri

éadem charitátis múnera ardentius obíbant. Verum ad altióra vocátus, Beátae Maríae Vírginis de Monte Carmélo Institutum ampléxus est; ubi Sacerdos ex obediéntia factus, severióri disciplínae, et arctióri vitae cupidíssimus, primitivam Ordinis Régulam ex Superióri licéntia ita professus est; ut ob jugem Domínicae Passiónis memóriam, bello in se tamquam in infensissimum hostem, indicto, vigíliis, jejúniis, férreis flagéllis, omníque poenárum génere, brevi carnem cum vítiis, et concupiscéntis suis crucifixerit: dignus plane, qui a sancta Terésia inter purióre, sancioresque ánimas Ecclesiám Dei id témporis illustrántes recenserétur.

n. Honéstum.

Lectio V.

Singulári vitae austeritáte et ómnium virtútum praesidio múnitus, prae assídua rerum divinárum contemplatione diutúrnas, et mirábiles éxtases frequénter patiebátur: tantóque in Deum aestuábat amóre, ut cum divínus ignis sese intro diútius continére non posset, foras erúmpere, ejúsque vultum irradiáre visus sit. Proximó-

rum salutis summopere intentus, tum in verbi Dei praedicatione, tum in Sacramentorum administratione fuit assiduus. Hinc tot meritis auctus, strictiorisque disciplinae promovendae ardore vehementer accensus, sanctae Teresiae comes divinitus datus est, ut quam ipsa inter Sorores primaevam Carmeli Ordinis observantiam instauraverat, eandem et inter Fratres, Joanne adiutore, restitueret. Innumeros itaque una cum Dei famula in divino opere promovendo perpessus labores, Coenobia, quae ejusdem sanctae Virginis cura per totam Hispaniam erecta fuerant, nullis vitae incommodis, et periculis territus, singula perlustravit: in quibus, aliisque quamplurimis ejus opera erectis, restauratam observantiam propagando, verbo et exemplo firmavit; ut merito primus post sanctam Teresiam Carmelitarum Excalceatorum Ordinis Professor, et Parens habeatur.

n). Amavit.

Lectio VI.

Virginitatem perpetuo coluit impudentesque mulieres ejus pudicitiae insidiari conantes, non modo repulit,

sed etiam Christo lucrificavit. In divinis explicandis arcanis, aequae ac sanctae Teresiae, Apostolicae Sedis iudicio, divinitus instructus, libros de mystica Theologia coelestis sapientia refertos conscripsit. Semel interrogatus a Christo, quid praemii pro tot laboribus posceret, respondit: Domine, pati, et contemni pro te. Imperio in daemones, quos e corporibus saepe fugabat, discretionem spirituum, prophetiae dono, miraculorum gratia celebratissimus, ea semper fuit humilitate, ut saepius a Domino flagitaverit eo loco mori, ubi omnibus esset ignotus. Voti compos factus, Ubidae diro morbo, et in crure quinque plagis sanie manantibus, ad implendum patiendi desiderium, constantissime toleratis, Ecclesiae Sacramentis pie, sanctaeque susceptis, in Christi Crucifixi amplexu, quem semper in corde, atque ore habuerat, post illa verba: In manus tuas commendo spiritum meum, obdormivit in Domino, die, et hora a se praedictis, anno salutis millesimo quinquagesimo nonagesimo primo, aetatis quadragesimo nono. Migrantem ejus animam splendidissimus ignis globus excipit; corpus vero suavissimum odorem spiravit; quod etiamnum in-

corrúptum Segóbiae honorífice cólitur. Eum plúrimis ante et post óbitum fulgéntem signis, Benedictus Decimustértius Póntifex Máximus in sanctórum númerum rétulit.

ñ. Iste homo.

IN III. NOCTURNO.

Homilia S. Gregorii Papae in Evangelio, Sint lumbi vestri de Com. 1. loc.

DIE XXVI. NOVEMBRIS.

ASS. EX XVII. HUI.

In Festo S. GREGORII Ep. Thaum. Conf. sem.

In hymn. Iste Confessor dicat. Méruít suprémos.

Omn. ut in Brev. 17 uj. cum 9. l. et com. S. Petri Ep. Alexandr. et m.



OFFICIUM DE SS. CORPORE CHRISTI

Recitandum sub ritu semiduplici omnibus feriis V. non impeditis Festo novem lectionum etiam translato, exceptis Adventu, Quadragesima et vigiliis etc. juxta tenorem Decreti S. R. C. 20. Martii 1706.

Omn. dicuntur prout in die Festi omiss. Allelúja in Ant. et R[.]B[.]

Si occurrat aliquod festum simplex, fit de eo comm.

Deinde fiunt, si faciendae sint, comm. consuetae seu Suffragia SS.

Tempore paschali dicit. more paschali et fit comm. de Cruce.

Ad Complet. et per Horas in fine hymnor. dicit. Jesu.... Qui natus etc. et dicunt. preces, ad Compl. et Prim. tant.

Lect. 1. n. semper legunt. de Scr. occ. cum R[.]B[.] 1. noct. Festi, in 2. et 3. nn. sumunt. ex octav. ejusd. ut inferius positae.

Notandum quod in initio Sermonum et Homiliarum ubi

dicit. De Sermóne, et De Homília, dicatur Sermo, et Homília.

De Festo simplici legit. 9. l. et fit comm. in Laudibus.

Ad Prim. R[.]B[.] Christe Fili Dei etc. y. Qui natus es. etc.

MENSE JANUARIO.

Lectiones 2. et 3. n. ut in die Festo ejusdem.

MENSE FEBRUARIO.

Lect. 2. n. ex Sabbato infr. oct.

Lect. 3. n. ex ser. 2. infr. eamd. oct.

**MENSIBUS MARTIO
ET APRILI.**

Ante vel post Quadragesimam.

Lect. 2. n. ex Dom. infr. oct.

Lect. 3. n. ex Sabb. infr. oct. praedictam.

**MENSIBUS MAJO
ET JUNIO**

Lect. 2. et 3. n. ex fer. 2. infr. oct.

**MENSIBUS JULIO
ET AUGUSTO.**

Lect. 2. et 3. n. ex fer. 3. infr. oct.

**MENSIBUS SEPTEMBRI
ET OCTOBRI.**

' Lect. 2. et 3. n. ex fer. 4. infr. oct.

**MENSIBUS NOVEMBRI
ET DECEMBRI.**

Ante Adventum.

Lect. 2. et 3. n. ut in die 8.

OFFICIUM

IMMACULATÆ CONCEPTIONIS

BEATAE MARIAE VIRGINIS

Recitandum sub ritu semiduplici omnib. Sabbatis non impeditis Festo novem lectionum etiam translatq et excepto Adventu.

Omni. dicuntur ut supra in die Festi pag. 11.

In utrisque Vesperis et Laudibus. y. Immaculata Conceptionis recolitur Sanctae Mariae Virginis. n. Cujus vita inclyta cunctas illustrat Ecclesias.

Si occurrat aliquod fest. simplex fit de eo comm.

Deinde fiunt, si faciendae sint, comm. communes seu Suffragia SS.

Tempore paschali dicit. more paschali et fit com. de Cruce. Ad Complet., et per Horas dicit. in fine hymn. y. Jesu... Qui natus etc.

Lectiones 1. n. semper leguntur de Script. occ. cum n. n. 1. n. diei Festi pag. 12.

In II. III. ut infra.

Si occurrat aliquod fest.

simplex legit. de eo 9. l. et fit com. in Laudibus.

Ad Prim. n. Christe Fili Dei. etc. y. Qui natus es etc.

MENSIBUS JANUARIO ET FEBRUARIO.

Ut in 2. die infr. oct. pag. 18.

MENSIBUS MARTIO ET APRILI.

IN II. NOCTURNO.

(Lect. sequentes inserviunt etiam pro iij. die infr. oct. iis locis, ubi fit de ea.)

Sermo sancti Thomae Archiepiscopi Valentini.

Lectio IV.

Non est facta in p[on]dere et mens[ur]a Virgo. Omnibus dedit, [omn]ia repl[er]vit. Et quem[od]um sol justitiae Christus Deus noster oriri facit lumen suum super bonos et malos: sic lumen indeficiens Virgo sacratissima, r[ad]ios [ev]ibrans misericordiae suae, [omn]ibus indiffer[en]ter sese exorabilem, [omn]ibus clementissimam praebet, [omn]ium denique necessitat[es] amplissimo quodam miseratur affectu. Omnibus [omn]ia facta est; sapientibus et insipientibus copiosissima charitate debitorum se fecit; [omn]ibus misericordiae sinum ap[er]uit, ut de plenitudine ejus accipiant univ[er]si; captivus redemptionem, aeger curationem, tristis consolationem, peccator veniam, justus gratiam, Angelus laetitia[m]; denique tota Trinitas gloriam, Filii persona carnis humanae substantiam.

Lectio V.

O lampas lucidissima, quantos laetificasti, quando divino splendore illustrata in [ut]ero matris immaculata apparuisti! Conceptio tua, Dei genitrix Virgo, gaudium annun-

tiavit univ[er]so mundo. M[er]ito epithalamii praecentor ille a longe in ortu tuo, te intuitus; quae, inquit, est ista quae progr[ess]itur quasi aurora consurgens, pulchra ut luna, electa ut sol, terribilis ut castrorumacies ordinata? Sicut aurora valde rutilans in mundum prodisti, o Maria, quando veri solis fulgore adumbrata in conceptione tua immaculata fuisti. Ipse enim sol justitiae de te processurus ortum tuum quadam matutina irradiatione praeveniens, in te suae lucis r[ad]ios copiosissime transfudit, quibus potestates tenebrarum, quas Eva produxerat, in fugam convertisti.

Lectio VI.

Tu pulchra ut luna diceris, eique non immerito compararis; illa enim [omn]ium astrorum sola, soli simillima, comparatione et candore venusta, inter millia astrorum Deo assistentium omnigena puritate in coelo gloriosa praefulget. Tu ergo pulchra es ut luna, imo et pulchrior luna, quia tota pulchra es, et maculae neque originalis neque actualis umbra non est in te. Tu electa es, ut sol. Ille, inquam, Sol, solis conditor, ille electus est ex millibus viró-

rum; tu electa ex millibus feminarum. Tu terribilis ut castrorum acies ordinata. An non horruerunt principes tenebrarum, quando viderunt praeter morem immaculate conceptam, armatura omni fortiore instructam contra se procedere feminam? Quin et in animatione tua acies validas spiritalium virtutum, et innumerabilium beatorum spirituum militiam delegatam fuisse nullatenus ambigimus; utpote qui custodirent lectulum Salomonis purissimum, ne praeparatum aeterno Regi hospitium alienus hospes invaderet.

IN III. NOCTURNO.

Lectio sancti Evangelii
secundum Matthaeum.

Lectio VII.

Cap. 1.

Liber generationis Jesu Christi filii David, filii Abraham. Abraham genuit Isaac. Isaac autem genuit Jacob. Et reliqua.

Homilia sancti Ambrósii
Episcopi.

Exp. Evang. sec. Luc. c. 3.

Ideo istos duos generis auctores Evangelista deligit: unum

qui promissum accepit de congregatione populorum: alterum, qui de generatione Christi oraculum consecutus est. Et ideo licet ordine sit successione posterior, prior tamen, quam Abraham in Domini generatione describitur; quia plus est promissum accepisse de Christo, quam de Ecclesia; quoniam Ecclesia ipsa per Christum. Ergo unus princeps generis secundum carnem, alter princeps generis secundum spiritum: alter secundum seminis gratiam, alter secundum populorum fidem; potior enim qui salvat eo, qui salvatur. Et ideo David filius dicitur: Liber generationis Jesu Christi filii David. Ejus enim primo loco debuit filius dici, cui dari filius est promissus; licet Apostolus etiam Abrahae Christum dicat esse promissum. Abrahae enim dictae sunt promissiones, et semini ejus. Non dicit: et seminibus; tamquam in multis, sed sicut in uno: et semini tuo, qui est Christus; ut alteri proprietas generationis, principatus alteri deferatur.

Lectio VIII.

Illi delatum est ut Jesus ejus filius diceretur: huic quasi principi, familiae gen-

tiúmque praerogátiva servátur; ut ab Abraham generatiónis Domínicae manáret exórdium. Qui enim fidei áuctor est, ipsum assérere Scriptúra quoque débuit divínae generatiónis auctórem. Unde et Lucas ad Deum putávit originem ejus esse referéndam; quod verus Christi generátor Deus sit, vel secúndum veram generatiónem pater, vel secúndum lavácri regeneratiónem mystici múnemis áuctor. Et ideo non a primo generatiónem ejus coepit describere; sed pósteaquam baptismum ejus explicuit, auctórem ómnium Deum per baptismum cúpiens demonstráre, Christum quoque a Deo órdine manásse successiónis assérui; univérsa contéxens, ut et secúndum naturám, et secúndum grátiam, et secúndum carnem Dei filium demonstráret.

Lectio IX.

Quod vero per Salomónem Matthaeus generatiónem derivándam putávit, Lucas vero per Nathan: alter regálem, alter Sacerdotálem Christi familiam vidétur osténdere. Quod non ita accíperé debémus, quod álterum áltero vérus: sed alter álteri pari fide et veritáte concór-

det. Fuit enim vere et secúndum carnem regális et sacerdotális familiæ: rex ex régibus, sacerdos ex sacerdotibus, licet oráculum non de carnálibus, sed de coeléstibus exprímatur; quóniam et rex in Dei virtúte laetátur, cui júdicium a Patre rege defértur, et sacerdos est in aetérnum. secúndum quod scriptum est: Tu es sacerdos in aetérnum secúndum órđinem Melchísodech. Bene igitur utérque ténuít fidem, ut Matthaeus per reges ductam originem comprobáret, et Lucas per sacerdotes a Deo trásmíssam in Christum sériem géneris deducéndo, sanctiorem ipsam originem declaráret.

MENSIBUS MAJO ET JUNIO

IN II. NOCTURNO.

(*Lect. seq. inserviunt etiam pro v. die infr. oct.*)

Sermo sancti Bernárdi
Abbátis.

Lectio IV.

*De duodecim praerogativis
B. V. Mariae.*

Múlier, inquit, amícta so-

le. Plane amicta lumine tamquam vestiménto. Non percipit forte carnális: nimirum spirituále est: stultitia illi videtur. Non sic videbatur Apóstolo, qui dicebat: Induimini Dóminum Jesum Christum. Quam familiáris ei facta es Dómina! Quam próxima, immo quam íntima fieri meruísti, quantam invenísti grátiam apud eum! In te manet, et tu in eo: et vestis eum, et vestíris ab eo. Vestis eum substántia carnis, et vestit ille te glória suae majestátis. Vestis solem nube, sole ipsa vestíris. Novum enim fecit Dóminus super terram, ut múlter circúmdaret virum, nec álium quam Christum, de quo dicitur: Ecce vir, Oriens nomen ejus. Novum quoque fecit in coelo, ut múlter sole appareret amicta. Dénique et coronávit eum, et vicíssim ab eo méruit coronári.

Lectio V.

In cápite, inquit, ejus coróna stellárum duódecim. Dignum plane stellis coronári caput, quod et ipsis longe clárius micans, ornet eas potius quam ornétur ab eis. Quidni coronént sídera quam sol vestit? Sicut dies verni, ait, circúmdabant eam flores

rosárum, et lília convállium. Nimirum laeva sponsi sub cápite ejus et jam dextera illius amplexátur eam. Quis illas aestimet gemmas, quis stellas nóminet, quibus Maríae régium diadéma compactum est? Supra hóminem est corónae hujus ratiónem expónere, indicáre compositiódinem. Mihi sane singuláris rútilat fulgor, primo quidem in Maríae generatióne, secúndo in Angélica salutatióne, tértio in Spíritus superventióne, quarto in filii Dei innarrábili conceptióne.

Lectio VI.

Quid ergo sidéreum micat in generatióne Maríae? Plane quod ex régibus orta; quod ex sémine Abrahae; quod generósa ex stirpe David. Si id parum videtur, adde quod generatióni illi ob singuláre privilégium sanctitátis divínitus nóscitur esse concéssa; quod longe ante eisdem pátribus coelitus repromíssa: quod mysticis praesignáta miráculis; quod oráculis praenuntiáta prophéticis. Hanc enim sacerdotális virga, dum sine radíce flóruit: hanc Gedeónis vellus, dum in médio siccae áreae máduit; hanc in Ezechiélis visióne orientális porta, quae

nulli unquam páuit, praesignébat. Hanc denique prae ceteris Isaías nunc virgam de radice Jesse orituram praenunciábat: nunc evidéntius virginem parituram. Mérito signum hoc magnum in coelo apparuisse scribitur, quod tanto ante de coelo nóscitur fuisse promissum.

IN III. NOCTURNO.

Lectio sancti Evangélíi
secúndum Matthaeum.

Lectio VII.

Liber generatiónis Jesu. *Cap. 1.*
Christi filii David, filii Abraham. Abráham genuit Isaac. Isaac áutem genuit Jacob. Et reliqua.

Homília sancti Joánnis
Chrysóstomi.

Hom. 2. in Matth. p. init.

Auditu quidem mirábile est, quod ineffábilis Deus, et qui nec sermónibus explicári potest, nec cogitatióibus comprehénderi, Patríque per ómnia coaequális, per Virgínis ad nos venit úterum, et fieri ex muliere dignátus est, et habére progenitóres David, et Abraham. Et quid

dico David et Abraham? étiam illas, quod magis stupéndum est, féminas, quas páulo ante memorávi. Haec igitur áudiens mente consúrge, nihilque húmile suspicéris, sed pótius propter hoc ipsum máxime miráre, quia cum verus et diléctus filius sit sempitérni Dei, étiam filius David esse dignátus est, modo ut te filium fáceret Dei: servum patrem habére dignátus est, ut tibi servo patrem fáceret ipsum Deum.

Lectio VIII.

Vides ab ipso statim principio, quam laeta sint haec núntia. Quod si ámbigis de his quae ad tuum spectant honórem, ab iis quae illius sunt, étiam tua disce crédere. Quantum enim cónsequi potest humana rátió, multo est difficílius Deum hóminem fieri, quam hóminem Dei filium consecrári. Cum ergo audieris quia filius Dei filius sit et David et Abrahæ, dubitáre jam désine, quod et tu qui filius es Adæ, futúrus sis filius Dei. Non enim semetípsum ita humiliásset, nisi nos esset exaltáturus. Natus est enim secúndum carnem, ut tu nascerére spíritu: natus est ex muliere, ut tu desíneres filius esse mulieris.

Lectio IX.

Propterea duplex facta generatio est, haec scilicet nostrae similis, illa nostram eminenter excédens. Quod enim natus ex femina est, et nobis cōpetit: quod vero non ex sanguine, neque ex voluntate carnis, aut viri, sed ex Spíritu sancto, aliam nobis sublimiorem, futuramque et spiritu consequendam generationem promittit. Sed alia quoque omnia ex simili diversitate constabunt. Nam et baptisma profecto tale suscepit, quod haberet quidem aliquid veteris, haberet et novi. Quod enim baptizatus est a Propheta, expressit vetus: quod autem descendit Spiritus, adumbravit novum.

MENSIBUS JULIO
ET AUGUSTO.

Lectio VI.

Sermo sancti Joannis
Damasceni.

Serm. 1, in Nat. B. M. V.

O Jóachim et Annae sanctissima filia, quae principatibus et potestatibus, ignisque

maligni telis latuisti: quae in Spíritus thálamo versata es, et sine mácula custodita ut Sponsa Dei, naturaque Dei mater esses! O sacratissima filia, quae in maternis ulnis cerneris, apostaticisque virtutibus formidabilis es! O sacratissima filia, quae matris ubéribus lactáris, atque ab Angelis undique cingeris! O cara Deo filia, paréntum decus quam, ut abs te vere dictum est, generatiónes omnes beatam dicenti! O digna Deo filia, humanae venústas naturae, primigenae paréntis Hevae emendatio! Tuo namque partu, quae ceciderat erecta est. O sacrosáncta filia, feminárum glória! Quamvis enim prima Heva prevaricationis rea exstiterit, ac per eam mors, dum illa serpenti advérsus primum paréntem inservíret, ingrèssa sit; átamen María divinae óbsequens voluntáti deceptórem anguem ipsa decépít, ac mundo immortalitatem invéxit.

Lectio V.

Vere res omnes cōditas dignitate antecelluisti. Nam ex te sola summus ille opifex partem assumpsit, mas-sae nostrae primitias. Caro

ejus ex tuis sanguinibus concreta fuit. Quin Deus ex tuis mamillis lac suxit, tuaque labia Dei labiis cohaeserunt. O miracula mentis captum et sermonem excedentia! Dignitatem tuam praecognoscens universorum Deus, te proinde dilexit, dilectamque praedestinavit, atque extremis temporibus produxit, ac Deiparam matrem, suique Filii ac Verbi nutritiam fecit. Lactare, beata Anna, quod feminam pepereris. Haec enim femina Dei mater natura est, porta lucis, fons vitae, et feminarum crimen abolēbit. Hujus feminae vultum deprecabuntur omnes divites plebis: Feminam hanc reges gentium munēribus oblatis adorabunt. Hanc feminam Deo universorum Regi offeres, virtutum tamquam fimbriis aureis circumamictam elegantia, sanctique Spiritus gratia ornatam, cujus gloria ab intus.

Lectio VI.

O divinum, vivumque simulacrum, cujus conditor Deus pulchritudine delectatus est, quod mentem quidem divinitus gubernatam habet, Deoque soli addictam; cupiditatem vero omnem, ad id

quod solum expetendum est, et amore dignum intentam; iram autem contra peccatum dumtaxat, ejusque parentem. Vitam natura potiorē habebis. Habebis autem non tibi ipsa: quippe quae non tui ipsius causa genita sis. Quocirca Deo hanc habebis, cujus gratia in mundum prodiisti, ut orbis universi salutē obsequaris: Deique antiquum consilium, nimirum incarnationis Verbi, ac nostrae deificationis, per te impleatur. Appetitus tuus divinis sermonibus nutrietur, hisque pinguesces tamquam oliva fructifera in domo Dei; tamquam lignum plantatum secus decursus aquarum Spiritus, tamquam vitae lignum, quod fructum vitae dedit praefinito suo tempore; Deum scilicet incarnatum, et aeternam universorum vitam. Cogitatum omnem alumnū habens et animae proficuum, ac supervacaneum omnem et animis exitiosum prius reprobans, quam eum degustes. Tota thalamus Spiritus, tota civitas Dei vivi, quam laetificant fluminis impetus, sancti, inquam, Spiritus gratiarum fructus. Tota pulchra, tota Deo propinqua; haec enim Cherubim superans, et super Seraphim evēcta, proxima Deo extitit.

IN III. NOCTURNO.

Lectio sancti Evangelii
secundum Matthaeum.

Lectio VII.

Cap. 1.

Liber generati6nis Jesu Christi filii David, filii Abraham. Abraham autem genuit Isaac. Isaac autem genuit Jacob. Et reliqua.

De Homilia sancti Hier6-
nyimi Presbyteri.

Lib. I. Comm. in Matth.

Jacob autem genuit Joseph. Hunc locum objecit nobis Juli6nus Aug6stus de dissonantia Evangelistarum, cur Evangelista Matthaeus Joseph dixerit filium Jacob, et Lucas eum filium appellarit Heli: non int6lligens consuetudinem Scripturarum, quod alter secundum naturam, alter secundum legem ei pater sit. Scimus enim hoc per M6ysen, Deo jubente, praec6ptum, ut si frater aut propinquus absque liberis mortuus fu6rit, alius accipiat uxorem ad suscitandum semen fratris vel propinqui sui.

Lectio VIII.

Joseph virum Mari6e. Cum virum audieris, suspicio tibi non subeat nuptiarum! sed recordare consuetudinis Scripturarum, quod sponsi viri, et sponsae vocentur uxores. Et a transmigrati6ne Babyl6nis usque ad Christum generati6nes quatu6rdecim. N6mera a Jerhon6a usque ad Joseph, et inv6nies generati6nes tr6decim. Quartad6cima ergo generati6 in ipsum Christum reputabitur. Christi autem generati6 sic erat.

Lectio IX.

Quaerat diligens lector et dicat: Cum Joseph non sit pater D6mini Salvat6ris, quid pertinet ad D6minum generati6nis ordo deductus usque ad Joseph? Cui respond6bimus primum, non esse consuetudinis Scripturarum, ut mulierum in generati6nibus ordo texatur. Deinde ex una tribu fuisse Joseph et Mariam, unde ex lege eam accipere cogebatur ut propinquam: et quod simul censentur in B6thlehem, ut de una videlicet stirpe generati.

MENSIBUS SEPTEMBRI
ET OCTOBRI

IN II. NOCTURNO.

(*seq. Lect. inserviunt etiam
pro vii. die infr. oct.*)

Sermo sancti Joánnis
Damascení.

Lectio IV.

Sermo 2. in Nativ. B. M. V.

Cum homo per imménsam Dei bonitátem in rerum náturam edéndus esset, in primis coelum exténditur, substérnitur terra, suis mare términis cláuditor, céteraque ómnia, quibus útraque complénda essent, in univérsti ornátu una prodúcta sunt. Tum postrémum homo, régio cultu in paradíso velut in virtútis schola pónitur, ac nisi violásset praeceptum, a vitáli illo loco numquam exuláset: cumque expers induménti esset, nisi divínis consíliis obstitisset, haudquáquam in multis variisque affectiónibus obnoxiam mutatiónem cecidisset, ut Dei monárchae loco plura númina cóleret. Cunctis itaque, ut verbo expédiam, interitióni déditis, miseránte Deo, ne quem suis ipse máni- bus formásset, in níhilum cé-

deret penitúsque abolerétur, coelum áliud novum, terrámque ac mare fábricat, in quibus propensióri consílio húmánium genus reformatúrus ipse caperétur, qui capi nusquam potest. Isthaec porro est beáta multiplicitérque celebránda Virgo.

Lectio V.

O rem miram! coelum quidem est, cum velut ex penitíssimis virginitátis thesáuris Solem justítiae próferat: terra vero, ceu quae ex intemérátis lumbis vitae spicam edat: mare tandem, útpote quae ex úteri sui sinu spiritálem margarítam prodit. Nunc itaque nova ejus, qui capi nequit, creatúra elúxit: universórum Regis regális áula paráta est, ejus qui incomprehensibilis est, ratióne utens diversórium instrúctum. Quam mundus iste magníficus est! Quam stupénda creatio, quae virtútum arbóribus venustátem habet, castitátis odóre fragrat, sensórum splendóribus claret, cunctisque bonis áliis nulla penúria frúitur: digna dénique prorsus est, in qua Deus ad hómines véniens inhábitet! Quinímo, inquit, mundus antérior quam máxime est admirábilis. Tum enim, cum creáta sunt sídera, lau-

davérunt me voce magna Angeli mei, et praedicavérunt: nihil vero sic Deo decens grátumque fuit, uti sancta, omnibúsque modis miránda Virgo.

Lectio VI.

O indulgéntiae demissiónem! Qui exímie bonus est proprii figménti proles audire non rénuít, amóre captus illius quae creátis ómnibus speciósior est, illam ampléxus, quae coeléstibus virtútibus dignitáte praeit. De hac itaque summe admirábilis Zacharías ait: Gáude et laetáre, filia Sion, quia ecce vénio, et habitábo in médio tui, dicit Dóminus. Sed et beatíssimus Joel, de eádem, ut quidem exístimo, ita propémódum nóscitur clamáre: Confidè terra, gáude et laetare, quia magnificávit Dóminus ut fáceret tibi. Terra namque est, in qua sacratíssimus Móyses umbráticæ legis calceaméntum sólvere ob grátiae commendatiónem jussus est. Terra est, in qua ille carne fundátus a spíritu cánitur, qui fundat terram super stabilitátem suam. Terra est, in qua nulla peccáta e nata spina; secus vero per cujus germen illud pótius evúlsum est. Terra est, non uti prior maledícta, ac

cujus fructus spinis ac tribulíis horréscant: sed super quam benedíctio Dómini fuit, et cujus fructus véntris benedíctus, ut sacro dictum est oráculo.

IN III. NOCTURNO.

Léctio sancti Evangélíi
secúndum Matthaeum.

Lectio VII.

Liber generatiónis Jesu Christi filii David, filii Abraham. Abraham genuit Isaac. Isaac áutem genuit Jacob. Et réliqua. *Cap. 1.*

Homília sancti Joánnis
Chrysóstomi.

Unde supra paulo post.

Cujus vero rei grátia librum ipsum generatiónis Christi vocat, ubi non sola útique generatío, sed tota prorsus ipsíus mystérii dispensatío continétur? Quia totíus scílicet dispensatiónis caput, radix atque princípium ómnium nobis in hoc consistit bonórum. Ut enim Móyses librum coeli appellávit, ac terrae, cum certe non de coelo solum terráque loquerétur, sed de cunctis quae inter ista subsístunt; ita étiam Evange-

lista ab ipso ómnium fonte et cápite bonórum librum vocávit.

Lectio VIII.

Qua vero de cáusa non eum ante filium Abrahae, et póstea filium David nuncupávit? Non, sicut opinántur áliqui, ab inferioribus volens ad superiora conscéndere. Céterum fecisset, quod fecit et Lucas; nunc áutem e contrário facit. Cur ergo commemorávit, priórem David? Quia ipse procul dúbio in ómnium versabátur ore, ob insigne honóris, et glóriae, ob ipsius quoque témporis spátia junctióra. Etsi enim utrúque promiserat Deus, sed tamen illud quasi antiquum reticebátur, hoc vero, quasi novum et recens, ab ómnibus celebrabátur.

Lectio IX.

Ipsi namque Judaei dicunt: nonne ex sémine David, et

Béthlehem castélló, unde erat David, venit Christus? Nemo igitur illum filium Abrahae; sed omnes filium David nominábant; qui étiam honorióres quosque de sanctitate reges, qui post David fuisse referúntur, ab illo omnes vocábant. Nec ipsi solum; verum étiam Deus; nam et Ezéchiel, et álii Prophétae dicunt, David surrectúrum esse eis, atque ventúrum: non de illo útique mórtuo jam loquéntes, sed de iis, qui illius virtútem erant imitáturi. Proptérea igitur a notióre ínterim, et celebratióre persóna sumit exórdium: et tum demum ad antiquiorem recúrrit paréntem.

**MENSIBUS NOVEMBRI,
ET DECEMBRI.**

Ut in die octava XV. Decembris. pag. 32.

COMMEMORATIONES

COMMUNES

SIVE

SUFFRAGIA SANCTORUM

PRO DIOECESI FLORENTINA

DE CRUCE.

In seriali tantum Officio.

Ad Vesperas, et ad Laudes.

Ant. Per signum Crucis de inimicis nostris libera nos, Deus noster.

ŷ. Omnis terra adoret te, et psallat tibi.

Ű. Psalmum dicat nómini tuo, Dómine.

ORATIO.

Perpétua nos, quaesumus Dómine, pace custódi, quos per lignum sanctae Crucis redímere dignatus es.

DE S. MARIA.

Quando non dicitur ejus Officium parvum.

Notandum quod haec com-

memoratio in Metropolitana et in omnibus Ecclesiis sub tit B. V. M. facienda est etiam quando dicitur Officium parvum ejusd. B. V. M. quia tunc agitur tamquam de Titulari. Ita decrevit S. R. C. die 23. Aprilis 1695. in Fossanen. et die 11. Augusti 1691. in Romana.

AD VESP. ET AD LAUD.

Ant. Sancta María succurre miseris, juva pusillánimes, réfove flébiles, ora pro populo, intéveni pro clero, intercède pro devóto foemíneo sexu: sentiant omnes tuum juvámén, quicúmque célebrant tuam sanctam commemoratióem.

ŷ. Ora pro nobis sancta Dei Génitrix.

n). Ut digni efficiámur promissionibus Christi.

ORATIO

Concède nos fámulos tuos, quæsumus Dómine Deus, perpétua mentis et córporis sanitate gaudere, et gloriósa beátæ Mariæ semper Vírginis intercessióne a praesénti liberári tristítia, et aetérna pérfrui laelítia.

Ab octava Epiph. usque ad Purif. dic.

ÿ. Post partum Virgo invioláta permansísti.

n). Dei Génitrix intercède pro nobis.

ORATIO.

Deus, qui salútis aetérnae, beátæ Mariæ virginitáte foecúnda humáno géneri prae-mia praestitísti: tríbe, quæsumus, ut ipsam pro nobis intercédere sentiámus, per quam merúimus auctórem vitae suscípere Dóminum nostrum Jesum Christum Fílium tuum.

DE S. JOANNE BAPTISTA

Civitatis Patrono.

AD VESPERAS.

Ant. Puer, qui natus est

nobis, plusquam prophéta est: hic est enim, de quo Salvátor ait: Inter natos mulierum non surréxit major Joánne Baptísta.

ÿ. Iste puer magnus coram Dómino.

n). Nam et manus ejus cum ipso est.

ORATIO.

Deus, qui praeséntem diem honorábilem nobis in beátí Joánnis commemoratióne fecísti, da pópulis tuis spirituálium gratiam gaudiórum, et ómnium fidélium mentes dirige in viam salútis aetérnae.

AD LAUDES

Ant. Apértum est os Zachariae, et prophetávit, dicens: Benedíctus Deus Israel.

ÿ. Iste puer magnus coram Dómino.

n). Nam et manus ejus cum ipso est.

Oratio. Deus, qui etc. ut *supr. in Vesp.*

Haec com. omittitur in Laudib. Vig. S. Joann. Baptistae, cum de eo fiat commem. in orat. Officii.

DE S. JOSEPH.

Totius Domini Florentini Patrono.

AD VESPERAS.

Ant. Ecce fídelis servus et prudens, quem constituit Dóminus super familiam suam.

†. Glória et divítiae in domo ejus.

℟. Et justítia ejus manet in saeculum saeculi.

OARTIO.

Sanctíssimae Genitrícis tuae Sponsi, quaesumus Dómine, méritis adjuvémur; ut quod possibílitas nostra non obtinet, ejus nobis intercessióne donétur.

AD LAUDES.

Ant. Ipse Jesus erat incipiens, quasi annórum triginta, ut putabátur filius Joseph.

†. Os justí meditábitur sapientiam.

℟. Et lingua ejus loquétur judícium.

Oratio. Sanctíssimae Genitrícis etc. *ut supr. in Vesp.*

DE APOSTOLIS.

AD VESPERAS.

Ant. Petrus Apóstolus, et Páulus doctor Géntium, ipsi nos docuérunt legem tuam, Dómine.

†. Constitúes eos príncipes super omnem terram.

℟. Mémoires erunt nóminis tui, Dómine.

ORATIO.

Deus, cujus dextera beátum Petrum ambulátem in fluctibus, ne mergerétur, eréxit: et coapóstolum ejus Páulum tértio naufragátem de profundo pélagi liberávit: exáudi nos propítius, et concéde, et ambórum méritis aeternitátis glóriam consequámur.

AD LAUDES.

Ant. Gloriósi príncipes terrae, quómodo in vita sua dilexérunt se, ita et in morte non sunt separáti.

†. In omnem terram exívit sonus eórum.

℟. Et in fines orbis terrae verba eórum.

Oratio. Deus, cujus etc. *ut supr. in Vesp.*

DE S. ZENOBIO

Dioecesis Patrono

AD VESPERAS

Ant. Hic est fratrum amátor, et pópuli; hic est qui multum orat pro pópulo, et pro univérsa Civitáte sua.

ŷ. Sapiéntiam ejus enarrábunt gentes.

℞. Et láudem ejus enuntiábit Ecclésia.

ORATIO.

Deus qui beátum Zenóbium Confessórem tuum atque Pontíficem praedicationis grátia, virtútum et miraculorum glória sublimásti; da fámulis tuis, quae dócuit, intelléctu conspícere, et quae egit imitatióne complére.

AD LAUDES.

Ant. Ossa illíus visitáta sunt, et post mortem prophétavérunt.

ŷ. Sapiéntiam ejus enarrábunt gentes.

℞. Et láudem ejus enuntiábit Ecclésia.

Oratio. Deus qui beátum Zenóbium etc. *ut supra in Vesperis.*

DE S. ANTONINO

Dioecesis Compatrono.

AD VESPERAS

Ant. Amávit eum Dóminus, et ornávit eum: stolam glóriæ induit eum, et ad portas paradísi coronávit eum.

ŷ. Justum dedúxit Dóminus per vias rectas.

℞. Et osténdit illi regnum Dei.

ORATIO.

Sancti Antoníni, Dómine, Confessóris tui atque Pontíficis méritis adjuvémur: ut sicut te in illo mirábilem praedicámus, ita in nos misericórdem fuisse gloriémur.

AD LAUDES

Ant. Euge serve bone, et fidélis, quia in páuca fuísti fidélis, supra multa te constítuam, dicit Dóminus.

ŷ. Justum dedúxit Dóminus per vias rectas.

℞. Et osténdit illi regnum Dei.

Oratio. Sancti Antoníni etc.

DE S. REPARATA

*Ecclesiae Metropolitanae
Conttulari, in ipsa tantum
Metropolitana.*

AD VESPERAS.

Ant. Veni sponsa Christi, áccipe corónam; quam tibi Dóminus praeparávit in aetérnum.

ŷ. Diffúsa est grátia in lábiis tuis.

℞. Proptérca benedíxit te Deus in aetérnum.

ORATIO.

Deus, qui inter caetera potentiae tuae miracula etiam in sexu fragili victoriam martyrii contulisti: concede propitius, ut qui beatae Reparatae Virginis et Martyris tuae commemorationem colimus, per ejus ad te exempla gradiamur.

AD LAUDES

Ant. Simile est regnum caelorum homini negotiatori quaerenti bonas margaritas, inventa una pretiosa dedit omnia sua, et comparavit eam.

Ÿ. Diffusa est gratia in laeibus tuis.

℟. Propterea.

Oratio. Deus qui inter coetera etc. *ut supr. in Vesp.*

Vel sequens pro variatione.

ORATIO.

Indulgentiam nobis, quaesumus Domine, beata Reparata Virgo et Martyr imploret: quae tibi grata semper exti-

lit, et merito castitatis, et tuae professione virtutis.

PRO PATRONO

Vel Titulari propriae Ecclesiae, vel Capellae fiant commemorationes consuetae, ante, vel post commemorationes praedictas, pro dignitate illius, et ultimo loco de Pace.

DE PACE

AD VESP. ET AD LAUD.

Ant. Da pacem, Domine, in diebus nostris, quia non est alius qui pugnet pro nobis. nisi tu, Deus noster.

Ÿ. Fiat pax in virtute tua.

℟. Et abundantia in turribus tuis.

ORATIO.

Deus, a quo sancta desideria, recta consilia, et justa sunt opera; da servis tuis illam, quam mundus dare non potest, pacem; ut et corda nostra mandatis tuis dedita, et hostium sublata formidine, tempora sint tua protectione tranquilla. Per Dominum.

INDEX OFFICIORUM

NOVEMBER

Die 27. B. Leonardi a Portu Mauriti. C. dup. . Pag. 3

DECEMBER

Die 4. S. Bernardi Card. Ep. C. Flor. dup.	5
Die 5. S. Petri Chrysolog. Ep. C. D. dup.	7
Die 8. Immac. Concept. B. M. V. dup. 2. cl. cum oct.	11
Die 9. secunda infr. oct. SS. Concept. sem.	18
Die 10. Translat. Almae Domus Lauret. dup. maj.	20
Die 11. S. Damasi Pp. C. dup.	28
Die 12. B. Joannis Dominici Ep. Card. C. Flor. . .	<i>ibid.</i>
Die 14. S. Barbarae V. M. dup.	30
Die 15. Octava Immac. Concept. B. M. V. dup. . .	32
Die 16. S. Eusebii Ep. m. sem.	34
Die 18. Expect. Partus B. M. V. dup. maj.	36

JANUARIUS

<u>Dom. 2. post Epiph. SS. Nominis Jesu dup. 2. cl.</u>	<u>45</u>
<u>Die 14. S. Hilarii Ep. C. D. dup.</u>	<u>54</u>
<u>Die 23. Desponsat. B. M. V. cum S. Joseph dup. maj.</u>	<u>56</u>
<u>Die 26. Translat. S. Zenobii Ep. C. Flor. dup. . .</u>	<u>62</u>
<u>Die 28. S. Titi Ep. C. dup.</u>	<u>64</u>

FEBRUARIUS

<u>Die 1. S. Verdianae V. Flor. dup.</u>	<u>67</u>
<u>Die 2. Purific. B. M. V. in Metr. dup. 1. cl. extra</u>	
<u>2. cl. et ubique cum octava.</u>	<u>69</u>
Die 3. S. Blasii Ep. M. sem.	<i>ibid.</i>
Die 6. Quinta infr. oct. Purif. B. M. V. sem. . . .	<i>ibid.</i>

Die 8. S. Petri Ignei Card. Ep. C. Flor. dup.	Pag. 72
Die 9. Octava Purific. B. M. V. dup.	74
Die 10. S. Scolasticae V. dup.	76
Die 11. BB. Septem Fundat. O. Servor. B. M. V. dup. 2. cl.	78
Die 12. S. Joannis de Matha C. dup.	87
Die 13. S. Catharinae de Riccis V. Flor. dup. . . .	<i>ibid.</i>
Die 14. S. Raymundi de Pennaf. C. sem.	88
Die 15. S. Polycarpi Ep. M. dup.	89
Die 16. S. Ignatii Ep. M. dup.	<i>ibid.</i>
Die 17. B. Alexii Falcon. C. Flor.	<i>ibid.</i>
Die 18. B. Juliae a Certaldo V. dup.	92
Die 23. S. Margaritae de Corton. dup.	93
Die 25. S. Petri Damiani Card. Ep. C. D. dup. . .	97
Die 26. S. Andreae Ep. C. Flor. dup. maj. . . .	99
Die 28. B. Antoniae vid. Flor. dup.	<i>ibid.</i>

MARTIUS

<u>Fer. iij. post Dom. Sept. Com. Orat. D. N. in M.</u> <u>Oliv. dup. maj.</u>	101
<u>Fer. iij. post Dom. Sexag. Com. Passion. D. N. J.</u> <u>Chr. dup. maj.</u>	114
<u>Fer. vj. post Cineres, Com. SS. Spineae Coron. D.</u> <u>dup. maj.</u>	132
<u>Fer. vj. post Dom. 1. Quadr. SS. Lanceae et Clavor</u> <u>D. dup. maj.</u>	144
<u>Fer. vj. post Dom. 2. Quadr. Com. SS. Sindonis D.</u> <u>N. dup. maj.</u>	157
<u>Fer. vj. post Dom. 3. Quadr. SS. V. Vulnerum D.</u> <u>N. dup. maj.</u>	170
<u>Fer. vj. post Dom. 4. Quadr. Practiosiss. Sang. D.</u> <u>N. dup. maj.</u>	184
<u>Fer. vj. post Dom. Pass. Fest. VII. Dolor. B. M. V.</u> <u>dup. maj.</u>	200
Die 1. B. Villanae de Bott. vid. Flor. dup. . . .	214
Die 2. Translat. S. Antonini Archiep. Flor. dup. .	217
Die 8. S. Joannis de Deo C. dup.	<i>ibid.</i>
Die 11. S. Catharinae V. de Bonon. dup. . . .	220
Die 14. Fest. B. M. V. de Succurs. dup. maj. . .	222
Die 16. B. Torelli C. dup.	225
Die 18. S. Gabrielis Arch. dup.	226

Die 19. S. Joseph C. Sp. B. M. V. Etrur. Patron. dup. 1. cl.	Pag. 235
Die 20. B. Hippolyti Galant. C. Flor. dup.	243
Die 25. In Metr. Dedicat. Eccles. dup. 1. cl.	246
Die 26. In Metr. Annuntiat. B. M. V. dup. 2. cl. extra Dedicat. Eccl. Metrop. dup.	<i>ibid.</i>

APRILIS

Die 1. Impress. SS. Stigmat. in Corp. S. Catharinae Senens. V. dup.	<i>ibid.</i>
Die 4. S. Isidori Ep. C. D. dup.	247
Die 9. B. Ubaldi de Adim. C. Flor. dup.	251
Die 19. S. Crescentii C. Flor. dup. maj.	253
Die 20. S. Agnetis de Monte Polit. v. dup.	254
Die 24. S. Fidelis a Sigmar. Prothom. de Propag. dup.	256
Die 26. Fest. Apparit. Imag. B. M. V. de Bono Con- silio dup. maj.	268
Die 27. SS. Cleti et Marcellini PP. mm. sem.	275

MAJUS

Dom. iij. post Pasch. Fest. Patrocinii S. Joseph C. Sp. B. M. V. dup. 2. cl.	275
Dom. j. Maii Fest. B. M. V. Div. Past. Matr. dup. maj.	283
Die 2. S. Antonini Archiep. Flor. Compatr. dup. 2. cl.	290
Die 5. S. Pii V. Pp. C. dup.	<i>ibid.</i>
Die 10. B. Nicolai Alberg. Ep. C. dup.	292
Die 11. B. Joannis a Vespinian. C. dup.	294
Die 13. S. Athanasii Ep. C. D. dup.	298
Die 14. B. Gherardi a Villam. C. dup.	<i>ibid.</i>
Die 15. S. Peregrini Lat. C. dup.	301
Die 16. S. Joannis Nepom. m. dup.	303
Die 17. S. Paschalis Bayl. C. dup.	306
Die 19. B. Humilianae de Cerch. Vid. Fl. dup.	308
Die 20. S. Guidi de Gherard. C. dup.	310
Die 21. S. Felicis de Cantal. C. sem.	313
Die 22. S. Humilitatis Abb. vid. dup.	316
Die 23. S. Petri Coelest. Pp. C. dup.	318
Die 24. Fest. B. M. V. sub. tit. Auxil. Christ. dup. maj.	<i>ibid.</i>

Die 25. S. Zenobii Ep. Flor. totius Dioecesis Patroni principal. dup. 1. cl. cum oct	325
Die 26. S. Philippi Nerii C. Flor. dup. 2. cl. . . .	335
Die 27. S. M. Magd. de Paz. v. Flor. dup. 2. cl .	<i>ibid.</i>
Die 28. S. Podii Ep. Flor. C. dup. maj.	<i>ibid.</i>
Die 29. S. Gregorii Pp. VII. C. dup.	<i>ibid.</i>
Die 30. S. Bernardini Senens. C. sem	338
Die 31. Translat. S. M. Magd. de Paz. v. Flor. sem.	<i>ibid.</i>

JUNIUS

Fer. vj. post Oct. SS. Corp. Chr. Fest. SS. Cordis Jesu dup. maj	<i>ibid.</i>
Dom. iij. post Pent. Fest. SS. Cordis B. M. V. dup. maj.	347
Die 1. Junii Octava S. Zenobii Ep. Flor. dup . .	354
Die 2. B. M. Bartholom. de Bagn. v. Flor. dup. maj.	357
Die 3. S. Ubaldi Ep. C. sem	359
Die 4. S. Francisci Caracc. C. dup	<i>ibid.</i>
Die 12. S. Joannis a S. Fac. C. dup	361
Die 17. S. Raynerii C. dup.	363
Die 18. B. Petri de Pisis C. dup	368
Die 19. S. Julianae de Falcon. v. Flor. dup. 2. cl.	369
Die 20. B. Benincasae C. Flor. dup	372
Die 21. S. Aloysii Gonz. C. dup	374
Die 25. S. Gulielmi Abb. dup	377

JULIUS

Dom. j. Julii Fest. praetioss. Sanguinis. D. N. J. Chr. dup. 2. cl.	379
Dom. iij. Julii Fest. SS. Redemptoris dup. 2. cl. .	<i>ibid.</i>
Die 3. S. Irenaei Ep. m. dup	394
Die 7. S. Romuli Ep. m. dup	399
Die 9. S. Veronicae de Julian. v. dup	401
Die 11. B. Angeli Augustini Mazz. C. Flor. dup. .	403
Die 12. S. Joannis Gualberti Ab. C. Flor. dup. 2. cl.	405
Die 16. B. M. V. de Monte Carmelo dup. maj . .	<i>ibid.</i>
Die 18. S. Camilli de Lell. C. dup	408
Die 19. S. Vincentii a Paulo C. dup.	412
Die 20. S. Hieronymi Aemil. C. dup.	414
Die 21. S. Eliae Prophetae dup	418
Die 24. S. Christinae v. m. dup	427
Die 30. SS. Abdon et Sennen mm. dup.	429

AUGUSTUS

Die 2. S. Stephani Pp. m. dup.	Pag. 431
Die 9. B. Joannis a Salerno C. dup.	433
Die 11. S. Philumenae v. m. dup.	435
Die 14. S. Alphonsi Mariae de Lig. Ep. C. dup.	436
Die 16. S. Rochi C. dup.	439
Die 20. Sexta infr. oct. Assumpt. B. M. V. sem.	441
Die 21. Septima infra oct. Ass. B. M. V. sem.	445
Die 23. S. Philippi Benit. C. Flor. dup. 2. cl.	447
Die 26. S. Hyacinthi C. dup.	448
Die 27. S. Josephi Calas. C.	<i>ibid.</i>
Die 30. S. Rosae a S. Maria V. Lim. dup.	451

SEPTEMBER

Dom. proxim. Kal. Sept. vel post. Fest. S. Augustini Ep. C. Fest. B. M. V. de Consolat. dup. maj.	452
Dom. iij. Fest. VII. Dolor. B. M. V. dup. 2. cl. com. oct.	458
Dom. jv. Oct. VII. Dolor. B. M. V. dup.	474
Die 1. S. Bernardi Conf. et D. dup.	476
Die 2. S. Justi Ep. Lugd. C. dup.	478
Die 3. S. Joannae Franciscæ Frem. de Chant. dup.	<i>ibid.</i>
Die 4. S. Rosae Viterb. v. dup.	480
Die 6. S. Stephani Reg. C. sem.	482
Die 7. B. Joannae Soderin. v. Flor. dup.	<i>ibid.</i>
Die 18. S. Josephi a Cupert. C. dup.	484
Die 22. B. Mariae de Cervell. v. dup.	490
Die 23. S. Lini Pp. m. dup.	492

OCTOBER

Dom. j. Solemnit. SS. Rosarii B. M. V. dup. maj.	492
Dom. ij. Fest. Maternitatis B. M. V. dup. maj.	495
Dom. iij. Fest. Puritat. B. M. V. dup. maj.	502
Die 1. S. Emidii Ep. m. dup.	508
Die 8. S. Reparatae v. m. in <i>Metr.</i> dup. 1. cl. cum. Oct. <i>extr.</i> dup.	511
Die 11. S. Birgittae vid. dup.	<i>ibid.</i>
Die 12. jv. infr. oct. S. Reparatae v. m. sem.	<i>ibid.</i>
Die 14. S. Callisti Pp. m. dup.	514
Die 15. Oct. S. Reparatae v. m. dup.	515

Die 16. S. Theresiae v. dup.	517
Die 20. S. Joannis Cantii C. dup.	518
Die 21. SS. Ursulae etc. vv. mm. dup.	521
Die 24. S. Raphaelis Archang. dup.	<i>ibid.</i>
Die 25. S. Miniatis m. Flor. dup.	530
Die 26. Translat. S. Andreae Cors. Ep. Fesul. C.	
Fl. sem	531
Die 27. SS. Crescii etc. mm. Flor. dup.	<i>ibid.</i>
Die 31. B. Thomae Bellac. C. Flor. dup.	<i>ibid.</i>

NOVEMBER

Dom. iij. Fest. Patroc. B. M. V. dup. maj.	533
Die 4. S. Caroli Ep. C. dup. maj.	<i>ibid.</i>
Die 9. Dedic. Basilic. SS. Salvatoris dup.	<i>ibid.</i>
Die 10. S. Andreae Avell. C. dup.	534
Die 13. S. Stanislai Kotstk. C. dup.	536
Die 14. B. Joannae de Signia V. dup.	539
Die 15. S. Gertrudis v. dup.	542
Die 16. S. Didaci C. sem.	544
Die 17. S. Eugenii C. Flor. dup. maj.	<i>ibid.</i>
Die 18. Dedicat. Basilic. SS. Ap. Petri et Pauli dup.	<i>ibid.</i>
Die 24. S. Joannis a Cruce C. dup.	545
Die 26. S. Gregorii Thaum. Ep. C. sem.	548
Officium de SS. Corpore Christi	549
Officium Immaculatae Conceptionis B. M. V.	551
Suffragia Sanctorum	563
Index Officiorum.	569





